



BIBLIOTECA NAZ.
Vittorio Emanuele III

X

D

33

NAPOLI



FRANCISCI ANNATI

SOCIET. I^ESV

OPVSCVLA
THEOLOGICA

AD GRATIAM SPECTANTIA

IN TRÊS DIGESTA TOMOS

Quorum argumenta, proxima post epistolam pagina
indicantur.



LVTETIÆ PARISIORVM,
Apud SEBASTIANVM CRAMOISY, & SEBASTIANVM
MABRE-CRAMOISY Regios Typographos, sub Ciconiis.

M. DC. LXVI.

CVM PRIVILEGIO REGIS.





LVDOVICO XIV. R E G I

CHRISTIANISSIMO

FRANCISCVS ANNATVS S. I.

Immortalitatem.

QUAE pro Diuina gratia defensione aliis alia temporibus Latina lingua edidi, REX MAXIME: ea nunc in unum collecta corpus Majestati Tuae supplex dico confecroque. Munus Te dignum, si argumenti ratio habeatur; Tibi debitum, si auctoris; gratum certè, vel ipso tuenda gratia consilio, futurum. Illius inquam gratia, quam dum li-

EPISTOLA.

bris plerique defenderemus , tu edictis sanctissimis protexisti : princeps vere Christianissimus , qui populis tuis id quo Christiani sunt asserueris. Et par erat certe per eum a nouis errorum monstribus caelestem gratiam vindicari , qui gratia opus ipse est , ac caeleste munus prater spem omnem diuinitus huic imperio concessum. Te Gallia Deus largitus est , tibi mentem orbi terrarum regendo parem ; domi tranquillitatem , foris victorias , summam terra marique potentiam. Animum dedit amantem belli , fautorem pacis ; cuius deliciae , arma sunt ; cuius studia , juris morumque compositio : ut in te verius quam in Iustiano quondam Casare maiestatem intrueri liceat armatam legibus , armis de-

EPISTOLA

coratam. Quæ dum apud Te commemoro, REX OPTIME: diuina scilicet beneficia prædico. Partem sibi quidem in iis vindicat singularis tua sapientia, quæ regiis consiliis sic præest una, ut ad Dei exemplum per ipsam omnia moliaris: qua virtute qui sunt instructi, suæ sibi felicitatis auctores videri solent. Sed illa ipsa sapientia, ut de cæteris taceam quibus præditus es imperatoriis virtutibus, habet hoc in te peculiare, ut Dei munus tota censenda sit. Cum enim eam ad res gerendas jam adultam attuleris: non usu a te comparata, ut a cæteris solet; sed, quod proprium heroum est, hausta diuinitus, & infusa nascenti videtur. Quo fit ut in Dei beneficiis numeremus, non ea tantum, quæ tua tibi felicitas natu

EPISTOLA.

minori attulit: sed etiam quæ certo & destinato consilio per te ipse postea effecisti. Magnum pondus sustinet, PRINCEPS AVGVSTISSIME, quisquis tantum Deo debet: qui ut est in largiendo benignus, ita seuerus esse in repetendo cum ab aliis, tum præsertim a regibus solet. Iusta igitur & necessaria tibi causa fuerunt, cur & religionis, qua rex ille regum colitur; & gratiæ, qua regni ipsius opes viresque continentur, vindicem te acerrimum præberes. Mibi vero par prope imposita necessitas est, cum omnes meas, tum maxime susceptas pro defendenda Christi gratia vigilas, Majestati Tuæ consecrandi.





SYNOPSIS OPUSCULORVM.

TOMO I.

- I. *De scientia media, contra nouos ejus impugnatores.*
 - II. *Eugenii Philadelphi Romani, hoc est, Francisci Annati, Exercitatio scholastica tripartita contra nouam rationem tuendi physicas praemotiones liberorum agentium, quam autor operis de libertate Dei, hoc est, Guillelmus Gibieuf, nuper inuexit. Cum Appendicè ad Guillelmum Camerarium Scotum.*
-

TOMO II.

- Augustinus à Baianis, hoc est, Iansenianis, vindicatus.*
-

TOMO III.

- I. *Catholica disceptatio de Ecclesia praesentis temporis.*

I I. De Incoacta libertate. Contra

1. *Nouum Augustinum Iprensis Episcopi.*
2. *Vincentium Lenem.*
3. *Apologistam Iansenii.*
4. *Commentatorem quinque propositionum.*

I I I. Informatio de quinque Propositionibus ex Iansenii Theologia collectis, quas Episcopi Gallia Romano Pontifici ad censuram obtulere.

IV. Jansenius à Thomistis gratia per seipsam efficacis defensoribus condemnatus.

V. Cauilli Iansenianorum contra latam in ipsos à Sede Apostolica sententiam, seu, Confutatio libelli trium columnarum &c.

His Quinque Opusculis premissa sunt singula singulis Admonitiones ad Lectorem, & Nota in Diarium Sanctamorii.



FRANCISCI
ANNATI

SOCIET. IESV
OPVSCVLORVM
THEOLOGICORVM
AD GRATIAM SPECTANTIVM
TOMVS PRIMVS.

SCIENTIA MEDIA
CONTRA
NOVOS EIVS IMPVGNATORES
DEFENSA.

THE
JOURNAL
OF THE
ROYAL ANTHROPOLOGICAL INSTITUTE
VOLUME 11
PART 1
1881



AVCTOR LECTORI HVIUS EDITIONIS.

DE FENSIONEM Scientiæ Mediæ ante annos sexdecim editam noua statim excepit accusatio. Ad supremum fidei tribunal, hoc est ad Petri sedem, causa delata est. Sedebat tunc Innocentius decimus felicitis recordationis, qui librum ad se missum commisit sacræ Congregationi Romanæ Inquisitionis examinandum. Designati sunt qui examinarent, & tempus legitimum examini datum. De doctrina num esset examinanda censuræ non fuit admodum anceps aut impedita consultatio; difficultatem iniecerunt argumenta quæstionum & pertractata materies. Videbantur enim attingi controuersie de *Auxiliis Diuina Gratiæ*, de quibus ne quid in publicum ederetur iteratò cautum erat post

decretum Pauli V. ab Urbano VIII. Summo Pontifice. Sed hæc quoque difficultas præjudicium habuit quo faciliè solueretur. Prostabant tunc Romæ publicè venales tum Cursus Salmanticensium, tum Commentarii P. Ioannis à S. Thoma in I. P. D. Thomæ, in quibus eadem omnino quæstiones quæ agitantur hoc in libro fusè tractantur, cum aliqua silentii nostri, exprobratione, ac proinde cum aliqua ad respondendum prouocatione. Quo factum est, vt pro necessaria iudiciorum æquitate & æqualitate legum, quando Scientiæ Mediæ impugnatio non credebatur attigisse quæstiones vetitas, defensio quoque ab eadem præuaricatione absolueretur. Atque hoc fuit iudicium Sacræ Congregationis sequenti decreto, cuius authenticum est apud me, ritè expressum.

Feria 4. die 16. Maij 1646.

„ **I**N Generali Congregatione S. R. & Vni-
 „ uersalis Inquisitionis habita in Conuentu S.
 „ Mariæ supra Mineruam, coram Eminentissi-
 „ mis & Reuerendissimis S. R. E. Cardinalibus
 „ in tota Republica Christiana aduersus hæreti-
 „ cam prauitatem à Sede Apostolica deputatis.
 „ Sacra Congregatio, audita sæpius relatione
 „ doctrinæ contentæ in Libro P. FRANCISCI
 „ ANNATI è Societ. IESV, cui titulus, *Scientia*

Media, censuit posse permitti quòd liber Ro-
mæ vendatur, mutato tamen Frontispicio. “

IOAN. ANTONIVS THOMASIVS, San-
ctæ Romanæ & Vniuersalis Inquisitionis “
Notarius. “

Locus † sigilli. “

MVTATIO quæ præscripta est in Fronti-
spicio facienda, non est alia, quàm omis-
sio enumerationis eorum Auctorum cum qui-
bus disputo. Visum enim est non fuisse in v-
num catalogum vniendos ad primum Lectoris
aspectum, quos fides ac religio distingueret,
ne fortè quis in ipso statim aditu libri, aut fal-
leretur dum putat hæretico cum Catholicis
conuenire, aut perperam interpretaretur con-
sensum Catholicorum cum hæretico. Cætera
intacta permansere.

Placuit Academiæ Tolosanæ suo quoque
suffragio testari in hac causa, quam in cæteris
doctrinæ controuersiis & proficitur & seruat
conformitatem cum Romanis Iudiciis. Hoc
verò luculenter præstitere Theologicæ Facul-
tatis Professores eximii sequenti testimonio.

Approbatio Professorum Theologia Vniuersitatis Tolosane.

NOs infra scripti Theologiæ Professores Vniuersitatis
Tolosanæ testamur à nobis diligenter lectum esse &
accuratè examinatum librum, cui titulus est, *Scientia Media*
a iij

contra novos ejus impugnatores defensa, propugnante P. FRANCISCO ANNATO Societate IESV. Nihilque in eo deprehensum quod sacrae Scripturae sanctisque Patribus rectissime non congruat. Datum Tolosae die decima septima mensis Decembris, anno Domini millesimo sexcentesimo quinquagesimo sexto.

FR. SIMPLICIANVS Professor Regius & Facultatis Decanus.

FR. LAVDON Professor Regius Augustinianus.

FR. FRAYSSINOVVS Professor Regius in Theologia.

FR. ANTONIVS SOLENNE Professor Carmelitarum.

Theologicae Facultatis iudicio subscripsit Academia tota sequenti decreto.

Approbatio Vniuersitatis Tolosanae.

CVM Theologiae Facultas per Decanum suum nobis retulerit librum, cui titulus *Scientia Media contra novos ejus Impugnatores defensa, propugnante P. FRANCISCO ANNATO Societatis IESV*, à se diligenter lectum & examinatum fuisse, nihilque in eo deprehensum quod sacrae Scripturae sanctisque Patribus rectissime non congruat; placuit vniuersae Academiae, sacrae Facultatis testimonio subscribere, & hoc decreto opus magno Theologo & Confessario Regio dignum ducere. Datum Tolosae, die decima-septima mensis Decembris, anno millesimo sexcentesimo quinquagesimo sexto.

ANTONIUS DADINVS ALTESERRA V. I. Professor & Rector Vniuersitatis Tolosanae.

De mandato Domini Rectoris FARAMON, Secretarius.

Locus † sigilli.

HÆC ego te, optime Lector, prae-monere
volui, atque huic Editioni Defensionis
Scientiae Mediae praemittere, vt tantae auctori-

tatis iudicio inculpatam esse constaret. Sed ne
intempestiua quoque videretur aut superflua ,
suasit multorum desiderium , qui non vno ex
loco , sed variis etiam ex regionibus postula-
runt vt hæc lucubratiuncula fieret communior
& magis obuia. Faxit Deus vt ad cognitio-
nem veritatis iuuare possit , qui vnus scribenti
mihi scopus propositus est. Vale. E Fonte Bel-
laquensi 20. Iunii anno 1661.



Facultas Prouincialis Prouincia Tolosana.

EG o Richardus Mercier in Prouincia Tolosana Socie-
tatis Iesv Præpositus Prouincialis , iuxta facultatem
mihi à R. P. Generali Mutio Vitellefco factam , permit-
to typis mandari Opus de *Scientia Media contra novos eius Im-*
pugnatores defensa à P. Francisco Annato , ejusdem nostræ
Societatis Theologo elucubratum , & à tribus Theologis
examinatum & approbatum. In cuius permissionis fidem has
litteras manu mea subscriptas & sigillo mei Officij munitas
dedi Tolosæ 2. Ianuarii 1645.

RICHARDVS MERCIER.

SVMMA PRIVILEGII.

CAVTVM est auctoritate Regis, ne quis in Regno
eius, aliisque locis ejus ditioni subditis, librum, qui
sic inscribitur, FRANCISCI ANNATI Societatis
IESV Opuscula Theologica ad Gratiam spe-
stantia, in tres digesta tomos; quovis caractere
aut formâ excudere, aut alibi excusum vendere, aliôve quo-
libet modo distrahere possit, intra decem annos, computandos
à die absoluta hujus editionis, præter Sebastianum Cramoisy,
Regis & Regine Architypographum, Regie Typographiæ
Gubernatorem, necnon urbis Exconsulem. Qui secus fecerit,
multa est indicta, prout fusiùs in diplomate Regio contine-
tur, Dato Parisius, die 10. Maii 1666. & signato de
mandato Regis, BEGVIN.

ADMONITIO

AD LECTOREM.



VM sit in primis cauendum, ne in hisce disputationibus excedamus præscriptos à Romano Pontifice limites, qui seuerè prohibuit editionem tractatum & disputationum in materia de *Auxilijs*; monendum putauì Catholicum Lectorem me mibi visum ea in parte dicto audientem & Vicario Christi obedi-tem, duplici ratione. Prima petitur ab exemplo magnorum & piorum virorum. Nam PP. Carmelitani Discalceati qui suos in primam partem Commentarios edidere post decretum ab Urbano VIII. felicitis recordationis promulgatum anno 1625. mense Maio, ita loquuntur. *Aduertendum tamen, consultò nos in hoc dubio tantum esse loquutos de equalitate gratuita voluntatis Dei, non verò auxiliorum gratuite quæ in voluntate creata recipiuntur, vt ne minimum quidem verbum quantum fieri possit de his proferamus: vt ita longissimè distemus à non adeò perfecta obseruatione decreti Sanctissimi Domini nostri Romani Pontificis, quo cautum est ne tractatus & disputationes de efficacia auxiliorum diuinæ gratiæ typis mandentur.* P. Ioannes à S. Thoma, qui scripsit sexennio post Patres Discalceatos, eandem præse fert religionem, vt constat ex his verbis. *Et quidem non licere in hac parte alteram partem censurare aut qualificare ex mandato Pauli V. & Urbani VIII. constat: nec licere etiam scribere & imprimere in materia auxiliorum diuinorum ex edicto eiusdem Pontificis iterum roborato & confirmato à Sanctissimo Domino nostro Urbano VIII. in Cong.* E ij

Tract 3. de
Scientia
Dei, Disp:
9. Dub. 1.

Disp. 20. in
1. p. ar. 6,
pag. 625.

gregatione Generalis Inquisitionis die 22. Maij 1625. manifestum est. Nunc autem quid de Scientia ista sentiri possit, &c. Est autem præterea manifestum, magnum esse numerum eorum qui ex vtraque familia & S. Dominici & PP. Discalceatorum consilia hæc atque opera comprobarunt: ut dubium esse non possit, quin quaestiones illæ quæ sunt ab ijs pertractatæ, innocenter potuerint atque impunè tractari, typisque mandari. Ego igitur qui nullam omnino difficultatem hoc in opere agito, quam illi non agitaerint priùs, vel dum agunt de Scientia media, vel dum de diuinis humanorum actuum prædefinitionibus; non possum non esse tanto talium virorum exemplo immunis ab omni præuaricationis suspicione.

Altera ratio petitur ex ipso Pontificiorum Decreto-
rum tenore, quibus vetatur tantum editio tractatum,
in quibus disputatur de *Auxilijs* vel *ex professo* vel etiam
incidenter: seu quod idem est, de *Gratia & Libero Arbi-*
trio. De Scientia Media ne disputaretur editis in lucem
Scriptis, prohibitio hæcenus nulla fuit. Et ideo ex om-
nibus ferè Orbis Christiani partibus prodire diuerso-
rum Ordinum opera, quibus Scientia Media vel op-
pugnatur vel propugnatur liberè, nemine prorsus re-
clamante. Nec refert quòd facilis sit deductio ex affir-
matione aut negatione Scientiæ Mediæ ad alteram par-
tem affirmandam aut negandam in quaestione de Au-
xilijs, quia nusquam vetitum est, nec vetari facilè po-
tuit, ne principia tractarentur ex quibus fieri possunt
illæ deductiones cum nulla sit ferè Theologiæ pars in
qua necesse non sit talia quædam iacere fundamenta
quæ alterutri parti vsui esse possint. Prohibetur ergo
tantum ad conclusiones progressus, à quo etiam ego
abstineo. De *Auxilijs* enim non disputo: *Gratiam physicè*
prædeterminantem, nusquam impugno: *Moraliter tantum*
excitantem nullibi adstruo: *Discrimen efficacia à sufficiente*
non expono, uti prudens Lector facilè comperiet. Cum
TVissio Calvinista sic ago, ut postquam argumento ad
cuius solutionem omnes ille Iesuitas prouocauerat res-
pondi; vrgeam contra illum ea vicissim argumenta quæ

trita iam sunt versataque ab omnibus in quæstione de Scientia Media, Doctorem Anonymum, Salmanticenses, Ioannem à S. Thoma ita sequor, ut hæreat pedis pes, neque vnquam diuertam nisi quorsum illi duxerint.

Nam de nupero Urbani VIII. decreto, quo cautum est ne quis vel pro, vel contra Iansenium aliquid moueat, hoc tantum præmittam. Cum homine isto, quia pax esse non potest, inducias certè à me seruatas esse quam religiosissimè: neque illum vsquam vexatum in hac lucubratione, sed ne nominatum quidem. Aræ scilicet maiori debebatur illa victima: & iam fortè post repetita contra illius doctrinam anathemata, videri possit, nec esse necessarium litigare cum homine damnato, neque decorum insultare fulgurito. Quod si quæ ratio aliud postulabit, eritque libera eiuscæ disputationis facultas, parata sunt queis probari possit iustissimam fuisse quæ in eum lata est Ecclesiæ sententiam, esseque Antiquum Nouo diuersissimum Augustinum.

Hac præmissâ cautione, iam quæ me ad scribendum impulit ratio in promptu est. Silentium videlicet nostrum Aduersarij secus interpretantur. Ediderant Salmanticenses nouam & inexpectatam narrationem de condemnatione Scientiæ Mediæ à triginta ut ipsi numerant Censoribus, quibus hoc iudicium commiserant Summi Pontifices Clemens VIII. & Paulus V. item de priuata eorundem Pontificum subscriptione. Et cum esset maxima illius narrationis conuincendæ copia, siluimus tamen toto sexennio. En tibi Ioannem à S. Thoma, qui cum eandem narrationem confirmandam suscepisset, ita loquitur, *Rem hanc ab aliquibus in suspicionem vocari, aut pro indistincta haberi velle audiui: quæ certè si falsitatis vitio laborasset, profectò satis temporis euolutum est (sex anni sunt ex quo liber est publicatus) ut posset ab Aduersarijs tale testimonium & historia infringi vel retardari.* SED FACTVM NON EST: ERGO FACTVM TENET. Factum tenet si nemo resistit? Quis ergo non

Disp. 10. in
1. p. Ar. 6.
pag. 688.

x p. tr. 3
dis. 10.
num. 112.

videt naturæ quodam iure , quando silentium noxium
est factam esse loquendi facultatem ? Neque alia est Sal-
manticensium cogitatio : dum ex eo quod olim Bannis
Commentaria toto quinquennio à nemine , nec ab ipsa
Molina alioue *P. Societatis* tanquam nouam nedum pericu-
losam doctrinam continentia notata fuerint : & multo minus
ad Iudices fidei delata , sicut *Molina* concordia quoad suam
scientiam delata fuit : quin potius fuerint in frequentissimo
usu & magna approbatione apud Theologos ; colligunt con-
tinuisse doctrinam , non nouam , sed ab Antiquis Theologis
perenniter decurrentem , & in omnibus Christianis Academijs
receptam. Magnopere scire velim quo iure constitutum
sit , vt quinquennalis possessio ad præscribendam do-
ctrinæ auctoritatem sufficere censeatur ; cum ea lege
nec Origenes contra Celsum , nec Cyrillus contra Iu-
lianum audiendi sint. Sed quidquid sit , satis admonemur
illâ usurpatione , respondendum esse pulsantibus.





INDEX


PRÆCIPVORVM ARGVMENTORVM.

DISPVATIO PRIMA.

GVILLELMVS TVISSIVS.

- Cap. I. **T**Vissij Consilium & scribendi ratio, p. 1.
Cap. II. **E**lenchus TVissij soluitur, p. 13.
Cap. III. *Expenditur solutio TVissij de futura ex hypothesis Cœlitarum perfidia in prodendo Davide*, p. 26.
§. I. *TVissius agnoscit decreta conditionata vel innuitus*, p. 26
§. II. *Decreta de liberis actibus conditionate futuris repugnare SS. PP. doctrina*, p. 33
§. III. *Etiam Augustino decreta illa repugnare*, p. 36
§. IV. *Patres Augustino posteriores independentem à prædefinitionibus præscientiam agnouisse*, p. 44
Cap. IV. *De futura ex hypothesis Tyrionum & Sidoniorum pœnitentia*, p. 60
§. I. *Prima solutio de decreto antecedente futuram conditionatè pœnitentiam illam reijcitur*, p. 61
§. II. *Augustino perperam tribuitur illa solutio*, p. 63
§. III. *Eadem solutio ipsi Christi sententiæ repugnat*, p. 71
§. IV. *Aliæ duæ TVissij solutiones reijciuntur*, p. 83
Cap. V. *Seclusa Scientia Media non remanere in Deo præscientiam absolutam futurorum peccatorum*, p. 87.

- §. II. Semipelagianos confugisse ad Scientiam conditionatam, tunc tantum quando absolutam præscientiam obtinere non poterant, p. 362
- §. III. Semipelagianos credidisse destrui libertatem ipsâ necessitate diuinæ gratiæ quocumque tandem modo illa diceretur efficax, &c. p. 380
- §. IV. S. Augustinum de necessitate Diuinæ Gratia non de illius efficacia cum libertate concilianda contra Semipelagianos disputasse, p. 388
- §. V. Semipelagianos nunquam adhibuisse doctrinam de Scientia Media in usum conciliandi efficaciam Diuinarum Prædefinitionum cum libertate actionum Prædefinitarum, p. 401
- Cap. V. An ex effectibus Augustiniana doctrina sequatur Augustinum fuisse Scientia Media contrarium, 416
- §. I. Reijciuntur duo modi quibus Adversarius intentum probare nititur, p. 416
- §. II. De Non-Antiquitate scientia Media, p. 426



DISPUTATIO QUARTA.

P. IOANNES A SANCTO THOMA.

- Cap. I. **I**udicium Romanorum Censorum de Scientia Media, p. 446
- Cap. II. Quæ D. Augustinus & D. Thomas, de Scientia Media, p. 468
- §. I. Satis sit ijs quæ obijciuntur ex Augustino, p. 468
- §. II. Quid D. Thomas de Scientia Media, p. 475
- Cap. III. Rationes contra Scientiam Mediam. p. 495

§. I. <i>Communis ratio contra Scientiam Mediam,</i>	495
§. II. <i>Specialis difficultas,</i>	503
§. III. <i>Inconuenientia ex Scientia Media,</i>	518
Cap. IV. <i>Concordia nostri liberi arbitrij cum Præd-</i> <i>stinatione Dei contra Hæreticos,</i>	539
§. I. <i>Quid Calvinistæ sentiant de sua atque Aduersario-</i> <i>rum sententiæ consensu,</i>	540
§. II. <i>Quid sentiant Auctores Catholici de consensu do-</i> <i>ctrinæ Aduersariorum & Calvinistarum,</i>	550
§. <i>Quid reipsâ sentiendum videatur,</i>	559
<i>Epilogus & breuis summa doctrinæ de Scientia Media.</i>	585



I N D E X

CAPITVLORVM ET PARAGRAPHORVM.

Cap. I. S <i>pecta.</i>	625
Cap. II. <i>Pugnantia.</i>	713
Cap. III. <i>Supposititia.</i>	748
§. I. <i>Philosophi.</i>	749
§. II. <i>Scholastici D. Bonau. Henr. Dur.</i>	750
§. III. <i>Scotus.</i>	753
§. IV. <i>S. Thomas.</i>	759
§. V. <i>Thomistæ.</i>	765
§. VI. <i>Sorbonici.</i>	768
§. VII. <i>S. Augustinus & Contarenius.</i>	769
§. VIII. <i>Aduersarij.</i>	776



SCIENTIA MEDIA

CONTRA NOVOS EIVS
IMPVGNATORES DEFENSA.

DISPVATIO PRIMA
GVILLELMVS TVISSIVS.

CAPVT PRIMVM.

TVissij consilium & scribendi ratio.



PRODIT ex Hollandia Guillelmus TVissius oppugnatoribus scientiæ mediæ suppetias laturus. Talem patronum tali causæ accessisse res erat eiusmodi, de qua partis alterius deffensores minimè oporteret esse sollicitos : gaudendum potius illis fuit aduersariorum copias hoc supplemento auctiores factas. Nam, cum in omni fœderum genere fides hæreticorum meritò suspicienda sit, neque vnquam tutò credatur ijs hominibus qui Deo credere noluerunt ; in hoc certè bello Theologorum adeò sunt periculosa eorum auxilia, nihil vt metuendum sit magis, quam ne cum illis, vel causæ communione, vel armorum societate coniunctus esse videare. Neque dubi-

A

randuni fuit, quin eorum propriè interesset, qui scientiam mediam insectantur, abigere TVissium hunc, atque inuolare degenerem vespam, quæ se apum examinibus vtrò miscet: sed neque desperandum quin exoriatur aliquis ex illo cœtu qui familiaritatem Allophylorem hanc repudiet, eluatque si quas fortè maculas conspirantium sententiarum suspicio aspersisset; verum quia interest hoc etiam publicæ rei, & quia TVissius totam nationem Iesuitarum sæpius prouocat, operæ pretium me facturum puto, si cum hoc homine paucis agam: neque nullam priuatæ causæ rationem ducam, etiam tum cum videtur esse cum communi coniuncta. Eò verò labor iste facilius erit ac breuior, quod mihi res sit cum debilitato jam sene, cuius *memoria labat & vigor animi fatiscit, ingenique acies obstupescit*, in tantum vt sibi licere petat senescentium equorum priuilegio frui, quos maturè soluendos poeta monet; ita enim loquitur ipse initio libri secundi. Atqui nemo est, vt puto, huic aduersario tam iniquus, vt eum velit equorum fraudare beneficio. Fruatur certè: nec solvatur modò, sed solutus etiam consueto nihilominus gaudeat scæni atque auenæ demenso. Hoc tantum miror, quid fieri possit, vt qui se fatetur memoriæ, ingenij, animique langore insanabili correptum, adeo tamen iuueniliter insultet Iesuitis; vt neget futurum vnquam, vt tota eorum natio vni suo elencho soluendo, vel tolerabiliter enervando sufficiat. Nisi fortè aut illos

pag. 140.

l. 1. c. 18.

pag. 187.

adeo plumeos arbitratur, vt vel vno caduci senis halitu statim exsufflentur: aut voluit re ipsa comprobare quod dicebat: & dum non recordatur se qui triumphat, aptiorem videri velle grabato quam currui, vnâque in scena decrepitem agere simul & Olympionicem, manifestum edere tum memoriæ labantis, tum ingenij fatiscientis argumentum. Quidquid id est, non nego prouidentia quadam præmissam illam ingenij ac memoriæ senescentis denuntiationem, ne nostrum aliquis putaret, anticipata esse hominis deliria, sed suo illum tempore desipuisse.

TVissius
quis.

II. Sed age, videamus quæ propria sunt huius auctoris, eiusque consilium & methodum ac scribendi rationem

paucis perstringamus, mox tentaturi metuendam illam & Iesuitis omnibus atque assertoribus scientiæ mediæ fatalem machinam. Est igitur Guillelmus iste TVissius, quantum ex eius scriptis colligi potest, natione Teutonicus, fortunâ Batauus, Religione Calvinista, ætate senex, iudicio vt proximè visum est, in pueritiam declinante, desiderio & voto Theologus, re autem ipsa Grammaticus non ineptus, & tolerabilis poeta, vt coniici potest ex calce libri secundi, quem conclusit heroico carmine; vt ostenderet se vel inter scholasticas meditationes, atque in ipso sapientum cœlo furere potuisse. Hic ergo scholasticorum vt in senatum conscribatur, iustum volumen edidit contra scientiam mediam, tamquam vltimum ingenij sui fœrum & præteritorum studiorum aptissimam coronam.

III. Consilium illi non vnum fuit, prout tum domesticæ rationes, tum publicæ impellebant. Erat TVissius non ita pridem ab Ordinibus Frisiæ Leouardiam accitus ad profitendam in ea academia Theologiam, sub liberali pensione annua, & honorifico insuper donario ad leuandam migrationis & vadimonij molestiam. Ne igitur illi sumptus frustra essent ne ve quis suspicaretur promittendæ tantum barbæ decreta illa esse stipendia, offerre voluit suis mœcenatibus egregium aliquod & acceptis beneficij non impar munus. Vnde alterum quoque fructum est consequutus: ne scilicet dum Pennotum & Suarem & in vniuersum Iesuitas omnes venalibus conuiuijs, & conductâ maledicentiâ toto illo tractatu infectatur, vsurpare gloriantes illud possint, *quia odio habuerunt me gratis.*

Eius consilium inimicis pugnanda scientia media.

IV. Per hanc occasionem publico etiam bono consultum est: & Ecclesiæ Calvinianæ subuentum. Notum est illam superioribus annis in Hollandia scissam esse Arminianorum secessione: qui tandem aliquando euigilantes ad impia Caluini dogmata circa libertatem arbitrij, prædestinationem hominum ac reprobationem, efficaciam diuinæ gratiæ, & diuinis item malorum actuum prædeterminationes, tanto talis magistri pudore suffusi sunt, tanto

Arminiani contra caluinum Catholicorum armis vsi.

doctrinæ illius horrore perculsi, vt eierato, in his quidem controuersijs Caluino, eatenus ad Ecclesiæ Romanæ sententiam accefferint, quatenus ab illo recedebant. Sed cum inter ipsos quoque Catholicos partes essent, altera Prædeterminantium, altera eorum qui sine prædeterminationibus philosophantur, visa hæc est Arminianis oportunior longè aptiorque ad frangendos aduersariorum conatus, eorumque petitiones eludendas. Hinc factum vt eos Catholicorum tractatus in quibus huiusmodi quæstiones disputantur physicæque prædeterminationes reiciuntur, & voluerent diligentius, & intensius legerent, & propensius approbarent. Et quia scientia media in primis magnas habet opportunitates ad suauem liberi arbitrij cum diuina gratia concordiam, hanc etiam propugnare, atque in vsus suos conuertere Arminiani cœperunt.

Pennotus
Caluinis-
mo infen-
sus.

Inter eos verò auctores qui ea in quæstione diligenter ac laudabiliter sunt versati, duo maximè commendantur. Primus est Gabriel Pennotus Nouariensis ex Ordine Canonicorum Regularium sancti Augustini vir clarissimus, & mea maior prædicatione: qui in aureo illo *Humanæ libertatis Propugnaculo*, tantas explicuit tum ingenij, tum sapientiæ atque eruditionis absolutissimæ diuitias, nemo vt erectam ab eo aduersus omnes libertatis hostes inexpugnabilem munitionem inficiari iure possit. Alter est Franciscus Suares, is quem omnes Catholicorum scholæ ita celebrant, vt vel auctorem sequi cupiant, vel aduersarium habere gloriantur; qui eadem, qua cætera omnia, soliditate ingenij ac doctrinæ copia hanc etiam tractationem non vno loco complexus est. Horum igitur ex scriptis cum Arminiani non parum iuuarentur, tum in inuadendis Caluinianorum castris: tum in eorum impetu repellendo: facilem in vtraque occasione victoriam consequi visi sunt. Quod quantopere doluerit Calvinianis, satis indicat TVissius his verbis. Mundus olim miratus est, ab Ebrio Imperatore videlicet Alexandro magno, cum ebris exercitu subactum esse orientem: an non potiori ratione nobis hodie mirandum sit, à tam vertiginosis

Lib. 2. cap.
25. pag. 161.

Theologis cum dissertationibus suis summè vertiginosis, res Occidentis Ecclesiasticas priùs bene constitutas, posse de nouo concuti & labefactari. Viget tamen hodie Pen- notus inter nos, & multorum manibus versatur hoc opus eius ad humanam libertatem propugnandam vel inuita gratia destinatum.

De Suare verò ita loquitur. Sed quam me miseret fortis Christianæ, dum non nisi talibus informatoribus vfi præsertim in studiis Metaphysicalibus, academiæ nostrarum alumni, ad ardua rerum, qua lumine naturali progressus pateat, aspirare se posse sperant. Opera præritum facturum auguror, quisquis Metaphysicas illas disputationes Suarianas, tanquam Augiæ stabulum herculeo labore purgandas in se recipiat, præsertim quâ ad veritatem Theologicam & sacram, constuprandam & deflorandam tendere comperientur. Vide, Lector, quam perniciosam Calvinismo TVissius putat Suarij doctrinam. Sed quid hoc rei est? Stuprum meretrix timet, & deflorationem adultera: Virginem facis Guillelme, quæ lupa est. Consilium ex aduerso cape, Suarianam illa doctrinam amplectatur & virgo fiet.

V. Quid sit autem illud in quo sibi potissimum hic auctor à Suare ac Pennoto cauendum censet, ab ipso audiendum est sic præfante. Sciat autem Lector eruditus ac diuinæ veritatis studiosus, non leuem esse quæ hic agitur quæstionem, sed maxime momentosam. Aduertunt enim aduersarij veritatis, siue Iesuitæ, siue Arminiani, nisi doctrina ista de scientia media facta recta conseruetur, sententiam ipsorum de gratia, & libero arbitrio stare non posse: neque nostram ipsis aduersam posse labefactari: profligatâ verò illa sententiâ de scientia futurorum quam mediam vocant, & NOSTRAM DE GRATIA ET LIBERO ARBITRIO SENTENTIAM INCONCVSSAM PERSTARE; & ipsorum oppositam nostræ ruere vniuersam. Et iterum, hæc habui Lector beneuole, quæ de operis huius instituto præfando tibi communicarem: simulque famosæ illius de scientia media controuersię discussio quam momentosa sit ob oculos tuos ponerem. Loquitur Caluini

Suarez etiam.

l. 2. digest. 1. p. 282.

Scientia media Calvinismo quæ sit noxia.

discipulus, & quidem magistro suo impenſe addiſtus; vt iam hinc liquere poſſit, ita libratam eſſe huius doctoris iudicio Caluini ſententiam, qua parte Dei gratiam & hominis arbitrium petit, cum ſcientiæ mediæ aſſertione, vt alterius erectio neceſſariò cum alterius ruinâ connexa ſit, ſtetque Calvinus, ſi pereunt ſcientiæ mediæ aſſertores: aut ſi ſtare poſſunt iſti, Calvinus pereat. Hinc eſt illud odium atque illa deteſtatio ſcientiæ mediæ, quam TViſſius vbique præ ſe fert, *deteſtandam hæreſim vocat & Dogma quolibet alio vertiginofius, nullam eſſe ſententiam magis infamem magisque conuincibilem infamiae; ne diabolum quidem illius ſententiæ conſortem eſſe: neque enim vel angelos tenebrarum adeo obbrutiſſe, vt nobiſcum ſentiant.* Equidem, neque nos ſi obbrutuere dæmones eorum ſuffragium ambimus, cedimus illud tibi, Guillelme, patimurque non inuiti, vt ſi tuam in ſententiam pedibus ire non poſſunt, ſaltem repant. Nam quod hæreſim vocas ſcientiam mediam, argumentum veritatis eſt, & præcipua quædam commendatio quod à te infamis habeatur. Sed nimirum pungit te penitus, affligitque quod intelligas *ſi doctrina iſta de ſcientia mediæ ſarta & tecta conſeruetur, Caluini ſententiam rueret, quæ eadem proſtigita manet inconcuſſa, vt tute confiteris.*

VI. Hæc igitur cauſa fuit cur TViſſius vt Arminianos hiſ priuaret auxilijs armauerit ſeſe contra duos potiſſimum ſcientiæ mediæ propugnatores illos Pennotum & Suareſium. Eſt enim hic TViſſius Caluino vt dicebam in primis addiſtus, quem *ſanctum Dei vocat*, eoque nomine Franciſcum à ſancta Clara Ordinis Minorum ſicuti Caluini violati reum, *impudentia effrenique ſpiritus a lingua intemperantia* notatum damnat. falſum enim eſſe quod Franciſcus aſſumebat, reſtitutam à Caluino Prædeſtinatorum hæreſim, quæ nulla vnquam fuit, niſi quam Semipelagiani conſinxere: ſed orthodoxiam Auguſtini per omnes ætatis comprobata, licet à nonnullis Pontificiis miſere deformatam, reuocaſſe illum, & integritati ſuæ natiuæ reſtituiſſe. Nota ſunt illius orthodoxiæ placita, quæ vel ipſe Calvinus *horribilia* fatetur, ſed quæ TViſſium nihil terrent, inſignem videlicet monſtrorum domitorem,

l. i. c. 10.
pag. 100.
2. dig. 1.
pag. 219.

TViſſius
quam ſit
addiſtus
Caluino.

In ſine
præf.

Hæreſis
prædeſti-
natorum
nulla ſi
credimus
TViſſio.

quique tum suapte ingenio tum magistri exemplo con-
suevit cum illis, seu draconibus seu chimæris viuere fami-
liariter ac ludere.

VII. Sed hoc vnum restabat ad Arminianos penitus con-
ficiendos, vt quando illi quorundam Pontificiorum tum
armis tum Auctoritate tuerentur sese; ita & Calviniani eo-
dem ex genere inuenirent quos eiusmodi subsidio possent
obijcere. In eo igitur laborauit huius hominis industria, ver-
ba illius sunt. Interea hoc nos reereat, quod non modo
Protestantes huic commento resistent, sed & vniuersæ ni-
fallor familiæ Dominicanorum, hoc est, Thomistarum
omnium. Et cum Franciscus à S. Clara obieciisset, purita-
nos Calvinum sequutos Prædestinatorum hæresim resti-
tuentem; An non etiam, inquit TVissius, Dominicani
vestri, quippe quibus solemne est Iesuitis vestris etiam
hoc nomine Calvinismum exprobare? In eo verò Iesuitas
calumniatur, qui Thomistis Calvinismum non magis ex-
probrant, quàm Thomistæ Iesuitis Pelagianismum: viuunt
vtrique sub eodem tecto Catholicæ, communique Paren-
ti, ac Magistro subsunt, cuius edicto cautum est, ne alij
aliorum sententiæ notam aliquam inurant. Sed cum vtrif-
que minimè dubium sit, Calvinum pariter & Pelagium de-
testabiles esse; disputando inuicem exigitur vt probemus,
quantum ab illis sententiâ distinguamur. Id quod adeo
præstamus sollicitè, vt quo quisque modo in eo se minus
probabilem præbuerit; ita se quoque in hoc certamine in-
feriorem fuisse fateatur, vel ipso infelicitatis suæ sensu satis
ostendens, quam non iis consentire velit, quibus se dolet
videri similem.

Huc etiam spectat quod Suari responderet objicienti Phy-
sicam determinationem destruere libertatem. Sic enim
contra TVissius. Verùm hic Suario renitimur, cum vni-
uersa fere Dominicanorum familia, negantium præde-
terminationem Physicam libertati creaturæ damnosam
esse. Et quia dixit Suares hoc ab ipso fuisse demonstratum
esse libro secundo; respondemus paucis, physicam præ-
determinationem ad agendum necessariò libertati qui-
dem humanæ inimicam esse; non sic Physicam prædeter-

Calviniani
de quorun-
dam Ca-
tholicorum
consensu
gloriantur.

„ l. 2. c. 3.
„ pag 444

„ In præf.

l. 2. c. 7.
pag 432.

„minationem ad agendum congruenter humanæ naturæ;
 „hoc est de liberatè & liberè: licet minimè diffitear diuinæ
 „prouidentię mysterium hic subesse. Mysterium prærexit
 „ne nullum habeat inexplicabilis sententię velum: nullum
 „que asylum quo fugere tutò possit à contrariorum argu-
 „mentorū vexatione. Cæterum huius mysterij magna
 „pars est, quæstio illa quæ postulat, quæ possit esse ratio
 „diuino intellectui cognoscendi futura contingentia.
 „Quam ille rationem cum peteret ex æterna voluntate
 „quæ futura decernuntur, ne peccatis quidem exceptis,
 „subdit. Sed facilè dignosces quam minimè faciat ad Pen-
 „noti palatum ista philosophia. Multo melius concoquere
 „poterunt istam doctrinam Dominicani, quam cum suis
 „Iesuitis, quorum spiritum totus spirat Nouariensis. Fal-
 „leris tamen Guillelme, falleris, dum speras fore vt Do-
 „minicani easdem tecum opiniones *concoquant* qui probe
 „norunt in olla Caluini mortem esse.

l. 1. dig. 3.
 pag. 98.

l. 1. c. 4.
 pag. 431.

Iucundum etiam illud & scitu dignum, quod habet de
 gratiæ efficacia, quam cum supponat vel ex præscientia
 conditionatâ, vel ex Physica prædeterminatione peren-
 dam, cum iam probatum sit, inquit, scientiam istam
 „quam fingunt Iesuitæ, merum potius spectrum scientiæ
 „esse, quam scientiam: & gratiam per ipsam scientiam,
 „efficacem, per ludibrium tantum efficacem dici, vel hinc
 „consequens est si vel nullis alijs argumentis concludere-
 „mus, omnem gratiæ efficaciam ex efficacia Physica pro-
 „manare & prædeterminatione causæ. Istum tamen mo-
 „dum efficacię impossibilem esse crepant Iesuitæ & liber-
 „tati contrarium, at in aduersum crepant Dominicani; nec
 „crepant modo (O senem inuerecundum, sed vide hos
 „infestis obuia signis signa, pares aquilas & pila minantia
 „pilis. Sed quid dico pares aquilas, cum ad Theologiam
 „Scholasticam quod attinet, ne digni quidem sint Iesuitæ
 „qui eodem die nominentur cum Dominicanis. Æmula-
 „tionis pomum proiicit, Thomistis ad inuidiam Iesuita-
 „rum commendatis; & tanti stuporis est vt non intelligat,
 „eo iudicio Iesuitas efferri: cum viris sapientibus probe
 cognitum

Appl. c. 5.

cognitum sit: quod olim Tertullianus de Nerone prædicabat, non nisi grande aliquod bonum ab illo dumnari posse; ita præclarum aliquid esse oportere, quod corruptissimi sensus homines auersantur ac vituperant. Qua cogitatione moueor vt silentio præteream alia Thomistarum præconia, quæ sparsim habentur apud TVissium, quod certò sciam viros maximè Catholicos id genus hominis approbatione ac laudibus offendendos.

VIII. Et verò quam proditoriè cum illis agat TVissius ostendit, dum illos in ipso prælij discrimine positos non deserit modò, sed impellit etiam in præceps. Urgebat Pennotus argumentum contra Didacum Aluares, vt probaret decretum subtrahendi auxilium efficax non esse Deo sufficientem rationem præsciendi peccatum futurum: vel enim, aiebat, posito illo decreto labitur homo necessariò in peccatum, vel non: si non labitur necessariò, ergo non est vnde sciatur certò peccaturus ex tali suppositione: si labitur necessariò, ergo ruit auctoritas Tridentini definientis Deum non prius deserere peccatorem quam ab illo deseratur. Priùs enim decernere subtractio-nem illam ex qua necessariò sequitur lapsus, est prius deserere. Hoc argumentum quo modo potest dissoluit TVissius; sed vbi ventum est ad Tridentinum, quia non habebat quod posset commodè respondere, *Nec omnino est, inquit, cur fundamus lachrymas, si hinc fiat vt tota Concilij Tridentini argumentatio ruat in interitum. Nam procul dubio poterimus sine ea viuere. Veruntamen iam dedi operam vt ostenderem quam ludicra sit hæc tua ratiocinatio.* Et cum instaret deinde Pennotus in eodem argumento, *Quidquid fuerit, inquit, TVissius, de distinctione ista, eiusque ad legitimam Concilij Tridentini interpretationem accommodationem (quod quidem Concilium seu potius conciliabulum tanti mereatur esse apud nos, quanti mysterium iniquitatis) Pennoti tamen refutatio nullius pretij est. Sed quare suscipiebas Didaci patrocini-um contra Pennorum, si mens erat hoc eum in loco deserere? An illi etiam vis posse viuere sine Tridentino? An illi conciliabulum esse non Concilium?* Et tanti faciendum quanti *mysterium iniquitatis?* Fare age, Guillelme, da gloriam Deo.

Separare
Thomistas
nititur à
Tridentino.

L. I. c. 21.
pag. 141.

ib. pag.
142.

Vel putas conciliari posse quæ sentis cum Tridentini sanctionibus, vel non: si possunt, quare suffragium illud respicis quod tuæ causæ plus prodesset, quam decem millium Thomistarum? Si non possunt, quid fiet Didaco Aluares cuius tu sententiam facis tuam?

TVissius
eo nomine
Pennotum
improbat
quod eius
doctrina
redoleat
Romanum
Pontificem

L. i. c. 27. p.
167.

1b. cap. 30.
pag 102.

Iudicium
TVissij de
gratia effi-
caci.
ib. c. 28.
pag 185.

IX. Addam hoc etiam, ut magis constet quomodo hic Auctor communem causam prodat, dum eo nomine suspectum esse vult Pennotum, quod sit Romanus. Cœperat ille suas lucubrationes Romæ sub Paulo V. absoluerat sub Gregorio XV. à quo etiam facultatem obrinuerat in lucub. edendi, diligenti discussione iam præmissâ: denique sub Urbano VIII. feliciter etiam num regnante ediderat.

Hinc autem vide quid inferat TVissius. *Hic verò depositâ histrioniâ ad se & ingenium suum redijt, Pennotus, vastrum illud quidem & nullo candore redemptum à veteratorio. Nempè Romæ degebat tanquam Procurator generalis Ordinis sui; & qui vel in umbra degit mysterij iniquitatis, mirandam non est si de mysterio illo sapiat aliquid.* Et iterum ubi ludit in Romanum Pontificem ineptè admodum & ut scurram decet inficetum ac stupidum, de Pennoto *Neque mirum, inquit, cuius sub umbra degit, si ab eius ingenio nonnihil hauriat.* Atqui hæc illa est umbra quæ serpentes interficit, scorpionesque fugat: & ad quam nullum perfidiæ accessum patere, iam olim pronuntiatum est. Et quid cogitat TVissius dum Thomistis infensos putat qui Romani Pontificis umbram ingeniumque redolent?

X. Sed est quod mirare magis. In Pennotum & Iesuitas iocatus more suo, hoc est, seruiliter & illepidè ac sine sale, *Christi gratiam, inquit, à Pennoto pro fabulâ haberi, mihi tam comperitum est, quàm Pontificem Romanum esse Antichristum, quem Christus, in dies conficiet spiritu oris sui, & illustri aduentu suo abolabit.* Gratiam à Pennoto assertam, hoc est, ex directione scientiæ mediæ infallibiliter connexam cum effectu, fabulam esse: & Pontificem Romanum esse Antichristum, huic Doctori *obgignere* sunt; & ad eundem radium utraq; illi veritas illuxit. Ego verò & mihi, & Pennoto, & omnibus qui nobiscum vna de. diuina gratia Philosophantur, testimonium hoc gratulor hominis hæretici,

XI. Iam quæ sit illius methodus, vno verbo dicam: qualis nimirum esse potest Commentatoris Grammatici. Suarem & Pennotum transcribit, & perpetuo deinde sequitur commentario: ad singulos fere versus rixatur, nunc Amanuensium imperitiam accusat, nunc Typographorum diligentiam desiderat, nunc propositâ textus obscuritate Scriptorum mentem diuinat tandem, nunc supplet, nunc refecat. Diceres Seruio propositum esse Virgilium ad interpretandum, vel Homerum Eusthathio. Digressiones instituit adeo intempestiuas, vt facile appareat, ille *fatiscens ingenij stupor*, quem præfatus est. Vix cœperat contra Pennotum progredi, cum occasione sumptâ ex eo quod ille dicebat de coëxistentia futurorum in æternitate, digreditur contra Didacum Aluarez, cuius ea in quæstione sententiam minus probabat, & mox contra Nauarretum: ac deinde pagina 85. ad Pennotum redit. Sed & à Pennoto ad Pennotum ipsum digressionem instituit aliam atque aliam, cum pergere iter posset, eodemque in argumento versaretur: adeo illi aberrare iucundum, & difficile atque insolitum rectâ ire. Librum secundum inscribit de scientia mediâ, in quo nullum eo de argumento verbum facit; cum sit totus de scientia absoluta futurorum contingentium. Hic etiam à Suare ad Suarem digreditur: item ad Gregorium de Valentia: iterum ad Nauarretum, ad Ferrariensem, ad Caprecolum. Mirabar erronem hunc, cum in eum locum incidi, in quo ille laudat Don-Quixotam; ex quo intellexi hominem assuetum vel scribendis vel legendis Romanium historijs, quorum ars est fortuitis semper casibus fallere Lectoris animum, & inexpectatis narrationibus abrumpere cogitationem spemque differre, id imitatum in Scholastica tractatione, quod in fabulis obseruarat.

XII. Scribendi ratio eadem est illi quæ Caluino: neque vnquam ouum ouo similis fuit; siue morem illum perpetuum speciei plasticen exercendi, fingendiq; laruas idoneas regendæ tum propriarum immanitati sententiarum, tum speciei rationum aduersantium: siue hominis genium ad maledicta & conuitia pronum. Familiare est ac quoti-

L. 1. c. 4. p. 450. dianum, quod ijs quibuscumagit *insaniam*, *impudentiam*, *amentiam*, *stuporem*, *imposturam*, *spurcitiam* exprobrat. Quando altius aliquid atque insolentius tonat, Iesuitæ illi sunt *Primarij Satellites diabolij*, *inimici gratiæ Dei* efficacia quam *videlicet verbo tantum ponunt*, *reipsa tollunt*. Idem *Atheismi* rei, quòd aliquid futurum putent independentem à decretis prædefinientibus. Pennotus *inter porcos grunnit*, & si cui porcus non satis videtur infamis, negat in vniuersum *bestiam ullam esse Pennoto impuriorem*, & *magis irrationalem*: seque fingit cum eo dum disputat, Apostolum imitati, *congressum Ephesi cum bestiis*. Causa verò quæ *bestiarium* hunc disceptatorem commouit, in summa hæc est. Dixerat Pennotus non eandem esse rationem immutabilitatis in intellectu & voluntate Dei, si comparentur ad obiectum secundarium: intellectum enim, quia non agit ipse per se, non posse reddere obiectum suum de non scibili scibile: ideoque quantum in ipso est, circa idem obiectum eadem semper scientiâ versari. At verò quia ratio qua diuinæ voluntatis obiectum fit volibile variatur, illam ideo ex se de non volente aliquid fieri volentem: non eâ mutatione quam in se recipiat, sed eâ quam in obiecto causat. Quod quia capere non potuit Guillelmus iste quem videtis, Hospites, nihil occurrit opportunius quàm vt Pennotum damnaret ad siliquas. Aliquando etiam ad cauponam ducit & *ebrietatem* impropere Teutonicus Italo, & ieiuniorum hostis viro Religioso. Sed ne videatur in luto semper, aut inter pocula versatus: nec alias nosse metaphoras, nisi quas stabularij suggerunt & caupones, exserit aliquando militarem eloquentiam, & quod vnum licet eminus posito, generosè conuiatiatur. Pennotum videlicet constituit *Capitanum sub quo diabolus stipendia meretur*. Plus scilicet ille in castris aduersariorum quam Iesuitæ profecit: isti enim *Satellites tantum*, ille *diabolij Capitanus* euasit. Volebam opponere, non facile passuros demones alterius quàm sui generis duces: sed concedendum est TVissio, vt ipse inferorum mores atq; instituta melius nosse credatur.

Ex his verò iam satis constat, quantopere illi bilem utramque accenderit amor partium, & digna illa quæ in-


L. 1. c. 25. pag. 160. 161.

L. 1. digr. 5. pag. 218.

primatur Academiarum omnium in frontibus persuasio,
*profligatâ scientiâ mediâ Caluini sententiam de gratia & libero
 arbitrio inconcussam perficere.*

CAPVT II.

Elenchus TVissij soluitur.

XIII.  **AGNAM** habeo gratiam TVissio, quòd
 longum æquè ingratumque laborem
 incum suo beneficio redemerit, dum
 immensam horrentemque syluam ar-
 gumentationum suarum, vnum in manipulum redegit.
 Hoc est illud argumentum in quo vim ille omnem sua-
 rum ratiocinationum positam putat: ad cuius solutio-
 nem *Iesuitas ad vnum omnes prouocat*: quod in omnes sui
 operis partes ita versat, vt numerauerim aliquando qua-
 ter & quinquies in eadem pagina de integro repetitum.
 Diceres imitatū Indiarum nemora quædam vnâ ex arbo-
 re confita, dum vno ex argumento sine fine reproducto,
 librum constat. Sed nimirum, *ita est clarum ita euident, vt L. 1. cap.*
omnem humanam auctoritatem quantacumque fuerit, non modo ^{13. P. 248.}
Thomæ, sed Scholasticorum ad vnum omnium in aduersum ni-
sentem prorsus obruat. Atque hoc est totius negotij caput ^{Ib. c. 19.}
 & belli summa, *Ecce Rhodus*, inquit, *ecce saltus.* Ergo in ^{pag. 192.}
 hoc saltu agitabimus senem hunc, & si saltauerit, salua
 res erit.

Argumentum illud est. Omne quod transit ab æterno
 de conditione merè possibilis, in conditionem futuri,
 debuit supponere ab æterno aliquam illius transitus cau-
 sam: futurum, quod dicitur conditionatum, transit ab
 æterno de conditione merè possibilis in conditionem fu-
 turi: Ergo futurum hoc conditionatum debuit suppo-
 nere ab æterno aliquam illius transitus causam: Atqui
 nullam supponere potuit præter diuinam voluntatem,
 quam tamen illi qui scientiam mediani propugnant non

L. 3. cap. 5.
pag. 454.

agnoscunt esse causam istius transitus : Nullum est igitur tale futurum, & consequenter nulla eius scientia. En tibi colossus illum quo ruente obruendi sunt omnes Scholastici. Sed ut sit integra responsio, tribus illam questionibus distinguit Auctor, quas sigillatim explicari vult.

XIV. 1. *An vlla propositio conditionalis dicenda sit vera, quæ non sit necessaria?*

2. *An res natura sua merè possibilis & indifferenter se habens tam ad futuritionem, quam ad non futuritionem, transire possit è conditione merè possibilis & indifferentis, in conditionem rei future; siue ad futuritionem determinatæ, citra causam?*

3. *Utrum vlla huius transitus causa fingi possit præter diuinæ voluntatis determinationem?*

Hi sunt, inquit, articuli illi vnici quorum decisione controuersie istæ de scientiâ futurorum contingentium facillimè transigerentur.

Argumen-
tum ad ho-
minem.

Decidamus ergo articulos hos : aut certè præcidamus. Sed prius ad hominem respondeo. Cum TVissius *excrandam hæresim* vocet doctrinam de scientiâ mediâ; & in ea quoque sit ipse hæresis, quæ docet omnem hæresin vnâ scripturæ regulâ efficaciter confutari, seclusa Patrum omnium, Conciliorum, & Ecclesiæ totius auctoritate; peto ut indicet nobis quo ex loco Scripturæ seu noui seu veteris instrumenti argumentationem illam eruerit? Hoc enim, cum millies eam repetat, ne semel quidem ab eo præstitum est.

Non esse
idem pro-
positionem
aliquâ esse
veram &
isse neces-
sariam.

XV. Deinde ad primum articulum quo postulat, *An vlla propositio conditionalis dicenda sit vera quæ non sit necessaria?* R. breuiter, dicendam (neque enim hic agimus de necessitate consequente, quam ipsa rei liberæ suppositio inducit) & vicissim peto, An vlla propositio absoluta dicenda sit vera, quæ non sit necessaria? si enim est aliqua; quidni & conditionalis esse possit? Si nulla est; quid somniauit vniuersa hucusque Dialecticorum natio, dum contingentes propositiones contra necessarias ita distinxit, ut eas esse non dubitaret, tum veras, tum falsas, prout & casus obiectorum, & prudentia iudicantium ferre solet? Quid ais, inquam, Guillelme: oratio hæc, *Deus vult creare mun-*

dum, est ne propositio? est ne vera? est ne tamen necessaria? hæc item, si Deus infundat aliam animam in hoc corpus, vult illam iustificare beneficio baptismi, vel certè ista, non vult illam iustificare beneficio baptismi, est ne vera? est ne etiam necessaria? Quod si diuina libertas contingentiam in suis propositionibus cum veritate coniungit, quidni & libertas humana, si vlla superest, id ipsum præstare possit? Quomodo enim libertas erit, si nihil ab ea liberè sit? Quid autem liberè fiet, si non fiat contingentem, ac proinde non necessariò? Et vnde venis, mi homo, aut quam hætenus incoluisti solitudinem, vt ea nescias quæ ne elementarijs quidem Philosophis ignota sunt? Sed Caluinum oles, & liberum arbitrium occultè petis, dum interrogas, an aliqua propositio sit vera quæ non sit necessaria? Caue autem ne tecum pugnes, dum huic interrogationi respondes ipse, nullam esse. Sic enim loqueris. *Nulla propositio conditionalis vera, nisi sit necessaria.* Et iterum: *Ad eundem modum concedimus, omnem enuntiationem conditionatam de futuris conditionatis, esse necessariam.* Item. *Nec omnino dubitandum est, quin Christus nouerit quinam prædicationi eius repugnaturi essent, idque per consequentiam necessariam.* Quare de scientiâ conditionata procedunt ista fateor, sed per consequentiam necessariam futura, hoc est per consequentiam veram: non autem per consequentiam falsam, qualis est omnis consequentia quæ non est necessaria; cuius generis est illa vestra scientia conditionata. Ac deinde non solum confirmat necessitatem illam, sed ostendit insuper vnde sit, dum sic loquitur. *Interea non diffiteor futura conditionata agnoscenda esse, non qualia vos fingitis secundum consequentias prorsus inconsequentes.* Quoties autem obuersantur nobis futura conditionata secundum consequentias verè consequentes, cuius generis occurrunt non pauca; toties horum scientiam Deo tribuimus: non quæ sit visionis, sed potius simpliciter intelligentiæ, qualia sunt quotquot, EX SUPPOSITIONE DETERMINATIONIS VOLUNTATIS DIVINÆ futura esse dicuntur aut possunt dici. Ex quo loco perspicuè liquet, necessitatem illam quam TVISSIUS agnoscit in omni propositione quæ vera est, refuldi in determinationem voluntatis diuinæ. Vide autem, Lector, hominis caput, qui non meminit se iam ante nega-

l. 3 cap. 1.
pag. 418.
pag. 430.
ib. p. 440.

lb. pag.
442.

Supra l. 1.
pag. 431.

uisse prædeterminationem Physicam obesse libertati, eo quod non sit prædeterminatio *ad agendum necessario sed congruenter humanæ naturæ*, hoc est, *deliberatè & liberè*. Vbi vides apud hunc Auctorem duo hæc opponi, *agere necessario*, & *agere congruenter humanæ naturæ*, hoc est, *deliberatè ac liberè*. Vnde sequitur propositionem quæ est de obiecto libero, esse posse de obiecto & *vero* & *non necessario*: postquam ex TVissio, liberum opponitur necessario, ac consequenter poterit ipsa propositio esse & *vera* & *non necessaria* contra quam ipse supponat: sequitur etiam si futura non possunt esse vera nisi sint necessaria ex *suppositione determinationis voluntatis diuinæ*, ut ipse loquitur, determinationẽ diuinæ voluntatis inducere illam necessitatem in rem futuram, loquimur autem de libera. Rursus, si prædeterminatio Physica per quam Deus suam voluntatem exequitur, non determinat ad agendum *necessario sed congruenter humanæ naturæ*, hoc est, *deliberatè ac liberè*, sequitur ex suppositione determinationis voluntatis diuinæ, futurum liberum *non esse necessarium*: Atque ita eadem actio ex eadem suppositione est necessaria & non est necessaria: & determinatio diuinæ voluntatis inducit & excludit necessitatem à futuro libero. An non bellè ista cohererent? Sed hoc vrgebo fortasse postea. Nunc quia partes subeo defensoris, hoc solum obseruari cupio. TVissium pro primo ineluctabilis argumenti fundamento, monstrum opinionis produxisse, scilicet *omnem propositionem conditionalem veram, esse necessariam*. Quod neque ratione vllâ, nec auctoritate idoneâ nititur: quinimo & manifestis conficitur instantijs, & omnium Philosophorum calculo reprobatur.

XVI. Secundum TVissij postulatam est. *An res naturâ suâ merè possibilis, & indifferenter se habens tam ad non futurationem quam ad futurationem, transire possit è conditione merè possibilis & indifferenter, in conditionem rei futuræ, siue ad futurationem determinatæ, citra causam?* Suppono in primis quæstionem intelligi potissimum de futuris conditionatis,

Quis sit
scilicet
v. c. futurum est ut si David in Ceila maneat, tradant eum
Ceilitæ in manus Saul. Ac deinde iterum suppono, id quod
ita

ita dicitur futurum, eo quod sit ex positione conditionis <sup>enuntiatio-
nis futuri
conditio-
nati.</sup> omnino suspensum, non esse propriè futurum: sed tale vt de eo non alio sensu affirmetur π , erit, quam π , esset. Quod, inquam, dicitur, si Dauid maneat apud Ceilitas traderetur in manus Saul, non habet alium sensum quam cum dicitur, si maneret, traderetur. Sed priore modo loquimur dum decretum de ponenda conditione adhuc pendet, aut nobis ignotum est; dum enim de illo non dubitamus, posteriore modo potiùs loquimur: & ita quia non dubitamus quin nullus alius mundus creandus sit, aptius dicimus; si crearetur alius mundus, essent in eo alij hominum mores, quam si creetur.

De his ergo futuris non tam dicendum est quòd sint futura, quàm quòd essent: nec alio sensu quod *transcant* de conditione possibilis in conditionem futuri, quàm quòd *transfrent*. Et hæc apertissima est Augustini sententia, dum Pelagianos, qui dicebant, Deum bonis & malis meritis conditionatè futuris moueri; vt è duobus infantibus alterum eriperet non suscepto baptismo, alterum non nisi post baptismum, hac vrget interrogatione, *Quomodo futura dicuntur quæ nulla erunt?* Quod ipsum alias ^{Ep. 103.} quoque significat dum hæc vocat, *futura quæ non sunt futura*. Atque hoc ipsum indicat alicubi Suares, dum ait has propositiones *abstrahere à tempore*. Cum enim tempus omne designetur per est: vel, erit, vel fuit, id de quo nihil horum dici potest: aut non alio sensu quàm dum dicitur tantum *esset, fuisset, foret*, rectè dicitur abstrahere à tempore, isto nostro scilicet. Nam suo etiam modo tempus adsignificant voces illæ, nimirum conditionatum. Id quod eo libentiùs ediddero, quòd sciam me cum Grammatico disputare, cuius est tempora verborum exactè distinguere, & indicatiuum ab optatiuo, seu subiunctiuo.

XVII. Hoc igitur constituto, cum effectus non alium existentie modum prerequirat in sua causa, quam habeat in seipso, ineptè requiri dico causam quæ iam sit, illius effectus qui tantum esset: & sufficere, si quo modo pronuntiatur futurum vt esset effectus, eo etiam modo supponatur futurum vt esset causa. Non, inquam, debet peri,

Causa existens absolute non potest esse necessaria ad effectum conditionatè ran-

rùm futu-
rum.

an sit modò aliqua causa cur Ceilitæ Dauidem prode-
rent, sed an esset. Et ita respondeo directè ad postula-
tum propositum; *An res merè possibilis transire possit de con-
ditione merè possibilis in conditionem futuræ citra causam?* Di-
stinguo: citra causam quæ modo sit; potest: citra cau-
sam quæ erit vel quæ foret, non potest. Et manifestam
Augustini rationem adhibeo viceversa. Existimat enim
ille causam de qua dicitur tantum quòd esset, absurdè
admodum & falsò existimari causam effectus de quo di-
citur modò, quòd sit; mala v. g. infantis merita, de qui-
bus nihil aliud concipi potest quàm quòd essent, si viue-
ret; esse causam acceleratæ mortis, quæ modò est, non
expectato baptismo: vel alterius bona merita quæ simili-
ter essent, si vivere sineretur; esse causam mortis quæ
iam est, suscepto baptismo. Atqui est par omnino absur-
ditatis, postulare causam quæ modò sit, illius effectus qui
tantum esset; hoc est causam existentem absolute, illius
effectus qui existit tantum conditionatè. Intellego sem-
per causam efficientem, vel quæ reducatur ad efficien-
tem, cuiusmodi est causa meritoria, & quæ causa est per
quam & cur sit effectus. Nam de causa finali cuius gratia
est effectus, philosophandum aliter est. Fatendum nimi-
rum est, necessariam esse catenam hanc, & illationem à
præsenti ad futurum absolute, & à futuro absolute ad fu-
turum conditionatè. Nempe, sicut præsens causa effectus
liberi, est causa sufficiens ut & sit & affirmari possit de-
terminata effectus præsentia; ita absolute futura eius-
dem effectus causa, sufficit ut & sit & affirmari possit
effectus determinatè futurus. Quod enim facit causa præ-
sens, hoc faciet causa futura: Ergo si præsens præsentiam
dat effectui determinatam, futura dabit etiam præsentiam
determinatam: & ex nunc verum est daturam illam præ-
sentiam: ergo etiam ex nunc verum est effectum illam
præsentiam accepturum: atqui effectum esse acceptu-
rum determinatam præsentiam, est esse determinatè fu-
turum: ergo ex nunc verum est effectum esse determinatè
futurum.

Rursus, quod faciet causa libera absolute futura, hoc

faceret futura conditionatè. Effer enim eiusdem facultatis ac dominij : Ergo si absolutè futura datura est determinatam præsentiam effectui, & hoc ex nunc verum est; conditionatè futura daret etiam determinatam præsentiam effectui : & hoc ex nunc verum atque affirmabile est. Ergo sicut ex eo quòd absolutè futura datura est talem præsentiam, verè dicitur effectum illam absolutè accepturum, ac proinde absolutè futurum; ita ex eo quòd conditionatè futura daret præsentiam similiter determinatā effectui, verè dici potest effectum conditionatè illam accepturum, ideoque esse conditionatè futurum.

Et in eo se TVissius admodum tardum præbet, quod rationem adeò perspicuam adeòque expositam assequi non possit; cum fateatur ipse in *sententia Iesuitarum non deesse determinationem qua contingentia fiant præsentia: sed nullam esse qua fiant futura.* Atqui quæ determinatio est in præsentibus, eadem erit in futuris absolutè & esset in futuris conditionatè: & ita quā certitudine potest affirmari determinatio illa seu causa determinans absolutè futura, vel futura conditionatè, eādem certitudine affirmari quoque potest effectus, vel absolutè, vel conditionatè futurus. Hoc ipso, inquit TVissius, quòd est hæc voluntas libera in his circumstantijs, datur causa determinationis quā dici possit est talis volitio determinata & non opposita, quæ tamen etiam ipsa esse potest; quare ergo hoc ipso quòd erit hæc voluntas libera in his circumstantijs, quia Deus decreuit illam creare, non dabitur causa determinationis, quā iam dici possit, erit talis volitio determinata & non erit ei opposita? Et quare eo ipso quòd esset hæc voluntas in talibus circumstantijs, si Deus id decerneret; non daretur causa determinationis quā iam dici possit, esset talis volitio & non esset opposita? Dum ex me quæritur, quare voluntas hîc & nunc sequitur hoc obiectum potius quàm fugit, cum æquè vtrumque præstare possit, non deest inquit TVissius quod respondeam & causam assignem dicendo, Quia libera est; & si petatur, quare sequetur potius quam fugiet, non aptè pariter respondebo, quia libera erit? Rursus si petatur, quare sequeretur po-

tius quam fugeret, non occurreret vt dicam quia libera esset? Et vt sufficit existentia præsens libertatis vt assignetur causa præsens similiter effectus, non sufficiet existentia eiusdem libertatis absolute futura, vt assignetur causa effectus absolute futuri: & existentia ex aliqua conditione suspensa, vt assignetur causa effectus futuri, sed ex eadem conditione suspensi? Hæc responsio plana est; nec habet à TVissio quid timeat.

Sed potest alio etiam modo interrogatio illa solui, & concedi reipsâ dari causam aliquam propter quam dicatur futurus effectus ille contingens, qui dicitur conditionatè futurus, quemadmodum aliqua datur propter quam effectus etiam necessarius conditionatè quoque futurus sit, ex TVissio. Fatetur enim ille veras esse ac legitimas propositiones quibus ex hypothesi necessariarum causarum enuntiantur effectus necessario & conditionatè futuri, v. g. si produceretur alius sol, futuri essent alij dies: ita enim loquitur. *Etenim videtur extra*

L. 3. pag. 427. „ *controuersiam statuendum, tam futura dici posse quæ pendent à*
 „ *conditione causarum necessariarum: quàm quæ pendent à conditio-*
 „ *ne causarum liberarum: etiam illa tam cognoscibilia esse in gene-*
 „ *re futuri, quàm sint ista. Ergo si tam sunt futura necessaria*
 „ *hæc, tam postulant aliquam suæ futuritionis causam. Non*
 „ *contendo parem esse in omnibus futurorum istorum, &*
 „ *liberorum rationem: aut perinde transire necessaria de*
 „ *conditione merè possibilis atque indifferentis in condi-*
 „ *tionem rei determinatè futuræ, ac transeunt libera: si*
 „ *tamen hic loquendi modus ferendus est. Hoc tantum*
 „ *contendo, cum perinde sint futura, perinde requirere cau-*
 „ *sam aliquam cur futura sint. Neque hoc, vt opinor, negat*
 „ *TVissius; sed putat causam illam in futuris necessarijs fa-*
 „ *cile assignari, cum tamen assignari non possit in liberis.*
 „ *Ego verò è contrario eadem facilitate assignari posse dico*
 „ *in liberis atque in necessarijs. Quod quia pertinet ad so-*
 „ *lutionem tertij postulati restat vt illud exponamus.*

XVIII. Est igitur tertium postulatū. *Vtrum vlla huius transi-*
fus causa fingi possit, præter diuinæ voluntatis determinationem?

In primis condonandum est Aduersario; vt transitum

*Futurum
conditio-
natum ma-
le dicitur
transire è
conditione
possibilis
in condi-
tionem fu-
turi.*

agnoscat ubi esse non potest. Cum enim neque tempus sit vllum, neque instans in tota æternitate, in quo id quod dicitur conditionatè futurum non fuerit futurum; non potest dici transiisse è statu merè possibilis in statum futuri, cum necesse sit id quod transit ab vno statu in alium, si verè transeat, priùs extitisse sub termino à quo, quàm sub termino ad quem. Neque aliud hîc quæri potest quàm, cum id quod dicitur conditionatè futurum, perinde atque ex eadem hypothese posset esse non futurum, quæ sit causa cur futurum sit potius, quàm non futurum? Cum, inquam, Dauidè apud Ceilitas manente, ac Saülè accedente, perinde posset fieri vt non traderetur Dauid in manus Saül, atque vt traderetur; quæ sit causa cur verum sit tradendum potius quàm non tradendum, si non recurritur ad diuinæ voluntatis determinationem?

Respondeo iuxta priorem dicendi rationem paulò ante expositam, non esse necessariam causam quæ sit, sed quæ esset. Causa verò illa esset hypothesis ex quâ pronuntiatur effectus sequuturus. *Traderetur Dauid in manus Saul*, hic est effectus conditionatè futurus. Causa vero esset *libertas Ceilitarū habentium Dauidem in sua potestate, accessu Saulis tentata seu minis seu precibus ac promissis; à Deo verò non tantum non impedita; sed adiuta potius oblatione concursus qui causis liberis congruit*. Si esset tota illa hypothesis, esset causa cur Dauid traderetur potius quàm non traderetur in manus Saül: & ab æterno verum est talem hypothesis fore talem causam. Et sicut præsens hypothesis causat præsentem effectus liberi & contingentis determinationem, & absolutè futura eandem causabit: ita & conditionatè futura, causaret similiter. Item sicut modò verum est quòd præsens hypothesis causat, & post sæculum quòd causauerit, imino & per totam æternitatem posteriorem: ita verum est quòd similis hypothesis causabit absolutè, & ante sæculum & ab æterno id ipsum verum fuit: pariterque verum est quòd eadem hypothesis id ipsum causaret, idque per omne tempus præteritum præsens, & futurum. Neque inueniet vnquam Aduersarius quod opponat huic doctrinæ, quantumuis excutiat sese.

Præsens
causa fu-
turi condi-
tionatum
necessarij
cum liberi.

L. 2. P. 353.

XIX. Altero modo respondeo. Esto danda sit iam aliqua causa effectus contingentis conditionatè futuri; dico illam posse rectè assignari iclusâ præsentii diuinæ voluntatis determinatione, si rectè assignatur in effectibus necessarijs conditionatè quoque futuris: & quæro ab Aduersario quæ causa modo assignari possit, cur *futuri sint alij dies si alius crearetur Sol?* Et quia ipse non putat in his futuris recurrendum ad determinationem diuinæ voluntatis, quod ea sint in suis causis naturalibus determinata, semperque petit recursus illius difficultatem ex indifferentia causarum liberarum: hoc tantùm relinquitur, vt dicat illam *aliorum dierum futuritionem* causam habere in possibili creatione ac motu alterius solis; adeo vt hoc quod est *ab æterno possibilem esse alium solem, aliumque illius motum*, causa sit propter quam *alij quoque dies conditionatè sint futuri*. Dico ego pariter, quemadmodum possibilitas causæ necessariæ quæ est ab æterno, est sufficiens ratio & causa propter quam effectus necessarius est conditionatè futurus, ita possibilitatem causæ liberæ omniumque necessariorum ad hoc vt liberè agat, quæ est etiam ab æterno, esse sufficientem rationem & causam propter quam illius effectus liber, sit conditionatè futurus. Neque hic gestiat TVissius. Intelligo enim quid statim sit obiecturus, esse nimirum disparem vtriusque causæ rationem: necessariam enim esse determinatam ex se ad effectum, ideoque illius possibilitatem inferre determinatum effectum, liberam autem indeterminatam esse tam ad ponendum quàm ad non ponendum effectum, & ideo ex huius possibilitate non magis sequi effectum futurum, quàm non futurum. Verum *secluso illationis ac sequelæ nomine*, quæ si necessitatem vllam inuoluant, locum hic habere non possunt; hoc solum dico, quàm determinata est causa necessaria ad vnum effectum, tam sui determinatiuam esse causam liberam ad vnum ex duobus illis quos indistinctè potest producere. Neque enim est passiuè indifferens, ita vt expectare ab alia debeat determinationem suam, sed actiuè, & ex dominio quod habet in alterutrum, vt effectum ponat aut supprimat; quod est esse indeter-

minaram cum potestate determinandi seipsam. Vnde iterum dico, quâ ratione causa ex se determinata ad vnum, est causa cur illud vnum futurum sit, eâdem ratione causam indifferentem ad duo, sed sui determinatiuam ad vnum ex illis, esse causam cur vnum illorum sit futurum: Et sicut ideo quod supponatur causa determinata ex se cum omnibus ad agendum necessarijs (hæc enim semper inuoluuntur) fit vt æterna illius possibilitas sit sufficiens ratio dicendi, determinationem illius ad effectum esse conditionatè futuram; ita ex eo quod supponatur causa sui determinatiua cum omnibus ad hoc necessarijs, fit vt æterna huius suppositionis possibilitas sit sufficiens ratio dicendi determinationem illius esse conditionatè futuram. Hoc enim etiam addendum est, causam sui determinatiuam vltimò completam, esse simul causam se determinantem ad alterutrum: vnde si verè dicitur atque absolutè *existit talis causa*; verè dicitur atque absolutè, *determinat vtrum è duobus sit*: & si verè dicitur atque absolutè, *existet*; eodem modo verè dicitur atque absolutè *determinabit vtrum è duobus erit*: Et si verè dicitur ac conditionatè *existeret si Deo placeret*; eodem modo verè dicitur ac conditionatè :: *determinaret vtrum è duobus effet*: vt sit idem supponere causam determinatiuam sui vltimò completam, ac supponere illam determinantem se vel determinaturam.

Vnde videat iam Lector quid hominis sit, qui capere potest quomodo suppositio possibilis causæ determinatæ ad vnum, sit sufficiens ratio cur effectus sit conditionatè ac determinatè futurus: non potest autem capere quo modo suppositio possibilis causæ determinantis se, vel determinaturæ, sit etiam sufficiens ratio cur eius effectus sit conditionatè ac determinatè futurus: quasi verò suppositio causæ determinatæ sit sufficiens causa cur sit determinatio: & suppositio causæ se determinantis non sit.

XX. Non dubito quin TVissius hîc animam agat, sed est excipiendus vltimus senis status. In hoc enim perceptuò videtur facere vim, quod suppositio ex quâ tam

Causa libera determinat ipsam sui indifferentiam.

potest sequi effectus quàm non sequi, quæ est suppositio causæ liberæ completæ, non possit esse ratio & causa cur sequuturus sit effectus potius quàm non sequuturus. Atqui planum fit ex iam dictis quid sit respondendum. Nempe suppositio ex qua perinde sequi ac non sequi potest effectus, si inuoluat vim determinatiuam & determinantem alterum ex illis, non potest esse ratio & causa, cur vnum sit futurum potius quàm aliud, nego: si talem vim non inuoluat, esto. Suppositio autem causæ liberæ vim illam inuoluit, vt ex illius conceptu patet. Et est instantia manifesta tum in libertate Dei, quæ idonea est causa seu ratio cur dicatur esse volitio producendi mundi, quamuis eadem posita perinde potuerit esse illius rei nolitio: tum in libertate creatâ iuxta TVissium hunc, qui putat in sententiâ Iesuitarum *non de-esse determinationem quâ contingentia fiant presentia*. Quasi diceret, in libertate eius qui peccat in præsentia, esse sufficientem rationem cur dicatur peccare potius quam non peccare; cum tamen eadem libertate suppositâ perinde possit non peccare: Ergo stat, in hypothese ex qua sequi potest alterutrum è contradictorijs, esse sufficientem rationem & causam, cur sequatur vnum ex illis determinatè. Atque ille proprius est character causæ liberæ, vt quamuis æquè sit indifferens ad opposita, sit tamen à seipsa causa, cur vnum ponatur potius quàm aliud. Quòd si præsens atque absoluta positio causæ liberæ talis est causa respectu effectus eodem modo præsentis; hoc erit & eius absoluta futuritio respectu effectus futuri absolute: & possibilitas seu futuritio conditionata, respectu effectus conditionatè futuri.

suprà num.
26.

Responde-
tur iuxta
formam
argumenti
propositi
suprà num.
11.

XXI. Atque hæc est illa, quam TVissius requirebat, articulorum decisio, quâ tota hæc, vt ipse quidem putat, controuersia dissoluitur: quam si lubet accommodare ad formam argumenti antea propositi, Primò distingui poterit Maior propositio in hunc modum, Omne quod transijt ab æterno de conditione merè possibilis in conditionem futuri, debuit supponere ab æterno aliquam illius transitus causam, absolutè positam, nego maiorem; ponendam accom-

accommodatè ad rationem futuri, concedo maiorem : Atqui futurum conditionatum transit ab æterno de conditione mere possibilis in conditionem futuri ; Esto minor, intelligendo semper transiisse in conditionem futuri conditionati, & de quo dicitur tantum quod esset vel fuisset : Ergo futurum hoc conditionatum debuit supponere ab æterno aliquam illius transitus causam, actu positam aut ponendam absolutè, nego, consequentiam ; ponendam conditionatè, hoc est accommodatè ad rationem ipsius futuri conditionati, concedo consequentiam. Et cum subsumitur, atqui nulla est alia causa idonea præter determinationem diuinæ voluntatis ; similiter distinguo : nulla est actu posita ; esto : nulla est ex hypothesi ponenda, nego. Est enim causa ipsa libera quæ ab æterno supponitur futura, si Deus eam ponere velit ; nec aliud asseritur quàm quod si poneretur, causaret determinatè talem effectum.

Secundò responderi poterit, transeat totus ille syllogismus : & ad id quod subsumitur, nullam esse aliam causam &c. Nego subsumptum. Est enim alia causa, nempe possibilitas suppositionis ex qua futurum enuntiatur conditionatè sequuturum, quæ est possibilitas causæ liberæ ultimò completæ ; & est ab æterno absolutè ; nec minus sufficit ut aliquis effectus sit & dicatur liberè futurus conditionatè ; quam possibilitas causæ necessariæ, ut dicatur effectus conditionatè etiam ac necessario futurus ut antea monstratum est. suprà num.
19.

Denique dici potest maiorem & minorem propositi syllogismi implicare contradictionem ; quod assumant dari ab æterno transitum à statu merè possibilis in statum futuri quem esse iam impossibilem ostendimus. Atque hæc est illa moles insuperabilis argumenti, quæ humana omnis auctoritas & *Thomæ ac Scholasticorum omnium* erat obruenda. Moles insana fateor, sed & fidilis, contra quam non diu fuerit arietandum ut in testas dissiliret. suprà num.
11.

CAPVT III.

*Expenditur TVissij solutio de futura ex
hypothesi Ceilitarum perfidia in
prodendo Dauide.*

XXII.



VANTVS sit TVissius in imprimendo impetu ex superioribus constat : reliquum est vt experiamur propulsantem. Ex multis argumentis quibus satisfacere conatur pauca seligam : non enim vacat omnibus telis configere hominem : neque nulla nos decet *ingenij satisfactio & animi stupefactio* misericordia.

2. Reg. cap.
23.

Sit ergo primum argumentum vulgare illud, quod ex Regum historia sumitur vbi Dauid Deum consulit *si tradent me viri Ceila & viros qui sunt mecum in manus Saul : & dixit Dominus, tradent.* Est autem interrogatio illa & responsio de futuro conditionatè libero, quod reuera non accidit, sed accidisset tamen si Dauid expectasset in Ceila Satilis aduentum. Vnde sequitur habere Deum scientiam futuri conditionati liberi.

§. I.

*TVissius agnoscio decreta conditionata
vel inuius.*

cap. 27. p.
268.

Ecce certò
& conditiona-
tè tan-
tùm fu-
tura cõ-
ceditur
traditio

Argumentum soluit Aduersarius lib. 1. & ex eius solutione in primis hoc liquet, certò cognitam fuisse Deo conditionalem illam, ita enim loquitur. Nos verò damus Deum hoc futurum esse sciuisse, nempe traditum iri Dauidem in manus Saul si mansisset in Ceila Dauid, & Saul descendisset. Item. Nemo quod sciam hoc negat aut dubitat, quin si Saul descendisset & Dauid in vrbe Ceila-

permaſſiſſet, Ceilitæ tradituri fuiſſent Dauidem in manus Saul. Et ideo ijs qui cauſabantur tribui Deo coniecturalem tantum cognitionem, ſi exponeretur prophetia illa de diſpoſitione cauſarum ex qua conijci poteſt ſequuturus effectus; ita reſpondet. *Nos Deo nullam cognitionem tribuimus quæ non ſit certa atque inſallibilis: quare neque nos, neque Dominicanos ferit iſta reſutatio; viderint potiùs hac de re Ieſuite.*

Secundò liquet etiam huius certitudinis cauſam reſundit ab hoc Auctore in diuinum decretum, vt verum ſit, ideo ſciuiſſe Deum id eſſe futurum, quia vt eſſet decreuerat. Patet hoc ex citato loco dum ait. At nos minimè diximus Deum futura iſta conditionata prænoſcere ſolam conſiderata diſpoſitione cauſarum ſecundarum; ſed ſimul in conſiderationem venire decretum Dei, de cauſis ſecundis omnibus ad agendum ciendis congruenter naturis ipſarum. Et in vniuerſum de quolibet propoſitione conditionata ſic cenſet. *Sed & nos, uti tam dictum eſt, determinari poſſe iudicamus extrinſecè conditionales iſtas per voluntatem & decretum Dei. ſeculaſà verò diuinæ voluntatis determinatione iam ſæpius demonſtrari non eſſe veritatis determinatæ.* Et iterum. *Nos autem huiusmodi propoſitiones iuxta hunc ſenſum explicatas veras eſſe prorsus negamus, ſeculaſà de horum membrorum connexionẽ voluntatis diuinæ determinatione.* Et hætenus quidem intelligendum ſe præſtat Aduerſarius: ſed quæ reſtant incluſit labyrintho, vbi tenebris & erroribus omnia conſuſa.

Nam cum dicat, quod eſt conditionatè futurum, Dei decreto futurum fieri, nihil propius erat quam vt inferremus admittere hominem hunc in Deo decreta conditionata ratione obiecti, quamuis ea exiſtant abſolutè: quemadmodum conditionata dicitur illa ſcientia cuius quidem exiſtentia minime ſuſpenſa eſt, ſed quæ fertur in obiectum ex conditione ſuſpenſum: ea, inquam, proportio quæ debet eſſe inter tale decretum & talem ſcientiam in eam nos cogitationem impellebat, adiuuante TViſſio ipſo qui ſic loquitur, *ſeculaſo autem iſtiusmodi decreto* (quod Suares ſupponebat eſſe conditionatum ex parte obiecti) *libenter fateor non poſſe Deum habere ſcientiam conditionalium.* Et ſuper-

Ceilita-
rum.

lb. p. 170.

Certitudo
illa ex Dei
decreto
dicitur
petenda.

l. 1 p. 455.

pag 456. b.

l. 1. c. 7. p.
473.

- l. 2 digt. 5. riüs, *verissimum est nullam Dei voluntatem esse conditionatam;*
 pag. 208. *sed omnem esse absolutam quoad actum volendi; licet quoad res*
volitas dici & possit & debeat esse conditionata. Quod & alijs
demonstrationibus nihilo minus illustribus quam quibus usus est
Brauardinus, ad liquidum convinci potest; verum ab illâ co-
 gitatione reuocat uos idem qui prius induxerat TVissius,
 b. i. p. 178. dum sic monet. Decretum Dei absolutum & simpliciter,
 cap. 7. p. 472. constituit in genere futuri simpliciter quotquot simplici-
 ter fieri decreuit. Quatenus verò quidquid fieri, quan-
 tumcumque simpliciter decreuit per causas secundas, non
 nisi congruenter causis ipsis fieri decreuit: hinc oritur de-
 nominatio futurorum quorundam conditionatorum:
 qualia scilicet futura essent si modò sic comparata essent
 causæ secundæ vt naturis ipsarum congruenter agendo
 non nisi ad talia peragenda causas ciceret efficaciter & mo-
 ueret: VT NULLVM OMNINO SIT APVD DEVM DECRE-
 TVM CONDITIONATVM. Et lib. 3. Cum Suarem attulisset
 eorum sententiam referentem qui volunt Deum cognos-
 cere futura conditionata in decreto suæ voluntatis *inclu-*
dente eandem conditionem in obiecto: hoc est, in decreto con-
 ditionato ex parte obiecti, sic excipit. Ego verò DECRE-
 TVM CONDITIONATVM AGNOSCO NULLVM, *ne de con-*
sequentijs quidem necessarijs, quales sunt huiusmodi: si plures
crederent, plures salutem consequunturi essent. Addit enuntia-
 tiones conditionatas nasci ex decreto absoluto, & mox,
 Quia fieri non potest vt Deus aliquid faciat frustra, si plu-
 res Angelos condidisset, certè decreuisset vt etiam illi:
 agerent aliquid in gloriam Dei: nec tamen decretum ali-
 quod huiusmodi decenter Deo tribui potest, quasi con-
 stituisset, quod si Angeli aliqui conderentur illi agerent
 pag. 461 aliquid in gloriam Dei. Et Paulo ante. Si fingatur huiusmo-
 di decretum Petrum peccaturum si in tali occasione con-
 stituatur (cuius generis decreta Deo tribuenda esse nondum di-
 dici) *sim, inquam, fingatur tale decretum, vera erit ista hypothe-*
tica, si Petrus crectur in tali occasione peccabit.
 XXIII. Hic iam videas, Lector, quid huic homini ratio-
 nis sit, & tria hæc pronuntiata confer.
 I. Scit Deus certò futuram conditionatè traditionem Davidis:

in manus Saul, si David in Ceila maneat.

2. *Nullum Dei decretum conditionatum agnoscendum est.*

3. *Seculso istius modi decreto, libenter fateor non posse Deum habere scientiam conditionalium.*

Iterum hæc duo confer.

1. *Enuntiationes conditionatas nasci ex decreto absoluto, Quod significat decretum absolutum ad earum veritatem sufficere.*

2. *Quod proximè positum est, seculso istiusmodi decreto, de quo Suares loquebatur & quod tendere supponebat in obiecta conditionata, libenter fateor Deum non habere scientiam conditionalium. Denique hæc etiam duo vide qui fieri possit vt conueniant.*

1. *Voluntas Dei quoad res volitas dici & solet & debet esse conditionata, id quod putat à se conuinci demonstrationibus.*

2. *Nullum omnino est apud Deum decretum conditionatum. Ego decretum Dei conditionatum agnosco nullum, huius generis decreta Deo tribuenda nondum didici.*

XXIV. Tertiò, sed quamuis secum ipse pugnet suaque destruat, dari tamen in Deo decreta ex parte actus absoluta, ex parte obiecti conditionata, iuxta ipsius principia, nec viuus nec mortuus effugiet quin concedat. Sic enim argumentor 1. Voluntas Dei non potest esse per se causa cur aliquid sit futurum, nisi tendat in illud tanquam in effectum suum, vt est notum ex terminis: Atqui est causa per se & sola cur futura sit traditio Dauidis in manus Saul, ex te ipso: Ergo tendit in illam traditionem tanquam in effectum suum. Rursus, vt voluntas diuina tendat in aliquid tanquam in effectum suum, debet in illud tendere tanquam in obiectum (nisi fortè privilegium est Leouardienfis Theologiæ, vt externum aliquem effectum diuinæ voluntati per se tribuat, qui non sit eius obiectum, sitque productus ab ea, nec tamen volitus) Atqui diuina voluntas tendit in traditionem Dauidis tanquam in effectum suum: Ergo tendit in illam tanquam in obiectum. Denique voluntas quæ tendit in obiectum conditionatè tantum futurum, est voluntas ex parte obiecti.

Decretum illud esse conditionatum ex parte obiecti probatur argumentis.

conditionata, quantumvis absoluta sit ex parte actus per ipsum Aduersarium: Atqui talis est voluntas Dei quæ versatur circa traditionem Davidis: Ergo illa est, prædicto modo conditionata: & si dicatur decretum, debet dici decretum conditionatum, perinde atque scientia ipsa de tali obiecto conditinata dicitur.

L. 1. pag. 168

XXV. 2. Decretum quod præmittit Aduersarius huic scientiæ Dei de futura Davidis traditione, est *decretum mouendi Ceilitas ad agendum iuxta dispositionem suam in traditione Davidis*. Ita enim loquitur ipse: Ergo expressè rendit hoc decretum in traditionem Davidis vt terminum ad quem erant mouendi Ceilitæ à Deo: Atqui & illa motio & illa traditio fuit tantum conditionatè futura: Ergo quod exprimit diuinum decretum est tantum conditionatè futurum: Ergo est volitio conditionata sicuti & scientia. Et hoc ipsum confirmat, dum postulat *vt diuina determinatio* quam requirit ad conditionalium veritatem, *fit de connexionem consequentis cum antecedente*. Illa enim connexio non est nisi conditionatè futura: Ergo requirit vt diuina determinatio sit de re tantum conditionatè futura: atque adeo vt sit ipsa conditionata.

L. 3. pag. 456

Suprà ex
l. 3. p. 471.

XXVI. 3. Quomodo vis, Guillelme, nasci ex decreto absoluto *enuntiationes conditionatè veras*? Per necessariam inquis sequelam. At sequela illa quæ te non fugit, an fugiet Deum? Quod si præcognoscit Deus dum aliquid absolute decernit quidquid ex tali decreto sequiturum est, quare negas ita comprehendere illud volitione, quemadmodum cognitione comprehendit, censetque implicitam esse volitionem eius cuius explicita cognitio est? *vult*, inquis *Deus mouere Ceilitas secundum eorum dispositionem*: benè habet. Et quia si David apud illos maneat accedente Saule, dispositi erunt ad traditionem, inde sequitur conditionalis ista vera, *mouendos ad traditionem, atque adeo tradituros, si David apud illos maneat*. At, sequitur ne conditionalis illa citra expressam Dei præcognitionem? quare igitur sequi putas citra expressam Dei volitionem? Cùm, inquam, motio ex hypothesi futura non magis dedecet diuinam voluntatem, quam motio ab-

solutè futura ; quare sicut extenditur diuina præcognitio ad illam motionem , non extenditur ad eandem diuina volitio ? An non decet Deum tam perfectè velle quæ vult , quam cognoscere quæ cognoscit ? Quare igitur vis vt confusè tantum velit , quæ cognoscit distinctissimè ?

XXVII. 4. Sed vt video cum Brachmanis hoc habes commune , vt Deum pingas tuis coloribus. Nos qui homines sumus intelligentiæ finitæ ac modicæ , distinctis actibus attingimus vniuersa & singula : nec cum volumus v. c. eleemosynam dare omnibus pauperibus , censemus adhuc Lazarum expressisse. Hunc ipse natum affingis Deo , cum negas euentus particulares vniuersali eius decreto expressos esse. Verum exuendæ sunt species Anthropomorphitarum , & cogitandum Deo idem esse homines concipere , ac concipere hos & illos distinctissimè , atque adeo Ceilitas : & concipere , futuram hominum dispositionem idem esse , ac concipere hanc & illam , atque adeo quàm Ceilitæ habituri erant : & concipere motionem idem esse ac concipere motionem ad hunc & illum animi affectum , atque adeo ad traditionem Davidis. Nostrum quidem est ex vno aliud colligere , & ex communi deducere particulare : sed quidquid nobis est consequens , Deo est antecedens : & quæ ipsi per sequelas deducimus , primâ Dei propositione continentur expressa. Expresserit ergo decretum Dei tum Ceilitas , tum futuram eorum dispositionem , tum motionem dispositioni congruam : & quia fieri aliter non potest , hac expressione suppositâ fuerit ex eâ parte formalissimè decretum conditionatum ratione obiecti. Sed vt opinor non ad hoc acceperas annuam pensionem ab Ordinibus Frisiæ vt hæc scires.

XXVIII. 5. Cum ex motione suâ intelligat Deus Davidem à Ceilitis certò tradendum , motionem verò ipsam ex decreto mouendi accommodato futuræ illorum dispositioni , vt tu quidem putas ; futuram dispositionem illam vnde intelligit ? Iterum , inquires , ex decreto absoluto quo statuit vt pro ratione causarum concurrentium & varietate circumstantiarum atque obiectorum , variæ ab

1. a. pag. 174

hominibus dispositiones susciperentur. Atqui nullum est in vniuersum huiusmodi decretum : quod probo ex tua doctrina, cum dicis *Penes Deum esse*, præter illum causarum & obiectorum concursum, *vel vertigine percutere : vel saniora & nunquam antea cogitata consilia suggerere : vel diabolicis illusionibus prostituere : vel à diabolicis præstigijs immunes custodire, etiam facie rerum externarum subito mutata, nonorum consiliorum concipiendorum materiam suppeditare.* Non potest igitur reduci futura illa dispositio in commune quoddam atque absolutum decretum. Ergo necessarium est vt sit decretum particulare, quo statuerit Deus vel inducere dispositionem præter ordinem causarum & circumstantiarum, si eam illæ non ferebant : vel si ferebant, nihil immutare aut impedire, sed potius concurrere. Elige autem vtrum mauis. Nam primum decretum ita necessariò concipiendum erit. *volo vt si David apud Ceilitas maneat, Ceilitæ sint dispositi ad traditionem, quamuis aliud rerum status postulet.* Secundum verò in hunc modum, *Volo vt si David apud Ceilitas maneat causæ naturales & circumstantiæ suum cursum teneant, habeantque proprium in disponendis eorum animis effectum,* Atqui vtrumque hoc decretum propriissimè conditionatum est : Ergo velis nolis admittere debes decretum propriissimè conditionatum.

XXIX. 6. Denique dum asseris Deum absoluto decreto velle homines mouere secundum ipsorum dispositionem, interrogo quam dispositionem intelligas? an futuram absolute tantum vt sensus sit, *mouendo tantum secundum dispositionem quam habebunt?* An etiam futuram conditionatè, vt sensus sit, *mouendos secundum dispositionem quam vel habebunt vel haberent si quid aliud contingeret?* Si primum, nihil inde sequitur de futura Ceilitarum traditione; quia eorum dispositio ad tradendum Dauidem nulla fuit absolute: nec fuit absolute futura. Quandiu enim David apud eos mansit, erant erga illum benè animati, tum recenti beneficio liberationis à Philistæis, tum cognationis officio, quippe qui contribules essent. Et hoc fateris etiam ipse cum dicis *habitualement dispositionem Ceilitarum erga Dauidem non possum suspicari fuisse inimicam,*

praesertim cum urbs illa sita esset in tribu Iuda: & illam insignibus officiis David nuper sibi demerisset. Vis ergo fuisse mutandam illam dispositionem si Saul accessisset. Quod si Dei decretum hoc supponit, quod erat secundum; non vides ita esse concipiendum ut sit conditionatum; cum nihil aliud esse possit, volo mouere homines iuxta dispositionem quam haberent, quam, volo ut si aliter sint dispositi, aliter sint mouendi.

§. II.

*Decreta de liberis actibus conditionatè futuris.
Repugnare SS. Patrum doctrina.*

XXX. **M**IRABITVR fortè aliquis cur TVissius caligauerit in illâ luce: neque hoc admiserit quod tam euidenter sequebatur ex datis & concessis ab eo, quodque illi quorum partes sequitur vltro fatentur: cum dicunt, scientiam conditionatam supponere decretum pariter conditionatum, ideoque non esse scientiam mediam, quod hæc tali decreto ut eius utar verbo, *præcedanea* singatur. Ego verò prouidentiam in eo aliquam huius senis agnosco. Vidit enim, si hoc concederetur, clausum esse aditum ad scientiam mediam nouitatis accusandam. Quis enim accusare iure possit, qui eam negare non potest, nisi sententiâ inductâ peræque aut magis nouâ?

Age, inquam, proponitur nobis hic locus ex scriptura, *Retorqueatur argumentum de nouitate scientiæ mediz.*
si tradent me viri Ceila in manus Saul: & respondit Dominus tradens, ita interpretaris ipse, ut decretum supponatur & voluntas Dei exprimenda his aut similibus verbis, Volo ut fsemaneat David in Ceila, tradant cum Ceilite in manus Saul: atque ita voluntatem fingis scientiâ illâ priorem. Ego scientiam defendo priorem voluntate. Obijcis mihi nouitatem sententiæ meæ; Ostende antiquitatem tuæ. Quis ante Molinam, inquis, agnouit scientiam illam in Deo voluntati diuinæ præuiam? Sed quis etiam ante Molinæ suppare, agnouit in Deo præuiam illam diuinæ scientiæ

voluntatem? Nupera est, inquiunt, cognitio futuri conditionati. Volitio futuri conditionati quàm antiqua est? Posses indicare quâ Olympiade primùm apparuerit? Nonne iniquissima est illa vexatio, id ipsum accusare quod ipse pecces, aliosque ad eam exigere regulam quam tute confregeris?

XXXI. Quanquam neque hoc ego tibi do, nos in ea causâ pares esse: quippe cum meam ipse sententiam in scripturâ simpliciter legam, re nullâ vel additâ vel detractâ. Vide enim an non germana sit ista ratiocinatio & sponte fluens? Vnum tantùm beneficium à te peto: ne de Deo benedicto tam malè sentias, vt nescire putes quid dicat. Gratiam hanc si concedere mihi potes, vel saltem Deo, sic argumentor, Scit Deus quod dicit: Atqui dicit, si Dauid in Ceila maneat, tradendum in manus Saul: Ergo hoc scit. Maiorem tuæ liberalitati acceptam refero, minor ipsâ est scriptura sacra; consequentiam sibi vendicat Aristoteles & omne animal rationale; conclusio ipsissima est scientia conditionata sine decreto prævio.

Tu quid facies vt inibi legas scientiam conditionatam ex decreto sequacem. Ita nimirum argumentabere. *Quid quid futurum dicit Deus, hoc futurum prædefiniuit: Atqui futurum dicit, vt si Dauid in Ceila maneat tradatur in manus Saul: Ergo prædefiniuit vt si maneat tradatur.*

Maiorem propositionem quo iure vsurpas? Scriptura illius tibi copiam facit? Nempe omnibus ijs locis quæ significant futura hominum peccata non esse diuinæ voluntatis, quæ tamen sunt diuinæ prædictionis atque præscientiæ. Patres igitur? Iustinus videlicet, qui dum fidei Christianæ rationem reddit Imperatori, *fatum* admittit & quidem *ineluctabile, quo præmia & pœnæ eorum qui bonè aut malè vixerunt determinentur*; negat autem *quo sit destinatum quempiam esse bonum aut malum*. Quod perinde est atque admittere voluntatem prædefinientem præmium & pœnam præscitæ virtutis & vitij; negare verò ipsam virtutem aut vitium prædefinientem, cum tamen eorum non negetur præscientia.

Non esse
prædefini-
tum quid-
quid à Deo
Scitur esse
futurum
probat
ex Scriptu-
ra & Patri-
bus.

Iust. Apol.
1. ad An-
ton. num.
Pium.

Athenagoras, qui negat in Legatione ad Imperatorem Athen.
esse Dei mouere ad ea quæ sunt præter naturam, & consequen-
ter ea decernere, cum tamen eius sit ea præscire?

Minutius Felix in Octauio, qui cum Iustino fatum etiam Minutius.
 admittit posterius præscientiâ meritorum? *Quid est, inquit,*
fatum quam quod de unoquoque nostrum Deus fatus est? qui
cum possit præscire materiam, promeritis & qualitatibus singu-
lorum etiam fata determinat. Non ergo fata ista seu deter-
 minationes, hoc est prædefinitiones præscientiam præce-
 dunt.

Tatianus, qui cum fateatur, in Oratione ad Græcos, Tatian.
 præsciuisse Verbum quæ ventura essent; negat tamen ea
 præsciuisse *ex fato*: aut aliter *quam ex libero eligentium pro-*
posito: & consequenter non ex decreto? Arnob. l. 1.

Arnobius, qui *sceleratam atque immanem* vocat eam per-
 suasionem, qua putat aliquis ipsos actus quibus *vita transigi-*
tur & celebratur humana ordinasse iussisse, & à sua fluere consti-
tutione præcepisse? An igitur illos actus idem præscit Deus,
 quia prædefiniuit?

Origenes, qui perpetuam affert causam cur diuina
 præscientia libertati non noceat, *quia non ideo liberi actus* Orig. l. 2.
futuri sunt quia præsciuntur: sed ideo præsciuntur quia futuri contra Cel-
sus.
sunt? Quæ ratio ridicula sit, si sunt ideo futuri liberi actus
 quia prædefiniuntur? Quid quod Celso disertè negat? *dis-*
pensari omnia per Dei voluntatem; & mala procedere à diuina
providentiâ? Num concedet procedere à diuina prædefi-
 nitione?

^b Eusebius Cæsariensis, ^c Chrysostomus, ^d Epiphanius,
^e Damascenus qui eadem cum Origine & dicunt & sen-
 tiunt?

Theodoreus, qui cum Platone *modis omnibus pugnan-*
dum censet: ne Deus qui bonus est, dicatur esse malorum causa? Theod. l. 5.
Qui negat ideo producta esse mala ut ad bonum seruiant; sed
quandocumque fieri ea contingit; vti Deum illis ad bonum?
 An est admissurus Deum ea prædefinientem quæ mala
 sunt, cum tamen admittant præscientem?

§. III.

Etiam Augustino decreta illa repugnare.

XXXIII. **S**ed hæc fortasse inanis videatur esse contentio si TVissium solum spectemus, qui faretur vltro Patres ita sensisse vt ipsi volumus, omniaque à Deo præsciri facile concessisse; non autem omnia decerni: Augustinum etiam antequam illum acueret hæresis pelagiana. Augustinum igitur scrutemur, cuius est ea vox in primis. Nusquam legimus non est voluntas nisi à Deo: & ideo non scriptum est, quia verum non est. An negat à Deo cognosci voluntatem quam à Deo esse negat: & tamen in eo libro iam acuebatur in Pelagianos. Acuebatur & in Ep. ad Honoratum, dum dicit Deum prædicere peccata hominum, non facere. Et nequis putet quoquo modo pertinere peccata ad Dei voluntatem, id. excludit omnino dum negat, vel ad minantem pertinere, vel ad promittentem. Quamuis, inquit, mala inferas, mala, non peccata, sed supplicia; minatur tamen ea potius quam promittit. Omnia largitur & præscit: Supplicia minatur: beneficia pollicetur. Nec hebes erat illius acies in libris de Ciuitate Dei, in quibus mirum est quam multa occurrant quæ ostendunt non prædefiniri à Deo quæcumque præsciuntur. Producam de multis pauca.

Sicut omnium naturarum Creator est Deus, ita omnium potestatum dator, non voluntatum. Male quippe voluntates ab illo non sunt: quoniam contra naturam sunt, quæ ab illo est. Quomodo non ab illo sunt malæ voluntates, si prædefiniuit vt essent? Arquisunt tamen præscitæ.

Eodem spectat & hoc aliud. Sicut Deus naturarum bonarum optimus Creator est, ita malarum voluntatum iustissimus ordinator, vt cum malè ille vtuntur naturis bonis, ipse benè vtatur etiam voluntatibus malis. Malarum voluntatum ordinatio procul distat à prædefinitione, quæ ipsas præuenit, cum ordinatio malas supponat, & malè vtentes naturis bonis, vt hoc loco dicit Augustinus, & apertius explicat in commentario Psalmorum, vbi de hæreticorum excu-

Lib. 1. cap.
26. pag. 163.

de Spiritu
& lit. c. 31.

Ep. 110.
cap. 19.

L. 5. cap. 9.

Mat. cap. 17.

Psal. 7.

catione in scripturis interpretandis, quæ nonnulli diuinâ providentiâ disponente illis contingit, *Non quia ipsa*, inquit, *peccatores facit; sed quia ipsa ordinat cum peccauerint.* Est igitur etiam hîc præscientia sine prædefinitione.

Decisuum hoc quoque *Neque ideo peccat, homo, quia* ^{s. de civ. cap. 10.} *Deus illum peccaturum præsciuit: immò ideo non dubitatur ipsum peccare cum peccat, quia ille cuius præscientia falli non potest, NON FATVM, NON FORTVNAM, NON ALIQVID ALIVD sed illum peccaturum esse præsciuit.* Non præsciuit Deus aliquid aliud, si prædefinitio fuit illi ratio præsciendi peccatum futurum?

Et hoc etiam: *Anima non deserta est ut desereret; sed ut deferetur deseruit.* Ad malum quippe eius, prior est voluntas eius: ^{Ib. l. 13. cap. 15.} *ad bonum verò eius, prior voluntas creatoris eius; siue ut eam faceret, quæ nulla erat: siue ut resciceret, quæ lapsa perierat.* Si fuit prædefinitio actus mali cuius fuit præscientia, evidenti-
tissimum est, & desertam fuisse voluntatem priusquam ipsa desereret: & ipsam non esse ad malum priorem, cum supponat prædefinitionem, quæ voluntas quædam Dei est.

Neque illud omittendum, *Bona voluntas opus Dei, cum eà quippe ab illo factus est homo: mala verò voluntas prima,* ^{l. 14. cap. 11.} *quoniam omnia mala opera præcesserit in homine, defectus potius quidam fuit ab opere Dei ad sua opera, quam opus vltimum.* Quo sensu neget Augustinus malam voluntatem esse opus Dei, colligi potest ex libro de prædestinatione Sanctorum, cum dicit. *Quando promisit Deus Abraham in semine eius fidem gentium.... Non de nostræ voluntatis potestate; sed de sua prædestinatione promisit. Promisit enim quod ipse factururus fuerat; non quod homines. Quia etsi faciunt homines bona quæ pertinent ad colendum Deum: IPSE FACIT VT IPSI FACIANT quæ præcipit: non illi faciunt vt ipse faciat quod promisit. Quo ex loco manifestum est hoc censerî opus Dei, quod Deus facit vt homines faciant: & proinde quod prædefinit, & ad quod movet: vt sit idem negare primam voluntatem malam esse opus Dei; ac negare prædefinitam esse, ac Dei motione excitatam, cum tamen constet esse præcitam.*

Quod etiam regerit in Porphyrium, qui dicebat Chri-

stum Christianos erroribus fataliter implicuisse, tantumdem hic valet contra Prædefinientes actûs malos. *Si fita-liter*, inquit, *dedit Deus Christianis erroris implicationem, utrum volens an nolens dedit? Si volens; quomodo iustus? Si nolens, quomodo beatus?* Dicam similiter, Si Deus prædefinit actûs qui sciuntur esse non posse nisi mali, vel volens prædefinit, vel nolens; si volens, quomodo iustus? Si nolens, quomodo beatus & omnipotens? Stet igitur non omnium esse prædefinitionem quorum est præscientia, si creditur Augustino.

Cap. 10. Et ne sit vilis eâ de re locus dubitandi, apertissima est illius sententia in libro de prædest. SS. quæ sic habet. *Prædestinatio est quæ sine præscientia esse non potest, potest autem esse sine prædestinatione præscientia. Prædestinatione quippe Deus ea præsciuit quæ fuerat ipse facturus: unde dictum est, fecit quæ futura sunt; præscire autem potest etiam quæ ipse non facit, sicut quæcumque peccata.*

l: pag. 191 XXXIII. Sed respondet TVissius negare quidem Augustinum aliquorum actuum prædestinationem, non autem prædefinitionem. Ita enim loquitur. Licet scientia excedat prædestinationem modo prædicto, tamen hinc nequaquam sequitur eam excedere quodcumque Dei decretum, quasi in nullo Dei decreto fundaretur. Neque dicit Thomas, aut Augustinus, aut Damascenus actûs liberos voluntatis creatæ non esse à Deo prædefinitos, sed quod ex parte pronuntiant, illud de prædestinatione pronuntiant: idque propriè & strictè procedente vocis huius significatione secundum Aquinatem: non autem de prædefinitione.

Sed secum pugnat. ib. pag. 130. Opponam primò TVissium TVissio, ut videat Lector labantem hominis memoriam & animum stupefcentem. Paulò ante proposuit sibi Pennoti obiectionem, quæ sic habet, *Tertiò probari potest hæc propositio innumeris auctoritatibus Patrum dicentium Deum multa præscire quæ non prædefinit nec prædestinat: nihil autem prædefinire aut prædestinare quod non præscierit.* Ad hæc TVissius, *Agnosco*, inquit, *ita esse.* Nunc agnoscit, ex usu Patrum aliqua præsciri quæ neque prædestinantur neque prædefiniuntur: nunc præsciri quidem

aliqua quæ non prædestinantur: nulla vero quæ non prædestinantur. Sed est in quo magis appareant huius Senis deliramenta, dum ita loquitur. Quid aliud est ad vitam prædestinari, quàm ab æterno destinari ad vitam iuxta phrasiologiam antiquorum? Et prædestinationem agnouerunt illi, non modò ad vitam æternam; sed & ad mortem æternam. Agnosco ita veteres distinxisse inter præscientiam & prædestinationem ut omnia à Deo præsciri dicerent, etiam mala, non autem prædestinari. Hinc etiam inuoluisse fateor ut in Scholis præsciti vulgariter vsurparentur, pro reprobatis. Nimirum cùm nomina sint ab instituto, voluerunt illi prædestinationem ad ea tantùm extendere quæ aliquando facturus erat ipse Deus, non autem ad ea quæ permissurus. Agnoscit ex Patrum sententia prædestinationem non modo ad vitam æternam, sed etiam ad mortem æternam, ac proinde ad reprobos pertinere; & simul agnoscit, ex eo quod Patres latius extenderent nomen præscientiæ quàm nomen prædestinationis, factum esse ut reprobi, ad quos scilicet prædestinatio non extendebatur sicuti præscientiæ, dicerentur vulgariter præsciti. Ego cum hæc legerem existimabam vel Librariorum, vel Typographorum vitio locum esse corruptum: sed quando constat probè recognitam esse ab Auctore paginam hanc: atque in eâ nescio quid aliud leuiculum admodum emendatum; restat ut dicam consuetas esse has ingenij fatiscantis rimas. Præsertim cùm alio ipse loco, quasi vellet morem illum modumque loquendi Patrum Antiquorum castigare, rotundè pronuntiet. *Esse de fide certum, quæcumque eueniunt ea à Deo prædestinata fuisse ut eueniant: & constat mala etiam illum inuolucere. Et iterùm, dicimus, & verè, destinatos esse damnationi non paucos antequam nascantur.* Quasi vellet esse de fide certum, Augustinum esse mentitum, dum aliqua negat esse prædestinata quæ tamen eueniunt.

Secundò. Cùm secluso Patrum vsu prædestinari & prædestinari. aliquid idem sit: euidens est non posse nos cum ratione asserere Augustinum contractius vsurpassse nomen prædestinationis quàm prædefinitionis, nisi constet

l. i. c. 12.
pag. 136.

l. 3. pag. 409

Confutatur
prædicta
distinctio
inter præ-
definitionem

nem, &
prædesti-
nationem.
Ex Augu-
stino.

apud illum negari quorundam prædestinationem, quorum tamen asseratur prædefinitio: Atqui ne apex quidem extat apud Augustinum, unde colligatur permittere illum ut prædefinita dicantur quæ non possunt dici prædestinata. Quod confirmatur vel ex eo ipso loco quem TVissius subinde regerit ad hoc probandum. *Non aliquid fit nisi omnipotens fieri velit: vel sinendo ut fiat, vel ipse faciendo*; quod apertum sit, dici non posse nisi omni exuto pudore assumptæque inscitæ professione, voluntatem sinendi ut aliquid fiat, esse illius prædefinitionem.

loc. cit. de
prædest. SS.
c. 10.

XXXV. Tertiò. Constat Augustinum extendere prædestinationis vocem ad eà omnia quæ Deus ipse facturus est. Ita enim ipse loquitur *prædestinatione quippe Deus ea præscivit quæ fuerat ipse facturus, præscire autem potest, etiam quæ ipse non facit*: Ergo ut sit amplior acceptio prædefinitionis, complecti debet etiam ea quæ Deus non est ipse facturus. Iterum constat ex eodem Augustino, inter ea quæ dicitur *Deus ipse facturus*, comprehendi quæ homines quoque faciunt, si Deus facit ut illi faciant. Hæc enim sunt eius verba. *Promisit enim quod ipse facturus erat, non quod homines. Quia etsi faciunt homines bona quæ pertinent ad colendum Deum, ipse facit ut illi faciant quæ præcipit: non illi faciunt ut ipse faciat quod promisit.* Ergo si sunt aliqua non prædestinata, & tamen prædefinita, debent illa ita fieri ab hominibus, ut Deus non possit dici *facere ut illi faciant*. Hoc autem implicat. Quid enim est aliud prædefinire aliquid, quam antecedenter atque efficaciter velle ut illud fiat; ac proinde illius causas præuenire *faciendo ut faciant*? Est igitur manifestum apud Augustinum ista coincidere, & errore gratuito ac voluntario spatari, qui contendunt prædefinire esse quæ prædestinata negantur.

- » Eòdem hæc alia verba pertinent, Non autem sic cre-
» didit Abraham, sed credidit dans gloriam Deo, quo-
» niam qui promisit potens est & facere: non ait prædice-
» re; non ait præscire (Nam & aliena facta potest prædice-
» re atque præscire) sed ait potens est & facere: ac per hoc
» non aliena facta: sed sua. Quæ sunt amabo aliena illa facta,
» quæ

quæ & præsciuntur & prædicuntur? An sunt prædefinita? Si non sunt; ergo datur aliquid & præscitum & non prædefinitum: si sunt, quomodo aliena dicuntur? Prædefinitio an est minùs actio Dei quàm prædestinatio? An minùs antecedens? An minùs efficax? Quod ergo ex illâ sequitur, quare non dicetur *factum Dei*, perinde atque id quod sequitur ex prædestinatione?

XXXVI. Quartò, Confirmatur hoc ipsum vel ex illo D. Thomæ loco ex quo TVissius auctoritatem furari conatus est. Cum enim D. Thomas neget prædestinata esse quæcumque sunt præscita: ideoque distinguat prophetiam prædestinationis à prophetia præscientiæ, quâ prædicuntur ea in quibus præscientia prædestinationem excedit; distinctionis illius causam affert ex Damasceno, *Quia ea quæ Deus prædestinat, non sunt in nobis, unde & prædestinatio quasi quedam Dei preparatio dicitur, hoc autem aliquis præparat quod facturus est ipse, non quod alius.* Ex quo loco in primis hoc liquet, illius restrictionis quâ prædestinatio angustius patet quàm præscientia, non peti rationem ex peculiari Patrum vsu; sed ex communi vocum ipsarum institutione atque acceptione, dum dicit, *unde & prædestinatio quasi quedam Dei preparatio dicitur. Hoc autem aliquis præparat, &c.* Deinde liquet eandem rationem prædestinationi ac prædefinitioni communem esse: neque vnam magis excedi à præscientiâ quàm aliam. Quid enim rationis habet hæc oratio, *ea quæ Deus prædestinat non sunt in nobis*, magis quàm ista, *ea quæ Deus prædefinit non sunt in nobis*? Et ista, *Prædestinatio quasi quedam preparatio Dei dicitur*, magis quàm ista, *Prædefinitio quasi quedam preparatio dicitur*? Item ista, *Hoc aliquis prædestinat quod facturus est ipse, non quod alius*? magis quàm ista, *Hoc aliquis prædefinit quod facturus est ipse, non quod alius*? Quis non videt sub stituta in locum prædestinationis, prædefinitione, eandem omnino esse vim orationis neruumque sententiæ? Quâ ergo verisimilitudine dicetur vnam excedi à præscientia Dei, non autem aliam?

XXXVII. Quintò, vt planum fiat non esse hanc tantum nominis quæstionem; & Augustinum non negare solam

Item ex S.
Thoma.
S. Th. de
veritate q.
11 ar. 10.
in corp.

tum ordinator: Aliquam, quæ ideo imputatur ad culpam; quia cum futura præsciretur, nihil aliud præsciebatur quam ipsam esse futuram: Aliquam, quæ non sit prior Dei voluntas: Aliquam quæ non sit opus Dei. Quis enim possit adeo cæcutire, ut hæc & alia id genus pati credat æternam ac prædefinientem Dei voluntatem circa malos hominum actus; ut ideo putet non negari antecedenter decerni, dum negantur prædestinari?

§. IV.

Patres Augustino posteriores independentem à prædefinitionibus præscientiam agnovisse.

XL. **S**ED quæ fuerit Augustini mens requirendum est. Sex Prospero Aquitanico, & Fulgentio Affricano: quorum ille in ultimos incidit Augustini annos: hic proximè subsecutus est: utriusque autem illius & nomen & doctrinam strenuè propugnarunt continuato in Pelagianos eorumque reliquias bello.

Ergo Prosper id ipsum quod Augustinus affirmat multis locis, esse nimirum aliqua præscita, neque tamen à Deo prædestinata. Id enim habet in responsionibus ad capitula Gallorum dum ita loquitur. Potest itaque sine prædestinatione esse præscientia; prædestinatio autem sine præscientia esse non potest. Et iterum. In malis operibus nostris sola præscientia Dei intelligenda est: quia sicut præsciuit & prædestinavit quæ ipse facit & ut faceremus dedit; ita præsciuit tantum, non etiam prædestinavit, quæ nec ipse fecit: nec ut faceremus exegit.

Hinc etiam illud *Prædestinatio Dei semper in bono est: & Prædestinatio nunquam extra bonitatem, nunquam extra iustitiam est.*

Iam videndum utrum ita inter prædestinationem & prædefinitionem distinguat, ut quod negat prædestinationi, concedat tamen prædefinitioni. Et occurrit in primis quod iam retulimus, in malis operibus nostris *solum*

Non prædestinan-
tur quæ-
cumque
præsciū-
tur apud
Prosperum.
Resp. 15.
Sent. 15

Ib. Resp 14
Sent. 6. &
Resp 10 ad
obiect.
Vincent.
Prosper in-
ter præde-
finitionem
& præde-

præscientiam ideo esse intelligendam, quia in illis intelligi non potest *prædestinatio*; quam dico ineptam esse sententiam, si *prædestinatio* non complectitur omnem voluntatem antecedentem & absolutam, atque adeo *prædefinitionem*. Cum nisi hoc detur, manifestum sit seclusa *prædestinatione* non sequi quod Prosper assumit, restare *solum præscientiam* circa mala opera, cum possit adhuc restare *prædefinitio*.

stinatio-
nem non
distinguit.

2. Iuvat enim quod est in resp. 12. ad capitula Gallorum, „ Si Deus hominem sibi obedientem à pietate deturbat, & „ benè currentem cadere facit; ergo pro bonis mala retri- „ buit: & iniuste punit, quod ut fiat impellit. Quid tam „ peruersum, quid tam insanum dici aut cogitari potest? „ Sed in talem sensum trahuntur qui putant in omnibus hoc „ esse *præscientiam* Dei, quod & voluntatem: cum volun- „ tas eius numquam velit nisi bona; *præscientia* autem, „ &c. En tibi quæ sit illa *prædestinatio* quam Prosper ne- „ gat adæquari *præscientiæ*: nempe illa *voluntas* Dei est, „ quæ nunquam fertur nisi in bona: ut idem sit Prospero „ *Dei prædestinationem semper in bono esse*: aut *nunquam extra* „ *bonitatem esse*: ac, *Dei voluntatem semper in bono esse, nunquam* „ *extra bonitatem*. Quid igitur fiet illà *prædefinitione*, illou- „ decreto, quod & voluntas Dei quædam est, & *præscien-* „ *tia* dicitur adæquari, etiam *conditionatæ*?

3. Addo sententiam 14. quæ sic habet. Quid dicit quod „ qui Euangelicæ prædicationi non credunt ex Dei præde- „ stinatione non credunt: & quod Deus ita definierit ut „ quicumque non credunt ex ipsius constitutione non cre- „ dant; non est Catholicus. Sicut enim fides quæ per dile- „ ctionem operatur Dei donum est; ita infidelitas consti- „ tutio Dei non est. Hic etiam quis non videt, *prædestina-* „ *tionem* quæ negatur à Prospero *præscientiæ* coëxtendi, „ cum diuina *definitione*, & *constitutione* ita conuerti: ut ubi „ negatur *prædestinatio*, & *definitio*, & *constitutio*, negetur? „ Vbi est ergo *prædefinitio* comes illa indiuidua *præscien-* „ *tia*? Comes autem? Ducem potius dicere oportuit, si „ credimus TVissio..

4. Addo & responsionem 14. ex Vincentianis, hoc est

F iij.

voluntatem? Nupera est, inquit, cognitio futuri conditionati. Volitio futuri conditionati quàm antiqua est? Posses indicare quâ Olympiade primùm apparuerit? Nonne iniquissima est illa vexatio, id ipsum accusare quod ipse pecces, aliosque ad eam exigere regulam quam tute confregeris?

XXXI. Quanquam neque hoc ego tibi do, nos in ea causa pares esse: quippe cum meam ipse sententiam in scripturâ simpliciter legam, re nullâ vel additâ vel detractâ. Vide enim an non germana sit ista ratiocinatio & sponte fluens? Vnum tantùm beneficium à te peto: ne de Deo benedicto tam malè sentias, ut nescire putes quid dicat. Gratiam hanc si concedere mihi potes, vel saltem Deo, sic argumentor, Scit Deus quod dicit: Atqui dicit, si David in Ceila maneat, tradendum in manus Saül: Ergo hoc scit. Maiorem tuæ liberalitati acceptam refero, minor ipsa est scriptura sacra; consequentiam sibi vendicat Aristoteles & omne animal rationale; conclusio ipsissima est scientia conditionata sine decreto prævio.

Tu quid facies ut inibi legas scientiam conditionatam ex decreto sequacem. Ita nimirum argumentabere. *Quid quid futurum dicit Deus, hoc futurum prædefiniuit: Atqui futurum dicit, ut si David in Ceila maneat tradatur in manus Saul: Ergo prædefiniuit ut si maneat tradatur.*

Non esse prædefinitum quidquid à Deo scitur esse futurum probatur ex Scriptura & Patribus.

Iust. Apol. 2. ad Anton. num. Pium.

Maiorem propositionem quo iure usurpas? Scriptura illius tibi copiam facit? Nempe omnibus ijs locis quæ significant futura hominum peccata non esse diuinæ voluntatis, quæ tamen sunt diuinæ prædictionis atque præscientiæ. Patres igitur? Iustinus videlicet, qui dum fidei Christianæ rationem reddit Imperatori, fatum admittit & quidem ineluctabile, quo præmia & pœnæ eorum qui bene aut malè vixerunt determinentur; negat autem quo sit destinatum quempiam esse bonum aut malum. Quod perinde est atque admittere voluntatem prædefinientem præmium & pœnam præscitæ virtutis & vitij; negare verò ipsam virtutem aut vitium prædefinientem, cum tamen eorum non negetur præscientia.

Athenagoras, qui negat in Legatione ad Imperatorem *Athen.*
esse Dei mouere ad ea quæ sunt præter naturam, & consequen-
ter ea decernere, cum tamen eius sit ea præscire?

Minutius Felix in Octauio, qui cum Iustino fatum etiam *Minutius.*
 admittit posterius præscientiæ meritorum? *Quid est, inquit,*
fatum quam quod de unoquoque nostrum Deus fatus est? qui
cum possit præscire materiam, promeritis & qualitalibus singu-
lorum etiam fata determinat. Non ergo fata ista seu deter-
minationes, hoc est prædefinitiones præscientiam præce-
dunt.

Tatianus, qui cum fateatur, in Oratione ad Græcos, *Tatian.*
 præsciuisse Verbum quæ ventura essent; negat tamen ea
 præsciuisse *ex fato*: autaliter *quam ex libero eligentium pro-*
posito: & consequenter non ex decreto? *Arnob. l. 1.*

Arnobius, qui *sceleratam atque immanem* vocat eam per-
 suasionem, qua putat aliquis ipsos actus quibus *vita transgi-*
tur & celebratur humana ordinasse iussisse, & à sua fluere consti-
tutione præcepisse? An igitur illos actus ideo præscit Deus,
 quia prædefiniuit?

Origenes, qui perpetuam affert causam cur diuina
 præscientia libertati non noceat, *quia non ideo liberi actus* *Orig. l. 2.*
futuri sunt quia præsciuntur: sed ideo præsciuntur quia futuri *contra Cel-*
sus.
sunt? Quæ ratio ridicula sit, si sunt ideo futuri liberi actus
quia prædefiniuntur? Quid quod Celso disertè negat: dis-
pensari omnia per Dei voluntatem; & mala procedere à diuina
providentiâ? Num concedet procedere à diuina prædefi-
nitione?

^b Eusebius Cæsariensis, ^c Chrysostomus, ^d Epiphanius,
^e Damascenus qui eadem cum Origine & dicunt & sen-
 tiunt?

Theodoretus, qui cum Platone *modis omnibus pugnan-*
dum censet: ne Deus qui bonus est, dicatur esse malorum causa? *Theod. l. 5.*
Qui negat ideo producta esse mala ut ad bonum seruiant; sed
quandocumque fieri ea contingit; uti Deum illis ad bonum?
 An est admissurus Deum ea prædefinientem quæ mala
 sunt, cum tamen admittant præscientem?

§. III.

Etiam Augustino decreta illa repugnare.

XXXIII. **S**ed hæc fortasse inanis videatur esse contentio si TVissium solum spectemus, qui faceret vtrò Patres ita sensisse vt ipsi volumus, omniaque à Deo præsciri facile concessisse; non autem omnia decerni: Augustinum etiam antequam illum acueret hæresis pelagiana. Augustinum igitur scrutemur, cuius est ea vox in primis. *Nusquam legimus non est voluntas nisi à Deo: & ideo non scriptum est, quia verum non est.* An negat à Deo cognosci voluntatem quam à Deo esse negat? & tamen in eo libro iam acuebatur in Pelagianos. Acuebatur & in Ep. ad Honoratum, dum dicit *Deum prædicere peccata hominum, non facere.* Et nequis putet quoquo modo pertinere peccata ad Dei voluntatem, id. excludit omnino dum negat, vel ad minantem pertinere, vel ad promittentem. *Quamuis*, inquit, *mala inferat; mala, non peccata, sed supplicia; minatur tamen ea potius quam promittit. Omnia largitur & præscit: Supplicia minatur: beneficia pollicetur.* Nec hebes erat illius acies in libris de Ciuitate Dei, in quibus mirum est quam multa occurrant quæ ostendunt non prædefiniri à Deo quæcumque præsciuntur. Producam de multis pauca.

Sicut omnium naturarum Creator est Deus, ita omnium potestatum dator, non voluntatum. Male quippe voluntates ab illo non sunt: quoniam contra naturam sunt, quæ ab illo est. Quomodo non ab illo sunt malæ voluntates, si prædefiniuit vt essent? Atqui sunt tamen præscitæ.

Eodem spectat & hoc aliud. *Sicut Deus naturarum bonarum optimus Creator est; ita malarum voluntatum iustissimus ordinator, vt cum malè ille vtuntur naturis bonis, ipse benè vtatur etiam voluntatibus malis.* Malarum voluntatum ordinatio procul distat à prædefinitione, quæ ipsas præuenit, cum ordinatio malas supponat, & malè vtentes naturis bonis, vt hoc loco dicit Augustinus, & apertius explicat in commentario Psalmorum, vbi de hæreticorum excæ-

Lib. 1. cap.
26. pag. 16j.

de Spiritu
& lit. c. 31.

Ep. 110.
cap. 19.

l. 5. cap. 9.

l. 11. cap. 17.

Psal. 7.

catione in scripturis interpretandis, quæ nonnulli diuinâ prouidentia disponente illis contingit, *Non quia ipsa*, inquit, *peccatores facit; sed quia ipsa ordinat cum peccauerint.* Est igitur etiam hîc præscientia sine prædefinitione.

Decisuum hoc quoque *Neque ideo peccat, homo, quia* ^{s. de ciu. cap. 10.} *Deus illum peccaturum præsciuit: immò ideo non dubitatur ipsum peccare cum peccat, quia ille cuius præscientia falli non potest, NON FATVM, NON FORTVNAM, NON ALIQUID ALIUD sed illum peccaturum esse præsciuit.* Non præsciuit Deus aliquid aliud, si prædefinitio fuit illi ratio præsciendi peccatum futurum?

Et hoc etiam: *Anima non deserta est ut desereret, sed ut deseretur deseruit.* Ad malum quippe eius, prior est voluntas eius: ^{15.} *ad bonum verò eius, prior voluntas creatoris eius; sine ut eam faceret, quæ nulla erat: sive ut reficeret, quæ lapsa perierat.* Si fuit prædefinitio actus mali cuius fuit præscientia, euidentissimum est, & desertam fuisse voluntatem priusquam ipsa desereret: & ipsam non esse ad malum priorem, cum supponat prædefinitioem, quæ voluntas quædam Dei est.

Neque illud omitendum, *Bona voluntas opus Dei, cum ea quippe ab illo factus est homo: mala verò voluntas prima,* ^{14. cap. 11.} *quoniam omnia mala opera præcesserit in homine, defectus potius quidam fuit ab opere Dei ad sua opera, quam opus vltimum.* Quo sensu neget Augustinus malam voluntatem esse opus Dei, colligi potest ex libro de prædestinatione Sanctorum, cum dicit. *Quando promisit Deus Abraham in semine eius fidem gentium.... Non de nostræ voluntatis potestate; sed de sua prædestinatione promisit.* Promisit enim quod ipse facturus fuerat; non quod homines. Quia etsi faciunt homines bona quæ pertinent ad colendum Deum: IPSE FACIT VT IPSI FACIANT quæ præcipit: non illi faciunt vt ipse faciat quod promisit. Quo ex loco manifestum est hoc censerî *opus Dei*, quod *Deus facit vt homines faciant:* & proinde quod prædefinit, & ad quod mouet: vt sit idem negare primam voluntatem malam esse *opus Dei*; ac negare prædefinitam esse, ac Dei motione excitatam, cum tamen constet esse præscitam..

Quod etiam regerit in Porphyrium, qui dicebat Chri-

stum Christianos erroribus fataliter implicuisse, tantumdem hîc valet contra Prædefinientes actûs malos. *Sifistaliter*, inquit, *dedit Deus Christianis erroris implicationem, vtrum volens an nolens dedit? Si volens; quomodo iustus? Si nolens, quomodo beatus?* Dicam similiter, Si Deus prædefinit actûs qui sciuntur esse non posse nisi mali, vel volens prædefinit, vel nolens; si volens, quomodo iustus? Si nolens, quomodo beatus & omnipotens? Ster igitur non omnium esse prædefinitionem quorum est præscientia, si creditur Augustino.

Cap. 10. Et ne sit vilis eâ de re locus dubitandi, apertissima est illius sententia in libro de prædest. SS. quæ sic habet. *Prædestinatio est qua sine præscientia esse non potest; potest autem esse sine prædestinatione præscientia. Prædestinatione quippe Deus ea præsciuit quæ fuerat ipse facturus: unde dictum est, fecit quæ futura sunt; præscire autem potest etiam quæ ipse non facit, sicut quæcumque peccata.*

l. pag. 191. XXXIII. Sed respondet TVissius negare quidem Augustinum aliquorum actuum prædestinationem; non autem prædefinitionem. Ita enim loquitur. Licet scientia excedat prædestinationem modo prædicto; tamen hinc nequaquam sequitur eam excedere quodcumque Dei decretum, quasi in nullo Dei decreto fundaretur. Nequedicit Thomas, aut Augustinus, aut Damascenus actûs liberos voluntatis creatæ non esse à Deo prædefinitos, sed quod ex parte pronuntiant, illud de prædestinatione pronuntiant: idque propriè & strictè procedente vocis huius significatione secundum Aquinatem: non autem de prædefinitione.

Sed secum pugnat. ib. pag. 130. Opponam primò TVissium TVissio, ut videat Lector labantem hominis memoriam & animum stupefcentem. Paulò ante proposuit sibi Pennoti obiectionem, quæ sic habet, *Tertio probari potest hæc propositio innueria auctoritatibus Patrum dicentium Deum multa præscire quæ non prædefinit nec prædestinat: nihil autem prædefinire aut prædestinare quod non præscierit.* Ad hæc TVissius, *Agnosco*, inquit, *ita esse.* Nunc agnoscit, ex vsu Patrum aliqua præsciri quæ neque prædestinantur neque prædefiniuntur: nunc præsciri quidem

aliqua quæ non prædestinantur: nulla vero quæ non prædestinantur. Sed est in quo magis appareant huius Senis deliramenta, dum ita loquitur. Quid aliud est ad vitam prædestinari, quàm ab æterno destinari ad vitam iuxta phrasologiam antiquorum? Et prædestinationem agnouerunt illi, non modò ad vitam æternam, sed & ad mortem æternam. Agnosco ita veteres distinxisse inter præscientiam & prædestinationem vt omnia à Deo præsciri dicerent, etiam mala, non autem prædestinari, Hinc etiam inuoluisse fateor vt in Scholis præsciti vulgariter vsurparentur pro reprobatis. Nimirum cùm nomina sint ab instituto, voluerunt illi prædestinationem ad ea tantum extendere, quæ aliquando facturus erat ipse Deus, non autem ad ea, quæ permissurus. Agnoscit ex Patrum sententia prædestinationem non modo ad vitam æternam, sed etiam ad mortem æternam, ac proinde ad reprobos pertinere, & simul agnoscit, ex eo quod Patres latius extenderent nomen præscientiæ quàm nomen prædestinationis, factum esse vt reprobi, ad quos scilicet prædestinatio non extendebatur sicuti præscientiæ, dicerentur vulgariter præsciti. Ego cum hæc legerem existimabam vel Librariorum, vel Typographorum vitio locum esse corruptum: sed quando constat probè recognitam esse ab Auctore paginam hanc: atque in eâ nescio quid aliud leuiculum admodum emendatum; restat vt dicam consuetas esse has ingenij fatiscens rimas. Præsertim cùm alio ipse loco, quasi vellet morem illum modumque loquendi Patrum Antiquorum castigare, rotundè pronuntiet. *Esse de fide certum, quæcumque eueniunt ea à Deo prædestinata fuisse vt eueniant: & constat mala etiam illum inuolucrare. Et iterum, dicimus, & verè, destinatos esse damnationi non paucos antequam nascantur.* Quasi vellet esse de fide certum, Augustinum esse mentitum, dum aliqua negat esse prædestinata quæ tamen eueniunt.

Secundò. Cùm secluso Patrum vsu prædestinari & prædefiniri, aliquid idem sit: euident est non posse nos cum ratione asserere Augustinum contractius vsurpassse nomen prædestinationis quàm prædefinitionis, nisi constet

l. i c. 22.
pag. 136.

pag. 405

Consuetas
prædicta
distinctio
inter præ-
definitionem

nem, &
prædesti-
nationem.
Ex Augu-
stino.

apud illum negari quorundam prædestinationem, quorum tamen asseratur prædefinitio: Atqui ne apex quidem extat apud Augustinum, unde colligatur permittere illum ut prædefinita dicantur quæ non possunt dici prædestinata. Quod confirmatur vel ex eo ipso loco quem TVissius subinde regerit ad hoc probandum. *Non aliquid fit nisi omnipotens fieri velit: vel sinendo ut fiat, vel ipse faciendo*; quòd apertum fit, dici non posse nisi omni exuto pudore assumptæque inscitæ professione, voluntatem sinendi ut aliquid fiat, esse illius prædefinitionem.

Hoc. cit. de
prædest. SS.
c. 10.

XXXV. Tertiò. Constat Augustinum extendere prædestinationis vocem ad ea omnia quæ Deus ipse facturus est. Ita enim ipse loquitur *prædestinatione quippe Deus ea præscivit quæ fuerat ipse facturus, præscire autem potest, etiam quæ ipse non facit*: Ergo ut sit amplior acceptio prædefinitionis, complecti debet etiam ea quæ Deus non est ipse facturus. Iterum constat ex eodem Augustino, inter ea quæ dicitur *Deus ipse facturus*, comprehendi quæ homines quoque faciunt, si Deus facit ut illi faciant. Hæc enim sunt eius verba. *Promisit enim quod ipse facturus erat, non quod homines. Quia etsi faciunt homines bona quæ pertinent ad colendum Deum, ipse facit ut illi faciant quæ precipit: non illi faciunt ut ipse faciat quod promisit.* Ergo si sunt aliqua non prædestinata, & tamen prædefinita, debent illa ita fieri ab hominibus, ut Deus non possit dici *facere ut illi faciant*. Hoc autem implicat. Quid enim est aliud prædefinire aliquid, quàm antecederet atque efficaciter velle ut illud fiat; ac proinde illius causas prævenire *faciendo ut faciant*? Est igitur manifestum apud Augustinum ista coincidere, & errore gratuito ac voluntario spatari, qui contendunt prædefinita esse quæ prædestinata negantur.

- „ Eòdem hæc alia verba pertinent, Non autem sic cre-
„ didit Abraham, sed credidit dans gloriam Deo, quo-
„ niam qui promisit potens est & facere: non ait prædice-
„ re; non ait præscire (Nam & aliena facta potest prædice-
„ re atque præscire) sed ait potens est & facere: ac per hoc
„ non aliena facta: sed sua. Quæ sunt amabo aliena illa facta,
quæ

quæ & præsciuntur & prædicuntur? An sunt prædefinita? Si non sunt; ergo datur aliquid & præscitum & non prædefinitum: si sunt, quomodo aliena dicuntur? Prædefinitio an est minus actio Dei quàm prædestinatio? An minus antecedens? An minus efficax? Quod ergo ex illâ sequitur, quare non dicetur *factum Dei*, perinde atque id quod sequitur ex prædestinatione?

XXXVI. Quarto, Confirmatur hoc ipsum vel ex illo D. Thomæ loco ex quo TVissius auctoritatem furari conatus est. Cum enim etiam D. Thomas neget prædestinata esse quæcumque sunt præscita: ideoque distinguat prophetiam prædestinationis à prophetia præscientiæ, quâ prædicuntur ea in quibus præscientia prædestinationem excedit, distinctionis illius causam affert ex Damasceno, *Quia ea quæ Deus prædestinat, non sunt in nobis, unde & prædestinatio quasi quedam Dei præparatio dicitur, hoc autem aliquis præparat quod facturus est ipse, non quod alius.* Ex quo loco in primis hoc liquet, illius restrictionis quâ prædestinatio angustius patet quàm præscientia, non peti rationem ex peculiari Patrum usu, sed ex communi vocum ipsarum institutione atque acceptione, dum dicit, *unde & prædestinatio quasi quedam Dei præparatio dicitur. Hoc autem aliquis præparat, &c.* Deinde liquet eandem rationem prædestinationi ac prædefinitioni communem esse: neque vnam magis excedi à præscientiâ quàm aliam. Quid enim rationis habet hæc oratio, *ea quæ Deus prædestinat non sunt in nobis*, magis quàm ista, *ea quæ Deus prædefinit non sunt in nobis*? Et ista, *Prædestinatio quasi quedam præparatio Dei dicitur*, magis quàm ista, *Prædefinitio quasi quedam præparatio dicitur*? Item ista, *Hoc aliquis prædestinat quod facturus est ipse, non quod alius*? magis quàm ista, *Hoc aliquis prædefinit quod facturus est ipse, non quod alius*? Quis non videt sub iurâ in locum prædestinationis, prædefinitione, eandem omnino esse vim orationis neruumque sententiæ? Quâ ergo verisimilitudine dicetur vnam excedi à præscientia Dei, non autem aliam?

XXXVII. Quinto, ut planum fiat non esse hanc tantum nominis quæstionem; & Augustinum non negare solam

F

Item ex S.
Thoma.
S. Th. de
veritate q.
22. ar. 10.
in corp.

cap. 28.

prædestinationis vocem rebus omnibus à Deo præscitis, sed verò etiam ipsam rem, hoc est antecedentem & absolutam & efficacem Dei voluntatem, vno verbo, prædefinitionem, ex pendendus est locus ex libro de bono perfectuerantiæ, vbi refertur illa Massiliensium proſopopœia, quâ traducere conabantur Augustini doctrinam, inducto
 „ qui sic concionaretur Oratore. Ita se habet de prædesti-
 „ natione definita sententia Dei, vt alij ex vobis de infide-
 „ litate veneritis ad fidem, cæteri verò qui in peccatorum
 „ delectatione remoramini, ideò nondum surrexistis, quia
 „ necdum vos adiutorium gratiæ miserantis erexit: & si
 „ qui obedistis, si prædestinati estis reiiciendi, subtrahen-
 „ tur vobis obediendi vires, vt obedire cessetis. Vbi hoc in
 primis considerandum est, Massilienses hos qui & eruditi
 erant & in Ecclesiæ communione vivebant adhuc, quan-
 tum conicere licet ex Epistola Prosperi atque Hilarij ad
 Augustinum: quique ipsius Augustini libros & doctrinam
 habebant familiarem, & commercium cum Prospero at-
 que Hilario aliisque Augustini studiosis, non magis quàm
 TVissium potuisse nescire, quæ significatio prædestina-
 tionis esset vsu recepta, quæue illius & prædefinitionis
 differentia: nec adeo fuisse incautos, vt cùm perinde con-
 ferret eorum instituto vox *præordinationis*, aut *prædefini-
 tionis*, contra morem tamen vsurpare maluerint vocem
prædestinationis, cum dicunt, *si prædestinati estis reiiciendi*, id-
 que in ea oratione in quâ putabant se germanam Augusti-
 ni sententiam repræsentaturos. Hoc, inquam, satis ostendit
 ipsos nequaquam errauisse circa vocem; sed circa rem
 ipsam, cum Augustino affingerent eam sententiam quæ
 reuera eius non erat, antecedentem videlicet & positivam
 circa ea, quæ mala sunt, Dei voluntatem. Et hoc ipsum
 Augustinus satis ostendit, dum hunc ipsum vocis abusum
 silentio præterit, totamque illam, quæ Augustiniana pu-
 tabatur, orationem ita reformat, vt rem potius ea voce
 significatam negare videatur. Cum enim nolite ea verba
 dirigi ad ipsos Auditores *per secundam*, sed *per verbi perso-
 nam tertiam*, vt ipse loquitur; ita vt *de alijs ad ipsos sermo
 fiat*, non *de ipsis ad ipsos*; illius mutationis speciem ita ex-

hibet ipse, vt verba illa quæ sequutura erant, *si prædestinati sunt reijcendi*, quæque positivam atque antecedentem reprobationem significant, consultiſſimâ providentiâ mutaverit in hæc alia, quæ significant tantum negativam, *si in regnum eius & gloriam prædestinati non sunt*; itaque sententiam integram exhibuerit, *quæ falsa sunt rescans, quæ vera sunt temperans* vt ait Prosper ad excerpta Genuensium, *Si qui autem obediunt, sed in regnum eius & gloriam prædestinati non sunt, temporales sunt: nec usque ad finem in eadem obedientia permanebunt.* Iub. 10.

XXXVIII. Sexto expendendus & ille locus, in quo Augustinus eorum calumniam refellit qui fati assertorem ipsum esse mentiebantur. Hac autem inter alias ratione refellit; Deinde fati assertores & bona & mala hominum facto tribuunt: Deus autem in malis, hominum merita debita retributione persequitur; bona verò per indebitam gratiam misericordie voluntate largitur, utrumque faciens non per stellarum temporale consortium; sed per suæ severitatis & bonitatis æternum altumque consilium. Si malas hominum actiones antecederet æternum Dei decretum sicuti bonas antecedit, quid prodesset ad diluendam fati calumniam obijcere, illud fatum ad bona & mala pertinere; cum illud etiam decretum, quod Pelagianis fatale videbatur, Augustinus perinde diceret actiones, quæ tum bonæ tum malæ sunt, prædefinire? Quid etiam iuaret illa distinctio æterni Dei consilij quo Deus persequitur in malis hominum merita, quæ suâ gratiâ in bonis prævenit? An persequitur tantum & non etiam prævenit mala hominum merita; si ea nec esse, nec præsciri potuerunt nisi in antecedente decreto quo prædefiniebantur? Ecquis non inde manifestò colligat, incognita esse Augustino isthæc decreta? nec prædestinationis tantum nomen ipsum negare ijs actibus qui mali sunt, sed rem ipsam?

XXXIX. Huc refer quæ paulò ante produximus, *Esse aliquam voluntatem que non est à Deo: Esse aliquam, quæ neque ad minas, neque ad promissa Dei pertinere possit: Aliquam, cuius Deus nec creator nec dator sit; sed tan-*

tum ordinator: Aliquam, quæ ideo imputatur ad culpam; quia cum futura præsciretur, nihil aliud præsciebatur quam ipsam esse futuram: Aliquam, quâ non sit prior Dei voluntas: Aliquam quæ non sit opus Dei. Quis enim possit adeo cæcutire, ut hæc & alia id genus pati credat æternam ac prædefinientem Dei voluntatem circa malos hominum actus; ut ideo putet non negari antecedenter decerni, dum negantur prædestinari?

§. IV.

Patres Augustino posteriores independentem à prædefinitionibus præscientiam agnouisse.

XL. SED quæ fuerit Augustini mens requirendum est. Sex Prospero Aquitanico, & Fulgentio Affricano: quorum ille in ultimos incidit Augustini annos: hic proximè subsecutus est: utrique autem illius & nomen & doctrinam strenuè propugnarunt continuato in Pelagianos eorumque reliquias bello.

Ergo Prosper id ipsum quod Augustinus affirmat multis locis, esse nimirum aliqua præscita, neque tamen à Deo prædestinata. Id enim habet in responsionibus ad capitula Gallorum dum ita loquitur. Potest itaque sine prædestinatione esse præscientia; prædestinatio autem sine præscientia esse non potest. Et iterum. In malis operibus nostris sola præscientia Dei intelligenda est: quia sicut præsciuit & prædestinavit quæ ipse facit & ut faceremus dedit; ita præsciuit tantum, non etiam prædestinavit, quæ nec ipse fecit: nec ut faceremus exegit.

Hinc etiam illud *Prædestinatio Dei semper in bono est: & Prædestinatio nunquam extra bonitatem, nunquam extra iustitiam est.*

Iam videndum utrum ita inter prædestinationem & prædefinitionem distinguat, ut quod negat prædestinationi, concedat tamen prædefinitioni. Et occurrit in primis quod iam retulimus, in malis operibus nostris *solum*

Non præ-
destinan-
tur quæ-
cumque
præsciū-
tur apud
Prospe-
rum.
Resp. 15.
Sent. 15

Ib. Resp. 14.
Sent. 6. &
Resp. 10 ad
obiect.
Vincen.
Prosper in-
ter præde-
finitionem
& præde-

præscientiam ideo esse intelligendam, quia in illis intelligi non potest prædestinatio; quam dico ineptam esse sententiam, si prædestinatio non complectitur omnem voluntatem antecedentem & absolutam, atque adeo prædefinitionem. Cum nisi hoc detur, manifestum sit seclusa prædestinatione non sequi quod Prosper assumit, restare *solam præscientiam* circa mala opera, cum possit adhuc restare prædefinitio.

stinatio-
nem non
distinguit.

2. Iuvat enim quod est in resp. 12. ad capitula Gallorum, „ Si Deus hominem sibi obedientem à pietate deturbat, & „ benè currentem cadere facit; ergo pro bonis mala retri- „ buit: & iniuste punit, quod ut fiat impellit. Quid tam „ peruersum, quid tam insanum dici aut cogitari potest? „ Sed in talem sensum trahuntur qui putant in omnibus hoc „ esse præscientiam Dei, quod & voluntatem: cum volun- „ tas eius numquam velit nisi bona; præscientia autem, „ &c. En tibi quæ sit illa prædestinatio quam Prosper ne- „ gat adæquari præscientiæ: nempe illa *voluntas* Dei est, quæ nunquam fertur nisi in bona: ut idem sit Prospero *Dei prædestinationem semper in bono esse*: aut *nunquam extra bonitatem esse*: ac, *Dei voluntatem semper in bono esse, nunquam extra bonitatem*. Quid igitur fiet illà prædefinitione, illoue decreto, quod & voluntas Dei quædam est, & præscientiæ dicitur adæquari, etiam conditionatæ?

3. Addo sententiam 14. quæ sic habet. Qui dicit quod „ qui Euangelicæ prædicationi non credunt ex Dei præde- „ stinatione non credunt: & quod Deus ita definierit ut „ quicumque non credunt ex ipsius constitutione non cre- „ dant; non est Catholicus. Sicut enim fides quæ per dile- „ ctionem operatur Dei donum est; ita infidelitas consti- „ tutio Dei non est. Hic etiam quis non videt, prædestina- „ tionem quæ negatur à Prospero præscientiæ coëxtendi, cum diuina *definitione*, & *constitutione* ita conuerti: ut ubi negatur prædestinatio, & *definitio*, & *constitutio*, negetur? Vbi est ergo prædefinitio comes illa indiuidua præscientiæ? Comes autem? Ducem potius dicere oportuit, si credimus TVissio.

4. Addo & responsionem 14. ex Vincentianis, hoc est

F iij.

ad articulum nonum ex falso impositis Augustino. Obiectio sic habet. *Quod omnes illi fideles & sancti qui ad eternam mortem prædestinati sunt, quando ad vomitum relabuntur, vitio quidem suo hoc facere videntur: sed ipsius vitij causa est diuina prædestinatio, quæ illis latenter subtrahit bonas voluntates.* Ex quibus videas Anti-Augustinos prædestinationem secus interpretatos. Ita verò Prosper responder. *Idem blasphemiarum spiritus persenerat.* Blasphemiam vocat malorum prædestinationem: quæ verò sit hæc prædestinatio mox explicat cum dicit, Si verò à iustitia & pietate quis deficit, suo in præceps fertur arbitrio: suâ concupiscentiâ trahitur: suâ persuasione decipitur. Nihil ibi Pater, nihil Filius, nihil agit Spiritus Sanctus: nec tali negotio QUID-
 ,, QVAM DIVINÆ VOLUNTATIS INTERVENIT, cuius opere
 ,, multos scimus ne laberentur retentos; nullos autem vt
 ,, laberentur impulsos. Hoc nimirum est non esse prædesti-
 ,, natos hominum lapsus, his negotijs nihil interuenire diuinæ
 ,, voluntatis: & hæc est blasphemiam quam Prosper detestatur,
 ,, diuinæ voluntatis aliquid in his casibus reperiri. Quid igitur
 ,, dicent qui diuinam tamen prædefinitionem interuenire
 ,, contendunt? An non illa aliquid est diuinæ voluntatis?
 ,, Et quid facient qui hæc ideo præscita volunt, quia
 ,, prius decreta?

XLI. Sed hæc opinor sufficiunt vt intelligat TVissius Prosperum sibi aduersum fuisse, videamus si quam possit à Fulgentio lucem expectare.

Repetit Fulgentius eadem quæ Augustinus, quæ Prosper etiam, ex libro de Prædest. SS. *Sine prædestinatione præscientiam Dei esse posse, prædestinationem verò sine præscientia esse non posse.* Itaque tum aliis locis, tum maxime cap. 29. libri primi ad Monimum: atque hæc quæstio est vnicum illius libri argumentum. Nam cum docuisset Fulgentius & veram & S. Augustini sententiam esse, quæ prædestinationem intra bonorum sphaeram claudit, cum præscientia etiam ad mala protendatur, opposuerat Monimus locum ex commentatio in Psalmum 14. vbi Augustinus aliquos dicit prædestinatos ad interitum. At fulgentius & illam diluit obiectionem: & propositam senten-

Fulgentius quoque negat eodem modo prædefinitionem malorum actuum & prædestinationem.

L. I. cap. 3.

tiam toto libro confirmat. Distinguit ergo duplicem interitum, *alterum supplicij; alterum delicti*: & duplicem animæ mortem, primam *in qua nascuntur paruuli, vel in quam recidunt criminosi*: secundam *quam necesse est vt iidem patiantur retribuente iustissimo iudice*: Primi ergo interitus & primæ mortis prædestinationē nullā esse docet: sed tantū præscientiam, quā positā sit etiam prædestinatio secundi interitus & secundæ mortis. Verba illius sunt. Proinde fidelibus congruit credere & fateri, Deum bonum & iustum præcisse quidem peccaturos homines: quia nihil eum latere poterat futurorum (Neque enim vel futura essent, si in eius præscientia non fuissent) non tamen prædestinasse quemlibet hominem ad peccatum.... Itaque quos præsciuit Deus hanc vitam in peccato terminaturos, prædestinavit supplicio interminabili puniendos. In quo sicut culpanda non est præscientia humanæ iniquitatis, ita prædestinatio iustissimæ laudanda est ultionis; vt agnosceret non ab eo prædestinatum hominem ad quaecumque peccatum, quem prædestinavit peccati merito puniendum. *Et iterum.* Ostensurus itaque Deus quid reddendum præsciuerit & quid donandum, prædestinavit illos ad supplicium, quos à se præsciuit voluntatis malæ vitio discessuros: & prædestinavit ad regnum, quos ad se præsciuit misericordiæ præuenientis auxilio redituros, & in se misericordiæ subsequenter auxilio esse mansuros, *Et iterum.* Non itaque frustra talis est ab eo facta inter puniendos glorificandosque discretio, vt illos vocaret vasa iræ, istos autem vasa misericordiæ, nisi vt ostenderet, tam in vasis iræ, quàm in vasis misericordiæ, iniquitatem propriam præcessisse.... Vasis verò iræ nunquam Deus redderet interitum, si non spontaneum inueniretur homo habere peccatum: quia nec Deus peccanti homini inferret iram, si homo ex prædestinatione Dei cecidisset in culpam.... Hæc igitur ira ideo talibus vasis interitum reddidit, quia in eis meritum voluntariæ iniquitatis inuenit. *Et rursus.* Prima igitur mors animæ, quam sibi homo intulit, secundæ mortis est causa: & secunda mors, quam Deus homini reddidit, primæ mortis est pœna.... Peccata itaque

1b. cap. 5.

cap. 25.

cap. 24.

cap. 26.

„hominum cuncta quidem Deus in peccatoribus præsciuit
 „futura : & quia ipse non ea prædestinavit facienda ; iusto
 „prædestinavit iudicio punienda. Atque hoc infert ex allatis à Monimo Augustini verbis, quibus prædestinationis ad
 „interitū causam reddit, *Quia super hoc, id est, super non facientes bonū respexit Dei præscientia, protulisque sententiam.*
 „Nempe, *inquit Fulgentius*, satis atque euidenter his dictis
 „ostendit, quia Deus peccata hominum præscientiā vidit,
 „quibus sententiā prædestinatione dictavit.... Iustē autē ad
 „punitionem diuinā æquitate prædestinatur, qui peccator
 „est diuina cognitione præscitus : vt pōte qui iniquitatem,
 „ad quam à Deo non est prædestinatus, propriā esset voluntate facturus, vt in quo præscientia Dei videbat futurum opus iniustum, huic per prædestinationis sententiam
 „pararet supplicium iustum. Et initio libri secundi, vbi prioris libri doctrinam compendio colligit, ea tantūm dicit ad diuinam prædestinationem pertinere, in quibus aliqua ratio reperiri potest, vel misericordiæ vel iustitiæ : & quia in peccatis nec misericordia reperitur, nec iustitia ; ideo omnem iniquorum malam voluntatem qua peccant præscitam, non tamen esse à Deo prædestinatam : *quia verò præscita est : ideo sibi præparatam inuenisse penam iustæ retributionis.* Quæ referre placuit vt notaretur obiter, quā sit ab Augustino & Augustinanis illis Patribus antiquis aliena immanis illa & Phalaridi cuipiam, quā Optimo Deo conuenientior sententia Caluini, de positiua reprobatione præscientiam peccatorum antecedente.

Hoc vnum modò restat, vt videamus utrū Fulgentius qui tam disertē negat prædestinationem malarum voluntatum, nomen ipsum prædestinationis solum negauerit, admissā re, hoc est, antecedenti, & absoluto & efficaci decreto circa malas etiam voluntates ; an potiūs neget hoc ipsum decretum.

Et illud negare conuincitur primò, ex eo quòd illi sit idem, negare prædestinationem hanc, & negare Dei voluntatem. Patet hoc ex cap. 20. cū dicit, Ad hoc autem, *id est ad inordinatam creatorum dilectionem* non est à Deo prædestinata rationalis creatura. Neque enim alia est

esse eius prædestinatio nisi futurorum operum eius æterna , præparatio : in qua nullius causâ mali poterit inueniri ? „
 QVIA EX VOLVNTATE DEI NVNQVAM PROCESSIT ORIGO PECCATI. Non vides in tantum negari à prædestinatione procedere peccatum, in quantum negatur procedere à voluntate : ac proinde voluntatem & prædestinationem hanc haberi pro eodem ?

Conuincitur secundo ex cap. 30. vbi rectâ fide Augustinum à Prospero defensum esse contendit in suis ad capitula Gallorum responsionibus , refertque obiectionem 14. Quod qui Euangelicæ prædicationi non credunt , ex Dei prædestinatione non credunt : & quod Deus ita definierit, vt quicumque non credunt , ex ipsius constitutione non credant , quam vocat *prauitatem* B. Augustini dictis, *non ex veritate ; sed ex linore obiectam* ; subiungitque Prosperi verba dicentis, *infidelitatem non credentiam* , non ad CONSTITVTIONEM Dei sed ad præscientiam pertinere. Vnde patet prædestinationem , definitionem, constitutionem diuinam , pro eodem positam : vt necesse sit erubescere illos qui fatentur esse aliqua iuxta sententiam Augustini non prædestinata, quæ sint tamen prædefinita & decreta : nisi fortè cauillantur vt non *definita* quidem concedant, non tamen non *prædefinita* : item esse non *constituta* ; non tamen non *decreta*. Quod si est ita, vestram ô Grammatici censuram !

Conuincitur tertio , ex iis rationibus quibus adducitur Fulgentius vt neget malarum voluntatum prædestinationem. Quæ nullo modo impugnant nomen hoc : sed rem potius eo nomine significatam : & ideo peræquè ipsam prædefinitionem excludunt. Negat Fulgentius *esse posse ullam causam prædestinationis ad peccata : nec habituros quid respondeant qui eam admittunt*. Quis non videt, si sit tantum quæstio de nomine facilem illos rationem reddituros : esse nimirum antiquam hanc & vsu communi confirmatam vocum institutionem, quæ immeritò priuatâ quorundam auctoritate restringatur , cum dicitur voluntatem eorum tantum quæ bona sunt dicendam esse prædestinationem ? Negat *iniquos dici posse à Deo , si non misericorditer , saltem*

iuste operante prædestinatos, ut ex bonis fierent mali: & intolerabilem esse vult Christianis auribus sententiam, ut causam cuiuslibet peccati quisquam deputare diuinæ audeat equitati. Qui vero sunt illi adeo inter Christianos delicati, ut ferre non possint aliquid dici prædestinatum, quod tamen ipsi fatentur prædestinitum? Et quare causa peccati Deo potius tribuitur, si æterna illa & antecedens voluntas circa malas hominum actiones dicatur prædestinatio, quam cum dicitur prædestinitio? Vituperari putat diuinam iustitiam si prædestinasse dicatur Deus ut homo fieret ex bono malus: an ergo ea laudabitur, si hoc ipsum dicatur prædestinuisse? Censet illâ prædestinatione fieri, ut diuina iustitia puniendum reum non inuenisse, sed fecisse dicatur: an non sequitur id ipsum ex prædefinitione? Iniquam fore clamat poenæ retributionem homini lapsio, si Deus stantem prædestinauerit ad ruinam: iusta nimirum erit atque innocens, si Deus eandem prædefinierit ruinam? Ecquid malum habent hæc nomina, ut eadem Dei voluntas, si prædestinatio dicatur, iniusta sit, ac detestanda; si dicatur prædestinitio, sancta subito atque adoranda videatur?

Sed excutere iuvat initium cap. 23. ut hoc ipsum denique conuincatur. Quæro, inquit Fulgentius, cur primum hominem quem, sicut scriptum est, fecit Dominus rectum, prædestinare potuerit ad peccandum: id est ad voluntatem malam, quæ est totius origo peccati? quam utique aut attribuisse Deum nondum peccanti homini, aut retribuuisse credendum est peccatori. Hanc itaque si nondum peccanti homini tribuit, ipse, quod absit, auctor iniquitatis exitit, qui malam voluntatem dedit homini bono, per quam peccans æterno meretur puniri supplicio. Et ubi est, quia Deus mortem non fecit? &, quia non est iniquitas apud Deum? &, quia iustus dominus & iustitiam dilexit, æquitatem vidit vultus eius? Si autem malæ voluntatis initium peccatori homini non tribuit, sed retribuit, &c. Non occurrit Fulgentio ratio vlla propter quam potuerit Deus prædestinare Adamum ad primam illam voluntatem malam quam habuit; quare non hic valeat, si vlla foret illa, propter quam potuerit

eandem voluntatem *prædefinire*? *Prædestinatione* fieri putat ut Deus meritò dicatur hanc ei voluntatem tribuisse; hoc autem quare non fit etiam *prædefinitione*? Ex illa *prædestinatione* sequitur apud Fulgentium, Deum homini auctorem iniquitatis extitisse; quare non etiam sequitur ex *prædefinitione*? Scriptura ex aduerso stat; quomodo autem ex aduerso? Et quare potius ex aduerso *prædestinationis*, quam ex aduerso *prædefinitionis*? Nonne oportuit turbine quodam circumagi T Vissium, dum ita loqueretur & commentitiam illam distinctionem induceret?

XLII. Longum esset referre quæ fuerit eorum sententia qui Patres illos sunt sequuti. Arausicanum Concilium cum anathemate *detestatur eos qui dicere volunt aliquos ad malum diuinæ potestate prædestinatos*. Quod quo sensu dictum sit intelligi potest ex canone superiori ubi definit *suam voluntatem homines facere non Dei, quando id agunt quod Deo displicet*. Hoc enim est ex æquo negare tum *prædestinationem* tum *prædefinitionem* eorum quæ Deo displicent. Valentinum tertium Arausicano apprimè congruit, alijsque Patribus antiquioribus, quorum etiam fidem se profiteretur amplecti. In eo verò distinguit *præscientiam*, quâ Deus præsciuit bonos bonos futuros; ab illa qua præsciuit malos malos futuros: quod Deus præsciuerit omnino *bonos per suam gratiam bonos futuros: malos verò præsciuerit per propriam malitiam malos futuros*. Quare autem præsciuit Deus bonos per suam gratiam bonos futuros, nisi quia necesse fuit ut præscientiam illam præcederet gratiæ *prædestinatio*? atqui fuit etiam ex aduersariorum hypothesi necessarium, ut hominum malitiam præcederet *prædefinitio actus mali*: quare igitur per illam non diceretur præscita hominum malitia? Vel si non obstante necessitate illâ *prædefinitionis*, præsciti dicerentur mali, per ipsorum malitiam mali futuri: quare concessâ licet necessitate præuenientis gratiæ, non dicerentur præsciti boni tanquam per propriam bonitatem aut libertatem boni futuri?

Idem probatur ex Arausicano Concilio can. 25. can. 23.

Item ex Valentinio. Can. 2.

Eòdem pertinet quod subiungit nulli malo præscientiam Dei imposuisse necessitatem ut aliud esse non posset; n

„ sed quod ille futurus erat ex propria voluntate præscire.
 „ se Deum ex sua omnipotentia & incommutabili maiestate : nec ex præiudicio Dei aliquem , sed ex merito propriæ iniquitatis condemnari. Fac esse prædefinitum actum qui malus est , cum omnibus circumstantiis à quibus est inseparabilis malitia : idque decreto antecedenti & ineluctabili : & omnia illa verba ludus fient. Quomodo enim non imponet necessitatem decretum ineluctabile ? Quomodo item idè non imponit præscientia , quia præscitur tantum quid ille futurus sit ex propria voluntate , si propria illa voluntas non nisi ex prædefinitione & prædeterminatione præsciatur ? Quomodo tandem ex merito propriæ iniquitatis & non ex præiudicio condemnatur , si neque meritum sit ullum , nec iniquitas , quam non præcesserit sententia diuinæ prædefinitionis ?

Sed neque illa coherere possunt quæ subiunguntur , *in electione saluandorum misericordiam Dei præcedere meritum bonum : in damnatione autem periturorum meritum malum præcedere iustum Dei iudicium.* Quid ? meritum malum non est insuperabili necessitate connexum cum antecedenti Dei decreto prædefiniente actum qui malus est cum omnibus circumstantiis ad malitiam prærequisitis ? Quare ergo Dei iudicio præuium dicitur meritum malum , potius quàm decretum illud quod ipsi etiam merito malo & præuium & necessarium est ? Et quare nobis illuditur , dum dicitur merito bono præuiam esse Dei misericordiam : quasi verò non aliqua etiam causa ex parte Dei præuia esset merito malo : & quidem talis , ut huius cum illa connexio sit indissolubilis.

Serm. de
 Pass. 16.

XLIII. His adde Leonem magnum qui distinguit in Christi passione id quod est de Iudeorum malignitate præcognitum ; & quod est dispositum à Deo : diuersaque ponit principia voluntatis interficiendi , quæ Iudeorum fuit : & voluntatis moriendi quæ fuit Christi. *Impias furentium manus non immisisse Dominum , sed admisisse , &c.*

de quæst.
 difficultibus

Adde Eucherium Lugdunensem , dum pronuntiat in excacatione Iudeorum præscientiam diuinam agnoscendam ;

veteris &
Noui Te-
stamenti.
Ep. ad Pe-
trum Episc.
de fide Or-
thod. lib. 2.
cap. 29.

non autem prædestinationem, quòd Deus ad peccandum *non compellat*: nec indurare possit *adiuvando*, sed tantum *deservendo*.

Adde Leonem Nonum, qui fidem suam hisce verbis testatur *Credo Deum prædestinasse solummodo bona*, præsci-
uisse autem bona malis.

Adde iterum Damascenum, dum distinguit duplicem in Deo voluntatem, *præcedentem* vnam & quæ ex ipso est, qua vult omnes homines saluari, indignum ratus condi aliquos *ut puniantur*: *sequentem* alteram & permissivam, quæ est voluntas puniendi ex nostra causa existens. Ut sit facile intelligere quid deinde velit, dum negat Deum omnia prædefiniri, *ποσειζον*, etiam si omnia præcognoscat. Illam scilicet voluntatem antecedentem excludit, quæ non existit ex nostra causa: seu cui motivum non exhibet ullius libertatis nostræ meritum.

XLIV. Adde Anselmum, qui casus diaboli nullam aliam dicit esse rationem, quàm quia ipse voluit: & hanc voluntatem negat *ullam aliam habuisse causam*, qua *impelleretur aliquatenus aut attraheretur*, sed ipse, inquit, *sibi efficiens causa fuit si dici potest effectus*. Et mox dum explicat quomodo fuerit à Deo ipsum velle diaboli cadentis quod erat malitiæ substratum, nempe, *inquit*, non solum hoc habet aliquis à Deo quod Deus sponte dat, sed etiam quod iniuste rapit Deo permittente: & sicut dicitur Deus facere quod permittit fieri; ITA DICITVR DARE QVOD PERMITTIT RAPI. Quoniam igitur permittente Deo Angelus malus usus est potestate à Deo sponte data; à Deo habuit *vti*: quod non est aliud quàm ipsum velle: non est enim aliud velle, quàm *vti* potestate volendi, sicut idem est loqui, & *vti* potestate loquendi. Qua oratione nulla vnquam efficacior esse potuit ad hæc tria confirmanda. Primum est, Nullam esse voluntatis, quæ mala est, prædefinitionem, cum dicit *non alià de causâ voluisse diabolum cadere*, quàm quia voluit: nec quicquam fuisse quo *impelleretur aut attraheretur*. Vide an credere potuerit fuisse aliquid quo præmoveretur & prædeterminaretur. Et hoc confirmat dum negat, *Deum sponte dare illud velle*, quod

lib de casu
diaboli c.
27. & 28.

Vera ratio
ex Anselmo
cur
Deus non
sit causa
peccati.

Quomodo
concurrat
Deus ad
malos a-
ctus ex An-
selmo.

procul abest à prædefinitione: vnde patet etiam Secundum, nempe rectissimè atque omnino ad mentem Anselmi Philosophari eos, qui eam afferunt rationem quare Deus non sit causa vel auctor peccati, quia nimirum non concurrat ad actum, qui malus est, ex propria determinatione atque inclinatione in talem actum; sed ex generali principio quo vult, id quod ipsius providentiam decet, non deesse causis secundis concursum primæ causæ naturis suis accommodatum exigentibus. Eam enim omnino vim habet illud, Deum non *sponse dare illud velle*; quia scilicet Deus ita concurrat ad illud velle ut similior sit necessarium solvendi debitum; quàm ultro aliquid danti. Tertium quoque hinc perspicuè colligitur, Deum scilicet concursum suum ad actus qui mali sunt ita indifferentem exhibere, ut eo uti vel non uti sit in potestate creaturæ, malit autem Deus ut creatura non utatur. Quid enim est aliud, Deum non *sponse dare illum concursum*, & hominem atque Angelum dum peccant *rapere illum ipso permittente*? Nempe rapi dicitur quod tollitur ab invito: & quia Deus ita concursum exhibet causæ liberæ ad actum qui malus est, ut eius usus illi displiceat, non usus è contrario potius optetur; voluntas dum eo utitur, hoc sumit quod Deus retrahit, in quantum patitur necessitas accommodandi se libertati creaturæ: ideoque voluntas creaturæ illam rapit: Deus autem similior est invito ac permittenti, quàm à seipso decernenti.

Confer iam cum illis Anselmi cogitationibus speciem hanc, Dei scilicet æterno, absoluto, efficaci & immutabili decreto præoccupantis voluntatem creatam nihil dum mali cogitantem: & in executionem talis decreti efficaciter excitantis, præmouentis, prædeterminantis illam ad eliciciendum liberè actum quem scit esse malum: & in illis omnibus circumstantijs à quibus scit implicare ut absit malitia, tali ac tantâ immixtâ necessitate agendi quod malum est; ut componere cum illo decreto atque impulsu antecedenti suspensionem mali actus, inter impossibilia sit recensendum: & videbis non tantam esse inter utrumque polum distantiam, quanta est

inter sententiam Anselmi atque TVissij.

Sed vt etiam pateat, quomodo exsufflet Anselmus nugas illas TVissij, qui prædefinitum à Deo putat id quod à sanctis Patribus negatur esse prædestinatum, exhibendus est Anselmi locus ille in quo prædestinationis notionem ipse dat, cum dicit, Prædestinatio videtur idem esse quod præordinatio, siue præstitutio: & ideo quod Deus prædestinare dicitur, intelligitur præordinare, **QVOD EST STATVERE FUTVRVM ESSE.** Si definitio cum definito conuertitur, sicut *prædestinare* idem est quod *præstiuere*, *præordinare*, *statuere futurum esse*, numquid ipsum quoque *præstiuere*, *præordinare*, *statuere futurum esse*, idem erit ac, *prædestinare*? Et cum *prædefinire* hoc ipsum sit; an non sequitur apud Anselmum idem esse *prædefinire* quod *prædestinare*? Confirmaturque hoc ex ijs quæ postea subiungit; dum & prædestinationem latius sumptam aptari etiam docet ad mala: & in eo tantum esse positam malorum prædestinationem, quod ea permittantur. Vt enim dicitur Deus indurare cum non emollit, inducere in tentationem cum non liberat; ita & malos prædestinare cum non corrigit. Vide an putet Anselmus esse aliquam malorum prædefinitionem: & si foret, an ei sit prædestinationis nomen negaturus, qui concedit illud & permissioni.

XLV. Adde Magistrum sententiarum cum dicit, Mala verò scit Deus & præscit antequam fiant; sed SOLA NOTITIA NON BENEPLACITO, præscit enim Deus & prædixit etiam quæ non est ipse facturus, sicut præsciuit & prædixit infidelitatem Iudæorum, sed non fecit: nec ideo quia præsciuit ad peccatum infidelitatis eos coëgit: nec præscisset vel prædixisset eorum mala, nisi essent ea habituri, & deinde, Præsciuit ergo illa solâ notitiâ, sed non beneplacito auctoritatis. Nouitius sit inter Scholasticos qui nesciat prædefinitionem ad voluntatem beneplaciti reuocandam, quatenus ea distinguitur contra voluntatem signi: Ergo cum negat Magister voluntatem beneplaciti circa mala; manifestum est negari ab eo prædefinitionem. Quod etiam confirmatur, dum solam circa ea notitiâ admittit, cum circa bona & beneplacitum ad-

lib. de
concor-
dia.
Nulla
præde-
stinatio-
nis & præ-
definitionis diffe-
rentia.

1. dist.
38. D.
Magi-
ster so-
lâ Deo
notitiâ
malorū
conce-
dit, be-
nepla-
citum
negat:
atque
adeo præ-
definitionem.

mittat, & vt paulò ante significauit *dispositionem*. Nam quod illud beneplacitum vocauit *beneplacitum auctoritatis*, expressit tantum id quod beneplacitum importat, nempe vt sit & credatur Deus Auctor eorum quorum habet voluntarem beneplaciti: possitque dici causa cur sint, cum aliorum sit tantum causa sine qua non sunt, vt antea dixit, *in malis prescientiam Dei esse causam tantum sine qua non sunt*.

Consentit
Magistro
S. Thomas.

XLVI. Magistro denique addendus est S. Thomas, cuius est illud quod iam attulimus, *diuinam prescientiam excedere in quibusdam predestinationem*. Cui sententiæ lucem afferent quæ docet in primum sent. Nam in primis doctrinam Magistri iam allatam approbat, dum negat scientiam Dei habere perfectam rationem causalitatis, nisi secundum quod adiungitur voluntati: ideoque dictum in litera, quod scientia beneplaciti est causa rerum. Deinde effectuum necessariorum & contingentium eam agnoscit differentiam; quod necessarij cognoscit possint in causis suis, contingentes ad vtrumlibet non possint. Quæ causa est vt rationem cognoscendi effectus hos refundat in eam quam habent in seipsis existentiam atque presentiam pro aliqua temporis differentia: fieri enim inde vt Deo cui, nihil potest esse futurum aut præteritum, præsentibus ab æterno sint, ac proinde cognoscibiles. Labet apponere illius verba. Causæ quædam sunt ex quibus necessario sequitur effectus, quæ impediri non possunt: & in istis causis habet causatum esse certum & determinatum, adeò quod potest ibi demonstratè sciri, sicut est ortus solis & eclipsis & huiusmodi.... Sed quædam causæ sunt quæ se habent ad vtrumlibet: & in istis causis effectus de futuro nullam habet certitudinem vel determinationem: & ideo contingentia ad vtrumlibet nullo modo cognosci possunt. Sed quando iam efficiuntur in rerum natura tunc habent in seipsis esse determinatum: & ideo quando sunt in actu certitudinaliter cognoscuntur, vt patet in eo qui videt Socratem currere; quia Socratem currere dum currit necessarium est, & certam cognitionem habere potest. Dico igitur quod intellectus diuinus intruetur

dist. 38.
q. 2. ar. 1.
in corp.

art. 5. in
corp.

tur ab æterno vnumquodque contingentium, non solum „
 prout est in causis suis, sed prout est in esse suo determi- „ *ad se-*
 natum, *ac deinde.* Quia cognitio Dei æternitate mensura- „ *cūdum.*
 tur, quæ eadem manens omni tempori præsens est, ideo „
 vnumquodque contingentium videt prout est in suo actu. „
 Ex illis verbis in hunc modum argumentor. Quando S. *Voluntas*
 Thomás concedit effectus necessarios præsciri posse in *concurrenti*
 suis causis vt futuros, vel separat huiusmodi causas à diui- *di cum cau-*
 na voluntate ac decreto concurrendi cum ipsis earum na- *sis liberis*
 turæ accommodato, vel non: Si primum, falsum est effe- *apud S. Th.*
 ctus illos cognosci posse in suis causis, quippe quæ secluso *non potest*
 tali decreto nihil operaturæ sunt: Si secundum, ergo dum *esse præde-*
 negantur effectus contingentes posse similiter in suis cau- *finitiua.*
 sis cognosci, debent hæ quoque sumi prout substant di-
 uinæ voluntati, ac decreto concurrendi iuxta ipsarum
 naturam (Essent enim ridiculum ita distinguere causas ne-
 cessarias à contingentibus, quòd illæ diuino decreto
 coniunctæ manifestent suum effectum, istæ verò à diuino
 decreto separatae non manifestent) Ergo voluntas illa &
 decretum spectans ad causas contingentes, non inuoluit
 vllam prædefinitionem futuri actus: quòd euidentissi-
 mum sit in huiusmodi causis, cum antecedenti Dei præ-
 definitione coniunctis, effectum prædefinitum certissimè
 cognosci posse vt futurum.

Præterea quomodo ex necessitate atque infallibilitate
 diuinæ præscientiæ respectu contingentium, non viole-
 tur eorum libertas & contingentia, non aliter explicat
 S. Thomas, quàm quia actus diuinæ cognitionis transit su- „ *Ibid. ad*
 pra contingens etiam si futurum sit nunc, SICVT TRAN- „ *tertium.*
 SIT VISVS NOSTER SVpra IPSVM DVM EST Et quia omne „
 quod est, quando est necesse est, quod tamen absolutè „
 non est necessarium; idèd dicitur quòd in se considera- „
 tum est contingens; sed relatum ad Dei cognitionem est „
 necessarium: quia ad ipsam non refertur nisi secundum „
 quod est in esse actuali: & ideo simile est sicuti si ego vide- „
 rem Socratem præsentialem currere. Vnde bona est di- „
 stinctio de necessitate consequentiæ, non consequentis „
 conditionata non absoluta. At nonne falsa est illu- „

foria comparatio illa diuinæ cognitionis & visus nostri, si sit vlla prædefinitio quæ diuinam cognitionem trahat? An transit eodem modo supra contingens ea cognitio cui pontem fecit decretum antecedens, quo visus, qui solâ obiecti præsentia nititur? Ecquid habet momentiratio, quâ ideo negatur obiectum contingentiam amittere, quia etiam si fiat necessarium dum refertur ad diuinam præscientiam, non refertur tamen nisi secundum quod est in esse actuali: & quia illæ sâ contingentia omne quod est, quando est, necesse est esse? Si enim hæc est prima radix illius necessitatis, quia omne quod est, quando est, necesse est esse, vt possit dici necessitas quam ipsa rei existentia & præsentia facit; bene habet: sed tunc nullus prædefinitioni locus est. Quod si non est illud primum huius necessitatis principium, nec ideo tantum necesse est id quod dicitur contingens esse, quia est; sed quia est antecederter & efficaciter prædefinitum vt esset, decreto insuperabili, quomodo saluabitur contingentia? Et quo fundamento dicetur non referri ad diuinam cognitionem nisi secundum quod est in esse actuali, cum referatur etiam secundum quod est in esse voluto antecederter & prædefinito? Et quid habet hoc commune cum visu *quo ego video Socratem præsentialiter currere*? Quomodo demum non est hæc necessitas consequentis, & non tantum consequentiæ, si consequens non facit illam, sed trahit ex antecedente quod independens ab illo est, nimirum ex prædefinitione?

S. Thomas
non agnos-
cit aliam
libertatem
actu ne-
cessitatis
quam
ab ipsa
liberta-
te pen-
dentem.

Explicat id ipsum amplius. S. Thomas in solutione quarti argumenti, vbi semper supponit necessitatem quam res futura deriuat ex necessitate præscientiæ, in actualem ipsiusmet rei existentiam ac præsentiam refundi: ideoque non tollere contingentiam. Et ideo, *inquit*, aliter dicendum est, quod antecedens est necessarium absolute, *nempe Deus præscit Socratem currere*, tum ex immobilitate actus: tum etiam ex ordine ad scitum: quia ista res non ponitur subiacere scientiæ diuinæ, nisi dum est in actu secundum quod determinationem & certitudinem habet. Ipsam enim necesse est esse, dum est: & ideo similis neces-

sitas est inferenda in consequente, *Ergo currit*, vt scilicet accipiaturs ipsum quod est Socratem currere, secundum quod est in actu: & sic terminationem & necessitatem habet. Vnde patet, quod si sumatur Socratem currere secundum hoc quod ex antecedente sequitur, necessitatem habet. Non enim sequitur ex antecedente nisi secundum quod substat diuinæ scientiæ, cui subiicitur, prout consideratur præsentialiter in suo esse actuali: vnde etiam sic sumendum est consequens: quo modo patet, quod consequens necessarium est. Necesse enim est Socratem currere dum currit. Quæ verba hunc sensum, perspicuè reddunt, Rem quamlibet v. g. Socratis cursum dum actu est, certitudinem ac determinationem habere, eo quod omne quod est quando est, necesse est esse: inde fieri vt sit etiam pariter necessaria illius præscientia in eo intellectu quem nihil vnquam latere potest eorum quæ in aliqua temporis differentia existunt: Esse igitur necessarium præsciri cursum Socratis. Rursus quia ex necessitate ac veritate scientiæ necessariò sequitur veritas ac necessitas quædam rei scitæ, indidem sequi necessariò Socratis cursum: & sequelam esse bonam cum dicitur, si præscitur Socrates currere, currit: Neque tamen desinere contingentiam habere cursum hunc: quod hæc necessitas veluti circulo quodam ab eodem indidem redeat. Præscientia enim illam tantum reddit cursui Socratis qui ex ipsa infertur, quam ab eodem accepit, vel quam in eo supposuit, quod ideo tantum necesse fuerit præsciri cursum Socratis, quia necesse est ipsum currere, dum currit. Hæc est germanissima D. Thomæ sententia, quæ tota supponit manifestè nullam esse prædefinitionem in qua necesse sit præsciri rem futuram. Id quod ex alijs quoque locis confirmari potest. Et est notandum quod TVissius dicit; Didacum Aluarem in proponenda D. Thomæ sententia, illam obliquasse, & humani aliquid passum: quanquam pro sua erga illum Auctorem beneuolentia, lapsum hunc memoriæ malit adscribere, quam fidei: quem ipse quoque vt in imitanda claudicatione amicitiam probaret simili lapsu sequutus est. Negat enim

1. p. q. 14.
ar. 13 ad se-
cundum.
1. con. gent.
cap. 67. in
solutione
tertij.
q. 2. de ver.
ar. 12. &c.
à Tuiſſius
1. 1. p. 111.

Didacus
Alvarez
non satis
fideliter re-
fert testi-
monia S.
Th. Iudice
Tuillio.
pag. 150.

hic loci hunc in Aluare næuum aduertisse Pennotum; quem tamen postea dicentem refert, Omnia loca quæ afferuntur ex D. Thoma ad probandum Deum cognoscere futura vi prædefinitionis aut prædeterminationis, esse corrupta.

infra cap. 5.
§. 3.

Atque ex his liquet iam inde ab infima ætate Christianismi vsque ad tempora Scholasticorum persuasum esse dari futurorum præscientiam ab eorum prædefinitione independentem: ut ideo necesse sit sententiam illam quæ docet futura etiam conditionata ideo sciri à Deo quia sunt ab eo definita, eâque ratione prædictam Ceilitarum à Dauide ad Saulem defectionem, exoticam esse, atque ab antiquo Christianorum sensu alienam, quod maximè probandum erat. Restabat illa etiam cauillatio excludenda, cum dicunt, Patres non negare prædefinita esse à Deo ea quæ mala sunt; sed tantum esse prædefinita ut mala; sed hoc postea opportuniùs præstabitur.

C A P V T IV.

*Secundum argumentum de futura ex hypothesi
Tyriorum & Sidoniorum pœnitentia
proponitur.*

XLVII.



ECVNDVM argumentum pro scientia media sumi solet ex Christi verbis illis *Væ tibi Corozain, væ tibi Bethsaida: quia si in Tyro & Sidone factæ essent virtutes quæ factæ sunt in vobis, olim in cilicio & cinere pœnitentiam egissent.* Quo in loco cum asseratur à Christo futura Tyriorum & Sidoniorum pœnitentia quæ nunquam fuit, restat ut fuerit tantum conditionatè futura; atque adeo beneficio scientiæ mediæ præscita; quod etiam significatur de quadam Sodomitarum pœnitentia pariter

Math. II.
v. 21.

ib. v. 23.

futura, cùm dicitur ad Capharnaum. *Quia si in Sodomis factæ fuissent virtutes quæ factæ sunt in te, forte mansissent usque in hunc diem.*

§. I.

Prima solutio, de decreto antecedente futuram conditionatè pœnitentiam illam, rejicitur.

O Missis eorum responsionibus qui verbis illis negant significari pœnitentiam reuera futuram conditionatè, sed tantùm maiorem aliquam in Tyrijs ac Sidonijs, item etiam in Sodomitis dispositionem ad illam: vel, esse hanc locutionem figuratam, & Christum more hominum loqui vt exaggeret præsentem Iudæorum obstinationem: vel, esse coniecturales tantùm enuntiationes, quibus non tam asseratur quod reuera futurum est, quàm quod aprius conjici potest; in quibus responsionibus TVissius significat se non acquiescere, illis, inquam, omisiss, tres ipse alias proponit.

XLVIII. Prima est, esse diuinum aliquod decretum de danda Tyrijs & Sidonijs pœnitentia, ratione cuius illa & certò futura ex hypothesi & scibilis à Deo sit: hanc autem scientiam non esse mediam, quia tamen per illam sciatur futurum conditionatum, non tamen antecedenter ad diuinum illud decretum, quod excludit scientia media. Solutionem hanc TVissius explicat libro primo, vbi cum hæc Pennoti verba retulisset, *dici potest Christum cognouisse illos acturos pœnitentiam in decreto quo decreuerat illos prædeterminare*, subdit, Imò, inquam, non modo hoc, dici potest, sed & cum Pennoto dici potest, Christum ne potuisse quidem cognouisse illos, Tyrios & Sidonios, pœnitentiam acturos nisi in decreto saltem tanquam in causa partiali. Etenim ipse Pennotus iam professus est, diuinum decretum esse rationem sine qua non cognoscendi omnia futura contingentia, siue illa pendeant ex sola diuina voluntate, siue ex alijs causis. Addit hoc ipsum non modò

H iij

Concedunt
Aduersarij
certam de
futura Ty-
rijs pœ-
nitentia co-
gnitionem
in Deo.

L. 3. pag.
426. & seq.

cap. 28.
pag. 18.

cùm Pennoto, sed & cum Augustino dici posse, dum ait neminem ad Christum venire nisi ei datum fuerit à Deo.

Vnde enim, inquit Tuisius, cognosceret Deus dona sua futura, si non ex decreto conferendi dona sua?

ib. pag. 182.

Nullò decreto præceteri futuræ conditionatè T3-riorū pcc. nientiam. supra cap. 3 § 1. n. 21.

Hanc solutionem impugno primum vt repugnantem ipsius TVissij sententiæ illi, quæ negat esse in Deo decretum aliquod ex parte obiecti conditionatum, vt antea regulimus in solutione prioris argumenti. Hoc enim decretum, de danda Tyrijs efficaci gratia non potest aliud esse, vt per se patet, quàm ex parte obiecti conditionatum.

2. Impugno vllam vt imponentem Pennoto, non solum quod ille nunquam dixit, sed etiam cuius contrarium semper dixit, & quidem apertè. Nam cùm dicit Pennotus diuinum decretum esse rationem sine qua non cognoscendi omnia futura contingentia, loquitur de futuris tantum absolutis, & de illa cognitione quæ dicitur scientia visionis. Hæc enim sunt illius verba libro tertio cap. 22. vbi nondum agere cœperat de futuris conditionatis, de quibus disputare incipit tantum cap. 25. suamque ipse mentem explicat disertè capite illo 23. cum dicit.
 - „ Ita præciso eodem decreto nullum futurum contingens
 - „ habere posset rationem obiecti intelligibilis PER SCIEN-
 - „ TIAM VISIONIS de qua modò est quæstio. *Et deinde cap. 28.*
 - „ Secunda propositio, Scientia futurorum contingentium
 - „ conditionatorum non supponit in Deo liberum decretum
 - „ prædeterminandi physicè causas illorum contingentes ad
 - „ productionem talium futurorum: sed omne tale decretum,
 - „ & quodcumque aliud decretum liberum actu existens in Deo, antecedit. Quis non hic miretur frontem
 - „ TVissij, Nam quod non eadem sit ratio quoad hoc liberorum actuum absolutè & conditionatè futurorum: nec consequi, vt si prærequiratur decretum absolutè futuris, sit etiam necessarium futuris conditionatè; cæcutiat oportet, si quis dubitet. Nullum enim est futurum absolutè quod non supponat causam vel existentem absolutè vel futuram: neque vlla talis est causa quæ vel ipsa non sit à Deo solo, vel non reducatur in aliquam quæ à Deo solo sit. Quod autem ita penderet à Deo, necesse est vt ipsius

Nihil est futurum absolutè nisi dependet ab aliquo Dei decreto seu futuro conditionatè.

efficaci & absoluta voluntate decernatur. Aliter enim vt nec esse, ita nec sciri absolutè potest. At quod est futurum conditionatè, supponit tantum causam conditionatè futuram: Et quia causam esse conditionatè futuram vix est aliud quàm esse possibile (Idem enim est dicere, possibile est creari à Deo talem voluntatem & in talibus circumstantijs poni, & futurum est, si Deo placeat, vt talis voluntas creètur & in talibus circumstantijs ponatur) ideo nihil aliud requiritur ad hypotheticam futuritionem illius causæ, quàm quod requiritur ad possibilitatem: Atqui ad possibilitatem nullum requiritur decretum actu existens: Ergo neque ad futuritionem illam hypotheticam.

§. II.

Augustino perperam tribuitur illa solutio.

XLIX. **E** ADEM vel fraude vel inscitiâ solutionem ^{l. de bono perse. cap. 14.} hanc Aduersarius tribuit Augustino, quòd dicat neminem ad Christum venire nisi ei datum fuerit à Deo: & dum de Tyrijs agit atque Sidonijs, *Audiunt enim hæc, inquit, & faciunt quibus datum est; non autem faciunt siue audiant siue non audiant quibus datum non est.* Quæ verba iudice TVissio significant Deum habere decretum hoc, volo vt si Tyrijs ac Sidonijs proponatur Euangelium miraculis confirmatum, illi consentiant. Apagè verò tam inuerecundum interpretem. Quid enim adeo peruersum adeoque alienum à veritate, quod non isto modo colligatur ex Augustino? Et quodnam quæso in illis verbis istius decreti vestigium apparet? Nempe, inquit TVissius, quia significat Augustinus causam futuræ poenitentiae Tyriorum, esse donum Dei, cum ait, *audiunt hæc & faciunt quibus datum est*: nec aliter potest Deus præscire dona sua, quam ex decreto conferendi illa. Vult itaque ad Tyrios pertinere illud *quibus datum est*: ac proinde pertinere etiam decretum dandi ex quo præsciatur futura ipsorum sub-
conditione poenitentia.

Nullum ex
Augustino
decreto
dandi Ty-
rijs vel
vi crede-
rent, vel
vnde
crede-
rent.

Sed quid si Auctore Augustino illud *quibus datum est*, nullo modo ad Tyrios pertinet, sed potius eius contrarium? En tibi Augustini mentem perspicuis expressam verbis hoc ipso in loco. Hæc prædestinatio sanctorum nihil aliud est quam præscientia scilicet & preparatio beneficiorum Dei, quibus certissime liberantur quicumque liberantur. Cæteri autem, vbi nisi in massa perditionis iusto Dei iudicio relinquuntur? vbi Tyrij relictæ sunt & Sidonij: qui etiam credere potuerunt, si mira illa Christi signa vidissent. Sed quoniam vt crederent NON ERAT EIS DATVM ETIAM VNDE CREDERENT EST NEGATVM. Videsne Tyrijs vtrumque negatum, & vt crederent, & vnde crederent iuxta Augustinum? ac proinde si ex eo tantum quod aliquid *datum* sit, arguatur id ipsum esse decretum; nullum superesse illius decreti argumentum? Futura, inquit, erat Tyriorum pœnitentia: & non poterat esse futura nisi ex dono Dei: neque hoc donum esse nisi esset decretum dandi. Erat futura conditionatè Tyriorum pœnitentia, concedo: & non poterat esse ita futura nisi ex dono & decreto Dei præsentis & existentis actu & absolute, nego: Ex dono & decreto possibili & ponendo pro Dei libertate, concedo. Iam enim sæpè dictum est, futurum absolute postulare causam vel existentem absolute vel futuram: futurum autem conditionatè postulare tantum causam aut possibilem aut conditionatè tantum futuram, vt ex illius hypothese sequuturum affirmetur.

Hypothesis
s. u. condi-
tio ex qua
dicitur ali-
quid liberè
futurum
non inuo-
luat ex-
ceptionem.

Nequetamen id ita intelligo, vt in hypothese ex qua dicitur aliquid futurum conditionatè, inuolui putem decretum prædefiniens id quod sequuturum dicitur. Hoc enim modo tam futura conditionatè diceretur Iudæorum pœnitentia, quam Tyriorum. Tam, inquam, vera fuit ab æterno conditionalis ista, si proponatur Euangelium Iudæis confirmatum miraculis, cum prædefinitione pœnitentiæ ipsorum, futura est talis pœnitentia, quam hæc alia, si proponatur similiter Tyrijs cum simili prædefinitione pœnitentiæ, pœnitentia hæc futura est. Vnde vt non sit futurum in Iudæis quod dicitur futurum in Tyrijs, necessarium est vt hypothesis ex cuius conditione di-
citur

citur aliquid futurum, non inuoluat decretum prædefiniens id quod futurum est. Est igitur illud decretum quod supponi debet, decretum ponendi causam liberam in certis circumstantiis, & si quidem agitur de actu supernaturali, dandi illi gratiam similiter supernaturalem, & exhibendi concursum accommodatum illius exigentiæ. Totum illud inuoluitur in antecedente propositionis conditionalis quâ enuntiatur aliquid futurum, & eo posito futurum est in vno; eodemque iterum posito futurum non est in alio. Tyriorum, inquam, futura pœnitentia ex hoc antecedente consequitur, si Deus decernat vt fiant coram Tyrijs miracula in confirmationem fidei, & decernat etiam exhibere illis concursum suum accommodatè ad eorum libertatem; futurum est vt eos pœniteat suorum peccatorum. Iudæorum verò non futura pœnitentia hoc ipsum antecedens supponit, si Deus decernat vt fiant coram Iudæis miracula in confirmationem fidei, & decernat etiam exhibere illis concursum suum accommodatè ad eorum libertatem; futurum est vt eos non pœniteat suorum peccatorum. Atque ita semper id quod futurum dicitur, si quidem ad salutem pertinet, ex decreto Dei & dono siue gratia dicitur sequuturum: sed alio atque alio modo. Nam si est futurum tantum conditionatè, asseritur sequuturum ex decreto & dono seu gratia quæ esset; si verò est futurum absolutè, sequuturum asseritur ex decreto quod est, & ex dono & gratia quæ vel est etiam, vel erit absolutè.

Quale igitur decretum inuoluat?

Idem decretum & pro non operatura.

L. Atque in eo manifestè apparet duplex error Semipelagianorum circa vsum scientiæ mediæ, à quibus & S. Augustinus & hodierni scientiæ mediæ Assertores procul abfunt. Nam primò inmerita illa quæ à Semipelagianis dicebantur sub conditione futura, non dicebantur esse futura sub conditione gratiæ: quippe quæ non inuoluebatur in suppositione ex qua merita dicebantur sequutura. Constat enim tum alijs ex locis, tum maximè ex literis Profperi atque Hilarij ad Augustinum, & ex responsione Augustini ad easdem literas in libris de Prædestinatione Sanctorum, & de Bono perseuerantiæ, in eo illos à Pelagio

Semipelagianos merita conditionatè futura credidisse à diuina gratia independentiā.

recessisse, quòd gratiam esse necessariam prædicarent ad perficiendum salutis opus: non autem ad inchoandum: illam enim gratiam præueniri fidei quibusdam initijs, atque aliquo nisiuac desiderio nostræ voluntatis, cui natura ipsa per se sufficeret. Et quia statim opponebatur instantia paruulorum, quorum alij saluantur nullo præuio voluntatis exercitio, ac proinde nec merito; alij relinquuntur in massa damnationis: recurrebant illi ad præscientiam eorum quæ facturi erant si viuere sinerentur. Hoc est ad merita bona & mala conditionatè futura. Cumque, „ *inquit Prosper*, innumerabilium illis multitudo obijcitur „ paruulorum, qui vtique originali peccato sub quo omnes „ homines similiter in primi hominis damnatione nascuntur „ nullas adhuc habentes voluntates, nullas proprias „ actiones, non sine Dei iudicio secernuntur: vt ante discretionem boni & mali, de vsu vitæ istius auferendi alij „ per regenerationem inter cælestis regni assumantur hæredes: alij sine baptismo inter mortis perpetuæ transcant „ debitores; tales aiunt perdi talesque saluari, quales futuros illos in annis maioribus, si ad actiuam seruarietur ætatem, scientia diuina præuiderit. Hic autem recursus esset „ ridiculus, si non putassent bona illa merita conditionatè futura in his qui morte præoccupantur, ita esse à Dei auxilio independentia, quo modò esse putabant in his *qui* „ *tempus accipiunt liberæ voluntatis*, vt idem Prosper loquitur. Et hoc confirmatur ex eo quod dicit Augustinus in „ Epistola ad Sixtum Mirum autem cum his coarctantur „ angustijs, in quanta se abrupta præcipitent metuentes „ retia veritatis. Ideo, inquirunt, nondum natorum alium „ oderat, alium diligebat: quia eorum futura opera præuidebat. Quis istum acutissimum sensum defuisse Apostolo „ non miretur? *Et mox*, Vbi nunc merita? vbi opera vel „ præterita vel futura, TANQVAM EX LIBERI ARBITRII „ VIRIBVS ADIMPLETA, VEL ADIMPLENDA? Nonne aperitam protulit Apostolus de gratiæ gratiæ hoc est veræ „ gratiæ commendatione sententiam? Vides vt merita illa Semipelagianorum quæ non nisi conditionatè præsciebantur futura, oriunda fuerint ex viribus liberi arbitrij,

non ex gratia? Patet hoc etiam ex libro de prædest. SS. cap. 18.
 Præsciebat ergo, ait Pelagius, qui futuri essent sancti &
 immaculati PER LIBERÆ VOLVNTATIS ARBITRIVM: &
 ideo eos ante mundi constitutionem in ipsâ suâ præscien-
 tiâ, quâ tales futuros esse præsciuit, elegit. Nam cum
 non aliter Semipelagiani à Pelagio differrent, quàm quia
 id quod iste dicebat de toto salutis negotio, id illi de initio
 saltem verum putarent, fatendum est illam quam causa-
 bantur præscientiam meritorum; fuisse præscientiam me-
 ritorum à liberæ voluntatis arbitrio dependentium, gra-
 tiâ seclusâ. Atque hunc errorem Augustinus refutat com-
 muni bus principijs, quibus nullum in nobis bonum esse
 conuincitur, quod quidem conferat ad salutem, nisi ex
 dono & gratia Dei.

LI. Secundus error Semipelagianorum erat, merita illa
 conditionatè tantùm futura mouere Deum ad actua-
 lem gratiæ concessionem: quod est, causam absolutè nun-
 quam existentem, effectum exigere atque producere qui
 absolutè sit. Quod quia ne philosophiæ quidem elementa
 vt dicatur permittunt, Augustinus vt ineptum rejicit Iu-
 dicare autem, *inquit*, quenquam, non solum secundùm
 merita quæ habuit quandiu fuit in corpore, sed secun-
 dùm merita quæ habuisset si diutius fuisset in corpore;
 vnde opinari potuerint homines, quorum ingenia non
 esse contemptibilia vestræ indicant literæ, mtrans & stu-
 pens reperire non possum: nec credere auderem nisi vo-
 bis non credere non auderem, & *postea*. Sed quia homi-
 num futura, quæ non sunt futura, procul dubio nulla
 sunt merita, & hoc videre facillimum est: ideo nec Pela-
 giani hoc dicere potuerunt: & multò magis nec isti dice-
 re debuerunt. Huic autem rationi autoritatem iungit
 Augustinus, & instantiam opponit ex præscita conditio-
 natè Tyriorum ac Sidoniorum pœnitentiâ, in qua cer-
 nere licet causam illam dandæ absolutè gratiæ quam Se-
 mipelagiani prætexebant, suo tamen effectû destitutam:
 vt hinc appareat nequaquam esse idoneam istius effectus
 causam. Atque hoc argumentum vrget in libro de bono
 perseu. Sed nunquid possumus dicere etiam Tyrios &

Semi-Pela-
 giani meri-
 tis condi-
 tionatè fu-
 ti: ris debe-
 ri volebant
 præmium
 existens
 abso-
 lutè.

de præd.
 SS. c. 22.

Cap. 5.

cap. 10. „ Sidonios talibus apud se virtutibus factis credere noluisse,
 „ se, aut credituros non fuisse; cum eis Dominus attestetur
 „ quod acturi essent magnæ humilitatis pœnitentiam,
 „ si in eis facta essent diuinarum illa signa virtutum? Et tamen
 „ in die iudicii punientur.... Porro si etiam secundum
 „ facta quæ facturi essent si viuerent, homines iudicantur;
 „ profectò quia fideles futuri erant isti, Tyrij, si eis cum
 „ tantis miraculis fuisset Euangelium prædicatum, non sunt
 „ utique puniendi. Punientur autem. *Et deinde*, Nullus
 „ bonus iudicatur ex bonis seu malis quæ fuerat si non moreretur
 „ acturus: alioqui Tyrij & Sidonij non secundum
 „ ea quæ gesserunt pœnas lucrent; sed potius secundum ea
 „ quæ gesturi fuerant, si in eis illæ virtutes euangelicæ factæ
 „ fuissent, per grandem pœnitentiam & per Christi fidem
 „ consequerentur salutem.

Vult igitur Augustinus suppositâ illâ bonorum malorum
 meritorum conditionatâ præscientiâ, Deo liberum
 omnino esse de rebus ipsis statuere: atque adeo conditionem
 illam absolutè ponere aut non ponere, ex qua præsciebantur
 sequutura. Et quia hoc liberum est, pro sua illa libertate Deum
 Tyrijs absolutè negasse hypothesin quâ sciebat ad pœnitentiam
 inducendos: eandem autem absolutè concessisse Iudæis, quamvis
 sciret non inducendos. *Si queratur à nobis*, inquit, *cur apud eos tanta miracula
 facta sint, qui videntes ea non fuerant credituri, & apud eos
 facta non sint qui crederent si viderent, quid respondebimus?*
 Et ostendit non valere hîc responsum quo erat ipse usus
 ad sex quæstiones paganorum, cum diceret, promulgatum
 Euangelium vbi & quando præsciebat Deus esse qui crederent:
 non esse autem promulgatum vbi nulli credituri præscirentur.
 Hæc certè, *inquit*, de Tyro & Sidone non possumus dicere:
 & in eis cognoscimus ad eas causas prædestinationis hæc
 diuina iudicia pertinere, sine quarum causarum latentium
 præiudicio tunc ista respondere me dixi. Latenti nimirum
 Dei iudicio, sed tamen iusto, adscribendum censet, quòd Tyrijs
 negata sit absolutè conditio illa ex qua sequutura erat eorum
 pœnitentia, vt mox explicat cum dicit. Ceteri autem vbi

nisi in massa perditionis iusto diuino iudicio relinquuntur, „
 vbi Tyrij relictī sunt atque Sidonij.... Sed quoniam vt „
 crederent non erat eis datum, etiani vnde crederent est „
 negatum. Vt autem hoc ad iudicium ita & ad misericor- „
 diam pertinere significat, quod eadem conditio absolutè „
 decernatur in fauorem eorum quibus profutura præsci- „
 tur, subdit enim. Ex quo apparet habere quosdam in ipso „
 ingenio diuinum naturaliter munus intelligentiæ, quo „
 moueantur ad fidem, si congrua suis mentibus vel au- „
 diant verba, vel signa conspiciant. Et tamen si Dei altio- „
 ri iudicio à perditionis massa non sunt gratiæ prædestina- „
 tione discreti, nec ipsa eis adhibentur vel dicta diuina vel „
 facta, per quæ possent credere, si audirent utique talia „
 vel viderent. En vt decretum ponendi hypothesim quæ „
 per scientiam conditionatam præscitur efficax ad fidem „
 eliciendam, vocatur ab Augustino *prædestinatio gratiæ*: „
 nempe quia eâ ratione datur hominibus *vnde credant*, hoc „
 autem ideo datur, quia *Dei prædestinatione*, hoc est efficaci- „
 intentione *datur eisdem vt credant*. Vt paulo ante significa- „
 uit Augustinus hīs verbis, *quoniam vt crederent non erat eis* „
datum, etiam vnde crederent est negatum. Hic enim valet ar- „
 gumentum à contrario: & quod negatum est Tyrijs ex „
 Augustino; hoc illud est beneficium quod confertur præ- „
 destinatis. Cum ergo supposita eorum cognitione quæ fu- „
 tura erant Tyrijs salutaria, neque illis datum sit vt crede- „
 rent decreto prædefiniente ipsorum fidem: neque *vnde* „
crederent decreto statuente positionem eorum ex quibus „
 sequutura erat illa fides; restat vt hoc sit prædestinato- „
 rum beneficium, atque etiam eorum qui efficaciter vo- „
 cantur ad fidem, quod supposita eorum cognitione per „
 quæ infallibiliter inducendi sunt ad fidem; & datur illis „
 vt credant voluntate fidem prædefiniente: & vnde cre- „
 dant voluntate prædefinitionem illam exequente per ea „
 media quæ conditionatè præsciuntur efficacia. Vnde „
 patet, & nonnullum fuisse vsum scientiæ conditionatæ „
 apud Augustinum, in tradenda prædestinationis ac gra- „
 tiæ doctrina: & Suarianam in hoc apice Theologiam „
 adeo illi esse conformem, vt Augustiniana dici possit.

Suarez Aug.
 gustino ap-
 primè con-
 sentit circa
 vsum scientiæ
 mediæ
 in electio-
 ne saluan-
 dorum.

Iam verò hinc facillè colligitur id cuius gratia hæc dis-
feruimus, extare quidem apud Augustinum decretum
negatium de non ponendis medijs quibus Tyrij præscie-
bantur ad fidem & pœnitentiam inducendi, affirmatium
autem quo fides illa & pœnitentia fieret sub conditione
futura, apud illum nusquam legi.

Non fuit
cognitum
Augustino
decretum
scientiæ
conditio-
natæ præ-
uium.

LII. Hoc verò iterum confirmatur. Quia cum Semi-
pelagiani non aliâ de causa recurrerent ad merita illa
conditionatè futura, quàm vt haberent quod diuinæ gra-
tiæ præmitterent in paruulis, qui recentes à baptis-
matis mortis præueniuntur, nihil erat magis obuium
Augustino quàm opponere, ne illa quidem merita esse
à præsentis Dei gratia independentia, postquam non
poterant aliter esse futura etiam conditionatè, quàm
vi præsentis decreti, quod & gratuitum esset, & salu-
tare: hæc autem cogitatio nunquam occurrit Augusti-
no; quia scilicet tale decretum fuit illi prorsus incogni-
tum.

Alteracius-
dem con-
iectura.

LIII. Atque hoc demum confirmatur ex eo quod in-
fert Augustinus ex futura illa Tyriorum & Sidoniorum
pœnitentia, cum dicit, Ex quo apparet habere quosdam
„ in ipso ingenio diuinum naturaliter munus intelligentiæ,
„ quo moueantur ad fidem, si congrua suis mentibus vel
„ audiant verba, vel signa conspiciant. Effet enim absurda
„ illa deductio, si non aliter fuit futura Tyriorum pœniten-
tia, quàm vi præsentis decreti. Quare enim tribuas eorum
docilitati, quod non nisi Deo efficaciter decernente fue-
re facturi? Et quare quidam tantum dicuntur hoc modo
naturaliter dociles, cum nulli sint qui non tali quodam
decreto præuenti, similiter sint parituri? Quare demum
apponitur conditio illa, *si congrua*, &c. cum fieri non
possit vt non sint congrua quæcumque aptantur illi de-
creto?

Decretum, inquis, Dei supponebat peculiarem Tyrio-
rum dispositionem. At non sentis te diuinando ac temerè
id asserendo cuius nulla sit coniectura, in eam relabi sen-
tentiam quam maximè velis fugere: ac Semipelagianum
subolere cum dicis, naturalem quandam esse dispositio-

nem in hominibus, cui debeat decreta dandi vel denegandi gratiam conformari?

§. III.

Eadem solutio ipsi Christi sententia repugnat.

LIV. **R**estat vltimum argumentum, ad impugnandum decretum præsens circa futuram conditione Tyrionum ac Sidoniorum pœnitentiam; quod ex ipsa Christi sententia verbis illis expressa *v. e. tibi Corozain* &c. manifestè colligitur: cùm constet esse illam exprobrationem quandam præsentis Iudæorum obstinationis, collatæ cum futura Tyrionum & Sidoniorum obedientia. Perspicuum enim est insulas esse ac rationis expertes increpationes eiusmodi, nisi supponatur par facultas in ijs quorum dispares sunt effectus. Quis enim audeat vel Tyrannus, obiurgare compeditum, quod cursu minimè assequatur illum qui solutus est? Quis luscum, quod à Lynceo superetur in distinguendis visu formis? Quis solitarium, quod eius operas non adæquet qui comitem habet & adiutorem? Hoc autem fecerit Deus, si decreto suo futuram reddiderat Tyrionum pœnitentiam: eritque vera illius increpationis germanaque interpretatio, *v. e. tibi Corozain, v. e. tibi Bethsaida: quia ego decreui vt esset futura Tyrionum pœnitentia, si mea doctrina hæc quæ à te rejicitur ijsdem miraculis confirmata illis proponeretur.* Quis autem non intelligit iustissimam fore Iudæorum excusationem, si respondeant, se quoque fuisse ad pœnitentiam adducendos, si ea fuisset simili decreto prædefinita? Iniquum autem esse ac prorsus alienum, non solum à Diuinitate, sed & ab ipsa humanitate, ipsis vitio verti, quod idem non præstiterint quod ij, qui præ ipsis omnipotenti decreto adiuti sunt?

Ex æquitate diuine increpationis refellitur decretum futuræ Tyrionum pœnitentiae præuium.

LV. Et quod responderi posset, inexcusabiles adhuc esse Iudæos, quod præcedentibus suis peccatis diuinum illud beneficium impedissent, quod erat Tyrijs conferendum, nec ipsi Tyris probatur cum dicit. Qui fingunt »

„ Iudæos maiora impedimenta opposuisse diuinæ gratiæ,
 „ quam Tyrios, suo comimento placeant ipsi sibi: non equi-
 „ dem inuideo, miror magis tam inertibus speculationibus
 „ eruditos aliquos applaudere. Ego verò etiam laudo huius
 hominis candorem: neque negare possum quin aliquan-
 do & verè loquatur & consequenter. Nam quâ specie ve-
 ri dicerentur maiora fuisse Iudæorum peccata quàm Ty-
 riorum, qui iacebant in profundo idololatriæ, ipsaque
 etiam suorum numinum religione impellebantur ad om-
 nem lasciuiam, cultores scilicet veneris, in quos caderet
 illud Cypriani, *sunt & miseris religiosa delicta*? Et vt peio-
 res Tyrijs supponerentur Iudæi ante hanc in Christum
 contumaciam, num etiam & Sodomitis, quorum futu-
 ram pariter poenitentiam illis exprobrat Christus? Dein-
 de istorum decretorum fabri meminisse debent ea dici
 antecedere præscientiam boni vel mali vsus liberi arbi-
 trij, ne sit aliqua, ex parte hominum, diuinæ gratiæ cau-
 sa. Alia igitur solutio quærenda est Aduersarijs.

Nulla est
 Iudæorum
 excusatio
 ex eo quod
 Deus datu-
 rus fuerit
 gratias co-
 gruas Ty-
 rijs cum
 daret ipsis
 incongruas

LVI. Sed & nobis quærendam TVissius contendit, re-
 torto in eam sententiam argumento quæ gratia congruæ
 atque incongruæ distributionem pro Dei arbitrio docet;
 Iudæos nimirum expostulatu-
 ros quòd eis gratia congrua
 negata fuerit, quam Tyrij tamen erant accepturi. Verum
 aërem verberat TVissius, quòd non intelligat quid ipsi
 de gratia congrua sentiamus, quatenus illa cum efficaci
 conuertitur. Negamus scilicet vllam esse congruam in-
 dependentem à libero voluntatis vsu saltem sub conditio-
 ne præuiso: ac proinde locus obiurgationis relinquitur
 Iudæorum per comparisonem ad Tyrios, estque vera
 hæc illius interpretatio, *Vt tibi Corozain quia tu volunta-
 riâ obstinatione inefficacia reddis atque incongrua media illa,
 quæ si Tyrijs atque Sidonijs fuissent concessa, futurum erat ut ea
 illi pro sua libertate congrua & efficacia redderent.*

Quod gra-
 tia sit effe-
 ctum habi-
 tura tri-
 buendū
 esse ali-
 qua ex

LVII. Et si quis obmurmuret, quod in constituenda di-
 uinæ gratiæ congruitate illa partes esse aliquas dicamus
 creatæ libertatis; Augustinum appellet, cuius est illa vox
 ad Simplicianum, Vt velimus & suum esse voluit & no-
 strum: suum, vocando; NOSTRVM SEQVENDO. *Et illa in*

libro

libro de natura & gratia. Qui Christum sequitur, potest „ ^{parte}
interrogatus cur esse voluerit Christianus? respondere, „ ^{create}
VISVM EST MIHI: quod cum dicit non negat Deo visum. „ ^{volunta-}
Et illa ad Bonifacium, Scriptum est, non volentis neque „ ^{ti docet}
currentis sed miserentis est Dei; non quia nullus est ho- „ ^{Augusti-}
minis atque voluntatis cursus: *vel, ut quidam codicem ha-* „ ^{nus}
bent, concursus; sed quia nihil potest nisi ille miseratur. „ ^{quæst. 2.}
Item, Dictum est ab Apostolo, non ego sed gratia Dei „ ^{l. 1.}
mecum: non quia ipse nihil boni agebat; sed quia nihil „ ^{cap. 63.}
ageret, si illa non adiuuaret. *Et illa in libro de bono persequ.* „
Vtrumque nostrum est, *credere ac bene operari,* propter „
arbitrium voluntatis, & vtrumque tamen datum est per „
spiritum fidei & charitatis, *Iterum* vtrumque ipsius est quia „
ipse præparat voluntatē, & vtrumque nostrum, quia non „
fit nisi volentibus nobis. *Et illa in libro de spiritu & litera,* „ ^{cap. 3. &}
Visorum suasionibus agit Deus siue extrinsecus siue intrin- „ ^{1. Re-}
secus.... Sed, consentire vel dissentire propriæ voluntatis „ ^{tra. c. 2.}
est. *Iterum.* Profecto & ipsum velle credere Deus operatur „ ^{23.}
in homine, & in omnibus misericordia eius præuenit nos: „ ^{cap. 34.}
consentire autem vocationi Dei vel ab ea dissentire, sicut „
dixi, propriæ voluntatis est. Quæ res non solum non in- „
firmat quod dictum est, quid habes quod non accepisti; „
verum etiam confirmat. Accipere quippe & habere ani- „
ma non potest dona de quibus hoc audit, nisi consentien- „ ^{12. de}
do. *Et illa in illud Psalmi 45.* In Deo laudabo sermones „ ^{Ciu. c. 6.}
meos. Si in Deo quare meos? Et in Deo & meos. In Deo „
quia ab ipso, meos quia accepi. *Et illa de duobus æqualiter* „
tentatis æqualiterque adiutis, Quid aliud apparet nisi alte- „
rum voluisse alterum noluisse à castitate deficere? Vnde „
nisi propria voluntate? *Et illa in libro de peccatorum meri-* „ ^{cap. 3.}
tis & remissione. Nec ideo tamen de hac re solis verbis „
agendum est, vt non subinferatur adnitendo etiam no- „
stræ efficacia voluntatis. Adiutor enim noster Deus di- „
citur; nec adiuuari potest nisi quialiquid sponte conatur. „
Quia non sicut in lapidibus insensatis: aut sicut in eis in „
quibus natura rationem voluntatemque non condidit, „
salutem nostram Deus operatur in nobis. *Et illa ex libro de* „ ^{cap. a.}
gratia & libero arbitrio, Vbi dicitur noli hoc & noli illud: „

" & ubi ad aliquid faciendum vel non faciendum in diuinis
 " monitis opus voluntatis exigitur, satis liberum demon-
 Tract. 4. " stratur arbitrium. Nemo ergo Deum causetur in corde
 " suo, sed sibi imputet quisque cum peccat. Neque cum
 " aliquid secundum Deum operatur alienet hoc à propriâ
 hom. 16. " voluntate. *Et illa in Ep. Iouannis*, Quod adiungis volun-
 " tatem tuam Deo; castificas teipsum: castificas te, non
 " de te, sed de illo qui venit ut habitet in te. Tamen quia
 " agis ibi aliquid voluntate, ideo & tibi aliquid tributum
 " est. *Et illa ex libro, 50. Homiliarum*, In tuo arbitrio Deus
 " posuit cui pares locum, Deo, an diabolo: cum paraue-
 De peccatorum in-
 ritis & Re-
 mill. cap. 5
 & Ep. 106. ris; qui possidebit, ipse imperabit. Augustini quoque illa
 " est comparatio oculi & lucis cum voluntate & gratia,
 " quam si Pelagius admittat, tolerabilis sit cum dicit,
 " *nobis forte ac firmum esse arbitrium ad non peccandum.*

Ijs omnibus ac similibus locis cum liquidò constet, vo-
 luntatem creatam causam esse cur sequatur effectus gra-
 tiæ: non dico solam: non dico præcipuam: sed tamen
 cum liquidò constet esse aliquam eius rei causam: neque
 negari possit quin ad eam quam dixi congruitatem con-
 ferat id omne quod est causa cur gratia effectum habeat,
 sequitur, neque negari posse voluntatem creatam pro
 sua libertate conferre aliquid ad efficacem gratiæ con-
 gruitatem, adeo ut illi merito tribui possit aliquâ ratio-
 ne & quod sit congrua interdum, & quod sit incongrua.
 Atque hoc pacto concidit TVissij conatus, propositum
 argumentum de Iudæorum increpatione reagentis in
 nos.

LVIII. Sed aliam subiungit responsionem, nobis scilicet
 os obstruendo, monendoque ne propositum argumen-
 tum vrgeamus, quod dictum sit ab Apostolo *homo tu quis*
 es quis respondeas Deo; quod ab Augustino. etiam sæpe in-
 culcatum est. Atqui hoc nihil est aliud quam asylum quæ-
 rere, ignorantie dicam, an errori, an licentiæ in Deum
 blasphemandi? Quis enim cum illi tyrannidem affluerit,
 atque insaniam, non eo se perfugio tutum credat: cum
 possit cõtra nitentibus opponere semper illud; *homo tu quis*
 es qui respondeas Deo? Nos verò Deo Pauli atque Augustini,

pag. 181.
 Incipatio
 Pauli eos
 rantum pe-
 tit qui iure
 quodã exte-
 rant à Deo
 quæ inde-
 bita sunt.

hoc est Deo vero & optimo neminem esse qui respondeat ingenuè fatemur, quod ille nihil obijcere possit quod omni ratione atque iustitiâ non sit confirmatum. Deo autem quem sculpunt Caluinistæ, hoc est insipienti atque absurdo, quis non respondeat, cum id obiecerit, quod nec ratio nec sapientia obijci patiuntur? Cuius enim sapientiz atque æquitatis est, exigere vt minor facultas maiorem æquet; & inæqualiter adiutus paria præstet fortioribus? Quid? nihil cogitari potest tam indignum Deo quod cum quis de illo senserit, non etiam tueri possit, atque illud ingerere, *homo tu quis es qui respondeas Deo?* Sed nimium ita oportuit consulere TVissium communi causæ Caluinistarum, quibus expedit, vt qui Deum queruntur flammis persequi ea scelera quæ ipse vt fierent decreuit: inuitare ad æternam vitam, quos prius ab ea exclusit insuperabili voluntate: postulare vt suos gressus dirigant neque vnquam cespitent aut deflectant à via, quos prius excæcauit & quidem ita vt *efficacia erroris ab ipso manaret*; expedit, inquam, illis, vt eâ solutione sint contenti, *homo tu quis es qui respondeas Deo.* Sed neque Paulus, neque Augustinus illâ vnquam vsi sunt, nisi vt os obstruerent ijs qui Deum iure quodam teneri putant cum dispensat indebita. Et illa propriè versatur quæstio apud Paulum, Cur ex eadem massa, quæ ipsa per se formandis tantum contumeliæ vasis apta est; Deus pro sua voluntate atque potentia vas aliud in honorem fingat: aliud vas in contumeliâ? Hoc enim sine iniquitate fieri Apostolus contendit, & obloquentibus respondet, *homo tu quis es qui respondeas Deo?*

LIX. Augustinus verò ita hoc ipsum in vniuersum regerit in eos qui queruntur huic dari gratiam quæ præscitur efficax futura, illi negari: hunc rapi ne malitia mutet intellectû, illum in vita relinqui dum labatur: paruulo huic de baptismo prouideri, excedere illotum illum & hæreditariæ damnationis participem & similia; vt semper supponat indebitum esse quodâ Deo quis exigit, debitum autem id quod patitur & quod queritur præstari sibi.

Ex Augustino fore iustam de Deo querelam si vas in contumeliâ conlitteret de massa indebiti. Quidni, &

¶ pares effectus possederet ab inæqualiter potentibus?
Ep. 106. ad Bonifacium.

Sed & in illa ipsa quæstione quam tractat Apostolus, non obscure significat Augustinus fore iniquitatem apud Deum, si massa illa ex qua vasa formantur in contumeliam, esset mediæ cuiusdam qualitatis, non ignominie magis, quam honori formandorum ex ipsa vasorum apta. Ita enim loquitur, hæc massa si esset ita media, ut quemadmodum nihil boni, ita nec mali aliquid mereretur, non frustra videretur iniquitas, ut ex ea fierent vasa in contumeliam. Quo exemplo satis admonet, nobis ita esse philosophandum, ut quemadmodum quando non dubium est quin Deus aliquid decernat, consequens est ut dicamus, quæcumque se in contrarium rationes obijciant, esse illud æquum & iustum: ita quando dubium non est quin aliquid iniquum sit, & repugnans rationi, consequens esse ut id ipsum reputemus indignum Deo, atque ab eius voluntate alienissimum. Manifestum autem est tale esse id quod hac specie repræsentatur. *Væ tibi, quia si tuus socius habuisset eandem gratiam quam habes ipse, ac præterea quandam aliam quam ego decreueram illi dandam efficaciorẽ tuã, fecisset quod tu non facis.*

LX. His cum TVissivis disputatis, subnectenda est quorundam Recentiorum responsio, quã propositam difficultatem non tam solvunt quàm declinant, hanc scilicet quæstionem esse illam, quam & S. Paulus, & S. Augustinus, & S. Prosper reprehendere malunt quàm soluere; rati scilicet eam quæ petitur rationem & adorandam silentio, & æquo interim animo ignorandam; ut ideo videatur esse nimia eorum fiducia qui se nodum hunc expedituros post tot tempora pollicentur, beneficio scientiæ mediæ. Quin & hanc scientiam non modicè infirmari eo argumento, quòd tam facilem reddat eius mysterij expositionem, cuius profunditas iam olim à S. Spiritu prænuntiata est.

Argumentum de iniqua Iudæorum increpatione ex hypothefi quod præ-

Sed iam dixi, atque iterum dico, argumentum quod hic vrgetur, neque S. Paulo, neque S. Augustino aut Prospero fuisse vnquam propositum: & id in quo illi fidem ab humano intellectu atque obedientiam exigunt, ignoratâ interim ratione, longè diuersum esse ab eo quod

ipsi obijcimus Assertoribus scientiæ conditionatæ pen-
 dentis ex decreto. Quin & hoc ipsum hodièque inexpli-
 catum esse atque inexplicabile Auctoribus scientiæ me-
 diæ : qui modestiam hic seruant etiam ipsi, & obedi-
 tiam exhibent illam quam requirit Apostolus. Argumen-
 tum quod vrgemus contra scientiam conditionatam ex
 decreto pendente est, Insulsam videri ac ridiculam in-
 crepationem quâ quis alicui dicit, *Væ tibi, quia ego decreni*
ut si eadem auxilia quæ tibi frustra data sunt, illi quoque data
fuiſſent; daretur & aliud, quo efficaciter moueretur ad peniten-
tiam ad quam tu non moueris. Ostendant vbinam gentium
 tale aliquid propositum fuerit Apostolo, vel Augustino,
 vel Prospero ? Eòdem recidit, inquis, & hoc, & id quod
 est illis propositum. Atqui hoc disertè negatur. Sunt enim
 diuersæ admodum duæ istæ interrogationes, quas fingere
 possumus esse factas à Corozain. Prima est, Quare mihi
 exprobras quod inefficacia reddam hæc media, eo no-
 mine quòd eadem in Tyro cum quibusdam alijs & qui-
 dem efficacioribus ex speciali decreto dandis non fuissent
 inutilia; cum sit verissimum, neque Tyrum aliud factu-
 ram quàm quod ego facio; si non haberet aliud auxilium
 quam quod mihi datum est: neque me minus facturam
 quàm Tyrus faceret, si mihi auxilium idem quod illi fui-
 set decretum? Secunda est, Cùm posses decernere ut ijs
 auxilijs quæ iam dedisti, adiungeretur & aliud efficacius,
 quo perinde mouerer ego ad pœnitentiam ac moueretur
 Tyrus si reciperet id ipsum; quare non decreuisti ut ita
 fieret? vel, Cùm posses ita disponere res omnes, ut & illa
 media quæ mihi suggeris essent efficacia: & ea quæ sug-
 geris alteri non essent; quare maluisti ordinem hunc re-
 bus præscribere, quam illum? Interrogatio prior proce-
 dit ex opinione iniustæ exprobrationis: posterior ex opi-
 nione iniustæ dispositionis. Illa, ratione nititur quæ solui
 non potest, nisi negando quod assumit, esse nimirum
 illud decretum speciale circa futuram conditionatè Ty-
 riorum pœnitentiam, & speciale aliquod auxilium ex
 illo decreto sequuturum. Hæc, non nititur ratione, quin
 potius illi admodum repugnat, quòd Deum submittat

hominum iuri: adimatque libertatem disponendi de rebus prout vult. Illa, nec proponitur nec soluitur vnquam apud Augustinum aut Prosperum, vt nec apud Apostolum: & ideo si iubent Aduersarij nos eorum solutione contentos esse; iubent nos nullâ solutione contentos esse. Hæc, & proponitur æquiualemter, & soluitur, eo modo qui maximè conuenit hominum audaciæ cum dicitur, *homo tu quis es qui respondeas Deo? Nunquid potest figulus, &c.* Atque huic secundæ interrogationi similis est querela illa, quam posset Tyrus formare si diceret, Cum haberes præ manibus eam hypothecam, ex qua sequuturam videbas meam pœnitentiam; quare non illam posuisti? Cui similiter diceretur, *Tu quis es?* Nempe hic debet submittere fasces humana temeritas, & pati vti eius rei causam & habeat Deus solus, & sciat.

LXI. Neque aliud vel sentiunt vel prædicant scientiæ mediæ Assertores. Quamuis enim querenti non esse sibi datam gratiam efficacem respondere possint, *Tua libertate factum est vt esset tantum sufficiens: futura erat efficax si alius fuisset futurus tue libertatis usus?* possunt tamen instare, Sicut sunt quædam gratiæ, quas ego pro mea libertate inutiles reddo; ita sunt etiam quas vtilis efficierem: & sicut sunt aliquæ quas isti electi reddunt efficaces; ita non desunt quas effectui frustrarent perinde ac ego. Quare igitur in eo mihi præferuntur, quod ea rerum dispositio quæ præsciebat illis quidem salutaris futura, mihi autem inutilis, constituta sit potius quàm illa, quæ præsciebat vel vtrisque salutaris: vel vtrisque inutilis: vel illis inutilis, mihi autem salutaris? Hoc, inquam, idem est ac querere, cur ex eadem massa fiat hoc vas in honorem, illud in contumeliam, potius quàm è conuerso. Ad quam difficultatem quid respondeant qui scientiam mediam tuerent nihil habent, præter hoc vnum, adoranda scilicet diuinæ sapientiæ consilia, &, *O altitudo diuitiarum! & Tu quis es qui respondeas Deo? & An non licet mihi quod volo facere?*

Atque hæc est illa *questionis profunditas* quam Prosper negat solui posse *per liberi arbitrij velle vel nolle.* Quare

enim sit ista dispositio rerum, potiùs quàm alia, nullo modo pender ex liberi arbitrij velle vel nolle. Item hæc est illa *donatio Dei & operatio* cuius defectu neque Tyrij neque Iudæi ad pœnitentiam adducti sunt, ex eodem Auctore: positio videlicet earum circumstantiarum ex quarum suppositione præsciebantur Tyrij conuertendi: & earum quoque ex quarum suppositione sciebantur non conuertendi Iudæi. Quod ipsum Augustinus etiam habet de bono perseverantiæ, ubi perspicue significat vt antea retulimus, causam positionis aut non positionis illius hypothetis ex qua sequutura præsciebatur Tyriorum pœnitentia, illam esse quam Deus humanæ menti subtractam in adytis seruat consiliorum suorum.

de voc.
Gen. I. 2.
c. 3.
Ad excep-
ta Gen.
dub. 8.

c. 9. & 14.

LXII. Huic responsioni prædicti recentiores aliam addunt, quâ obiectionem hanc quam vrgemus refellere nituntur. Hoc est, imitantur quod accusant: & post tot tempora enodare aggrediuntur eam difficultatem quam Apostolus & SS. Patres, vt ipsi quidem putant, reprehendere voluerunt non soluere; vt possit *eo iudicio eorum etiam doctrina non modicè infirmari*. Dicunt ergo Iudæos vel pares vel superiores fuisse Tyrijs in ratione auxilij sufficientis, etiam si fuerint inferiores in ratione auxilij efficacis; quare cum auxilio sufficienti detur potentia ad agendum; efficaci autem, applicatio tantum; peræquè Iudæos credere potuisse atque Tyrios. Et quia illa potentia inducit obligationem credendi, cum applicatio inducat tantum executionem seu exercitium actuale fidei; peræquè fuisse obligatos. Vnde sequitur & obiurgandos quod non crediderint, sed culpabiliter fidem respuerint sufficienter propositam: imò & quod obstinatione sua & excæcatione impedimentum posuerint illi dono efficacis auxilij. Nam & si gratia illa præueniens & antecedens sit, tamen propter concomitantem culpam, quæ in genere causæ materialis præcedit, & gratiæ præstat impedimentum, rectè Deum de illo conqueri qui non consentit. Id quod etiam in primo peccato verum est, seu in denegando primo auxilio efficaci: ad hoc enim ex parte Dei & causæ efficientis concurrere denegatione; ex parte verò nostri,

Retentiones soluere
conueniunt
eam quæ-
stionem
quam pu-
tant inso-
lubilem.

quæst. 14. 1.
p. disp. 10.
at. 5.

impedimentum culpæ concomitantis, vel inconsiderationis in genere causæ dispositivæ & materialis. Ceterum Iudæos non reprehendi propter præterita crimina, sed propter præsentem obdurationem. Hæc est ferè summa eorum quæ habentur apud P. Ioannem à S. Thoma; quæ an satisfaciant præsentī difficultati iam videndum est.

Verum auxilium efficax pertinet ad rationem potentie ac virtutis agendi.

q. 3. de potentia ar. 7.
ad. 7.

Disp. 18. de auxilijs
n. 18.
Disp. 19.
n. 9. Disp.
19. n. 6 7.
to. 1. discursu 5.
sect. 1.

LXIII. Neque hic ego persequi volo verborum tricas & loquendi rationem peculiarem ac voluntariam, quæ communibus disputationibus nihilo magis idonea est, quam priuata ac prouinciales monetæ gentium commercio. Dicatur auxilium efficax, *non pertinere ad potentiam & virtutem agendi*, sed esse applicationem tantum, tamen si quidam illud sint complexi sub nomine *virtuose motionis*: & S. Thomas vt placet Aduersarijs de eo loquatur, cum dicit comparari *virtuti artis* quæ transeunter est in instrumento artificis, addatque esse *vim quandam*: & Didacus Aluares dicat in vniuersum præmotionem conferre potentie *vim quandam quæ operatur ad esse & ultimam actualitatem effectus*, & Tribuere virtutem aliquam operandi, *non quidem per modum actus primi, sed per modum complementi*: & Distingui ab operatione causæ secundæ, esseque aliquid prius: *ed quod causa & sit prior & distinguatur à suo effectu*: & Franciscus Cumel dicat Præmotionem *efficere unum principium cum causa* præmota: & per illam, *causam adiuvare*: dependentiam liberæ actionis ad illam comparari *vt ad principium*: & esse necessariam præmotionem *per modum principij* à quo inchoetur operatio causæ secundæ: & trita sit iam illa distinctio ac quotidiana, quâ dicitur præmotionis defectu causam secundam non posse agere in sensu composito, esto possit in sensu diuiso: vnde sequitur eiusdem præsentia conferri causæ secundæ illud *posse* in sensu composito. Sed esto tamen, non pertineat hoc auxilium ad potentiam & virtutem constituendam, etiam si det *posse*, etiamsi sit *vis quædam*, etiamsi requiratur *per modum principij*, etiamsi gaudeat *causæ* priuilegio vt dicatur *prius* operatione, eo nomine quod causa prior sit, etiamsi *adiuuet* ipsam causam; Non negabitur tamen vt puto quod toties

ries concessum est, esse complementum actus primi, & perfectionem vltimam ab actione causæ secundæ independentem: & consequenter potentiam & virtutem agendi hoc auxilio munitam, esse perfectiorem antecedenter & completiorem, quod ad propositum sufficit.

Deinde neque id hoc loco disputo, in quo nec esset periculosa contentio repugnanti; nec admodum incerta victoria, an possit esse aliqua gratia merè sufficiens, si requiratur ad agendum auxilium efficax illud? Permitto vt hoc etiam assumatur. Quid enim quæso exinde sequitur? Iudæos, inquit, esse obiurgandos, qui potentiam ad credendum cum accepissent, & gratiam sufficientem, non credere tamen.

At qui hoc pacto vt dicebam difficultas non soluitur, sed declinatur. Neque enim hoc iam quæritur an fuerint Iudæi meritò increpandi; sed an fuerint increpandi præ Tyrijs, quasi non vtentes ijs medijs quibus Tyrij essent vsuri. Quandiu enim verum est, neque Tyrios fuisse credituros si nullum aliud medium reciperent quàm quod receperunt Iudæi: & Iudæos esse credituros, si reciperent idem medium quod erant Tyrij recepturi, euidens est comparatium illum obiurgationis modum ineptum esse. Et si Christus dicit id quod res est, illius increpatio debet habere hunc sensum. Væ tibi Corozain, quia si dedissem Tyro quod dedi tibi & præterea quippiam aliud, fecisset quod tu non facis. Aut, Væ tibi Corozain, quia postquam decreui vt si gratia quæ tibi collata est, Tyro conferretur, fieret completior & perfectior accessione auxilij efficacis, illa fidem exhiberet, quam tu non exhibes. Aut, Væ tibi Corozain, quia si Tyrus accepisset, sicut tu, gratiam quæ inducit obligationem credendi, & in super illam quæ inducit executionem actualem illius obligationis, quam ego decreueram illi conferendam, & quam tu non accepisti, re ipsâ credidisset. Quid autem horum non ineptum est, ac Deo indignum? Et cui bono Tyriorum mentio fit in Iudæorum correptione, quandiu dici non potest aliud fuisse facturos Tyrios cum illa præcisè potentia & facultate quam acceperunt Iudæi?

An dicendi
sint Iudæi
auxilium
impedire
quod erat
dandum
Tyrijs.

loco cit.
pag. 670.

LXIV. At, inquires, Iudæi obstinatione sua impedierunt auxilium efficax dandum Tyrijs, unde locus est increpationi, cuius hæc forma idonea est. Væ tibi Corozain; quia obstinatione tua impedis auxilium efficax, quod ego decreui dandum Tyrijs ex suppositione quod illis Euangelium proponeretur.

Hæc vero solutio difficultatum sylvam producit. Op-pono breuiter in primis illud quod habet Auctor quem iam laudaui, cum dicit, *Dens conqueritur quia sufficientia auxilia respuimus. Nam efficax à nullo duro corde respuitur, ut inquit Augustinus. Quod quo pacto conciliari possit cum eo quod paulo ante dixerat, accusari Iudeos quod obstinatione sua & excacatione impedimentum posuerunt illi dono efficacis auxilij*, viderit ipse. Ego enim non satis intelligo quantum intersit inter, *impedire diuinum auxilium*, & *illud respuere*: aut, quæ possit esse ratio vno concessio alterum negandi: vel cum nolle elicere fidem sit illam respuere; cur nolle recipere gratiam, non sit etiam respuere illam?

Deinde peto quomodo ponant hoc impedimentum Iudæi, necessariò, an liberè? Si necessariò, nihil hoc facit ad eos accusandos. Si liberè, ergo homo in genere causæ efficientis concurret ad impediendam gratiam; cum id quod liberè sit ad hoc tantum genus causæ pertineat. Quid igitur iuuat quod dicit hic Auctor, *concomitantem culpam præcedere subtractionem gratiæ in genere causæ materialis tantum*? Nam cum causa efficiens sit simpliciter prior effectu suo, & homo sit causa libera impeditæ gratiæ; consequenter homo erit prior impeditæ gratiâ in genere causæ liberæ, hoc est efficientis & non materialis tantum.

Sed neque hoc facile intelligitur, ipsa hominis culpa quam rationem dispositionis habere possit ad impediendum diuinum auxilium, quam moralis & demeritoria, quatenus indignitate sua Deum mouet ad denegationem illam; hoc autem reducitur etiam ad genus causæ efficientis.

Præterea, cum id in quo vnus alteri præfertur, & quod exprobrando obijcitur, debeat esse vtrique liberum; sitque ineptâ increpatio si adulto v. g. baptismi gratiam res-

puenti obijciatur & præferatur infans qui non respuit: aut amori diuino resistenti, beatus qui necessariò amat; consequens est vt in impediendo aut non impediendo auxilio efficaci, vterque liber sit & Iudæus qui impedit, & Tyrius qui non impedit, vt possit esse idoneus increpationis sensus iste, Væ tibi Iudæe qui peius vteris libertate tua in impedienda gratia, quàm vtatur Tyrius. Quod si est ita, incidunt Aduersarij in id quod vitare nituntur: & ipsis auctoribus poterit *aliqua caro gloriari coram Deo*: Tyrius scilicet præ Iudæo, quod se pro sua libertate reddiderit aptiorem ad auxilia gratiæ recipienda.

Denique vel est decretum aliquod in Deo ex quo sequatur Iudæum impediturū liberè auxilium gratiæ efficaci, & Tyrium non impediturum, vel non est: si primum, integra manet difficultas; nec est locus increpationi, quæ ridicula esset in hunc sensum. *Væ tibi Iudæe, quia ex quo preoccupauit Tyrium decreto meo, ne resisteret auxilio efficaci ad credendum, proposita prædicatione; reuera non resisteret: cum tu tamen resistas, qui non es simili decreto præuentus, sed contrario potius*: Si secundum, ergo futuritio resistentiæ Iudæorum, & futuritio non resistentiæ Tyriorum non est ex decreto Dei: nec consequenter eius præscientia. Atque ita datur scientia conditionata futurorum à decreto independens, quod erat probandum. Omitto verborum pugnas & implicatam illam loquendi rationem, dum dicitur *culpa concomitans præcedere subtractionem gratiæ*. Quo modo enim præcedit, si concomitans est? Et cum sit ita media inter Dei decretum prædefiniens actum qui malus est, & gratiæ subtractionem, vt illud sequatur, hanc præcedat; quid restat ratione cuius dici possit meritò, concomitans?

§. IV.

Alia due TVissij solutiones reijciuntur.

LXV. **S**Vperiores solutiones de præsentī decreto de bono Dei circa futurā conditionatè Tyriorum pœ-

de bono
persecu. c. 24

L ij

l. 1. c. 23.
pag. 183.

nitentiam proposuit TVissius, ne videretur erga Augustinum illius ut ipse putat Auctorem inofficiosus. Carterum quia Augustinus id quod dictum est de Tyrijs & Sidonijs *aliquo alio modo fortassis intelligi posse* dixit; indicatam existimat TVissius aliam responsionem priore illâ probabiliorē, cui eruendæ suam ipse operam offert Lectori beneuolō, ausis veniam præfatus. Audiamus ergo incognitam hactenus solutionem & arcanos Augustini sensus „ prodentem interpretem amemus. Dictum est, *inquit*, istud „ de Tyrijs & Sidonijs secundum ordinariam mediorum ad „ fidem & respicientiam administrationem. Neque enim „ solet Deus Prophetis & Apostolis suis delegare ministerium verbi sui apud nationem aliquam prædicandi, & ad „ alliciendos hominum animos potentiam suam per signa „ & miracula testatam facere, nisi habeat apud nationem „ illam electos aliquos, qui in gremium Ecclesiæ suæ colligendi sint. Sensus est, Essē diuinum decretum ut ordinariē non proponatur Euangelium & miracula alicui nationi, nisi ubi sunt electi quidam & credituri: atque ita talis decreti sciuisse Christum, si fieret ea propositio apud Tyrios & Sidonios, ex illis aliquos credituros. Ex quo patet id quod tanto nifu parturiuit, hoc illud esse, Ex generali decreto etiam ex parte obiecti absoluto, nasci conditionatas veras: quod & multis antea refutatum est: & propriam hic habet difficultatem.

Sup. cap. 1.
§. 1.

LXVI. Age enim, proponuntur ex vna parte duæ ciuitates Corozain & Bethsaida: duæ item ex alia, Tyrus videlicet & Sidon. Deus certò cognoscit, si duabus his proponantur miracula, futurum ut aliqui conuertantur. Sed quare hoc cognoscit? Quia, inquit, est decretum ut non fiat talis propositio nisi ubi aliqui electi sunt & consequenter eâ gratiâ bene vsuri. At, inquam, si res ita habet: ergo sunt electi aliqui, ac proinde benè vtentes eâdem gratiâ in alijs duabus ciuitatibus, postquam illis reipsâ Euangelium proponitur; & consequenter pares sunt illæ istis, cessatque omnis exprobrationis materia. Quid hic dices? num illum obijcies cauillum, additum à te *secundum ordinariam administrationem*, quasi Deus extraordinariâ ratione cum:

Corozaitis agat & Bethsairis? Quod si est ita, non vides
eam semper recurrere difficultatem, quòd inepta sit ob-
iurgatio Iudæorum præ Tyrijs, si Deus aliâ ratione cum
illis egerit, aliâ cum istis fuerit acturus?

LXVII. Est hic, *inquit*, sensus vnus. Sequitur sensus al-
ter. Fieri enim potest vt non procedant ista de salubri &
spirituali pœnitentia quæ Prædestinatorum propria est
iuxta Augustinum contra Iulianum Pelagianum lib. 5.
cap. 3. sed de respiciencia qualem aut Achabus agebat. 1.
Reg. 20. aut etiam Niniuitæ ad Ionæ Prophetæ commi-
nationem, Ion. 3. Subdit, Potuisse Christum iudicare
procliuiores esse Tyrios ad pœnitentiam ex inusitato mi-
raculorum conspectu, quam Iudæos huiusmodi prodigijs
assuetos. Et quia decretum est ita res humanas ordinariè
administrare, vt illæ congruenter naturis suis mouean-
tur; consequens esse, vt Tyriorum iuxta suam inclinatio-
nem mouendorum pœnitentia conditionatè futura fue-
rit; adeo vt *semper decretum Dei, & iuxta decretum eius rerum
omnium administratio locum habeat, in sandanda certitudine
cognitionis rerum futurarum.*

Spiritualis an corporea fuerit illa Tyriorum pœniten-
tia, nihil ad præsentem quæstionem, quâ hoc solum in-
quirimus, an fuerit certò cognita vt conditionatè futu-
ra. Quod cum Aduersarius concedat, eamque certitudi-
nem refundat in decretum absolutum ex parte obiecti,
mouendi scilicet creaturas congruenter inclinationibus
suis; sequitur hunc sensum, quod attinet ad propositæ
difficultatis solutionem, non esse alterum à superiore pro-
ximo: ac proinde TVissium dum ex vno sensu duos facit,
id esse passum, quod illi quibus lucernæ geminantur.

Est autem in hoc etiam ridendus, quod decretum illud
quod supponit, sit decretum, *ita res humanas ordinariè ad-
ministrandi*; quasi vellet Deum aliquando & *extraordi-
nariè* aliter facere. Quod si est ita, manifestum est non
posse Deum habere certam de futurâ conditionatè Ty-
riorum pœnitentiâ cognitionem, nisi duo ista decreta
concurrant: & mouendi ordinariè homines iuxta suam
inclinationem, & non vtendi extraordinaria motione cir-

ca Tyrios. Hoc autem secundum non potest non esse decretum formalissimè conditionatum ex parte obiecti, cum sit tali quodam modo necessariò concipiendum, *nolo ut si Tyrijs Evangelium & miracula proponantur alià illi ratione moveantur, quam ordinarià.*

Sed neque adhuc illam tollit difficultatem quam toties obieci- mus, non constare illius increpationis æquiritatem quâ Tyrij Iudæis præferuntur. Cùm enim totum discrimen in diuersam eorum dispositionem quâ alij magis alij minùs finguntur ad pœnitentiam propensi refundatur; hæc autem dispositio non sit libera, quia supponitur sequi ex ipsa rerum natura : & quia si libera foret quæreremus quomodo & quâ scientiâ cognosceretur in Tyrijs ; sequitur hoc in Iudæis damnari, hoc in Tyrijs præferri, cuius illis causa minimè libera est : eritque ita concipienda Christi sententia *Væ tibi Corozain, quæ tuâ dispositione motionem impedis, quam suâ potius Tyrus exigeret : & quâ impelleretur ad pœnitentiam.* Diceret autem Corozain. *Atqui neque Tyrus sibi, neque ego mihi dispositionem illam feci ; aliunde nata est præter utriusque voluntatem.*

Augustinus
quàm pœ-
nitentiam
intelligat
esse pro-
prium præ-
destinato-
rum.

LXVIII. Denique quod dictum est ab Augustino de spiritali & salubri pœnitentia Prædestinatorum, TVissivus malâ fide suo more detorquet in sententiam Caluini. Qui cùm iustificationis gratiam inamissibilem velit ; negat consequenter eorum qui tandem excident, veram esse vnquam aut pœnitentiam aut iustitiam. Atqui Augustinus non ideo negat *spiritualem & salubrem* esse reprob- orum pœnitentiam quasi verò ea non sit & vera & supernaturalis ; sed quia re ipsa non connectitur cum salute, quod est proprium eius tantùm pœnitentiæ quæ finalis est. Hanc autem esse Augustini sententiam toto libro de bono perseverantiæ, de corrept. & gratiâ & aliis mille locis convincitur, quibus patet ex Augustino nihil aliud defuisse reprob- orum pœnitentiæ atque iustitiæ ad salubritatem, nisi constantiam, & vsque in finem perseverantiam. Atqui non vera iustitia, & pœnitentia non spiritalis, hoc est non supernaturalis, quantumvis perseveraret, nunquam tamen ad salutem perduceret. Sed alterius otij

est illam persequi disputationem. Vicinum habet TVissius à quo sanari possit, nisi se immedicabilem præbuerit. Audiatur Vossium l. 6. historię Pelagianę Theſi 12. 13. 14. pag. 558.

CAPVT V.

*Seclusâ scientiâ mediâ non remanere in Deo
præscientiam absolutam futurorum
peccatorum.*

EXIX.



VPROPOSITA scientiâ mediâ statim intelligitur quomodo præcognoscat Deus peccatum quodcumque vt futurum absolutè, accedente videlicet decreto diuinę voluntatis quo statuit absolutè ponere conditionem illam ex cuius suppositione cognoscebat per scientiam mediam peccatum esse futurum. Cum, inquam, sciret Deus per scientiam mediam, ex hypothesi quòd crearetur Angelus & in talibus circumstantijs constitueretur, diuino concursu accommodatè ad ipsius libertatem exhibitum, peccaturum; eo ipso quod decernit facere illa omnia, & futurum conditionatum tanquam conditione iam positâ transit in absolutum: & ad scientiam quâ præsciebat vt conditionatè futurum, accedit necessariò scientia quâ præsciatur vt futurum absolutè. Estque ratio hæc ad explicandam huiusmodi præscientiam facillima & minimè implexa vel intricata.

Neque dicas seclusâ etiam scientiâ mediâ, & positâ voluntate creandi Angelum illo modo, statim fieri futurum absolutè illius peccatum, & consequenter scibile vt tale. Hoc enim implicat. Quia ex quo futurum supponitur absolutè peccatum illud tali voluntate vel tali decreto posito; quamuis illud non ponatur, necessariò tamen sequitur & veram & scibilem esse conditionalem istam quæ di-

*Necessaria
est conse-
quentia ab-
absolutâ
futione.
ad condi-
tionalem.*

amplius illa hypothesiſ ſed eſſet alia. Vi autem huius decreti tanquam neceſſariò connexi cum futuro peccato, eà neceſſitate quæ libertati nocere non poteſt, quod ab ipſa ducat originem, intelligit Deus Angelum abſolutè peccaturum.

Secuſa verò ſcientiâ mediâ tantus eſt labor in exponendo huiusmodi decreto, ſaluâ & hominis libertate & Dei bonitate, vt hæc videri poſſit eſſe vna ex difficultatibus deſperatis. Et concedit TViſſius nos in hoc argumento *ſecundo vehi ſumine: ac tanquam in mari paſifico nauigare*, quaſi monere vellet, nihil vt ab illo expectaremus aliud, quàm quod expectari poteſt ab homine qui contra profluentem remigat: vel qui tempeſtate iactatus, quando nubes eripiant cælumque diemque, in breuia & ſyrtes vgetur. Gloriatuſ tamen ſe præter ſcripturæ præſidia periculi ſocios habere Doctores Catholicos, Quod ſi, *inquit*, auctoritate ſola recentiorum Scholaſticorum certaretur, quid quaſo eſt quod in Dominicanis deſpicere poſſint Ieſuitæ, à quibus ita diſtant ſicut diſpoſitio ab habitu, quod ad eruditionem attinet & methodum Scholaſticam? At qui nos Guillelme, poſt tuum pomum non imus: neque facimus nauci iudicium Paridis & iniuriam ſpretæ doctrinæ. Patres autem illos minimè deſpicimus, ſed te ridemus qui regi velis eorum pallio, ne Caluinum erubeſcas. Illi verò pro ſe loquentur, ne dubita; monſtrabuntque tuum hoc perſugium quàm ſit inane. Tu interea quomodo nobis explicas abſolutam futuri peccati præſcientiam? LXXI. Horruiſ totam vno loco ſententiam repræſentare, & colligenda ſunt hinc & inde ſparſa pronunciata vt ſpecies integra in apertum producatuſ. Neque enim vel chimæra monſtrum eſt, quando partim apparet; ſed aut capra tantum, aut draço, vel tale quoddam animal. Quomodo ergo præſcit Deus peccatum Angeli abſolutè futurum? In voluntate, *inquit*, ſua. Non enim alibi ſpeculari Deum obiectum ſuum futurum quàm in voluntatis ſuæ determinatione. Verùm cum diſcrimine. Scientia Dei reſpectu bonorum in quocumque genere, eſt ſcientia artificis & decernentis operari tanquam artifex, ac ſcien-

Quam ſe hoc ipſum difficile in contraria ſententia.

l. 1. cap. 11. pag. 134.

Iniuri- ſa TViſſi- ſi ſiſſen- tatio.

Cognoſci futuri peccatum in decreto illud permit- tendi concedit TViſſi.

l. 1. cap. 1340.

„tia Dei respectu malorum, non est scientia artificis; sed
 „potius scientia est Dei non decernentis operari tanquam
 artifex. Hinc facile colligas illam Dei voluntatem esse
 tantum voluntatem permittendi peccatum, cum sit vo-
 luntas non *decernentis* operari.

l. 1. pag. „ Et confirmari potest ex eo quod aliàs dicit Diuinum de-
 136. „cretum esse principium tantum permissium, non autem
 ib. pag. „effectuum malorum, sed tantum bonorum. *Et deinde*, si
 244. „peccatum semper atque infallibiliter sequitur permissio-
 „nem peccati, quid obstat quominus Deus peccatum præ-
 „scire dicatur in decreto permittendi peccatum? *Item*,
 „Quaecumque hic loci sese ingerit difficultas, si modò con-
 „cedatur infallibiliter labi hominem cui Deus decreuit sub-
 „trahere auxilium suum; hinc manifestò sequitur decretum
 „Dei de subtrahendo homini auxilio atque adiutorio suo
 „sufficientem esse rationem cognoscendi peccatum ali-
 „quod futurum. Est igitur apud TVissium decretum de per-
 „mittendo peccato Angeli sufficiens ratio cognoscendi il-
 lud esse futurum.

Non suffi-
 cit prædi-
 cto respon-
 sio.

LXXII. Sed hoc præterea quæritur, quomodo tale de-
 cretum sit infallibiliter connexum cum peccato futuro
 seclusâ scientiâ mediâ? Quia, inquit, est voluntas non
 impediendi peccatum. Instamus tamen, iterumque peti-
 mus, vnde sciatur voluntas non impediendi peccatum
 Angeli esse infallibiliter connexa cum eodem peccato?
 Vel, cum & Angelus qui perseverauit in gratia labi po-
 tuerit, & Angelus qui lapsus est potuerit perseverare;
 quare Deus priusquam absolutè præsciret perseveratu-
 rum illum, istum verò lapsurum, non dicitur statuisse non
 impedire ne laberetur ille cui plenam fecit labendi facul-
 tatem; & impedire ne laberetur iste cui sufficientissimam
 dedit ad standum gratiam? Vnum, inquit, statuit magis
 adiuuare quam alium. At, inquam, & ille qui magis
 adiutus est cum fuerit completè potens ad peccandum,
 dici potest non impeditus ne peccaret: & ille qui minùs
 adiutus est, cum habuerit sufficientissimum auxilium ad
 non peccandum, quidni diceretur, quantum satis est im-
 peditus ne peccaret? Et cum decerneretur illi auxilium

quo: potens esset ad vtrumlibet, peccare vel non peccare; quare vi talis decreti præscitur, est potius peccaturus quam non peccaturus? Nos enim facile illi quæstioni respondemus, decretum esse vni Angelo auxilium cum quo sciebatur per scientiam mediam non peccaturus pro sua libertate: alteri vero cum quo sciebatur pro sua etiam libertate peccaturus. Atque ita vnum decretum fuisse decretum impediendi seu permittendi; aliud verò fuisse decretum non impediendi seu permittendi. At in contraria sententia nihil tale dici potest: & ita licet argumentari. Vel decretum non impediendi peccatum Angeli, est decretum nihil apponendi ad illam causæ suppositionem ex qua scitur peccatum sequiturum, quo illud præcludatur, vel est decretum tantum nihil apponendi ad illam causæ suppositionem ex qua solum scitur peccatum posse sequi si primum, itur in nostram sententiam, & admittitur scientia media independens à decreto: si secundum, ergo fuit decretum non impeniendi peccatum etiam Angeli stantis; quia fuit illa quædam hypothesis, ex qua sequi poterat peccatum, cui nihil appositum est ad illud præcludendum: aut certè fuit decretum impediendi etiam peccatum labentis Angeli, quia illa quoque suppositio aliquid inuoluit appositum à Deo ad impediendum peccatum, sicut & suppositio stantis Angeli. Vno verbo, vt Deus vi decreti sciat aliquid futurum, necesse est vt quod decernitur vel sit ipsa res quæ futura dicitur, vel sit aliquid cum ea re certò connexum, vt per se patet: ergo vt vi decreti sciat peccatum esse futurum, vel decernere debet ipsum peccatum, vel aliquid cum eo certò connexum: quod seclusâ scientiâ mediâ quærimus quid esse possit?

1.2.c. 6.p.

364

Additur ad
complendā

peccati

"permi-

99 **Giannini**

“subtra-

etio

" physics

... прямо-

monis ad

persec-

LXXIII. Nimirum hæc physica præmotio in auxilium inuocanda est, & ingenuè confitendum fuisse in Deo decretum præmouendi vnum Angelum ad perseverandum & non præmouendi similiter alterum. Ita TVissius. Rursus dicimus, *inquit*, auxilium efficax cuius negatione definitur peccati permissio, esse prædeterminationem physicam non moralem, licet cum morali excitatione coniunctam. Sed præter communes contra illam senten-

randum re-
quisitæ.
Sed neque
hoc suffi-
cit.

tiam difficultates, restat hîc adhuc explicandum illud, quomodo sciatur præcisâ physicâ præmotione ad perseverandum, Angelum infallibiliter casurum, vt dici possit Deus, eo ipso quòd statuit non præmouere ad perseverandum, decernere permissionem lapsus illius? Siquidem seclusâ præmotione relinquit tamen plenam ad perseverandum potentiam: vnde igitur præscit Deus voluntatem illam, cui plena est facultas perseverandi & non perseverandi, & quæ proinde ad vtrumlibet indifferens est, non perseveraturam potius quam perseveraturam? Quia, inquit, res ita habet. Sed hoc ipsum quæro, cum fieri possit vt res aliter habeat, quonam modo fiat vt sic habeat & non aliter? hoc enim non potest attribui Dei decreto. Sic enim argumentor. Decretum quo relinquitur causa completè potens facere hoc vel illud, non potest esse ratio cur causa faciat hoc potius quàm illud: sed ita se habet decretum non prædeterminandi Angelum qui peccat, ad perseverandum, vt ille nihilominus maneat completè potens perseverare aut non perseverare: Ergo illud decretum non potest esse ratio cur non perseveret potius quàm perseveret, nec proinde cur vnum sciatur potius quam aliud.

Quin & ita possumus argumentari. Deus decernens non præmouere Angelum qui lapsus est, vel sciebat lapsurum præcisâ determinatione illâ, vel sciebat tantum posse labi; secundum non sufficit vt dicatur fuisse decretum non impediendi lapsum vtiâ monstratum est: primum autem admittit scientiam futuri conditionati independentem ab actuali & absoluto decreto: non sufficit ergo sola illa negatio physicæ præmotionis.

Quare semper inquirendum restat, cum sequatur ex illa doctrina, futurum esse, abstrahendo ab omni Dei decreto libero actu posito, vt cadat Angelus si non prædeterminetur ad perseverandum, quæ sit causa cur hoc sit futurum; Et quia non futurum modò, sed vniuersim ac semper futurum est in omni suppositione imaginabili (hoc enim Aduersarij contendunt) quæ possit esse causa illius perpetuitatis atque constantiæ? Cumque hoc verum sit

præciso vt dixi omni decreto Dei libero; quid superest nisi vt libertati causæ creatæ tribuatur? Quomodo verò fieri potest vt principio tam vario atque mutabili attribuat inuariabilitas atque immutabilitas effectus?

Addo peccatum Angeli non fuisse peccatum omissionis sed commissionis: neque dici potest ideo peccasse quia non perseuerauit; sed ideo non perseuerasse quia fuit inuidus v. g. vel superbus aut rebellis diuino dominio: & vt sciretur non perseueraturus, debuere sciri talia quædam peccata futura: non è conuerso vt scirentur illa peccata debuit sciri non perseueraturus. Quæ igitur causâ fuit cur futura sciretur ab æterno Angeli superbia v. g.? Decretum, inquit, non prædeterminandi ad submissionem & humilitatem. Atqui neque hoc decretum potuit esse sufficiens ratio præsciendæ superbix; præsertim in probabiliore sententia quæ admittit posse dari puram omissionem liberam. Sequitur enim inde, dari potuisse in Angelo puram humilis subiectionis omissionem.

LXXIV. Est igitur addendum aliquid aliud ad subtractionem præmotionis, vt præcognoscatur futurum peccatum commissionis, quo perseuerantia cadentis Angeli impediatur. Neque hoc ignorauit TVissius: & ideo non tantum subtractionem præmotionis ad bonum admisit, sed positiuam insuper prædefinitionem illius actus qui malus est. Vt hinc iam cernere liceat emergentem ex fascijs quibus inuoluebatur, chimæram. Nam primò concedit ingenuè Deum esse Auctorem actus peccato substrati: *Item*, Deum velle ac facere omnia illa quorum Auctor est. *Hanc autem voluntatem dicit esse*, decretum antecedens ex quo sequitur necessariò & infallibiliter malitia peccati: Atque hanc esse necessitatem modalem in hanc formam, posito quod Deus decreuit talem actum liberè fieri secundum substantiam actus, qui tamen inconformis est legi Dei, necesse est vt huiusmodi actus fiat. *Item* Licet iste actus coniunctus sit cum potentia aliter agendi aut non omnino agendi; tamen posito Dei decreto de voluntatem humanam determinando ad substantiam huius actus, qui inconformis est; fieri non potest vt

Complectitur
permissio
peccati ex
positione
physica
præmotionis
ad actum
malum.

l. 2. c. 4.
pag. 333a

ib. c. 5.
pag. 337

l. 1. c. 12.
pag. 339.

lib. 1. c. 6,
pag. 363.

„ aut alius actus pro eo instanti producat, aut iste non
 „ producat. Et denique eo loco quem paulò antè retuli-
 „ mus, ubi permissionem peccati explicat per subtractio-
 „ nem physicæ prædeterminationis, vide quid addat.
 „ Rursus dicimus auxilium efficax cuius negatione defini-
 „ tur peccati permissio, esse prædeterminationem physi-
 „ cam non moralem, licet cum morali excitatione con-
 „ iunctam.... Nec tamen libertati, qualis creaturis com-
 „ petit, quidquam præiudicat ista determinatio: quippe
 „ cum determinet voluntatem creatam ad agendum libe-
 „ re.... Quòd si prædeterminatio physica nihil impediat
 „ libertatem; manifestò sequitur nihil impedire imputatio-
 „ nem eius ad culpam. Quo in loco satis apparet veterato-
 „ ria istius senis differendi ratio, qui catè admodum transit
 „ à subtractione prædeterminationis ad actum bonum, ad
 „ positionem prædeterminationis ad actum malum. Ita
 „ enim incipit *Rursus dicimus* &c. cui sententiæ consequens
 „ erat ut subneckeretur ista. *Nec tamen libertati.... Quidquam*
 „ *præiudicat ista determinationis subtractio*, sed astutè reposuit,
 „ *ista determinatio.*

Atque hinc iam perspicere licet quid sit apud TVis-
 sum permissio peccati, seu decretum permissionis. Ni-
 mirum est decretum antecedens & efficax, quo Deus
 vult actum malitiæ substratum sub ratione liberi, & cum
 omnibus circumstantijs à quibus inseparabilis est malitia:
 & in eum finem voluntatem præmouet ad illum actum,
 hæc enim omnia colliguntur ex superioribus illius verbis
 huc illuc sparsis. Quæ doctrina iam refutanda est.

§. II.

*Refutatur absoluta & antecedens malorum
 actuum prædefinitio.*

Molle ver-
 bum est
 permissio-

LXXV. **P**rimò Lectori pensandum relinquo an non
 TVissius plastes sit eximius & nobilis in pri-
 mis artifex larvarum, qui modum illum agendi Dei circa

malos actus, & decretum quod vel ipse Calvinus *horribile* fatetur, inducto molli ac facili permissionis nomine tam scitè incrustet. Deus Angelum nihil tale cogitantem, neque vllam adhuc ad malum propensionem habentem occupauit decreto suo antecedenter & efficaciter: voluitque vt eliceret actum quem sciebat eius obligationi esse contrarium, cum omnibus circumstantijs in quibus implicabat non esse formalissimè malum, & damnatione dignissimum: & in eum finem vim Angelo superaddidit, non quamcumque, sed imponentem illius eliciendi necessitatem; hoc est, inquit Guillelmus iste rerum malarum interpret suauissimus ac benignissimus, Deus permisit tantum Angelum elicere talem actum. Et dic quæso, si permittere tantum nollit, quid amplius faceret? Agit Deus hoc in negotio in Angelum, & agit ex propria determinatione atque intentione ac mero beneplacito, nullo ex parte Angeli titulo existente qui postulet vt eo modo potius agat quam alio: ex actione illa efficaciter & necessariò sequitur actus Angeli eiusque libertas cum cæteris circumstantijs ad malitiam prærequisitis, siue ista conciliari possint, siue non, quod iam non disputo: inde ita necessariò sequitur malitia vt implicet contradictionem suspendi aut suppressi: vnde fit à primo ad vltimum, vt ex actione Dei & determinatione atque influxu in Angelum, efficaciter & necessariò sequatur peccatum, & quod ex tali ac tanta actione Dei resultat, à Deo solum permittitur? O Christiani vestram fidem!

LXXVI. Secundo huic Calvinistæ oppono candorem Caluini, vt pateat tali parente nasci potuisse pullum infœliciores. Nam cum Calvinus eadem sentiret de concursu Dei ad actus malos, permissionis tamen vocem illi cogitationi credidit imparem, ideoque quod Catholici de Absalonis incestu, de Pharaonis induratione, de Iudæorum Deicidio & alijs id genus flagitijs interpretantur, vt scripturæ quæ Dei ordinationem aliquam & efficaciam significare videntur, de permissione solum intelligendæ sint, nunc *Friuolum* dicit: nunc *frigidum*, aliàs esse *subterfugium*, *nugas*, *delirium*. Nempe quia cum Deus tam effi-

nis apud
T Vissum
sed durissi-
ma senten-
tia.

Nec diffi-
cultur Cal-
uinus.

lib. 1. Inst.
cap. 18.
lib. 2. c. 4.
lib. 3. c. 24.

caciter agere supponatur in eiusmodi euentibus, & à seipso, nullâ extrinsecus exigentiâ inuitatus, non tam permittentis rationem quàm Auctoris obrinere censendus est.

lib. 1. pag.
144.

Pugnæ
verbo-
rum &
senten-
tiarum
apud
TVissiu
circa
indifferen-
tiam seu
non neces-
sitate li-
berorum
actuum.

LXXVII. Tertiò soluendum illi etiam est commune argumentum, quod illa prædefinitione tollatur necessaria malis actibus libertas, inductâ videlicet in voluntatem antecedenti atque ab ipsius arbitrio independenti necessitate. Sed quia hoc vrgebitur postea, nunc tantum præmitto TVissij solutionem qui sic loquitur. Sicut posito decreto ut quædam contingenter fiant, necesse est ut non modò fiant, sed & contingenter fiant.... Ita etiam ex decreto permittendi peccata, & euenient peccata, & contingenter euenient, cum possibilitate non eueniendi: ita ut qui peccat possit non peccare. Expende, Amice Lector, verba illa, *Necesse est ut non modò fiant, sed & contingenter, & cum possibilitate non eueniendi, ita ut qui peccat possit non peccare.* Hoc enim est, necesse est ut fiant sine necessitate. Et quia ipsius, *necesse*, non est alia definitio quàm, *quod non potest aliter se habere*: Et ipsius *contingens*, quàm, *quod potest aliter se habere*, qui dicit necesse est ut hoc fiat, & fiat contingenter; hoc dicit, *Non potest aliter se habere quin hoc sit: & ita sit ut possit aliter se habere.*

ab. pag. 145.

Disertius hoc exprimit verbis sequentibus. Si necesse est ut homo aliquis producat actum malitiæ substratum, necesse est ut peccet. Nam qui producit culpabiliter actum peccaminosum, is peccat: & quisquis producit actum peccato substratum producit actum peccaminosum: ergo si necesse est ut producat actum peccato substratum, necesse est ut peccet, ut peccet, inquam, non tamen necessariò, sed contingenter & liberè. Hoc etiam expendi, *necesse est ut peccet, non tamen necessariò.* Cum enim clarum sit in modali propositione terminum modalem in aduerbium commutari posse hac ratione, *Probabile est hostes superandos, hostes probabiliter superabuntur*, Item, *verum est me promississe, Ego verè promisi.* Et *Necesse est ignem excitari, Ignis necessariò excitatur.* Cum, inquam, ille modus conformandi & commutandi propositiones modales apud omnes mortales qui suprà infantiam sapiunt, sit legitimus

gitimus; si vsurpetur in TViffij propositione, *Necesse est vt peccet, non tamen necessariò*, vide quid emergat. *Peccat vel peccabit necessariò, non tamen necessariò*. Rursus cùm possit viceuerfa commutari aduerbium in modalem terminum, cùm dicitur v. g. *Placet, non tamen ita vt necesse sit*; hoc si seruetur in eadem TViffij propositione *Necesse est vt peccet, non tamen necessariò*; reddetur ista, *Necesse est vt peccet non tamen ita vt necesse sit*. Ita pinguntur hirco-cerui apud Leouardiam: neque huic tabellæ quidquam deest nisi vt inscribatur de more consuetâ Epigraphæ, *faciebat Guillelmus TViffius*.

LXXVIII. Quartò cum in hoc negotio dicatur esse aliquid cuius Deus Auctor haberi debeat, aliquid cuius non debeat: aliquid quod ab eo fit, aliquid quod permittitur tantum; distinguamus quæso id quod Deus tantum permittit, ab eo quod facit. Quid igitur tantum permittit Deus in peccato Angeli? Est actus malitiæ substratus, est eius libertas, est prohibitio, est malitia, Quid tantum permittit Deus? Vt sit actus? At illum prædefinit, efficitque concursu antecedenti & concomitanti, & omni ratione illius Auctor est. Vt sit liber? Hoc ipsum eodem modo procuratur à Deo. Vt sit prohibitus? Prohibitionem ipse solus ponit & intimat. Vt sit malus? Nempe postquam decreuit Deus & effecit vt esset actus, & vt esset liber, & vt esset eius prohibitio; permittit insuper vt sit malus. Impedire enim potest: quid dicis Guillelme omnium mortalium acutissimè?

LXXIX. Quintò quoties proponitur superior causa permittens aliquid fieri, debet assignari causa inferior id exequens quod superior tantum permittit. Quænam igitur causa est in malis actibus id exequens quod Deus permittit? Facile respondes, esse creaturam, Angelum v. g. peccantem. At quomodo exequitur Angelus peccans quod Deus permittit, & quid facit? Facit actum malitiæ substratum, & Deus etiam facit & magis facit quàm Angelus. Facit liberum, hoc etiam Deus prædefinit efficaciter vt fiat. Facit prohibitum, Deus præ Angelo facit non solum actum, sed & prohibitionem, vnde præ Angelo fa-

In contrariâ sententia nihil habet peccatū quod merito dici possit à Deo tantum permitti.

Nulla est causa executionis peccati, si Deus non sit, apud Aduersarios.

cit actum prohibitum. Facit malum, inquit, & hoc Angelo tantum permittit Deus. Sed cum malus actus nihil dicat præter entitatem actus & malitiam; qui facit malum, alterutrum faciendo id facit: Atqui entitatem actus non magis facit Angelus quam Deus; superest ergo ut ipse solus malitiam faciat. Malitiam porro quomodo facit Angelus? Neque enim illa est aliquid quod per se fieri possit. Nec diffitetur TVissius cum dicit, *Qui producit culpabiliter actum peccaminosum, is peccat. Et si necesse est ut homo aliquis producat actum malitiæ substratum, necesse est ut peccet.*

suprà ex
l. 1 p. 141

ib. pag. 139.

Hoc enim dicere est, Malitiam non aliter produci quam productione actus qui ei substernitur. Quod apertius ad-
 „ huc significavit paulò ante his verbis. Negamus prorsus
 „ diuinum decretum omnino determinare ad apponendam
 „ malitiam actui; sed neque tale aliquid cadit in decretum
 „ hominis.... Itaque malitia actus in peccato commissionis
 „ nullam requirit causæ determinationem ad ipsam produ-
 „ cendam, præter determinationem causæ ad producen-
 „ dam ipsam actus substantiam. Ex quibus sic argumentor.
 Determinatio causæ ad producendam substantiam actus
 est illa ipsa quam solam malitia requirit ad sui productionem: Determinatio causæ ad producendam substantiam actus est à Deo: Ergo determinatio quæ est à Deo, est id quod solum malitia requirit ad sui productionem: Ergo Deus vel magis vel certè non minùs producit malitiam, quàm ipse Angelus peccans.

Vnde iterum interrogo, Quid igitur Angelus peccans exequitur, quod non exequatur etiam Deus permittens? Respondisse forte se putat cum dixit, produci malitiam ab eo qui producit *culpabiliter* actum malitiæ substratum; ut velit esse duos producentes, Deum & Angelum; & Deum quidem *inculpabiliter* producentem permittere ut Angelus producat *culpabiliter*. At non vides, Guillelme, te vel stupore inculpabili, vel culpabili vafrutie circulo uti? Culpabiliter enim agere, est esse principium actionis & culpæ: & Angelus non est aliter principium culpæ quàm quia est principium actionis determinatiuum: Atqui Deus hoc ipsum est, etiam præ Angelo: quare igitur

non est principium & causa culpæ; sicut Angelus. Non dico culpæ qua Deus ipse sit culpabilis, sed culpæ qua culpabilis est Angelus. Hoc est, Quare non dicitur Deus esse Angelo causa culpæ? Quod si est, & si culpam Angeli exequitur Deus, quid ergo illi permittit?

LXXX. Vellet fortasse reijcere in nos telum istud, atque interrogare quid permittat Deus Angelo peccanti, qui etiam in nostra sententia actum malitiæ substratum cum Angelo facit? Sed breuiter respondeo, permittere illi ipsum quoque actum quem cum eo exequitur, quatenus indifferenter exequitur, factâ libertati Angeli copiâ determinandi se. Illa enim est vera permissio. Hoc est, concursu ita indifferenter exhibito, vt tam sit oblatuſ non peccanti quàm peccanti: sitque Deus tantum causa sine qua non, Angelus autem causa cur sit actus peccaminosus potius quàm non actus. Vno verbo, Deus suam ipsius actionem Angelo permittit, cum vult esse in eius potestate vt ea vel existat vel non existat. Et recolendum id quod antea ex Anselmo retulimus, *Deum non sponte dare, sed Angelum ab eo iniuste rapere* velle illud quod peccato subiacet. suprà num
44.

Atque hinc fit insuper, vt Deus erga malitiâ nullam aliam habeat rationem causæ quàm permittentis. Quia malitia non potest attribui cuicumque causæ concurrenti ad substantiam actus; sed ei tantum quæ se ad illam liberè determinat: hoc autem Angelus tantum facit, Deus non facit: ergo Deus malitiâ permittit tantum, Angelus verò exequitur. Nec quicquam obstat quòd Deus etiam producat determinationem Angeli ad actum malum. Hoc enim non sufficit vt censeatur Angelum determinare. Quia, vt dixi, producit illam tantum vt causa sine qua non, non autem vt causa cur producat: Siue, quia producit indifferenter, & ita vt sit in potestate Angeli suspendere, aut non suspendere productionem illam, sitque Deus ex se propensior in non productionem quàm in productionem, quam etiam prohibet. Quod autem eâ ratione producit determinationem, non determinat propriè loquendo, dicique debet potius permittere determina-

tionem quàm exequi. Sole atque homine in eandem indiuisibiliter actionem concurrentibus, non potest non concedi solem facere determinationem hominis ad producendum hominem: & tamen non dicitur sol determinare hominem ad productionem hominis, sed ab eo potius determinari.

Clem.
Alex. s. st.
Naz. or. 3
con. Iul.
Theodore-
tus; Græc
Aff.

LXXXI. Nec quisquam putet nuperam esse cogitationem hanc & ab incude modernorum Scholasticorum recentem. Est ille antiquus Christianismi sensus, propagatus à Patribus Clemente Alexandrino, Nazianzeno, Theodoro, qui rationem cur Deus non sit causa mali, non aliam afferunt, quàm quia illius tantum est culpa cuius est electio. Electio verò hîc loci esse aliud non potest quàm determinatio eliciendus ne sit actus malus necne. Volunt ergo solius peccantis esse determinationem hanc, dum illi soli electionem attribuunt, idèoque solum esse peccati causam, non autem Deum.

Contraria
sententia
iustitiæ di-
vinæ ac
bonitati
quàm sit
contraria.

LXXXII. Sextò. Non omitam expendere hoc etiam, qualem Deum nobis sculpat iste faber, omni circulatore fallaciorem, omni tyranno crudeliorem; impellentem vnâ manu, retrahentem aliâ; impediens occultâ voluntate, quod apertâ exigit; prædefiniens ut ea fiant: quæ implicat fieri, nisi fiant etiam ea quæ prohibet; & quæ ut fierent decreuerat, flammis persequentem. Sume enim quocumque voles modo malum Angeli actum, materialiter, formaliter, specificatiuè, reduplicatiuè; sume, inquam, quod est in tali actu prædefinitum à Deo, sume etiam quod est ab eodem prohibitum; & edissere nobis ecquâ ratione fieri possit id quod est prædefinitum, quin fiat id quod est prohibitum? Et quia hoc præstare non potes; vide cuius Dei sit illa species qui dicit Angelo, Nolo ut illum actum elicias, & si elicueris æterna damnatio te manet: apud se verò dicit, Volo ut illum actum eliciat liberè atque in illis circumstantiis in quibus implicat non esse damnabilem: & hoc efficaciter volo, atque infallibiliter; & omnipotenti voluntate, cui nolo ut resistat voluntas Angeli. *Venite*, inquit ad peccatores, *omnes qui laboratis* &c. apud se verò, Nolo ut veniant, & insupe-

rabili decreto impedire statui ne veniant, negatâ videlicet ad veniendum necessariâ motione, immisâ verò ad manendum in infidelitate sua. Ecquis in faciem non resistat isti Deo dicenti, *perditio tua ex te, ex me autem tantummodo auxilium tuum.* Quid? non est ab eo prædefinitus actus quo perditus sum? Et illa prædefinitio auxilium fuit ad non cadendum, vt iactare possit iste Deus, *ex me autem tantummodo auxilium tuum?* Sed quam instantiam habet Dæmon vt conuincat dicentem *se nihil odisse eorum quæ fecerit*? Illum videlicet amabat hic Deus, cum prædefiniret actum quem sciebat esse nexu indissolubili cum eius damnatione colligatum? *Intentatorem* verò *malorum* cur se esse gloriatur, qui non suadendo tantum, non præcipiendo, non rogando, sed nihil tale cogitantem, & tanquam in æquilibrio constitutum impellendo virtute insuperabili mouet ad actum, quem scit esse non posse nisi sacrilegum? Et non liceat hîc iterum exclamare, O Christiani vestram fidem?

Sed quid postulat Deus ab Angelo cadente, & quare in illum sæuit? Quia elicit actum malitiæ substratum? Atqui occupauerat illum prædefinitione suâ vt eliceret. Quia elicit liberè? hoc quoque prædefiniuit. Quia prohibitum? Solus ipse causa est cur & sit prohibitio, & sit cognita transgredienti. Vnde cum & actum prædefiniat, & prohibitionem superaddat, non potest nolle esse prohibitum. Posito autem quòd sit & entitas actus, & libertas, & prohibitio intimata operanti, quid præterea requirit ab Angelo? Ne sit malus? Atqui non esse implicat. Et tamen ideo tonare, ideo fulminare, ideo cruciatus omnes expedire, flammisque addicere sempiternis! Iterum atque iterum, ô Christiani vestram fidem!

LXXXIII. Septimò tandem addendus est Sanctorum ^{Suprà c. 21.} Patrum consensus vnanimis dum negant à Deo prædefi- ^{§. 2. num. 31.} nitos esse malos actus, vti antea monstrauiamus..

§. III.

*Reijcitur canillus de prædefinitione actus qui
malus est, & ut malus est, ex doctrina
SS. PP. præsertim Augustini.*

LXXXIV. **S**ed respondentâ Patribus tantùm reijci prædefinitionem malitiæ, non autem actus qui malitiæ subternitur: vel reijci prædefinitionem actus ut mali, non autem secundum suum esse absolutum & physicum. Nimirum nisi Sancti Patres ad Scholam redeant, & ad nuperas Academicorum tricas accommodent sese, ingeminentque *non materialiter & formaliter, specificatiuè ac reduplicatiuè*, nulla supererit ratio quâ suam ipsi mentem nobis aperiant. Ego verò perspicuum esse puto, negare illos prædefinitiones eorum actuum qui & sunt & sciuntur esse tum liberi tum mali, pro illis circumstantijs à quibus implicat abesse malitiam. Hoc enim apertè deducitur, tum ex eo ex quo id ipsi deducunt, tum ex eo quod exinde inferunt: quòd perinde valeat ipsorum ratiocinatio admittè solâ malorum actuum materialiter & specificatiuè sumptorum prædefinitione. Potestque hoc inductione probari. Et ut à posterioribus ordiamur.

*Supranum.
46.*

LXXXV. S. Thomas eam solam admittit liberorum actuum, malorum præsertim, præscientiam, ex qua nulla sequatur eorum necessitas præter illam quâ dicitur, id quod est, quando est, necesse est esse; quæ est necessitas consequens ipsam rei existentiam. Hinc meritò inferimus agnoscere illum nudam & sine prædefinitione huiusmodi actuum præscientiam: neque magis excludi prædefinitionem actus mali, ut malus est reduplicatiuè, quam actus qui malus est specificatiuè. Perinde enim ex istius atque alterius prædefinitione sequitur necessariam fore malitiam, non tantùm consequenti necessitate, & quâ dicitur, id quod est, quando est, necesse est esse; sed & antecedenti. Prædefinitio enim necessarium facit & actum

qui malus est, & quidquid est cum illo necessario atque inseparabiliter connexum, cuiusmodi est malitia vt supponimus: quòd sit manifestum, qua necessitate necessarium est antecedens, eàdem esse necessarium consequens, quod illi nexu indissolubili connectitur.

Magister sententiarum quo sensu affirmaret Deum præsciuisse mala *sola notitiâ* non autem *beneplacito*, si notitia illa necessario præsupponeret beneplacitum prædefiniens actum cum quo & ex quo malitia necessario resultat? Quare de malis specialiter diceret, *nec præscisset nec prædixisset eorum mala, nisi essent ea habituri*, si esset anterior quædam prædefinitio eorum actuum quibus malitia necessario adheret, quâ mala fierent Deo cognoscibilia? Vel quare non id ipsum de bonis diceret, Deum scilicet non fuisse præsciturum, nisi homines illa essent habituri? Qua ratione demum assereret præscientiam Dei esse causam tantum *sine qua mala non sunt*, non verò, *causam cur fiant*, si præscientia supponeret aut inuolueret prædefinitionem? quæ cum non possit negari esse causa, & quidem primaria cur fiat actus prædefinitus, hoc est actus qui scitur malus esse; non potest etiam negari esse causa, cur sit quidquid ille necessario trahit, & proinde causa cur sit ipsa malitia.

Anselmus apertè distinguit in Angeli peccato ipsum velle Angeli ab iniustitia, seu iustitiæ defectu in qua ille ponit rationem mali seu malitiam. Loquitur enim de illo malo quod non est aliqua essentia, Quod impossibile est esse, Quod ideo nec venire potest nec recedere, quia est nihil, Quod est tantum recessus iustitiæ; suppositaque illâ distinctione ipsum velle quod tali malo subest, & quod est actus malus specificatiuè sumptus, à Deo esse concedit; à Deo, inquam, *non sponte dante, sed vt rapiatur permittente*. An non sponte dat qui sponte prædefinit, idque absolute & efficaciter?

Damascenus malum specificatiuè omnino sumit pro actu qui malus est. Vocat enim malum *id quod nonnullam absurditatis speciem præ se fert*. Item, *Actionem quæ absurditatis speciem habet*, quod est loqui specificatiuè. Hanc autem

In Deo sola notitia, sine beneplacito circa peccata. *suprà n. 45.*

Præscientia Dei causa sine qua non malorum actuum.

suprà num. 44. ex c. 17. & 18. de casu Diaboli.

suprà num. 31. & 43. de fide Orth. l. 1. cap. 15.

Voluntas
antecedens
& subse-
quens apud
Damasce-
num.

actionem ad *permissionem* Dei tantum pertinere significat: & hanc *permissionem* distinguit contra *propensam Dei voluntatem*, cum dicit *propensa voluntate Dei fieri quæ citra controuersiam bona sunt; permissione autem, quæ nonnullam absurditatis speciem præ se ferunt*. Distinguit & contra *voluntatem antecedentem ac beneplacitum* cum dicit prius illud, *Antecedens voluntas seu beneplacitum dicitur ex ipso manans, secundam autem insequens voluntas atque permissio, ex nostro vitio ortum ducens*. Quin etiam addit *permissionem* quatenus ad mala pertinet, nec ad *primariam Dei voluntatem* nec ad „ *secundariam* pertinere. Sic enim loquitur, Ex ijs quæ in „ nostro arbitrio consistunt, ea quidem quæ bona sunt pri- „ mariè vult Deus, gratâque habet; mala contra nec pri- „ mariè nec secundariè: verum libero arbitrio ea permittit. An est aliqua prædefinitio quæ neque ad *propensam Dei voluntatem*, neque ad *antecedentem*, neque ad *beneplacitum* neque ad *secundariam* pertineat? Nulla igitur est circa malum. Circa malum, inquam, *quod libero arbitrio permittitur*: neque aliud malum libero arbitrio permittitur, quam malum specificatiuè ac materialiter sumptum. Formale siquidem malum, seu malitia libertatem non habet nisi ratione materialis actus cui adheret. Efferetque ridiculus qui cum prædefiniuisset actum, qui malus est cum omnibus circumstantijs ad libertatem & malitiam requisitis, permittere vellet vt esset malus, quippe cum hoc implicet impediri. Vnde intelligas quid velit Damascenus initio capitis sequentis cum dicit *Deum præscire mala sed non prædefinire, inssione autem præscientiæ coniunctâ effici prædefinitionem*. Excludit nimirum à malis & *propensam voluntatem*, & *antecedentem* & *beneplacitum* & *primariam*, & *secundariam*, & absolutam illam atque efficacem, qualis esse solet *iubentis*, vt obfurduisse oporteat qui tot vocibus excitatus non audit, procul abesse à sententia Damasceni, malorum actuum etiam specificatiuè ac materialiter sumptorum prædefinitionem.

suprà num.

48.

Leo Nonus dum in confessione fidei quam mittebat ad Petrum Antiochenum, credere se dicit *Deum prædestinasse tantum bona, præscinisse autem bona & mala, bona & mala eodem*

eodem sensu accipit. Vnde sicut prædestinasse bona non est sensus formalis solum, sed & specificatiuus & materialis, vt sit prædestinasse ea quæ bona sunt, & non solum ipsam bonitatem; ita dum ait præsciuisse tantum mala hoc est non prædestinasse, intelligendus est de eo quod malum est, & non de ipsa tantum malitia.

Eucherij ratio qua Iudæorum infidelitatem pertinere negat ad prædestinationem, sed solum ad præscientiam, Quod scilicet Deus non *impellat* ad peccatum neque inducet *adiuuando*, sed tantum *deferendo*; tantumdem valet ad impugnandam prædefinitionem actus qui malus esse scitur pro illis circumstantijs pro quibus necessario malus est, quam prædefinitionem malitiæ, vel actus vt mali. Vnâ enim ratione neque magis neque minus *compellitur* homo aut *adiuuatur* ad peccandum quam aliâ.

Voluntas interficiendi Christum, quam habuerunt Iudei, quid aliud fuit quam materiale peccati? Atqui S. Leo ^{ib supra num. 47.} negat pertinere illam ad Dei dispositionem; esto, pertinetur ad præcognitionem: diuersumque in Deo fuisse illius principium, & voluntatis moriendi quam habuit Christus. Quomodo autem non pertineret ad Dei dispositionem, & quare aliud esset illius principium, si vtrumque fuisset prædefinitum?

Ex Concilio Valentino, si bene inferatur negatio prædefinitionis, inferatur certè negatio prædefinitionis tendentis in materiale peccati, siue in actum malitiæ substratum. Quia vt iam sæpe monstratum est, tam sequitur peccandi necessitas ex prædefinitione actus qui malus est, pro illis circumstantijs pro quibus non potest non esse malus, quam ex prædefinitione malitiæ ipsius: & vtralibet prædefinitione suppositâ peræquè falsum est quod Concilium significat, ideo præscientiam non imponere necessitatem, quia Deus tantum præscit quid homines liberè facturi sint. Item peræquè falsum est quod dicit, in eo electionem saluandorum à damnatione periturorum distingui, quod in illa, Dei misericordia præcedat bonum meritum: in ista, malum meritum præcedat Dei iudicium.

Quod Deo displicet, est materiale peccati, & hoc ip- ^{supra n. 42.}

sum est quod Arauficanum negat esse ex voluntate Dei, dum definit homines in eo faciendo *non facere voluntatem Dei, sed suam*. Vbi ipsa quoque hominum voluntas, quæ est actus malitiæ subiectus, cum opponatur Dei voluntati, satis apertè monstratur non esse ab ipso prædefinita. Vnde liquet quo pertineat execratio illa, quæ subiungitur, in eos qui dicunt aliquos esse ad malum prædestinatos.

suprà num.

42

Non de malitia loquitur Fulgentius, sed de voluntate mala primi hominis, quando adeò disertè negat illam esse à Deo prædefinitam. Et si rationes omnes, quibus adducitur ut neget malorum prædestinationem, excutiantur, euidens est aut nihil probare, aut probare perinde nullam esse admittendam mali actus etiam materialiter & specificatiōe sumpti prædefinitionem, ut planum fiet singula expendenti quæ antè adducta sunt.

suprà num.

40.

Patet hoc ipsum & in Prospero dum *mala opera nostra* negat esse prædefinita, & solam admittit eorum præscientiam. Malum enim opus vel est, vel includit necessario materiale peccati, cuius non potest dari sola præscientia, si datur insuper prædefinitio, quam talis præscientia, necessario supponat. Et est manifestum, absurdum illud quod obijcit Prosper contra prædefinitionem malorum, quòd inde sequatur *Deum facere ut bene currēns cadat, & punire quod ut fiat impellit*, eandem habere vim contra prædefinitionem actus qui malitiam trahit necessario, ut per se patet. Et quæ poterit esse interpretatio eorum quæ dicit ad 13. obiectionem Vincentianam de hominum casu.

» Nihil ibi Pater, nihil Filius, nihil agit Spiritus sanctus :
 » nec tali negotio quidquam diuinæ voluntatis interuenit,
 » cuius opere scimus multos ne laberentur retentos, nullos.
 » autem ut laberentur impulsos. Quid ? impellere Angelum in actum qui malitiam trahit necessario, non est impellere in lapsum ? Et prædefinire impulsus illum, talique prædefinitione occupare voluntatem Angeli, hoc demum est nihil agere, nihilque in tali negotio interuenire diuinæ voluntatis ? Atqui hoc totum admittitur admissâ prædefinitione actus qui malitiæ substratus est,

pro illis circumstantijs in quibus & est, & scitur necessarium substratus, quocumque tandem bono fine prædefinatur. Bonus enim finis excusare tantum potest prædefinientem, non autem effectum prædefinitionis tollere, qui est impulsus in actum qui malus est, & per sequelam necessariam, in ipsam malitiam.

Possẽm eodem modo percurrere cæteros Patres, atque ostendere, quam illi negant prædefinitionem aut voluntatem Dei antecedentem circa mala, nequaquam intelligi de sola malitia, sed & de actu cui malitia necessario connectitur. Sed quia iam audiuius concedere TVisum cæteris Patribus incognitas fuisse prædefinitiones istas, & ab Augustino primum assertas, eoque iam factò sapientiori ex congressu cum hostibus diuinæ gratiæ, sistamus in Augustino, & videamus an neget ille antecedentem & decretoriam Dei voluntatem circa malitiam tantum, an etiam circa ipsum actum cui malitia necessario connexa est.

LXXXVI. Voluntas mala non est malitia, sed est actus cui malitia connectitur. At nunquid negat Augustinus voluntatem malam esse prædefinitam cum dicit, *Nusquam legimus non est voluntas nisi à Deo: & ideo non scriptum est, quia verum non est: Et, Omnium potestatum dator est Deus, non omnium voluntatum?* Quo in loco si quis cauilletur & dicat, Deum non negari datorem esse voluntatis quæ mala est; sed tantum voluntatis ut mala est; constat eodem quoque modo distinguendam potestatem, atque dicendum Deum non esse datorem potestatis ut ad malum est, sed eius tantum quæ ad malum est: Ergo cum non eodem modo sit dator voluntatis quo potestatis; consequens est ex Augustino ut negetur esse dator voluntatis, non tantum ut mala est reduplicatiue, sed etiam quæ mala est specificatiue.

Et si datur antecedens voluntas circa materiale peccati, quæ sit etiam ratio illud præsciendi tanquam futurum, quis poterit esse sensus eorum verborum quibus dicitur, *ideo non dubitari peccare hominem cum peccat, quia Deus non fatum, non fortunam, non aliquid aliud: sed ipsum peccatum*

suprà num.
31.

De Spiritu
& lit. c. 41.
s. de ciu.
cap. 9
Augustinus
quoque re-
ijcit præde-
finitiones
malorum
actuum
specificati-
uè sum-
ptorum.

s. de Ciu.
cap. 10.

præscit? Si est *aliquid aliud* quod sit etiam ratio præsciendi futurum peccatum, nempe prædefinitio actus qui malus est, hoc ignorat Deus? Hoc non præscit?

13. de Civ.
cap. 13.

Et si est prior Dei voluntas circa actum qui malitiam secum necessario trahit, quâ fide dici potest voluntas hominis aut Angeli *ad malum prior*?

14. de Civ.
cap. 11.
Et lib. de
prædest. 55.
cap. 10. su-
pra num 31

Et si prædefinitur à Deo ille actus qui scitur malitiam secum necessario trahere, numquid verissime dicitur facere Deus ut homo aut Angelus illum eliciat, quocumque tandem bono fine id faciat? Quod si facit Deus ut homo eliciat actum qui malitiam trahit etiam tum, cum illam necessario trahit; quodnam igitur esse potest illud opus, de quo negat Augustinus *Deum facere ut homines illud faciant*, quodque vocat *alienum factum*?

Malitia nō
potest esse
alienum
factum si
prædefini-
tur actus
malus, etiā
materiali-
ter sum-
ptus.

Et quodnam est illud *alienum factum*? Malitia, inquis. Sed malitia neque opus, neque factum est; sed defectus potius operis & facti, Quem defectum cum implicet habere aliam causam, quam illam quæ causa est cur sit tale opus & tale factum; quid superest rationis ad negandum, Deum qui prima & principalis causa eiusce rei dicitur, facere etiam ut homo malitiam faciat, si licet ita loqui. Manifesta enim est argumentatio hæc. Hominem facere malitiam non est aliud quam facere actum quem scit habere malitiam annexam: Atqui Deus suâ prædefinitione facit ut homo faciat actum, quem scit habere malitiam annexam: Ergo Deus suâ prædefinitione facit ut homo faciat malitiam, quo modo illa fieri potest: Ergo cum hoc sit opus & factum Dei, ex Augustino, quod Deus facit ut homines faciant; opus & factum Dei erit actus malus secundum eandem rationem secundum quam est opus & factum hominis.

Propriè 13. de
Civ. c. 15.
Et de bono
persecu. c. 6.

Deus non
desertus
desereret.

Et quis erit sensus eius quod dicitur, *Anima non deserat, sed ut desereret, sed ut desereretur deseruit*. Si enim præuenitur voluntas desertorum antecedenti decreto efficaciter operante actum quo Deum deserunt, in illis circumstantiis in quibus implicat non esse desertium; quid habet voluntas quod dici possit prius tali præoccupatione, ut ideo censetur *deseruisse ut desereretur*, præsertim si.

recurramus ad Angelorum aut Adami peccatum?

Et illud ex quæst. 2. ad simpl. lib. 1. *Non irrogari aliquid à Deo quo fit homo deterior, sed tantum quo fit melior non erogari*, an stare potest cum opposita sententia? Actus qui malitiam necessario habet annexam non est *aliquid*? Non fit illo *deterior*, homo? Ille non *irrogatur*, à Deo prædefiniēte?

Et illud quo fusè probat Deum ne per creaturas qui- lib. 83. quæst. dem nisi iam suâ sponte ad hoc inclinatæ, multò minùs quæst. 33. per seipsum impellere ad id quod malum est: & eâ tantum ratione factum vt Israëlitas iuberet Deus, vel potius pro eorum cupiditate permitteret, vt vasa aurea & argentea quibus adhuc terrenæ cupiditatis appetitores inhiabant, & peterent ab Ægyptijs non reddituri, & acciperent quasi reddituri. Facere Deum per se ipsum, quæ illo solo digna sunt, eique soli conueniunt, sicuti est illuminare animas, & se ipsum eis ad perfrundum præbendo sapientes beatasque præstare, alia per seruientem sibi creaturam integerrimis legibus pro meritis ordinatam, quædam eorum iubendo, quædam permitiendo. Hæc, inquam, quomodo quadrabunt cum antecedente peccatum Angeli voluntate, cumque illa prædefinitione ex qua sequutus est actus qui non poterat non esse malus? Non fecit hoc Deus *per seipsum*? Vsus est *aliâ quadam creaturâ*, vt Angelum impelleret nullâ ratione adhuc in malum propensum? Hoc verò est *illuminare animas* sèque illis fruendum præbere, cuiusmodi actiones solo Deo dignæ sunt? Abeat igitur inutilis hoc loco distinctio actus mali *formaliter*, & *reduplicatiuè*, seu *materialiter* & *specificatiuè* sumpti: quæ nihil potest ad eludendum tantæ auctoritatis pondus, quod mox iterum explodetur.

Denique huc referri debent quæcumque dicuntur à Patribus & ex sacris paginis eruuntur, vt persuadamur Deum non esse causam Auctoremve peccati. Sequitur enim inde non posse prædefinire antecedenter actum malum. Quomodo enim potest quis negari & causa & Auctor eiusce rei, cuius productione suâ definitione præuenit efficaciter, ita vt etiam omnem aliam eius causam excitet?

Prædefinitio mali actus sumpti etiam materialiter constituit Deum peccati causam atque Auctorem.

LXXXVII. Hic recurrit superior distinctio de actu malo ut malus est reduplicatiuè, & de actu qui malus est specificatiuè. Et quia negari potest Deum prædefinire actum ut malus est, consequenter negandum Deum suâ prædefinitione fieri causam vel Auctorem peccati. Sed recurrunt eadem semper difficultates. Quærimus enim quid sit prædefinire actum ut malus est? An est intendere malitiam ipsam? Atqui hoc non est necessarium ad constituendum Auctorem aut causam peccati. Nam ne ipse quidem homo illam intendit: sufficitque illi ut sui peccati causa & auctor habeatur, quod in operatione, quam etiam ob bonum & honestum finem potest intendere, sciat esse malitiam. Quare hoc ergo non sufficiat Deo ut sit causa & auctor peccati?

LXXXVIII. An est, ita prædefinire actum malum, ut exinde malitiam contrahat & ipsa prædefinitio, & qui prædefinit? Sed & hoc frustra est. Non enim contendimus Deum fieri causam & auctorem alicuius peccati proprii, & quod ipse contrahat, sed alieni tantum, & quod ab Angelo vel ab homine contrahatur. Et vnum alteri esse causam vel auctorem peccati, non consistit in eo quod est esse participem illius malitiæ & peccare cum illo: vnde nec auctor peccati alterius dicitur quicumque cum altero peccat, si iussus verbi gratia hoc facit, aut ab eo deceptus, aut inductus; sed est quidam modus se habendi ad peccatum alterius inpellendo & mouendo, qui quamuis innoxius esset, constitueret tamen auctorem peccati. Quemadmodum & auctor alicui operis boni dicitur etiam is qui nullam inde bonitatem contrahit, quia ex hypothesi peruersâ intentione mouetur ipse, ut suadeat id quod præuidet exequendum honestè ac laudabiliter ab alio: ut si frater fratrem impelleret ad statum religiosum spe potiundæ hæreditatis. Quidni pariter auctor esset rei malæ, qui tali quodam modo ad eam impelleret, etiamsi nullam inde malitiam in se ipse deriuaret? Modus autem ille se habendi ad peccatum alterius quis est? Non rogare, non suadere, non iubere, non consilium dare tantum, sed est aliquid commune illis omnibus; nempe

quocumque modo alium ita impellere scienter ac liberè, vt verè dici possit inde sequutum esse illius peccatum. Deus autem non ita impellit dum Angeli malum actum etiam specificatiuè ac materialiter sumptum prædefinit. Non vult vt producat, & vt liberè producat, & vt producat in illis circumstantijs in quibus scit esse prohibitum. Et illa prædefinitio non est prima radix cur sit ille actus, & cur sit liber, & cur talis sit in circumstantijs in quibus est prohibitus. Hoc vero supposito fieri potest vt non sequatur malitia. Non ergo desinet Deus esse auctor peccati, quamuis eo sensu quo dictum est, malum actum non prædefiniat vt malum.

LXXXIX. Et ideo quæritur tertio quo alio sensu dici possit Deus non prædefinire actum malum vt malus est. An illo quod scilicet malitia quæ inest huiusmodi actui, cum sit defectus quidam, non dicat ordinem ad primam causam prædefinientem, sed ad secundam tantum: quæ sola est causa deficiens. Sed hic sensus cum priore coincidit, & similiter rejicitur. Quia hoc non est necessarium vt constituatur auctor peccati Deus. Numquid enim est auctor homini & causa vitalis actus, visionis, verbi gratia intellectionis, volitionis. Et tamen vitalis actus hominis non dicitur vitalis per ordinem ad Deum. Neque enim viuunt Deus per actum vitalem hominis, neque videt per illius visionem: nec per intellectionem intelligit: nec per volitionem vult. Sed quia est prima causa cur sequatur actus (intelligo semper actum non liberum & non malum) qui est homini vitalis etiamque viuificat, constituitque videntem, intelligentem, volentem, ideo dicitur Deus esse homini causa & auctor actuum huiusmodi. Quare ergo si sit etiam causa cur sequatur actus qui homini malus est, eumque inquinat & peccatorem constituit, etiamsi non sit malus Deo, non dicitur esse homini causa & auctor peccati. Perspicuum enim est artificem esse causam & auctorem æqualitatis vnius quanti cum alio, etiamsi æqualitas illa non sit relatio ad artificem ipsum, sed ad aliud quantum: sed eo ipso tantum, quod est causa eius ex quo resultat æqualitas: Et pictor est causa & auctor

similitudinis quâ tabella prototypū repræsentat, quamvis, illa similitudo nequaquam referatur ad pictorem, sed eo ipso tantum quod pictor est causa & auctor omnium ex quibus consurgit similitudo: Atqui Deus est Angelo causa & auctor omnium ex quibus consurgit necessariò malitiæ respectus & defectio illa, qua peccati ratio absoluitur ex hypothesi: Ergo & ipsius malitiæ & defectionis Angelo causa & auctor censeri debet, etiamsi ea non referatur ad Deum.

Confirmatur, quia ipse quoque Angelus peccans, non est causa malitiæ quatenus est terminus adquem illa refertur: terminus enim relationis, sub eâ ratione non est illius causa: sed Angelus est causa malitiæ, quatenus efficiens illa omnia ex quibus malitiâ necessariò pullulat: Atqui Deus suâ prædefinitione illorum etiam omnium ex quibus malitia pullulat causa & auctor est, ex hypothesi contrariæ sententiæ: Ergo non est cur negetur esse Angelo causa & auctor malitiæ, ex eadem hypothesi.

XC. Vnde. Quartò interrogo quo alio sensu negent Deum prædefinire actum malum, ut malus est? An ideo quia non prædefinit id ex quo videt malitiam consequi necessariò? Hoc autem in contraria sententia falsum est. Vult enim Deus suâ prædefinitione ut sit actus, & ut sit liber: prohibitionis verò Deus solus propriè auctor est. Ex illis autem tribus, esse actum, esse liberum, & esse prohibitum, tam necessariò sequitur esse malum, quam necessariò ex vno & duobus sequuntur tria. Ergo si hoc est Deum prædefinire actum malum ut malus est; reuera concedendus est ita prædefinire.

Prædefiniens actum qui malus est, est plus quam auctor malitiæ.

Confirmatur. Quia qui iubet, qui suadet, qui rogat alium rem quam scit esse malam, eo ipso præcisè quod sciat esse malam, nec possit ab alio nisi malè fieri, quocumque tandem bono fine moueatur; nihilominus tantum censetur impellere ad actum malum ut malus est, quantum satis est ut dicatur esse alteri causa & auctor peccandi: sed qui prædefinit eundem actum cum eadem prævisione malitiæ infallibiliter sequuturæ, quocumque bono fine id faciat, eo ipso plus confert ad actum malum, quam qui

qui vel præcipit, vel suadet, vel rogat, hic enim moraliter tantum, ille etiam physicè mouet: & moralis necessitas agendi malè, quàm vnus inducit, minor est physicà quæ per alium inuehitur: Ergo qui eo modo prædefinit, à fortiori censendus est impellere in actum malum vt malus est, quantum requiri potest, vt dicatur esse alteri auctor & causa peccandi: aut si hoc negatur, non ob defectum negari potest¹, quasi rationem illam non attingat, sed ob excessum, quia superat & est plus quàm Auctor.

Iterum confirmatur. Quia nemo est qui non putet Deum fore auctorem peccati, si daret consilium aut præceptum v. g. peierandi, vel idolum adorandi, quodcumque bonum intenderet ex tali actione, quamuis actio illa sumeretur materialiter secundum suum esse physicum, eo ipso tantum quod sciret suppositâ libertate non posse esse nisi malam: Atqui plus est prædefinire actionem illam, quàm præcipere aut suadere, ob rationem proximè adductam, & quia certius ac efficacius sequitur actio illa ex prædefinitione, quàm ex consilio vel præcepto: & consequenter certius & efficacius inde sequitur malitia. Quæ igitur ratio est cur tale præceptum consiliumue tendere dicatur necessario in actum malum vt malus est, non dicatur autem id ipsum de prædefinitione eiusdem actus?

§. IV.

*An sit tolerabile Deum dici Causam peccati
cùm Auctor dici nequeat.*

XCI. QVod superioribus argumentis conficiebatur
TVissius partim concedit, partim negat:
concedit enim Deum esse *causam peccati*, sed, *inculpabilem*; Auctorem verò posse dici negat. verba illius repræ-
sento ex libro secundo vbi asserit, Quemadmodum ideo „
credit homo, non quia Deus præsciuit crediturum, sed „
quia prædefiniuit; ita ideo fecisse quod fecerunt Pontius „

p. 252.

„ Pilatus & Herodes, non quia præsciuit hoc Deus, sed
 „ quia prædefiniuit. Interea distinguimus, *inquit*, de causa
 „ culpabili & non culpabili. Voluntas Dei est causa rerum
 „ omnium quæ fiunt, sed non culpabilis; homo causa est
 „ malorum omnium quæ fiunt ab ipso, & causa culpabilis:
 „ quia non modo inordinatè & indebitè facit quidquid fa-
 „ cit, sed & liberè.... NEC OMNINO NEGARI POTEST
 „ VOLUNTATEM DEI ESSE CAUSAM omnium quæ fieri
 „ vult: & nihil esse nisi quod Deus fieri velit SIVE BONVM
 „ SIVE MALVM, disertissimè professus est Augustinus. Vnde
 „ sequitur Deum esse causam tum boni, tum mali. Et dein-
 „ de. Rursus distinguimus dicimusque licet Dei voluntas sit
 „ rerum omnium causa, minimè tamen dicenda est auctor
 „ rerum omnium. Et ne quis ideo non dicendam putet,
 „ quia malè sonat apud Grammaticos, subdit. *Auctor est*
 „ *duntaxat rerum omnium quæ vult ut fiant ipso faciente: at non*
 „ *est dicendus auctor eorum quæ vult ut fiant ipso duntaxat per-*
 „ *mittente, Quo dictionis filo vides Lector, Dei volunta-*
 „ *tem, ut sit robustior ad causandum malum, fieri ab hoc*
 „ *Auctore masculini generis. Sed illud peccatum alterius*
 „ *est tribunalis. Hoc tantum vrgeo, posse Deum dici Cau-*
 „ *sam peccati, nimirum inculpabilem, Auctorem verò*
 „ *dici non posse.*

Hoc verò quid rationis habet? Et quare distingui non
 potest auctor peccati, ut sit alius culpabilis, alius incul-
 pabilis, quemadmodum distinguitur causa? Quænam est,
 inquam, illa peccati discretio, ut possit non inquinare
 causam suam, sed sinere illam esse inculpabilem, non pos-
 sit autem non inquinare suum auctorem? Agimus enim de
 causa intelligente ac libera, quæ si supponitur ea inten-
 tione ac modo versari circa malum, ut sit gloriosum cau-
 sam esse peccati, quidni fieri quoque possit ut non sit in-
 decorum illius auctorem dici? Quod si vsus attenditur &
 inolita loquendi consuetudo, plura etiam occurrunt ad
 negandum Deo attributum causæ respectu peccati, quam
 auctoris.

XCII. Augustinus causam mali quærit, certus eam esse
 7. Conf., querendam extra Deum. Non tenebam, *inquit*, explici-

tam & enodatam causam mali. Quæcumque tamen esset sicam quærendam videbam, vt non per illam constringerer Deum incommutabilem, mutabilem credere, ne ipse fierem quod credebam. O tardum, nisi stupidus esset TVissius, Augustinum! Quid timet ne cogatur Deum mutabilem facere ex bono scilicet in malum, si dicat illum causare malum; cum & hoc dicere possit, & illud negare, causam scilicet mali Deum asserendo, sed sanctam atque inculpabilem? Pergit, Itaque securus eam quærebam, & certus non esse verum quod illi dicerent (Manichæi) quæ toto animo fugiebam, quia videbam, quærendo vnde malum, repletos malitiâ, quia opinabantur tuam potius substantiam etiam malè pati, quàm suam malè facerè. Et intendebam vt cernerem quod audieram, liberum voluntatis arbitrium causam esse vt malum faceremus. Falsa erat illa securitas & dubia certitudo: neque à Deo ad liberum arbitrium abeundum fuit, vt inueniretur causa mali: coniungendum potius fuit vtrumque, ac dicendum, Deum primam esse atque inculpabilem mali causam; secundariam & culpabilem liberum arbitrium. Sed ista nescire Augustinum oportuit, quæ temporibus seruata melioribus ex Calvinistarum Euangelio discenda fuerunt. Illa verò ratio quam tandem inuenit Augustinus vt neget Deum esse causam mali, *Quod malum non sit substantia quedam; Quod quidquid est, bonum est*, ideoque quia non facit Deus nisi quod est, *non fecisse nisi bona*, atque ita malum inter illius effectus locum inuenire non posse; frustranea est, neque impedire potest quominus Deus dicatur esse causa mali iuxta TVissium.

Sed quid dicemus centum alijs Augustini placitis quibus negat Deum esse causam mali? 15. de Ciui. *Nemini tribuas*, inquit, *quod peccas, nisi tibi*. Quidni & Deo? Non licet suum vnicuique causæ effectum tribuere? Ep. 120. *Peccata hominum potuit præscire, non facere*: Potuit, inquis, etiam *causare*. In quo verò genere causæ? Non alterius opinor quàm efficientis; ergo potuit efficere. In Psal. 7. *Diuinae providentiæ ista dispositio tribuenda est: non quia ipsa peccatores facit; sed quia ordinat cum peccauerint*. Et Psal. 9.

cap. 3.
S. Patres
non Augustinum
dixerunt
tantum
mali sed
& causam
esse Deum
negat præ-
sertim Augustinus.

ib. cap. 12.

Cap. 7.

tati, nempe illud facere, quod est *causare*: ac deinde duos modos exhibet quibus impij sua in Deum peccata referunt tanquam in auctorem, nempe vel mediatè interueni-
 tu aliarum caufarum, vel immediatè. *Aliquando*, inquit, *missis omnibus omnino directè eunt ad Deum; & quando peccant dicunt, Deus hoc voluit, si nollet Deus non peccarem.* Hoc quod est *Deum velle* sufficit Augustino vt censeatur fieri auctor peccati: atqui causare Deo velle est: Ergo & hoc quod est causare sufficiet Augustino vt Deus sit auctor peccati: Ergo nulla est apud illum distinctio auctoris & causæ. In Psal. 104. dum illud exponit. Conuertit cor eorum vt odirent populum eius. Numquid intelligendum est, *inquit*, vel credendum, quod Deus cor hominis ad faci-
 cienda mala conuertat? Numquid istorum tam grauium peccatorum auctor est Deus, qui nullius vel leuissimi peccati auctor est? Cordis illa conuersio in odium, quare probat Deum esse auctorem peccati, nisi quia probat esse causam? Et ideo dum ita illam interpretatur Augustinus, vt auctoris titulum adimat, adimit etiam nomen causæ. Pergit enim. In eo ergo quod populum suum multiplicauit beneficio suo, malos ad inuidendum conuertit.... Non itaque cor illorum malum FACIENDO; sed populo suo benefaciendo; cor illorum sponte malum conuertit ad odium. Non enim rectum cor peruerit; sed sponte peruersum ad odium populi, vbi eo malo bene-
 vteretur, conuertit: non illos malos FACIENDO; sed istis bona, quibus mali facillimè possent inuidere, largiendo. O prædefinitio quæ in cordibus iniquorum operaris, vbi es: nihil scilicet operatus est Deus in cordibus Ægyptiorum quo mali fierent; sed operatus est in ipso illius odij obiecto: & hoc tantum operatus quod bonum erat: quasi non aliâ ratione vitari posset quod timebat Augustinus, ne Deus fieret auctor peccati, quàm dum negat esse causam.

XCIII. Et hoc ipsum antea fecerat Tertullianus dum negat mali auctorem esse Deum *quia non effector*: & apud Patres omnes tam Græcos quàm Latinos, adeo sunt connexæ rationes illæ Auctoris mali & causæ mali, vt perpetua quædam sit illatio, Deum non esse Auctorem, quia

con. Hermog. c. 91.

non est causa: vel non causare, quia esset auctor: nec alijs vnquam vocibus vtuntur, neque verò vti possunt, cum negant à Deo mala procedere, quàm ijs quæ causalitatem significant, cuiusmodi sunt facere, operari, creare, serere &c. Atqui hæc omnia frustra sunt apud eum qui admittit Deum inculpabiliter causare. Apud Patres Græcos cum sit frequentissima contra Hæreticos de principio mali disputatio, vix vnquam reperias sub alijs nominibus negasse illos Deum esse auctorem mali, quàm sub illis quæ causam tantum significant, cuiusmodi sunt αἴτιος & πῑν-
της, Ita Iustinus, Clemens, Eusebius ex Origene atque etiam ex Philone, Athanasius, Basilus, Cyrillus Alex.

Suprànum.
31.

XCIV. Merum autem vigilantis somnium est, quod TVissius cogitavit, Deum dici posse causam peccati, sed inculpabilem, quòd tam repugnet causam esse quæ culpabilis non est, quam culpabilem dici qui non est causa. Quod Græci quoque voluisse videntur, dum eodem nomine culpam significauere quo causam, eodemque etiam qui non est causa, & qui non est culpabilis: vt nescias vtrum malint in subiecta materia dum αἰτίον dicunt. Connexa videlicet ea sunt atque inseparabilia, id quod Clemens Alexandrinus sine dubio expressit loco antea citato. Cum enim dixisset ἀπὸ ἐλογμένῃ, Θεὸς ἀναίτιος, subdit κακῶν ὅθ' Θεὸς ἔπειτ' αἴτιος, Quæ ratio ridicula sit, si non sit vti nominum, ita & rerum oppositio: possitque vllâ ratione ἀναίτιος dici & inculpabilis, qui αἴτιος seu causans dici potest. Estque idem sensus reliquorum Patrum, dum eâ ratione mouentur vt ad aliud quoddam principium mala referant, quia Deus bonus est. Athanasius negat malum ex bono esse, habiturumque asserit Deum naturam ex malo permixtam si causa mali esset; αἴτιον γινόμενον κακῶ

Or. con.
gent.

110m. quod
Deus non
sit causa
mali.
l. 4. in Iul.
le 5. de Na-
tura ho-
minis.
2. de Caino

Basilus εἰ κακῶν αἴτιος, ἐκ ἀγαθός. Cyrillus Alexandrinus εἴτα πῶς ὁ φιλάγαθος ἔπειτ' Θεὸς, τὴν τῷ ἡθῶν διασεσθῆναι εἰρηάζει; Theodoretus Platonis illud amplectitur κακῶν ὁ αἴτιον φάναι τὸν Θεὸν, ἀγαθὸν ὄντα, διαμαρτυροῦν παντὶ ἔσ-
πω. Ambrosius. Quanto grauius peccato ipso, ad Deum referre quod feceris: & reatus tui inuidiam transfundere in Auctorem, non criminis: sed innocentia? Augustinus,

Vitium non ab inculpabili artifice contractum est ; sed ex originali peccato quod commissum est libero arbitrio. *Et* Boni igitur tantummodo causa est Deus , & propterea ipse summum bonum est. Quocirca mali Auctor non est , qui omnium quæ sunt Auctor est , quia in quantum sunt , in tantum bona sunt. *Fulgentius*. Mala voluntas non perinet ad optimum Creatorem. Addit Non debere adscribi Deo aliquod opus , in quo nec misericors possit inueniri , nec iustus. *Prosser* Si Deus hominem sibi obedientem à pietate deturbat , & benè viuentem cadere facit ; ergo pro bonis mala retribuit : & iniuste punit quod vt fiat impellit. Quid tam peruersum ? Quid tam insanum dici aut cogitari potest ?

Alia id genus pleræque possunt occurrere apud Patres tam Græcos quam Latinos. Ex quibus ita licet argumentari. Si possunt ista conciliari , esse causam mali & esse inculpabilem , ineptum est negare Deum esse causam mali quia est bonus , quia est iustus , quia boni iustique amans , quia innocentiae Auctor & similia ; quippe quæ omnia stare possunt cum eo quod est , Deum esse causam mali : Atqui conciliari possunt ex TVissio , hoc quod est esse causam mali & esse inculpabilem : Ergo est ineptum ideo negare Deum esse causam mali quia est bonus , quia iustus &c. Patres tamen ideo negant ; atque in eam rationem conspirant Latini & Græci , vt monstratum est. Ergo Patres Auctore TVissio inepti sunt , & in refellendis hæreticis improuidi atque imperiti , quod illis concedere nesciuerint , Deum esse causam mali , & negare tamen esse culpabilem. Sed dāimus operam vt de Patribus melius quā de TVissio sentiamus ; potiusque rideamus illum qui & præter rationem omnem & præter exemplum , causam mali commentus est non culpabilem , quā eos qui & præeunte ratione manifestā , & auctoritate sapientum impellente , negant absolutè causam mali dici posse , quæ dici non potest culpabilis.

& Abel
cap. 9.
De Nat.
& Gr.
c 3 l. 83.
quæst.
l. 1. ad
Mon. c.
19. & 21
Ad cap.
Gal. ob.
10.

§. V.

An dicendus sit Deus velle ut malum fiat.

110. 1. c. 6.
p. 146.

XCV. **A**lterum TVissij paradoxum est, Deum velle ut malum fiat : *velitis nolitis, necessarii vobis concedendum est*, DEVM TAM VELLE MALA QVAM BONA. Quin etiam hoc ipsum sequi putat necessarii ex Iesuitarum doctrina, de distributione gratiarum quæ præscitæ, sunt congruæ vel incongruæ. Hic sobrios, *inquit*, omnes, appello, an non manifestò sequatur, Deum perinde velle, ut isti nec credant, nec resipiscant ; sed propter infidelitatem & impœnitentiam condemnentur ; atque vult ut elekti credant & resipiscant, & iuxta fidem & resipiscentiam, vitâ æternâ coronentur. Cùm Deus aliquibus eas gratias distribuat, quibus scit illos benè vsuros, in eum finem ut ijs benè vtantur, consequi putat, ut aliquibus etiam distribuat eas quibus scit illos pro sua libertate malè vsuros, cum benè uti possent, in eum finem ut malè vtantur. Et rationem adiungit *Qui volo aliquid ex quo pro certo noni alterum futurum esse, an non necesse est ut certò illud velim ?* Atque hoc illi adedò videtur esse perspicuum *ut sobrios omnes appellet* : Et quidem inconsultò, nam ebrij fortasse consensissent. Quid ? quod diuinis beneficijs pro sua libertate homines peruersi subnectunt, fieri non potest ut non intendat Deus ? Neque sobrij sunt qui putant Deum aliquid præter suam intentionem præscire sequuturum ? Ebrij, quorquot asserunt Deum sincerâ voluntate ad salutem vocare, quos non ignorat huiusmodi vocatione abusuros ? Atque hac ratione damnanda tota erit antiquitas cum D. Paulo asserente Deum velle omnes homines saluos fieri, & ad agnitionem veritatis venire ? Videat prudens Lector an icinius fuerit Guillelmus iste, dum negaret sobrium esse qui secus philosopharetur. Cum Deus velle aliquid dicitur, quo posito sequitur aliud quippiam per se ac necessarii, fateor vix intelligi posse quomodo non hoc ipsum velit Deus. Vnde est ille labor prædefinientium sine scientia media : qui

Quo sensu
in antee
dentibus
intendi
censenda
sint quæ
consequi
sciuntur.

qui cum asserant velle Deum absolutè vt sit actus qui malus est, velle similiter vt sit liber, item velle vt sit eius prohibitio, ægrè negare possunt velle quoque malitiam, quæ sequitur necessariò ex illis tribus absolutè volitis à Deo, & quidem insuperabili necessitate. Sed quod ex obiecto absolutè à Deo volito ita sequitur, vt humana hoc ei libertas adiungat, cum plenâ potestate adiungendi oppositum; censendum quoque à Deo necessariò volitum esse atque intentum; quis sobrius affirmauerit? Si do quas debeo huic homini pecunias, non dubito quin sit eas ludo consumpturus; non possum igitur dare quin hoc ipsum velim atque intendam vt eas ludat? Aut ego si hoc possum, Deus non poterit? Apage Philosophiam ad eò pinguem.

XCVI. Sed pergit TVissius aperire suam mentem, Ego demonstratione confectum dabo, non aliâ ratione cognosci posse peccatum futurum, quàm ex diuinæ voluntatis determinatione, quâ ab æterno decreuit peccatum futurum esse, subdit Quamuis dici possit aliquid ab homine præscitum esse tanquam futurum, quod non sit ab eo volitum; non tamen à Deo; & contrarium esse *monstrum opinionis*. Columbæ scilicet huic homini monstra videntur, cui quotidianus est cum hydra ludus. Sed videndum est sententiæ illius horrorem quomodo temperet. Interea licet opera sua decernat Deus vt fiant ipso faciente; hoc tamen nihil impedit quo minùs etiam peccata nostra decernat vt fiant ipso permittente. *Et iterum*, Voluntas, inquam, quâ vult Deus vt fiat peccatum, sed quomodo? Non quâ vult vt fiat peccatum ipso Deo efficiente, sed quâ vult vt peccatum fiat ipso permittente. Non enim ipse nisi faciendo & volendo vt bonum fiat ipso faciente, fit Auctor boni. Ergo non nisi volendo & faciendo vt malum fiat ipso faciente, fit Auctor mali. *Item*. Certè piaculum esset affirmare Deum velle vt malum fiat ipso efficiente; sed malum fieri Deo permittente, bonum est; non modo secundum Augustinum, sed etiam secundum Bellarminum: Et nos verecundabimur affirmare quidquid bonum est, Deo volente fieri?

Ihîc primùm Augustinus & Bellarminus à calumnia li-

„ l. 3. c. 6.
„ p. 408.

lib. 1. cap.
21. p. 136.

„ l. 2. c. 6.
„ pag. 163.

Euchit. ad
Laur. cap.
95. Augu-
stinus ab
Aduersario
malè irrel-
lectus.

ib. cap. 100.

ib. cap. 107

berandi sunt. Augustini esse verba illa, *Non ergo fit aliquid nisi omnipotens fieri velit, vel sinendo ut fiat, vel ipse faciendo*, facile agnosco. Sed dico non aliâ mente dictum, quàm ut intelligatur nihil fieri nisi quæ Deus aut facere ipse vult, aut permittere ut alius faciat: ac proinde voluntatem illam Dei, quâ parte cadit in mala, esse voluntatem permissionis tantum; quâ parte cadit in bona, esse voluntatem operationis & effectiōis ipsius boni. Et esse hanc mentem Augustini constat, non modò ex mille locis quibus in peccatis solam Deo permissionem attribuit; sed ex hoc ipso quo dicit paulò post, *Angelam peccantem NON QVOD VOLUIT ILLE (Deus) sed quod voluit ipse, fecisse*, Et, *Per creature voluntatem quæ factum est, QVOD CREATOR NOLUIT, impletum esse quod voluit*. Item, *Peccatorem suam maluisse facere, QVAM DEI VOLUNTATEM*, Si Deus vellet directè ac propriè peccare Angelum aut hominem, quomodo non facerent illi quod vult Deus? Et quidni tam dicerentur facere Dei voluntatem quàm suam, si Deus vellet eos velle quod volunt? Sed hoc ipsum conuincitur ex ipsa Augustini sententia, cuius partitio illa *faciendo & sinendo* ridicula fieret, si putaretur Deus velle ut peccatum fiat. Cum enim intelligatur esse velle illud absolutum & efficax ex TVISSIO, qui etiam putat esse prædefinitiuum; neque fieri possit ut Deus efficaciter aliquid velit, quin hoc ipso velit efficere ut illud sit (hæc enim sunt synonyma) sequitur Deum quæ eâ ratione vult peccatum fieri, efficere ut fiat. Atque ita hic erit sensus Augustini, Nihil fieri quod Deus fieri nolit, vel ipse faciendo, vel faciendo ut sit. Quæ quidem cogitatio TVISSIO digna est, sed non Augustino.

XCVII. Bellarminus ex Augustino refert verba illa, *Quamuis ergo quæ mala sunt, in quantum mala sunt, non sint bona; tamen ut non solùm bona, sed etiam sint & mala, bonum est*. Quæ similiter ita interpretatur ut illud, *bonum est ut sint*: non sit aliud quàm, *bonum est ut esse permittantur*; Esse enim hoc bonum per accidens tantum, quia coniunctum est cum aliquo per se bono. Quare, inquit, non tam est bonum ut peccata sint, quàm ut ordinentur, postea quam Deo permittente existunt. Vide quam bellè colligat ex Bellarmino.

2. de Amiff.
Gr. cap 16.
Quo sensu
dixit: rit Au-
gustinus
esse bonum
ut mala
sint.

Deum velle vt peccatum fiat. Esse verò ad mente m Augustini hanc interpretationem eodem modo conuincitur, nempe quia sequitur alioqui eius verba ridiculam pugnantemque continere sententiam, nisi exprimatur hoc modo, Quamuis malum esse in quantum malum, malum sit; tamen malum esse in quantum ex ea occasione sequi potest aliquod bonum, bonum est. Quod est, bonum illud non in ipso malo esse, sed in arripienda ex illo occasione boni.

Vnde sequitur voluntatem illam Dei, quæ circa bonum huiusmodi versatur, non debere in malum tendere, sed in bonum illud tantum quod ex malo iam permissio & supposito colligi potest. Atque hinc patet quomodo sit accipiendum illud, quod toties inculcat Augustinus, improbos implere Dei voluntatem & contra eam pugnare. Item illud, improbos implere Dei voluntatem dum illi resistunt.

Duplex nimirum est Dei voluntas, altera circa ipsam peccati existentiam; altera circa fructum aliquem ex peccato colligendum. Hanc secundam peccatores implent, quæ vult Deus ex suppositione peccati, suam aut misericordiam parcendo, aut iustitiam puniendo illustrari; priori resistunt, quæ Deo displicet existere peccatum: & quamuis ipse peccandi copiam creaturæ faciat, quia ita conuenit eius libertati; ne peccet tamen sufficienter impedit prohibendo, minando, & prohibitionis huius ac minarum sensum inspirando.

XCVIII. Iam cætera TVissij expendamus. Et primò quid malum ista significant Deus sit Auctor boni faciendo & volendo vt bonum fiat ipso faciente: Deus fieret Auctor mali volendo & faciendo vt malum fieret ipso faciente? Quid sunt, inquam, istæ ineptiæ ac circuli verborum, faciendo & volendo vt fiat faciente? Dubitare aliquis poterit rebus implicitum fuisse TVissium dum hæc scriberet? Fallor nisi hoc intendit, Deum velle fieri aliquid per se ipsum: & velle aliquid fieri per alium: velle atque efficere per seipsum, quod bonum est; velle autem atque efficere per alium, quod est malum: non peccare igitur ipsum, sed facere vt alius peccet. Reuoluantur illa omnia, Deum esse causam peccati non culpabilem: velle vt creatura peccet:

„ Imple-
cata
„ TVissij
„ doctrina ex qua
sequitur rectius dici Deum
Auctorem peccati quam cau-
sam.

Absolute hoc velle, atque antecedenter & efficaciter hoc decernere, Hoc prædefinire: Nolle tamen, nec facere ut peccet ipso faciente; sed velle ac facere ut peccet ipso dumtaxat permittente; Aio germanam hanc esse illius sententiæ speciem *Nolle Deum peccare per seipsum, velle tamen ac facere ut alius peccet*, itaque alienâ, vt dicitur, manu castaneam eruere medijs ex prunis. At quid est Auctorem esse Deum alieni peccati, si hoc non est? Ego certè mirarer hominis stuporem, nisi res esset iam familiaris & vsu longo cognita, quòd Auctorem mali Deum esse negaret, & concederet esse causam; cùm iam fateatur Deum eo se modo gerere, qui magis in Auctorem quadrat quàm in causam. Causæ enim proprium est, si quidem ea vera sit, per seipsam influere in effectum cuius dicitur causa; quod cùm iste Guillelmus competere Deo neget respectu mali, potuit & negare causam esse. At propria ratio Auctoris integra manet, etiam in eo qui non facit ipse per se id cuius Auctor dicitur; sed alium impellit ac mouet ad faciendum: & ideo verè ac propriè Auctor dicitur, qui iubet tantum, vel hortatur, vel consilium dat. Deus ergo qui quamuis non peccet ipse, vult tamen, & efficaciter vult, alium peccare: atque adeo efficit vt peccet; quare non dicatur esse alteri Auctor peccati potius quàm causa?

Auctoris
peccati no-
men Deo
tantum
TVissius
denegar,
rem con-
cedit.

Reclamat, inquis, Christianismus vniuersus. Christianismus verò? Adde Philosophiam omnem: nec Philosophiam modò, sed & quidquid est rationis ac sensus in toto genere humano. Sed contra quid reclamat? Contra voces tantum, an contra sententiam vocibus expressam? Quid refugere putas qui tantopere abhorrent, Deum dici Auctorem peccati? An speras eo nomine detractò, assuefaciendos tamen huic imagini, quâ Deum pingis *decernentem, prædefiniētem, volentem antecedenter, & efficaciter, atque adeo facientem vt Angelus peccet & damnetur?* Speras etiam credituros innoxium manere Deum atque innocentem, qui quod fieri per alium vult, fieri tamen vetat, & comminatur, & tonat: & transgredientes, hoc est, non resistentes creaturas debiles & infirmas insuperabili creatoris voluntati, vlciscitur æternis ignibus, &

interminabili supplicio? O te infelicem si credere hoc potes, impium quoque si te credere fingis, atque alios ad credendum inuitas!

XCIX. Verum age. 1. Quid, quaeso, intendis dum negas Deum velle vt malum fiat *ipso faciente*? Si non facit ipse, quis facit? Creatura, inquis. Quid autem facit Creatura quod non faciat Deus? Facit ille actum, facit liberum, facit prohibitionem, & malitia non fit nisi trium illorum effectione, te ipso quoque Auctore: vult ergo Deus peccatum fieri, non tantum ipso permittente, sed & faciente quidquid in eo perpetrando facit homo, & aliquid etiam quod homo non facit, prohibitionem scilicet eiusque significationem.

Reijcitur
quod dicit
velle Deum
vt malum
fiat ipso
solummodo
permittente.

2. Iterum peto quid intendas quando dicis, velle Deum vt peccatum fiat ipso solummodo permittente? Vult vt fiat ipso faciente actum, faciente liberum, faciente ac denuntiante prohibitionem: his positis quid illud est, quod vult vt fiat ipso solummodo permittente? Malitia, inquis. Sed contra. Vbi nihil restat faciendum ab aliquo, nihil etiam restat permittendum; quia non permittitur nisi quod aliquis facere potest aut debet; Atqui posito ab homine actu & eius libertate, & prohibitione, nihil restat faciendum ab eo ad hoc vt sit malitia, vt etiam ipse antea concessisti; Ergo nihil restat illi permittendum. Quasi dicerem; Fieri ab homine actum liberum supposita eius prohibitione, est fieri ab homine malitiam, per te ipsum: Deus vult fieri ab homine actum liberum supposita eius prohibitione, ipso non solummodo permittente, sed & faciente: Ergo Deus vult fieri malitiam ipso non solummodo permittente: sed & faciente.

3. Sed numquid hoc ipsum Deus vult, vt sequatur malitia ex actu libero & prohibito? Tua sunt verba. *Qui volo aliquid ex quo pro certo n. ui alterum futurum esse: an non nec esse est vt etiam illud velim?* Necesse igitur est vt velit Deus sequi malitiam ex actu libero & prohibito: Ergo sequitur Deo volente illam sequi, & efficaciter atque absolute volente. Id ergo quod Deo efficaciter & absolute volente sequitur, affirmas sequi Deo solummodo permittente?

suprà ex
lib. 3. c. 9.
pag. 468.

Permissio non opponitur absolutæ atque efficaci voluntati, ut fiat quod permittitur? Vis efficaciter & absolutè ut inimicum occidat Titius. Hoc est, inquis, *solummodo*, permitto? Faciliùs stat operatio rei quam aliquis dicitur permittere cum ipsa permissione, quàm determinata & absoluta voluntas ut fiat. Qui enim suam alteri operationem ita commodat, ut suâ ipse voluntate non magis propendeat in usum eius quàm in non usum, malitque alterutrum ab alio determinari quàm à se, rectissimè dici potest permittere alteri suam actionem, & permissiue quod facit facere. Sed ut ille quo absolutè atque efficaciter volente fit aliquid, dicatur, *tantummodo permittere* ut fiat; equis sanus vnquam somniauit?

4. Age, si iuberet Deus, diceret ne *tantummodo* permittere? Et absoluta eius voluntas, quam implicat vnquam frustrari effectu suo, non efficacius & potentius influit in effectum quam iussio quæ plerumque effectu caret? Quid tibi ergo cerebri est, ut dicas ipso *tantummodo* permittente fieri, quod fit absolutè volente, non idem affirmaturus si fieret ipso iubente?

5. Vis opinor quæcumque tandem sit Dei voluntas, hoc tamen dicendum ab eo *solummodo permitti*, quod ipse non potest dici facere: & quia Deo volente ut Angelus peccet; non peccat ipse in eiusmodi actione, ut ipse putas; ideo dicendum permittere tantum ut Angelus peccet. Atqui Deus etiam non intelligit per eam cognitionem quæ ab Angelo elicitur; num igitur existimabis velle Deum ut Angelus cognoscat ipso *tantummodo permittente*, neque magis esse Auctorem Angelicæ cognitionis, quàm peccati, aut tam esse Auctorem peccati, quam & cognitionis?

6. Recordare te paulò ante in Deum causâ reieccisse peccati. Causat ergo peccatum Deus, esto non culpabiliter, causat tamen: & volens causat: vult ergo fieri peccatum ipso voluntariè illud *causante*. In quo verò genere causæ? Cùm omnia percurreris standum tibi erit in genere causæ efficientis. Ergo vult Deus peccatum fieri ipso *efficienter causante*. Tuam igitur distinctionem re-

pete ac dic, velle Deum vt peccatum fiat ipso *non faciente*, sed vt fiat ipso *efficienter causante*. O te!

pag. 188:

7. Reuoluenda hic etiam TVissij verba ista ex libro 1. „ In Deo quærenda est huius futuritionis causa, in Deo „ autem nihil est præter voluntatem eius, quæ faciat rem „ merè possibilem euadere in conditionem rerum futura- rum. Quo in loco disputat cum Pennoto de peccatis illis, quæ Deus futura præsciebat tum in Iudæis, si non occul- taretur corpus Moyse, tum in adolescentibus illis qui rapti dicuntur ne malitia mutaret eorum intellectum. Hæc igitur & alia id genus negat esse futura, nisi Dei vol- untas *faciat* ea transire de conditione merè possibilem in conditionem rerum futurarum. *Facit* igitur Dei voluntas peccatum futurum, esse futurum. Ergo vult Deus vt pec- catum futurum sit, ipsius voluntate hoc *faciente*. Non igitur ipso *solummodo permittente*.

8. Explicanda hîc ampliùs hæc ratio, & simul quatienda est machina illa quam rotat per omnes sui operis paginas, & ad cuius impetum sustinendum Iesuitas, vt vidimus, *ad vnum omnes* prouocat, cum dicit, id quod est futurum transire ab æterno à conditione rei merè possibile in con- ditionem rei futuræ: Ergo ab æterno assignandam esse causam illius transitus: nec aliam assignari posse præter diuinam voluntatem, quâ solâ quidquid ab æterno futu- rum est fit futurum, siue bonum siue malum sit. Quam ego rationem pugnare dico cum ea propositione quam modò ventilamus, *Deum scilicet velle vt malum fiat, non qui- dem ipso faciente, sed tamen ipso permittente*. Interrogo enim, cum dicitur Dei voluntas esse causa cur peccatum tran- feat de conditione merè possibile in conditionem futuri, an sit causa tantum permittens illum transitum, an sit causa faciens? Si est causa tantum permittens, assigna igitur causam id exequentem ab æterno quod Deus permit- tit. Quotiescumque enim datur causa aliquid tantum permittens, esse debet alia quædam, quæ faciat id quod illa permittere dicitur. Quod enim fit, necessariò fit ab aliquo faciente. Vnde cum causa quæ est solummodo permittens, distinguatur contra causam facientem; se-

CAPVT VI.

*Seclusâ Scientiâ mediâ non posse prædefiniri à
Deo liberâ creatâ voluntatis actiones.*

CI.



VARTVM hoc atque vltimum argu-
mentum vrgebo contra TVissium, vt
appareat quàm feliciter expediat sese
hoc ex laqueo.

§. I.

*Argumento proposito expenditur
solutio TVissij.*

ADmissâ igitur scientiâ mediâ, non est difficile ad
intelligendum quomodo Deus prædefinire possit
actum liberum illâsa eius libertate. Cum enim sciat vel
vnam vel plures esse circumstantiarum complexiones,
quæ sponantur, futurum est infallibiliter, vt creatâ vo-
luntas eliciat hunc vel illum actum cum plena libertate;
velle potest efficaciter & absolute vt illum eliciat, & eli-
ciat liberè: quò tota illa diuinæ voluntatis efficacia non
aliter applicetur creatæ voluntati, quàm per positionem
illarum circumstantiarum quæ iam sciuntur neque inferre
necessitatem & tamen esse infallibiliter coniungendæ
cum effectu prædefinito. Cùm, inquam, nolit Deus
suam illam voluntatem prædefinientem aliter exequi,
quàm per medium iam præscitum efficax: & illud non sit
præscitum efficax ex speciali vlla vi sic determinandi vo-
luntatem, vt ea non sit adhuc potens suspendere actio-
nem suam etiam in sensu composito, hoc est componendo
non actionem cum tali medio; consequens est, vt præde-
finiendo efficiat quidem effectum esse necessariò &

Scientia
mediâ fa-
cilem sed-
dit bono-
rū actuum
prædefini-
tionem.

R

absolutè futurum, sed eâ tantum necessitate, quæ consequitur liberam voluntatis determinationem sub conditione præscitam. Atque ita prædefinitio illa media est inter determinationem creatæ voluntatis sub conditione futuram; & eandem vt futuram absolutè: illâ videlicet posterior, istâ verò prior.

Eadem
prædefini-
tio sine tali
sciencia
quàm sit
difficilis.

Secusâ vero scientiâ mediâ, quomodo stet diuina prædefinitio cum libertate actus prædefiniti, adeo est captu difficile, vt sit hic etiam vnus ex maximis Adversariorum laboribus. Non enim potest esse prædefinitio ex qua non sequatur necessariò aliquâ necessitate effectus prædefinitus, quòd sit impossibile illam effectû suo frustrari: & quia, *Quod non potest aliter habere*, definitio *necessarij* est; sequitur prædefinitionem, quæ non potest effectû frustrari, NECESSARIÒ cum eo coniungi aliqua necessitate. Hæc porrò necessitas quæcumque tandem sit, & quocumque nomine vocetur, causam habet antecedentem, atque independentem à libero voluntatis consensu, ipsam videlicet prædefinitionem. Vnde non est necessitas, quam faciat ipsa libera voluntatis determinatio, sed est necessitas ex qua illa sequitur. Et quia necessitas omnis operandi, quam non facit libera voluntas, sed cui potius subijcitur, pugnare videtur cum ipsa operationis libertate; quærimus quomodo tamen ista non pugnet: & quæ sit ratio ambas conciliandi. Suntque aliqui Auctores qui cum non habeant vsum scientiæ mediæ, velintque nihilominus retinere prædefinitiones actuum liberorum, huic interrogationi succumbunt; vt videre est in Caietano, cuius ego verba postea referam ex commentario in Epistolam ad Romanos.

infra disp.
2. num. 16.

Quomodo
prædefini-
tionē cum
libertate
actus præ-
definiti co-
ciliet TVIS-
sius.

CII. Sed TVissius qui paulò meliùs sentit de viribus ingenij sui vel *obstupeſcentis* ac senio *satiscentis*, confidenter admodum se in huius argumenti solutione gerit: ita verò illud soluit, vt seruet solemne suum, circulari vsus rationis ac petitione principij manifestâ, & mirabili verborum ac sententiarum pugna. Summa solutionis est: Liberum esse actum à Deo prædefinitum, quia Dei voluntas omnipotentissima est, & non tantum facit quod vult,

sed & quomodo vult: & ideo cùm velit prædefiniendo „
non solum vt fiat actus hominis, sed etiam vt liberè fiat; „
& sequuturum huiusmodi actum, & liberè sequuturum: „
ita docere D. Thomam. „

Neque aduertit nos non solum nihil eorum negare,
sed verissima etiam ac certissima esse supponere: hoc con-
tendere tantum, ea quæ apud nos vera sunt, & apud omnes
esse debent, in ipsius tantum sententiâ falsa esse: quæ ideo
censenda est implicare contradictionem, quòd iuxta il-
lam actus prædefinitus liber sit & non sit. Est enim, quia
hoc Aduersarius supponit: non est autem, quia prædefini-
tio inferendo necessitatem in operationem prædefini-
tam, eo ipso eius libertatem interimit. Dicere autem non
tollere libertatē quia est prædefinitio actus vt liberi, est
principium petere atque in circuitu ratiocinando ambu-
lare. Quippe alterutrum monstrandum est, vel ex præ-
definitione non sequi necessitatem actionis prædefinitæ:
vel non eam saltem quæ pugnet cum libertate.

CIII. Sed hoc quoque TVissius præstare conatur, quàm lib. 1 c. 19.
scitè autem, tuum erit, Optime Lector, iudicium. Ita pag. 193
ergo loquitur. Ad primum quod attinet nos etiam vnâ „ Nullam
fatemur, diuinum decretum & diuinam præscientiam „ necessi-
nullam actibus humanis imponere necessitatem: imò „ tatem,
cum Aquinate profitemur in diuinæ voluntatis efficaciam „ detuari
reijciendum esse, quòd quæ necessaria sunt producantur „ ex præ-
necessariò; quæ contingentia sunt eueniant contingen- „ definitione in
ter & liberè. Rursus dicimus cum Valdensi, diuinam „ actum
voluntatem nequaquam esse totam causam humanorum „ prædefi-
actuum, sed humanam voluntatem agnoscimus eorum „ nitum
dem causam esse quâ libera est. Hic iam adleuandum Le- „ censet
ctoris fastidium, & animum ex diuturna & difficili medi- „ TViss-
tatione remittendum, facietas miscet, & se Comicum „ fuis.
saltem esse probat; si quis inficietur esse Theologum.
Non dico, inquit, quâ vertibilis. Nam homini vel inuito „
competit esse vertibilem, nempe ad crucem in gradibus „
stanti & capistrato. Itaque vertibilitas, si placet, in cru- „
cem abeat. Libertatem hominis decreto diuino nequa- „
quam lædi dicimus, sed confirmari potius; præsertim „

„cùm decreuerit actus humanos nonnisi liberè fieri à vo-
luntate humana.

Idem cen-
set ex præ-
definitione
in actum
prædefini-
tum deri-
uari neces-
sitate
omnimo-
dam.

Nescio an *capistratus* sit iste Guillelmus, vertibilem
certè ad omnem auram adeò se probat hoc loco, vt om-
nis illa, quam optabat in crucem abire, ipsius caput insi-
lijsse vertibilitas videatur. Vidisti iam, Amice Lector,
quomodo flante metu perdendæ libertatis, diuinâ præ-
definitione *nullam* inuehi necessitatem professus est; en
vt reslante pari metu eiusdem prædefinitionis suâ effica-
ciâ & certitudine atque infallibilitate priuandæ, omni-
modam ab ea necessitatem inuehi profiteretur. Interea vl-
tro fateamur, nec hominem nec Angelum perinde libe-
rum esse ac Deus est: aut perinde competentem esse actionis
suæ atque Deus est suæ: etiam Deum NECESSITARE vo-
luntatem ad agendum liberè quidquid agit. *Et paulo post.*
Antecedens Dei decretum nos tuemur: Dicimus posito
antecedenti Dei decreto malitiam peccati sequi NECES-
SARIO & infallibiliter NECESSITATE EX HYPOTHESI, hoc
est NECESSITATE SECUNDVM QVID & NECESSITATE MO-
DALI in hanc formam, Posito quod Deus decreuit talem
actum liberè fieri secundum substantiam actus, qui ta-
men inconformis est legi Dei, NECESSE est vt huiusmodi
actus fiat. *Ac deinde:* Est itaque, fateor, istiusmodi neces-
sitas ex suppositione, idque ex suppositione causæ: nec
tamen qualis libertatem creatam debiliter, sed confirmet
potius: quippe cum non modo vt fiat velit Deus; sed vt
fiat contingenter & liberè. Vnde dicimus necesse esse id-
que NECESSITATE ANTECEDENTI & CAUSALI vt quæ
fiunt à creatura rationali non modò fiant, sed & contin-
genter fiant atque liberè. Ex his habes apud hunc Aucto-
rem diuinum decretum *nullam* imponere necessitatem
actibus humanis: & tamen imponere necessitatem ante-
cedentem, causalem, modalem, ex hypothesis, secundum quid.
CIV. Iam vero quia cùm eam vocat, *modalem*, *hypothet-*
icam; & *secundum quid*; mollire videtur id quod dixit,
esse *causalem* & *antecedentem*; id ipsum alibi destruit indu-
ctâ necessitate absolutâ. Verba illius repræsentato ex lib. 2.
At inquam pari ratione non modo propositio de præsen-

lib. 1. c.
28. pag.
140.
ib. pag.
139.

lib. 2. c.
3. pag.
267.

cap. 9. pag.
417.

ti, sed & de futuro (videlicet Antichristus erit) etiam „
 simpliciter prolata est ABSOLVTE NECESSARIA. Etenim „
 ABSOLVTE NECESSARIUM EST VT Deus sciat quidquid „
 scibile est, in quocumque genere scibile fuerit, tam in „
 genere futuri; quàm in genere præsens aut præteriti: „
 & consequenter etiam propositio illa de futuro secun- „
 dum Aquinatem est ABSOLVTE NECESSARIA idque iu- „
 stissimâ ratione. Etenim quemadmodum quidquid præ- „
 teritum est, absolute necesse est vt sit præteritum: ita „
 etiam quidquid præsens est, absolute necesse est vt sit „
 præsens: rursus quidquid futurum est, ABSOLVTE NECES- „
 SE EST vt sit futurum. Interea nihil obstat quin futurum „
 sit siue necessariò siue contingenter. Præ oculis habendū pag. 412.
 est perpetuum huius Doctoris principium, quod est, Rem „
 futuram neque scibilitatem, neque certitudinem, nec „
 proinde necessitatem vllam habere, nisi quam deriuat ex „
 præuio Dei decreto, quo solo fiat ab æterno transitus ille „
 rei futuræ à conditione merè possibilis in conditio- „
 nem futuræ. Quare si quidquid futurum est, absolute pag. 359.
 necesse sit vt sit futurum, absoluta illa necessitas solo Dei lib. 1.
 decreto, seu quod idem est, prædefinitione constitui- „
 tur: atque ita Dei prædefinitio absolutam necessitatem „
 futuro communicat. Eodem pertinet quod ait *An verò* „
quia Deus absolute vult irresistibiliter aliquid ab homine fie- „
ri liberè, propterea sit minus liberè? Absolute autem ne- „
cessarium, & simpliciter necessarium coincidunt apud „
 hunc Doctorem vt constat ex citato loco lib. 2. Ex pag. 411.
 quibus constat Auctore TVissio, diuinam prædefini- „
 tionem, & nullam necessitatem inducere in actum præde- „
 finitum: & inducere necessitatem simpliciter, absolutam, „
 antecedentem, causalem, modalem, hypotheticam, & secundum „
 quid. Memini me vidisse olim morionem in aula viri nobi- „
 lis, à quo cum peteretur an esset Hugonotus, responde- „
 bat, minimè. Catholicus ergo? Ita, inquebat. Rursus „
 inuersa statim interrogatione cum vrgeretur an esset Ca- „
 tholicus, minimè verò inquebat: Hugonotus igitur? „
 Ita est. Vide Lector quantum ab eo distet Hugonotus: „
 iste Leouardiensis. A quo si peto an debeat aliud Dei de-

cretum admitti circa liberos actus, quam quo saluetur eorum libertas? non debet, inquit. Nullam ergo decretum hoc imponere debet necessitatem. Respondet, *nullam*. Rursus interrogo num incertum esse possit hoc decretum & fallibile? Dicit non posse. Ergo inquam imponit *aliquam necessitatem*? Respondet, imponit etiam multiplicem. Porro necessitas illa numquid est attemperata & congruens creatæ libertati? Prorsus ita est, inquit, & ideo est necessitas *modalis*. Sed ille modus fortasse diminuet vim diuinæ voluntatis? Est modus, inquit, qui vocatur, *irresistibiliter*. Placet consulere libertati creaturæ? est necessitas *hypothetica & conditionalis*. Non placet? Est *absoluta*. Si lubet & ita commodum est, est necessitas *secundum quid*, si lubet erit necessitas *simpliciter*. Denique TVissius homo minimè malus, ut pote nouæ legis Apostolus, omnibus omnia factus est, ut omnes ludos faciat.

An possit
necessitati
velitas ad
agendū
non ne-
cessariò
Lib. I c.
11. pag.
132.
ib. c. 11.
pag. 139.
vide in-
frànum.
134.

CV. Iuuat adhuc referre quomodo totam illam diuinæ prædefinitionis cum libertate creaturæ concordiam paucis contrahat. Dices, Atqui posito tali decreto vel determinatione diuinâ NECESSE EST ut homo credat & resipiscat. Certè NECESSE ERIT ut credat. Sed quomodo? NON NECESSARIÒ, sed liberè. *Item*: Decernit Deus non modò ut talis actus fiat, sed etiam ut tali modo fiat. *Item* NON NECESSARIÒ SED CONTINGENTER ET LIBERE. Vnde sequitur, NECESSE ESSE ut non modò fiat, sed etiam ut fiat liberè. Quæ sententia nomine *necesse est* in aduerbium *necessariò* commutato, ut fieri posse antea ostendimus, hanc reddit, *Supposito diuino decreto actus liber fit necessariò, non tamen necessariò*. Aduerbio rursus utrobique in nomen mutato, redditur hæc, *Necesse est actum liberè fieri, ita ut hoc non sit necesse*. Mutato iterùm concreto in abstractum, sequitur *Actus liber necessitate fit, sine necessitate ut fiat*, Et substitutâ definitione necessarij & definitione contingentis in locum definiti, illa, *Necesse est ut actus fiat sed contingenter*, hanc efficiet. *Non potest aliter fieri quin actus fiat, sed ita ut possit aliter fieri*. Quæ libuit exponere minutiùs ut Lector videat, si non est capistratus iste Guillemus, aptissimum certè capistro habere caput.

suprà num.
77.

§. II.

*Quam necessitatem excludat conceptus
agentis liberi.*

CVI. **V**erum quia negare non possunt qui seclusâ scientiâ mediâ prædefinitiones tuentur, quin sit aliqua necessitas liberis actibus repugnans, quando communi sensu omnium mortalium qui sapere aliquid possunt, agens liberum distinguitur contra necessarium: & aliquam tamen inuehi doceant per decretum prædefiniens, quam ipsi repugnare non putant; tota quæstio eò reducitur, ut ostendatur, quomodo illa quæ per huiusmodi prædefinitionem inuehitur, non sit illa quæ actuum libertati repugnat. Seu quid minus habeat vna quàm alia, quo censeatur compati libertatem.

Et secludenda in primis est necessitas consequens, de qua non dubium est quin nullo modo noceat libertati, quod libera ipsa sit, ut pote quam libertas facit. Non posse scilicet hominem non peccare, supposito quod peccet: atque adeo peccare necessariò ex suppositione quod peccet, nihil officit eius libertati: quæ non est facultas ad coniungenda duo contraria peccare scilicet, & non peccare, sed solum ad ponendum alterutrum. Et quia non peccare, supposito quod peccet, est coniungere duo contraria illa, seu contradictoria; ideo dum negatur hoc posse voluntas, nihil negatur quod ei repugnet. Et quia illa liberè ponit non peccare, quo fit impossibile coniunctim non peccare; ideo tunc istud non posse peccare, impotentiam significat illam tantum quam libertas facit. Facit ergo impotentem ipsa sese, idque liberè: ac proinde hæc impotentia nihil ei nocet, quòd repugnet effectum causam destruere quam supponit.

Illâ igitur necessitate seclusâ, distinguendæ sunt aliæ duæ, quarum vnâ nemo dubitat quin libertas arbitrij destruat; alterâ negatur destrui ab Assertoribus prædefi-

*Necessitas
consequens
cur & quo-
modo fiet
cum liber-
tate.*

nitiorum qui negant scientiam mediam. Quam necessitatem cum non faciat creata libertas, sed patiatur illam potius, ab increata prædefiniente, eique subijciatur, dici non potest necessitas consequens quin potius dici debet antecedens & causalis, vt eam quoque TVissius vocat.

Dux regulæ.

Ex eo quod agendi necessitas oritur ex Dei decreto non sequitur statim illam cum libertate. Præ 1.

CVIL. Ergo age, & ex duabus illis necessitatibus antecedentibus vsum libertatis, ostende quomodo differat illa quæ destruit vsum huiusmodi ab ea quæ non destruit, vt vna destruere potius quam alia censeatur. Importuna videlicet interrogatio, in qua dissoluenda duæ præ oculis habendæ sunt regulæ certissimæ. Prima est, non satis distingui necessitates illas quod vna oriatur ex libero Dei decreto, non autem alia. Vtræque enim oriri potest. Cum enim diuinæ providentiæ attribuat quod non imponat agenti libero necessitatem libertati repugnantem, supponitur Deus hoc posse facere. Neque enim providentiæ attribui solent quæ implicat aliter habere, vt verbi gratia quod homo non sit animal hinnibile. Supponitur ergo non repugnare decretum quo inducatur talis necessitas. Quo posito illa & ex Dei decreto oriatur, & libertatem destruet. Et confirmatur ex principio Aduersariorum, qui putant necessarium esse vt omnipotentissima voluntas, qualis est diuina, non tantum prædefinire possit vt res fiant, sed vt fiant etiam hoc aut illo modo. I. vt actus liberi liberè fiant: & non liberi non liberè. Sequitur ergo ex priorum prædefinitione necessitas non destruens libertatem, ex posteriorum vero necessitas illam destruens: & ambæ in eo similes erunt quod ex Dei voluntate sequantur. Addo, quamuis essent diuersæ causæ diuersæque principia vtriusque illius necessitatis: & vna sequeretur ex Dei decreto, alia aliunde, inquiri adhuc posse, quæ sit earum diuersitas illa quæ fit vt vna repugnet libertati, non alia. Cum enim possint effectus similes habere tamen dissimiles causas, monstrandum esset hoc non contingere in hac duplici necessitate, intuendo videlicet illas vnde cumque proueniant, & dicendo quid minùs habeat vna quam alia, vt meritò dici possit non perinde tollere libertatem. Nimirum hoc potius attendi debet

debet ex ordine ad potentiam liberam cui vna necessitas magis accommodetur atque attemperetur quàm alia; quàm ex ordine ad causam siue ad voluntatem Dei. Hoc enim quod Deus vult debet in ipso effectu voluto relucere, vnde si vult vt sit quædam necessitas agendi quæ non impediatur libertatem, hoc in illa debet esse: & si velit similiter vt sit aliqua quæ impediatur; & hoc etiam in illa debet reperiri.

Vtramque igitur intuemur, & petimus, Quæ sit earum inæqualitas aut diuersitas: & quid minus habeat vna quàm alia vt stare dicatur cum libertate actus prædefiniti? Nam si nihil aliud dicatur, quàm hoc ipsum, habere scilicet vnâ præ alia quod stet cum libertate: vel Deum velle vt vna non obstante actus sit liber: disponere enim omnia suauiter & agere congruenter naturis rerum &c. Verba sunt quæ circularem continent discursum & principium petunt. Disputatur enim cum ijs hominibus qui putant ex hypothesi quod vtraque necessitas sit antecedens operationem liberam, vtraque causalis & independens a libertate; vnâ non magis stare posse cum libertate quàm aliam: & consequenter Deum non magis posse velle vt vnâ non obstante actus sit liber, quàm vt etiam sit, non obstante aliâ. Vnde qui dicit in eo esse dissimiles, quod vna non destruat libertatem, alia destruat: & quod Deus omnipotentissimâ voluntate velit vt vna stet cum libertate, non autem alia; petit principium & circulo vtitur. Priusque debet intelligi dissimilitudo & diuersitas vtriusque illius necessitatis, quàm intelligatur diuersitas diuini decreti circa concordiam vel discordiam illarum cum libertate arbitrij.

CVIII. Quare alia videtur tenenda regula omnino certa. Videndum scilicet quis sit conceptus agentis liberi. Si enim ille non stat cum aliqua necessitate, signum est illam, quæcumque sit, & vndecumque proueniat, censendam impedire libertatem; quamcumque aliam non impedire.

Est autem conceptus agentis liberi communis ille quo dicitur, *Positis omnibus prærequisitis ad agendum posse agere*

1. Regula
Ex conce-
ptu liberi
agentis iudicandum
quæ necessitas pugnet cum libertate.

Necessitas agendi quæ

non depen-
det à liber-
tate illam
destruit.

Et non agere, cum quo quia manifestum est repugnare omnem necessitatem antecedentem, seu quæ causam habet antecedentem atque independentem à libertate; sequitur etiam eiusmodi omnem esse destructiuam libertatis. Dico autem manifestam esse repugnantiam; quòd patet ex primâ terminorum declaratione. Nulla enim esse potest agendi necessità, quâ agens dici non possit necessitari ad agendum: & de quocumque dicitur *ne necessitari ad agendum* dicitur etiam *quòd non possit non agere*. Sicuti enim definitio necessarij est, *quod non potest aliter se habere*; ita & definitio agentis necessitatem habentis ad agendum, seu *necessitati*, non debet esse alia quàm *quod non potest non agere*. Vnde quia in conceptu liberi agentis includitur *posse non agere*; sequitur excludendum *non posse*, ac consequenter *non necessitatum* esse ad agendum, & *non habere necessitatem agendi*, quæcumque sit, quòd nulla sit ex qua non sequatur illud *non posse non agere*. Ex quo patet omnem prædefinitionem liberi actus qua talis necessitas inuehitur, impossibilem reddi.

Defenditur
communis
definitio li-
beri agentis.

lib 2 c. 3.
pag. 265.

CIX. Sed ut hoc argumentum eluderetur, cœpit illa definitio liberi agentis in dubium reuocari, primùm à Didaco Alvarez, deinde à Gibieuf quorum suspicionem TVissius auidè amplexus est. Audi hominem ita differentem. Cum addit esse de ratione causæ liberæ ut positis omnibus &c. respondet Alvarez huiusmodi causæ liberæ definitionem acceptam referri Nominalibus, quam & Gibieufus scriptor Gallicus sibi displicere palam profectur. Etiam Thomas de Brauardina, licet eam admittat, tamen prærequisita ista restringit ad causas secundas, neutiquam verò ad primæ causæ operationem extendendam censet; quasi motio diuina sit inter eiusmodi prærequisita quæ voluntatem creatam indifferentem relinquat. Nempe aliàs tam libera erit causa secunda in operatione sua, quàm sit prima in operatione sua. Interea semper manet voluntas eatenus indifferens ut in operatione sua nunquam determinetur ad modum agentium naturalium, semper enim retinet potentiam, tam ab agendo supersedendi, quàm aliud aliquid agendi.

Qua in oratione dissimulari non potest quàm sit ridiculum illud quod Brauandino attribuit TVissius, nempe in allata definitione cum dicitur, *positis omnibus ad agendum praequisitis*, &c. intelligendum de praequisitis ex parte causae secundae, non verò ex parte causae primae, ideoque nec inuolui diuinam motionem inter illa praequisita. Age igitur, quod subintelligis verbis exprime ac dic, Agens liberum esse illud quod *positis omnibus ad agendum praequisitis ex parte causae secundae, non autem ex parte causae primae; potest agere & non agere*. Quid tibi videtur? Potest ne vllum agens etiam liberum agere *non positis praequisitis ex parte causae primae*; atque adeo *non posita diuina motione*? An est idonea tuo iudicio definitio illa, quae de definitione affirmari non potest sine falsitate & mendacio? Sed videat Lector huius Theologi prudentiam. Cum in illa definitione de agente libero duo affirmentur, nimirum, *posse agere*, & *posse non agere*, quod videret TVissius secundum hoc, scilicet, *posse non agere* falsum esse, si praequisita ad agendum diuinam motionem continerent, illam exclusit: nec animaduertit eam exclusâ vice-versa primum quoque falsum fieri, scilicet, *posse agere* cum sit certum ijs praecisis quae praequiruntur ex parte causae primae, inter quae ponitur diuina motio, nullam causam secundam agere posse. Quia in re similis est illi, qui sibi satis strenuus esse videatur ac diligens, dum alteram ouem lupo relinquit, vt vrsu eripiat alteram.

CX. Cæterum illam liberi agentis definitionem, quippe quae immerito attribuitur solis Nominalibus debetur potius Scholæ Parisiensi, à qua in ceteras Academiis ita est propagata, nulla vt sit vel natio vel secta quae non eam facile admittat. Neque id mirum videri debet, cum quaecumque alia possit afferri, si quidem legitima est, & propriam agentis liberi à necessario differentiam exprimit; cum ista coincidat, nec nisi voce tenus diuersa sit; vt necesse sit qui hanc neget negare omnes. Id quod ostendere iuuat vel in ipso TVissio, atque ipso in loco quem proposui, dum in eo distinguit agens liberum à naturali, quod liberum ita determinetur ad agendum, vt tamen retineat poten-

Quaecumque alia liberi agentis definitio cum iam assignata coincidit si bona est.

Probatur
i. contra
TVissium.

tiam tam ab agendo supersedendi, quam agendi aliquid aliud. Quibus verbis ostendit omnino arridere sibi conceptum hunc liberi agentis, ut sit illud, quod ita determinatur ad agendum, ut tamen retineat potentiam ab agendo supersedendi, vel agendi aliquid aliud. Atqui retinere potentiam supersedendi ab actione vel agendi aliquid aliud, idem est ac posse non agere, vel agere contrarium. Substituere igitur verba hæc loco illorum & emerget ista descriptio *Agens liberum est illud, quod non est ita determinatum ad agendum, quin possit non agere vel agere contrarium*. Supponis ergo esse determinatum ad agendum eo modo qui convenit ipsius libertati: nec potest concipi esse ita determinatum aliter, quam per positionem omnium quæ prærequiruntur ad actionem tam ex parte causæ primæ, quam ex parte causæ secundæ: supponuntur ergo prærequisita hæc: & illis positis non est dubium quin agens possit agere, fateris etiam retinere potentiam non agendi, quod est, posse non agere: Ergo velis nolis, fatendum quoque tibi est, agens liberum esse illud. Quod positis omnibus ad agendum prærequisitis tam ex parte causæ primæ, quam ex parte causæ secundæ, ita determinatur ad agendum ut possit agere & non agere vel agere contrarium. Atqui hæc est illa prior definitio quam rejicis.

2. contra
Didacum.

disp. 15. de
auxilijs,
num. 7.

CXI. Sed neque Didacus ipse fugere potest quin relabatur in eandem definitionem quam videtur velle rejicere, dum ita definit ipse, *Liberum arbitrium est facultas voluntatis & rationis ad utrumlibet agendum vel non agendum, & ad agendum unum vel alterum*. Quam definitionem dicit esse legitimam. Sed est manifestum facultatem ad agendum & non agendum, esse facultatem quæ potest agere & non agere. Item, est manifestum liberum arbitrium non esse facultatem ad agendum, aut posse agere seclusis necessarijs ad actionem: ergo debent illa præsupponi. Ergo liberum arbitrium est facultas quæ suppositis ijs quæ sunt ad agendum necessaria, potest agere & non agere, vel agere contrarium, quæ prior est definitio.

3. contra
Gibieusum
1. p. q. 61.
ar. 8. 4.

CXII. Gibieus qui putat addendas illi definitioni particulas illas, servato ordine finis, si eas interpretetur iuxta

mentem D. Th. ex quo desumptæ sunt, in eo tantum dissentit à cæteris, quòd definitionem gratis contrahat: nec complecti velit omne agens liberum, etiam illud quod peccare potest. Et hoc quidem omnino præter mentem D. Thomæ, qui eo loco nihil aliud intendit, quàm esse quædam obiecta circa quæ liceat contradictoriè operari stando semper in ordine finis. Hoc est, ita vt voluntas dirigatur semper in vltimum finem, quodcumque oppositorum eligat, cuiusmodi esse potest in Angelis beatis aliquò moueri, vel non moueri, hanc cum illo cogitationem communicare, vel non communicare. Circa hæc igitur obiecta ideo liberi arbitrij esse dicuntur Angeli beati, quia in eis tota liberi agentis definitio locum obtinet, cum positis omnibus ad agendum prærequisitis possint agere & non agere: & ideo neutrum illorum oppositorum, *agere & non agere*, necessitatem patitur antecedentem, siue ex prædefinitione, siue aliunde, quod tantum intendimus. Bis autem hoc loco fallitur hic Auctor. Primò quia hunc tantum modum veræ libertatis agnoscit, quasi non sit etiam vera libertas illa, quâ quis vel manere potest in ordine finis, vel ab illo deerrare; cum S. Thomas dicat solum libertatem illam esse *maiores* seu perfectiorem: quod non magis impedit quominus posterior quoque vera libertas sit, quàm impediatur equum esse verum animal, quòd homo sit animal nobilius. Secundò peccat quòd hanc D. Thomæ doctrinam in eam sententiam detorqueat, quâ putat, necessitatem ad hærendi Deo & vtendi medijs ad acquirendam eius possessionem requisitis, pro eo tempore quo sunt requisita & necessaria, quamuis tanta sit, vt absumat potentiam non vtendi, esse perfectissimam arbitrij libertatem. Quod si verum esset, non alia fuisset Calvinum inter & Tridentinum controuersia, quàm quia Calvinus veram arbitrij libertatem defenderet, quàm Tridentinum oppugnabat, verâ & spurâ in eius locum substitutâ. Sed de his plura Eugenius Philadelphus quem consule.

CXIII. Iam de cæteris seu Patribus seu Scholasticis, Eadem de-
finitio pro-
qui proprio quodam charactere liberi arbitrij notionem

batur ex
l'attribus.

5. Strom.
hom. 2. in
exam.

5. Strom.
Pfal. 48.

Pfal. 51.

hom. 12. ex
50.

1. Retr. c. 22.
Pfal. 148.

Ex hom. 15
ex 50.

expresserunt, aio nullum esse cuius sententia non incur-
rat in eandem omnino cogitationem cum ea quæ illi de-
finitioni respondet, *Agens liberum est quod possitis* &c. Sem-
per enim admittunt in libero arbitrio potentiam ad op-
posita: & hoc intendunt Patres cum dicunt, causam li-
beram posse εἶναι ἀμφοτέρω ἑνὸς, vt loquitur Iustinus in
Apologia ad Senatum, quam sententiam TVissius in cru-
cem agit, vt vidimus. Illud enim, *ad vtrumque*, non est
aliud quàm agere & non agere: Vel *esse sui actus dominam*,
vt dicit Clemens Alex. & Basilius. Quod dominium nihil
aliud est, quam potestas eliciendi actum vel supprimendi:
vel esse αὐτοῦ ἑκόντος vt est apud Cyrillum Hierosol. Basi-
lium & alios passim, quò pertinet etiam Clementis illud,
Liberum arbitrium esse ἐξ ἡσίας τῆς ὁριμῆς & ἀφοριμῆς respon-
detque sententiæ S. Augustini significantis perpetuò libe-
rum esse illud *quod est in nostra potestate* vt cum dicit. Con-
uersi ad Christum habemus IN POTESTATE vt non facia-
mus iniquitatem. Et Sathanas non cogit inuitum, IN TVA
POTESTATE est consentire aut non consentire. Et Cum
per Dei adiutorium IN POTESTATE TVA SIT vt consen-
tias diabolo; quare non magis Deo quàm ipsi obtempe-
rare desideras. Et, hoc est in NOSTRA POTESTATE quod
cum volumus facimus.... Est in NOSTRA POTESTATE vel
inferi bonitate Dei, vel excidi eius seueritate, & hoc per-
tinere putant ad conceptum agentis liberi propriamque
illius à non libero differentiam.

Item ex
Scholasti-
cis.

Id ipsum quoque intendunt Scholastici quando dicunt,
Agens liberum esse quod non determinatur ad vnum.
Sensus enim est, ad vnum producendum. Nec aliâ ratio-
ne non est determinatum ad vnum producendum, quàm
quia potest vel ab illo vno producendo abstinere, vel pro-
ducere contrarium. Supponunt igitur omnes libero ar-
bitrio propriè conuenire vt possit agere & non agere, vel
agere contrarium. Hoc autem vel affirmatur suppositis
omnibus ad agendum prærequisitis vel non: si primum,
ergo libertas arbitrij consistit in eo quod *possitis omnibus ad
agendum requisitis, possit agere & non agere, vel agere contra-
rium*, quod intendimus; si secundum, ergo falso affirma-

tur definitio illa de suo definito, quod nulla sit facultas de qua verè dicatur, non *positis omnibus ad agendum prærequisitis*, posse illam agere vel non agere.

Esset autem ridenda cogitatio, si quis putaret liberum agens esse illud, quod positis prærequisitis potest agere, & ijsdem vel aliquo eorum detractò non agere, quòd hoc quoque conueniat agenti necessariò. Sed alterius loci est fusior hac de re disputatio. Nunc contendo tantum, vnde cumque sit agendi necessitas, quæ non potest conciliari cum illo conceptu liberi agentis, quo dicitur posse non agere in ijsdem circumstantijs in quibus dicitur etiam posse agere, omnium consensu censendam repugnare libertati. Quod iam satis probatum est.

§. III.

De sensu composito & diuiso.

CXIV. **E**Luditur tamen hæc doctrina consuetà illa distinctione sensus compositi & diuisi, re-
 pondeturque agens liberum affectum illa necessitate quam inuehit prædefinitio, posse nihilominus non agere in sensu diuiso: esto non possit in sensu composito. Quod autem possit non agere in sensu diuiso, satis esse ad libertatem. Cuius distinctionis quia solet esse multiplex sensus; accipio illum ipsum quem approbat & in quo acquiescit Didacus Aluarez, cuius hæc sunt verba. Voluntas præmotà in sensu composito non potest dissentire, non habet hunc sensum, quòd voluntas quo tempore est præmotio non possit dissentire; sed quòd non possit componere præmotioni actualem resistantiam. *Item ista quæ iam retulimus.* Ad liberum arbitrium pertinet quòd cum omnibus prærequisitis ad agendum componatur duplex potentia; potentia scilicet assentiendi, & potentia dissentendi. *Item.* Non est de ratione aut definitione liberi arbitrij, quòd cum omnibus prærequisitis ad agendum possit componere vel operationem, vel suspensionem eius: itaque hæc duo sunt impossibilia, quòd scilicet in li-

Vera intell.
 ligentia
 sensus cõ-
 positi & di-
 uisi in sen-
 tentia Ad-
 uersario-
 rum.
 „ disp. 25.
 „ n. 19. &
 „ disp. 175.
 „ num. 4.
 „ & seq.

- „bero arbitrio pro aliquo instanti sint omnia antecedenter
 „prærequisita, & non producatur actus, sed producatur
 „actus contrarius, similia pleraque occurrunt apud hunc
 Auctorem.

Prædictæ
 distinctionis
 applicatio.

CXV. Ex quibus constat cum conceditur agens liberum supposita prædefinitione ac necessitate quæ sequitur ex illa, non posse non agere in sensu composito; sensum esse, illud agens facere non posse ut non actus componatur seu coexistat cum prædefinitione. Hoc enim significat Aluarez cum dicit *hæc duo simul esse impossibilia, quod scilicet in libero arbitrio pro aliquo instanti temporis sint omnia antecedenter prærequisita ad productionem actus: & quod non producat actum.* Potentia quidem agendi & non agendi potest esse composita & simul existens cum prærequisitis illis, quemadmodum potentia videndi componitur & simul existit cum tenebris, quo exemplo alibi videtur idem Aluarez: & potentia currendi componitur & simul existit cum compedibus, vel cum podagra: sed quemadmodum potentia illa visiva quæ componitur & simul existit cum tenebris, non potest tamen facere ut cum iisdem tenebris componatur & simul existat actualis visus; nec potentia currendi, ut actualis cursus pariter componatur & simul existat cum compedibus aut podagra, cum quibus tamen ipsa componitur & simul est; ita nec potentia *agendi & non agendi* quæ componitur & simul existit cum prædefinitione, potest tamen ipsa facere, ut cum eadem prædefinitione componatur & simul sit alterum illorum, nempe ipsum *non agere*.

Ego in hac materia semper ita intellexi distinctionem illam & iuxta interpretationem huiusmodi; quæ ut patet est ipsius Aluaris, in contrarium sum argumentatus; ut immerito quæsti sint aliqui, nos ex falsa intelligentia sensus compositi & diuisi processisse. Ostendo igitur requiri ad libertatem ut cum omnibus prærequisitis possit componere non actionem, ac facere ut simul sint: & consequenter, si prædefinitio liberi actus eam inferat necessitatem, quæ impediat ne liberum agens hoc possit; impedire ne sit liberum. Hoc autem probatur.

. CXVI.

CXVI. I. Quia liberum agens quatenus tale est, suppo-
 sitis ad agendum prærequiritis, potest agere in sensu com-
 posito: ergo & non agere etiam in sensu composito. Pro-
 batur consequentia ex communi sensu Auctorum, qui
 cum dicunt illud esse liberum agens quod potest agere &
 non agere, vtrumque sine dubio eodem modo posse pu-
 tant, & aliqui etiam exprimunt, vt Clemens Alexandri-
 nus cum dicit vtrumque *ex æquo* posse. *Illud*, inquit, *est*
in nostris potestate CUIVS EX ÆQVO SYMVS DOMINI, CVM
 EO QVOD EI ADVERSATVR; vt *Philosophari & non Philo-*
sophari, credere & non credere: Et alij passim cum dicunt
 vtrumque *indifferenter* posse, vt S. Thomas. Quòd si di-
 catur illud esse agens liberum quod habens omnia ad ope-
 randum necessaria, potest operari in sensu composito, &
 potest etiam non operari, sed tantum in sensu diuiso; nec
ex æquo, nec *indifferenter* vtrumque potest, vt patet: &
 euanesce ille conceptus libertatis: nec affirmatur quid-
 quam de causa libera, quod non etiam dici possit de ne-
 cessaria. Nam & ignis instructus omnibus necessarijs ad
 calefaciendum, potest calefacere in sensu composito, &
 non calefacere in sensu diuiso, cum istud non sit minus
 verum, ignem habentem quidquid requiritur ad calefa-
 ciendum posse non calefacere, quam album posse fieri
 nigrum, quod tamen nemo negat in sensu diuiso.

Confirmatur. Quia potentia illa liberi agentis est po-
 tentia dominatiua, quæ datur illi optio actionis aut non
 actionis. At, quod dominium est illud, & quæ optio agen-
 di & non agendi, si cum dicitur posse agere, non aliter
 intelligatur posse non agere, quam quo modo potentia
 visua quæ in tenebris est, dicitur posse videre? Nempe, vt
 sit illud dominium & facultas illa optandi actionem vel
 non actionem, debet agens dominans posse coniungere non
 actionem cum illis circumstantijs, cum quibus coniungit
 actionem: alioqui non coniungit actionem ex dominio
 sed ex necessitate: nec nisi absurdissime dici potest dari illi
 optionem vtram coniungat, vbi coniunctio actionis est
 necessaria, & coniunctio non actionis est impossibilis:
 ideoque nec tribui debet eius potestati quod coniungat

actionem, quando non habet potestare non coniungendi seu, quod idem est, coniungendi non actionem. Non pertinet, inquam, ad dominium liberi agentis ponere aut non ponere circumstantias illas, nec item cum illis aliunde positis coniungere actionem potius quam non actionem, postquam coniunctio non actionis est impossibilis, quodnam igitur est hoc genus dominij? Et quid sibi vult Augustinus cum dicit, *Per Dei adiutorium in nostra esse potestate utrum consentiamus diabolo*; cum potius per Dei adiutorium illa *utriuslibet* optio impediatur, postquam non consensus coniungi nequit cum illo Dei adiutorio? Quomodo, inquam, per Dei adiutorium habemus potestatem ad *utrumlibet*, si cum Dei adiutorio implicat consistere alterum? Tam ergo debet posse componi vnum contradictoriorum cum prærequisitis, quam alterum.

Non componere actionem suam cum prærequisitis ad agendum, est componere cum iisdem non actionem.

CXVII. 2. Agere agentis liberi, est, agens liberum componere cum prærequisitis ad agendum ipsam actionem: ergo agens liberum posse non agere, idem est ac posse absolute non componere actionem suam cum prærequisitis ad agendum. Rursus, agens liberum componere suam actionem cum prærequisitis ad agendum ex Didaco, est facere ut pro eodem instanti temporis simul sint in libero arbitrio & prærequisita ad actionem, & ipsa actio: Atqui agens liberum potest absolute loquendo non componere suam actionem cum prærequisitis ad agendum: Ergo absolute loquendo facere potest, ut pro eodem instanti temporis sint prærequisita & non sit actio. Denique pro eodem instanti temporis esse prærequisita ad agendum in libero arbitrio, & non esse actionem, est componi non actionem cum prærequisitis ad agendum: sed agens liberum absolute loquendo primū potest: ergo & secundum. Hoc autem est posse non agere in sensu composito; significante compositionem non actionis cum prærequisitis ad agendum; hoc igitur potest agens liberum: & quæcumque necessitas impedit ne hoc possit, impedit ne sit liberum. CXVIII. 3. Agens liberum debet hoc posse, ad quod aliquando tenetur: sed tenetur aliquando componere non actionem cum prærequisitis omnibus ad agendum: Ergo

debet hoc posse. Maiorem fortasse negabit TVissius, vt Calvinianum illud tueatur de impossibilitate mandatorum. Sed patiatnr nos in eo sequi, non fidei modò, sed rationis etiam naturalis ductum, cuius illud est mortaliũ omnium pectoribus insitum, in eo non peccari quod quis vitare non potest: præsertim cùm ipsi etiam Calviniani, vt quoquo modo suum errorem tegant, impotentiam illam seruandi mandata quam in nobis fingunt, voluntariam esse defendant ac liberam, vt potest libero primi hominis peccato contractam. Ergo tum ille saltem, tum Angelus etiam hoc potuere ad quod tenebantur: sed tenebantur componere non peccatum cum omnibus prærequisitis ad peccandum; quæ est minor syllogismi propositi, quæ probatur euidenter. Quia componere non peccatum cum prærequisitis ad peccandum, non est aliud quàm facere vt eodem instanti quo sunt prærequisita illa, sit etiam non peccatum, seu non sit peccatum: Atqui tenebantur facere vt pro eodem instanti temporis quo fuere prærequisita illa, esset non peccatum: alioqui non peccassent in eo instanti: neque enim peccatur tum cum aliquis non potest aliter facere: Ergo tenebantur componere illa duo: Ergo, si quæ necessitas faciebat impossibilem illam compositionem non peccati cum prærequisitis; tollebat necessariam ad peccandum libertatem.

CXIX. 4. Hoc quod est *non agere* positum in definitione liberi agentis, aliter dicitur in sacris literis & Concilijs, *renuere, abiicere, dissentire, resistere*; vnde illud vocauit & *renuistis*, &, *abiecisti sermones meos*, &c. & quod habet Tridentinum, liberum arbitrium posse *dissentire* Deo vocanti, quibus apertè significatur esse in potestate libera agentis componere cum prærequisitis ad agendum ipsum *non agere*. Quid enim est quæso *dissentire* v. g. nisi dissensum ponere? Est autem de ratione dissensus, vt ponatur pro eodem instanti pro quo quis mouetur & inuitatur ad consensum: ac proinde vt componatur cum ipsa motione & inuitatione ad consensum. Nemo enim dissentire dicitur antequam moueatur; neque postquam motus fuit & obtemperauit motioni: Ergo posse dissentire est posse po-

Agens liberum teneatur interdum componere non actionem cum prærequisitis ad agendum.

Scriptura & Tridentini idem supponunt. Sess. 6. can. 4.

nere dissensum pro illo instanti quo est motio, atque adeo componere dissensum cum motione ; si quidem hoc est componi ut accepimus ex Didaco *esse unum pro eodem instanti temporis quo aliud est*. Ergo quaecumque necessitas compositionem hanc impedit, impedit libertatem.

CXX. §. Exigimus ab Aduersarijs ut distinctionis alterum membrum exponant, cum voluntatem, quam negant positam ad agendum prærequisitis posse non agere *in sensu composito*, dicunt tamen posse non agere *in sensu diuiso*. Quid inquam, est, *voluntatem posse non agere in sensu diuiso* ? Nempe sumendum est oppositum eius quod est *posse non agere in sensu composito*. Distinctionum enim membra debent esse opposita. Et quia posse non agere in sensu composito, ut Didacus nos docuit, est facere posse ut pro eodem instanti temporis simul sint prærequisita & non actio, consequenter posset non agere in sensu diuiso, non erit aliud quam facere posse ut pro alio instanti temporis quo non sunt prærequisita, sit non actio. Atque ita definitio liberi agentis habebit hunc sensum, agens liberum est illud quod habet potestatem agendi pro tempore quo sunt prærequisita ad agendum : & simul habet etiam potestatem non agendi, sed pro tempore quo illa non erunt. Quasi verò sit vllum agens tam necessarium de quo non liceat hoc ipsum affirmare, videlicet illius potentiam agendi quæ cum prærequisitis ponit actionem, esse etiam potentiam non agendi pro tempore quo prærequisita deerunt.

Aliàs non
distingue-
retur agens
liberum à
necessariò.

At, inquit, in causis necessarijs hæc non tam est potentia non agendi, quam impotentia agendi, quando non sunt prærequisita. Ego verò id ipsum retorqueo, & dico illam etiam agentis liberi potentiam non agendi, non tam esse potentiam non agendi, quam impotentiam agendi: neque potest in contraria sententia dari ratio vlla disparitatis. Neque enim alia est ratio, cur potentia liberi agentis tribuatur non posse non agere, quam quia liberum illi est pro illo instanti temporis quo cum prærequisitis ad agendum coniungit actionem, coniungere etiam non actionem. Quod si non potest coniungere non actionem cum

prærequisitis ad illam ; sed cum eorum defectu tantum quare non-actio tribuatur eius potentia non agendi, potius quam agendi impotentia?

Potest ; inquis, agens liberum coniungere non-actio-
nem cum sufficientibus ad agendum, quod non potest
agens necessarium. Sed viderint qui hoc dicunt vtrum ad
actionem *sufficere* dicenda sint, quæ defectum habent ali-
cuius ad eam *prærequisiti*, quod nolo iam *urgere*. Hoc
tantum contendo, si potentia non agendi sit impedita,
vt est in hac suppositione per necessitatem ortam ex præ-
definitione, neque possit componere non-actio-
nem cum illo suo impedimento, sed tantum possit illam ponere,
seu potius suppressere, pro alio instanti quo illud erit
sublatum ; non posse dici potentiam non agendi, qualis
requiritur vt *non agere* imputetur illius libertati. Quia
similis omnino est potentia cadendi quam habet lapis qui
sursum ligatus ex catena pendet : & potentia videndi
quam habet is qui iacet in tenebris omni externo lumine
priuatus. Quod si quis putat sufficere hoc ad libertatem,
velitque imputari lapidi quod non cadat : vel posito in te-
nebris, & externo lumine carenti quod non videat, saluus
sit. Cum eo enim non est amplius de libero arbitrio, vt
pote iam destructo, disputandum.

CXXI. Augustinus certè nititur in contrarium, quan-
do Pelagij distinctionem illam qua dicebat posse videre
non esse in nostra potestate ; videre autem esse, sic impu-
gnat. Quomodo in potestate nostra est videre si velimus,
cùm etiam saluâ integritate corporis oculorumque no-
strorum, nec volentes videre possimus : siue per noctem
luminibus, quæ forinsecus adhibentur, ademptis : siue nos
quippiam in tenebroso loco aliquo includat? Quæ verba
haud facillè conciliabuntur cum illis Didaci, Supponen-
dum est cum Caietano, Ferrariensi & M. Medina quod
dupliciter intelligitur liberum arbitrium posse per ali-
quod auxilium producere aliquem actum. Primo modo
absolutè & simpliciter, hoc est sine addito, sicut cùm
asserimus hominem per potentiam visiuam posse videre :
quia videlicet quantum est ex parte potentia per quam

De natura
& gra. cap.

47.

dip. 79.
num. 2.

„ constituitur in actu primo ad videndum, non requiritur
 „ vt verè dicatur posse videre, quòd superaddatur illi ali-
 „ qua alia potentia aut virtus tribuens in actu primo ipsum
 „ posse videre; quamuis vltra potentiam visivam alia plura
 „ requirantur vt quis actu videat..... Secundo modo id po-
 „ test intelligi de principio siue auxilio quo potest comple-
 „ tē operari, ita vt non solum habeat principium sed etiam
 „ habeat complementum. Atqui Augustinus *simpliciter &*
absolute loquitur cum dicit *nos etiam saluā integritate corpo-*
ris oculorumque nostrorum non habere in potestate vt videamus,
&c, nec videntes videre posse si desit externum lumen. Nemp-
 pe quia idem est Augustino *habere aliquid in sua potestate,*
&c posse illud facere; quod Didaco est, *complete posse.* Sed il-
 là distinctione vtendum fuit, ne gratia sufficiens apertē
 negaretur, cum dicitur incomplete actiuum, esse tamen
 sufficienter actiuum, quantum satis est vt imputetur illi
 quod non agat. Nos cum Augustino dicere malumus,
 nec posse hominem videre cui deest externum lumen:
 nec posse non agere cuius illa non agendi potentia eā ne-
 cessitate constringitur, cum qua nihilomagus coniungi
 potest non actio, quā visio cum defectu luminis. Et si-
 cut quod aliquid habeat eam virtutem quæ sufficiat ad vi-
 dendum pro illo instanti temporis quo tenebræ discesse-
 rint, non satis est vt dicatur habere visionem in sua pote-
 state tum cum in tenebris versatur; ita quod quis habeat
 eam virtutem qua suspendere possit actionem pro illo in-
 stanti temporis quo solutus erit à vinculo prædefinitionis,
 nequaquam sufficere potest, vt ille censeatur habere in
 sua potestate non actionem, etiam tum cum est prædefi-
 nitio. Ergo est necessarium vt cum illa prædefinitione
 componere possit non actionem, vt possit non agere eo
 modo qui requiritur ad libertatem.

CXXII. 6. Eò refunditur Aduersariorum doctrina, vt
 dicatur sufficere ad hoc vt non actio imputetur voluntari,
 quòd potentia quæ agendi necessitate impeditur à non
 agendo, sit tamen illa ipsa quæ pro alio instanti temporis
 quo huiusmodi impedimento soluta erit, poterit non age-
 re, atque etiam coniungere cum sufficientibus ad agen-

dum ipsam non actionem. Esto non possit eam coniungere cum illa necessitate agendi : Atqui si hoc verum est, sequitur falsum esse illud de quo tamen inter nos conuenit, non esse liberum amorem beatorum qui sequitur ex visione. Voluntas enim quæ subest necessitati amandi ex visione ortæ, illa ipsa est quæ pro alio instanti temporis quo non esset visio, suspendere posset illum amorem, componendo etiam non amorem cum sufficientibus ad amandum : quemadmodum quando subest necessitati prædefinitionis, illa ipsa est quæ pro alio instanti temporis non eliceret actum qui iam est prædefinitus, componendo non actum eum sufficientibus ad illum eliciendum. Quòd si istud satis est vt verè dicatur, nonobstante prædefinitione habere tamen potentiam non agendi, quæ requiritur ad actionis libertatem ; quare non sufficit illud vt non obstante visione, censeatur esse potentia non amandi, quæ ad amoris etiam libertatem requiritur ?

Dices, Quia quando est visio non est indifferentia iudicij quæ requiritur ad potentiam amandi & non amandi. Contrà, hoc non est aliud, quàm dum est visio esse cognitionem necessitantem ad amandum : quod concedo. Sed dico seclusa visione esse prædefinitionem peræquè necessitantem, & quæro quare vna dicatur non relinquere in voluntate potentiam non amandi, alia verò dicatur relinquere ?

Potentia, inquis, non amandi est concretum quoddam ex indifferentia iudicij & voluntate coalescens, vnde altero illorum deficiente deficit ratio talis potentiae. Contrà, hoc est tantum dicere illam potentiam coalescere ex voluntate & cognitione, sub ea ratione qua cognitio non est necessitans ; quod est conflare rationem illam potentiae ex voluntate & carentia cognitionis necessitantis : & semper quæro quare potentia non amandi conflatur ex voluntate & carentia cognitionis non necessitantis, & non conflatur etiam ex voluntate & carentia prædefinitionis non necessitantis ? quòd videatur manifestum vno concessio aliud gratis negari. Cognitio indifferens requi-

ritur tantum sub ratione indifferentis: & requiri sub ratione indifferentis, est requiri sub ratione excludentis cognitionem determinantem necessario ad vnum: & illa exclusio potissimum requiritur, & est id maxime quod conflat cum voluntate potentiam non agendi quod agat. Quare autem non requiritur pariter exclusio prædefinitionis efficacius & magis necessario determinantis voluntatem, quam faceret vlla cognitio?

Et confirmatur datâ hypothefi quæ minimè repugnat, quod cum visione sit simul alia quædam diuinæ bonitatis cognitio, siue obscura siue manifesta, quæ alias sufficeret ad amandum liberè; quia ex suppositione visionis, minimè iam sufficeret, etiam si habeat ex se illam ipsam indifferentiam quam haberet si non esset visio. Hoc enim ostendit visionis absentiam, quatenus tantum est absentia cognitionis necessitatem inducentis, esse partem illius concreti quod dicitur potentia non amandi: & cognitionem ex se indifferentem, non constituere sufficienter talem potentiam, nisi suppositâ illâ carentiâ. Quare autem magis supponitur hæc carentiâ vel absentia, quam absentia cuiuslibet alterius causæ perinde reddentis inutilem illam cognitionis indifferentiam, eo quod perinde inducat necessitatem agendi? Et quid prodest quod visio non inducat illam necessitatem, si non desit alia causa quæ etiam inducat, cuiusmodi est prædefinitio? Vnde.

Sequeretur
necessita-
tem co-
actionis non
nocituram
libertati.

CXXIII. 7. Confirmatur iterum & probatur intentum. Quia vel esse vel concipi potest aliqua necessitas extrinsecus immissa, quæ libertatem destruat: & tamen nulla est quâ suppositâ non relinquatur semper in voluntate facultas non agendi in sensu diuiso: ergo facultas non agendi in sensu diuiso non sufficit ad libertatem, nisi sit etiam facultas non agendi in sensu composito. Antecedens patet, vel ex ipsa confessione Aduersariorum, qui dicere solent propterea Deum non tollere libertatem prædefiniendo, quia non cogit. Quasi faterentur, si foret coactiua ista necessitas, non futuram libertatem. Verum suppositâ etiam coactione, siue illa sit possibilis siue non, staret semper voluntatem coactam posse non agere in sensu diuiso,

diuiso, sicut homo ligatus potest non currere: Ergo requiritur ad libertatem vt hoc possit etiam in sensu composito.

CXXIV. 8. Denique agens liberum completum ad agendum, loquendo propriè simpliciter & absolutè, dicitur posse non agere: ita enim illius notionem & differentiam à necessario exprimunt omnes? Ergo non debet habere quamcumque potentiam non agendi, sed illam quæ sufficiat ad denominationem potentis non agere simpliciter & absolutè loquendo: Atqui potentia impedita impedimento insuperabili non sufficit: Ergo &c. Probo subsumptum. Quia potentia coniuncta & composita cum sui effectus impossibilitate, quandiu talis est, non sufficit ad tribuendam absolutam denominationem potentis ponere illum effectum, alioqui diceretur quis absolutè potens ad impossibile: Atqui potentia coniuncta & composita cum impedimento sui effectus insuperabili, est potentia coniuncta & composita cum eiusdem effectus impossibilitate: Impossibilitas enim illa necessariò coniungitur cum impedimento insuperabile: & consequenter quod compositum est cum tali impedimento, debet censi compositum cum effectus impossibilitate: ergo illa potentia non sufficit ad denominandum agens simpliciter & absolutè potens ponere talem effectum: Ergo requiritur vt nullum sit impedimentum cum quo non possit effectum illum componere, quod est agere seu non agere in sensu composito. Et quia iam constat necessitatem ortam ex prædefinirione hoc impedire, consequens est vt eadem censeatur impedire libertatis exercitium, quod est ipsam implicare, vt antea dictum est.

Ex ea suppositione ex qua dicitur impossibile effectus, & causa negari debet posse illum producere.

§. IV.

Mens S. Anselmi atque aliorum PP. de præcedenti & consequenti necessitate.

Quæ ne-
cessitas re-
pugnet li-
bertati.

CXXV. **E**X dictis sequitur Anselmi doctrinam quæ docet necessitatem præcedentem tollere libertatem, non verò necessitatem consequentem, vniuersim accipiendam esse; ita vt omnis omnino necessitas quæ & insuperabilis sit, & independens à voluntate, censetur impedire illius libertatem. Id enim conuincit & res ipsa, & aliorum Patrum auctoritas, & mens atque intentio ipsius Anselmi.

Et quidem quòd res ipsa id conuincat ostenditur. Quia si tota ratio, cur vna necessitas antecedens tollat libertatem reperitur quoque in omni alia, fatendum est omnem aliam tollere: Atqui tota ratio cur vna tollit, in omni alia reperitur: Ergo omnis alia etiam tollit. Probo minorem. Nulla enim ratio esse potest, cur aliqua necessitas antecedens tollat libertatem, nisi quia & insuperabilis est, & independens à voluntate. Quòd constat, quia hoc solo sublato per possibile aut impossibile, & quocumque alio relicto, nulla erit necessitas quæ non faciliè cum libertate concilietur. Facillam quæ dicitur coactionis, vel non esse inuictam necessitatem: vel esse pendentem à voluntate; & statim intelligitur nihil obesse libertati. Vnde sequitur euidenter, per hoc præcisè obesse, quòd nec dependet nec superari potest. Obest ergo quæcumque hoc habet. Et nulla est antecedens quæ non hoc habeat, illa præsertim quam inducit Dei prædefinitio seclusa scientia mediâ, quam etiam TVissius vocat *irresistibilem*: Ergo & omnis antecedens, & illa nominatim, libertatem impedit.

a. Strom.
Alij quo-
que Patres
idem sen-

CXXVI. Nec est quòd quisquam suspicetur, non satis antiquam esse illam Anselmi distinctionem. Olim est cum Clemens Alexandrinus necessitatem etiam anteceden-

tem, ἀποζημιῶν, impedire dixit ne actiones humanae vel laudi vel vituperio tribui possint. Sed vocat illam, inquis, φυσικὴν vt videatur designare necessitatem naturalem quā grauiā v. g. deorsum, leuiā sursum feruntur. Fateor ita vocare, sed non eo sensu. Quia supponit induci necessitatem illam ab eo qui potest omnia: nimirum vt ostendat se non loqui tantum de necessitate orta ex propensione naturali, sed à Deo etiam immisā supra naturam operante. Et ideo confundit hanc necessitatem cum illa quæ oritur ab externa causa, ἡ ποὶ τῆς ἐξωθεν αἰτίας, quibus verbis clarum est excipere illum eam tantum necessitatem, quam ipsa sibi voluntas facit. Atque in eo Clemens Dionysio mirè concinit reijcienti à libero arbitrio ἐπερχίνον ἀνάγκην. Ergo cum naturalem vocauit, distinguere tantum voluit contra moralem & ab ipsa libertate pendentem.

tiant quod
Anselmus.

de Diuinis
nom. cap. 8.

S. Basilius necessitatem omnem exclusit à libero arbitrio, dum ob eam causam vitam hominis esse dixit λελυμένην πάσης ἀνάγκης. Omnem etiam exclusit Theodoretus dum negauit damnandos homines à Deo, si aliqua necessitate ad alii peccarent, & leges humanas supponere nullam esse vel naturæ vel facti necessitatem.

Ho. Quod
Deus non
sit causa
mali.
Lib. 5. de
Græc. aff.

Exclusit & Augustinus dum eam tantum reliquit quæ est in nostra potestate. Si necessitas, inquit, nostra illa dicenda est, quæ non est in nostra potestate; manifestum est voluntates nostras, quibus rectè vel perperam viuunt, sub tali necessitate non esse. Vnde intelligas cæteros etiam Patres dum necessitatem submouent ab humanis actibus, & liberum opponunt necessario, quod sæpissime faciunt, excludere omnem omnino necessitatem quæ voluntaria non sit. Negatio enim terminum cui præfigitur distribuit, nec patitur indefinitè sumi: & ideo qui negat hominem necessario agere, negat omnem, quæ non sit in eius potestate, necessitatem; quia vel vna tantum sufficit, vt falsò dicatur non necessario agere.

5. de Civ.
cap. 19.

CXXVII. Nec quidquam iuuat Aduersarios, quòd quandoque significant, se necessitatem reijcere quæ cogat aut vim inferat: quasi verò quancumque aliam non improba-

Coactio-
nem quo-
modo ac-
cipiant Pa-
tres.

coactionem, & propriam vim seu violentiam illatam voluntati. Primò, quia diuinæ providentiæ tribuunt quòd non cogat voluntates nostras, quod de propria coactione accipi non potest: quippe quæ passim dicitur esse impossibilis respectu voluntatis. Secundò, quia malè omnino ratiocinarentur, dum interrogantibus quare Deus non omnes saluet aut aliquos perire sinat, vel in peccata labi, eam reddunt rationem, quia non decet eius providentiam cogere homines aut inuitos trahere. Quasi verò præter coactionem strictè sumptam & vim propriè illatam, non esset media quædam necessitas, illa quæ sequitur ex prædefinitione, quâ neque vis infertur alicui & sufficientissima est ad hoc vt nemo non bene viuat. Ergo coactionem latiùs accipiunt pro quacumque necessitate inuoluntariâ: quæ quia non est connaturalis agenti libero, ideo cogi putant & vim pati si ei subiiciatur. Id quod Ambrosius perspicuè expressit his verbis. Vult te prouocare ad poenitentiam Deus, vult de se sperari indulgentiam, vult demonstrare tua confessione quòd non sit Autor malitiæ. Nam qui peccatum suum ad quandam referunt, vt gentiles, decreti aut operis sui necessitatem, diuina arguere videntur, quasi ipsorum vis causa peccati sit. Qui enim necessitate aliqua coactus occiderit, quasi inuitus occidit. Vbi vides pro eodem accipi solere, *necessitate aliquid facere, & facere inuitum ac vim pati.*

1. 2. de
Cain &
Abel, c. 9

7. Strom.

Constat hoc etiam ex Clemente Alex. cum dicit
Deum non cogere quenquam salutem ex ipso accipere:
esse seruatorem & dominum; seruatorem quidem eorum
qui crediderunt, propterea quod scire voluerint; dominum autem eorum qui credere noluerunt: venisse ad omnium salutem. FIDEM ENIM ESSE COMMVNEM ELIGENTIVM. Vbi vides idem esse Clementi non cogere, atque hominum electioni salutem exponere. Quod apertius deinde significat, cum reciprocasse dicit & hominis in comparanda sanctitate, & Dei in conferenda gratia libertatem, ἄνθρωπος, inquit, ὁ θεὸς ἀκούει ἀγαθὸς ἐν φόβῳ τοῦ κυρίου θεομακρόν. Quid enim est Deum non esse inuitum dum bonus homini est, quemadmodum inuitus est ignis:

dum calefacit? Aut quid est ignem esse in calefaciendo inuitum, nisi esse necessario calefactium? Hoc igitur est, Deum non inuitos trahere quod *non necessario* trahere: subiungit autem *ἅτε μὴν ἄκων σπρώσσεται ὁ σπρωγόμενος*. Et *μοχ ἡκων ὁ θεὸς ἀνάγκη ἀγαθοποιεῖ*.

Constat item ex Anselmo cum dicit. *Nam violentia naturalis conditionis cogit celum volui; te verò nulla necessitas facit loqui*. Vbi vides & coactionem & violentiam sumi pro ea necessitate cui subiectum nullo modo resistit: quin potius illi se cōnaturaliter accommodat. Idem in libro de concordia præscientiæ & liberi arbitrij ait Opus voluntatis cui datum est vt quod vult sit, & quod non vult non sit; esse bifariam necessariū: quia & voluntate cogitur fieri: & quia idem non potest simul fieri & non fieri. Vbi per opus voluntatis intelligit actum ab ea imperatum siue internum siue externum, qui & antecedentem habet necessitatem ex actu imperante ortam; & sequentem ex generali principio, quod id quod est, quando est, necesse est esse. Et quamuis nulla in tali opere sit violentia propriè dicta vel coactio; cogi tamen dicitur opus illud, cō præcisè quod subdit illi necessitati antecedenti ex imperante voluntate.

CXXVIII. Sed quia deprauat Anselmi doctrinam TVissius, dum negat talem sequi ex prædefinitione necessitatem, qualem Anselmus arcendam putat ab actibus liberis; referenda sunt S. huius Doctoris verba, si fortè possit Leouardiensis Theologus erubescere, quando solem meridie lucere negat. Ita ergo loquitur Anselmus Quod si te iterum perturbat quia dixi necesse erat, *vt Christus moreretur ex hypothesi præscientiæ & prophetiarum*; memento quia veritas fidei virginis, *cui hoc erat reuelatum*, non fuit eausa vt ille sponte moreretur; sed quia hoc futurum erat, vera fuit fides. Quamobrem si dicitur, necesse erat vt voluntate solà moreretur; quia vera fuit fides siue prophetia quæ de hoc præcesserat; non est aliud quàm si dicas, necesse fuisse ita futurum esse, quoniam sic futurum erat. Huiusmodi autem necessitas NON COGIT REM ESSE, SED ESSE REI FACIT NECESSITATEM ESSE. Est namque ne-

lib. cur De
homo c. 16.

Anselmi
sententia
de necessi-
tate præce-
denti & se-
quenti.

1. Cur
Deus
homo,
c. 16.

„ cessitas præcedens, QVÆ CAUSA EST VT SIT RES: & est
 „ necessitas sequens QVAM RES FACIT. Præcedens & effi-
 „ ciens necessitas est cum dicitur, cælum volui, quia ne-
 „ cesse est vt voluatur: sequens verò QVÆ NIHIL EFFICIT,
 „ sed sic est cum dico te ex necessitate loqui quia loqueris.
 „ Non quòd aliquid te cogat ad loquendum. Nam vio-
 „ lentia naturalis conditionis cogit cælum volui: te verò
 „ nulla necessitas facit loqui. Sed vbi cumque est præcedens
 „ necessitas, est & sequens; non autem vbi sequens ibi sta-
 „ tim & præcedens. Possumus namque dicere, necesse est
 „ cælum volui quia voluitur; sed non similiter est verum,
 „ idcirco te loqui, quia necesse est vt loquaris..... HAC
 „ SEQUENTI ET NIHIL EFFICIENTI NECESSITATE quia
 „ vera fuit fides & prophetia de Christo, quia volunta-
 „ te non necessitate moriturus erat; necesse fuit vt sic
 „ esset.

In libro autem de concordia prædestinationis cum li-
 bero arbitrio, cum ostendisset præscientiam non impe-
 dire libertatem actuum præcitorum; infert idem quo-
 que dicendum de prædestinatione: quod nec ex ista se-
 „ quatur præcedens necessitas. Pariter igitur, *inquit*, quam-
 „ uis necesse sit fieri quæ præsciuntur & quæ prædesti-
 „ nantur; quædam tamen præscita & prædestinata non
 „ eueniunt eâ necessitate QVÆ PRÆCEDIT REM ET FACIT;
 „ sed eâ QVÆ REM SEQVITVR, sicut supra diximus. Non
 „ enim ea Deus quæ prædestinat facit voluntatem cogen-
 „ do, aut voluntati resistendo; sed in sua eam potestate di-
 „ mittendo.

Addit aliter esse necessarium seditionem cras futuram,
 & ortum solis etiam futurum. Futurum enim ortum so-
 lis necessario duplici necessitate, *præcedenti*, scilicet, quæ
 facit rem esse: & *sequenti*, quæ nihil cogit esse: Seditionem
 verò cras futuram necessario vnâ tantum necessitate, *se-*
 „ *quente* videlicet. Pergit verò. Hac ergo consideratione
 „ palam est, quia sine omni repugnantia & Deus præscit
 „ omnia: & multa sunt ex libera voluntate, quæ ante-
 „ quam sint fieri potest vt nunquam sint: & tamen quo-
 „ dammodo sunt necessitate, QVÆ NECESSITAS VT

dixi DESCENDIT DE LIBERA VOLVNTATE.

CXXIX. Ex qua doctrina in primis constat necessitatem bifariam diuidi; vt sit alia *precedens*, quæ non stat cum libertate; alia sequens quæ cum illa stat. Quæ diuiso negari non potest sine illius Auctoris iniuria quem TVissius quoque; *Scholastica Theologia Primipilum* vocat, esse legitima atque adeo adæquata; nulla vt esse possit necessitas quæ non referatur ad alterutrum caput *precedentis* nimirum vel *sequentis*. Vnde sequitur euidenter necessitatem illam quam inuehit diuina prædefinitio in actus prædefinitos, esse etiam alterutram ex mente Anselmi. Restat ergo vt videamus vera sit ex proprijs rationibus vniuscuiusque necessitatis ab Anselmo designatis. Constat vero secundò, præcedentem necessitatem eam dici *que causa est vt sit res*, *Quæ est efficiens*: *Quæ præcedit rem & facit*: *Quæ cogit rem esse* sumendo rō cogere, latè, prout etiam conuenit motui minimè violento, cuiusmodi est motus cœli: Item esse illam quam intelligimus dicentes, *non tantum esse necesse rem aliquam esse, quia est*; verum etiam *ideo rem aliquam esse, quia necesse est vt sit*, quod coincidit cum eo quod iam dictum est, esse necessitatem quæ causa est vt sit res.

Constat tertio *sequentem necessitatem* vocari ab Anselmo eam *quam res facit*: *Quæ nihil efficit*: *Quæ non cogit rem esse* eo sensu quem iam dixit *Quæ descendit de libera voluntate*: Quæ tantum intelligitur cum dicimus: *Esse necesse rem aliquam esse, quia est*: non è conuerso, *ideo esse quia necesse est, vt sit*.

Iam TVissium audiamus Anselmo respondentem. Ne-
gamus aut secundum veritatem, aut secundum Ansel-
mum, suppositionem omnem antecedentem vsum liber-
tatis præiudicare libertati creaturæ, licet VERA CAUSA,
fuerit actus subsequens, & talis vt illà posita infallibili-
ter atque INEVITABILITER sequatur talis actus. Inevita-
biliter, inquam, ex suppositione, hoc est non simplici-
ter, sed secundum quid. *Item*. Necessitas antecedens li-
bertati inimica, non est alia secundum Anselmum, quam
quæ necesse esse dicitur cœlum moueri. Hæc est autem

lib. 3 cap 8.
pag 473.

l. 2. c. 3.
pag 266

» necessitas pure naturalis , quâ scilicet agentia naturalia
 » determinantur intrinsecus ad agendum. Non sic decreto
 » Dei determinatus fuit Cyrus &c. Ac tandem Brauardini
 » verbis fusè relatis , sic concludit. In istis apud Brauardi-
 » num sparsis & ad Anselmi sententiam elucidandam con-
 » ducentibus excerptis , & in vnum colligendis , eò pro-
 » lixius spatiatus sum , vt os obstruerem isti Iesuitæ , qui
 » præter Anselmi auctoritatem prima fronte & secundum
 » superficialiariam dumtaxat considerationem ipsi propitiam ,
 » nihil habet quo vel credulum Lectorem præoccupet , &
 » in partes suas propensio-rem reddat. Est itaque fateor
 » istiusmodi necessitas ex suppositione , idque ex SUPPOSI-
 » TIONE CAUSÆ : nec tamen qualis libertatem creatam de-
 » bilitet , sed confirmet potius. Quippe cum non modò vt
 » fiat velit Deus ; sed vt fiat contingenter & liberè Vnde
 » dicimus necesse esse , idque Necessitate antecedente &
 » causali , vt quæ fiunt à creatura rationali non modo fiant ;
 » sed & contingenter fiant atque liberè. *His addendum &*
 » *hoc aliud* An verò quia absolutè vult Deus irresistibiliter
 » aliquid ab homine fieri liberè , propterea fiet minus li-
 » berè ? Quod postea etiam repetit dum dicit , decreto
 » Dei contingentiam irresistibiliter stabiliri. Quandoqui-
 » dem quidquid Deus contingenter & liberè fieri vult , ne-
 » cesse est vt contingenter & libere fiat , aliàs de suæ omni-
 » potentiae arce deijceretur Deus.

1. c. 6.
 pag. 34.

lib. 3. p.
 406.

CXXXI. Ex quibus intelligis , Optime Lector , ne-
 cessitatem quam TVissius sequi putat ex Dei prædefini-
 tione , *Antecedentem ; Causalem , Quæ est vera causa actus*
subsequentis , & talis vt eà posita inevitabiliter sequatur effe-
ctus , & irresistibiliter : & ratione cuius verè dicimus non
tantum necesse esse vt aliquid fiat , quia fit ; sed fieri quia
necesse est vt fiat postquam Deus fieri vult , alioqui *deijci-*
endus de arce suæ omnipotentiae ; hanc , inquam , necessitatem
 apud TVissium esse illam quæ stat cum libertate : idque
 omnino ad mentem Anselmi. Confer igitur necessitatem
 hanc cum illo utroque distinctionis Anselmi membro , &
 vide an contineatur illo quo necessitas quæ libertati non
 obest à dicitur *quam res facit : Quæ nihil efficit : Quæ non*
cogit

cogit rem esse: Quæ descendit de libera voluntate: Quæ necesse est tantum aliquid esse, quia est. Vide inquam, an necessitas *antece-*
cedens, sit necessitas *sequens*? An illa quæ est *vera causa*
actus, sit illa quam *actus facit*? An illa quæ est *causalis*, sit
 illa quæ *nihil efficit*? An illa quæ *inevitabiliter & irresistibili-*
ter rem esse facit, ea sit quæ *non cogit* rem esse? Ea de-
 mum quæ oritur ex solo Dei decreto & ex *arce omnipoten-*
tie, sit illa quæ *descendit de libera voluntate*? Confer mo-
 do & cum alterâ necessitate quâ dicit Anselmus destrui
 libertatem: & vide, an aliquid habeat Anselmi necessi-
 tas illa quæ huic TVissianæ non conueniat. Illa *præcedit*
rem; ista *antecedit*: Illa *facit*, seu *efficit*; hæc *causat*:
 Illa dicitur *causa* vt sit res; ista etiam dicitur *vera cau-*
sa: Illa *cogit rem esse*; ista in eum finem accersit ex *arce om-*
nipotentie vim irresistibilem: Ratione illius verum est, *non*
ideo solum necesse esse aliquid fieri quia fit; *sed ideo fieri quia ne-*
cesse est vt fiat; ratione istius hoc ipsum verum est in eo actu
 quem TVissius liberum vocat, nempe non solum necesse
 esse huiusmodi actum fieri quia fit; *sed ideo fieri quia necesse*
est vt fiat, ex suppositione diuini decreti. Et cum sit sole
 clarius TVissianam hanc necessitatem ipsissimam esse
 quam Anselmus reiicit ab actibus liberis; quis non merito
 rideat vanissimum thrasonem, qui se hâc loci Iesuicis ob-
 struere os dicitur; & dum eam necessitatem quâ negat
 Anselmus vel *loquutionem* vel *seditionem* constringi, qui-
 bus exemplis quæcumque alia operatio similiter libera
 designatur, ipse palam in omnem actum contingentem
 spargit, videri tamen vult ad mentem Anselmi Philoso-
 phatus?

CXXXII. Necessitas, inquis, quam admitto est tan-
 tum necessitas ex suppositione & conditionata. Sed dic-
 amabo ex qua suppositione? An ex suppositione consen-
 sus liberi aut alicuius causæ ab eo dependentis? Minimè
 gentium. Antecedentem enim facis. Ex qua ergo sup-
 positione? Nimirum ex suppositione diuini decreti. Tu
 verò es admirandæ ac reconditæ sapientiæ Theologus,
 qui quærenti quomodo prædefinitio quæ necessitatem
 infert non tollat actus prædefiniti libertatem; ideo negas

rollere, quia illa est necessitas ex suppositione prædefinitionis, hoc est ex suppositione causæ suæ: Atqui quæcumque alia necessitas, est etiam ex suppositione causæ à qua procedit. Coactitia numquid est ex suppositione causæ vim inferentis? Naturalis numquid est ex suppositione formæ quæ naturalem propensionem communicat? Hoc autem explicandum tibi erat, quomodo necessitas quæ est ex suppositione causæ antecedentis vsum libertatis atque ab eo independentis, quæcumque tandem sit illa causa, non destrueret ipsam operationis libertatem. Destruere enim Anselmus significat eo ipso quod est causa *præcedens* & quæ *facit rem esse*.

CXXXIII. Anselmus, inquis, *præcedentem* necessitatem vocat eam tantum quæ est naturalis, vt ostendit exemplum quo vtitur cum dicit *præcedens & efficiens necessitas est, cum dicitur, celum volui*. Quid? num vis etiam ab Anselmo exclusam violentam necessitatem quæ fertur lapis sursum proiectus, eo quod illius exemplum non apposerit? An necesse fuit vt omnium necessitatum quæ præcedunt & libertatem destruunt exempla poneret? Ego similiter conficiam, ex Aristotele non esse in reptilibus potentiam loco motiuam, si forte ille dum eam exprimeret exempla tantum posuit quadrupedantum. Simplex est & minimè inuoluta ratiocinatio. Necessitas quæ facit rem esse, & quæ causa est vt res sit, est necessitas præcedens & inimica libertati, ex Anselmo: Necessitas quæ sequitur ex prædefinitione facit rem esse, & est causa vt sit res, vt ipse concedis: Ergo illa est necessitas præcedens & inimica libertati, iuxta mentem Anselmi. Item. Necessitas sequens & quæ libertati non nocet alia non est ex Anselmo, quam illa quam res facit: illa quæ nihil efficit: illa quæ descendit de libera voluntate; Sed necessitas quam infert prædefinitio non est illa quam res facit: nec illa quæ nihil efficit: nec illa quæ descendit de libera voluntate: Ergo necessitas quam infert prædefinitio non est necessitas quæ apud Anselmum dicitur sequens, & quæ non nocet libertati. Quod si sub secundo illo traditæ distinctionis membro contineri non potest, restat vt ad primum reducat, &

& credatur esse necessitas tum præcedens, tum noxia libertati; aut damnetur Anselmus vna cum sua distinctione. Neque vnquam euinci poterit, esse potiore rationem cur necessitas vna libertatem tollat, quàm alia, si sit vtraque perinde antecedens, atque à libero voluntatis consensu independens.

CXXXIV. Prædefinitio, inquis, apponit conditionem actui prædefinito, quia non fertur in illum quocumque modo, sed vt *libere ac contingenter* eliciendum; ideoque stabilire potius quam tollere libertatem censenda est. Tu verò semper in caput volueris, & eandem repetis contradictionem. Negare non potes quin Deus prædefinendo id esse velit quod sequitur ex ipsius prædefinitione: atqui sequitur ex prædefinitione necessitas vt sit res prædefinita: Ergo vult Deus esse illam necessitatem: Ergo vult vt sit necesse rem fieri. Addis, vt sit necesse rem fieri contingenter. Postquam igitur hæc coniungis, substitue proprias vtriusque rationes, ipsius inquam *necesse* & ipsius *contingentis*: Et quia *necesse*, dicitur *quod non potest aliter fieri*; *contingens* autem *quod potest aliter fieri*, dic velle Deum actum prædefinitum ita sequi, vt *non possit aliter fieri*: & simul etiam ita vt *possit aliter fieri*: atque adeo velle Deum, idem simul esse & non esse.

Neque hic obrudas cauillum diuersorum respectuum. Nisi adeo es subtilis vt intelligas diuerso respectu fieri posse vt aliquod animal in seipso re vera simul sit rationale & non rationale: item aliquod subiectum simul album & non album.

Atque hæc est summa contradictionis quam inuoluit prædefinitio liberi actus, quæ non supponit scientiam mediam. Quia, prædefiniri actum liberum, est prædefiniri actum qui non trahat necessitatem essendi ex causa antecedenti & independenti ab illius voluntate cui liber dicitur: Atqui actum esse prædefinitum, est trahere necessitatem essendi ex tali causa: Ergo prædefiniri actum liberum, est prædefiniri actum qui non sit prædefinitus quod implicat. Vel. Prædefinire vt actus sit liber, est prædefinire vt sit sine causa ex qua trahat necessitatem anteceden-

Seclusâ
scientiâ
mediâ præ-
definitio
non potest
apponere
conditionē
libertatis
actui præ-
definito.
Vide supra
num. 15. &
num. 77.

tem & independentem ad eius voluntate cui liber est : Atqui prædefinitio est talis causa: Ergo prædefinire actum esse liberum, est prædefinire vt sit actus sine prædefinitione. Aduersarij non distinguunt inter, prædefinire vt non sit necessitas operationis liberæ, & prædefinire vt sit operatio libera sine necessitate, quæ tamen plurimum distant. Primum enim non repugnat, & includitur in decreto concurrenti cum causis liberis. Secundum inuoluit eam quam dixi contradictionem. Et ratio est. Quia primum tantum tollit necessitatem operationis liberæ, non ponit autem operationem ipsam necessariò: Vnde potest eius negatio componi cum tali prædefinitione. Secundum autem, & necessariò tollit necessitatem vt sit operatio, & necessariò eandem operationem ponit, quod est tollere idem ac ponere. Vult enim Deus per illum actum & vt non sit necessitas in operatione creaturæ, & vt operatio ipsa sit: & vtrumque vult efficaciter & absolutè, & *irresistibiliter*: vnde quam certò ac necessariò decretum illud operatur *vt non sit necessitas* operationis prædefinitæ, tam certò & tam necessariò operatur *vt eadem operatio sit*. Operatur ergo decretum illud & vt *necessariò existat operatio* prædefinita, & vt non habeat existendi necessitatem, quod implicat.

Extinctæ
libertatis
confessio.

CXXXV. Neque aliud restat, quàm vt dicatur id quod relatis ex Brauardino verbis videtur colligere TVissius, excludi ab Anselmo necessitatem quæ præcedat diuinam voluntatem, quæ est prima radix contingentis ac libertatis actuum nostrorum: qui proinde non desinent esse liberi ac contingentes denominatiuè ab illa Dei voluntate, quemadmodum actus à voluntate nostra imperati vel interni vel externi liberi sunt, tametsi essendi necessitatem trahant etiam antecedentem ex actu imperante à voluntate ipsa elicito. Quod si est ita, neque aliter libera est ipsa per se voluntas creata respectu Dei, quam quomodo libera est motrix facultas respectu voluntatis creaturæ cui subijcitur, actum est de libertate creaturæ, deque illo dominio ac potestate agendi & non agendi quam habet nus & ratio naturalis Philosophis: & institutio diuina

Theologis, & Patribus atque vniuersæ deum Ecclesiæ persuasit.

Brauardinum quod producit TVissius frustra est, quia obtinere aliud non potest, quàm vt concedamus non vnicum esse Anselmi malum interpretem. Et dum instat *Pontificium* fuisse illum; obtinebit hoc etiam, vt fateamur Pontificios omnes non id esse quod Pontifex, infallibiles scilicet in definiendis fidei controuersijs. Manifestum enim est ex iam dictis, nullam esse posse in eo quod iam quaeritur antecedentis necessitatis differentiam, iuxta mentem Anselmi, sed omnem omnino quæ planè sit antecedens, & quam ipsa voluntas nullatenus faciat, perimere ipsius in agendo libertatem. Lubet apponere tria Scoti verba, vt appareat quàm temerè illum allegauerit TVissius, tanquam suæ de liberorum actuum prædefinitionibus sententiæ patronum, cum tamen Scotus nihil habeat quod TVissio congruere possit. Ita enim Scotus. Si esset necessitas præuia ad voluntatem, & voluntas intelligeretur cadere sub necessitate, tanquam impellente in actum & figente in actu; voluntas ageretur & non ageret: nec staret in actu libertas. Vide an hoc sit admittere decretum ex quo sequatur antecedens necessitas quæ *irresistibiliter & inuitabiliter* voluntatem creatam ad agendum moueat. Iterum Scotus. Cum libertas necessitatem compatitur, tunc necessitas CADIT SVB VOLUNTATE, sic quod voluntas propter firmitatem libertatis suæ, SIBI NECESSITATEM IMPONIT, & in eliciendo actum & in perseuerando siue figendo se in illum. An non hæc est necessitas sequens quam facit voluntas ex Anselmo; quæque ideo sola cum eius libertate conciliatur? Addendum & quod habet 4. Sent, Nunquam causam secundam præuentam à causa superiori agente ad vnum oppositorum, posse potentiâ propinqua exire in aliud oppositum. Ex quibus locis manifestum est Scotum Anselmo consentire circa oppositionem antecedentis necessitatis quam non facit voluntas, cum libertate: & circa concordiam necessitatis sequentis, & quam facit voluntas, cum eadem libertate. Possem in eandem quo-

Expressa
Scoti doctrina contra prædefinitiones à sciencia media independentes.
In quodlibet quaest. 16.

dist. 49.
quaest. 2.
dub. 1.

que sententiant producere pleraque S. Thomæ testimonia, nisi hoc iam luculenter præstitisset vir eruditissimus & de tota Philosophia ac Theologia optimè meritus P. Petrus à S. Ioseph Cisterciensis, opusculo proprio, *Defensio D. Thomæ*, inscripto.

Gonzales
e.p. disp 57
num. 54.

Effugium
inutile, non
esse antecede-
ntem illam neces-
sitatem cuius
causa
est antecede-
ns.

CXXXVI. Ex his modò facilè est intelligere, quanti sit faciendum quod aliqui respondent, divinam quidem prædefinitionem esse *antecedentem* ad actus prædefinitos, sed tamen hoc non facere vt necessitas quæ sequitur actus prædefinitus sit etiam antecedens: ac proinde nec esse à ratione liberi actus excludendam. Hoc, inquam, ex dictis satis rejicitur. Anselmus enim non relinquit mediam aliquam necessitatem inter antecedentem & consequentem: ideoque si non est antecedens illa quæ nascitur ex prædefinitione, restat vt dicatur consequens. Non est autem consequens apud Anselmum nisi *quam facit liberum agens* seu quæ *de libera voluntate descendit* vt ipse loquitur: & est manifestum illam quæ oritur ex prædefinitione, nec fieri ab agente libero, nec descendere de libera voluntate: Ergo immeritò dicitur consequens.

Sed & hoc quoque videtur absurdum, negari antecedentem esse necessitatem cuius causa est antecedens, cum constet apud omnes, quamcunque necessitatem sequi conditionem suæ causæ atque ab ea denominari. Et ita naturalis dicitur necessitas illa quæ causam habet naturalem; violenta, quæ vim extrinsecus illatam; absoluta, quæ existentem atque operantem obsoletè; conditionata, quæ suspensam ex aliqua conditione siue in existendo, siue in operando. Iam quo sensu vel qua probabilitate dicetur consequens, necessitas illa cuius causa est antecedens? Et illa quæ dicitur antecedens, quare sic dicitur, nisi quia est ex causa antecedenti? Sed ne circa verba rixari frustra videamur, Necessitas quam abhorret agens liberum illa est, cuius causam ipsum nec impedire potest, nec vincere: Necessitas agendi quæ sequitur ex prædefinitione seclusâ scientiâ mediâ, est eiusmodi: Ergo illa est quam abhorret liberum agens. Neque hoc argumentum eget probatione sed meditatione.

Simplicior est atque candidior doctrina Didaci Alu-
rez, cum dixit, necessitatem ex suppositione voluntatis
diuinæ *antecedere quidem causam secundam*, sed non ante-
cedere *causam primam*. Nos verò etiam non pugnamus
pro libertate causæ primæ; sed pro libertate causæ se-
cundæ, quam violari contendimus ex Anselmo eâ neces-
sitate quæ illam antecedit.

CXXXVII. Idem dicendum de alio subterfugio quo
Caluinum quoque usum constat, vt dicam postea. Nem-
pe, necessitatem hanc ex prædefinitione ortam, esse *con-*
sequentia, non *consequentis*. Nam cum nulla omnino sit ne-
cessitas quâ vnum cum alio connectitur, quæ non possit
dici *necessitas consequentia*; illa dici solet esse tantum ne-
cessitas consequentia, & non tollere libertatem conse-
quentis, cuius antecedens vel non est causa consequen-
tis: vel eius libertatem quodammodo supponit. Et ita ex
diuina præscientia dicitur necessario sequi Iudam pecca-
tuum saluâ illius peccati contingentia & libertate, quia
præscientia non est causa cur ille peccaturus sit, que-
admodum Parres toties inculcant, sed è conuerso. Simili-
ter, ex diuina prædefinitione suppositâ scientiâ mediâ ne-
cessario sequitur exercendum actum prædefinitum, sal-
uâ pariter eius contingentia & libertate: quia prædefini-
tio illa scientiam mediam supponit, & scientia media fu-
turum conditionatè actum illum. At verò quando ante-
cedens necessaria illius consequentia est causa conse-
quentis independens à libertate, nemo dubitare potest
quin non sit tantum necessitas consequentia, sed & con-
sequentis quoque, vt videre est in consequentia amoris
beatifici ex visione, & actus violenter coacti ex vi cogen-
te. Cum ergo diuina prædefinitio, seclusâ scientiâ mediâ,
nec pendeat à nostra libertate, nec illam supponat: & tam
indissolubiler sibi connectat positionem actus præde-
finiti, quàm visio beatificum amorem, aut vis cogens
actionem coactam, quare dicitur tantum necessitas con-
sequentia, & non etiam consequentis? Quia finit, inquis,
liberum esse consequens. Atqui hoc ipsum peto, cur præ-

Disp. 2.
num. 41.
Necessitas
orta ex
prædefini-
tione Di-
daci est
antecedens
respectu
causæ se-
cundæ.
Infrâ disp.
4 num. 112.
Necessitas
quæ sequi-
tur ex præ-
definitione
seclusâ
scientiâ
mediâ non
est tantum
consequentia
sed & con-
sequentis.

definitio quæ facit, vt vel tantâ, vel etiam maiori necessitate sequatur actus prædefinitus ex nostra voluntate, quantâ sequitur amor videntis Deum ex visione; dicatur tamen in illo actu relinquere libertatem, quam visio non relinquit in amore? Et si respondeas, quia prædefinitio infert modum libertatis; contra. In tantum visio non infert modum libertatis, in quantum infert modum necessitatis independentis à libertate: Atqui prædefinitio pariter infert. Ergo negari debet similiter inferre modum libertatis. Reditque semper circulo quodam eadem interrogatio, cum petitur. Quare dicatur necessitas quam infert prædefinitio esse consequentiæ tantum, & relinquere liberum consequens, cum sit ex antecedenti causa & independenti; non dicatur autem id ipsum de necessitate quam infert aut visio, aut vis illata?

CXXXVIII. Neque verò sperent Aduersarij se nobis facile verba daturos. Quæ hic esse dicitur *necessitas consequentiæ*, inter actum prædefinitum & prædefinitionem, est obiectiua quædam necessitas; quâ secundum esse reale, actus ex prædefinitione sequitur tanquam à causa: ita vt necessitas afficiat consequutionem illam, seu emanationem realem: nec est tantum necessitas quædam formalis seu intentionalis consequentiæ, quâ per intellectum vnius cognitio etiam causæ, ex alterius etiam effectus sui cognitione infertur. Si quidem illâ priore necessitate fit, vt non sit tantum necessarium cognosci vnum si cognoscatur aliud; sed & poni reipsa, si aliud ponatur: & ideo tantum sit necessarium cognosci, quia necessarium est & poni re ipsa. Ergo synonyma sunt ista omnia, esse realem illam consequentiæ necessitatem, esse necessariam consequentiam, & vnum ex alio necessario consequi secundum esse reale: & quod est idem, vnum ab alio necessario reali necessitate causari. Iam verò quâ necessitate aliquid causatur, eandem existit: sed actus prædefinitus reali necessitate causatur à prædefinitione: Ergo actus prædefinitus necessario reali necessitate existit: Vnde vltimò sic argumentor. Necessitas illa quâ fit vt non tantum necessaria

cessaria sit illatio consequentis ex antecedente, sed vt ipsum etiam consequens existat necessàriò, non est tantùm necessitas consequentiæ sed & consequentis: Atqui necessitas quâ effectus prædefinitus ex prædefinitione sequitur eiusmodi est, vt non tantùm necessaria sit illatio consequentis ex antecedente, sed vt ipsum etiam consequens, quod est actus prædefinitus, necessàriò existat, vt patet ex dictis: Ergo illa non est tantùm necessitas consequentiæ, sed & consequentis. Hæc autem, etiam per Aduersarios, libertati repugnat: ergo & illa.

CXXXIX. Vnde colliges quàm sit intricata Didaci cogitatio cùm dicit, *Illud consequens, ego faciam hoc in particulari, esse necessarium necessitate consequentiæ, vt subest illi antecedenti, scilicet, Deus vult vt faciam hoc.* Eo enim ipso quod consequens dicitur esse necessarium, admitti debet necessitas consequentiæ: ideoque dicere, consequens esse necessarium necessitate consequentiæ, ludere est, idemque affirmare ac negare. Necessitas enim consequentiæ dicitur ad excludendam consequentis necessitatem; ideoque necessarium esse consequens necessitate consequentiæ, non est aliud quam necessitatem consequentiæ in subiecta materia esse etiam necessitatem consequentis, cùm tamen illa ita nominetur ad hanc excludendam. Consequentia, quæ hic dicitur necessaria, est materialis, sita in connexionione reali actus cum prædefinitione vt causâ, quâ fiat vt sit necessarium & fieri & existere actum dependenter à prædefinitione. Quod autem habet necessitatem existendi dependentem ab eo quod est à mea libertate independens, mihi tamen liberum esse quis meritò dixerit?

CXL. Hinc verò facilè apparet, quantopere intersit Aduersariorum negare independentem esse à libero agente prædefinitionem suam. Quod videtur facere voluisse qui dixit Esse illam in manu nostra: non quidem tanquam effectum procedentem à libertate nostra, sed tanquam causam libertatis nostræ. Sufficere autem vt aliquid dicatur esse in nostra potestate, quod vel sit esse,

disp. 22.
num. 21.

Didacus
Aluarez
pugnanti
loquitur.

P. Ioan. à S.
Thomaqu.
14. disp. 20.
at. 5. p. 678

„ Deipræ-
defini-
tionem
„ esse in
manu

nostra
causet?
Jo. à S.
Th
Quod est
causa esse
in causa
effectus.

Deus libertatis, vel libertas sit effectus illius: & esse perinde atque esse in mea potestate, quia est causa ut actus: seu effectus in mea potestate sit. Quorum verborum sensum qui facile capiat, nullam ego illi puto Apocalypsim obscuram fore. Quid enim aliud quæso est, aliquid esse in mea potestate, quam esse mihi liberam illius existentiam: Mihi autem quomodo libera esse potest illius rei existentia quæ à me ipsa nullo modo nec in vilo genere causæ pendet? Quomodo autem pendeat id quod existentia sua vim omnem meam & facultatem & actionem occupat & præuenit? Sed vide, Lector, quæ hæc tendant? Si verè dici potest prædefinitionis positio esse in mea potestate, atque adeo esse mihi libera; cum sequatur inde mihi quoque liberum esse quicquid ex illa pendet, sit ut dicenda sit esse mihi libera gratiarum omnium præuenientium, quas Deus in nobis sine nobis operatur, positio & existentia. Ecquid dicent, qui capere non possunt, quomodo libertas quæ non existit, sit tamen ratio cur Deus ab æterno cognoscat aliquid esse futurum: ideoque omni præscientiæ necessario putant præmittendum esse decretum; cum iam dicunt prædefinitionem ab æterno existentem, esse in potestate libertatis existentis post æternitatem: quod est rem quæ est, esse liberam ei quæ non est? Vbi autem legerunt, & quo iure postulant, ut sine teste, ac sine probatione concedamus, sufficere ut aliquid dicatur esse in mea potestate *quod mea libertas sit effectus illius*? Num satis Philosophica est illa cogitatio, quæ causa necessariò prærequisita putatur *esse in potestate sui effectus*? Et cum id quod dicitur esse *in manu alterius*, vel *in potestate alterius*, supponatur eo ipso habere aliquam in se ad existendum vel non existendum indifferentiam, determinari autem ab eo *in cuius manu vel potestate dicitur esse*, iuxta illud Ecclesiastici, *Deus ab initio constituit hominem & reliquit illum in manu consilij sui*, quorum verborum sensum mox explicat cum dicit *apposuit tibi ignem & aquam ad quod volueris porrigere manum tuam*: & illud Augustini *Esse id in nostra potestate quod cum*

Retr. cap.

21.

volamus facimus: itaque, *esse in nostra potestate vel inferi bonitate Dei, vel excidi eius seueritate*; cum, inquam, ita se habere dicatur id quod est in alicuius *minu aut potestate*, vt ad illius nutum sit aut non sit; num admittunt æternam & prædefinientem Dei voluntatem ita esse in potestate voluntatis creatæ, atque ab ea quam antecederet determinat, ipsam vicissim determinari ad hoc vt sit aut non sit? An hic admittent circularem causalitatem illam, qua dici possit, & prædefinitionem causam esse cur sit potius quam non sit hoc exercitium meæ libertatis: & hoc exercitium meæ libertatis causam esse, cur sit aut non sit prædefinitio? Cogitationum certè circulus hic vitari non potest, dum interroganti cur sit in mea potestate meæ voluntatis operatio, responderetur, quia prædefinitio quæ ipsa est in potestate mea, hunc illi modum præscribit: & iterum interroganti cur dicatur prædefinitio esse in mea potestate, responderetur, quia operatio mea cum qua illa necessario connectitur, in mea potestate est. Vnde iterum dico inexplicabilem hac Philosophandi ratione sententiam contineri.

CXLI. Eâdem verò confusione laborat quod addunt, habere nos potestatem antecedentem ad tollendam vel ponendam suppositionem prædefinitionis, vel cum ea coniungendam negationem actus prædefiniti. Quod est ingenuè fateri esse potentiam ad impossibile, &, quæ per totam æternitatem non est voluntatem nostram, impedire tamen posse totâ æternitate rem ab ipsa independentem, & cuius existentiæ ipsa nulla ratione supponitur. Verùm hæc omnia satis ostendunt quibus difficultatibus constringantur qui sublatâ scientiâ mediâ tueri volunt absolutas liberorum actuum prædefinitiones. Addo huius sententiæ condemnationem ex Aluare dum dicit, Determinatio diuinæ voluntatis secundum quod est in Deo, & vt est actio immanens illius, non est in nostra potestate; **SED TANTVM IN POTESTATE SOLIVS DEI.**

CXLII. Atque hæc sufficiunt tum ad probandam scien-

idem ib.

Datur potentia ad impossibile in sententia Adversariorum.

Adversarij inuicem pugnant.

disp. 22.
num. 39.

”
”
”
”
In fine præfationis.

tix mediæ necessitatem : tum ad vniuersos Guillelmi TVissij cuius occasione iam eramus digressi , conatus eneruandos. Qui quod profiteatur *se neque antea nauauisse, neque post hac nauaturum operam operosorem* ; eo nomine infœlix & dignus commiseratione videri possit , quod eius operæ pretium non fecerit. Accusandus etiam , & coram Apolline ac musis conueniendus , Quod temerè in messem Scholasticorum falcem immiserit , Poëtice derelictâ , quam si colere pergeret Teutonicus Poëta , & hederam sperare potuisset & vinum.





DISPV TATIO SEC V N D A.

AVCTOR ANONYMVS

LIBRI DE ORDINE

DE Q V E

PRIORI ET POSTERIORI.

I.



VM hoc Doctore eò agendum erit humaniùs, quòd ille amicitiam præfatur; quam etiam dolet ex præscripto Philosophi exemplo-que fuisse post habendam veritati. Sed est tamen nobis pro iure atque officio amicitiae, tum illius causa condolendum, tum nostrâ succensendum. Nam quòd eius contra scientiam mediam disputatio in illud tempus incurrerit, quo Guillelmus TVissius eandem petebat, sicuti prodiret vir egregie Catholicus ad excipiendum Caluini-
stam, suasque cum illo copias iungendas; qui non doleat, amicus non sit: Quòd verò ex vniuerso amicorum cœtu se vnum existimauit sepositum esse, cui se veritas visen-
dam præberet cæteris excæcatis; quis non putet illi merito succensendum? Fuit verò in eo etiam mirabilis eius persuasio, quòd cum duæ omnino partes essent in hac controuersia, ille vnam ita deseruit, vt excesserit alteram: & cum communem Iesuitarum doctrinam impugnet,

Y iij

nec saltem steterit cum Thomistis, vt possit tale aliquid vsurpari de illo, quale olim de eo qui dicebatur & *Senatorem perdidisse & Monachum non fecisse*. Thomistæ siquidem & olim ferè, & hodie plerique omnes, quantum conijcere licet ex P. Ioanne à Sancto Thoma, ita scientiam mediam reiiciunt, vt tamen cogise fateantur ad retinendum conditionatam; neque aliter differunt à Iesuitis, quàm quia id quod isti dicunt cognosci à Deo independenter ab omni decreto, illi è contrario cognosci contendunt dependenter à decreto, sed pariter conditionato. At vero Doctor Anonymus & decretum conditionatum, & scientiam inde sequutam profligat: suamque seorsim familiam ducere aggreditur, rariorem sine dubio minusque frequentem ea de causa futuram. Condonandum hoc tamen, laudandusque conatus, quem amor veritatis expressit: cuius radios quia communicare voluit cum amicis, en adsumus probaturi nouam lucem, oculosque adhibituri non indociles. Quis enim velit esse lumini rebellis? Sed quando ille nobis pro sua humanitate eiusce rei copiam facit, interea dabimus operam vt fumum ab igne distinguamus.

CAPVT PRIMVM.

*Decem rationes Anonymi contra scientiam
mediam examinantur.*

Cap. 15.
ib. n. 1.

II.



cap. 42. n. 9
Quæ sit ob-
iectiua ra-
tio cognos-
cendi futu-
ri condi-
tionari.

Decem argumenta contra Scientiam mediam disposuit. Quæ, vt ipse quidem putat, *firmissima* sunt: quamuis ea nec ex scriptura, nec ex concilijs, nec ex PP. nec ex communibus illis locis vnde conclusio peti debet, vt sit Theologica, deducantur, vt reponere liceat quod de nobis ille pronunciat *Latine quidem & eleganter, sed parum Theologicè*.

Est igitur prima ratio, qua inquit *manifestè* ostenditur

impossibilem esse scientiam mediam, hoc est scientiam futuri conditionati, quia si cognosceretur huiusmodi futurum *vel in se & secundum quod est actu, vel in sua causa*: Neutrum dici potest. Ergo, &c. 1 p. q. 14. 2.
 Breuiter, nego maiorem, & dico futurum conditionatum neque in sua causa cognosci, neque in se *secundum quod est actu, sed secundum quod esset*; quia hoc tantum de illo futuro asseritur, non quod sit, sed quod esset si conditio poneretur: ergo veritas illius cognitionis non requirit *actum qui sit sed qui esset* ex hypothesei. At, inquit, maior illa est. 13 S. Thomæ c. 24. n. 4. qui docet duobus tantum modis futurum contingens (*sive absolutum sive conditionatum*) considerari. Oppono hunc Doctorem ipsum sibi dum ita loquitur. At contra contendendo, ego horum nominem neque vllum alium ante Molinam de Dei scientia media ne per somnium quidem vnquam cogitasse, nec eam vllibi vel supposuisse, vel adhibuisse ad vllam siue Scripturæ sacræ, siue Theologiæ Scholasticæ difficultatem expediendam. S. Thomas eo numero comprehenditur, ergone *per somnium quidem vnquam* cogitarit de scientia media, ac proinde nec de scientia futuri conditionati, quæ apud Anonymum conuertitur cum scientia media. Ergo cum dicit futurum duobus tantum modis cognosci, non intelligit de futuro *sive absoluto sive conditionato* vt vult Anonymus: sed de *absoluto* tantum, quippe qui de cognitione conditionati, *ne per somnium quidem cogitarit*.

Addo particulam exclusiuam *tantum* non esse in D. Thoma, nec dicere illum duobus tantum modis considerari & cognosci futurum contingens. Verba illius sunt. Ad, cuius euidentiā considerandum est quod contingens, aliquod dupliciter potest considerari, vno modo in se ipso, secundum quod iam in actu est, & sic non consideratur, vt futurum sed vt præfens..... Alio modo potest considerari contingens vt est in sua causa, &c. Qua in sententia nihil est quod quemquam prohibeat quominus tripliciter etiam consideret contingens & quadrupliciter, nempe vel prout est actu absoluto: vel prout est actu ex hypothesei: vel prout est in causa quæ aliquando absolute

existit: vel prout esset in causa tantum possibili, si ea poneretur.

III. Sed quia neque hoc dare cogimur, neque verum est D. Thomam non cogitasse vnquam de futuris conditionatis, dico Quadruplicem illum considerandi modum non multiplicari per additionem ad duos illos qui allati sunt, sed per eorum diuisionem: Nam cum dicit futurum considerari posse in seipso secundum quod iam actu est; intelligi potest de actu, qui vel absolute ponitur, vel ex positione tantum conditionis ita est suspensus, ut eam positam infallibiliter ponendus sit. Similiter cum dicit futurum considerari posse in sua causa, interpretandum est de causa, quæ velexistit aliquando, vel existeret si Deo ita videretur. Atque ita liberum erit, vel absolute negare maiorem illam, vel iuxta interpretationem hanc ita distinguere, nihil ut inde possit concludi contra scientiam futuri conditionati.

IV. Instat Anonymus. Quod est nobis futurum, esse debere Deo præsens ut ab eo cognoscatur: Futurum conditionatum non posse Deo præsens esse. R. Primò probationem *Manifestam* qualis esse ista dicitur, non debuisse alligari obscurissimo principio, cuiusmodi est illud, quod ratio intelligendi futura contingentia sit præsentia, quam habent in æternitate Dei: de cuius germana intelligentia ipsi quoque Thomistæ in partes diuisi sunt. Deinde dico id quod est nobis futurum, esse debere Deo præsens ut intelligatur, eam ratione qua nobis futurum est, non autem aliâ. Cum ergo futurum conditionatum ita nobis futurum sit, ut eius futuritio sit ex conditione suspensa, Deo quoque ita præsens esse debet, ut ea præsentia ex eadem conditione suspensa sit. Et hoc est quod Deus scire debet, si est omni-scius, nempe, nihil aliud requiri quam ut ponatur talis conditio, ut talis effectus æternitati suæ realiter fiat præsens: nihil, inquam, aliud requiri ut pœnitentia Tyrionum v. g. ex eorum libera voluntate sequatur, & quando ita loqui volunt, æternitati realiter præsentetur, quam ut præcedat talis gratia cum talibus circumstantiis. Neque verò inde consequens est

est, vt quemadmodum suspensa est praesentia illa realis futuri conditionati, sit etiam suspensa obiectiua praesentia, & existentia scientiae, quae id ipsum cognoscitur; cum constet obiecti conditionati esse posse tum cognitionem, tum volitionem existentem absolute; nihilo minus quam possit esse tum cognitio tum volitio praesens obiecti tum futuri tum praeteriti: addo & cognitio spiritalis, obiecti corporei, & accidentalis, obiecti substantialis. Cognitio enim non imitatur modum obiecti quoad suam existentiam & entitatem, sed tantum quoad representationem, in quantum non repraesentat nisi quod est, atque adeo quod est futurum vt futurum, quod est praesens vt praesens. Et quemadmodum non est necessarium, vt illud contingens cuius cognitio coexistit aeternitati totaliter & adaequate, seu potius ipsa per se aeterna est, eidem aeternitati coexistat *totaliter & adaequate* vt Anonymus fatetur: ita neque necessarium est, vt illud cuius cognitio existit absolute, habeat etiam ipsum absolute aut existentiam aut praesentiam. Antichristus v. g. quamvis non coexistat *totaliter & adaequate* aeternitati Dei secundum realem praesentiam, eius tamen cognitio & consequenter eius obiectiua praesentia ratione talis cognitionis nihilo minus antiqua est quam Deus ipse. Similiter etiam quamvis poenitentia Tyrionum suspensionem habeat praesentiam, hoc est existentiam realem ex conditione possibili vocationis & miraculorum: eius tamen cognitio in mente diuina existit absolute, & consequenter etiam eius obiectiua praesentia ratione talis cognitionis absolute est & minime suspensa. Vt enim cognoscit Deus successiua simul, composita simpliciter; multa vnitate, ita & conditionata cognoscit absolute. Atque ita diluitur prima ex *certissimis & manifestis* rationibus.

V. Secunda nullius est momenti, & in quaestionem de voce definit. *Scientia conditionata*, inquit, *dicit imperfectionem essentialiter*. Hoc verò negatur. Probat autem inductione. Sed haec inductio in quibus fiet? Opinor in creatis; Atqui eadem inductione constabit omnem omnino scientiam formam esse accidentariam, ac proinde

Cognitio
quae condi-
tionata est
ex obiecto,
non
dicit im-
perfectio-
nem.

nullam esse in Deo. Adoremus ergo stipitem, quando scientia omnis imperfecta est & indigna Deo. Sed, inquit, particula, *Si*, est coniunctio, & nota coniunctionis mentalis. Verbum, *est*, numquid etiam est copula & nota compositionis mentalis? Negemus ergo scire Deum quod hac propositione significatur *homo est animal*, ne cognitionem putetur habere compositam, quando propter idem periculum scire negatur *conuertendos Tyrios si vocentur*.

Quis sit
sensus pro-
positionis
conditio-
nalis?

Eadem, inquit, particula significat illationem mentalem. Sed hoc præcisè negatur; significat enim tantam concomitantiam duorum enuntiabilium, cum dependentia vnius ex alio vel libera vel necessaria: id quod adeò verum est, ut ne Thomistæ quidem aduersentur, qui præter sensum illatiuum consequentis ex antecedente respondentem hypotheticæ propositioni; distinguunt alium non illatiuum, de quo videri potest Didacus Alvarez d. 7. de auxilijs num. 7.

Et cum instat Anonymus, si nihil aliud intendamus, quàm Deum intelligere id quod nos enuntiamus conditionatè, hoc non esse ponere in Deo scientiam conditionatam, non magis quàm discursiuam ex eo quod, &c. R. Nos omnino nihil aliud intendere, quàm Deum suo modo, id est, perfectissimo ac diuino, id ipsum cognoscere, quod nos modo imperfectiore cognoscimus dum dicimus verbi gratia *Tyrios conuertendos si vocentur*. Quod si non placet istiusmodi cognitionem in Deo dici conditionatam, viderit ipse quid vocet eam, modò esse non neget. Noster est tamen sermonis vsus atque possessio; nec est necessarium ut scientia conditionata nomen accipiat ex modo sciendi potius quàm ex obiecto.

Quæ sit
obiectiua
veritas
propositio-
nalis con-
ditionalis.

VI. Tertia, Veritas cognitionis conditionalis est veritas connexionis antecedentis & consequentis: nulla verò Dei cognitio constat antecedente & consequente: ergo nulla potest esse vera illà veritate. Hæc ratio includebatur in priore, qua ideo negabatur esse in Deo cognitio conditionata; quòd ea sit illatiua. R. Nego maiorem,

quòd in ea malè describatur veritas cognitionis conditionalis : quæ non est aliud, quàm eius conformitas cum obiecto suo, hoc est cum obiectiua concomitantia & sequela libera & contingenti effectus liberi ex sua causa. Quam dico etiam respectu Dei vocari posse connexionem antecedentis & consequentis, dummodo hæc nomina de obiectis dicantur, non de cognitione ipsa, & connectio intelligatur esse libera, non necessaria.

VII. Quarta conficitur ex varijs interrogationibus. 1.

Cur constituamus tertium genus scientiæ potiùs pro futuris conditionatis, quam pro præsentibus aut præteritis? &c. Concedat nobis Anonymus scire Deum id quod vocamus futurum conditionatum, verbi gratia liberè sequuturam Tyrionum conuersionem ex hypothesi vocationis; postea enim facile permittemus vt huiusmodi scientiam ad illud genus reducat quod ei magis placuerit, si non placet ad tertium ad secundum saltem, sin minus ad primum; Optionem illi damus loculi commodioris.

Quod verò addit, Tyrionum conuersionem illam hypotheticam, esse præteritum conditionatum; obiectionem propositam atque interrogationem soluit. Cum enim constet præscientiam illius conuersionis reduci à nobis ad genus scientiæ mediæ; consequenter non constituimus tertium genus scientiæ pro futuris conditionatis, potiùs quàm pro præteritis. Idem dicerem si protulisset exemplum de præsentì conditionato. Nempe non vocamus tantùm futurum conditionatum illud, quod ita se habet vt occasio & tempus ponendi conditionem ex qua illud sequuturum pronuntiatur, pendere adhuc & futura esse intelligatur; sed illud cuius conditio non intelligitur esse posita, siue tempus illam ponendi præterierit, siue non. Et ita quamuis tempus vocandi Tyrion præterierit, tamen quia non intelligitur posita vocatio, dicimus futuram eorum poenitentiam ex hypothesi vocationis; liberumque relinquimus vt hoc significetur per verba temporis præteriti, vel præsentis, vel futuri. Hoc modo, si hoc fuisset, fuisset & illud, si hoc ponitur, ponitur & illud, si hoc ponetur & illud quoque, prout aptius Gram-

Arbitrariū
est præ-
scientiam
condition-
atorum
vel seponere
in diuisione sci-
entiæ vt sit
tertium
membrum,
vel ad alterum
duobus red-
ucere.

maticis atque oportunius videbitur.

Scientia
conditio-
nata *nece-
sari-um*
comprehē-
ditur sub
sciētia sim-
plicis in-
telligentiæ;
non ita *le-
ber-um*.

2. Interrogatio est. Cur illa scientia est potius de futuris conditionatis liberis, quàm de necessarijs? Facilis est responsio, quia libera non sunt necessaria, nec necessaria libera. Quòd si adhuc petit quare non admittatur speciale genus scientiæ pro conditionatis necessarijs. *Re.* Quia scientia simplicis intelligentiæ necessariò est etiam scientia futuri conditionati necessarij. Cùm sit impossibile, sciri solem esse necessariò lucentem, & nesciri futuram lucem si Sol producat: unde fit ut scire solem posse creari, sit scire futuram lucem ex hypothesi creationis. At verò, quia possibile est non consentire Tyrios si vocentur: ideo scire illos posse vocari, non est scire consensuros ex hypothesi vocationis.

3. Interrogatio, cur illa scientia conditionata sit potius ad futura conditionata quæ numquam erunt, ut volunt nonnulli prædictæ scientiæ assertores, quàm ad ea quæ erunt aut fuerunt? *Re.* Si qui sunt qui tam malè philosophentur, ut non putent scientiam conditionatam præcludere diuinæ voluntati etiam circa illa, quæ deinde aut faciente aut permittente Deo, fiunt de conditionatis absoluta, & existunt in aliqua differentia temporis, viderint illi quid sint responsuri. Ego ad illam opinionem defendendam, procurationem nec habeo, nec habere volo.

Quare de-
tur medius
locus sciē-
tiæ condi-
tionato-
rum libe-
rorum.

VIII. Quinta ratio est, *non esse multiplicandam in Deo scientiam sine necessitate* quæ hic nulla est. Siquidem scientia futuri conditionati reducitur ad scientiam visionis, si tale futurum cum sua conditione existit in aliqua temporis differentias & sinunquam existit, ad scientiam simplicis intelligentiæ. *Re.* Ut suprà, conueniamus ut dicatur Deus certò scire Tyrios verbi gratia ex hypothesi vocationis & miraculorum conuertendos, & sic de alijs; & postea videbimus sub quo genere constituenda sit hæc scientia. Addo. Si velit Anonymus scientiam illam reduci ad scientiam simplicis intelligentiæ, propterea quòd & vocatio & conuersio Tyriorum nec fuit vnquam, nec est, nec crit; impetrare debebit à Theologorum repu-

blica vt aliquid contingens, & cuius contradictorium sciri absolutè possit, pertinere dicatur ad scientiam simplicis intelligentiæ. Nam quòd Tyrionum conuersio, etiam ex hypothesi vocationis, non sit futura possibile est absolutè: vnde fit absolutè loquendo, tam sciri posse non futuram, quàm futuram: & tamen re ipsa scitur futura tantùm ex illa hypothesi, & non scitur non futura; quod contingens est. Similiter si velit scientiam conuersionis Sancti Augustini ex hypothesi vocationis quam accepit in horto illo vbi cum Alipio versabatur, pertinere ad scientiam visionis, propterea quòd & talis vocatio, & talis conuersio re ipsa sequutura est, & transijt in existentem absolutè; impetrare debebit, vt sibi dicere liceat ad scientiam visionis reduci posse scientiam rei præscindendis ab absoluta obiecti sui existentia. Præciso enim absoluto Dei decreto de vocando Augustino, & consequenter præcisâ tum vocationis tum conuersionis Augustini absolutâ existentia, intelligimus Deum scientem sequuturam Augustini conuersionem ex tali vocatione, non secus ac sequuturam Tyrionum ex alia tali. Nos verò quia nolumus importuni esse Theologis, excludentibus à scientiâ simplicis intelligentiæ contingentia, de quibus aliquid aliud asseritur quam quòd sint possible; & à scientiâ visionis, absolutè nusquam existentia, medium locum inuenimus in quo scientiam futuri conditionæ poneremus. Addit Anonymus demonstraturum se postea, scientiam visionis rerum omnium causam esse ipsque priorem, nos verò demonstrationem illam expectabimus: & simul examinabimus an reuera stare commodè possit creatorum agentium libertas, cum diuinis decretis scientiâ mediâ reiectâ.

IX. Sexta, *falsum est*, inquit, *quod dicunt scientiam illam mediam esse priorem scientiâ visionis, quâ enim prioritate? Non durationis, non causalitatis, &c.* Nolo alias ex alijs quæstiones necitare; nec ad examen vocare totam Anonymi lucubrationem de priori & posteriori. Loquatur vt lubet; concedat nobis aliquam esse in Deo scientiam quæ illius voluntati præluceat (concedit autem etiam sub illo

Scientia futuri conditionati liberi quodammodo prior est tamen.

termino cap. 34. num. 6.) aut si displicet *non praeleuat*, quæ saltem Deum constituat in ratione agentis liberi com-
ple-issimè: & quæ præscindat nihilominus ab absoluta & actuali existentia liberi effectus. Esse huiusmodi scientiam in Deo, si concedere nolit, interrogo: an non liberè absteineat Deus ab alio Angelo producendo? Non negabit, opinor. Si verò liberè abstinet, ergo abstinet cum omni cognitione ad hoc necessaria ut velle possit illum creare. Ergo cognitio qua velle potest illum creare, præscindit etiam præcisione reali; à tali creatione: ac proinde etiam à scientiâ visionis talis Angeli quæ foret si Deus illum creare vellet. Iterum interrogo. Si Deus illum creare vellet, quem liberè non creat, perirèrne talis scientia? Non ut opinor: in auditum enim est, ut quod ad aliquid requiritur, eius suppositione destruat. Effet igitur adhuc illa scientia cum voluntate creandi, & consequenter esset cum scientia visionis, à qua iam abstrahit. Iterum ac tertio interrogo, quomodo ergo se haberet illa scientia ad scientiam visionis? Effet ne prior, an posterior? Et quod respondebit Anonymus, sibi sumat. Ita enim dicimus se habere scientiam mediam ad scientiam visionis, quando idem est vtriusque obiectum, quod de conditionato transit in absolutum, cuiusmodi est verbi gratia conuersio Augustini quæ de conditionatè futurâ facta est futura absolutè; quomodo se habet illa, qua Deus completur ultimò ut liberè possit creare vel non creare Angelum, ad illam qua videt eundem Angelum dum de possibili fit existens; quod attinet ad rationem prioris & posterioris. Et velit nolit Anonymus concedere debet hic reperiri prioritatem in subsistendi consequentia: Item illam quæ saluâ identitare reali concipi potest inter cognitionem diuinam exhibentem obiectum volitioni, & volitionem obiecti ita cogniti. Nam quòd ille ordo, qui reperitur inter operationem intellectus & voluntatis creatæ, reperiatur etiam inter scientiam & voluntatem Dei: quantum patitur realis identitas & simplicitas: & communis sensus sapientum fatetur, & diuinæ processiones confirmant. Quid enim aptius respon-

deas interroganti, quare Spiritus sanctus non sit secunda persona; quæ cum Patre generet filium ab eo nullatenus spirata; quam quia intellectio est prior volitione aliqua ratione quæ in ipsa earum naturâ fundatur: vnde fit vt quod ex intellectione procedit, principium esse debeat illius quod procedit ex volitione, potius quàm è conuerso, idque ex natura rei?

X. Septima, Neminem nostrum ita desipere vt hypothetica iudicia simul concipiat cum absolutis de eadem re. Quis enim, inquit, lucentem cernens lunam dixerit, si luceret Luna eam aspicerem; aut breuiarium tenens aut legens, si haberem breuiarium; illud legerem, &c. *Re.* Neminem nostrum ita desipere debere, vt neget idoneos esse hypotheticos syllogismos, in quibus à positione antecedentis proceditur ad positionem consequentis: vt cum dico, si Sol lucet, dies est: Atqui Sol lucet, ergo dies est. Sed in huiusmodi syllogismis necesse est vt concipiantur hypothetica iudicia simul cum absolutis de eadem re, vt patet in hoc exemplo, in quo nò, *dies est*, absolute iudicatur in conclusione, & hypotheticè in maiori propositione: Ergo &c. Exempla quæ proponuntur ab Anonymo, ideo sunt absurda, quia in illis iudicium absolutum & experimentale præsupponitur hypothetico; prius enim cernitur Luna, & prius tenetur breuiarium; quo posito absurdum est concipere hypotheticam propositionem, conditionalem illam connexam per particulam *Si*, quia intellectus significatur esse adhuc suspensus circa iudicium absolutum. Non est autem absurdum posito etiam illo experimentali & absoluto iudicio; concipere adhuc iudicium causale quo dicatur, *quia lucet Luna, illam aspicio: & quia breuiarium habeo, illud lege.* Vnde semper manet iudicium hypotheticum stare cum absoluto de eadem re. Siquidem hæc propositiones causales continentur sub hypotheticis vt constat ex D. Thoma.

Iam vero quando iudicium hypotheticum, etiam conditionale, præsupponitur absoluto, esse ambo simul in eodem intellectu & circa rem eandem, qui neget; ille

An & quomodo ster hypotheticum iudicium cum absoluto de eadem re.

desipiat. Ita enim accidit passim dum vtimur hypothetico syllogismo vt iam dictum est, vtimur autem, aut vti debemus dum deliberatè agimus. Quid enim? An non magnæ sapientiæ est, priusquam aliquid concludas, ita iudicare apud te, *si hoc volo, sequitur illud*. Quòd si tunc voluntas substituatur veluti minorem propositionem, *atque hoc volo*. An non est locus absoluto iudicio quo dicas, *hoc sequitur*? Ita vero se res habet in intellectu diuino, sublati imperfectionibus. Scit enim Deus independenter ab omni decreto absoluto, *Si moueatur Stephanus ad orandum pro Paulo, pro illo oraturum*. Cui scientiæ decretum adiungit quo statuit Stephanum ad hoc mouere: & sequitur inde visio orationis Stephani: atque aliud decretum, quo intuitu orationis visæ, statuit vocare Paulum.

Et cum dicit Anonymus esse hoc *indigné de Deo sentire*, cauere debet ne cui det occasionem de ipso aliter sentiendi quàm amici cupiant. Nam quod sit aliquid absurdum in ijs quæ ille repræsentat, repræsentantis culpa est, qui colorem idoneum adhibere noluit cùm facillè posset: Nec aliud exigendum ab ipso quàm vt suas ille species emendet, futurum enim statim vt neque de Deo indignè sentiat, neque iudicium conditionatum excludere putet absolutum de eadem re.

Futurum
conditio-
natum quo-
modo & à
merè possi-
bili distin-
guatur &
ab absolu-
tè futuro.

XI. Octaua, Ex futuris conditionatis quæ in medium proferuntur, plurima non esse futura; quod nec ipsa nec eorum conditio aliquando ponenda sint: Item, quia quod est futurum, dicitur futurum respectu alicuius præsentis aut præteriti, Item, erit aliquando præsens aut præteritum, quod non cadit in ista conditionata saltem plurima: esse igitur tantum possibile, prout possibile opponitur impossibili actuali. &c. Plurima ex futuris conditionatis non esse absolutè futura, neque talia, vt dici de illis possit, *erunt*: sed tantum, *essent* si conditio poneretur. Quid tum? Hoc solum nobis concedatur de illis verè dici posse, *si hoc esset, & illud quoque*: & contenti sumus. Hoc autem neque Augustinus negat, neque Prosper dum ea vocant futura, quæ non sunt futura. Et cum dicit Anonymus, quod est futurum dici futurum *respectu alicuius præsentis*

præsentis aut præteriti ; hoc sensu verum est , quòd nimirum non debeat coexistere præsentis aut præterito , & hoc maximè conuenit conditionatis illis de quibus tantum dicitur quòd essent ex hypothesi. Quod autem addit futurum dici tantum quod erit aliquando præsens aut præteritum ; concedendum de futuro absoluto ; negandum de conditionato , quod ideo tantum futurum dicitur , non quia *erit* aliquando , sed quia *esset* si conditio poneretur. Denique hoc futurum in eo differt à merè possibili , quia ipsius contradictorium est etiam possibile , dicitur autem de ipso aliquid quod non dicitur de contradictorio. Tyrios non conuerti ex hypothesi vocationis est possibile , rectèque dicitur , si vocarentur Tyrij possent non conuerti : Conuersionem autem ipsam non solum dicimus possibilem ex hypothesi , sed omnino futuram. Non , inquam , dicimus tantum , si vocarentur possent conuerti , sed omnino , conuerterentur. Ergo hæc conuersio non est tantum possibilis , quod superaddat actualitatem ex hypothesi futuram.

XII. Nona ratio multa complectitur & confundit , bona , malæque. Deus , inquit , non potest scire scientiâ conditionatâ quid sit futurum in his vel illis circumstantijs. Primò propter rationem primo argumento propositam. Quid ? ratio quoque proposita secundo & tertio argumento & alijs consequentibus non hoc ipsum concludebat ? Ecquid quæso probandum assumpsit hoc toto capite , atque his decem argumentis , quàm *Deum non posse scire scientiâ conditionatâ quid sit futurum in his aut illis circumstantijs* ?

Addit secundò rationem aliam , quæ ipsa erit Nona , *quia inquit , scientia conditionata nihil ex se ponit in re , tollit ve : nihil affirmat aut negat futurum , subaudi absolute* Quasi diceret , scientia quæ nihil ponit in re tollit ve : & quæ nihil affirmat aut negat absolute futurum , non est in Deo : sed conditionata talis est : Ergo. Abutor Lectoris otio si respondeam ; Breuiter dico in maiori peti principium. Addo scientiam quæ nihil ponit in re , hoc est in obiecto absolute , ponere tamen in sciente cognitionem eo di-

gnam : quòd ad illum pertineat non tantum scire quid absolutè ponatur , sed insuper si poneretur hoc , quid aliud ex eo vel necessariò vel contingenter & liberè sequeretur.

Addit tertio aliam rationem , quæ dici posset decima. Quia cùm de omnibus ferè de quibus fiunt propositiones absolutæ , fieri possint hypotheticæ , admittenda erit in Deo conditionata de rebus omnibus scientia , eaque prior absolutâ , quod est absurdissimum. *¶* Nego esse posse de rebus omnibus scientiam quæ & superaddat aliquid ei cognitioni qua sciuntur esse possibiles , eo modo quo paulò ante dictum est ; & præscindat ab absoluta earum existentia : & consequenter nego dari de omnibus scientiam conditionatam , prout illa conuertitur cum scientia media.

Dei decretum quomodo includatur in hypothesis in qua sciatur aliquid conditionatè ac liberè futurum.

Addit quartò aliam rationem , quæ dici deberet vndecima. Quia Deus non potest scire quid sit futurum , nisi sciat omnes causas à quibus illud futurum pendere potest : has autem omnes illâ non nouit scientiâ , quia scilicet decretum suæ voluntatis , sine quo nullus effectus esse potest , nullum nouit. *¶* Cognoscere Deum omnes causas futuri conditionati , & suum quoque decretum illud quod necessarium est ad huiusmodi futuritionem. Sed dico ad hoc nullum esse necessarium decretum existens absolute , seu quod de facto sit , sed tantum quod esse possit. Hypothesis ex qua intelligit Deus aliquid conditionatè futurum , est hypothesis talis voluntatis in talibus circumstantijs ponendæ & adiuuandæ concursu necessario ad agendum & eius libertati accommodato , quæ hypothesis includit decretum concurrenti , non vt positum actu , neque vt ponendum , saltem absolute , sed vt ponibile. Hinc Deus sequi videt voluntatem operatam liberè. Et ita concipi debet illa scientia , vt dicat Deus , præscindendo ab omni existentia decreti liberi & à scientia visionis quâ suum ipse decretum intelligit vt existens actu & absolute ; *Si volo creare illam voluntatem in talibus circumstantijs , & si volo cum ea concurrere quomodo aptum est vt eius libertas soluetur ; liberè illum actum eliciet : vel liberè non eliciet.*

Et dum quærit Anonymus quale sit illud decretum, siue illa Dei voluntas quæ tunc intelligitur, absolutæ an conditionatæ? &c. Interrogando vicissim qualis sit illa voluntas qua Deus de facto decernit creare voluntatem hominis aut Angeli & suum illi concursum exhibere accommodatè ad eius libertatem? Talis enim intelligitur per scientiam quæ præscindit à scientia visionis, qualis ponitur reipsa, qualisque per ipsammet scientiam visionis intelligitur. Sed est tantum differentia, quod per istam intelligatur ut existens actu absolutè; per illam ut possibilis. Quemadmodum enim intelligit Deus se posse velle creare alium Angelum, quem de facto creare non vult, & consequenter intelligit suam illam voluntatem ut possibilem, præcisâ illius actuali & absolutâ existentia; ita intelligit se posse velle creare illum quem de facto creare vult, & se posse velle cum eius voluntate concurrere, independentè & præcisè ab actuali & absoluta vtriusque decreti positione: & hoc voco intelligere *ut possibilem*, non quasi concipiatur positiuè illius non existentia, sed quia præcisa est, ad eum modum quo scientia simplicis intelligentiæ qua intelligitur Michaël ut possibilis, præcisa est & ab eiusdem Michaëlis existentia, & à scientia visionis quæ intuetur existentem. Ex hac autem possibilitate tum Angeli, tum decretorum, sequi dico conditionatè, hoc quidem liberè ac contingenter futurum, illud vero liberè ac contingenter non futurum. Et miror quod Anonymus hic misceat refutationem Suaris asserentis in Deo dari scientiam tum conditionatam tum absolutam respectu diuinorum actuum tanquam aliquo modo & improprie futurorum tum absolutè tum conditionatè: disparata enim est illa controuersia, de qua quid quid statueris parum refert ad huius argumenti solutionem.

XIII. Decima & vltima ratio non impugnatur scientiam conditionatam qualis à nobis ponitur, sed aliam quandam imaginariam quâ scilicet sciri dicitur quid futura esset voluntas in his aut illis circumstantiis, si se sola & independentè à Deo ageret. Quare si qui sint qui propo-

nendis soluendisque huiusmodi quaestionibus delectentur, viderint ipsi quid sint responsuri. Hoc tantum dico eâ parte parum efficaciter impugnari hanc scientiam ab Anonymo., quod illâ hypothese admissâ, nempe scire Deum quam in partem esset inclinatura voluntas si ageret se sola in his & illis circumstantijs, contendit eiusmodi scientiam pertinere vel ad scientiam visionis, vel ad scientiam simplicis intelligentiæ. Nam, inquit, datâ illâ hypothese, vel est aliquid factura voluntas, vel non: si primum, pertinet hoc ad scientiam visionis; si secundum, ad scientiam simplicis intelligentiæ. Hæc verò argumentatio laborat duplici peccato: & quidem manifesto.

Libera
re-
rum non
ex-
isten-
tia
reducitur
ad ob-
iectum
scientiæ
visionis.

Primum quod illud quod supponitur futurum ex hypothese etiam impossibili, confundat cum eo quod existit absolute in aliqua temporis differentia: ideoque ad obiectum scientiæ visionis reducat: Secundum, quod voluntatem non esse aliquid operaturam cognosci putet à Deo per scientiam simplicis intelligentiæ: fallor quæ nisi etiam noctes & cæcitates & id genus obiecta sciri à Deo putat eandem scientiâ. Atqui ego putabam eandem esse contrariorum scientiam; & liberas ac contingentes entium actionumque negationes reduci ad idem genus, ad quod etiam reducitur libera & contingens eorum existentia, quorum negationes sunt, Dionysio præcunte apud S. Thom. cum dicit *Deum per semetipsum tenebrarum accipere visionem.*

Quæst. 14.
p. ar. 10.

Atque hæc est summa decem argumentorum quæ contra scientiam mediam comparauit Anonymus, Ipsius iudicio *firmissimorum*. Ita nimirum expediebat sentire illum ac loqui, ne probabilis causa discessionis ab amicorum sententiâ nulla fuisse videretur. Spero autem æquum Lectorem collatis solutionibus facile iudicaturum, fuisse illam admodum improbabilem; cum si vel dubia foret hæc controuersia, momentisque librata paribus vtriuslibet opinionis optionem exhiberet Philosophantibus; non potuerit tamen nescire vir eruditus, *in dubijs possessionem stare debuisse pro amicitia.*

CAPVT II.

*Impetus Anonymi contra Ludouicum
Molinam retunditur.*

XIV. **P**OST oppugnatos vniuersim Affertores
Scientiæ mediæ, Ludouicum Molinam
duello petit Anonymus, monstraturus ^{cap. 26.}
in illo *quid nouitatis & falsitatis habeat hæc*
scientia. Ita vero cum eo agit vt ad amussim exigat omnia, ^{num. 2.}
circa verba quoque ac dicendi rationem rixatus: illibera-
lius certè quàm ferant amicorum officia, quos decet
sua inter se ita componere, vt neque in æquilibria scrupu-
losius intenti sint: neque minutias sua reuocent ad com-
puta. Quod si nobis quoque placeret illa seueritas in
excutiendis Anonymi commentarijs, quis finis? Et quæ
pagina non vberem suppeditaret vitilitigandi materiam?
Sed non committam vt in ea re vel otio abutar meo,
vel de Lectoris humanitate desinam benè mereri.

§. I.

*Seclusâ scientiâ mediâ difficilem esse liberi
arbitrij cum præscientiâ & Diuinis
decretis concordiam.*

PRimum ergo Molinæ peccatum est quædam peri-
culi denuntiatio, si qui sine directione scientiæ me-
diæ diuinam prouidentiam cum libertate arbitrij & re-
rum contingentia conciliare velit, *Quod periculum*, inquit
Anonymus, *Non ego solus non video, sed nec vlli ante eum*
Doctores Scholastici aut SS. Patres animaduertuerunt. Diffi-
cilem esse diuinæ præscientiæ ac prouidentiæ cum arbitrij

A a iij

libertate concordiam ; & esse periculum nequis in ea hallucinetur, vt vult Molina, opinor, idem sunt. Neque ego iam contendo illam seu difficultatem seu periculum tolli adhibita scientiæ mediæ distinctione: sed quod Doctoribus Scholasticis & Sanctis Patribus, quibus ea fuisse dicitur ab Aduersarijs incognita, proindeque sine illa philosophati sunt, difficilis visa sit diuinæ præscientiæ cum arbitrij libertate conciliatio; adeo est manifestum, vt si quis neget, desiderare nos cogat suam vel diligentiam in voluendis antiquiorum monumentis, vel attentionem in obseruandis, vel in retinendis memoriam.

- cap 30. n. 5 „ Ideoque valde miror id quod habet idem Auctor Theo-
 „ logos omnes ante recens excogitatam scientiam mediam
 „ prædicta omnia (*quæ ad gratiam efficacem pertinent*) com-
 „ modè & sufficienter declarasse, *Et illud*, Totam hanc
 c 42. n. 3. „ certitudinem, concordiam, suauitatem, & efficaciam
 „ præscientiæ, prouidentia & concursus diuini cum nostra
 „ libertate, ab Antiquis & præstantissimis Theologis longè
 „ melius solidiusque declarari, quàm ab vllis recentioribus.
 Nimirum ipse quoque de se non aliter ac de Antiquis
 sentit, & ideo exposita illa, quam idoneam credidit,
 ib. n. 4. „ huius concordia ratione, subdit. Quid contra hæc ab
 „ Aduersarijs obijci, aut quid amplius in hac materia ab eis
 „ rationabiliter quæri, aut ab alijs responderi possit, non
 „ video: hacque responsione Theologi antiqui totam dif-
 „ ficultatem exhaustam esse putant, nec aliam communiter
 „ tradunt, ac nominatim S. Thomas.

Difficilis XV. Erit fortasse postea quod & obijciamus & respon-
 semper vi- deamus. Interea dico, non satis isti conuenire cum ijs qui-
 sa præsci- bus has difficultates quas Molina proposuit fuisse putat
 tiæ ac pro- incognitas. Patres nominat. Vnus Augustinus sit instar
 uidentia cum liber- omnium, qui libro secundo de peccatorum meritis &
 tate con- remissione ita loquitur. Ipsa etiam ratio quæ de ijs rebus
 cordia. „ à talibus quales sumus iniri potest, quemlibet nostrum
 Cap. 18. „ quærentem VEHEMENTER ANGVSTAT, ne sic defendam-
 „ mus gratiam, vt liberum arbitrium auferre videamur,
 „ rursus ne liberum sic asseramus arbitrium, vt superba im-
 „ pietate ingrati Dei gratiæ iudicemur. Et vt Augustinus

angustari vehementer se dicit, vbi eum Anonymus ambulare putat in latitudine.

Idem in libro de gratia Christi contra Pelagium & Celestium; Sed quia ista quæstio vbi de arbitrio voluntatis „ & Dei gratia disputatur ita est ad discernendum DIFFICILIS, vt quando defenditur liberum arbitrium, negari „ Dei gratia videatur: quando autem asseritur Dei gratia, liberum arbitrium putetur auferri; potest Pelagius ita se „ LATEBRIS OBSCVRITATIS INVOLVERE, vt etiam ijs quæ „ à Sancto Ambrosio conscripta posuimus, consentire se „ dicat, & ea quoque se sentire proclamet, semperque „ sensisse, atque ita singula conetur exponere, vt etiam suæ „ sententiæ conuenire credantur. Hic etiam Anonymus „ periculum nullum videt vbi Augustinus videt quæstionem *difficilem, obscuram, inuolutam latebris*, in quibus hæretici delitescunt; gratiæ diuinæ scilicet ac liberi arbitrij hostes.

Idem in libro de gratia & libero arbitrio ad Valentinum & cum illo Monachos: Nuntiatum est mihi vobis, „ Fratres, ab aliquibus qui in vestra congregatione sunt „ & ad nos inde venerunt, per quos & ista direximus, quod „ de hac re (*de concordia gratiæ cum libero arbitrio*) dissensiones in vobis sunt. Itaque dilectissimi ne vos perturbet „ huius quæstionis OBSCVRITAS moneo vos primum vt de „ ijs quæ intelligitis agatis Deo gratias. Quidquid est autem „ quo peruenire nondum potest vestræ mentis intentio, „ pacem inter vos & charitatem seruantes A DOMINO „ VT INTELLIGATIS ORATE, &c. Quæstionem hîc quæ „ que obscuram vides, & cuius expositio eruditorum hominum captum superet: nequè tam ex humani viribus ingenij, quam ex Dei reuelatione sit expectanda. Inde est illud quod fatetur Andreas Vega (l. 12. de Iustif. cap. 22.) ne Augustinum quidem hunc nodum satis vniquam expediisse. Et hæc sæpe desideravi, *inquit*, vt Augustinus palam & apertè respondisset obliuientibus ipsi „ quod à prædicatione prædestinationis & gratiæ cessandum esset coram populo, quod ea officeret audientibus, &c.

In c. 9.
Ep. ad
Rom.

XVI. Sed quia nominat etiam Anonymus Scholasticos Doctores quos putat intrepidus fuisse in eo, quod à Molina confingitur, periculo; audiat Dominicum Soto.

„ Qui sic loquitur: Subsequitur tandem ut de posteriori
 „ quæstione Pauli non nihil explicemus, quam sanè fate-
 „ mur Difficilem semper explicatu fuisse. Scilicet cur de
 „ peccatoribus conqueritur Deus, quos ipse reprobavit,
 „ cum eius voluntati nemo possit resistere. Est nihilomi-
 „ nus responsio, quod neque prædestinatio neque repro-
 „ batio quidquam nobis adimit libertatis, aliàs nulla esse
 „ posset ratio aut meriti aut culpæ. At verò hinc nobis
 „ OFFVNDVNTVR DVBITATIONIS TENEBRÆ,
 „ nempe quod cum Dei nec scientia falli possit, nec vo-
 „ luntas mutari; iamque Deus ab æterno non modo præ-
 „ sciuerit verum certo proposito constituerit, quidnam
 „ cuique sit obuenturum, in cassum abire videntur nostri
 „ conatus; quoniam nulla nobis videtur superesse libertas,
 „ atque adeo frustranea sunt præcepta monitaque Dei,
 „ consilia prudentiæ nostræ. Diffiteri profecto non possu-
 „ mus, quin ANGVSTIÆ INGENII NOSTRI ÆGRE
 „ HOC CAPIANT: haud tamen ideo vel omniscientiam
 „ Dei, vel eius æternam voluntatem negare debemus, vel
 „ quam experimur libertatem nostram per totam sacram
 „ scripturam explicatissimè assertam. At si aliud in re diffi-
 „ cili præstare non valemus, facile est ostendere quod ea-
 „ dem difficultas quoscumque premat, quomodocumque
 „ sentientes de prædestinatione ac reprobatione. Vide
 „ Lector, quàm sit verum, nullum ante Molinam pericu-
 „ lum sensisse in ea soluenda quæstione, quam Dominicus
 „ Soto, qui Molina superior est, & explicatu difficilem
 „ fuisse omni tempore testatur, & suum quoque ingenium
 „ in angustias redigere.

In c. 9. ad
Rom.

Audiat & Caietanum Soto etiam antiquiorem, cuius
 „ sunt verba illa quæ citauimus antea. Et cū objicis, coniun-
 „ ge hæc verba simul (*nempe, electionem Dei esse infallibiliter*
 „ *effectum habituram, & quemlibet nostrum esse liberi arbitrij*)
 „ Respondeo me scire quod verum vero non est contra-
 „ rium, sed nescire hæc iungere, sicut nescio mysterium
 „ Trinitatis,

Trinitatis; sicut nescio animam immortalem; sicut nescio »
 verbum caro factum est, & similia quæ tamen omnia cre- »
 do. Idem ad argumentum illud tritum quomodo diuina
 prouidentia, quæ æterna est & præexistit effectui libero
 ineuitabiliter ex ea sequuturo, libertatem eius non de-
 struat, ita loquitur. In responsione ad primum dubitatio »
 occurrit valde ardua, & forrè ab humano intellectu in- »
 solubilis. Ad cuius euidentiam, vt melius percipiatur in »
 quo consistit dubitatio. aduertendum est &c. ac deinde
 propositâ tum dubitatione illâ, tum eâ quam dare potuit
 solutione, subiicit. Verum saluare prædictam infallibili- »
 tatem cum indifferentia seu libertate executionis seu »
 euentus, hoc opus hic labor est. Si enim infallibile est, »
 &c. *Difficultatem iterum aperit & subdit.* Ad hanc dubita- »
 tionem nihil scriptum reperi in S. Thoma. Quoniam »
 cum nullibi hanc mouisse recolo. Sed semper studuit ad »
 saluandam contingentiam. In alijs quoque Doctoribus »
 nihil hætenus comperi ad quæstionem istam, nisi quæ »
 communiter dicuntur de sensu composito & diuiso: de »
 necessitate consequentiæ & consequentis: de libertate »
 electionis diuinæ in æternitate: deque natura causarum »
 ad vtunlibet in vniuerso inuentarum. Sed hæc omnia »
 vt ex dictis patet intellectum non quietant. *Recensit/que* »
ac reiectis variis dicendi modis. Oportet igitur, *inquit*, si »
 quæstionis huius veritas quietare debet intellectum nō- »
 strum; alterum duorum dicere: aut quòd esse prouisum »
 non sequatur ineuitabilitas: aut quòd ineuitabilitas euen- »
 tus prouisi non derogat euitabilitati eorundem euen- »
 tuum. Et hoc secundum quidem propter rationem su- »
 pra adductam, nec capio quomodo possit verificari. Li- »
 quet enim quod non nisi secundum quid euitabilitas sal- »
 uari apparet. Primum autem quamuis communiter à »
 Doctoribus adstruitur, dicentibus quòd esse prouisum »
 seu volutum, seu prædestinatum (pro eodem enim quoad »
 hanc difficultatem omnia accipio) non sequitur ineuita- »
 bilitas: ego tamen non vt opponam me contra torren- »
 tem, nec asserendo, sed stante semper captiuitate intel- »
 lectus iu obsequium Christi; suspicor quod quemadmo- »

1. p. q. 21
ad 21. 4.

S. Tho-
mas ex
Caieta-
no nuf-
quā ex-
plicauit
rationē
conci-
liandæ
liberta-
tis cum
provi-
dentia
eius cō-
cordiæ
Affertor
magis
quam
Expla-
nator.
Idem &
de exte-
ris sen-
tiendum

dum esse prouisum, &c. Vno verbo, ex eo quod est esse prouisum suspicatur non sequi euitabilitatem, neque ineuitabilitatem euentus prouisi, sed altius quippiam atque
 » eminentius. Et subdit. Et si sic est, quiescit intellectus,
 » non euentiâ veritatis inspectæ, sed altitudine inacces-
 » sibili veritatis occultæ. Et hoc ingeniolo meo satis ra-
 » tionabile videtur, tum propter rationem prædictam;
 » tum quoniam, vt ait Gregorius, minus de Deo sentit qui
 » hoc tantum de eo credit, quod suo ingenio metiri po-
 » test. Nec propterea negandum aliquid eorum, quæ ad
 » diuinam immutabilitatem, actualitatem, certitudinem
 » atque vniuersalitatem & similia spectare scimus, aut ex
 » fide tenemus, suspicor. Sed aliquid occultum latere, vel
 » ex parte ordinis qui est inter Deum & euentum proui-
 » sum: vel ex glutino inter ipsum euentum & esse proui-
 » sum, arbitror. Et sic intellectum animæ nostræ, oculum
 » Noctuæ esse considerans, in ignorantia sola quietem il-
 » lius inuenio. Melius est enim tam fidei Catholicæ quàm
 » philosophiæ, fateri cæcitatem nostram, quàm asserere
 » tanquam euentia quæ intellectum non quietant: Eui-
 » dentia namque quietatiua est. *Et tandem* Optimum au-
 » tem atque salubre consilium est in hac re, inchoare ab his
 » quæ certò scimus, & experimur in nobis, scilicet quòd
 » omnia quæ sub libero arbitrio nostro continentur, euita-
 » tabilia à nobis sunt; & propterea digni sumus poenâ vel
 » præmio. Quomodo autem hoc saluo diuina saluetur pro-
 » uidentia, ac prædestinatio, &c. Credere quod Sancta Ma-
 » ter Ecclesia credit. Scriptum est enim altiora te ne quæsie-
 » ris: plurima enim sunt sibi supra sensus hominum reuela-
 » ta: & hoc est vnum ex illis. Vide, Lector, qua fide sit dictum
 » ab Anonymo *Nullum* ex Theologis Molinâ prioribus
periculum aduertisse in concilianda cum libertate Dei præ-
 » scientia: omnes huiusmodi quæstionem commodè ac suffi-
 » cienter declarasse: nec videre se quid rationaliter amplius
 » queri ab *Aduersarijs*, quid *objici*, quid *respondi* possit. Frui-
 » tur ipse nimirum luce quadam cæterorum oculis inuisi-
 » bili, estque illis adeò propitius, vt aquilas esse contendat,
 » vbi se illi *noctuas* dicunt; perspicaciâ valere plurimum,

ubi suam *cacitatem* fatentur: soluere *sufficienter*, quod *inso-*
lubile putant: *declarare commodè*, *inaccessibilem veritatem* &
in cuius sola ignorantia quies inuenitur: *Exhaustam esse totam*
difficultatem tum à cæteris tum *nominatim* à S. Thoma cum
 ea quæ magis vrget ne *moti* quidem ab illo *vsquam* sit, eius
 testimonio qui omnium diligentissimè versauit scripta S.
 Doctoris, ab alijs verò ita sit soluta, vt quæcumque illi
 dicunt *intellectum non quietent*.

XVII. Denique audiat Thomistas recentiores, & ^{disp. 118.}
 quamuis Molinæ posteriores, priorum tamen sensa re- ^{de Auxiliis}
 ferentes simul & approbantes. Didacus Aluares disputa- ^{Num. 5.}
 tionem in 18, inscribit, *Vtrum concordia liberi arbitrij cum in-*
fallibilitate præscientiæ, prouidentie, & prædestinationis diui-
næ possit naturali ratione demonstrari: allatæque tertia sen-
 tentiæ quæ sic habet: Tertia sententia faterur arbitrij no-
 stri libertatem posse quidem solo lumine naturæ euiden-
 ter cognosci & demonstrari, qualiter autem actualis vsus
 illius stet cum infallibilitate præscientiæ, prouidentie, &
 prædestinationis diuinæ, atque cum efficacia auxiliorum
 diuinæ gratiæ, non posse perfectè solo lumine naturæ
 cognosci aut comprehendi: & ideo rationem huius con-
 cordiæ **CREDENDAM ESSE ET CAPTIVANDVM INTEL-** ^{Num. 6.}
LECTVM IN OBSEQVIUM FIDEI, & *subijcit* hanc senten-
 tiam Veram esse censeo & ad mentem, S. Augustini S. &
 Thoma, &c.

Dominicus Bannez fidem etiam hîc imperat? Si quis
 non intelligit quomodo vsus liberi arbitrij sit libër & ni- ^{1 p. qu.}
 hilominus sit effectus iam prædefinitus à diuina prouiden- ^{23 ar. 5.}
 tia, oportet eum credere. Idem cum retulisset eorum
 obiectiones qui dicunt se non posse intelligere quomodo
 gratia ex prædefinitione efficax, stet cum libertate: Ad ^{22 q. 10.}
 hanc ego obiectionem responsurus, *inquit*, nequeo satis ^{ar. 1.}
 mirari huiusmodi Theologorum ignorantiam, ne dicam
 temeritatem. Nam primum omnium debuissent credere
 quod aiunt se non posse intelligere. Credimus Mysterium
 Trinitatis, etiamsi non intelligamus.

Ex his liquido constat, non Molinam tantum, sed alios
 quoque Doctores nonnullum in eo periculum agnouisse.

in quo nihil superesse difficultatis Anonymo videtur. Et ubi erat lux illa quæ affulsit huic Doctori, quando vltimis Augustini temporibus Africana primum Ecclesia, mox Gallicana concussa est, non satis comprehensâ illius de prædestinatione sententiâ? Vbi aliquot deinde sæculis, dum Galliâ iterum Germaniâque à Godescalco turbatis, Remensem Ecclesiam cæterasque Galliæ Belgicæ vna ex parte, ex alia verò Lugdunensem cum Viennensi atque Arelatenſi mutua suspicio sic diſiunxit, vt diu fuerit laborandum ne cui ex illis prædestinatio eſſet in interitum? Vbi cum Vvicleſus negotium faceſſiuit Catholicis doctores neceſſitatem quam ille diuinâ ex præſcientiâ providentiâque deriuabat in humanos actus impugnantibus? Vbi cum Lutherus Calvinusque in eundem lapidem impeerunt? Et cum vix poſſit alius ſcopulus reperiri Philoſophorum Hæreticorumque naufragio magis infamis, quam illa diuinæ præſcientiæ, providentiæque cum humana libertate connexio; Molina quia vidit aliquod in ea eſſe periculum, hoc vidit quod nemo ante eum viderat?

lib. 2. in
Ep. ad
Rom. p.
130.

Quanto rectius Cardinalis Sadoletus, dum monet
» Magnum concurſum acerrimarum diſputationum exci-
» tare, magnumque mare commouere, quicumque hanc
» DIFFICILLIMAM OMNIUM QVÆSTIONEM, & ſi ve-
» rum fateri volumus, pœnè inexplicabilem, tractari
» poſtulant.

§. II.

*De Diuiſione diuinæ ſcientiæ, & quem in ea
locum inueniat ſcientia media.*

cap. 16. n. 3.
non fu-
turum for-
maliter
ſumptum
pertinet ad
obiectum

XVIII. **A**liud eſt Molinæ peccatum ex Anonymo, quod ſub nomine ſcientiæ liberæ duas inuoluat ſimulque confundat Dei ſcientias, dum Deum illâ ſcientiâ cognoscere dicit eas ex complexionibus contingentibus quæ reipſa ſunt futuræ, quod pertinet, inquit

Anonymus, *ad scientiam visionis*, & eas quæ non sunt futura, *quod est proprium scientiæ simplicis intelligentiæ*. Sed nemo est qui non faciliè videat hoc peccatum rectius esse quam sit ipsa eius censurâ; quæ præter rationem ac præter exemplum, cum hoc quod est *aliquid esse futurum* obijciat scientiæ visionis, hoc quod est, *esse non futurum*, obijcit scientiæ simplicis intelligentiæ. Suppono enim quod manifestum est, *non futurum* ita sumi à Molina quomodo *futurum*, nempe *formaliter & reduplicatiuè*, vt loquuntur: & sensum illius esse, de re quam Deus scit esse possibilem per scientiam simplicis intelligentiæ, scire insuper *esse futuram*, vel *esse non futuram* per scientiam liberam, quæ illi eadem est cum scientia visionis. Hoc autem & verissimum est, & ex vsu ac sensu Scholasticorum; qui toties non futurum ad scientiam simplicis intelligentiæ pertinere putant, accipiunt illud materialiter, & specificatiuè, pro re quæ non futura est, & quæ sepositâ futuritione intelligitur tamen vt possibilis. Neque negare potest Anonymus, quin scire quòd aliquid *non sit futurum*, pertineat propriè ad scientiam liberam, liberè enim *non futurum est*. Quod si nihilominus contendit eam scientiam esse scientiam simplicis intelligentiæ; quod accusat, ipse potius committit: *duasque inuoluit simulque confundit Dei scientias*.

Sed addit non probari etiam quod ait Molina, per secundam illam scientiam, videlicet liberam, Deum cognoscere res absolutè tantum & absque vlla hypothese & conditione, Quasi verò, *inquit*, quæ absolutè futura sunt, non sint etiam ex hypothese & conditione aliqua futura, & quæ item sunt non futura defectu & absentia alicuius causæ & conditionis non sint non futura. Quasi verò, inquam, Molina etiam neget futura ex hypothese quæ sunt absolutè futura. Sed ex hypothese futura sunt independentè ab actuali & absoluto decreto, quo Deus statuit hypothese ponere: absolutè verò sunt futura dependentè à tali decreto. Vnde & independentè ab illo decreto actu posito sciuntur scientiâ mediâ & conditionata: dependentè verò, scientiâ simpliciter liberâ, quæ & scien-

scientiæ
visionis.Vide Ruita
fol. 244

tia visionis dicitur. Neque videt iste Auctor tali quodam *quasi verò*, impugnari posse distinctionem scientiæ possibilium, à scientia futurorum: cum nemo non possit dicere *quasi verò* ea quæ futura sunt, non sint etiam possibilia, & ideo distinguenda sit ea scientia, qua vt possibilia sciuntur, ab ea qua sciuntur vt futura.

XIX. Tercio ferre non potest Anonymus quod dicit

lib. nam 4. Molina Deum ex *altissima & inscrutabili comprehensione cuiusque liberi arbitrij, intueri per scientiam mediam &c. Perinde ac si in verbis illis*, inquit Anonymus, *lateat aliquid singulare & excellens quod non sit in alijs Dei scientijs, &c.* Sed est ista nimia quædam & delicata seueritas, qua si quis vt velit, & sancti Patres ferulæ subijciendi sint: & ne ipse quidem euasurus sit qui talia obijcit. Inæqualitas effectuum meritò facit vt inæqualia potentiæ diuinæ tribuantur epitheta, maiorque illa quodammodo censeatur in Angelo producendo, quàm in musca. Inæqualitas obiectorum in ratione cognoscibilis, quidni quoque obtineat à nobis, vt diuinus intellectus inæqualiter & apprehendatur & laudetur? Et sicut est difficilior secretorum cordis aspectus, quàm vultus ipsius; quidni excellentiæ maioris esse dicatur illa scientia quâ Deus scrutatur hominum corda, quàm illa quâ eorum vultus dignoscit? Item cum sit difficilior ea quæ sunt nobis futura cognoscere, quàm quæ præsentia; quid peccat qui præstare dicit eam scientiam qua scit Deus quæ nobis futura sunt, illi quâ scit ea quæ sunt præsentia? Præsertim cum illa captum superet ipsorum etiam Angelorum, non verò hæc? Denique cum illa quæ nec sunt, nec erunt, sed essent si aliqua conditio poneretur, videantur esse difficiliora cognitu, quàm quæ sunt absolute futura, quippe quæ sunt præsentia in aliqua temporis differentia; constetque hoc vel ex ipsa confessione Aduersariorum, dum ea negant posse cognosci à Deo, vel omnino, vel saltem antè decretum suum; is qui huic etiam obicem submouet diuinæ scientiæ, asseritque intellectus diuini radios ad hæc quoque obiecta pertingere, poetice loquatur si dicat pertinere hoc ad *altissimam & inscrutabilem liberi arbitrij comprehensionem*? Nihil

lib. nam 4.
Ib. num 4.
Dei scientia extrinsecè inæqualis in attingendis futuris conditionatè, potissimum eminet.

igitur ea quidem ex parte Molina deliquit : sed est aliud quod Anonymus non obseruauit, quod tamen à cæteris & quidem meritò reprehenditur. Nempe quòd putet ipsam liberi arbitrij comprehensionem esse Deo rationem intelligendi futura ; quòd constet comprehensionem causæ non habentis ex se determinatam cum altero ex oppositis connexionem , non posse esse rationem intelligendi vnum ex illis vt determinatè futurum ; nec prodesse quidquam quòd perfectè comprehendatur , cum , quò magis comprehenditur , eò magis intelligatur illa non connexio cum vno determinato , sed indifferenter cum alterutro.

XX. Nam quod etiam reprehendit Anonymus, Molinam scilicet æquiuocè vsùm verbo *intuitus*, vt & alibi verbis, *videre*, præuidere, cernere, contemplari, *quæ* inquit, *in hac materia* à Theologis scientiam visionis & initium à scientia simplicis intelligentiæ distinguuntur sumuntur strictiùs, solique scientiæ visionis per accommodationem tribuuntur ; hoc, inquam, peccatum consensio vt non impunè illi sit, nisi habet idoneos eius Auctores, S. Aug. videlicet & S. Thomam, atque alios non vltimæ notæ Scholasticos. S. Aug. dum exponit illud quod factum est in ipso vita erat. In qua vita, inquit, vidit omnia quando fecit & sicut vidit ea ita fecit, non præter seipsum videns sed in seipso *Item*. Neque enim ea faceret, nisi nossæt antequam faceret, nec nossæt nisi videret, nec videret nisi haberet quæ nondum facta erant, nisi quemadmodum est ipse non factus. Quo loco perspicuum est Augustinum loqui de scientia rerum productarum, non vt existentium in aliqua temporis differentia, sed vt possibilium ; hoc est de scientia simplicis intelligentiæ : tum quia loquitur de scientia quæ non dependet à decreto faciendi, sed illud potiùs dirigit, tum quia de illa etiam loquitur cuius formalis & obiectiua ratio cognoscendi est ipse Deus, siue ipsa Dei vita. Deus autem & Dei-vita, cum non habeat necessariam cum existentia rerum connexionem vt habet cum earum possibilitate, non potest esse ratio illas sciendi tanquam existentes, sed tantum vt possibiles. Vti

Num. 9.

Videre, in-
telligi latius
aliquando
vsurpata
intelligi de
scientia
simplicis
intelligentiæ.

l. 1. de gen.
ad lit. c.
15. & 16.

22

22

22

22

22

22

22

22

22

22

22

22

22

22

22

22

22

22

22

22

22

22

22

22

22

22

22

22

22

22

tur ergo Augustinus *videndi* verbo in exprimenda possibilitatem cognitione.

„ S. Thomas apertius etiam loquitur. Patet igitur quòd
 „ apud artificem potest esse cognitio alicuius artificii,
 „ quandoque quidem quod facere disponit, quandoque
 „ vero quod facere nunquam disponit, vt cum confingit
 „ aliquam formam artificii vel artificij, quod facere non
 „ intendit, hoc autem artificiatum quod facere nunquam
 „ disponit, non semper *INTVETVR* vt in potentia existens:
 „ quia quandoque excogitat tale artificium ad quod confi-
 „ ciendum vires ei non suppetunt, sed considerat illud in
 „ fine suo, prout scilicet *VIDET* quòd posset ad talem fi-
 „ nem per tale artificium deuenire, &c. *Pergit*, Patet ergo
 „ quòd Deus potest cognitionem habere aliquorum non
 „ entium, & horum quidem habet quasi practicam cogni-
 „ tionem, scilicet quæ sunt vel fuerunt vel erunt, quæ ex
 „ eius scientia secundum eius dispositionem prodeunt:
 „ quorundam vero quæ nec fuerunt, nec sunt, nec erunt,
 „ quæ scilicet, nunquam facere disposuit, habet quidem
 „ speculatiuam cognitionem: & quamuis possit dici quod
 „ *INTVETVR* ea in sua potentia, quia nihil est quod ipse non
 „ possit, tamen accommodatius dicitur quod *INTVETVR*
 „ ea in sua bonitate quæ est finis omnium quæ ab eo fiunt
 „ secundum scilicet quod *INTVETVR* multos alios modos
 „ esse communicationis propriæ bonitatis quàm sit com-
 „ municata rebus existentibus En vt etiam D. Thomas ver-
 „ bis *videndi* & *intuendi* designat cognitionem possibilem.

incap. 9.
Ep. ad
Rom

Addi potest Dominicus Soto cuius hæc sunt verba. At
 „ quia diximus præuisas illi fuisse creaturas, non solum in-
 „ telligimus visas antequam sint, sed visas etiam antequam
 „ ordinentur in suos fines, visione autem simplicis intelli-
 „ gentiæ vt cap. superiore exponebamus, &c. Facile erat
 „ talia quædam plura notare apud alios Auctores, sed quis
 „ credidisset necessariam esse obseruationem hanc ad ab-
 „ soluendum Molinam?

Ibid.

Quartò quod obijcit præterea num. 6. repetitio quæ-
 dam est Argumenti iam propositi ac diluti cap. supe-
 riori.

XXI. Quintò, Illa conditio, *inquit*, illud, si, illeque „
 ordo ex infinitis; vel est actu ponendus in rerum natura „
 vel non est: vel est tantum possibilis possibilitate præci- „
 sionis: si primum, eius cognitio ad scientiam visionis: si „
 secundum ad scientiam simplicis intelligentiæ: si tertium „
 ad scientiam naturalem & præcisionis spectat. R. 1. esse „
 hanc quandam etiam repetitionem argumenti propositi „
 & soluti, & Anonymum inani labore consumi, dum re- „
 ducendam contendit scientiam futuri conditionati ad „
 aliquam ex alijs. Concedat nobis esse talem scientiam, & „
 ubi volet deinde collocet. Facile enim erit locum ei me- „
 liorem inuenire, si non placeat quem ille assignauerit. 2. „
 R. Vt valere possit hoc argumentum, expectari debere „
 vt Theologis placeat distinctio triplicis scientiæ quam „
 Anonymus confinxit, cum duæ tantum ab ijs (distingui „
 soleant *visionis*, & *simplicis intelligentiæ*, quibus ipse super- „
 addit *naturalem* quam vocat *præcisionis*: neque tamen „
 pati vult vt Molina superaddat scientiam *mediam*, quasi „
 verò ius illi sit nequis audeat, quod licere sibi putauit. „
 R. 3. Non esse bonam illam disunctionem maioris pro- „
 positionis, quòd non sit in membra opposita. Illa in- „
 quam *conditio*, illud *si*, ille ordo & est ponendus actu in „
 rerum natura, & non est ponendus. Illud *si in Tyro &* „
Sidone, non est ponendum actu in rerum natura. Illud *si* „
exaltatus fuero à terra, est ponendum: quid tum postea? „
 Si est ponendum, *inquit*, eius cognitio pertinet ad scien- „
 tiam visionis. Eius cognitio vt dependens ab absoluto & „
 actuali decreto ponendi tale *si*; concedo: vt indepen- „
 dens à tali decreto & mansura in Deo quamvis decretum „
 contrarium conciperetur; nego. Et cum dicit, si non est „
 ponendum pertinet ad scientiam simplicis intelligentiæ, „
 iterum distinguo. Si illud *si* seu conditio sumatur simul „
 cum eo quod ex illa sequuturum affirmatur, v. g. prædi- „
 catio & miracula Tyrijs proposita vnà cum eorum pœni- „
 tentia, nego. Quia illud non est tantum possibile, sicut „
 eius contradictorium: sed est insuper futurum, quod eius „
 contradictorio non conuenit. Si vero sumatur illud *si* seu „
 illa conditio sola & seorsum ab eo quod ex illa sequutu-

Contradi-
 ctorium

non debet esse tantum *consequentia & illationis*. Effet enim Molina per quam absurdus, si diceret, præscientiam actus qui debet esse liber, ideo non impedire illius libertatem, quia cum eo connectitur necessario; ita ut ex eo quod actus sit, necessaria sit consequentia & illatio qua colligatur præscientiam præcessisse, aut reciprocè ex eo quod præscientia præcesserit, necessaria sit consequentia & illatio qua colligatur actum esse. Nempe hoc quoque maximè verum esset, quamuis supponeremus præscientiæ libertatem destrui. Tunc enim & ex positione actus inferretur præscientia, & ex positione præscientiæ, inferretur actus. Non igitur hoc tantum intendit tum Molina tum alij per illud *quia* & per illud *ideo*. Et confirmatur, quia ita sumunt illud *ideo* & illud *quia*, ut non sit reciprocum. Dicunt enim præscientiam non impedire libertatem actus præciti, quod hæc sit vera, *ideo præsciri actum quia est futurus*, non verò ista, *ideo esse futurum quia præscitus est*: Atqui si designarent tantum consequentiam & illationem, illud *ideo* & illud *quia* esset reciprocum. Quia tam necessario sequitur *futurum actum si est præscitus*, quam, *esse præscitum si futurus est*: non ergo designant tantum consequentiam & illationem præscientiæ ex actu, sed insuper quendam modum causalitatis in actu futuro respectu præscientiæ, quo fiat ut ista vera sit in sensu causali *liberum actum ideo præsciri tanquam futurum, quia ille re vera futurus est*. Non vero ista, *Ideo esse futurum quia præscitus est tanquam futurus*. Ita enim idonea redditur ratio eaque manifesta, quare præscientia non destruat libertatem actus. Nempe quia cum ipsa sit ex actu consequens, sit ut & necessitas actus, si quæ inde colligitur, sit necessitas consequens ex eodem actu, & necessitas quam ipse causet: quam constat non esse contrariam libertati. Est igitur illud *ideo* & illud *quia*, non tantum *consequentia & illationis*, sed etiam, *rei*, ut loquamur cum Anonymo.

XXIII. Sed quia timet ne propositio illa, *Deus ideo præscit actum futurum quia futurus est*, in sensu causali sit iniuriosa Deo: addendum est, per illam nequaquam designari veram & propriam causalitatem, qualis est causæ

scire futura
quia futura
sunt, non è
conuerso.

Nihil im-
perfectio-
nis impor-
tari Deo
per huius-

modi fin-
sum causa-
lem.

phiscè influentis, sed impropriam tantum, qualis est rationis obiectiue mouentis aut terminantis, quæ supponit intelligendi virtutem perfectissimè completam, ac nihil aliud requirentem quàm vt ponatur obiectum intelligibile. Hoc enim tantum posito ipsa se ipsa solâ ac sine rei cuiusquam adminiculo illud intelligit. Sicut autem ex eo quod desit obiectum, nihil tollitur de infinitate potentia intellectiua quæ in eo tantum consistit, quod sit intellectiua eius omnis quod est intelligibile: ita & quod obiectum ponatur, nihil illi perfectionis accrescit, quod per se ipsa illius expressiua sit; neque aliud requiratur ex parte ipsius, quàm vt non repugnet ipsum intelligi: sicut potentia effectiua Dei ex parte sui effectus requirit vt non repugnet ipsum produci. Cum igitur agens liberum creatum sit causa cur ponatur obiectum, potest etiam dici causa cur illud percipiatur ab eo intellectu quem nihil latere potest eorum quæ sunt: & obiectum ipsum esse ac præsentare se illâ suâ qualicumque existentia videndum, est etiam obiectiua ratio cur videatur, quod sufficit ad sensum causalem propositionis, qua dicitur Deus aliquid ideo præscire futurum absolutè, quia illud futurum est; seu quia erit: vel futurum conditionatè, quia esset si poneretur conditio.

Et nimirum hoc est semper habendum præ oculis, sicut non pertinet ad perfectionem potentia effectiua quâ talis, vt ipsa suum opus intelligat, sed tantum vt faciat si est factibile: ita non pertinere ad rationem potentia intellectiua vt talis est, vt ipsa sibi obiectum faciat, sed tantum vt vndecumque ac quomodocumque factum positumque, atque ita iam intelligibile, intelligat: & si spectare dicatur ad diuinam perfectionem, vt obiectum suum non intelligat modò, sed etiam causet; (quod tamen non videbitur necessarium cogitanti Deum intelligere negationes, priuationes, rerum repugnantias & impossibilitates quas ipse non causat) sed si esset necessarium vt causaret quod intelligit: illud *causare* referendum esset potius ad omnipotentiam & vim effectiuam, quàm ad intellectiuam. Ac proinde si quid esset timendum ex illa causali

Deus ideo præscit futurum actum quia futurus est, timendum esset omnipotentiae potiùs, quàm scientiae Dei. Re autem verâ nihil est timendum, nisi si cui consuetum est umbras timere.

XXIV. Is verò poterit reddi securus præsidio SS. Patrum, qui cùm id ipsum sæpe dicant quod Molina, Deum scilicet ideo præscire futura quia futura sunt, non è conuerso; & in eundem finem ita loquantur; nempe vt ostendant nullam ex Dei præscientiâ sequi necessitatem quæ libertati creatorum agentium præiudicet; fieri non potest vt alio sensu loquuti sint, quàm causali; nisi velimus eos impellere in absurditatem à qua iam liberauimus Molinam. Quin & addo sensum hunc apud Patres non tam coniiciendum aut inferendum esse, quam legendum. Origenes enim disertis verbis dicit Prædictorem non esse *CAVSAM* futuri, sed futurum cum sit futurum, etiam si non præcognosceretur, præcognitori *CAVSAM* dedisse prædicendi. Athanasius de cruce & passione Domini, Prophetas non fuisse Iudæis auctores eorum quæ in Christum admiserunt, *Quin potius ipsos IN CAUSA fuisse vt talia de ipsis Prophetæ prædiciuissent.* Quomodo autem Iudæi Prophetis præbuerint causam prædicendi, nisi quia præbuere Deo causam præsciendi quæ ille Prophetis prædicenda reuelauit? Eusebius ex Origene cum retulisset præcognitionem non esse futurorum causam, addit *Dicam etiam si absurdum multis forsân, videatur, id quod futurum est CAUSA EST vt Deus euenturum illud præuideat.* Epiphanius, Non quia prædixit scriptura Iudæi crucifixerunt & Iudas prodidit: sed quia traditurus erat Iudas & Iudæi Crucifixuri; *ea de CAUSA*, scriptura prædixit. Cyrillus, *Non ergo vt adimpleatur scriptura: nec ista de CAUSA facta sunt à quibusdam quæ scriptura prædixit, sed contra,* &c. Damascenus, *Vis Dei præsciens à nobis CAVSAM handquaquam habet: at verò vt ea quæ facturi sumus præsciat, A NOBIS PROFICIS- CITVR.* Idem. *Prænotionis diuinæ CAUSA hæc est quod ita futurum erat.* Beda to. 8. lib. variar. quæst. *Quid ergo, inquit, coëgit nos Deus vt mali sibi videremur ab æterno? Absit. Nam potius NOS COEGIMVS EVM vt nos malos videret.*

Patres eodem sensu loquutos.

» l. a. con.
» Celsum.

lib. 6. c. 9.

lib. 3. hæresi
18. con. Ca-
rianos.

lib. 9. in
Ioan c. 10.

contra Ma-
nich.

quæst. 13

Cap. 11.
nu. 11. 15.

Quibus subnectendus est Ammonius, qui peripateticas cogitationes temperare potuit Christianis sensibus: cuius hæc sunt verba quæ refert Anonymus. Non esse cogitandum ideo necessarium exitum habere quæ dicuntur contingentia, quod à diis definitè cognoscantur. Neque enim quod ea cognoscant dij, propterea necessariò euenire; sed quoniam contingentem habentia naturam, & ancipitem finem omnino talem aut talem habitura sunt, hoc necessarium esse, vt dij nouerint quo modo sint euentura. Vbi vides scientiam Diuinam illam, qua videt futurum contingens, ex eo quòd illud futurum sit, habere existendi necessitatem; non è conuerso: quod esse non potest nisi obiectum aliquam habeat rationem causæ respectu scientiæ.

Ex his ergo satis liquet stare non posse quod dicit Anonymus, non esse causales illas. PP. propositiones, sed significari tantum consequentiam & illationem præscientiæ ex futuro contingenti. Ipsi enim apertè dicunt esse causales.

XXV. Sed ait, ipsum nomen *cause* aliasque particulas causales, *ideo*, *idcirco*, *quia*, & similes non adeo premedas esse & rigide sumendas: neque nos ausuros ita rigide sumere ac dicere res futuras esse causas scientiæ diuinæ: Patrum auctoritate, naturali ratione, ac fide diuinâ certum esse, Deum scientiâ suâ & præscientiâ verè esse causam rerum omnium.

Nos verò particulas illas in tantum premimus, in quantum necessarium est vt iniustam à Molina oppressionem depellamus, dum id in eo reprehenditur quod à SS. PP. accepit. Temperamus etiam illum sermonem: neque rigide sumimus nomen causæ, quando realem omnem influxum negamus, dicimusque futurum non alia ratione causam esse præscientiæ, quàm quia virtuti ad cognoscendum completissimæ exhibet quod cognoscat. At ipse quod temperamentum adhibet ad particulas illas?

Interpreta-
tio Anony-
mi rejicitur
& ostendi-
tur Patres

Exponendæ, inquit, sunt *de causa consequentiæ & illationis non de causa rei*. Quasi diceret, rem esse futuram, causam esse cur inferamus esse præscitam. Sed 1. non videt

Patrum sententiam duas habere partes, quarum ipse non loquitur
tantum de
causa con-
sequentiae. vnam ita interpretatur, vt aliam destruat? Scientia, in-
quiunt Patres, qua Deus scit contingens aliquod esse
futurum, non est causa cur illud futurum sit. Et, Contingens
aliquod esse futurum, est causa cur Deus hoc sciat.
Hoc secundum ita exponit Anonymus, Esse aliquid fu-
turum, est nobis causa inferendi quod hoc Deus sciat.
Benè habet. At, Deum hoc scire, numquid etiam nobis
est causa inferendi esse futurum? Quare igitur negat Pa-
tres, Deum scire aliquid esse futurum, causam esse cur
illud futurum sit? 2. Constat ex dictis SS. Patres id ipsum
dicere de Prophetia & prædictione quod de præscien-
tia. Videat ergo num benè quadret ista sententia, Con-
tingens aliquod esse futurum, est nobis causa inferen-
di, esse igitur prædictum: &, Contingens aliquod
esse prædictum, non est nobis causa inferendi esse fu-
turum. 3. Interpretationem illam applicet ad Institu-
tum SS. PP. qui exinde colligunt, scientiam qua Deus scit
aliquid esse futurum, non obesse libertati, nec inducere
necessitatem contrariam contingentiae; vide autem num
idonea sit ista collectio, Ex eo quod aliquid est futurum,
possumus inferre illud esse à Deo præscitum: Ergo præ-
scientia non obest libertati, neque infert necessitatem.
Atqui pariter concludam, effectum necessarium non esse
necessarium. Ex eo enim quod iste sit futurus, inferre
possumus præcessuram eius causam: Ergo-ne igitur causa
illa non influet in effectum necessitatem? 4. Quod est no-
bis causa tantum consequentiae & illationis, debet esse
præcognitum respectu eius quod ex illo sequitur, aut in-
fertur: & ita fumus à nobis visus est causa consequentiae
& illationis respectu ignis: & lux similiter respectu solis,
diciturque causa in cognoscendo tantum, quia sui cogni-
tione, cognitionem alterius excitat. At contingens ali-
quod esse futurum, cui quæso notius est, quam esse præ-
scitum, vt hoc ex illo possit inferre?

XXVI. §. Confirmatur hoc, argumento vt aiunt ad ho-
minem. Vt enim Anonymus Aristotelis sententiam de cap. 23;
num. 102 futuris contingentibus tucatur, idem esse putat alteram

oppositarum de futuro contingenti esse determinatè veram, aut determinatè falsam; &, hanc veritatem aut falsitatem esse cognitam: & quia *nulla via & ratione naturali certò, distinctè & determinatè* dicere possumus alteram ex oppositis illis esse veram, alteram esse falsam, ideo neutram esse determinatè ac propriè veram aut falsam. Quam ego sententiam in præsentiarum non impugno: nec ostendo quàm non sit bene meritis hic auctor de veritate, dum eos insequitur quos dicit esse malè meritos de Aristotele. Hoc tantùm accipio quod dat, *nulla via & ratione naturali cognitum* nobis esse futurum contingens, esto, cognitum sit via & ratione supernaturali, testimonio videlicet Dei reuelantis. Sic autem argumentor. Quod est incognitum non potest esse causa in cognoscendo, seu causa consequentiæ respectu alterius incogniti; futurum contingens est huiusmodi respectu prædictionis & præscientiæ; Ergo, &c. Item, Quod est causa in cognoscendo seu causa consequentiæ & illationis, debet esse notius eo respectu cuius dicitur causa: futurum contingens reuelatione Dei cognitum, non est notius prædictione, quippe quæ ipsa reuelatio est, neque præscientiâ, cùm cognoscere reuelationem idem sit, ac cognoscere Deum: tunc hoc est ex præscientiâ loquentem; ut ideo repugnet intelligi prædictionem & non intelligi præscientiam: Ergo futurum contingens reuelatione Dei cognitum non potest esse causa in cognoscendo, seu causa consequentiæ & illationis respectu præscientiæ aut prædictionis. Ruit igitur hæc interpretatio.

Cap. 19.
num. 7.

Non de
malistan-
tium, sed &
de bonis
Patres lo-
quuntur.
in cap. 1.
Ezech.

XXVII. Neque firmiores sunt aliæ quatuor, quas subiungit, *Patres de futuris peccatis sapius loqui*. Sed sæpe etiam non loquuntur de illis tantùm, sed vero etiam de bonis actibus, ut videre est in Origene apud Eusebium loco antea citato, ubi comprehendit etiam illa quæ *præclare* à nobis sunt, & Athanasio qui miracula negat ideo futura quia prænuntiata, sed è conuerso. Hieron. loquitur manifestè de *bono & malo*, Damascenus de *virtute & vitio*. Aliàs in vniuersum loquuntur. Ut Epiph. loco antea citato. Hieronymus in cap. 16. Hier. Origenes contra Celsum.

Et

Et quamuis loquerentur semper de præscientia peccatorum, quia tamen hoc potissimum intendunt, ut saluent peccantium libertatem, & contrariam illi necessitatem excludant; fieri non potest, ut non utantur principio communi & pariter necessario ut saluetur etiam libertas actionum bonarum: cum hæc nihilo minus debeant esse liberae, neque plus requiratur ad libertatem malarum quam bonarum. Denique nihilo absurdus est, aliquod bonum esse futurum causam dici cur à Deo præscitum sit; quam aliquod malum: quin potius tolerabilius est, ut dicatur Dei præscientia pendere à bono futuro, quam à malo. Hæc ergo responsio nihil ad rem.

Sed neque quæ dicit nonnullos ex his Patribus non de præscientia loqui, sed de *prænuntiatione* & *prædictione* quæ futurorum euentuum causam non est. Nam 1. satis esset quod plerique de præscientia loquantur. Deinde prænuntiatio nullam habet connexionem cum existentia rei prænuntiatae nisi ratione præscientiæ cui subest. Ergo quod dicunt, rem esse futuram, causam esse cur prædicatur; non aliter verum esse potest, quam quia causa est cur præsciatur. Nihil enim commune rebus cum vocibus, nisi quatenus illæ sunt conceptuum vicariæ. Et notandum est Anonymum semper mediam tantum partem obiectionis soluere. Nam quod Patres de *prædictione* loquantur, ad hoc tantum valet, ut merito dixisse credantur prædictionem rei futuræ non esse causam cur illa futura sit: sed quod addunt, rem esse futuram, causam esse cur sit prædicta, quomodo erit verum?

XXVIII. Quarta Expositio cæteris est deterior, *Patres populariter loquutos: declarare solum velle Deum scientiâ & præscientiâ sua nihil nostrum ledere libertatem, &c.* Vellem doceret quando-nam Patres serio loquantur & dogmaticè. An quando scripturam interpretantur? Citatur Origenes in Epistolas Pauli; Chrysostomus in Mathæum hom. 60. in cap. 18. Hieronymus in Prophetas, Cyrillus in Ioannem. An quando fidei doctrinam infidelibus proponunt? Disputat Origenes cum Celso Philosopho Epicureo. An quando Catholicam fidem tuentur aduersus

Dial. con.
Manich.

De præ-
scientia lo-
quantur &
quod dic-
unt de
prædictio-
ne non nisi
ratione
præscien-
tiæ verum
est.

Non sunt
tantum lo-
quuti po-
pulariter.
Lib. 7. in
cap. 8. Ep.
ad Rom.

hæreticos? Caianos impugnat Epiphanius, Manichæos Damascenus. Ecquando Theologicè loquentur si tunc loquuntur populariter? Quod ait Patres ostendere voluisse Dei scientiam nihil nocere libertati, verum est; sed quibus quæso id fuit ostendendum, plebi an Philosophis? Impeditos illa difficultate Græcos aberrasse, ac præscientiam negauisse vt contingentiam tuerentur, docet Eusebius ex Origene: plerosque alios ex ijs qui *ἐπιστημονώτεροι*, hoc est perspicaciores videbantur in contrarium abiisse, persuasos nullam esse in rebus humanis contingentiam, testatur Ammonius. Quem nescio an velit etiam Anonymus populariter loquutum dum Aristotelem commentario sequitur. Hi ergo sunt quos Patres edocent, non populus. Sed fac etiam cum populo egisse, non cum Philosophis: nec aliud voluisse quàm vt intelligerent Dei præscientiam non auferre libertatem; hoc quaeritur, an satis dignè de illis sentiat, qui putet eos rem veram ratione falsa confirmasse, dum dicunt, propterea stare humanorum actuum cum Dei præscientiâ libertatem, quia *non ideo illi futuri sunt quod futuri præsciantur*, sed potius *ideo futuri præsciantur quia futuri sunt*?

Vltimam expositionem quæ apud Anonymum quinta est, vt fatear meam tarditatem, ego non capio: neque video quid possit afferre momenti ad soluendam difficultatem propositam. *Dici posset*, inquit, *PP. tantum velle, non posse à nobis concipi præscientiam quam Deus habet de rebus futuris, nisi verè sint futurae*, &c. Patres volunt ideo liberum esse quod futurum præscitur, quia non ideo futurum est, quia præscitur: sed ideo præscitur, quia futurum est. Quid hoc quæso ad nostram de tali præscientia cognitionem? Et quid magis minusue libertati nocebit præscientia, si hoc aut illo modo à nobis intelligatur? Denique non
 „ experior quod Anonymus promittit, facillimum fore
 „ vnicuique ex recitatis SS. PP. testimonijs vel quibuslibet
 „ afferendis, quam volumus ex his expositionibus, & quæ
 „ cuique commoda erit applicare. Iam enim applicuimus,
 „ & quodcumque in latus conuertantur, nulla suum locum inuenit, nulla quadrat.

Lib. 6. de
 præp. c. 9.

Ad 1. de
 interpret.
 sect. 2. n. 7.

§. IV.

*Augustinum, Gregorium, & D. Thomam
eodem sensu loquutos.*

XXIX. **S**ed satisfaciendum est auctoritati S. Augusti-
ni, S. Gregorij, & S. Thom. Nam S. Augu-
stinus perspicuè docet causalem hanc superiori contra-
riam, *creata non ideo videri à Deo quia sunt, sed ideo esse quia
videntur à Deo.* Idem Gregor. quos refert & sequitur
S. Th. 32. Nos non negare Dei scientiã esse rerum causam,
Absit. Hoc tantùm negamus de scientia quæ dicitur *visio-
nis*, quã scilicet Deus scit creaturas existētes, vt existentēs
in aliquã differentiã temporis, seu quæ illius existentie
atque actualitatis expressiua & enuntiatiua est. Hanc ne-
gamus esse causam sui obiecti cum ijs Patribus quos antea
recensuimus. Etiam negamus istos qui nobis obijciuntur
de illã loqui, sed de scientiã simplicis intelligentiæ, quã
illa etiam quæ facta sunt & in aliquã differentiã temporis
existunt sciuntur vt possibilis. Cum enim hæc scientia ra-
tiones omnes proponat diuinæ voluntati, quibus illa pos-
sit adduci vt facere velit de possibilibus existentes, omnes-
que modos in eo seruandos; perfectissimè directiua illius
est: atque adeo, mediã voluntate operatiua: & proinde
causa sine quã nihil futurum est, ne malum quidem. Diri-
git enim eius permissionem: sed est insuper causa. cur bo-
num omne sit futurum eo modo quo congruit libertati
creaturæ. Ita interpretamur istos Patres, itaque concilia-
mus cum alijs, quorum antea sententiam specie tantum,
non autem re ipsa contrariam, proposuimus.

XXX. Ne quis autem vim faciat in eo quod S. Augu-
stinus & S. Gregorius vtuntur verbo *videndi*, quo tan-
tùm designatur scientia visionis; iam ante ostendimus,
non solum Scholasticos Doctores, sed ipsum quoque
Augustinum hoc verbo vsum ad designandum possibili-
um cognitionem. Et id ipsum nunc ostendimus in S. Gre-

Ultimo
confess.
cap. ult. 6.
de Trin.
c. 10. & 15.
cap. 15 20.
Moral. c. 13.
alias 14. &
lib. 32 c. 6.
Quæst. 14.
1. par. 8. &
alibi.
Scientia
visionis nõ
est causa
rerũ apud
hos Patres
sed tantum
scientia
simplicis
intelligen-
tiæ.
Sed nec ista
causa est
cur actus
malus sit
futura, sed
tantum si-
ne qua non
est futura.

12. Mor. c. 6.

Dd ij

gorio cuius hæc sunt verba quæ nobis obijciuntur, *Non existentia videndo creat, existentia videndo continet*. Vbi cum circa idem obiectum & prout est non existens, sed tamen creandum: & prout est existens ac iam creatum, versari dicat visionem; scientia verò quæ versatur circa id quod existit & non vt existit, sed secundum esse quod habet etiam non existens, non sit scientia visionis illa strictè sumpta; superest vt Gregorius visionem sumat latius, prout etiam scientiæ simplicis intelligentiæ aptari potest.

XXXI. S. Thomas interpretationem hanc longè facilius recipit. Nam primò, ille nusquam indicat scientiam hanc quam dicit esse causam rerum, esse scientiam visionis strictè sumptam. Non esse autem conuincitur ex multis locis. Sed sufficit ille qui nobis solet obijci ex quaestione. 14. 1. p. vbi sic loquitur. Sed considerandum est
 „ quòd forma naturalis in quantum est forma manens in eo
 „ cui dat esse, non nominat principium actionis, sed secundum
 „ quod habet inclinationem ad effectum. Et similiter
 „ forma intelligibilis non nominat principium actionis secundum
 „ quod est tantum in intelligente, nisi adiungatur ei inclinatio ad effectum, *QVÆ EST PER VOLUNTATEM*. Cum enim forma intelligibilis ad opposita se
 „ habeat (cum sit eadem scientia oppositorum) non produceret determinatum effectum, nisi determinaretur ad
 „ vnum per appetitum vt dicitur in 9. Metaph. &c. Hinc concludit scientiam Dei esse causam rerum. *Secundum quod habet voluntatem coniunctam*. Et negat competere illi rationem causalitatis, nisi *adiuncta voluntate*. Quibus verbis lucem afferunt hæc alia ex quaestione 2. de veritate. Inter scientiam Dei quæ est causa rei, & ipsam
 „ rem causatam, inuenitur duplex medium; vnum ex parte Dei, scilicet diuina voluntas; aliud ex parte ipsarum
 „ rerum quantum ad quosdam effectus.... Omnis autem
 „ effectus non solum sequitur conditionem causæ primæ;
 „ sed etiam mediæ. Et ideo res scitæ à Deo procedunt ab
 „ eius scientiâ *PER MODVM VOLUNTATIS*.

Ex illis verbis S. Thomæ colliguntur ista. Primum,

Scientiam illam Dei quæ est causa rerum *habere se indifferenter ad opposita*, determinari autem ad alterum illorum *per voluntatem*. Quod non potest habere alium sensum, quàm, ex se non inclinare magis in productionem quàm in non productionem eius quod tanquam possibile representat, sed adiuncto voluntatis decreto determinari ad productionem quorundam, quorum idèd causa est: & ad non productionem aliorum, quorum ideo non est causa. Secundum, Esse illam cui nos intelligimus adiungi inclinationem ad agendum per voluntatem, ac proinde quæ scientia quidem est sine voluntate, sed non est actiua, Tertium, Esse illam *inter quam & effectum media est voluntas producentis*, quæque ideo est veluti *prima causa* respectu voluntatis, quæ *media* tantum est. Atqui nihil horum competit scientiæ visionis vt talis est; ergo scientia visionis non est illa quam S. Th. putat esse causam rerum. Subsumptum est manifestum. Cui enim adeo peruersa esse potest cogitatio, vt concipiat eam scientiam quæ non fertur in obiectum suum nisi vt existens, cuiusmodi est scientia visionis, habere se indifferenter ad opposita, hoc est ad existentiam vel non existentiam illius? Quis etiam concipiat voluntatem aliquid producendi accedere ad scientiam qua videtur eadem res vt producta, eique quodammodo extrinsecus adiungi, cui potius supponitur? Quis eandem voluntatem *mediam* fingat inter effectum & scientiam visionis, cui potius præuia est? Et quomodo stabit inscriptio libri *de ordine deque priori & posteriori*, si tanta inducitur perturbatio, vt ea scientia quæ dicitur *causa prima*, sit scientia visionis, quam sequatur decretum voluntatis tanquam causa posterior & *media* inter *primam* & effectum; cum sit manifestum, si quis sit ordo inter actus illos, decretum voluntatis quo ponitur obiectum & quasi terminus scientiæ visionis, si non sit prius, posterius saltem illà scientiā esse non posse? Ex his ergo liquidò constat D. Thomam dum scientiam Dei causam esse rerum asserit, scientiam accepisse indeterminatè atque indistinctè, quippe qui hoc solum obtinere volebat: vt diceretur Deus agens intelle-

diuum scientissimè ac liberrimè produciens quidquid producit. Hoc autem obtineretur facilè admissâ scientiâ directiuâ voluntatis, quæ medio actu quem dirigit causare dicitur id omne quod pendet à tali actu. Scientia autem quæ diuinam voluntatem dirigit, alia esse non potest, quàm scientia simplicis intelligentiæ, & quam ipsi defendimus, scientia media, omnino remansura etiamsi non sequeretur actus voluntatis. Est enim directiua liberi actus: ac proinde illâ positâ est adhuc in potestate diuinæ voluntatis: vt velit aut nolit, quod per eam repræsentatur: & si velit, fiet efficax adiunctione talis volitionis, si nolit, erit semper eadem scientia sed inefficax. At scientia visionis quæ habeat necessariam connexionem cum effectu viso, non est remansura, si non sequeretur volitio producendi talem effectum: vnde neque dici potest directiua illius volitionis, nec illâ mediante causa effectus.

XXXII. Hanc esse mentem S. Thomæ præter ea quæ iam diximus, conficitur alio insuper argumento. Nempe quia quoties D. Thomas explicat quomodo præscientia futuri, quæ eadem est scientia visionis, non inferat necessitatem libertati obiecti sui repugnantem, quamuis cum eo necessariâ consequentiâ connectatur; rationem ex eo petit, quòd scilicet non feratur in obiectum tanquam futurum, & in causis suis existens, sed feratur in illud vt est præsens, & in seipso existens, ad eum modum quo visus noster fertur in obiectum suum vt est in se: ac proinde sicuti visus noster quantumuis necessariâ etiam consequentiâ connectatur cum existentia rei visæ; non impedit tamen eius libertatem & contingentiam, si quam habet aliunde; ita neque diuinum intuitum eandem impedire. Quo discursu atque exemplo. S. Doctor vtitur multis locis vt quæst. 16. de Malo ar. 7. ad 15. & de Ver. quæst. 2. ar. 12. ad 2. & 7. & in 1. de Interpretatione lect.

Leet. 13.

„ 13. & 14. ex quo loco notanda sunt verba ista. Hoc modo
 „ est aliquid verum, quo habet esse. Cum autem aliquid
 „ est in præsentia, habet esse in seipso, & ideo verè potest
 „ dici de eo, quòd est. Sed quandiu aliquid est futurum,

nondum est in seipso, est autem aliququaliter in suâ causâ. *Et deinde* Deus est omnino extra ordinem temporis quasi in arce æternitatis constitutus, quæ est tota simul, cui subiacet totus temporis decursus, secundum vnum & simplicem eius intuitum: & ideo vno intuitu videt omnia quæ aguntur secundum temporis decursum, & vnumquodque secundum quod est in seipso existens, non quasi futurum quantum ad eius intuitum, prout est in solo ordine suarum causarum videat; sed omnino æternaliter sic videt vnumquodque eorum quæ sunt in quocumque tempore, sicut oculus humanus videt Socratem sedere in seipso non in causa sua. Ex hoc autem quod homo videt Socratem sedere non tollitur eius contingentia quæ respicit ordinem causarum ad effectum: tamen verissimè & infallibiliter videt oculus humanus Socratem sedere dum sedet; quia vnumquodque prout est in seipso iam determinatum est. Sic igitur relinquitur quòd Deus certissimè infallibiliter cognoscit omnia quæ fiunt in tempore, & tamen ea quæ in tempore eueniunt non sunt vel sunt ex necessitate, sed contingenter. Qui discursus inutilis alias futuris, sapientiæ ac rationis plenus erit, si colligatur in hunc modum. Præscientiam futuri non impedire illius contingentiam, quia non fertur in futurum vt producendum, sed vt productum in ea temporis differentia in qua illud futurum est. Seu, quia præscientia non est operatiua futuri vt faciendi, sed est illius speculatiua vt iam facti. Hoc enim est, in illud ferri *tanquam in seipso & extra suas causas positum*. Ex quo benè intelligitur quo modo necessaria illa connexio futuri cum præscientia inuiolatam relinquat libertatem. Necessitas enim quæ libertatem lædit, deriuatur à priori in posterius, & à causâ in effectum, præscientia verò quæ non respicit futurum nisi tanquam existens & in seipso, ac extra causas positum, non potest habere rationem causæ respectu illius: nec proinde causalem in illud atque antecedentem necessitatem inducere, quæ sola tollit contingentiam. Quin potius futurum ipsum quatenus suâ illâ existentia & præsentia reali se ipsum exhibet cognoscendum, potest quodammodo dici.

Lea. 14

causa suæ præscientiæ, vt antea explicuimus: vnde etiam fit vt necessitas, quam inde trahit, sit consequens ex ipso, vt ex Anselmo & Damasceno referebamus: quibus adiungendus Chrysostomus Hebr. c. 7. Ho. 11. & ad populum. Hom. 42. Et ita optimè quadrat exemplum illud seu similitudo intuitus humani. Quæ quia ferè vtitur etiam S. Augustinus in eundem finem, nimirum vt diuinam præscientiam cum libero arbitrio conciliet, restat vt dicamus conspirare ambos in eandem sententiam, vt negent, & diuinam præscientiam, & in vniuersum scientiam visionis vt talis est, esse causam rerum; esto supponant omnes scientiam Dei atque adeo scientiam visionis specificatiuè, quatenus vel est identicè, vel includit scientiam simplicis intelligentiæ, esse causam eorum omnium quæ à Deo fiunt, eo modo quo fiunt ab illo. Quæ scientia, quia ita sumpta indeterminatè se habet tam ad futurum quàm ad non futurum, determinatur autem per adiunctam voluntatem; ideo aliam non habet connexionem cum futuro, nisi quam habet illa voluntas: quæ ipsa nullam etiam habet libertati repugnantem, vt aliunde hîc supponendum est.

Cap. 35.

XXXIII. Respondet Anonymus, similitudinem illam humani visus nihil prorsus iuuare, quod sit *popularis & ad vulgi captum accommodata* quæ est etiam *popularis* quædam solutio, qua reddatur inutilis Patrum omnis & Doctorum auctoritas. S. Thomas Aristotelem interpretatur, & ad *vulgi captum se accommodat*? Imprudens sit: quippe qui non recordetur se cum philosophis agere. De scientia Dæmonum disputat, in quæstione de Malo, & de scientia Dei in secunda de Veritate, & tunc *popularibus* vtitur exemplis, & quæ si exigantur nihil probent? Inconsultè hoc quoque, qui cogitare debuit se Theologos instituere.

Non ignoro comparationes aliquando claudicare, vt dicunt, solere; verum si claudicant ex vtroque pede: neque in eo saltem rectæ sunt quod per illas intenditur, sunt ineptæ: neque in eruditorum hominum conspectum productæ aliud possunt quàm ridiculum quoddam exhibere spectaculum.

spectaculum. Et vide, quæso, quomodo incederet discursus. S. Thomæ, si vera esset Anonymi sententia. Propositum illi est ostendere Dei præscientiam non tollere libertatem, tametsi consequentia necessaria sit ab illa ad existentiam rei præscitæ. Vt hoc illustret vtitur exemplo visus humani, à quo licet etiam detur necessaria consequentia ad rem visam, nihilo tamen minùs res visa libera est. Quod si præscientia est causa rei præscitæ, cum visus sit potius effectus rei visæ, ita erit tota hæc ratio concipienda, vt dicatur, non esse mirum si Dei præscientia ex qua res præscita infertur necessariò tanquam ex causa, non tollat libertatem: quando constat visum humanum: ex quo etiam res visa infertur necessariò tanquam ex effectu, illam non tollere. Vide Lector lucem-ne an tenebras afferat hæc comparatio.

XXXIV. Clarius adhuc hoc cernitur in D. Augustino, quem constat vti argumentatione accurata exactaque, vt ne Scholæ quidem lima desiderari videatur. Petitehim ab Euodio cum quo colloquitur, vnde timeat ne Dei præscientia libertatem excludat rei præscitæ, an ex specialiratione præscientiæ vt diuina est, an ex communi & vt est præscientia in vniuersum? Mox extorquet non hoc habere præscientiam vt diuina est: quòd hoc non habeat nisi quatenus necessariò consequitur, si præscitum est aliquid à Deo, esse illud futurum: quod quia sequitur etiam necessariò ex humana scientia, si vlla est, conficitur præscientiam Dei non vt est Dei, pugnare cum libertate, sed vt est præscientia. Iterum autem subsumit, præscientiam in vniuersum non pugnare cum libertate rei præscitæ: probatque in homine, cuius præscientia non aliter se habet ad futurum, quam se habeat memoria eiusdem ad præteritum, etiam illud quod non est ab ipso qui meminit productum, quâ nemo putat impediri eiusdem præteriti libertatem. Vnde sequitur tandem neque in præscientia Dei esse aliquid quod impediât libertatem rei præscitæ Hæc germanissima est Augustini cogitatio, vt constabit ex ijs verbis quæ mox producam. Quæ tota non modò redditur inutilis & insulsa, si vera est Anonymi sen-

rentia, sed captiosa etiam & fallax, atque ad illudendum composita, vt religio sit tribuere illam Augustino. Nam neque verè hoc assumit Augustinus, Si Dei præscientia libertati nocet, nocituram non vt est Dei, sed vt est præscientia. Etenim si nocet, nocet potissimum vt est causa rei præscitæ, non est autem causa vt est præscientia in vniuersum, sed vt est Dei, vt Anonymi sententia fert. Item illud quoque insidiosum, Dei præscientiam, si libertati officit, ideo esse quia sequela necessaria est à veritate præscientiæ, ad veritatem rei præscitæ, quod pariter reperitur in præscientia hominis: neque tamen officit libertati. Insidiosum, inquam, illud est. Siquidem sequela quæ necessaria dicitur ab hominis præscientiâ ad existentiam rei præscitæ, sequela potius est causæ ex effectu, quàm effectus ex causa: & ideo præscientia hominis circa futurum, comparatur memoriæ circa præteritum. At verò sequela quæ necessaria dicitur à præscientiâ Dei ad rem præscitam, est sequela effectus ex causâ, ex Anonymo. Quis autem non videt quàm sit absonum, supponere causam aliquam non influere necessitatem in effectum, quandoquidem effectus ipse in causam minimè influit? aut quæ proportio inter memoriam præteriti, & præscientiam futuri, vt hæc intelligatur non obesse libertati sui obiecti, quia illa non obest, si hæc causa est, & non illa? Sed audiamus Augustinum qui sic Euodium alloquitur obijcientem Deum iuste punire non posse quæ necesse sit fieri, esse autem necesse fieri quæ futura præscirentur. Vnde tibi videtur aduersum esse liberum arbitrium nostrum præscientiæ Dei: quia præscientia est?

» An quia Dei præscientia est? *Euodius*, Quia Dei. *Aug.*

» Quid ergo si tu præscires peccaturum esse aliquem, non esset necesse vt peccaret? *Eu.* Immo necesse esset vt peccaret, non enim aliter esset præscientia mea nisi certa præscirem. *Aug.* Non igitur quia Dei præscientia est, necesse est fieri quæ præscierit, sed tantummodo quia præscientia est. Quæ si non certa præscierit, vtique nulla est. *Eu.* Consentio, sed quorsum ista? *Aug.* Quia nisi fallor non continuò tu peccare cogeres quem peccaturum

de lib.
arb.

esse præscires: neque præscientia tua peccare cum cog-
ret, quamuis sine dubio peccaturus esset. Non enim ali-
ter id futurum esse præscires. Sicut itaque non sibi aduer-
santur hæc duo, vt tu præscientiâ tuâ noueris quod alius
suâ voluntate facturus est; ita Deus neminem ad pecca-
tum cogens, præuidet tamen eos qui propriâ voluntate
peccabunt. Cur ergo non vindicet iustus, quæ fieri non
cogit præscius? Sicut enim tu memoriâ tuâ non cogis
facta esse quæ præterierunt: sic Deus præscientia sua non
cogit facienda quæ futura sunt, &c.

XXXV. Longius quam putaram producta est hæc dis-
putatio, quòd fuerint in vnum cogenda locum, quæ spar-
sim dixerat Anonymus; vt conficeret scientiam visionis
esse rerum causam. Neque tamen adhuc videtur omitten-
da demonstratio quam eiusce rei se daturum pollicetur.
Sunt enim demonstrationum merces rarissimæ in hac,
quâ versamur caligine, ac rerum ignoratione; & ideo
studiosius colligendæ sunt ac magni faciendæ dum occur-
runt. Probatur ergo scientia visionis esse causa rerum
ratione, *inquit*, planè demonstratiuâ. Impossibile est
scientiam illam eius rei esse causam quam non cognoscit,
& cuius non est idea: At scientia simplicis intelligentiæ
nullius rei creatæ est idea & similitudo; sed sola scientia
visionis: igitur, &c. Maior probatur, quia omnis ars,
omnisque scientia factiua, eius tantum rei est factiua quæ
est illius obiectum, seu cuius est idea, &c. Minor probatur
ex vtriusque scientiæ definitionibus à Theologis omnibus
receptis & à nobis relatis supra cap. 23. Definitur enim
scientia simplicis intelligentiæ, cognitio eorum quæ nec
sunt, nec fuerunt, nec erunt vnquam: atque ad eò quo-
rum Deus nec fuit, nec est, nec erit causa: scientia autem
visionis est eorum quæ sunt, fuerunt vel erunt, & quidem
à Deo, &c. *Addit* Licet scientia Dei præcisâ voluntate &
vt præit ac præluceat eius absoluto decreto de aliquo ope-
re efficiendo, non visionis adhuc, sed præcisionis tantum
sit scientia: tamen & coniunctam cum voluntate, & ab
ea determinatam ad aliquid efficiendum, seu vt est actu
directiua potentiæ diuinæ aliquid extra operantis &

Demon-
stratio inu-
tilis & sine
luce.

„exequentis, esse verè scientiam visionis, non simplicis
„intelligentiæ.

Scientia
simplicis
intelligen-
tiæ est etiam
existentium
sed specifi-
catur, scien-
tia visionis
est existen-
tium sed
formaliter
& redupli-
catur.

En tibi rationem *planè demonstratiuam*, quam ego in pri-
mis si vocauero ad calculos, citius in illo syllogismo quin-
que terminos numerauero, quàm numerauerit Anonymus
quatuor in alio quodam argumento Suaris, quod ideo
nullum esse pronunciauit, cum sit optimum secluso liti-
gandi studio. Quod quia displicet etiam mihi; neque va-
cat insidiari sermoni, quando non est dubia loquentis
mens: aut dialecticam necere quæstionem ex Theologi-
ca; concessâ maiori, nego minorem. Ad cuius probatio-
nem nego pariter Theologos omnes ita definire scientiam
simplicis intelligentiæ, vt dicatur eorum quæ nec sunt,
nec fuerunt, nec erunt, sumendo formaliter, ita vt enun-
tiatiua sit non existentia; sed materialiter tantum vt
intelligatur enuntiatiua possibilitatis, & omnium attribu-
torum quæ necessariò competunt ijs quæ de facto neque
sunt, neque fuerunt, neque erunt. Similiter nego Theo-
logos omnes ita definire scientiam visionis, vt sit eorum
quæ sunt, vel fuerunt, vel erunt loquendo materialiter;
sed verò etiam formaliter, ita vt intelligatur esse enun-
tiatiua & expressiua existentia in illis temporis differen-
tijs: quo modo adhuc non definitur adæquatè, cum sit
etiam enuntiatiua & expressiua non existentia & omnis
demum prædicati contingentis ac liberi; vt antea dixi-
mus. Et dico ita sentire Didacum Ruiz, qui ius habet &
meritum vt inter Theologos numeretur, quique ita sen-
tientes refert Marsilium, Molinam & Bannez. Quin etiam
& S. Thom. Suppositâ igitur hac sententiâ, quòd scientia
Dei absoluta (conditionatam enim seponimus) adæquatè
diuidatur in eam quæ versatur circa possibilitatem scibilis
& omne attributum non contingens aut liberum, vel
asserendo, vel negando, siue obiectum existat siue non;
& illam quæ versatur circa existentiam & omne attribu-
tum contingens aut liberum, eodem modo asserendo
videlicet aut negando; Dico priorem habere posse ratio-
nem ideæ ac similitudinis creandorum, quantum satis est
vt dicatur eorum causa, voluntate vt ait D. Thomas

Disp 15. de
scientia
Dei sect. 9.
num 5.

Scientia
simplicis
intelligen-
tiæ habet
rationem
ideæ ac si-
militudinis
creando-
rum.

accedente. Et quia placet cum iam laudatis Aucto-
ribus vocare illam scientiam simplicis intelligentiæ, concludi-
mus scientiam simplicis intelligentiæ illam esse quæ re-
rum causa dicitur, non autem scientiam visionis vt pote
voluntate posteriorem. Quando autem laudatos Aucto-
res obtendimus, non ideo fateamur ceteros nobis esse
contrarios, cum constet illos non tam negare distinctio-
nem allatam duplicis scientiæ iuxta datam interpretatio-
nem, quam non affirmare: quippe qui minutius ista non
disputant. Consensuros autem facile iudicabit, qui atten-
derit quam sit præter eorum mentem trimenbris illa diui-
sio in scientiam simplicis intelligentiæ, visionis, & præ-
cisionis. Vix enim apud illos vllum huiusce tertij membri
vestigium reperiatur. Et cum aliunde scientia quam hic
Auctor *præcisionis* vocat, reduci non possit ad scientiam
visionis, quod nullam habeat cum rerum existentia con-
nexionem, reliquum est vt illam sub scientia simplicis in-
telligentiæ comprehenderint: vt sit periculum, ne quam
putat esse *omnium* Theologorum scientiæ simplicis intelli-
gentiæ definitionem, *nullorum* sit. Pensandum hoc quoque
fuerit, in eadiuisione quâ diuiditur Dei scientia in scien-
tiam simplicis intelligentiæ, visionis, & præcisionis, quo-
modo distinguatur diuissum ab hoc tertio membro diui-
dente: & quid de illo sentiendum qui animal trifariam
diuideret, in rationale, irrationale, & quod abstrahit ab
vtroque.

Sed neque illa, quæ addit Anonymus, satis percipio
quomodo cohæreant, Dei scientiam vt præit ac prælucet
eius absoluto decreto de opere aliquo efficiendo, non
esse adhuc scientiam visionis: nam vt præit ac prælucet
Dei Decreto, negari non potest quin sit causa mediante
tali decreto, vt referebamus ex S. Thoma, eorum quæ
exinde sequuntur, neque enim aliud requiri potest ad
rationem ideæ & causæ exemplaris, qualem intendit
Anonymus, quam vt *præeat & præluceat* voluntati effica-
ci qua fit aliquid: Atqui sub illa ratione nondum est, in-
quit Anonymus, scientia visionis: Ergo scientiæ Dei quæ
nondum est scientia visionis est tamen causa rerum. Ergo

Aucto-
sarij
quædam
parum
cohæ-
rentia.

falsum, solam scientiam visionis vt talis est, esse causam rerum. Atque ita ratio quæ dicebatur *planè demonstratiua* se ipsam confundit.

Hæc etiam scire velim quomodo quadrent, scientiam Dei vt præit ac præluceat decreto voluntatis, non esse adhuc scientiam visionis, & , esse scientiam visionis vt est actu directiua diuinæ potentia aliquid extra exequentis. Analiter præit aut præluceat Dei scientia eiusdem decreto, quam actu? Quomodo ergo distinguuntur hæc duo, Diuinam scientiam actu præluceat ac præire diuino decreto, & , esse actu directiuam diuinæ potentia, vt alterum affirmari, alterum negari iure possit ad scientiam visionis pertinere? An, inquam, aliud est diuinam scientiam præluceat actu diuino decreto, & aliud actu dirigere? Et consequenter potestne vt actu directiua pertineat ad scientiam visionis, & non vt actu præluceat? Et qui hæc confundit atque implicat, vti se putat ratione *planè demonstratiua*?

Adde illud æquiucòcè dictum, Dei scientiam vt est actu directiuam diuinæ potentia, esse scientiam visionis; Nam si sensus est, formaliter & eo ipso præcisè quòd diuina scientia voluntatem aut potentiam dirigit, esse scientiam visionis, est falsum, Quòd sub ea præcisè ratione nihil repræsentat vt existens aut vt non existens determinatè: si autem vult, vt est actu directiua consequenter & illatiuè esse scientiam visionis; est verum. Ex eo enim quòd intelligitur actu directiua, colligimus esse decretum aliquod liberum, & esse aliquid liberè futurum aut non futurum vi talis decreti, & consequenter esse aliquam in Deo scientiam, quæ vt *representatiua formaliter* tum decreti, tum eius quod vi decreti futurum aut non futurum est determinatè, dici debet scientia visionis? non autem vt *directiua* præcisè. Vno verbo, scientia directiua diuini decreti, non fit scientia visionis accedente huiusmodi decreto vt concausa tantum, sed accedente vt obiecto, itaque tum seipsum, tum effectum suum cognoscendum exhibente: tunc enim quæ tantum erat scientia possibilem, diuinâ quadam extensione fit scientiâ existentiam.

Quare ego ex illa ratione *planè demonstratiua*, non video quid possit colligi nisi materia quædam argumento conficiendo quod in ipsum Auctore retorqueatur in hunc modum. Sola scientia directiua diuini decreti, est causa rerum; scientia visionis non est directiua diuini decreti: Ergo scientia visionis non est causa rerum. Maior patet. Esse enim cognitionem aliquam directiuam, & esse practicam idem sunt: Esse autem practicam, & esse causam sunt pariter idem; vnde quæ non est directiua, nec practica esse potest, nec causa. Minor probatur. Scientia futura ex hypothesi possibili quod non esset scientia visionis, non est scientia visionis, vt ex terminis notum est: Scientia directiua diuini decreti futura est ex hypothesi possibili quod non esset scientia visionis; Ergo scientia directiua diuini decreti, non est scientia visionis. Declaratur hæc minor proposito exemplo decreti de creando hoc mundo, & scientiæ directiue talis decreti. Nam quod hæc scientia directiua sit actus liberi, sequitur suppositionem esse possibilem, quod sit talis scientia, & quod non sit talis actus seu tale decretum. Ex illa vero suppositione possibili sequitur futuram talem scientiam, non futurum autem mundum, nec proinde scientiam visionis mundi; quæ mundo non existente impossibilis est: Ergo ex suppositione possibili quod non sit scientia visionis mundi, futura tamen est scientia directiua decreti de mundo creando. Quemadmodum de facto est scientia directiua decreti de alio mundo creando, à quo Deus liberè abstinet, cui nihil prorsus deest ad completam rationem causæ in actu primo. Sed de his hæcenus. Redeamus ad purganda cætera Molinæ peccata.

§. V.

Cetera Molina defenduntur , & , de ordine Prioris & Posterioris inter actus diuinos.

- XXXVII. **H**Oc ergo Septimum est quod reprehenditur in Molina, quod ex nostro finito, Cap 36. num. 9. „ imperfecto, & in adæquato infinitam Dei scientiam concipiendi modo, videatur definire velle modum quo Deus „ à parte rei cognoscit, vult, agit, intelligit, operatur: & „ existimet talem esse à parte rei diuinæ præscientiæ, voluntatis & concursus cum nostra libertate concordiam „ & suauitatem, qualem nos concipimus. Quod, *inquit*, „ non satis Theologicum videtur. Atque hoc multis verbis oratoriè ac concionatoriè amplificat. Quid? Num etiam dicendum erit Deum non esse à parte rei infinitum, omnipotentem, omniscium, postquam non debemus existimare *talem esse à parte rei qualem concipimus*. Ad rem, mi Doctor. Molina hoc vnum postulat, vt concedas Deum certò scire quod affirmat, futurum scilicet ex hypothesi non futurâ prædicationis, vt Tyrij conuertantur, & sic de alijs. Quod si concesseris, erit illi factum satis, neque inficiabitur Deum & hoc scire & vti scientiâ illâ non humano modo, sed suo, hoc est diuino. Tuusque labor erit, dum primum negas, ostendere secundum esse impossibile, quod adhuc præstitum non est.
- „ XXXVIII. Octauo. Valde nouum, *inquit*, & per-absurdum videtur quod ait Molina, inter futurum & non futurum absolutè, dari medium, nempe futurum conditionatum. Etenim pari iure dixerit inter hominem & non hominem dari medium, scilicet hominem doctum, vel hominem mortuum..... Igitur sicut homo doctus sub altero contradictionis extremo scilicet homine, & homo mortuus sub non homine simpliciter continetur: nec est „ quid medium inter verumque, ita futurum hypothetice, „ cum nullo modo est quid medium inter futurum & non futurum,
- lib. num. 10. conditione futuri, mediū inter necesse possibile, & futurum absolute.

futurum, sed sub horum altero continetur: &c. Neque hîc Molina repugnat: nec vnquam negauerit pœnitentiam Tyrîorum verbi gratia quæ dicitur hypotheticè futura, esse absolutè non futuram: itaque poni sub altero illius contradictionis membro, *futurum absolutè, non futurum absolutè*. Sed hoc præterea Molina sciuit, quod non potuit nescire qui hæc obijcit, medium inter duo extrema dici non tantùm quod excluditur ab vtroque; sed etiam quod vtrumque participat aliquâ ratione. Et quia pœnitentia Tyrîorum quæ absolutè ponitur sub non futuro, participat tamen conditionem futuri, ex hypothefi prædicationis: quemadmodum & conuersio Pauli quæ fuit absolutè futura, participabat tamen conditionem non futuræ si Stephanus non orasset, vt dici solet; ideo & Tyrîorum pœnitentia, & Pauli conuersio dici potest aliquid medium inter futurum & non futurum absolutè. Quod etiam medium reperiri potest inter quælibet alia extrema contradictoria contingentia, & quæ diuissim conuenire possunt eidem subiecto, inter doctum verbi gratia & non doctum, sanum & non sanum. Ita enim ponendus absolutè fuit Aristoteles sub *docto*, vt futurus etiam fuerit *non doctus* si pergeret operam dare ludo & ganeis, vti cœperat: & ita plerique absolutè ponuntur sub *non sano*, vt etiam sub *sano* ponendi fuerint, si vellent viuere temperantiùs. Quare ergo & futura illa hypotheticè Aristotelis imperitia, & istorum valetudo, non possit dici aliquid medium inter esse doctum, & esse non doctum absolutè: esse sanum & esse non sanum absolutè? Atque hæc quidem responsio sufficiebat, si dixisset hoc Molina quod hic Doctor illi attribuit, dari nimirum aliquid medium inter *futurum*, & *non futurum absolutè*. Sed medium dari dicit tantùm inter *possibile merum*, & *simpliciter futurum*. Vocat autem *possibile merum*, quod omnem omnino futuri rationem excludit, qualis fuit pœnitentia Corosainitarum, quæ nec absolutè nec hypotheticè futura fuit: & fuit tamen possibilis, alioqui non exprobraretur illis impœnitentia. Ergo inter rem hoc tantùm modo possibilem, & inter rem simpliciter futuram, dari di-

Disp. 18.
memb. 1.

cit aliquid medium, qualis fuit pœnitentia Tyriorum, quæ in eo quidem conueniebat cum pœnitentia Corofainitarum, quoddneque ipsa eſſet ſimpliciter futura, & ideo excludebatur ab extremo illo, *ſimpliciter futurum*; ſed non ideo ponebatur ſub altero, quod eſt, *merum poſſibile*, ſuperaddebat enim hypotheticam futuritionem ad meram poſſibilitatem, in quo differebat à pœnitentia Corofainitarum. Cùm ergo neque ſub *ſimpliciter futuro*, in quo cum alia conueniebat: neque ſub *poſſibili mero*, in quo differebat, collocaretur; quid ſupereſt niſi vt dicatur fuiſſe media inter vtrumque? Idemque dici poterit ſi compares eandem Tyriorum pœnitentiam cum eorum obſtinatione. Hæc enim non fuit *ſimpliciter futura*, neque enim eſſe poruit ſine prædicatione, quæ ipſa futura non fuit. Non fuit etiam futura ex hypotheſi prædicationis, quippe cùm acturos fuiſſe pœnitentiam Chriſtus pronunciet: ergo fuit tantum merè poſſibilis, ex hypotheſi prædicationis: Ergo pœnitentia quæ neque ipſa erat *ſimpliciter futura*, & ad meram obſtinationis poſſibilitatem ſuperaddebat futuritionem hypotheticam; media fuit inter duo extrema abſolutæ futuritionis, & meræ poſſibilitatis. Id quod eſt adeo perſpicuum, vt vix eſſe poſſit *Antiquus* atque *idoneus* Philoſophus is cui hoc *nouum* ac *per-abſurdum* videatur.

Scientia
media
quomo-
do prior
ſcientiâ
viſionis.

XXXIX. Vltimo. Non probatur, *inquit*, quod ſuam illam ſcientiam mediam Molina duabus alijs, viſionis ſcilicet & ſimplicis intelligentiæ faciat priorem. Nam vt dicebam capite præcedenti: quâ prioritate? Non temporis? &c. Hic etiam affingitur aliquid Molinæ, qui nequaquam dicit priorem eſſe ſcientiam mediam, ſcientiâ ſimplicis intelligentiæ quæ illi eadem eſt cum ſcientia naturali & neceſſariâ; ſed priorem eſſe dicit ſcientiâ viſionis, quæ verſatur circa contingentia, & vel futura abſolutè, vel abſolutè non futura vt talia ſunt. Sed quia hoc quod eſt aliquid non eſſe futurum, Anonymus ſciri putat per aliam ſcientiam quàm per illam per quam ſcitur hoc quod eſt aliquid eſſe futurum, eamque vult eſſe ſcientiam ſimplicis intelligentiæ; ideo Molinæ attribuit quod ſcientiam

mediam priorem faciat scientiâ simplicis intelligentiæ. Quain re siquid absurdum videtur, totum nascitur ex absurda illa scientiæ simplicis intelligentiæ nuncupatione, cuius Molina innocens est.

XL. Iam quodquerit qua prioritare prior dici possit scientia media, scientiâ visionis? Longiorem postularer disputationem ad ventilandam Anonymi doctrinam, qui de ordine scripsit vt eum tolleret inter actus Dei liberos ac necessarios: ac veluti non posset aliter stare tum æternitas diuinorum, tum independentia, vetuit ne quicquam mihi prius posteriusuè diceretur, sed quia disceptationem hanc ipse *caprilaneam* esse dicit, parcendum est inutiles tonsuræ: in qua tamen Anonymus plurimam videtur operam lusisse, versat enim hanc quæstionem pluribus capitibus à vigesimo nono ad quadagesimum sextum. Adeo illud iucundum fuit *caprinalea* ducere flamina.

XLI. Sed ne videamur elusisse interrogationem, quæ petit quia prioritare prior sit scientia media, scientiâ visionis, primùm interrogabo vicissim, quam ipse prioritatem intelligat dum fateretur scientiam quam vocat *præcissionis*: *præire* ac *præelucere* diuinæ voluntati? aliquam enim illis vocibus prioritatem significari, opinor, ipse non negabit, ne se improprie loquutum concedat. Quod si prioritatem admittit eam tantum quæ dicitur *in subsistendi consequentia*, vt innuere alibi videtur, hac dico priorem esse scientiam mediam decreto voluntatis prædefiniente aut permittente futuros actus liberos, & consequenter scientiâ visionis eosdem actus vt absolute futuros exprimente. *Praet* enim ac *præelucet* scientia media illi decreto, ita vt sit verum non fore decretum si non esset scientia media, scientiam autem mediam mansuram quamuis non sequeretur decretum: & quia scientia visionis illorum actuum, decretum sequitur, sit vt sit pariter verum, illam non futuram si non *præiret* ac *præeluceret* decreto scientia media, mansuram verò scientiam mediam, quamuis non sequeretur scientia visionis.

Etiam Adversarius cogitur supponere prioritatem quandam in Dei scientia.

Iam verò quia non ita omnino se habet scientia media ad scientiam visionis, sicut se habet animal ad hominem,

& in vniuersum ratio communis ad rationem particularem; cum vnaquæque illarum sit singularis quædam atque indiuidua ratio: ideo non debet hic admitti prioritas in subsistendi consequentia, qualis est inter vniuersale & particulare sub eo contentum: sed qualis esse potest inter eas res, quarum vna pendet ab alia & non reciprocè. Ita enim se habet scientia media ad scientiam visionis, saluâ semper identitate atque vnitatem reali. Ita, inquam, se habet à parte rei. Neque enim id quod dicimus ex nostris conceptibus petitur, non esse nimirum futuram prædefinitionem liberi actus, si non esset eiusdem scientia media, futuram autem scientiam mediam quamuis non esset prædefinito liberi actus. Hoc enim est verum, neminem cogitante: & ideo prioritas illa non debet dici tantam denominationem extrinsecam petita à nostris conceptibus, sed supponi debet esse illius reale fundamentum in entitate Diuini actus. Id quod similiter valet in scientiâ simplicis intelligentiæ comparatâ vel cum decreto libero, vel cum scientiâ visionis inde sequutâ: item in scientiâ visionis vnius rei, comparatâ cum scientiâ visionis alterius, vt si compararetur præscientia peccati futuri, ad præscientiam pœnæ propter illud infligendæ: item in vno decreto libero cum alio comparato, vt si compararetur decretum permittendi peccatum cum decreto illud puniendi. Quin & vbi reciproca est consequentia, potest tamen vnum alio censi prius in actibus diuinis. Et ita quamuis ex eo quod Deus videat futurum vltimum iudicium, benè inferamus illud esse à Deo decretum: & ex eo quod intelligamus illud esse à Deo decretum, sequatur etiam benè illud esse futurum, nihilominus tamen est quod dicamus decretum iudicij prius esse illius præuisione, non vice-versâ, prioritate fundatâ in ipsa re. Sicut enim quando actus sunt realiter distincti, si vnus exhibet alteri obiectum in quod tendat, & non reciprocè, is eo prior dicitur, quo modo cognitio nostra volitione prior est, & præmissæ formales ipsâ conclusionem; ita si vnus actus non obstante simplicitate suâ duplicem habeat rationem, cognitionis & volitionis: & sub vnâ ratione exhibeat ipse

sibi obiectum attingendum ab aliâ; quidni dicetur habere in se virtualem ordinem prioris & posterioris, & reale fundamentum vt concipiatur prior seipso sub alia & alia ratione? Ita igitur se habet decretum de vltimo Iudicio ad eius præscientiam, quia decretum causa est quâ sit futurum iudicium, & eatenus est etiam causa quâ illud obiectum intellectui diuino præsciendum exhibetur. Et eodem modo & visio quâ Deus seipsum intuetur, prior est amore quo se amat, & scientia possibilitum eorundem amore, quamuis inibi reciproca sit illatio existentiae: quia etiamsi reciproca sit illatio existentiae, non est tamen reciproca obiecti exhibitio, sed est fundamentum in re, cur dicatur visio illa seu scientia exhibere amori obiectum in quod tendat, non vice-versa.

XLII. Nam quod dicit Anonymus, huiusmodi ordinem fuisse Patribus incognitum & antiquis Scholasticis; satis refellitur exijs quâ illi dicunt de voluntate puniendi, & iustitiam vindicatiuam exercendi, quam dicunt à nobis *causam habere* peccatum scilicet, & esse *consequentem*. Hoc enim idem est ac esse præscientiâ futuri peccati posteriorem. Item de voluntate miserendi ac gratiam conferendi peccatoribus, quam similiter causam habere volunt in meritis Christi, quod est esse posteriorem illorum præscientiâ, & ita de alijs. Sed videri possunt recentiores Theologi, qui adeo sunt vnanimes in aliquâ diuinorum actuum serie admittendâ, vt sit manifestum superiorem sæculorum atque adeo ipsius Christianismi semen quoddam esse commune, quod diuisis multiplicatisque lapsu temporum Scholis, in eandem tamen sententiam vbique germinarit.


XLIII. Sed addit etiam esse inutilem hanc seriem decretorum. In quo ille omnium ferè mortalium quibus contingit rerum istarum notionem habere aliquam, experientiam accusat. Quid, non confert ad explicandum quid debeamus Christo Domino, quod dicitur ex præscientia mortis ipsius conceptam fuisse voluntatem conferendi nobis gratiam? Non iuuat ad obstruendum os desperatis hominibus, quod dicuntur ipsi voluntariam exhi-

Ex PP. infer-
fetur ali-
quis inter
ordo diui-
nos eius.

buisse causam præscientiæ peccatorum suorum ? Hanc verò præscientiam dum peccata repræsentat, iustum exhibuisse Deo puniendi motiuum ? Nam quòd etiã conferat ad intelligendam præscientiæ ac prouidentie cum libero arbitrio concordiam, postea fortasse monstrabitur. Nunc tantum hoc dico, Anonymum qui putat faciles esse ad intelligendum quæstiones illas sublato prioris ac posterioris ordine, prædicare facilitates cæteris Doctoribus incompertas, suorumque conatum successu hoc tantum consequi, vt communes cogitationes credantur esse meliores.

CAPVT III.

Expenditur Anonymi doctrina & interpretatio locorum scriptura pro scientia media.

XLIV.  T scripturæ testimonijs respondeat quibus scientia media suadetur, multa præmittit Anonymus, quæ partim aliena sunt atque inutilia, partim æque obscura incertaque atque id ipsum de quo contenditur.

Cap. 17.
num. 2.

Primum est, inter diuinam scientiam & reuelationem externam latum esse discrimen. Quis dubitat ? Sed ad quid illud ? Quia, inquit, inde fit, quamuis Deus nobiscum hypotheticè loquatur, dum reuelat, non tamen hypotheticè cogitare. Optimè id quidè, quemadmodum nec sequitur Deum hebraicas habere cogitationes ex eo quòd nobiscum loquatur hebraicè, sed diuinās. Non quærimus modum, cognoscendi, sed rem cognitam : neque hoc contendimus Deum hypotheticè cogitare, sed hypothetica, quæ sunt hypotheticè futura. Quod dum negant Aduersarij, non solum negant Deum eo modo cognoscere quo loquitur, sed rem illam cognoscere quam

loquitur : quod est dicere Deum nescire quid dicat. Dicit enim Deus clarè distincteque *unum fore, si aliud ponatur.* Quod si scit, scit ergo conditionatè futurum : si nescit : dicit quod nescit.

XLV. Secundum inconstantem exhibet incertamque cogitationem. Enuntiationem hypotheticam dicit, illationem magis esse quàm enuntiationem, ad tertiam mentis operationem proxime accedere; ab ea tamen differre; nihil propriè affirmare aut negare; sed significare solum connexionem aliquam & illationem consequentis ex antecedente. Quid hæc quæso sibi volunt, & quod pertinent? Mirum sit, nisi quatuor esse mentis operationes concludit. Hypotheticum enim iudicium, postquam magis *illatio est quàm enuntiatio*, postquam ad tertiam operationem proxime accedit; quid esse potest nisi medium quid inter secundam & tertiam operationem? Medium autem inter secundum & tertium quomodo potest concipi, nisi ubi quatuor numerantur? Sed quod dicit hoc iudicium *nihil propriè affirmare vel negare, sed significare tantum connexionem aliquam & illationem*; non cohæret. Connexionem enim illam & illationem non quocumque modo significat, sed assertiue ac iudicatiue, vt sic loquar : significare autem assertiue seu iudicatiue, idem est atque affirmare aut negare : affirmare autem vel negare illationem aut connexionem aliquam, est affirmare aut negare aliquid. Sed hoc, inquit, non est affirmare, aut negare *absolutè*; quasi diceret, iudicium hypotheticum non esse iudicium absolutum, quis contradicit? Non quæritur an iudicium hypotheticum sit absolutum, sed an sit. Addit, non magis enuntiationem esse, hypotheticam illam, quàm syllogismus hypotheticus sit syllogismus. Hunc autem non esse propriè syllogismum, vt notat Iulius Pacius. Concedo non magis esse enuntiationem quæ hypothetica dicitur, quàm sit syllogismus qui etiam hypotheticus nominatur: sed hunc non esse syllogismum si negauerit Pacius, malè: ipse sibi consuluerit. Cum sit manifestum, syllogismum esse ubicumque consequentia formalis est ac necessaria ex duabus præmissis: item hoc in eo reperiri qui dicitur

Syllogismus hypotheticus est propriè syllogismus.

hypotheticus; non iuxta modum illum, quem ex Pacio refert Anonymus, sed iuxta alium apud omnes Dialecticos vsitatissimum, quo maioris propositionis coniunctæ & hypotheticæ, in minore pars altera ponitur absolute, aut destruitur; vt altera in conclusione similiter ponatur absolute vel tollatur. Cuius artificij Anonymus inuenire potuit Auctores paulò antiquiores Pacio, ac probatiores, Seuerinum Boetium Latinorum Peripateticorum Ducem, qui duos olim scripsit libros de syllogismis hypotheticis: & S. Thomam qui de ijs etiam tractat Opusculo 48. cap. 16. & 17. meminitque fusioris tractatus de hoc ipso argumento à se scripti. Quos Auctores non viderit Anonymus, quando negat aliquam esse figuram aliquosue modos huiusmodi syllogismorum; cum illi & figuras constituent & modos longè plures quàm sint in categoricis syllogismis. Boetius enim sub finem libri secundi in tertia tantum figura hypotheticos modos numerat quadraginta. Sed & Iulius Pacius hæc addit. Nee propterea reprehendo imò & laudo eos qui explicant syllogismos hypotheticos, quoniam & ipse Aristoteles de his agit, non tantum hîc, sed etiam posterius cap. 29. cuius capitis particula septima dicet explicandum esse quot modis fiant syllogismi hypothetici. Ad caput autem 29. vbi Aristoteles agit de his syllogismis, duoque perstringit eorum genera, longiorem autem superesse significat eorum tractationem, hæc notat Pacius. Hæc omnia sunt valde obscura, quoniam & si Philosophus in sequenti particula fateatur accuratius explicandos esse, & in sua genera diuidendos syllogismos hypotheticos; tamen vel id postea non præstitit: vel iniuriâ temporum perierunt quæ hac de re conscripsit..... Sed nec Theophrasti liber, quem de syllogismis hypotheticis conscripsit, ad nos peruenit, ex quo nonnulla referunt Alexander & Philoponus. Vnde intelligas quàm inconsultè dixerit Anonymus *Aristotelem sua in Logica omnibus numeris absolutissimæ, de propositionibus aut syllogismis hypotheticis nihil præcepisse*. Cum perspicuum sit & nonnihil de illis præcepisse Aristotelem, & plura censuisse præcipienda. Quod & antiquissimi Aristotelis discipuli

ad cap.
29 primi
prior.
num. 12.

num. 6.

discipuli præstiterint. Non aliâ certè de causa, quàm quia & veros putauerint syllogismos, & vtiliores quàm Anonymo visum sit.

XLVI. Tertium est, Illationem in syllogismo significatam non esse à parte rei: similiter neque consequentiam & illationem propositionis conditionalis significatam per coniunctionem, si: sed esse tantum in intellectu nostro. Et quia diuinus intellectus non infert vnum ex alio; ideo nihil Deum cognoscere *conditionatè* sed *absolutè* tantum. Hic etiam aberrat à scopo. Non quærimus an Deus aliqua nouerit conditionatè; sed an nouerit conditionata seu conditionatè ponenda. Hoc enim si obtinuerimus, parum refert absolutè an conditionatè, illatiuè an simul & intuitu simplici ea cognoscat. Et quemadmodum nemo negauerit ea ipsa quæ nos discursiuè cognoscimus, Deum cognoscere sine discursu; ita negari non potest, si quid conditionatè ac verè cognoscimus, & illum cognoscere, non nostro imperfecto, sed suo quodam modo perfectissimo ac diuino. Nullum enim verum, Deum laret. Fallitur etiam Anonymus, dum supponit illatiuam esse omnem conditionalem, cum sufficiat ad legitimum illius sensum, si sit concomitantia quædam quam significet, antecedentis & consequentis; cum liberâ & non necessariâ vnus ab alio dependentiâ. Denique latissimè fallitur, dum illationem significatam in syllogismo, & in propositione conditionali, negat esse à parte rei, sed esse tantum in mente nostrâ. Quòd sit manifestum formalem illationem quæ est in mente nostrâ, esse representatiuam & assertiuam illationis obiectiuæ; quæ si non est à parte rei, sequitur omnem nostram illationem mentalem esse falsam, vt pote assertiuam rei quæ non est.

Quartum est, Omnia nostra & scripturæ dicta non esse rigide atque vt aiunt; ad literam interpretanda. Transcat, Sed quorsum ea spectent, constabit postea.

XLVII. Quintum ex quarto sequitur, Cum aliquid in scriptura sacra absolutè vel hypotheticè dicitur esse futurum, quod reuerâ futurum non est, nec fuit vnquam,

Illatio significata in Syllogismo est à parte rei.

» Deum aliud significare velle ac intendere, quàm illius
 » rei futuritionem : proindeque id quod futurum dicitur
 » nomine tenus esse futurum, seu vt loquitur Augustinus
 » esse futurum non futurum. Quæ regula vel inutilis est,
 vel captiosa. Nam cùm dicit, cùm aliquid in scriptura
 sacra absolutè vel hypotheticè dicitur esse futurum, *quod*
revera futurum non est, si subaudiatur hîc vt debet *nec abso-*
lute nec hypotheticè, verum est, alio sensu accipienda Dei
 verba, quam vt per ea designetur illius rei futuritio : at
 hoc nihil eum iuuat. Si verò non subaudiatur illud, sed
 sensus sit, cum aliquid in scriptura sacra dicitur esse futu-
 rum *absolute vel hypotheticè*, quod re vera futurum non est,
 nec fuit vnquam, supple *absolute*, oratio captiosa est, &
 falsa regula quæ præscribit alio sensu interpretanda Dei
 verba quam vt designetur saltem hypothetica illius rei
 futuritio. Falsum enim est & apertam principij petiti-
 onem continet. Si quid scriptura dicat hypotheticè futu-
 rum, quod nec est nec fuit vnquam absolutè futurum,
 credendum esse Deum voluisse aliud significare quàm
 illud esse futurum hypotheticè. Et frustra laborat vt &
 S. Thomæ & S. Augustini auctoritate muniat sese. Nullus
 enim apud illos apex est, quo tam absurda interpretatio
 innuatur.

num. 1. cap.
3.

XLVIII. His præmissis aggreditur Anonymus illorum
 locorum interpretationem, quæ probare videntur in
 Deo dari scientiam mediam. Et primò respondet *in genere*
 & *in communi* propositâ duplici solutione, quarum vnâ
 in alteram incidere necesse est, vt vim aliquam habere
 possit. Tum demum loca singula respondendo percurrit.
 Ego quoque contra solutiones huiusmodi omnes, tria re-
 gero *in genere & in communi*. Primum est, nihil aliud afferri
 quàm quod vulgò huc vsque allatum est ab ijs qui scien-
 tiam mediam impugnarunt. Expectabatur autem vt is
 cui amica veritas sic illuxerat, vt eum seduceret à com-
 muni cæterorum amicorum sententiâ, nouum quemdam
 radium emitteret, quo & iustam fuisse ab alijs discessio-
 nem ostenderet, & nouæ huius operæ pretium esse ali-
 quod probaret.

Secundum est, easdem solutiones non modò proponi solitas ab impugnatoribus scientiæ mediæ; sed & à plerisque contemni tanquam minus idoneas minusque veras. Nam & ex Calvinistis TVissius negat ijs sibi satisfieri vt antea visum est: & ex Thomistis plerique omnes recentiores arbitrantur testimonijs illis cogi, non quidem mediam; sed tamen conditionatam, hoc est conditionatè futurorum scientiam dari, vt postea constabit, quod illis omnibus responsionibus perpetuò negatur. Cùm autem id de quo inter Iesuitas, Thomistas & Calvinistas conuenit, minimè ancipitem continere veritatem oporteat; sequitur non esse legitimam, quam solutor iste suis creditoribus pecuniam repræsentat, vt potè illorum omnium iudicio reprobata.

Tertium est, cùm omnia illa scripturæ testimonia primariâ & propriâ verborum acceptione futurum aliquid ex hypothesi significant: & illud esse futurum suis omnibus responsionibus Anonymus neget: contendatque aliam esse quàm intendit Spiritus Sanctus sententiam ab ea quam illius verba præ se ferunt; videndum quam ille prætexat exceptionem ab ea regula, quæ Dei verba iuxta propriam germanamque significationem interpretanda credendaque præscribit. Nam quæ duæ solent, *manifestæ videlicet falsitatis, aut absurditatis, & oppositionis cum alijs item Dei testimonijs*; locum hîc habere aliquem istę Auctor nusquam probauit, vt colligi potest ex præmissa superiori capite omnium quibus ille vtitur argumentorum solutione. Atque hæc est illa, non *vociferatio* cap. 30. quam Suari attribuit, Auctori modestissimo; sed iustissimum, 7. ma expositulatio eorum omnium qui queruntur istâ ratione philosophandi vim omnem adimi scripturæ sacre: dum fas est illam ad impropriam detorquere intelligentiam, quoties aliquis opinione quadam occupatus, suo quidam iudicio verâ; sed alieno vel falsâ vel certè dubiâ, veretur ne non sit verum, quod à Deo immediatè dicitur: atque illius mentem accomodare mauult suæ; quàm suam ex verbis illius & testimonio emendare.

XLIX. Iam singula perstringamus. Prima duarum illarum

solutionum communium est, propositiones & reuelationes conditionatas, quæ sunt in sacra scriptura, non esse necessarium argumentum scientiæ conditionatæ: quòd diuersa sit ratio, tum illarum, tum istius. Contrà, Ex reuelatione colligitur necessariò scientia rei quæ reuelatur: quia reuelans non nescit, quid dicat: ergo ex reuelatione significante aliquid esse futurum ex hypothesi; colligitur necessariò reuelantem scire illud esse futurum ex hypothesi: hæc autem est scientia conditionata. Ergo eò deueniendum est, vt vel admittatur scientia conditionata, vel negetur esse vllam reuelationem quæ significet ex intentione Dei reuelantis aliquid esse futurum ex hypothesi; quæ est secunda solutio communis de qua mox.

- » L. Addit Anonymus nosse tamen Deum perfectissimè
 » omnes nostras & absolutas & hypotheticas enuntiationes,
 » quæque illis nobis significantur, quidue falsi, aut veri,
 » aut probabilis habeant. Ex quibus verbis manifestum colligitur argumentum scientiæ in Deo conditionatæ. Constat enim nos hypothetica formare iudicia: siue illa quæ Dei reuelatione niti videntur: siue alia quæ probabilibus adducti coniecturis concipimus: quibus distinctè significamus esse aliquid sub conditione futurum. V. G. non solum dicimus esse probabile aut esse periculum, vt ille, si comædos spectet audiarve, aut si hunc aut illum librum legat, tale aut tale consilium ineat; sed omnino affirmamus in futurum. Quod iudicium quamuis sit opinatum obscurumque atque incertum, (in quo differt ab eo quo sola probabilitas aut solum periculum enuntiatur, quod semper aut ferè semper est manifestum) est tamen verè ac formaliter iudicium; ac proinde non est tantum probabile, sed insuper verum, aut falsum; quia omne iudicium quod est verè ac propriè tale, est aut non est conforme obiecto suo, & eatenus habet aliquam veritatem aut falsitatem. Neque hoc negat Anonymus. Fatetur enim dum agit de singularibus oppositis de futuro contingenti, si veram esse propositionem aliquam non sit aliud, quàm esse conformem obiecto suo: & esse falsam, esse

difformem; oppositarum de futuro contingenti singulari alteram posse dici determinatè veram; alteram determinatè falsam. Eo igitur sensu contendo iudicium hypotheticum & opinativum illud nostrum, quo dicimus, *si comes Paulus spectaret, peccaturum*, aut esse verum determinatè, non verò falsum; aut esse falsum determinatè, non autem verum: ergo Deus hoc novit, postquam quodlibet iudicium *perfectissimè novit quid falsi aut veri aut probabilis habeat*. Atqui est impossibile Deum nosse illud iudicium esse falsum, quin nouerit aliquid ex aliqua suppositione contingenter non esse futurum: quemadmodum impossibile etiam est vt nouerit esse verum, quin nouerit aliquid ex aliqua suppositione contingenter esse futurum, vt per se pater: hoc autem nosse pertinet ad scientiam conditionatam, siue ad scientiam conditionatè futurorum: ergo non potest non esse in Deo talis scientia, si & sunt in nobis & Deo perspecta sunt hypothetica iudicia de rebus sub conditione futuris.

Neque dicas hoc Deum nosse scientiâ visionis, aut simplicis intelligentiæ, quæ est alia solutio mox reiicienda: quia non disputo quâ scientiâ novit hoc Deus, sed quod obiectum novit: & quia manifestum est obiectum mei iudicij, esse obiectum sub conditione futurum (hoc enim ego enuntio) consequens est vt & nouerit Deus, & sciat obiectum esse aut non esse sub conditione futurum, quocumque modo & quacumque scientiâ id nouerit, quam si non placet vocare conditionatam, satis est si concedatur esse obiecti sub conditione futuri.

LI. Secunda responsio generalis, concedit quod verissimum est, Deum certò & infallibiliter nosse omnia quæ futura conditionata dicuntur. At negat ea cognosci vllâ scientiâ mediâ & conditionatâ; sed solum absolutâ vel visionis vel simplicis intelligentiæ, illâ quidem si sunt aliquando futura *nimirum absolute*; hac verò, si nunquam sunt, *subaudi etiam absolute*. Addit futura hæc conditionata quæ non sunt absolute futura, non differre à pure possibilibus, nisi nostro conditionate concipiendi & enuntiandi modo Item. Cùm à Deo dicuntur futura,

Gg iij

„ Deum aliud quàm eorum futuritionem indicare velle. Quam doctrinam si quis attentius expenderit, facile mecum iudicabit; magnum virum negotijs videlicet grauioribus occupatum, Theologica ista non satis speculatum. *Secunda responsio concedit Deum certò nosse omnia quæ futura conditionata dicuntur?* Concedit ergo quod non petitur; neque enim hoc petitur vt Deus concedatur ea certò nosse quæ dicuntur futura conditionata; sed vt dicatur ea nosse *vt futura conditionata*, ita vt illa scientia huiusmodi futuritionis assertiua sit. Hoc autem non conceditur ab hoc Auctore, quin potiùs mox negatur, cùm dicitur Deus *aliud significare velle quàm illorum futuritionem*, si quando futura pronuntiet.

Iam quod addit, *Hæc futura si non sunt aliquando absolute futura, non differre à purè possibilibus*, idem est ac si diceret, quæcumque nos verè concipimus & enuntiamus vt futura sub conditione, ita vt iudicium nostrum assertiuum sit ipsius futuritionis, & non alterius rei, falsò dici futura, esseque omnia illa nostra iudicia falsa. Probatur sequela, proposito hoc exemplo. Sit spurcissimus homo v. g. Domitianus, qui Deo ita disponente re ipsâ non incurreret in matronam honestam & decoram atque amabilem: vnde absolutè futurum non est, vt concupiscat. Iudicat tamen aliquis hypothetico iudicio, *si incideret, concupisceret*. Hoc verò ita iudicat, vt non enuntiet modo esse illius rei periculum: aut esse ad hoc dispositum Domitianum: aut esse probabile ita futurum. Nam illis modis concipitur etiam Deus significare res hypotheticè futuras, sed enuntiet eo modo quo potest; & quo non potest Deus ex suppositione, nimirum ita vt futuritio illa concupiscentiæ hypothetica per se ac directè significetur; Quæro vtrum illud iudicium *si incideret Domitianus in illam, concupisceret*; sit verum præ isto alio, *si incideret non concupisceret*: aut *si incideret, sibi & suo appetitui temperaret*? Si sit verum præ isto: ergo futuritio concupiscentiæ hypothetica, differt à re purè possibili. Nam vt non concupiscat, vel vt sibi temperet, est purè possibile: vt autem concupiscat aliquid aliud insuper est, postquam dicitur præ illo verum. Quod

Ex contrariâ doctrinâ sequitur falsas esse determinatè propositiones omniassertiuas futuri conditionati: negatiuas autem veras in atque.

si non est præ illo verum : Ergo est simpliciter falsum. Quia quod non est magis verum quàm id quod est simpliciter falsum, est ipsum quoque simpliciter falsum : futura illa hypotheticè concupiscentia Domitiani, non est magis vera, quàm futura eiusdem temperantia, quæ supponi potest in hoc casu simpliciter falsa : ergo, &c. Iam verò quotiescumque asseritur aliquid quod non est ita vt asseritur, falsa est assertio : atqui asseritur hypotheticè futura Domitiani concupiscentia, quæ reuerà ita futura non est : ergo falsa est assertio illa : idemque dici poterit de iudicio quo enuntiamus hominem crudelissimum, qualis fuit Nero, si incideret in eum à quo se læsum putaret, duci iussurum : vel de rapacissimo, si diues occurreret, spoliaturum : & ita de alijs. Nullum, inquam, erit ex infinitis huiusmodi iudicijs hypotheticis, quæ circa quamcumque materiam imaginabilem versentur, in quâ tamen libera supponatur concomitantia vel sequela consequentis ex antecedente, quod non sit falsum. Falsum autem esse non potest iudicium alicuius rei assertivum, quin sit verum iudicium eiusdem negatiuum, vt per se patet, cùm sufficiat ad veritatem negationis, vt non sit illud quod requiritur ad veritatem affirmationis. Sequitur ergo vera esse omnia iudicia negatiua hypothetica de rebus quæ absolutè non erunt, v. g. verum erit, *si Domitianus in illam incideret, non concupisceret* : *si Neroni occurreret exosus ille, non iuberet interfici*, & ita de cæteris omnibus quæ infinita sunt : Appello autem Anonymi conscientiam an reuerà putet ita esse : velitque omnibus illis assentiri tanquam veris.

Explicatur hoc ampliùs. Quia dum negas verum esse quod dico *si Domitiano illa occurreret*, &c. negas futurum esse *vt concupiscat* : & arbitraris te verè negare : ergo verum est per te, *si Domitiano illa occurreret, non concupisceret*. Hoc igitur scit Deus, postquam verum est : & ita datur in Deo scientia futuri conditionati negatiua. Quare non ergo detur & affirmatiua ?

LII. Sed quod dicit, futura conditionata quæ non erunt absolutè, differre à merè possibilibus, nostro tantum

concipiendi conditionatè & enuntiandi modo, non satis capio. Et quæro num ille concipiendi modus arbitrarius sit, an in rebus ipsis obiectisq; fundamentum habeat? Nam si fundamentum est in obiectis, differunt re ipsa, & non tantum nostro concipiendi modo: si non est, cum sit merè possibile vt Nero homini quem oderit parcat, si detur eius copia; nullum erit inter hæc duo discrimen, *fore vt parcat*, & *fore vt sæuiat* ex illa hypothesi: dummodo nos eodem modo enuntiemus vtrumque.

Neque dicas alterum esse probabile, alterum non esse: quia non enuntiatur probabilitas, vt suppono; sed futuritio ipsa: quæ cum non magis sit in vno quàm in alio, consequenter res enuntiata vtroque eadem erit. Quin imò contradictoria conciliabuntur: neque vlla erit pugna inter fore vt aliquis sæuiat, & fore vt non sæuiat ex hypothesi: fore vt concupiscat & fore vt non concupiscat: fore vt rapiat & fore vt non rapiat, & sic de alijs omnibus.

Denique quod subiungit, cum eiusmodi à Deo dicuntur futura, *Deum aliud quàm eorum futuritionem significare, velle*, pluribus à se dicit explicatum superiori capite; sed fuit paucis explicandum, quod sit ad intelligendum facile; multis autem probandum, quod sit difficile ad credendum vt constat ex ijs quæ obiecta sunt, & quæ supersunt dicenda. Atque hic est exitus *responsionum generalium*: audiamus particulares.

Num. 11.
De futura
conditionatè Ty-
riorum &
Sidoniorum
pœnitentia.

LIII. Ad locum de futurâ conditionatè Tyriorum & Sidoniorum pœnitentiâ quatuor adhibet *expositiones*. Prima est, Christum nihil aliud voluisse quàm increpare *Iudeorum in credendo cordis duritiam per comparisonem ad Tyrios at Sidonios*: omnino ita est. Sed cum duritiam Iudeorum increpet per comparisonem ad futuram Tyriorum molitiam vt sic dicam, hoc est ad futuram pœnitentiam illa verò & voluntaria fuerit, & conditionatè tantum futura; sequitur à Christo cognitum esse aliquid & voluntarium & conditionatè futurum, quod tantum intendimus. At, inquit, non significatur futura pœnitentia, sed melior tantum ad pœnitentiam dispositio. Primum verba ipsa,

ipsa, *pœnitentiam egissent*, futuram, ex hypothesi pœnitentiam significant. Deinde minus apta est increpatio quâ vnus impœnitentia per maiorem alterius ad pœnitendum dispositionem arguitur: cùm sit manifestum exprobrationes huiusmodi non fieri congruenter nisi per oppositionem contratrij, & versari semper circa ea quæ voluntaria sunt ac libera. Impœnitentiæ autem, dispositio ad pœnitentiam non opponitur, sed ipsamet pœnitentia: & ea dispositio si non est aliquid voluntarium ac liberum non facit ad increpationem, si est, habemus intentum, significatur enim aliquid liberum ex hypothesi futurum. Addo, postquam id quod dicitur tantum hypotheticè futurum, non differt à purè possibili ex huius auctoris sententiâ: nec est reuera tale quale dicitur; potuisse ludæos ridere increpationem hanc, & dicere, quod ad pœnitentiam attinet, nullum inter ipsos & Tyrios esse discrimen, esse enim illam in vtrisque purè possibilem.

LIV. Secunda expositio est. In Christo homine *conditionalem illam scientiam esse potuisse*: at non propterea sequi in Deo etiam esse. Heus tu mi Doctor; an concedis in homine scientiam aliquam esse, quæ non sit in Deo? Scientia illa quæ in homine est, an est alicuius rei quæ non sit, vt falsum dici possit illud philosophi *quod non est, non scitur*. Quod si est id, quod ab homine scitur; an potest esse ignotum Deo? Et si non potest: & quod hic scitur à Christo, sit *futura Tyriorum sub conditione pœnitentia*, ita futuram ignorauerit Deus? Christus, inquit, sciuit tantum Tyriorum pœnitentiam habituram *moralem & probabilem cum miraculis apud eos factis connexionem*. Atqui nulla sunt apud eos facta miracula: Ergo dici tantum potest sciuisse *si miracula fierent, moraliter & probabiliter sequuturam pœnitentiam*. Quod si hoc sciuit Christus, sciuit & Deus; aut aliquod verum ignorauit. Scientia verò illa non alia fuit quàm futuri conditionatè, ergo scit Deus aliquid esse cõditionatè futurum, & testimonia quæ futuritionem illam significare videntur reuera illam significant, & ex intentione Dei, contrà quàm antea dictum sit. Ergo nulla est ratio distinguendi inter scientiam Christi vt hominis, & scientiam

An possit
esse in ho-
mine ali-
qua scien-
tia quæ non
sit in Deo?

Hh

Dei ex parte obiecti, cum vtraque idem formaliter representet, aliquid, inquam, sub conditione futurum. Nam ex parte actus infinita distinctio est inter cuiuscumque rei scientiam humanam & diuinam.

Præterea satis bonus, ut opinor, Theologus erat Christus: neque nesciebat, si quidem hoc scibile est, futurum quod dicitur conditionatum, non differre à *pure possibili*: & quia *pure possibilis* erat Tyrionum impœnitentia, etiam ex hypothese miraculorum; consequenter sciebat non magis futuram ex illa hypothese pœnitentiam, quam impœnitentiam: ergo neque maiorem habituram cum illa hypothese connexionem, vnâ quàm aliam; quia quod æquè non futurum est ex aliqua hypothese; æquè non est connexum cum illâ. Quomodo ergo futuram potius prædixerit pœnitentiam quàm impœnitentiam? Et cum ei, cui aliquid certum est, contrarium non possit dici probabile, nisi respectu eorum qui eandem certitudine carent, quomodo Christo, cui certum erat non futuram Tyrionum pœnitentiam ex hypothese miraculorum, postquam hoc verum supponitur ab Anonymo, probabile fuerit illam futuram?

LV. Tertiam interpretationem aliorum quorundam „esse dicit, qui censent Christum esse loquutum per exaggerationem ad vehementiorem increpationem & exprobrationem incredulitatis Iudæorum..... proindeque nihil „minùs quàm de Tyrionum & Sidoniorum conuersione & „pœnitentiâ (præsertim scientiâ conditionatâ cognitis) „cogitasse. Sed hi Auctores primùm videntur hebræijs esse nimis propitij, dum eorum pertinaciam supponunt fuisse increpatione Christi atque amplificatione minorem. Beneuolentiam illam erga Christum potius ostenderent; quem volunt *nihil minùs cogitasse*, quàm quod dicebat. Nam quòd addunt, *præsertim scientiâ conditionatâ cognitis*, Quid quæso est? & quâ aliâ scientiâ potuerit Christus scire futuram ex hypothese Tyrionum pœnitentiam quàm conditionatâ?

LVI. Quartam expositionem tentando proponit. Dicit „potest, *inquit*, locutum Christum usu comuni homi-

num præsertim sapientum & senum. Qui vt notat Aristoteles in Rhet. de rebus humanis non admodum affirmatè & esseueranter loquuntur... vel quod modesti ingenij sit, dubitanter loqui etiam tum cum non dubitat, Scire velim an sit ille sapientum & senum vsus, vt cum certò sciunt aliquid non esse, affirmant tamen, etiam dubitanter, illud esse? & an hoc præcipiat Aristoteles in sua Rhetorica? & an æquum fuerit Christum qui se *veritatem* esse verissimè profiteretur, ita se Aristoteli conformare, vt quam certò sciret non futuram ex hypothesi Tyriorum pœnitentiam, ex hypothesi tamen futuram, etiam dubitanter, prædiceret?

LVII. Secundo loco scripturæ ex verbis Elisæi ad Ioam Regem Israël, easdem ferè adaptat interpretationes, quæ possunt iisdem quoque rationibus conuinci, nisi quòd eo loco non tam significatur quid homo ex hypothesi liberè faceret, quod potissimùm quæritur, quàm quid faceret ipse Deus, cum sensus sit *si percussisses &c. dedisses tibi Deus vires ad percussendam Syriam vsque ad consummationem.* Et ideo non tam facile vtor hoc loco atque alijs ad scientiæ mediæ probationem.

Elisæus ad
Ioam de
per cussio-
ne Syriæ 4.
Reg. 13.

LVIII. Idem & ad tertium locum de futura ex hypothesi Ceilitarum prodictione, cuius tantum periculum Dauidi à Deo denuntiatur contendit, etiam si non esset actu in Ceilitis mala erga Dauidem voluntas. Vnde sequitur fuisse periculum hoc ex hypothesi tantum futurum: & quidem ex ea hypothesi quæ nunquam fuit. Et quia quod est huiusmodi, non differt à *purè possibili*: & si futurum dici videatur, in alium sensum trahenda sunt verba quæ hoc significant, ex principijs huius Doctoris; consequenter neque hoc periculum significare voluerit Deus. Quærat igitur aliam expositionem. Addo credendum esse hoc Deum respondisse quod Dauid potissimùm quærebat; hunc verò ex Prophetarum priuilegio quæsiisse quod aliunde scire non poterat, & quod sciri maximè in-tererat. An autem esset futurum traditionis periculum accedente Saule, Ceilitasque subditos suos & ad resistendum longè impares obsidente, eo tantum fine, vt ne illi

De futura
ex hypo-
thesi Ceili-
tarum pro-
dictione.
1. Reg. 25.

hostes ipsius tutarentur, quæ ratio in speciem æquissima erat; non poterat esse ignotum Dauidi. Sed cum scire contingat ut illud non sequatur, cuius tamen periculum est; Dauidis intererat hoc nosse: unde & hoc debuit quærere. Nam si reuera non erat sequutura traditio, poterat ille remanere non obstante periculo, si erat sequutura, debebat aufugere: non propter periculum traditionis, sed propter traditionem ipsam reuera futuram. Hoc igitur fuit, quod propheta quærere potuit ac debuit; idque à Deo, qui solus id certò scire potuit. Addo cum periculum eius rei tantum esse dicatur, cuius euentus incertus est: neque nos modo censeamus esse periculum ne sit aliquando extremum atque vniuersale iudicium, eò quòd diuina reuelatione certi sumus esse futurum: aut esse periculum ne Beati è statu suo excidant, quòd hoc quoque certum nobis sit; Deus cui certum erat non futuram ex hypothesi Ceilitarum traditionem, ut vult Anonymus, unde neque poterat velle illam significare ut futuram; tam sciuerit nullum eius esse periculum, quam scimus nos, nullum esse ne mundi status iste perpetuus sit, neue improbi tandem aliquando abeant iniudicati atque impuniti. Quis autem nostram vellet hoc denuntiare Ethnicis v. g. cuiuspiam non habenti eandem quam nos fidem, si ab eo seriò interrogaretur? Vel quis non putaret se hominem ludificari, si non ex sua fide, sed ex illius ignorantia diceret illi, esse periculum ne nullus sit vnquam huiusce rerum status finis, nullumque proborum & sceleratorum commune iudicium? Ita igitur Deus illuserit Dauidi ex doctrina huius Auctoris.

cap. 4. De
raptu ne
malitia
mutaret in-
tellectum
eius.

de prædest.
II. cap. 14.

LIX. Quartus locus ex libro sapientie continet perspicuam scientie mediæ probationem cum dicitur de iusto: non longæuo *raptus est ne malitia mutaret intellectum eius.* Cuius sententia obuius statim sensus est, cum sciret Deus, casurum si diutius viueret, præripuisse stantem adhuc & incorruptum. Sed occurrit statim Augustini expositio quædam, qua dicitur significata hinc tantum huius vitæ pericula, quibus Deus eripere voluerit quem saluum curabat; non verò præscientiam futurorum peccatorum si

viuere sineretur. Cui obiectioni respondeo adeò esse perspicua S. Augustini testimonia pro scientia conditionata, ut ipsi etiam Thomistæ fateantur frustra proponi: neque aliud inquiri velint, quàm utrum illis conficiatur dari huiusmodi scientiam independentem à decreto diuinæ voluntatis, quo modo tantum media dici potest: an ab eo dependentem, qua ratione conditionata tantum est, quam ipsi non negant. Est igitur ita interpretandus Augustinus, non ut neget quancumque futurorum peccatorum eius, qui rapitur in iuuentute, scientiam; sed ut talem neget qualem Massilienses affirmabant. Cum autem Massilienses contenderent dari gratiam secundum merita nostra, facilemque haberent ut videbatur, & ut indicat Augustinus hoc loco cap. 12. eiusce rei probationem in adultis: in quibus poterant supponere præuia quædam merita, quorum intuitu ad dandam gratiam Deus moueretur; ubi ventum est ad paruulos, quorum alij suscepta baptismi gratiâ saluantur, alij non susceptâ pereunt, *defecit*, inquit Augustinus, *omnis præcedentium gratiam Dei humanorum assertio meritorum*. Sed ne deficere omnino videretur, recurrere voluerunt ad merita si viuere sinerentur, futura: cum dicerent, ideò mortuum illum accepto baptismo, quia erat bene victurus: illum non accepto, quia etiam si reciperet, non erat tamen gratiam seruaturus. Itaque quod facit in adultis memoria præteritorum meritum, hoc facere dicebant in paruulis præscientiam futurorum; quasi verè talis esset hæc præscientia futurorum, qualis est memoria præteritorum: vel qualis fuisse supponitur à Christianis omnibus præscientia meritum Christi, quorum intuitu, diu antequam essent, gratia dabatur antiquis Patribus. Hoc igitur tantum negat Augustinus: negat, inquam, supposito tanquam certò & indubitato, quòd alia futurorum meritum præscientia mouere non possit ad dandum præmium, quàm illa quæ responderet memoriæ præteritorum: vel quæ similis est præscientiæ meritum Christi, hoc est absoluta; talem vllam in Deo dari respectu paruulorum quos immatura mors rapit. Et ita cum sequere-

Hh iij.

Et quid vult
lit Augu-
stinus dum
ait hoc di-
ctum: *secun-
dum pericu-
la huius vite*

tur ex sententia Massiliensium, falsum esse locum illum libri sapientiæ *raptus est ne malitia*, &c. quia postquam erant futura mala illius merita, iuxta ipsorum Philosophiam, rapiendus fuerat, non ad gloriam vt supponitur, sed ad pœnam: ideóque librum etiam ipsum suspectum haberent tanquam minus canonicum; Augustinus & pro libri auctoritate pugnat, & pro illius loci veritate; cum dicit, esse interpretandum *secundum pericula huius vitæ*: nempe vt intelligatur miseria periclitantium diuinam misericordiam excitasse ad præueniendâ peccata futura: non autem peccata futura diuinam iustitiam ad puniendum: neque enim hoc potuisse futura peccata, cum illa diuinæ misericordiæ præuentio fecisset *non futura*, eo scilicet modo quo par est, vt Dei iustitiam irritarent; absolute videlicet.

Deus sciens
aliquis
mali peri-
culum non
potest exi-
stem nesci-
re.

Neque aliud sentire potuit Augustinus, quod sit manifestum, periculum omne ita esse cum alterutro euentu connexum; vt sit impossibile non sequi vel malum illud cuius esse periculum dicitur, vel felicem illius fugam. Vnde sequitur necessario, quicumque periculum supponit, supponere futurum alterutrum determinatè, quamuis id à nobis sciri nequeat: cum verò supponas futurum determinatè alterutrum; existimare Deum distinctè nescire vtrum sit illud; hoc est nostram in illum ignorantiam transferre: possetque perinde dici, cum sciat rem aliquam esse coloratam, & vel albam vel nigram; nescire tamen vtrum sit.


L X. Denique Anonymus contendit esse certè planè
 " mirabile, Scripturam eiusmodi propositionibus condi-
 " tionatis refertam, vnde Aduersarij suam eliciunt opinio-
 " nem, neque ab interpretibus secundum eorum men-
 " tem fuisse vnquam explicatam: neque ab ijs hactenus
 " eiusmodi scientiam vllibi fuisse insinuatam. Quæ conclu-
 " sio videtur etiam mihi *planè mirabilis*, post tot testimonia
 SS. Patrum aliorumque Doctorum quæ congeffit Didacus Ruiz in tractatu de scientia Dei, & alij Scholaastici recentiores, quibus superiora scripturæ loca ita exponuntur, vt Thomistæ nullam amplius controuersiam esse

velint de scientia conditionatâ , sed de illius tantum à Dei decreto independentiâ. Et mox liquebit iustiorẽ multò admirationem meam esse , quàm sit Anonymi. Qui hoc etiam attendisse debuit quod habet Augustinus in re consimili. Quid igitur opus est vt eorum scrutemur opuscula, qui prius quam ista hæresis oriretur non habuerunt necessitatem in hac difficili ad soluendum quæstione versari? Disputando nimirum veritas euoluitur: & quod obscurum latebat in eruditorum hominum cogitationibus tunc maximè quando ei contradicitur in apertum prodit, vt videri non debeat *planè mirabile*, quamuis daremus Antiquos scripturæ interpretes nihil admodum in ea quæstione versatos, quam Molina vt volunt primus disceptauit: satis nimirum esset non videri etiam contrarios nouis disputantium placitis.

de prædest. SS. cap. 24.

CAPVT IV.

De Patribus & Doctoribus scholasticis.

LXI.  N diluendis Patrum testimonijs quæ scientiam mediam probare videntur, contrarias pugnantisque inter se solutiones ita confundit Anonymus: & manifestas deductiones ita negat; vt veritas illa quæ oculos illi fecit ab oculis amicorum diuersos, minimè amica fuisse videatur, sed ne veritas quidem. Quæstionem illam agitant Patres, Cur Deus præscius futuri Angelorum peccati, creauerit tamen illos? Cur item Adamum? Cur Saulem elegerit, &c. qua in quæstione præscientia futuri peccati ab illis certò supponitur quam nos contendimus esse conditionatam. Anonymus verò qui negat esse conditionatam, dicit primùm ex Patrum mente & communi Theologorum sensu hæc non dici nisi de scientia Dei absoluta, & respectu eorum quæ reuera & absolutè futura sunt: ideoque falsò & contra SS. Patrum mentem Aduersa-

19. rios, præsertim Suarem, & Petrum à Sancto Ioseph ca
 2. terpretari de sua scientia media & præscientia conditio-
 nata creandi Angelos & homines, quam volunt præce-
 dere ratione absolutum decretum eos creandi & permit-
 tendi lapsum in peccatum: se mirari Suarem qui locum
 Hieronymi in eum sensum interpretatur, quem constat
 intelligendum potius *de absoluta* Dei scientia cum volun-
 tate permittendi peccatum coniuncta, quæ verè præ-
 scientia est. Ita ille num. 2. & mox num. 3. obiectionem
 Petri à sancto Ioseph ita proponit. At, inquit Petrus à S.
 Ioseph SS. PP. loquuntur de scientia directiua decreti
 diuini. Soluit autem ita, Omnino. Hæc autem scientia est
 conditionata. Negatur. Est enim solùm scientia præci-
 sionis, vel possibilem, quâ Deus nouit quid vel solus vel
 cum hac aut illa voluntate creata facere possit, quod suf-
 ficit ut hoc vel illud eligat & decernat. Patres loquuntur
 Pugnantiâ. de scientiâ absolutâ & respectu eorum quæ reuera futura
 sunt: item, de scientia cum voluntate coniuncta, quæ re-
 uera præscientia est: & tamen Patres intelligendi sunt de
 scientia præcisionis & possibilem, quæ directiua est de-
 creti diuini, fitque accedente illo decreto scientia visio-
 nis. Hæc quæso quomodo quadrant? Scientia Dei ut
 coniuncta cum voluntate est-ne scientia præcisionis? Ut
 coniuncta cum voluntate est-ne directiua voluntatis? Si
 propriè loquimur, quod est directiuum debet ne inclu-
 dere quod est directum, & quod est efficiens, ipsum effe-
 ctum? Et vide quomodo id ipsum iterum destruit. Itaque
 cum in prædictis quæstionibus & responsionibus fiat tan-
 rum comparatio externæ productionis rerum in tempo-
 re, cum æterna & interna Dei scientia & præscientia ab-
 soluta, quam habet de peccatis malorum deque ordine
 rerum omnium, qui & à parte rei futurus est, nulla in eis
 &c. Externam productionem Patres comparant cum
 æterna præscientia, quam Deus habet de futuris: & ta-
 men præscientia de qua loquuntur, est tantùm scientia
 præcisionis, vel possibilem, quâ Deus nouit quid facere
 possit? Hæc fortè videantur maiori admiratione digna
 quàm quæ antea ex Suare allata sunt.

LXII. Iam verò quia *ne verbum quidem* esse dicit in omnibus Patrum dictis, *scientia aut præscientia conditiona-* Cap 29.
ta; nec eam illos, *ullo modo supponere aut attingere*, ostendo tam evidenti deductione scientiam de qua illi loquuntur aliam esse non posse quam conditionatam, ut hoc num. 2.

etiam loco dum repugnat Anonymus *mirabilis* sit, qui tam facile alios miratur. Esset enim aliàs SS. Patrum dubitatio absurdissima. Nam quod ipse dicit comparare SS. Patres externam & temporalem rerum productionem cum æternâ futurorum præscientiâ, idem est ac si diceret, Patres hoc querere, cur Deus in tempore Angelum produxerit, quem sciebat ab æterno peccaturum eâ scientiâ, quæ vel supponit voluntatem creandi, vel cum eâ coniuncta est; item eâ quæ similiter coniuncta est cum voluntate permittendi peccatum: ac proinde ista erit Patrum dubitatio. *Quare Deus, supposita eâ scientiâ quam habebat coniunctam cum voluntate creandi Angelum, & permittendi peccatum illius: illum nihilominus in tempore creavit? quæ isti alteri æquivalet. Quare supposita voluntate creandi Angelum & peccatum illius permittendi, quæ ab æterno fuit in Deo, Deus illum nihilominus creavit in tempore? Æquivalet, inquam. Quia qui supponit scientiam cum voluntate coniunctam, supponit ipsam voluntatem: & ideo qui querit cur supposita scientia cum voluntate coniuncta, &c. querit etiam cur supposita voluntate, vel quod idem est, cur supposita scientia & voluntate. Illam autem interrogationem, cur supposita scientia & voluntate creandi & permittendi peccatum, Deus creaverit & permiserit? Quis non videt & esse ineptissimam, & ingenio ac sapientia SS. Patrum prorsus indignam? Quid enim hoc monstri est? querere cur Deus aliquid fecerit, ex suppositione quod illud facere vellet? Manifestum enim est, suppositionem illam quæ additur interrogationi, continere causam dubitandi, & difficultatem quæ in eius solutione diluenda est, itaque idem esse, querere, cur supposita scientia, &c. & querere, quomodo scientia, quam supponimus, non impedierit ne fieret quod factum miramur. Quod si supponitur & scientia & voluntas faciendi, en tibi speciem interrogationis exi-*

Patres omnino intelligentes de scientia conditionatâ.

miam. *Quomodo scientia coniuncta cum voluntate creandi Angelum, & cum voluntate permittendi peccatum illius, non impedierit ne ille in tempore crearetur?* Et quis adeo sit ingeniosus, ut miretur, quòd voluntas aliquid faciendi non impediat ne illud fiat: aut quòd scientia quæ non impedit ne aliquid velimus, non impediat ne faciamus?

LXIII. Est igitur manifestissimum non esse hîc coniungendam scientiam cum voluntate, sed potius separandam, ne sit insulsa dubitatio: nec interrogandum, cur ex hypothesi quòd sciret & vellet, aliquid fecerit; sed cur ex hypothesi quod sciret, facere voluerit. Nempe dum agitur de agente libero, nec esse, nec quæri debet aliâ ratio actionis externæ, quàm quæ causa & ratio est volitionis internæ: sitque ridiculus qui petat à me, cur aliquid fecerim, si aliud intendit quàm scire cur facere voluerim. Item, si miretur quomodo aliquid non impedierit ne facerem, ex hypothesi quòd vires non deessent, aliâ de causâ, quàm quia nescit quomodo non impedierit ne vellem. Est igitur hic sensus SS. Patrum, & alius esse non potest. *Cur Deus cum sciret peccaturum Angelum, si creare vellet in eo statu in quo illum creauit; voluit tamen creare: atque in eo statu constituere?* seu, *Quare illa præscientia non impedivit hanc voluntatem?* & *Quæ fuit ratio quæ vinceret difficultatem illam volendi creare, quam proponebat præscientia sequuturi peccati?* Hac ratione interrogatio illa speciem habet idoneam, nodumque obijcit cum cura & labore dissoluendum. Sed perspicuum etiam est, scientiam illam peccati, si vellet Deus Angelum creare, sequuturi, aliam esse non posse quàm scientiam conditionatam. Quod ita demonstratur. Quia, scientia quæ potest impedire ne aliquid sit absolutè futurum, non potest esse scientia quâ illud sciatur ut absolutè futurum. Atqui scientia de qua Patres loquuntur poterat impedire ne peccatum Angeli esset absolutè futurum, ut ipsi saltem supponebant: ergo non erat scientia, quâ illud sciretur ut absolutè futurum: & tamen sciebatur ut futurum. Hoc enim Patres aperte significant; Ergo ut futurum tantum conditionatè.

Id ipsd̄ p̄a-
cet in Au-
gustino c. 1.

Verò pateat hanc esse omnino SS. Patrum sententiam, sufficit vnus Augustini locus ex 12. de Ciui. Dei vbi dicit Deum cum præsciret Angelos quosdam per elationem, qua ipsi ad beatam vitam sufficere vellent, tanti boni desertores. futuros; non eis ademisse hanc potestatem, potentius & melius esse iudicantem, etiam de malis benefacere, quam mala esse non sinere. *Item*, Cum similiter præuaricatione legis Dei per Dei desertionem peccaturum esse hominem præsciret: nec illi ademisse liberi arbitrij potestatem, simul præuidentem quid boni de malo eius esset ipse facturus. Quo loco quis non videt Dei providentiæ ac liberæ dispositioni attribui ab Augustino quoddam vsum liberi arbitrij reliquerit, tum Angelo tum homini, quamuis sciret eo abusuros? Quis item non videt scientiam illam qua videbat abusuros, scientiam futurorum absolutam esse non posse? Implicat enim esse scientiam absolutam futuri; & tolli causam sine qua impossibile est illud esse futurum. Ergo cum sublato libero arbitrio impossibile sit peccatum esse futurum: consequenter sublato libero arbitrio, implicabit esse scientiam absolutam futuri peccati: & vice-versa, suppositâ scientiâ absolutâ futuri peccati, implicabit liberum arbitrium adimi: Ergo quod non adimatur suppositâ illa in Deo scientiâ, non est tribuendum liberæ Dei dispositioni, sed impossibilitati potius: nec dicendum *melius indicasse Deum* vbi non potuit aliter facere: ergo vt constet Augustini sensus & ratio; euidens est aliam illum intelligere futuri peccati scientiam, quam absolutam: alia verò nulla est nisi conditionata. Quasi dicerem, Scientia futuri peccati de qua loquitur Augustinus, ea est, quâ suppositâ liberum est Deo adimere aut non adimere liberum arbitrium peccaturo: Atqui supposita scientiâ absolutâ futuri peccati, non est liberum Deo adimere aut non adimere liberum arbitrium peccaturo: Ergo non loquitur Augustinus de scientia absoluta futuri peccati: Ergo loquitur de conditionata, quod alia nulla sit scientia futuri peccati.

LXIV. Huic Augustini loco subnectam illum etiam Altera ex

Ii ij

Augustino
confirmatio.

de corrept.
& gra. c. 8.

quem Anonymus putat *vel non legisse Alarcon*, qui eo vti-
tur in tract. de scientia Dei, *vel non intellexisse*, sed nec sa-
tis fideliter retulisse adeo est liberalis hic Auctor etiam cum
ijs quos amicos vocat. Exhibebo autem in primis locum
integrum: tum deinde rationem tam acerbæ censuræ, vt
videat Lector eruditus, ecquis Augustinum melius aut
legerit, aut intellexerit. Verba igitur Augustini sunt. De
his differimus qui perseverantiam bonitatis non habent,
sed ex bono in malum deficiente bonâ voluntate moriun-
tur. Respondeant si possunt cur illos Deus cum fideliter
& piè viverent, non tunc de vitæ eius periculis rapuit,
ne malitia mutaret intellectum eorum, & ne fictio deci-
peret animas eorum? Vtrum hoc in potestate non habuit?
AN EORVM MALA FUTURA NESCIUIT? Nempe nihil
eorum nisi peruersissimè atque insanissimè dicitur. Hic
Anonymus interrogat, *vbi hic scientia conditionata*? Res-
pondere possum, interrogando vicissim, vbi oculos ha-
beat qui eam non videt? Scientia conditionata hoc loco
illis verbis continetur. *An eorum mala futura nesciuit? At*,
inquit, *nonne diserte loquitur Augustinus de malis verè futuris*.
Loquitur, inquam, de malis verè futuris: sed eorum in
Deo scientia duplex est; alia quæ dependet ex decreto
absoluto ponendi conditionem ex cuius suppositione fu-
tura sunt; & illa est scientia visionis, & absoluta præ-
scientia futuri peccati: alia est independens à tali decreto
& mansura quamvis illud non conciperetur; & illa est
scientia conditionata, quam dico ab Augustino intelligi
verbis illis *an eorum mala futura nesciuit*. Quia est eiden-
tissimum, scientiam futurorum malorum hîc eam desi-
gnari, quâ dirigi poterat diuina potestas vt ea præueniret
impediretque ne fierent absolutè futura, seu de scientiâ,
quæ morium Deo exhibebat rapiendi homines quorum
malitia intellectum erat mutatura: scientiam autem hanc
implicat fuisse absolutam, & à decreto non rapiendi ho-
mines pendentem. Quia, vt antea dicebam, suppositâ
scientiâ peccati vt absolutè futuri, & absoluto decreto
ponendæ conditionis ex qua illud infallibiliter sequutu-
rum est; implicat Deum illud præuenire posse: aut rapere.

peccaturum. Hoc enim idem esset ac rapere quem non rapiendum decreuisset. Essetque ridiculus, qui ut facit Augustinus hic, ad occultam & inscrutabilem diuinorum iudiciorum causam referret, quod non fecerit Deus, id quod erat impossibile ipsum facere: nempe suppositâ scientiâ peccati ut absolutè futuri, reddere illud non futurum absolutè, rapto peccatore antequàm peccaret. Non est igitur illa scientia quam intelligit Augustinus illis verbis *an eorum mala futura nesciuit*, absoluta scientia peccati ut futuri. Et tamen est scientia peccati ut futuri, ut patet: Ergo est conditionata. Iterum dico Augustinum apertè coniungere scientiam illam peccati cum liberâ potestate rapiendi peccaturum, cum dicit, Respondeant si possunt, cur illos Deus cum fideliter & piè „ viuerent, non tunc de vitæ huius periculis rapuit, ne „ malitia mutaret, &c. vtrum hoc in potestate non habuit? „ An eorum mala futura nesciuit? Quæ verba manifestum „ est, aut istum habere sensum, aut nullum: *respondeant si „ possunt, cur Deus cum & sciret peccaturos plerosque ex repro- „ bis, si viuere sinerentur: & posset pro sua libera voluntate an- „ teuenire peccata huiusmodi, sublatâ præuiâ morte peccaturis; „ hoc non fecit?* Et supponit Augustinus non posse responde- re quos interrogat. Quod si per illam scientiam peccati futuri, absolutam intelligeret, & quæ penderet ex decreto sinendi viuere peccaturos; coniungeret cum potestate illos rapiendi suppositionem quâ id ipsum fieret impossi- bile: atque adeo hæc scientia potestati coniuncta ligaret illam atque impediret; vnde idem esset dicere. *Respon- „ deant si possunt quare Deus habens cum tali potestate talem „ scientiam, non rapuerit peccaturos; ac dicere, respondeant si „ possunt, cur Deus habens rapiendi potestatem impeditam, non „ rapuerit tamen peccaturos?* Quâ interrogatione quid absur- dius fingi potest? aut quis hærere ut responsum inueniat? fit autem omnino congrua, si scientia conditionata sup- ponatur in hunc modum; Respondeant si possunt, cur „ Deus cum sciret peccaturos ex hypothesi quod viuere „ sinerentur, possetque pro sua liberâ voluntate, non po- „ nere illam hypothesim: hoc est, non sinere illos diutius „

„viuere: atque ita impedire, ne quæ futura tantum erant
 „ex hypothesi peccata, fierent etiam simpliciter & abso-
 „lutè futura; non hoc fecit? *sive*, Quare non est usus illa
 „scientia, ut pro sua potestate tolleretur, aut non poneret
 „hypothesim, ex qua videbat peccatum sequiturum?
 Hac, inquam, ratione aptissima est interrogatio: & me-
 ritò dicit Augustinus, *respondeant si possunt*. Neque enim
 aliud respondere possunt quos interrogat; nisi quod Au-
 gustinus potissimum intendit, hoc est, *O homo tu quis es?*
O altitudo diuitiarum! &c. Hanc solam esse veram Augu-
 stini mentem volens nolens fateatur Anonymus necesse
 est, si eam quam ab alijs exigit in eo intelligendo atten-
 tionem ipse præstet.

cap. 14.
 cum. 5.

LXV. Eâdem facilitate potuissem inuenire apud Anti-
 quiores Scholasticos scientiam mediam, Et primò vereor
 „ne confidenter nimium affirmet. Neminem illorum, nec
 „vllum alium ante Molinam, de Dei scientia media, ne per
 „somnia quidem vnquam cogitasse: nec eam vllibi vel
 „supposuisse, vel adhibuisse ad vllam siue scripturæ sacræ,
 „siue Theologiæ scholasticæ difficultatem expediendam.
 Hoc enim si esset dictum ab aliquo Thomistarum, qui
 scientiam mediam à conditionata distinguunt, tolerabile
 forsan videretur: sed cum iste Doctor ambas confundat;
 quis non miretur adedò affirmatè negare illum cognitam
 fuisse veteribus scholasticis scientiam conditionatam,
 quam Thomistæ tam clarè apud illos extare fateantur, ut
 dicant nos actum agere, dum id probandum suscipimus?
 Nempe nisi suo illam nomine nuncupent Auctores; ac
 totidem verbis dicant, dari scientiam conditionatam, aut
 scientiam mediam; vel, præter scientiam simplicis intel-
 ligentiæ, & scientiam visionis absolutè futurorum ex-
 pressiuam, dari aliam quæ futura ex hypothesi repræsen-
 ter: non putat ab vllò mortalium sufficienter designatam
 scientiam conditionatam Quâ ratione poterimus etiam
 negare de homine cogitasse, qui animal risibile, aut ad-
 miratiuum dixerit.

Antiqua
 scientiæ
 conditio-
 nata per
 suasio.

Aug. l. de LXVI. Sed dicat nobis quam scientiam cogitaret ille,
 bono per. „ qui tempore Augustini dicebat Præscisse Dominum Ty-

rios & Sidonios à fide fuisse postea recessuros, cum factis apud se miraculis credidissent, & misericordia potius non illic ista fecisse. Quorum grauiori pœnæ obnoxij fierent, si fidem quam tenuerant reliquissent? An potuit alia esse illa scientia quàm conditionata? & tamen *Disputator* erat *Catholicus* qui hoc dicebat; & *non ignobilis*, *Doctus homo*, & *admodum acutus*. His enim laudibus exornatur ab Augustino. An legerat hunc locum Anonymus cum nennem eorum quos Ruiz laudet *nec vllum alium ante Molinam, ne per somnium quidem cogitasse vnquam* de scientia conditionata pronuntiauit? Cum verò constet mille testimonijs Augustini, Semipelagianos scientiâ conditionatâ, quàm adstruebant, ad errorem suum abuti solitos; & iam videamus Catholicum dici qui opinionem eius scientiæ cum illis habebat communem; quid aliud possumus iudicare, quàm solum illius Doctrinæ abusum Semipelagianis vitio tributum, non verò Doctrinam ipsam? Id quod etiam ex eo liquet, quòd dum eos Augustinus refellit, nusquam inuenitur ipsam huiusmodi scientiæ suppositionem, sed solum abusum oppugnasse. Quòd si erat illo tempore communis illa suppositio tum hæreticorum tum Catholicorum; adeò fuerint qui subsequuti sunt imperiti, adeòque in voluendo Augustino atque intelligendo inexperti, *nullus* vt ea de re *cogitarit vnquam, ne per somnium quidem*. quod esset eo sæculo adeò tritum? LXVII. Negat tamen Anonymus id à se vel *calumniosè* vel *thrasonicè* dictum: atque vt huiusce rei fidem faciat, ex multis quos Didacus Ruiz protulisset, spondet se speciminis gratiâ monstraturum in tribus, nihil eos minùs quàm de scientia conditionata cogitasse. Sunt autem ij, Magister sententiarum, S. Bonaventura & S. Thomas. Ego verò eodem quo ille breuitatis studio & speciminis causâ de tribus illis vnum designo: & sine alio delectu quem primum offert, vt ostendam hunc Doctorem non præstare quod promittit. Verba Magistri sententiarum hæc sunt. Mouentur aliqui dicentes, cur creauit Deus quos futuros malos præsciebat? Quia præuidit, quid boni de malis esset factururus. *Et post pauca*. Frustra dicitur,

» *perfeu.*
» *cap. 10.*
» *Sci-*
» *tiâ con-*
» *ditiona-*

ram Ma-
gister
senten-
tiarum
apertè
suppo-
nit.

» non debebat Deus creare, quos præsciebat malos futu-
 » ros; sciebat enim bonis profuturos. *Tum verò Anonymus.*
 » Quis vel Theologus, vel Philosophus ex his verbis infe-
 » rat Magistrum sententiarum existimasse aut supposuisse
 » in Deo esse scientiam conditionatam? At, inquam, quid
 habeat vel Theologi vel Philosophi qui hoc inde non in-
 ferat? An non respondet Magister, admissâ suppositione
 interrogantium? Huius suppositionis numquid hæc vna
 pars est, *Deus sciebat peccaturos quos creabat?* Numquid
 hæc est alia *Deus illa scientia induci poterat ut non crearet?*
 Fatui enim fuerint interrogatores, si alterutrum non sup-
 ponerent. Iuvat autem hoc admissio huius Doctore ap-
 pellare Theologiam, quam in alijs desiderat, censeat-ne
 Deum scientiâ peccati ut absolutè futuri potuisse induci
 ut peccatorem non crearet? Nam si potuit, cum hæc
 sint necessariò connexa, non creari peccatorem, & Deum
 non præscire absolutè ipsum peccaturum, sequitur eâ
 scientiâ quâ Deus sciebat absolutè aliquem peccaturum,
 fieri potuisse ut præsciret absolutè ipsum non esse pecca-
 turum. Quia postquam illâ fieri potuit ut non creare
 decerneret: ac proinde ut sciret absolutè non creandum,
 potuit consequenter fieri, ut sciret absolutè non pecca-
 turum. Quod quàm sit non modo non Theologicè, sed
 ne Philosophicè quidem dictum, Aduersarij iudicium
 sit. Quod si non potuit absolutâ futuri peccati scientiâ
 Deus induci, ut non creandum peccatorem decerneret,
 cum tamen induci potuerit aliquâ scientiâ futuri peccati,
 ut Magister supponit; restat ut illa fuerit scientia pecca-
 ti sub conditione futuri. Ergo aberrat toto cælo cum
 subiicit, *An non verba præscire, & prævidere, & scire bonis*
profuturos, manifestè scientiam visionis indicant, Quia mani-
festè aliam indicant quàm scientiam visionis, si quidem
indicant eam quâ Deus adduci potuit ut creare nolleret
peccaturum. Et dum addit vel ut alijs placet de scientia sem-
plicit intelligentiæ quam causam rerum esse volunt, accipienda
sunt, verba perdit. Fac enim intelligi de illa scientia; quid
aliud obtinebit, quàm scientiam simplicis intelligentiæ
aliquâ sui parte scientiam esse conditionatam? Hoc verò
 parum

parùm curamus, cùm sit tantùm propositum efficere vt aliqua esse dicatur scientia, quâ Deus scit id quod est tantum ex hypothesi futurum dependenter à causâ liberâ creatâ. quo semel impetrato, iam sæpe dixi per nos licere vt vel ad scientiam simplicis intelligentiæ, vel ad scientiam visionis reducat, aut suum seorsum ab illis locum occupet.

CAPVT V.

Rationibus Quomodo satisfaciat.

LXVIII.



Ationes etiam pro scientia media, præsertim eas quas tum Ludouicus à Dola ex Ordine PP. Capucinorum, tum Petrus à S. Ioseph

Scientia
conditio-
nata perfe-
ctæ prouidentie
necessaria.

Cisterciensis proposuerant, dissoluere conatur Anonymus cap. 30. & 31. Quantâ felicitate, iam videndum est. Prima petitur ex necessariâ libero agenti cognitione, ad prouidendum quid sit, aut non sit ex eo quod decernit, sequuturum. In quâ referendâ soluendâque disertus est; sed nescio quo modo factum sit, vt copia verborum obrueretur & argumenti vis, & æquitas solutionis. Argumentum hoc assumit, pertinere ad perfectionem agentis liberi, vt decretum quo aliquid constituit, dirigatur à præcognitione eorum quæ sequutura sunt ex ea re quam decernit; & ita, insipientem esse patrem v. g. qui filium Tolosam mittere studiorum causâ sic proponit, vt propositum hoc non dirigatur à præiudicio, quo præsentiat, futurum ne sit omnibus pensatis, vt eâ occasione vel det operam literis re verâ; vel abripiatur exemplo consilioque perditorum adolescentum, quales in amplâ & populosâ ciuitate occurrere facillè possunt. Hoc enim dato, quod negari non potest, insuper additur, pertinere igitur ad perfectionem primæ causæ liberæ, vt decretum

K k

quo statuit v. g. hoc aut illo modo creare Angelum, dirigatur à præuia cognitione repræsentante, quid sit aut non sit ex Angelo ita creato sequuturum. Item, vt decretum quo statuit creare hominem, eumque serpenti permittere tentandum, dirigatur à præuia cognitione qua sciat quid sit aut non sit ex tali tentatione sequuturum. Esset enim inordinata & imprudens agendi ratio, si decerneret primò Deus futurum aliquid, ac deinde disceret ecquid aliud ex futuro illo esset præterea futurum, cum sit species ignaui hominis atque inconsulti ita decernere, *interea faciendum est hoc, postea videbimus quid sit sequuturum.*

Iam verò ita subsumimus. Atqui præcognitio illa euentus sequuturi ex re decretâ, est scientia conditionata. Scientia enim est, quòd opinio & coniecturalis cognitio in Deo esse non possit: & est scientia futuri, vt supponimus: & non est scientia futuri absolutè, quod sit directiua & independens à decreto quo aliquid absolutè sit futurum; ergo est scientia futuri conditionati.

LXIX. Hæc est primâ ratio, cuius solutionem in tres paginas distendit, & earum summa est, neque agenti creato libero, neque Deo necessariam esse scientiam conditionatam ad prudenter aliquid decernendum: sufficere enim absolutam, de rerum agendarum *naturâ, possibilitate, impossibilitate, &c.* & in Deo sufficere scientiam quam vocat præcisionis, quâ res omnes *possibiles, omnesque modos possibiles agendi & concurrenti cum causis tam necessarijs quàm liberis illarum earum libertate, plenissimè, clarissimè, & distinctissimè nouit.* Quæ ratio dicendi hoc habet peruersi, quòd videatur negare conclusionem argumentationis, cum deberet prius respondere præmissis. Dicat nobis, an verum sit, eum qui aliquid decernit, si prudenter decernit, dirigi debere à cognitione repræsentante quid sit sequuturum ex eâ re quam decernit, necne? An non eo debeat esse perfectior huiusmodi cognitio, quo perfectior est agentis prouidentia: vnde fiat in Deo esse debere perfectissimi? An sufficiat ei qui filium, vt dicebam, mittit, quòd sciat esse possibile vt studio literarum attendat, &

esse possibile vt distrahatur inde , atque abducatur in praua ? Et num debeat insuper , quantum potest , præsensire conijciendo , vtrum illorum futurum sit ? Et quod conficitur coniecturis ab homine , an non debeat à Deo certâ comprehensione teneri ? Ad hoc expectatur distincta responsio ; quæ quia non poterit esse negatiua , nisi sit omnino improbabilis & absurda : facillè deinde fuerit extorquere cognitionem huiusmodi non posse non esse conditionatam. Nam quod dicit in Deo scientiam præcisionis eo munere fungi , falsum est , si ea est tantum possibilitium repræsentatiua , hîc enim quæritur scientia diuini decreti directiua , quâ intelligatur non quid sequi possit ex Angeli creatione , sed quid sequuturum sit : item quid sit sequuturum ex creatione ac tentatione hominis. Scientia verò præcisionis repræsentat solum quid sequi possit : aut si etiam repræsentat quid futurum sit , iam eâ sui parte illa est quam quærimus , scilicet scientia conditionata. Atque hinc patet hanc rationem ab hoc Auctore insolutam relinqui.

LXX. Id quod etiam de illa dicendum quæ secunda nobis est ex num. 8. nam quæ intercurrent communem habent cum eâ quæ nobis est quarta , difficultatem. Ducitur autem ab absurdo quod sequitur ex negatione scientiæ conditionatæ , Deum scilicet ab hominibus interrogatum non habiturum quid respondeat , nisi se nescire. Fac enim ab eo peti. An Rex victoriâ potiturus sit , si cum hoste confligat ? Siue potiturum respondeat , siue non potiturum , ostendet conditionatam esse suam scientiam , quæ quia esse non potest ex Aduersarijs , restat vt dicere debeat , se nescire.

cap. 50.
Sine scientia conditionata nesciret Deus interroganti respondere.

Cui obiectioni ita est responsum ab Anonymo , vt eam non capere videatur. Ita enim loquitur. Vel erit pugna , illa vel non erit , si non est futura , *subaudi* absolutè , cum , id sciat Deus scientiâ simplicis intelligentiæ , respondebit , Deus absolutè quòd nec pugna nec victoria erit. Si verò futura est pugna , &c. sufficit enim prius illud membrum , vt pateat hunc Auctorem Deum finxisse in respondendo similem sui. *Respondebit* , inquit , *Deus absolutè quòd nec*

K k ij

pugna nec victoria erit: Ergo respondebit quod non interrogatur. Non petitur à Deo, sit-ne absolutè futura vel pugna vel victoria: sed petitur an esset futura victoria si esset pugna? Quæ interrogatio expectat responsionem, etiam si iam auditum sit neutram futuram. Suppono inquam, Deum iam respondisse non fore pugnam, nec consequenter fore victoriam. Hoc audito, nunquid interrogari adhuc potest, sed quid si esset, aut si fuisset pugna num etiam esset aut fuisset victoria? Hic iam quid dicet Deus? fuisset? aut, non fuisset? atqui neutrum scire aliter potest quam scientiâ conditionatâ, quam qui subtrahit, Deum cogit dicere se nescire.

LXXI. Tertiâ ratio quæ proponitur ac soluitur cap. 31. hæc assumit. *Esse in Deo intelligendi vim infinitam, quam nulla veritas lateat: Esse etiam veritatem quæ significatur his verbis, Agens liberum si ponatur in his vel illis circumstantiis consentiet diuinæ gratiæ: Si ponatur in his vel illis non consentiet: Ergo Deum hoc non latere: sed neque ab eo sciri posse aliâ scientiâ quam conditionatâ seu mediâ: Esse igitur admittendam talem scientiam.*

Ad hoc argumentum duas adhibet responsiones, quarum ego quid probet prima vel quid valeat non satis video, nisi corruat in secundam. Distinguit enim minorem propositionem, maiorem quoque velle visus disceptare. Distinguit autem illud, *consentiet, vel non consentiet: Deum enim hoc scire non vt aliquid futurum, sed vt aliquid actû præsens. Atqui sufficit nobis quod Deus scire concedatur id quod est nobis hypotheticè futurum. Illam enim scientiam dicimus esse conditionatam, siue hoc videat vt futurum siue actû præsens: dummodo & actus ille, & illa futuritio sit ex conditione suspensa. Vnde hoc insuper addere debet, nihil omnino esse quod respectu nostri sit hypotheticè tantum futurum, aut hypotheticè tantum non futurum dependenter à causâ liberâ creatâ, sed quidquid est futurum hypotheticè, esse etiam futurum absolutè: & quidquid non est futurum absolutè, non esse etiam futurum hypotheticè: quorum alterum sciatur scientiâ visio-*

nis: alterum scientiâ simplicis intelligentiæ, quæ est secunda responsio ex antea dictis satis refutata: monstratum enim est verè dici ac putari aliquid esse nobis futurum hypotheticè, quod non est futurum absolute, cuiusmodi fuit olim conuersio Tyrionum si prædicatio & vocatio præcessisset. Nec video quâ ratione negare aliquis possit in quibuscumque circumstantijs Neroni occurrissent inimici, qui reuera non occurrerunt, non fuisse illum eis nociturum, & sic de alijs.

LXXII. Sed & superest argumentum quo probetur aliquid non esse absolute futurum, quod tamen negari non potest esse futurum hypotheticè, ipsa nimirum libera liberi actus omisso: siue pura sit, siue non pura: quæ quando non est absolute futura liberæ causæ hypothesis, neque ipsa absolute futura est. Et tamen cum negatur absolute futura, negari non potest futura hypotheticè. Quia si neges hypotheticè futuram, concedas necesse est, futurum illius contradictorium, actum scilicet liberum. Supponamus, inquam, absolute futurum esse ut hic homo non eat ad comædos; ac proinde hanc hypothesis nunquam esse absolute ponendam, *si homo ille comædos audiret*, &c. hinc ego sequi dico futurum absolute ut ille non concipiat ullam voluntatem malam. Sed non est futurum absolute ut malum huiusmodi voluntatem omittat liberè. Libera enim hæc omisso ut absolute dicatur futura, hypothesis causæ liberè omittentis absolute quoque sit futura necesse est: quæ tamen hîc supponitur non futura. Non est igitur absolute futurum ut ille homo liberè omittat voluntatem malam apud comædos. Peto autem utrum omissionem hanc quam negas absolute futuram, neges quoque futuram hypotheticè; velisque conditionalem hanc esse veram, ille homo qui reuera non ibit ad comædos, si tamen iret, non omitteret liberè malam voluntatem? Si enim verum est illud *non omitteret liberè*; ergo est verum *liberè conciperet malam voluntatem*, quod sit impossibile liberam omissionem separari à causâ liberâ completâ, nisi liberâ positione actûs omissi, quem tamen ipse negas hypotheticè ponendum. Quod si

Esse aliquid hypotheticè futurum quod non est futurum absolute.

verum est contrarium, nempe, *libere omitteret*: Ergo habemus futurum aliquod exercitium liberum ex hypothesi, quod non est futurum absolutè: ac proinde aliquid esse scibile per scientiam conditionatam tantum, quod non sit scibile per vllam absolutam.

Alterutrum
libertatis
exercitium
esse insepara-
bile à
suppositione
causæ
liberæ cō-
p. etæ.

Nempe libera productio, vel libera omissio actus positiui adeò necessariò coniungitur cum suppositione causæ liberæ completæ; vt non sit minus impossibile esse hanc suppositionem & non esse alterutrum ex illis, ac est impossibile supponi animal, & non supponi quòd sit rationale vel irrationale. Ac proinde sicut designatâ hypothesi animalis singularis, sequitur necessariò, vt sit reipsa rationale vel irrationale: ita vt ignorantis sit non posse distinguere dicere vtrum ex illis sit; ita designatâ hypothesi causæ liberæ completæ, vt est v. g. *hic homo comædos audiens*, impossibile est vt non sequatur, vel liberum exercitium malæ voluntatis, vel libera illius omissio: adeò vt omniscius esse nequeat, qui dicere non potest vtrum ex illis esset positâ illâ hypothesi. Quodcumque igitur ex illis sciat Deus, scit semper aliquid futurum sub conditione quæ reuerâ nusquam erit: quod est scire futurum tantum ex hypothesi.

De præde-
finitione li-
berorum
actuum.

LXXIII. Quarta & vltima ratio difficultatem illam mouet, quæ quòd sit trita, nihilo tamen minùs aspera est, de absoluto Dei decreto circa liberos creaturarum actus; quod neque negari omnino potest: nec seclusâ scientiâ mediâ exponi commodè, ita vt salua sit tum libertas creaturæ, tum Dei sanctitas circa malos actus. Et quidem quod ad malos actus attinet, non inuenio ab hoc Auctore vsquam explicatum, quomodo se habeat Deus circa illos: quæue sit ratio illos præsciendi: nisi quod sæpius inculcat Deum non esse malorum causam sed cum hoc etiam dicant ij, qui tamen eorum prædefinitiones admittunt; nescimus an eandem ipse aleam subeat: an malit negatâ malorum prædefinitione specialem igitur rationem querere, cur sit necessaria prædefinitio bonorum vt illa præsciatur.

De libertate quomodo stet in actu prædefinito seclusâ

scientia mediâ , fusè disputat tum cap. 31. vbi respondet argumentis Petri à S. Ioseph : tum potissimum cap. 41. & 42. vbi de concordia præscientiæ cum libertate. Et in vniversum hoc dici potest, in hoc nodo dissoluendo, quem esse impeditissimum constat, Auctorem hunc nihil supra communes conatus tum TVissij tum aliorum perfecisse. Quos cùm esse inualidos satis probent ea quæ superiori disputatione sunt opposita ; eò Lectorem remitto : vbi etiam videbit quàm non satisfaciat auctoritati D. Thomæ. Qui rationem præsciendi futura contingentia, nequaquam petijset ex eorum præsentia seu præsentialitate ad æternitatem ; si credidisset esse absolutum aliquod decretum, quo illa prædefinirentur, & illam seu præsentiam seu præsentialitatem acquirerent.

LXXXIV. Sunt verò pauca hæc obseruanda vt à calumnia liberentur Theologi recentiores ; quos Anonymus hoc loco adeo seuerè habet ; vt possit esse suspicio violatæ vrbanitatis.

Cap. p.
num. 4.

Et primò, distinctionem diuinæ voluntatis in antecedentem & consequentem à Damasceno traditam, aliter accipi dicit à recentioribus quàm accepta sit à D. Thomâ & alijs veteribus ; Recentiores enim nomine decreti, antecedentis intelligere illam Dei voluntatem quam absolute & efficaciter nulloque habito respectu ad liberam voluntatis nostræ cooperationem, aliquid vult aut decernit. Decretum verò consequens illud esse, quo præsuppositâ scientia media & cognitione cooperationis nostræ conditionate futuræ, efficaciter vult nobiscum operari. Peccatum hoc recentiorum vt emendet, subdit, apud D. Th. & antiquos, voluntatem Dei antecedentem eam esse, qua res ex prima, absoluta & simplici sui consideratione, nec spectatis omnibus & singulis eius conditionibus particularibus, à Deo volita est : voluntatem verò consequentem, qua res spectatis omnibus eius causis & circumstantijs particularibus, est Deo volita. *Et post pauca.* Ex quibus perspicuum est, decretum Dei prædeterminans conuersionem Petri non esse antecedens : tam secundum doctrinam antiquorum, quòd sit efficax & sim-

num. 6 » pliciter ac de obiecto suis omnibus circumstantijs particularibus vestito : quàm secundùm recentiores , quia » non est sine respectu ad liberam Petri cooperationem : » proindeque est decretum absolute consequens : nec libertatem conuersionis Petri vllo modo eripit , sed contrà » eam in actu secundo ponit.

Antecedens
& consequens
voluntas quid
sonet apud
Damascenum
& S. Thomam.

Quâ in animaduersione quatuor sunt animaduertenda.
1. Quod non indicauerit qui sint illi recentiores qui Damascenum adeo malè interpretantur. Nobis enim incogniti sunt : nec alios nouimus quàm qui decretum antecedens illud vocant, cui non præluet cognitio repræsentans motium aliquod ex parte liberi arbitrij, seu rationem volendi quod decernitur ; consequens vero illud cui talis cognitio præluet. Et ita voluntatem saluandi omnes homines dicunt esse antecedentem, quod ab ea cognitione dirigatur quæ motium perdendi potius ex parte hominum, quam motium saluandi exhibet, ipsorum videlicet peccatum : consequentem autem esse voluntatem puniendi, quæ dirigitur à cognitione obijciente huiusmodi peccatum vt commissum in certâ temporis differentiâ. Et quia quod est conditionatè futurum siue bonum siue malum, non est idoneum motium ad concipiendam voluntatem absolutam siue puniendi siue remunerandi ; propterea neque dicitur decretum consequens, illud quod sequitur tantùm cognitionem futuri conditionati. Quâ in re deceptus est Anonymus, erroremque Recentioribus affinxit, qui nusquam est extra ipsius cogitationes. Atque hæc recentiorum doctrina non tam est interpretatio, quàm repetitio quædam eorum quæ dicuntur, tum à Damasceno, tum à D. Th. Qui vterque de industria in exemplum antecedentis & consequentis voluntatis afferunt, voluntatem saluandi omnes homines : & voluntatem aliquos damnandi, quod hæc exempla sint indisputabilia. Nam de voluntate aliquos efficaciter & absolutè saluandi, controuersia est : & qui dicunt illam concipi ex præscientiâ meritorum, consequentem faciunt : qui negant ; faciunt antecedentem, prout illa rationem habet intentionis. Nam prout est executiua ipsius

ipsius donationis gloriæ, supposito iam & præscito medio-
rum vſu, conſequens etiam ipſa eſt. Hæc eſt doctrina re-
centiorum, ſaltem eorum qui nobis innotuerunt: quæ ip-
ſiſſima eſt eorum à quibus eos deſeciſſe putat Anonymus.

LXXV. 2. Sed præterea fallitur dum meliorem exhibe-
re conatur vtriuſque illius voluntatis notionem: & Anti-
quorum ſententiam confundit magis quàm explicat.

Quid enim illud eſt, voluntatem antecedentem eſſe quàm
res à Deo volita eſt *non ſpectatis omnibus & ſingulis eius con-
ditionibus particularibus*, conſequenter è conuerſo? Quid
inquam eſt, ſpectatis conditionibus? Et quæ ſunt, illæ
conditiones? Nam quod ait D. Th. *conſideratis omnibus
circumſtantijs particularibus*, apud ipſum facilè intelligitur
quid ſit. Nimirum ex prioribus verbis, cum dicit, Ali-
quid poteſt eſſe in primâ ſui conſideratione, ſecundum
quod abſolutè conſideratur, bonum vel malum, quod
tamen cum aliquo adiuncto conſideratum, quæ eſt con-
ſequens conſideratio eius, è contrario ſe habet. Sicut ho-
minem viuere eſt bonum, & hominem occidi eſt malum,
ſecundum abſolutam conſiderationem, ſed ſi addatur
circa aliquem hominem quod ſit homicida, vel viuat in
periculum multitudinis; ſic bonum eſt eum occidi, &
malum eſt eum viuere. Ex quibus patet, id quod dicit,
conſequenter eſſe voluntatem quæ concipitur *conſidera-
tis circumſtantijs particularibus*, idem eſſe, ac eſſe illam, cui
præluceſt conſideratio rei *cum aliquo adiuncto*, vt quod ho-
mo ſit homicida, quæ eſt vt dicebam ipſiſſima recentiorum
cogitatio. Hæc autem non eſt cogitatio Anonymi, vt
conſtat ex eo quod inde colligit cum dicit, Hinc eſſe per-
ſpicuum decretum Dei prædeterminans, eſſe voluntatem
conſequenter, tam ſecundum Antiquos quàm ſecun-
dum Recentiores, quòd ſit de obiecto veſtito ſuis omni-
bus circumſtantijs, & cum reſpectu ad liberam Petri coo-
perationem. Dicat enim nobis quod ſit illud *adiunctum* ex
cuius conſideratione dirigitur decretum prædeterminans,
vt dici poſſit iuxta D. Thomam conſequens voluntas?
An tale aliquid conſiderat Deus in eo quem decernit
prædeterminare, quale in eo quem decernit punire, vt,

Conſequens
voluntas
rationem
aliquam
obiecti
mouentem
præ ſuppo-
ſit ex par-
te homi-
num; ante-
cedens non
item.

1. p. q.
20 ar.
6. 1.

quòd sit homicida? Num hoc patitur prædeterminantium doctrina? Sed vide quos fucos hic Auctor & patitur & faciat? Conditiones & circumstantias ex decreto seu voluntate sequentes confundit cum præsuppositis: idemque illi est representari obiectum *ut vestiendum* aliquâ circumstantiâ & representari *ut vestitum*: item, Dei decretum dicere *respectum ad liberam Petri cooperationem* tanquam ad effectum ex ipso decreto sequuturum; &, dicere respectum tanquam ad motiium Deo representatum & à decreto suppositum, quomodo supponitur homicidium à decreto puniendi homicidam. Et quia cum Deus decernit prædeterminare ad actum ut exercendum liberè, hoc est ad actum ut *vestiendum* libertate, ut eius panno utar; & consequenter cognitio quæ præluceat tali decreto, idem obiectum representat ut ita *vestiendum*; ideo censet consequentem esse voluntatem hanc: quasi verò idem esset decernere obiectum *vestiendum* & supponere vestitum: item, respicere obiectum ut sequuturum, & respicere ut præsuppositum. In quo admodum hallucinatur, quòd sit evidentissimum, ideo consequentem dici voluntatem & à Damasceno & à D. Thoma; quòd supponat aliquid ex parte obiecti, ut quod *homo sit homicida*, non quod illud faciat. Nam si faceret ipsa, nonne peruersissimè loqueretur, qui

2. de fide
cap. 19.

ib. nom 6

Decretum
prædeter-
minans non
potest vo-
cari volun-
tas conse-
quens.

consequentem vocaret & non potius *antecedentem*? Expendat quæso Damasceni verba illa quibus dicit *primam præcedentem voluntatem & acceptionem ex ipso Deo existere; secundam verò & sequentem existere ex nostra causa.*

LXXVI. 3. Atque hoc est Tertium quod in hoc Auctore reprehensione dignum videtur. Nempe quod decretum prædeterminans conuersionem Petri dicat esse *voluntatem consequentem*. Cum enim decretum sit voluntas; nihil aliud expectari potest, quàm ut *voluntas prædeterminans conuersionem Petri*, dicatur esse *voluntas consequens*; itaque ima summis & prima secundis misceantur. Quæ rerum ac verborum perturbatio, tum alias semper indecora est: tum maximè in operè nouo *De ordine, deque priori & posteriori.*

LXXVII. 4. Vnde tandem intelligitur frustra esse quod subijcit, ex eo quod decretum prædefiniens conuersionem Petri sit consequens, *nullo modo eripere libertatem conuersionis Petri, sed contra, eam in actu secundo ponere.* Quia si absint præstigiæ, atque illusio mentis, quod est prædefiniens conuersionem & illam causans, nullo modo dici potest *consequens* ipsam. Quod si non consequitur ipsam, sed præit potius, hoc est si non est ab ipsa dependens, sed è conuerso est id à quo ipsa dependet, quocumque tandem respectu dicatur *consequens*, nihil prorsus iuuat vt intelligatur *non eripere libertatem.* Quando enim dicitur ideo quippiam non eripere libertatem alicuius actionis, quia est *consequens*; intelligitur esse *consequens* ex tali actione, vel ex causâ vt eam producente, ita vt sit verum illud Damasceni *eius causam in nobis existeret*: quia statim intelligimus, si qua inde necessitas oriatur; non eam esse quam libertas seu libera causa patiatur; sed quam faciat. Si verò alio quodam respectu nescio quo aliquid ita dicatur *consequens*; vt tamen causam occupet, atque ad agendum impellat; quid facit nomen illud inane *consequens*, vt ideo credatur non eripere libertatem?

Quareconsequensvoluntas non eripiat libertatem.

suprà p. 75.

LXXVIII. Eiusdem coloris est id quod habet cap. 42. num. 9. vbi postquam dixit nos *latine quidem & eleganter* in exponendo scientiæ mediæ vsu *sed parum Theologicè loquutos*, specimen ipse proponit sententiæ melioris. Dicere deberent, *inquit*, Deum esse præscium voluntatem in his vel illis circumstantijs positam hoc vel illud liberè esse operaturam, suæque voluntate decernere vt id operetur liberè. Quod si facerent statim appareret in Dei prouidentia, præscientia, & decretis cum nostra libertate conciliandis, nihil pene esse difficultatis: nullamque homines de Deo expostulationis & querelæ causam habere: cum sua illorum actuum scientia, præscientia, definitione, prædefinitione, determinatione, prædeterminatione, & suo ad eos concursu etiam natura priore nihil aliud sciat, velit, & efficiat, quàm vt liberè operemur. Hoc autem libertatem nostram pessundare, vel tantillum lædere quis adeo stolidus dixerit?

Secusâ
scientiâ
mediâ
plicat præ-
definiti
actum vt
liberum.

Ego verò facile capio quomodo decretum absolutum & efficax quo secusâ scientiâ mediâ prædefinitur aliquis actus vt liber; non *peffundet* eius libertatem: quia nimirum hoc supponitur. Sed facile etiam capio quomodo *peffundet*, ac proinde quomodo tale decretum implicet. Quia non capio quomodo sit in potestate voluntatis creatæ facere vt illud decretum sit aut non sit. Et postquam supponitur absolutum & efficax, etiam non capio, quomodo sit in potestate creatæ voluntatis efficere vt cum eo componatur & coëxistat libera suspensio actus prædefiniti. Quòd si voluntas neque facere potest vt non sit decretum prædefiniens: neque vt eo stante sit nihilominus omissio libera actus prædefiniti; statim intelligo ex suppositione talis decreti, non posse huiusmodi actum esse in potestate voluntatis, nisi ad eum modum quo visio est in potestate oculorum, quando illi neque circumstantes vndique tenebras fugare possunt; neque illis remanentibus quidquam cernere: vel quo cursus est in potestate capriuum, qui nec compedes abijcere possunt; neque illis re-tentis ambulare. Quin & valde miror Anonymum tam facile capere contrarium: cum tamen approbet ipse actus liberi definitionem illam, quâ dicitur *positis & existentibus eius causis esse posse vel non esse*, Et causæ liberæ illam quâ dicitur, *esse in eius potestate agere vel non agere, etiam alijs positis ad actionem necessarijs*. Absurdas enim esse huiusmodi definitiones nisi exponantur in sensu composito, satis ostendunt qui propterea reijcere iam cœperunt, quod sensum illum pati non posset eorum doctrina. Et quid quæso erit actum liberum *posse non esse existentibus eius causis*, quam conuenire posse atque conciliari eius non existentiam cum existentia suarum causarum? Aut si hoc non est, quomodo non idem dicetur de necessario quod dicitur de libero? Quid item est, causam liberam posse non agere, *etiam positis alijs ad actionem necessarijs*, quam in illis alijs nihil esse ex quo sequi possit agendi necessitas, & consequenter nihil esse cum quo non possit coniungi non actio? An non manifestum est, ex Grammaticorum & Dialecticorum omnium sensu, particulam illam *etiam alijs positis*,

cap. 10.
num. 1.
cap. 41.
num. 8.

reddere sensum reduplicatiuum & compositum; nec vllō modo pati posse specificatiuum & diuisum? Non esset exufflāndus ille qui diceret, captiuum etiā positis compedibus, vel, etiā clauso carcere fugere posse? Atqui constat inter causas actus prædefiniti numerandum esse decretum prædefiniens: item constat implicare vt cum tali decreto componatur non existentia illius actus: ergo implicat vt sit in tali actu libertas.

LXXIX. Quare adiungo me *stolidis* illis, qui sparsam ab hoc Auctore claritatem ad intelligendam diuinæ præscientiæ ac prædefinitionis concordiam cum libertate actus prædefiniti, seclusâ scientiâ mediâ, videre non possunt; idque eo libentius, quod intelligam tantum esse sciorum numerum, vt sit necessarium præ stolidorum multitudinem paucissimos esse illuminatos. Hoc enim numero præter Iesuitas omnes, comprehenduntur ipsi Thomistæ, qui cæcā vt vidimus, in hac difficultate fidem à suis sectatoribus exigunt: atque eos qui se minus faciles ad credendum præbent, instantijs premunt ex mysterio Trinitatis, Incarnationis, & Eucharistiæ petitis quæ captum superant nostrum. Tantum abest vt *nihil penè difficultatis*, vt loquitur Anonymus, hîc subesse putent.

LXXX. Sed quando pellerē aggreditur *stoliditatem* nostram; experiamur illius manum. Dicere deberent, inquit, *Deum esse præscium voluntatem in his vel illis circumstantijs positam hoc vel illud liberè operaturam, suæque voluntatis decernere vt id operetur liberè; quod si facerent statim appareret, &c.* Ego verò, mi Doctōr quod mones, dico, *Deum scilicet præscium voluntatem in his vel illis circumstantijs positam, hoc vel illud esse operaturam*; sed doce nos quæso quâ scientiâ præsciat hoc Deus? An ea quæ pendeat ex absoluto eius decreto, quo statuit vt voluntas nostra opereatur hoc vel illud in his vel illis circumstantijs, & vt tuis utar verbis, eâ quæ cum tali decreto necessario coniungi debet? An eâ quæ non dependet nec coniungitur cum illo decreto? Si hoc secundum intelligis, expior omnino quod dicis, nihil penè difficultatis esse in concipiendâ quam quærimus concordiam: sed habeo gratiam scientiæ

Non soluit
difficultatē
aut accē-
ptat doctri-
nam de
scientiâ
mediâ.

conditionatæ. Neque enim alia esse potest scientia quâ præscit Deus independenter, seu seorsim ab actuali & absoluto decreto, voluntatem nostram in his circumstantijs hoc liberè operaturam. Si primum dicas, tuum amabo beneficium recipe; Neque enim nobis vsui esse potest. Quid enim me iuuat, quòd intelligam Deum absoluto & prædefiniente decreto suo fieri præscium; voluntatem creatam in his circumstantijs hoc liberè operaturam; cum tota maneat difficultas capiendi quomodo illud decretum libertati non officiat, hoc est quomodo non implicet? Et quomodo quadrabit totius species sententiæ, si est concipienda in hunc modum, *Deum accedente ad ipsius scientiam absoluto decreto, præscium esse, voluntatem operaturam, & sua voluntate decernere ut &c.*, cum hoc decretum iam intelligatur in præscientiâ inclusum? Nam si præscientiam illam ita secerneret à decreto, vt decretum intelligeretur aduenire præscientiæ, quemadmodum omnis volitio aduenit scientiæ à qua dirigitur, salua res esset; at verò in huius Auctoris sententiâ, decretum huiusmodi non dirigitur ab illa præscientiâ, sed tantum à scientiâ præcisionis; nec intelligi potest tanquam illi superuenire; sed verò ita vt sit veluti eius pars & in eâ includatur; vt hæc etiam videri possit inuoluta & inexplicabilis doctrina, ubi aliorum *soliditatem* se sanaturum sperauerat.

LXXXI. Obseruandum est Secundò quod dicit de multiplici necessitatis acceptione, vt ostendat eam quam ex sui prædefinitione trahit operatio libera creaturæ, non obesse ipsius libertati. Dicit ergo aliam esse necessitatem *absolutam*, aliam *conditionatam*, & *ex hypothesi*: Absolutam, esse necessitatem *simpliciter, per se, antecedentem consequentis*, & *in sensu diuiso*: cuius sunt duæ species. Nam alia est *naturalis*; alia *violenta & coacta*, qualis est illa quâ lapis sursum mouetur ab agente extrinseco, vel detinetur manu, vel columna in aëre suspensus. Attende Lector hunc Diuisionem, & vide quàm scitè membra diuidentia consignet ac distinguat. Lapis sursum proiectus ab agente extrinseco; mouetur necessario in sensu diuiso? Quid? Non tam potest in sensu diuiso cadere lapis sursum proiectus, aut in

cap. 41. n. 8.
& 9.
Confusa
diuisio ne-
cessitatum.

aëre columnâ sustentatus, quàm potest paries albus fieri niger? Quænam isthæc Philosophia est?

Sed pergit, Necessitas conditionata & ex hypothesi ea est, quâ aliquid necessarium dicitur, *ratione alicuius alterius*. Hic iterum aduerte quomodo confundat necessitatem absolutam cum conditionatâ, Speciem enim absolutam constituit *violentam & coactam*: at quod est hoc modo necessarium numquid est necessarium *ratione alicuius alterius*, atque adco conditionatè? Lapis qui sursum mouetur ab agente extrinseco, non mouetur necessariò *ratione alicuius alterius*? Qui manu tenetur vel columnâ sustentatur, non tenetur necessariò *ratione alicuius alterius*? Videri certè alicui possit quædam hîc esse cogitationum perturbatio quam minimè oportebat incidere in tractatum de ordine.

Addit huius necessitatis conditionatæ duas species; vnam in qua illud *alterum* ratione cuius aliquid est necessarium, est causa vel finalis vel alia quædam; alteram in qua non est causa, sed tantum conditio, vt cum dicitur, *si Petrum currere Deus præuidit, necessariò currit*. Ita ille, qui eo ipso satis indicat præuisionem cursus non esse causam, sed tantum conditionem: nec recordatur se tanto nisu contentuisse, scientiam visionis esse causam rerum: ac proinde præuisionem currentis Petri, cursus illius.

LXXXII. Hoc etiam expendendum, *Si hypothesis* quâ aliquid ex hypothesi necessarium dicitur, libertatem nostram nec supponat, nec inuoluat, nihilque includat quod sit in nostra potestate; necessitas ex tali hypothesi repugnat libertati. Ita ex hypothesi quod homo sit grauis, cadat deorsum necesse est. Ergo necessitas qua graue sursum mouetur est *absoluta*: & quâ fertur deorsum est conditionata. Illa est in *sensu diuiso*: ista in *sensu composito*. Et dum ambæ opponantur ex diametro, sitque illa *violenta & coacta*; ista nihilominus non est *naturalis*. Si enim esset, *absoluta* dici deberet non conditionata, iuxta notiones antea traditas. Ego certè nescio quem hic Auctor specularetur ordinem, dum hæc effudit quæ videntur esse tam parum ordinata.

ib. num. 9.

Cap. 34.

Cap. 42.
num. 9.

Necessi-
tatem

ex hy-
pothesiam
vocat quâ
antea dixit
absolutam.

LXXXIII. Restat postremum ex quo pendet solutio illius difficultatis quâ videtur absolutum Dei decretum imponere necessitatem rei quam decernit, libertati repugnantem. Si hypothesis, *inquit*, quâ aliquid ex hypothesis necessarium dicitur, in nostra sit potestate, vel libertatem nostram includat aut supponat; nihil omnino lædit libertatem. *Vnde tandem ita concludit.* Quando dicitur id quod Deus præsciuit, quodque absolute & efficaciter decreuit, necessario est futurum, Si illud, necessario, sumatur pro necessitate secundum quid & consequentia ex ea hypothesis, libertatem agentis aliquo modo includente, vera est propositio: si verò..... importet necessitatem absolutam, simpliciter, & consequentis, falsa est.

Quomodo possit aut non possit decretum prædictum includere libertatem agentis prædictam. Hypothesis ex qua hoc loco sequitur operationem liberi arbitrij necessario futuram, non alia est quam decretum Dei absolutum & efficax: & ideo illud necessario stat cum libertate, quia, *inquit*, illa hypothesis *includit aliquo modo libertatem agentis.* At interrogo quis sit ille modus quo decretum Dei absolutum & efficax *includit libertatem agentis?* Hoc enim illud est quod vnum maxime interest sciri, & quod tamen hic Doctor fascijs inuolutum relinquit. Decretum, inquam, Dei absolutum & efficax de actu liberè eliciendo, quomodo includit libertatem agentis? An ut aliquid præsuppositum necessitati quâ dicitur ille actus esse futurus ita ut liberum agens possit dici causare seu facere necessitatem eiusmodi & illa ex libero agente pendere? an aliter? Si aliter, hoc est, si dici non potest illa necessitas oriri ac pendere ab agentis libertate; ergo est illi contraria, cum sit manifestum eam necessitatem cuius causam neque tollere potest liberum agens, neque vincere coniungendo illi oppositum, stare non posse cum eius libertate. Vnde si neque potest tollere diuinum illud decretum absolutum & efficax; neque illi coniungere oppositum eius quod decernitur, restat semper illud explicandum quod nobis, imò quod omnibus est inintelligibile, esse nimirum libertatem in actu qui sic decernitur. Si verò dicatur decretum includere liberum agens ut causam

Liberum agens non potest esse ipsum sibi

causam eius necessitatis; cum illa non sit tantum in eius actione ad existendum, sed in ipso etiam agente ad agendum; dicendum erit liberum agens seipsum *necessitate*, ut ita dicam ad agendum, quo nihil esse potest quod magis repugnet eius conceptui. Nam si seipsum *necessitat*, vel hoc facit necessariò vel liberè: si necessariò, quare vocatur liberum? Si liberè, quomodo intelligitur à seipso *necessitatum*? Liberum enim est quod à seipso potest agere aut non agere; *necessitatum*, quod non potest aliter facere: unde si quippiam & liberum est, & à seipso *necessitatum*, sequitur illud & à seipso posse aliter facere, & à seipso non posse aliter facere. Quare licet possimus concipere liberum agens per suam actionem liberam esse causam alicuius necessitatis, nempe illius qua dicitur non posse non agere ex suppositione quod agat, quod est non posse componere non actionem cum actione: item illius quā dicitur non posse non præsciri ab agente infinitè intellectu quod futurum est, ex hypothese quod sit futurum: & illius quā rursus ex eo quod præsciatur dicitur necessariò futurum esse, quæ necessitas in nobis est potius ad inferendum idem ex seipso ut præcognito, quam in ipsa re, unde & vocatur necessitas consequentiæ; licet, inquam, intelligamus liberum agens per exercitium libertatis suæ causare eo modo quandam necessitatem, intelligi tamen nequit, esse ipsum sibi principium necessitatis ad agendum, quod hoc apertam implicet contradictionem.

LXXXIV. Sed ut hæc ratiocinatio cogatur in pauca, breuiter dico, Cum supponis *decretum Dei aliquo modo includere libertatem agentis*, vel intelligis includere libertatem agentis tanquam subiectum quod patiatur necessitatem agendi à tali decreto impositam; vel intelligis includere libertatem agentis tanquam principium ex quo illa necessitas ad agendum oriatur: neutrum dici potest: Ergo, &c. Probatur minor quoad primam partem. Quia qui sic intelligit non aliter soluit difficultatem, quam per petitionem principij, & nudam eius rei affirmationem cuius explicatio & ratio petitur. Petitur enim quā fieri

Mm

Argumentum ex superiori discursu contra prædictionem liberi actus independentem à scientiā mediā.

possit, vt agens liberum quod patitur necessitatem agendi à Dei decreto immixtam non perdat rationem liberi; & responderetur non perdere quia Dei decretum, illud includit tanquam subiectum immixtæ necessitatis, quod est affirmare tantum id de quo quæritur quomodo sit possibile. Probatur minor quoad secundam partem. Quia implicat vt illud de cuius conceptu est esse ipsum sibi principium indifferenter agendi aut non agendi, sit etiam ipsum sibi principium agendi necessario: Atqui est de conceptu liberi arbitrij esse ipsum sibi principium indifferenter agendi aut non agendi: Ergo, &c.

enx necessitas fugienda sit. LXXXV. Vnde insuper intelliges frustra esse quod addit Anonymus, æquiocationis tollendæ causa ita esse loquendum, Quod Deus præsciuit & decreuit futurum necessario, simpliciter & absolute; illud est futurum necessario simpliciter: quod præsciuit & decreuit futurum liberè, id necessario liberè futurum est. Neque enim ideo necessitas libertati nocet, quod vocetur *necessitas simpliciter & absolute*; sed quod sit ab eâ independens, & præterea insuperabilis. Vnde quibuscumque nominibus eam nominent, ac quibuscumque coloribus pingant: siue sit flaua, siue cærulea, quandiu supponitur talis esse, vt illius causam nec tollere agens liberum pro suâ libertate possit, nec vincere frustrando illam effectum suo, & oppositum illi coniungendo; numquam obtinebunt vt cum libertate stare possent putetur. Stabit enim semper illud Augustini, Si necessitas nostra illa dicenda est quæ non est in nostra potestate; manifestum est voluntates nostras quibus rectè vel perperam viuatur sub tali necessitate non esse.

Implicat aliquid & necessario & liberè fieri.

suprà n. 16.

Et quod dicit, si Deus decreuit aliquid liberè futurum, *illud esse necessario liberè futurum*, id ipsum est quod iam ante ostendimus contra TVissium quam foedam quamque hiantem inuoluat repugnantiam; cum Deum facere vt sit aliquid *necessario liberè futurum*, nihil aliud sonet, quam Deum efficere vt aliquod agens ita agat, vt non possit non agere & ita tamen vt possit non agere. Quanto melius faceret, si cum Caictano fateretur se nescire

quomodo illud, *necessariò*, quod est à decreto Dei, & illud, *liberè*, quod est ab arbitrio creato coniungantur?

Nempe sicut fieri potest vt *necessarium* sit modus liberi aut etiam contingentis, vt cum dicimus *liberum*, est *necessariò liberum*: aut, *contingens*, est *necessariò contingens*; ita implicat vt ambo, nimirum, *necessarium & liberum*: vel *necessarium & liberum*: vel *necessarium & contingens*, sint simul modi vnius tertij prædicati, ita illud *necessariò* simul & *liberè*: vel *necessariò* simul & *contingenter* insit. Aperta enim est contradiçtio quam diximus, vnum alteri sic inesse, vt possit non inesse, quod est *contingenter*: & non possit non inesse, quod est *necessariò*. Cum ergo dum dicitur *quod Deus decreuit liberè futurum*, *necessariò liberè futurum est*, *to* *necessarium* non appellet solum *to* *liberè*, sed simul etiam *to* *futurum* est, postquam implicat vt non sit futurum ex hypothesi decreti; repugnat vt *to* *liberè* appellet etiam illud ipsum, *futurum est*, salua prædicationis veritate: alioqui & futurum esset ita vt posset non esse, quia *contingenter* seu *liberè*: & ita vt non posset non esse, quia *necessariò*.

LXXXVI. Tertio alia nonnulla huius Doctoris observationes criticae obseruandæ sunt. 1. Quod aliqui dicunt, aliam esse necessitatem *ex suppositione antecedenti*, & aliam *ex suppositione consequenti*, nugatio quædam illi est, quod bis idem dicatur, perinde ac si quis diceret Petrum esse *hominem rationalem*. Quia, inquit, suppositionis nomen vt volunt, antecessionem, vel antecedentiam significat in eo quod supponitur. Absurdum autem est dicere ex antecedentiâ antecedente, Aliquid item esse ex suppositione consequente repugnantia est, & incompatibilitas terminorum, estque dicere aliquid esse ex antecedente consequente. Vide quæso vbi nugas alijs obijcit iste Auctor, quibus ipse quisquilijs intentus sit? Ecquis illi dixit suppositionis nomen apud nos significare antecessionem in re quæ supponitur? Qui supponit Iacobum esse natu posteriorem Elau, ille significat antecessionem? Qui supponit Parochum in processione sequi suum Crucigerum, etiam ille *antecedentiam* significat in Parocho,

cap. 41.
num. 11.
An rectè
distingua-
tur supposi-
tio antec-
dēs & con-
sequens.

estque incompatibilitas terminorum? Et quâ fieri potest vt sint incompatibiles termini ei qui paulo ante *decretum prædeterminans* confudit cum *voluntate consequente*? Sed fac suppositionem significare anteceſſionem in eo quod ſupponitur; an non fieri potest vt idem & antecedit & conſequatur reſpectu diuerſorum? Quare igitur videatur ſuſuperfluum & *bis idem dici*, ſi factâ cum aliquo tertio comparatione, ſuppoſitio dicatur reſpectu illius antecedens aut conſequens? Ita verò faciunt quos hic Auctor perperam impugnât; qui cum agente libero comparant exempli gratia, tum decretum Dei abſolutum & efficax: tum Dei præſcientiam. Et quia decretum dicitur eſſe independens, & cauſa cur agens liberum agat, atque adeo prius natura; ideo ſuppoſitionem decreti comparati cum agente atque actione liberâ, vocant *ſuppoſitionem antecedentem*: & neceſſitatem inde ſequutam, neceſſitatem *ex ſuppoſitione antecedenti*. Et quia præſcientia neque cauſa eſt, neque omnino independens ab agente atque actione liberâ, ſed inde ſequitur tanquam ex ratione obiectiua mouente; ideo ſuppoſitio præſcientiæ cum agente atque actione liberâ comparatæ vocatur *ſuppoſitio conſequens*, & quæ inde ſequitur *neceſſitas ex ſuppoſitione conſequente*. Quo modo vtraque quidem ſuppoſitio eſt antecedens reſpectu neceſſitatis; ſed reſpectu agentis & actionis liberæ, altera eſt antecedens, & altera conſequens. Eſtque res adeo manifeſta vt non facile capiam quid habeat viro dignum contraria obſeruatio.

2. Neque melior eſt alia quâ Recentiores carpit, præſertim Petrum à S. Ioseph, quod ſuam illam neceſſitatem ex ſuppoſitione antecedente, parum logicè parumque ſcienter ita definiert, Suppoſitio antecedens dicitur quæ producitur antecedenter ad operationem liberam voluntatis, & independenter ab illa. Atqui ego ſi eodem cauillandi animo impellerer, negarem ibi primum definiri neceſſitatem *ex ſuppoſitione ortam*; ſedè conuerſo dicerem definiri ſuppoſitionem ex qua neceſſitas oritur. Sed videamus quid emendandum putet in illa definitione. Cum, inquit, *antecedens & antecedenter idem ſignificent, ſunt*—

cap. 41
num. 12

An & quâdo poſſit nomen definiti, in definitione repeti.

que coniugata; definitum ponitur in hac definitione. Sed heus tu, mi Doctor, leges quas alijs ponis ipse quare non seruas? Paulo ante necessitas conditionata sic est à te definita. *Necessitas conditionata & ex hypothesis ea est, qua aliquid necessarium dicitur ratione alterius, &c.* Hic aio te parum logicè, parumque scienter definire, quod sic probo. Quia necessitas & necessarium coniugata sunt, idemque significant: Ergo definitum ponitur in hac definitione. Numquid & illa quoque vitiosa videbitur, quâ relatio Paternitatis definiri solet, *Qua generans refertur ad genitum*; propterea quod relatio & refertur sint coniugata? Nempe quæ dicuntur coniugata si sunt relatiua, non inutiliter repetuntur in definitione, quando in eâ repetitione terminus exprimitur ad quem referuntur. Sequitur enim inde noua cognitio eâque clarior. Et ita dum dicitur *antecedenter ad operationem liberam*, quia exprimitur terminus quem respicit *suppositio antecedens*; definitio inculpabilis est. Quin & addo, locum esse illi terminorum repetitioni quando definitum est aliquid complexum: neque ineptè respondurum, qui petenti quid sit homo albus, diceret esse hominem disgregatiuum visus.

Sed quid præterea? *Præterea*, inquit, *cum ei definienda sit necessitas causæ; definit necessitatem effectus, dicendo esse necessitatem quæ producitur.* Respondeo, in ijs verbis quæ tribus ante lineis retulit ex Petro à S. Ioseph, non est, *necessitas quæ producitur.* Et quàmuis eam produci dicat, quia tamen etiam dicit habere se *antecedenter ad operationem liberam voluntatis*, numquid satis significat habere rationem effectus respectu eius à quo ipsa producitur? Quòd si intelligitur habere rationem causæ respectu liberæ operationis, numquid necessitas quæ deriuatur ex illa suppositione in operationem, est verè necessitas causæ? Quid ergo queritur? aut quid querit? Addit, *Cum necessarium nullum dicat ordinem, & anteceSSIONem ad operationem liberam voluntatis; per eam etiam definiri non debere*: nec recordatur se paulo ante dixisse, id quod Deus præsciuit & decreuit liberè futurum, esse *necessariò liberè futurum.* Quomodo enim est *necessariò liberè futurum*, si necessarium

non potest dicere *ordinem ad liberum?*

cap. 41. n. 8. & 9.
Ad sit
aliquid
futurū aut
præteritum
respectu
Dei.

LXXXVIII. 3. Improbandum sibi ac fugiendum dicit quod Theologi præsertim recentiores de Dei scientia & voluntate perinde ac de nostra cogitant & loquuntur, idque dum dicunt diuinæ scientiæ ac cognitioni res esse *præteritas, præscientes, futuras*, quodd scilicet præsentis tantum sint. Ego verò consentio ut hæc reformatio admittatur à Scholis: sed quodd *præsertim recentiores* illā indigere putat, fallitur: constat enim illos nihil à prioribus ea in re degenerasse; addo, neque à Patribus. Nisi fortè hoc exigit, ut omnes Thomistæ fiant, & de præsentia rerum in æternitate pariter philosophentur. Qua de re, quando ipsi quoque inter se conuenerint, pariterque super ea re philosophabuntur, tractandum erit in publicis Theologorum comitijs, auditis Nominalibus & Scotistis. Interea cum iste Auctor fateatur futura non coexistere æternitati Dei *adæquatè*, sed tantum *inadæquatè*: & consequens sit ut æternitas Dei excedat existendo quod sibi adæquate non coexistit; idque vel à parte antè, ut loquuntur, vel à parte post; quod piaculum erit, si quā realiter excedit à parte ante, ac proinde realiter prior est, cum ijs comparatur tanquam futuris? Et quā realiter excedit à parte post, estque idè realiter posterior, comparatur cum ijsdem ut præteritis? Item cum hic idem Auctor in hoc opere passim dicat Deum esse præscium futurorum, etiam ubi alios emendare vult; nonne improbat quod ipse committit.

c. 41. n. 10.
Scrupulosa
examinan-
di & cen-
sendi
ratio.

LXXXIX. 4. Vltima observatio est, *Plerosque hic non raro* nugari, hoc est, in eadem propositione idem bis superflue repetere, cum dicunt Deum antecedenter *prædefinire, prædeterminare*, præscire. Quid enim est, inquit, illud, præ, quam antecedenter? *Vnde colligit* minus benè diuidi prædefinitionem aut prædeterminationem in antecedentem & consequentem. Hos ego etiam diuisores nihil moror; sed quid eo fiet qui *decretum prædeterminans* contendit esse *voluntatem consequentem*? Cum enim decretum sit voluntas, decretum prædeterminans erit *voluntas prædeterminans*: & tamen si determinet ad actionem liberam, est vo-

luntas consequens, vt placet huic Auctori. Et quia non est dubium, quin dari etiam possit alia quæ sit antecedens, si prædeterminet ad actum vt eliciendum necessario, sequitur dari apud hunc Auctorem voluntatem prædeterminantem *antecedentem*, & voluntatem prædeterminantem *consequentem*. Quo quid peius habet, prædefinitio antecedens & prædefinitio consequens.

Deinde videtur hoc etiam in Senatu Theologorum deliberandum, sint ne inter Optimates admittendi verborum aucupes isti adeo seueri, vt syllabas exigant, & ne vnum quidem, *præ*, superfluum esse pati possint. Agitur enim communis causa Nominalium, Scotistarum & Thomistarum præsentim Antiquorum, quos constat eruditâ quidem, sed tamen inconditâ & inacuratâ oratione tradidisse posteris sapientiam. Hi ergo fuerint *nugati* quoties syllabam protulere non necessariam? Sed & hic ipse Auctor qui Grammaticam colit tam austeram, quid faciet si probare cogatur nullam esse in suis scriptis *ταυτολογίας* & inanem eiusdem repetitionem? Reus sim eius criminis quod accuso, si multas in eum instantias colligam: accipio quod obuium est hoc ipso in loco vbi nos docet quemadmodum sit loquendum. *Dicere deberent*, inquit, *Deum esse præscium, voluntatem liberè operaturam*, qua oratione dico *nugationem* contineri, & in vniuersum quoties nominatur *præscientia futuri*. Quia illud, *præ*, superfluum est, & inanem continet repetitionem, quod sic ostendo. Quia *scientia futuri* hoc ipsum importat. Quid enim est aliud scientia futuri, qua scientia rei posterius existentis? Et scientia rei posterius existentis quid aliud est, quam scientia prior obiecto suo? Quod si scientia futuri, scientiam sonat obiecto suo priorem, ergo cum dicitur *præscientia futuri*, superfluum est illud, *præ*, continetque ineptam repetitionem. Videat ergo ne sibi quoque timendum sit, si cogantur Theologi reddere rationem non de verbo tantum otioso, sed & de syllaba.

XC. Hæc habui quæ cum hoc Doctore disputarem: quæ spero illi eo fore gratiora, quòd intelligam ab eo me honesta prouocatione inuitatum, dum se cum Tullio & sen- In præluc.

ure & dicere profiteretur, tantum abesse vt scribi contra se nolit, vt id etiam maxime optet. Neque enim ita insidere animo quas complexus est opiniones, quin ab eis se facile deduci patiatur validioribus si cui occurrant argumentis. Quod candidissimi pectoris testimonium bono animo esse iubet, si quos fortè illius secessio turbauerat. Quin & fieri facile potest, vt animo potius virium experiundarum, quàm opinione sententiæ quam oppugnat euertendæ consilium illud inierit. Atque vt mos est ludicrorum certaminum, in quibus Galli Castellanos, Castellani Gallos mentiuntur, vt quos superare conantur inuictos probent; ita crediderit ipse firmiora visum iri amicorum propugnacula, nouis huius conatibus nequicquam impetita. Hoc si palam fecerit, & quæ incognitus improbavit, manifestus confirmauerit; nihil ille quidem ab ea qua excellit sapientia prudentiaque fecerit alienum. Sin autem mea me fallit expectatio; eruditi Lectoris iudicium esto, satisne ista refutatione confectum sit, vt quod sponte facere noluerit, inuitus pati cogatur.






DISPVATIO TERTIA.

THEOLOGVS COLLEGII
Salmantinenfis Patrum
Discalceatorum.

CAPVT PRIMVM.

Status Controuersia.

- I.  VCTOR cursus Theologici, qui
cœpit in lucem edi ante aliquot an-
nos, sub nomine Collegij Salmanti-
censis Patrum Discalceatorum Bea-
tæ Mariæ de Monte Carmeli, primo
tomo in primam partem, tractatu
tertio, quatuor disputationibus, vi-
delicet nonâ, decimâ, vndecimâ, & duodecimâ de scien-
tia conditionata sic differit, vt mediam latè impugnet,
veluti ex multis capitibus impossibilem. Cuius ego impe-
tum, quia non adeò videtur leuis, vt contemni debeat;
tentandum existimaui, adeone sit vehemens, vt non pos-
sit sustineri.

N n

Alius quæ-
stionis sta-
tus : nec
amplius
disputatus
an sint &
sciantur li-
beri actus
creaturarū
condicio-
natè futuri.

Est autem huius controuersię status in eo diuersus à su-
perioribus, quòd iste Auctor scientiam conditiona-
tam eorum, quę agens creatum liberum ex aliqua
suppositione faceret, à scientia media sic distinguit, vt
illam astruat omnino; hanc destruere pro viribus conetur.
Concedit videlicet Deum certò scire, non solùm esse
probabile, sed omnino futurum, vt si Dauid maneat apud
Ceilitas adueniente Sathle, tradatur in eius manus : Si vi-
uere sinatur is, de quo in libro Sapientię, non solùm esse
periculum, sed re verà futurum, vt malitia mutet eius in-
tellectum: Non modò coniecturabilem esse Tyrionum, &
Sidoniorum conuersionem, si fierent apud eos miracula,
quę spreuere Capharnaïtę : sed certissimam, & prorsus
indubitatam : & sic de alijs. Hanc verò non esse scientiam
mediam, quod sequatur ex prædefinitione Dei, quā ea
quę hoc modo sciuntur, & futura conditionatè & conse-
quenter scibilia sunt. Atque ita totum discrimen quo
sententia illa distinguitur à nostrā, illud est, quòd nostra
prædefinitiones rerum sub conditione producendarum à
libero agente creato repudiet, quas illa, & amplectitur,
& defendit.

Consentit
P. Ioan. à
S. Thoma,
queritur-
que con-
trarium
Thomistis
attribui.

II. Ita etiam philosophatur Pater Ioannes à sancto
Thoma Theologię Professor in Academia Complutenfi
ex Ordine Sancti Dominici, qui tomo primo Theologici
cursus nuper edito, controuersiam hanc fusè tractat ad
quæstionem 14. 1. partis. Quo cum agere licet proposi-
tum sit propriā disputatione, miscebo tamen hęc quę illi
cum eo sunt communia, qui mihi iam opponitur, ad ea-
rundem rerum repetitionem, aut quæstionum distractio-
nem euitandam. Hic ergo disputari non vult an Deus
certò sciat, non solùm probabilitatem, sed etiam futuri-
tionem ipsam hypotheticam eorum euentuum de quibus
agimus : sed an illam sciat independenter ab eorum præ-
definitione : quin etiam agrè fert nostrorum aliquos
scripsisse, id esse negatum à Thomistis superioris ætatis.

Disput. 20.
art. 1.

„ Ita enim loquitur. Quare nescio quo fundamento, vel
„ quo motivo aliqui auctores oppositi sic in vulgus scriptis
„ suis spargant, Thomistas antiquos denegasse Deo scien-

tiam horum futurorum ; recentiores verò vi argumento-
rum pro sententia opposita conuictòs, illam concessisse, ,,
confugisse autem paucis ab hinc annis ad illum asylum de
decretis conditionatis, *in quibus Deus futura illa certo attin-* ,,
gat. Et paulo antè; De primo (*scilicet an Deus sciat futura con-* ,,
ditionata) vix fuit controuersia, nec est alicuius momenti
inter Auctores, an sit deneganda, vel ponenda in Deo
talium obiectorum scientia, & totum pondus controuer-
siae, quod à quinquaginta annis paulò minùs inter Patres
Societatis, & sancti Dominici versatur, est circa secun-
dum punctum : *de decreto videlicet*, an praequiratur ad
illam scientiam : *subdit.* Scio auctores aliquos magno ap-
paratu congerere testimonia probationesque ad osten-
dendum Deum illa cognoscere, in quibus tantam vim
ponunt, vt dicant Thomistas, qui à principio negauerant
in Deo esse horum scientiam futurorum, tanta mole, &
fortitudine argumentorum pressos dedisse manus, & in
eorum castra transisse. Nec parua verborum pompa, ina-
nem triumphum de tanta victòria tubicinant. *Et postquam* ,,
addidit: ista omnia foliorum sonitum esse, & inanes vm-
bras. *Concludit.* In his non inuenitur controuersia aliqua,
vel dubitatio de hoc puncto, an Deus simpliciter co-
gnoscat ista obiecta conditionatè futura ; sed an Deus
cognoscat illa, certò, & infallibiliter ante decretum
suum : Et hoc probat ex Thesi, quam ad disputandum
proposuit Clemens VIII. dum ista Romae agitentur.
Ex quibus liquidò constat, non aliud contendere hos au-
ctores, quàm vt admittatur Dei prae definitio circa ea quae
dicuntur conditionatè futura, de cætero consensuros
cum defensoribus scientiae mediae, vt huiusmodi futura
certò sciri à Deo concedantur.

II I. Quod autem queritur P. Ioannes à sancto Thoma,
nuperis Thomistis imponi, quasi verò eam scientiam illi
negent ; Accuset Franciscum çumel, qui sic loquitur.
Alij Theologi putauerunt Deum non cognoscere futura
conditionata, quia cùm talis futuritio non sit vera, neque
reponenda conditio vllo tempore, otiosa esset, & imper-
tinens cognitio talium futurorum..... Vnde nonnulli

Sed imme-
ritò queri-
tur. Nega-
runt enim
Thomi-
stae ple-
rique
scientiã
condi-
tionatã,

N u ij

- Tom. 1. „ Theologi hac difficultate preffi dixerunt scientiam, quam
 variat. „ scriptura insinuat Deum habere de his futuris, solum esse
 disp. in „ coniecturalem quandam cognitionem: in qua sententia
 1. p. dub. „ veniunt enumerandi omnes illi, qui censent in Deo uni-
 5. „ cam præcisè esse rationem cognoscendi certò futura
 „ contingentia, nimirum realem præsentiam eorum in
 „ mensura æternitatis. Accuset Auctorem hunc cursus Sal-
 „ manticensis, cum dicit. Prima sententia asserit, quòd
 „ iuxta scripturam sacram Deus non cognoscit prædicta
 „ certitudine futura contingentia conditionata, de quibus
 „ loquimur. Ita Ledesma.... ET ALII EX IUNIORIBVS
- Dub. 5. „ THOMISTIS. Et iterum. Sententiam negantem quoad
 num. 5. „ priorem tituli partem, *quæ est*. An ponenda sint in Deo
 „ decreta conditionata, positiua, & efficacia, circa omnia
 „ futura contingentia conditionata? TVENTVR PLVRES
 „ EX THOMISTIS, tam ex antiquis quam ex iunioribus.
 „ Vnde sequitur, cum negare ista decreta, & negare cer-
 „ tam futuri conditionati scientiam, idem sit apud Thomi-
 „ mistas; *plures ex illis, tam ex antiquis quàm ex iunioribus*,
 „ negare certam futuri conditionati scientiam. Accuset Di-
 „ dadum Aluares disputatione 10. de Auxilijs, vbi Capreo-
 „ lo, Francisco à Christo, Palacios, & nonnullis alijs
 „ Theologis, qui alij esse non possunt quàm Thomistæ,
 „ attribuit, quòd tota ratio præsciendi futura, sit actualis
 „ præsentia, quam habent ab æterno, qua sublata, necessa-
 „ rium sit consequenter ea nesciri. Accuset se ipsum, qui
- Disp. 10 „ hæc narrat. Differentia autem, si qua fuit inter Thomi-
 ar. 1. p. „ stas, ad hoc tantum reducit, quòd aliqui ex antiquis
 111. „ Thomistis non admittebant huiusmodi decreta in Deo
 „ dari de facto, saltem pro omnibus combinationibus, quæ
 „ circa ista conditionata fieri & multiplicari possunt in infi-
 „ nitum, sed si qua dantur, solum sunt circa aliquas veritates,
 „ quæ ad præsentem providentiam Dei spectant: sed ne-
 „ que hoc esse ita certum, quin possint aliqua scripturæ lo-
 „ ca exponi in sensu probabili, sine talibus decretis condi-
 „ tionatorum. Et iterum. Recedimus tamen ab his Thomi-
 „ stis, qui recusabant concedere decreta Dei libera circa
 „ talia obiecta conditionata. Negatio autem horum decre-

torum est, vt dicebam, in contraria sententia, negatio scientiæ futuror sub conditione. Accuset demum quotquot vsi sunt illa ratione contra Molinam, quodd scientia Dei adæquatè sit diuisa in scientiam simplicis intelligentiæ, & scientiam visionis, neque possit hæc conditionata reduci ad alterutrum ex illis membris. Quia constat, non esse potiozem rationem cur hæc, quæ sequitur decretum, reducatur ad vnum ex illis, quam ad aliud: ipsique aduersarij sunt in eo inter se diuersi, vnde consequens est, vt eam negauerint Thomistæ, qui prædictam distinctionem seuerè tuentur. Nihil ergo imponunt, qui negatam illam dicunt ab hesternis Thomistis, saltem pluribus. Quodd si hodierni aliter sentiunt, atque in eo vnanimi sunt, vt huiusmodi scientiam agnoscant, quid peccarunt, qui credere ad hoc eos iuari potuisse innumeris sanctorum Patrum, & Scholasticorum testimonijs, ab auctoribus Societatis in eum finem abductis? Quodd cum dicimus minime *Tubicinamur*, neque id cum *pompâ* prædicamus, & *triumpho*, quem in huiusmodi causis spectare, ac pati, quam agere, gloriosius est; sufficit nobis *foliorum* quibus ille labor inscriptus est, *sonitum* adeò non fuisse tenuem, quin aduertere potuerit vel inuitas aliquorû aures. Hæc vero *umbra* quam non sint inanes tempus probabit.

IV. Interea libenter amplectimur confessionem hanc, Qua de re iam disputandum sit. quâ dicitur; *in his non inueniri controuersiam aliquam, vel dubitationem de hoc puncto, an Deus simpliciter cognoscat ista obiecta conditionatè futura*, habemusque gratiam aduersarijs, quod eâ nos laboris parte, quæ ad hoc probandum necessaria videbatur, leuatos velint. Superest ergo vt eam tantum quæstionem agitemus; Sit ne in Deo actualis prædefinitio, eorum etiam, quæ nec sunt, nec fuerunt vnquam, nec erunt, sed quæ liberè producerentur à creatis agentibus, si hæc, vel illæ circumstantiæ concurrerent. Hoc est, sit-ne in Deo actualis volitio, quâ dicat, volo vt si adolescens ille diutius viuât, eliciat actus qui mali sunt, in omnibus circumstantijs, à quibus implicat malitiam separari. Volo vt si Dauid in Ceilâ remaneat, a curret Saul, & Ceilitæ Dauidem prodant. Volo vt si

Euangelium proponatur Tyrijs, & Sidonijs, miraculis confirmatum, illi poenitentiam agant, & conuertantur. Hoc est *punctum*, inquit, *circa quod versatur totum controuersie pondus*.

Et vt explicetur omnino species integra cogitationis, totaque diuinorum actuum œconomia iuxta sententiam Aduersariorum describatur, decreta illa ita sunt concipienda: Volo, si adolescens ille uiuat diutius, vt liberè producat actus, qui mali sunt, in omnibus circumstantijs, à quibus implicat abesse malitiam: & quia nolo absolutè, vt producat illos actus; ideo etiam absolutè nolo vt diutius uiuat: volo, vt si Dauid in Ceilâ maneat, accurrat Saül, & prodant eum Ceilitæ: sed quia nolo absolutè vt accurrat Saül, & prodant eum Ceilitæ; nolo etiam absolutè vt in Ceila maneat. Volo vt si Euangelium cum miraculis proponatur Tyrijs, & Sidonijs, illi conuertantur, & salui fiant: sed quia absolutè nolo vt conuertantur, & salui fiant (disputamus cum doctoribus positivæ reprobationis) nolo etiam absolutè vt Euangelium, & miracula illis proponantur. Hoc est punctum, inquit, *circa quod versatur totum controuersie pondus, quæ à quinquaginta annis paulò minùs, inter Patres sancti Dominici, & Societatis versatur*, negantibus scilicet Patribus Societatis esse talia in Deo decreta, & Patribus sancti Dominici contendentibus esse admittenda, vt & scientiam conditionatam, quæ de cætero admittitur ab utrisque.

Non fuisse
istam ex
hoc capite
accusandi
Molinæ
causam:
neque vi-
deri po-
tuisse no-
uam illius
doctrinam.

V. Hinc vero imprimis colligitur sine causâ turbatum esse in Hispaniâ, dum hæc quæstio moueri cœpit, & Molinam ex hoc capite iniquam vexationem passum esse: si non erat alterius criminis reus, quàm quòd negaret esse aliquas prædefinitiones earum rerum quæ nusquam sunt, sed quæ tamen liberè fierent, si earum causæ ponerentur. Quo modo enim vel noua, vel periculosa videri potuit hæc sententia, eo tempore, quo tam communis erat persuasio, nec ea quidem quæ aliquando futura sunt prædefinita esse omnia? An est potior ratio de futuris conditionatè, quàm de futuris absolutè; vt cum concedas, dari posse horum præscientiam sine prædefinitione: reus

sis si cogites, illa esse aliter scibilia; quàm quia sunt prædefinita? Nam quòd tunc esset illa communis certaue omnium & eruditorum, & academiæ & nationum persuasio, quidquid à Deo scitur esse absolutè futurum, ideo sciri, quia vt sit futurum ipse decreuerit; si pugnatè affirmare velint Aduersarij, facilem inuenient in recenti eorum temporum memoria condemnationem. Quid enim dicemus? Nullos fuisse tunc qui se ita opponerent Caluino docenti. *Deum non aliter præsciuisse humani generis lapsum, quam quia ipse ordinauerat; vt aliquam præscientiam, sine ordinatione defenderent?* Nullos qui Augustini illud, & Prosperi, & Fulgentij, & subinde consequentium Patrum, etiam Magistri sententiarum, etiam D. Thomæ, mordicus tenerent, *Latius patere præscientiam prædefinitione?* Nullos qui cum Iustino, cum Origene, cum Eusebio, cum Chrysostomo, cum Theodoro cum Damasceno, etiam cum Augustino, etiam cum Magistro & S. Thoma, causalem illam approbarent, *ideo præsciri futura quia futura sunt; hanc reiicerent, ideo esse futura, quia præsciuntur?* Nullos Nominalium Sectatores qui disertè negarent Deum ideo tantùm esse futurorum præscium quia suorum ipse conscius est decretorum? Nullos D. Thomæ, & Thomistarum veterum, vt Capreoli, qui nullà decretorum factâ mentione, rationem omnem futura præsciendi referrent in solam eorum in æternitate *Præsentialitatem?* Nullos denique qui timerent, antecedentem omnem, & decretoriam circa liberos actus voluntatem, tanquam libertati contrariam? Cùm, inquam, ea esset tunc Catholicorum Doctorum dispositio, quæ etiamnum est, vt minimè suspectus esse videretur, qui diceret, seclusis prædefinitionibus aliqua & esse, & sciri absolutè futura; Molina deferendus fuit, & terra marique persequendus eo nomine, quòd seclusis similiter prædefinitionibus, aliqua doceret & esse, & sciri futura conditionatè? Iudicabit prudens Lector satise ista cohæreant, meritòque vrgendus fuerit Summus Pontifex, tantùm vt definiret Dei voluntatem tali quodam modo concipiendam esse.

Volo ut si vellem Tyrijs proponi Euangelium, illi conuerterentur: sed quia nolo ut conuertantur, nolo ut illis proponatur Euangelium. Nempe si hoc definiendum est, ut Molina damnetur, possumus viuere securi.

Quæren-
eos aduer-
sarijs Au-
ctoress, po-
tius quam
nobis.

VI. Secundò colligatur ex dictis nos gratuitam operam nauare, ac præter debitum; dum testimonia congerimus, quæ scientia media confirmetur; esse enim potius aduersariorum ea proferre, quibus impugnent, quam nostrum quibus comprobemus. Cum enim hæc sententia duo tantum capita contineat, sciri conditionatè futura, & nullam dari eorum prædefinitionem ex parte obiecti conditionatam, quæ sit ratio illa sciendi: primum, quod in quadam affirmatione consistit, probandum nobis esset, nisi iam aduersarij suâ confessione laborem nobis illum remitterent. Secundum quod consistit in negatione, probationes illorum expectat, nobis autem sufficit, si soluere illas commodè possimus: quod est munus eorum, qui negant in omni disputatione. Dicere enim non dari prædefinitiones illas, idem est, ac dicere nusquam reperiri earum vestigium, vel in scriptura, vel in Concilijs, vel apud Patres, vel apud Doctores Scholasticos. Quemadmodum enim qui negat aliquam opinionem esse Aristotelicam, onus imponit contradicenti, textus illos Aristotelis promendi, quibus videatur id sensisse, quod negatur: ita qui negat aliquid ex scriptura, vel Patribus colligi posse: necessitatem inijcit oppugnantibus ea loca producendi, quibus videatur id contineri quod negatur. Nobis ergo sufficit, quod possimus dicere, nos id quod in scripturâ, & Patribus, & Scholasticis Doctoribus inuenimus, asserere, dari videlicet scientiam conditionatam liberarum actionum ex aliqua hypothese futurarum: quod non reperimus, non asserere; nempe dari earundem actionum prædefinitiones etiam conditionatas. Aduersariorum autem officium est, ostendere meliores sibi oculos esse, atque indicare loca, in quibus ea conspici possint, quæ à nobis non videntur. Hoc autem non eo dico, quasi verò non suppetant nobis pleraque argumenta, eaque admodum efficacia, quibus posituè probemus, ex Scrip-
pturis,

pturis, & Patribus, alijsque Doctoribus non tantum non fuisse hactenus admittas prædefinitiones conditionatas, sed repulsas potius: vt patet ex ijs, quæ dicta sunt superioribus disputationibus, & quæ supersunt dicenda; sed vt constet nos abundè satisfacturos officio, si vel tantum non incommode solueremus Aduersariorum argumenta.

VII. Vnde inferas tertio, quod iudicium ferendum sit de quadam huius doctoris Collegij Salmanticensis rationatione, quâ contendit, in ea quæstione quâ petitur vtrum scientia media sit vel non sit de mente sancti Thomæ; Patribus Dominicanis esse potius credendum, quàm nobis. Quia, *inquit*, Patres Dominicani nullâ passione contra Aduersarios ducti, aut necessitate ab extrinseco, (vt aiunt) illatâ coacti, pro se, & contra scientiam mediam, D. Thomam adducunt. At vero aduersarij, licet non passione contra Dominicanos allekti, necessitate tamen quasi compulsi, doctrinam de scientiâ mediâ D. Thomæ auctoritate fulciunt. Assumptum infelicititer probat & argumento ad concludendum potius contrarium composito. Vtutur enim hoc dilemmate. Quia cum Molina suam scientiam mediam in lucem edidit, vel erat in Scholâ Dominicanorum recepta vt doctrina diui Thomæ, vel communiter reiecta vt illi contraria? Respondemus neque receptam communiter fuisse, neque communiter reiectam, sed sepultam potius sub tacitis hypothefibus. Sed esto illud. Primum, *inquit*, dici non potest, vt clarum est; si secundum; ergo nulla passione contra aduersarios ducti, prædictam scientiam mediam, vt quid contra D. Thomam, reiecerunt. Vide, amabo te Lector, hanc sequelam. Si secundum, hoc est, si scientia media erat communiter reiecta in Scholâ Patrum Dominicanorum, tanquam D. Thomæ contraria, quando Molina illam edidit in lucem. Ergo nulla passione ducti Thomistæ, prædictam scientiam mediam, vt quid contra D. Thomam reiecerunt. Et vide etiam hanc: Maximè cum Patres Societatis vsque ad illa tempora Dominicanorum viam, & doctrinam secuti fuissent. Atque adeo incredibile est, quod erga eos non essent ex eo capite, vt par erat, affe-

Clauda
quæ iam
Aduersa-
riorum ra-
tificatione.

eum sufficere potest. Et quamuis argumentum, quod vocant ab auctoritate negatiua, non vrgeat, valet tamen ad hoc, vt probabilius videatur, non credidisse Doctores, quàm credidisse quod nusquam affirmant, præsertim vbi quæstiones connexæ sunt, & tempus, atque occasio inuitabat, vt eam mentem proderent, cuius vestigia nulla conspiciuntur, vt hîc accidit. Quis enim iure reprehendat existimantem Doctores id sensisse, quod apud eos legit; non sensisseque quod non legit? Quare nisi Thomistæ ostendere possint, antiquis fuisse probe cognitæ, quas diximus, prædefinitiones; non potest dubitari, quin sit probabilior suspicio nostra, quâ dicimus non eas approbasse, quàm ipsorum, qui contrarium persuadere conantur. Hactenus autem non videntur id satis præstitisse, vt constabit percurrenti ea quæ solent in eum finem proferre, cuius rei operæ pretium est, vt experimentum aliquod capiamus.

CAPVT II.

*Scriptura testimonium contra Scientiam
mediam soluitur.*

IX.



ABENDVM præ oculis est, totam controuersiam eò reduci, an sit in Deo præ-^{1. ad Cor.} definitio, quâ fiat vt quod est ex aliquâ ^{c. 4.} hypothese liberè futurum; ita futurum sit. Partem affirmantem aduersarius probat vnico scripturæ testimonio ex multis selecto, nempe illo Pauli. Ne supra quàm scriptum est, vnus aduersus alterum infletur, pro alio; quis enim te discernit? quid autem habes, quod non accepisti? Si autem accepisti; quid gloriaris quasi non acceperis? Hic, *inquit*, locus, suppressus alijs multis, selectus est; quod eius veritas videatur non posse ita bene saluari, si semel admittatur scientia media, siue conditionata: hoc est, vt dixi, si non admittatur hoc decretum

O o ij

in Deo, *volo ut si hoc illi bonum contingat, sequatur inde talis actus liber*: quod est dicere hoc decretum in illis verbis Pauli sic relucere, ut eo negato, *non ita bene saluari possit illorum veritas*. Benè habet. Cœterorum ergo locorum scripturæ veritas *non ita malè* saluari potest cum nostrâ sententiâ. Ac proinde si huic vni satishat, scientia media in tuto est: neque sibi à Scripturâ timere quidquam potest. Ego verò illius decreti, de quo est quæstio, assertionem in verbis Pauli minimè lego; neque video, quomodo is qui se id legere dicit, quicumque sit, non possit etiam facile hebræa legere sine punctis. Quare concedo, ut par est, veram esse Apostoli orationem atque sententiam: & nego, quod inde infertur, admittendam esse prædefinitionem actuum ex parte obiecti conditionatam.

Dices, nisi admittatur hæc prædefinitio, sequitur vnum posse inflari, & gloriari aduersus alterum, de aliquo quod non acceperit, & consequenter tribuere sibi discretionem illam, quâ melior differt à peiore, contra mentem Apostoli. Sequela probatur: nullâ enim admissâ prædefinitione, sequitur antecedenter pares esse, tum illum qui non consentit sanctæ cogitationi, tum illum qui consentit. Ergo cum Deus vtrique paria præstet, quantum est ex se, restat ut eorum discrimen refundatur in aliam causam, alia verò nulla est præter liberum arbitrium ipsorum. Hoc ergo causa est illius discriminis, & consequenter obiurganti Apostolo, atque interroganti, quis te discernit, poterit alter dicere *meum liberum arbitrium me discernit*, itaque gloriari, & inflari aduersus alterum. Nam quòd in vno reperiatur aliquid diuinum, quod non reperitur in alio, nimirum ipse Dei concursus in actu secundo; nihil obstat. Si quidem ille concursus vtrique pariter oblatus est; & in eo tantum est discrimen, quòd vnus illum acceptarit pro suâ libertate, alter non acceptarit: vnde licet acceptanti gloriari præ non-acceptante.

Germanus
Apostoli
sensus.

X. Respondeo ijs omissis, studio breuitatis, quæ plurima, & dicuntur, & dici possunt in hac difficultate; fore illam exiguam, si Apostoli tantum mentem, atque sco-

pum intueremur : qui Corinthios alloquitur eos , qui se alijs præferrent , non eo nomine , quòd diuinæ gratiæ consensissent ; sed quod essent melioribus vsi præcepto-ribus , ac Catechistis. Qui casus cùm minimè ab eorum prouidentia pependisset , immeritò inflabantur alter aduersus alterum. Sed quia fieri potest argumentum veluti à pari , aut etiam à maiori ad minus , coarguendis homi-nibus , qui sibi ac libero arbitrio id tribuunt , quod est po-tius diuinæ gratiæ tribuendum : & quia sanctus Augusti-nus passim hunc etiam locum in eum finem accommodat contra Pelagianos , & semi-Pelagianos :

Addendum est , negatis prædefinitionibus conditiona-tis integram esse veritatem verborum Apostoli , etiam iuxta illam siue interpretationem , siue accommodatio-nem Augustini. Et quidem quod attinet ad *inflationem* & *gloriationem* unius aduersus alterum , nunquam illa non est mala , vt per se patet , etiam in ijs quæ tribui libero arbi-trio , & viribus naturalibus possunt. Quod spectat verò ad discretionem ; quam Apostolus à Deo acceptam esse contendit ; non autem ortam ex ipso eorum qui discer-nuntur arbitrio ; cum dicit. *Quis te discernit ? quid autem habes , quod non accepisti ?* vel quæritur vnde sit potentia discretiua in eo qui consentit diuinæ gratiæ : quasi dicat Apostolus , *quis dedit tibi virtutem illam , per quam eliciuisti bonam actionem , qua discernereris ab alio ?* vel quæritur vnde sit actio ipsa bona per quam fit discretio : quasi diceret , *quis dedit tibi huiusmodi bonam actionem , qua differt ab ignauo illo , & nihil agente ?* Si primum. Cùm illa virtus discretiua duo necessario includat , quorum alterum est supernatu-rale , alterum naturale , facultatem scilicet liberi arbitrij , & Deum eleuantem ad actum supernaturalem (eâdem ego cautione vtor , quâ se vti profitetur Aduersarius , qui se loquutum dicit , de æqualitate tantum gratuita volun-tatis Dei , non verò auxiliorum gratiæ , quæ in voluntate creata recipiuntur , vt ne minimùm quidem verbum , quantum fieri possit , de his proferat , vt ita longissimè distet à non adeò perfectâ obseruatione decreti Sanctissi-mi Domini nostri Romani Pontificis , quo cautum est ne

Admissâ
scientiâ
mediâ est
adhuc lo-
cus integ-
interroga-
tioni Apo-
stoli & ex-
probratio-
ni.

Disput. 10.
dub. 1. n. 12.

„ tractatus, & disputationes de efficacia auxiliorum diuinæ
 „ gratiæ typis mandentur) Cùm ergo virtus discretiua siue
 effectiua discretionis, duo necessario includat, facultatem
 liberi arbitrij, & Deum eleuantem, merito quærit
 Apostolus, vnde habeat homo virtutem illam, quia se-
 cundum id omne quod dicit, vel est à Deo, vel est Deus
 ipse, nempe quatenus includit liberum arbitrium, est à
 Deo, vt auctore naturæ: quatenus verò importat eius
 eleuationem ad actum supernaturalem, est ab illo ipso,
 vel est ille ipse vt Auctor gratiæ: atque ita si attendatur
 vis illa effectiua discretionis, nihil habet is qui diuinæ
 gratiæ consentit, quod non acceperit. Quæ est illa con-
 sessio quam sanctus Paulus requirit.

Si secundum, hoc est, si quærat Apostolus vnde sit
 actio bona, per quam differtis qui consentit diuinæ gra-
 tiæ, ab eo qui non consentit, manifestum est non posse
 non acceptam referri eidem Auctori Deo, à quo manat
 totum illius principium, & virtus productiua, vel si ha-
 beretur ratio eius tantum axiomatis, quo dicitur, *quod
 est causa cause esse causa causati*. Quod hinc eò maximè lo-
 cum habet, quod causa quam diximus, eius actionis per
 quam fit discretio productiua, à Deo est, vt productiua.
 Hoc est, intendit Deus quantum est ex se, vt causa illa
 producat talem actionem: vnde non potest hæc actio
 villo modo dici præter intentionem Dei, sed potius ex
 illius intentione. Ergo si attendatur discretio in actu se-
 cundo, siue actio per quam discernitur is qui consentit
 diuinæ gratiæ, ab eo, qui non consentit, adhuc est ve-
 rum, nihil illum habere, quod non acceperit: atque ita
 interroganti Apostolo, *quis te discernit, & quid habes quod
 non accepisti?* si dicere velit, id quod res est, is qui diuinæ
 gratiæ consentit, respondebit, se neque in actu primo,
 neque in actu secundo quidquam habere spectans ad hu-
 iusmodi discretionem, quod sit aliter suum, quam quia à
 Deo acceptum est, ac proinde se merito gloriari non
 posse, atque inflari aduersus alterum, quasi præ illo ali-
 quid habeat, quod non sit acceptum.

XI. Instabis. Qui paria facit duobus, non potest dici

causa eius, in quo vnus, alium excedit; Atqui Deus in hac hypothesi paria facit duobus istis, quorum vnus consentit diuinæ gratiæ, alius non consentit; ergo non potest dici causa eius, in quo vnus alium excedit. Ergo is qui excedit, excessum illum habet à se, non autem ab eo qui paria facit; & potest hoc nomine gloriari aduersus alterum. Respondeo. Distinguo maiorem, qui paria facit duobus antecedenter, non post dici causa eius, in quo vnus alium excedit etiam antecedenter, concedo maiorem; Eius, in quo vnus alium excedit consequenter: nego maiorem. Atqui Deus paria facit duobus, consentienti scilicet, & non consentienti diuinæ gratiæ; antecedenter, esto minor, quæ postea negabitur. Ergo non potest esse causa eius in quo vnus alium excedit antecedenter: si sit vllus talis excessus, concedo consequentiam: Non potest esse causa eius in quo vnus aliū excedit consequenter; Nego consequentiam. Ratio est manifesta, quia consensus iste consequens, quo vnus alium excedit, non potest non esse effectus illius antecedentis, in quo pares supponuntur, cum ad hoc sit positum à Deo illud antecedens, vt esset istud consequens. Nimirum consensus & cooperatio cum diuina gratia, fit ex intentione Dei, & à Deo ipso, tum mediatè, tum immediatè: & ita semper verum est, consentientem diuinæ gratiæ, non excedere non consentientem in vllō, quod non sit à Deo.

XII. Instabis secundò, si antecedens illud à Deo positum, est æquale in vtroque, & eadem, atque æquali voluntate atque intentione Dei positum; quomodo Deus non causat idem consequens in vtroque, sed in altero tantum? Respondeo quia illud antecedens est liberum vtrobique, & pro suâ libertate in vna hypothesi non finit Deum causare quod intendit: in alia hypothesi finit illud causare, Ergo, inquires, saltem hoc quod est, hunc *finere* Deum causare, non erit à Deo, sed à libero arbitrio: poteritque esse materia gloriandi, quasi de re non accepta: quia vt supponimus, quod est à Deo in vtroque æquale atque idem est. Respondeo nego consequentiam, quia illud *finere*, seu, non *impedire*, reipsa nihil

Etiam si
Dens paria
præstet an-
tecedentes
rum con-
sentienti
diuinæ gra-
tiæ tum non
consentien-
ti; est ta-
men adhuc
cur dicatur
causa eius
in quo vnus
alium ex-
cedit con-
sequenter.

Etiam hoc
quod est
non impe-
dire effe-
ctum gra-
tiæ, à Deo
est: etiamsi
antecedent-
ter æquali-
ter se ha-

beat ad
impedien-
tem & non
impedien-
tem.

aliud est, quàm non suspendere actionem Dei, vel non elicere contrariam, quod facit liberum arbitrium cooperando, & consentiendo; vnde cùm ipsum cooperari, & consentire, non sit à libero arbitrio, nisi vt excitato & adiuto, & eleuato à Deo; consequenter ipsum *sinere* seu non *impedire*, non erit à libero arbitrio, nisi vt excitato, vt adiuto, vt eleuato à Deo. Et quod additur, id quod est à Deo esse æquale & idem in vtroque duorum illorum qui supponuntur: iam distinximus; id quod est à Deo antecedenter esse æquale, & idem in vtroque, non autem id quod est à Deo consequenter. Et hoc est in quo vnus alium excedit.

XIII. Instabis Tertiò. Hoc quod dicitur esse à Deo consequenter; ille nimirum consensus & cooperatio; tam fuit oblatus non consentienti nec cooperanti, quàm consentienti, & cooperanti: & proinde tam dici potest vni datus, quam alteri respectu Dei: & differentia solum est, quòd iste acceptarit, & acceperit quod dabatur; ille verò non acceptarit, ideoque nec acceperit. Relinquitur ergo vt iste, qui & acceptauit, & accepit pro sua libertate, gloriari possit aduersus non acceptantem. Respondeo. Transeat Antecedens. Nego hanc consequentiam. Quia illud *acceptare*, atque *accipere*, nihil aliud est re ipsa, quàm *cooperari*, & *consentire*. Hoc autem non est à libero arbitrio, nisi vt eleuato, excitato, adiuto diuinitus. Ergo *acceptare* illud, & *accipere*, non aliter est à libero arbitrio, quàm vt adiuto, excitato, & eleuato à Deo: ac proinde nihil hîc est non acceptum à Deo. Ergo de nullo gloriari licet, quasi de non accepto. Et si recurat illud, Deum vtrique eadem præstare; ergo non discernere; contra quàm velit Apostolus: recurret etiam responsio, Deum vtrique eadem præstare antecedenter, vnde non sequitur, quin sit eius causa, in quo vnus ab alio consequenter discernitur.

XIV. Instabis quartò. Esto, maneat illud, Deum esse causam eius, in quo vnus ab alio discernitur specificatiuè loquendo: non tamen reduplicatiuè, ac formaliter: quatenus illud discretiuum est, & aliquid dicit in vno *præalio*: vnde

Idem dicendum de eo quod est acceptare atque accipere fructum gratiæ.

unde nec dici potest Deus esse causa huius discretionis formaliter sumptæ, sed materialiter tantum eius rei, quæ discretio est, seu quâ discretio fit. Ergo restat vt liberum arbitrium sit talis causa; & proinde vt eo sensu dici possit à se ipso discerni, non à Deo. Respondeo, discretionem illam sumptam formaliter, ac reduplicatiuè duo dicere, nempe positionem eius in quo vnus alium excedit, in eo qui excedit, & defectum eius in eo qui exceditur: ac proinde causam illius ita sumptæ, debere esse causam & excessus illius, in eo qui excedit, & defectus in eo qui exceditur. Discrimen, inquam, consentientis à non consentiente, quatenus est illorum discrimen formaliter; non tantum dicit positionem consensus in eo qui consentit; sed connotat etiam, seu importat non positionem similis consensus in eo qui non consentit. Ergo quod est causa huius discriminis vt sic, debet esse causa; non solum cur sit consensus in eo qui consentit; sed cur sit etiam non consensus in eo qui non consentit. Atqui neque Deus, neque liberum arbitrium consentientis potest esse talis causa. Non Deus, quia non vult vt ille qui non consentit non consentiat; sed vult potius vt consentiat, atque ad hoc perinde illum iuuat ac consentientem, vt supponimus. Liberum etiam arbitrium consentientis, quo modo posset dici causa non consensus in alio, quem non respicit, & in quo nihil neque ponit, neque destruit? Qui vellet ergo assignare talem causam, deberet accipere simul vtramque voluntatem consentientis, & non consentientis; vtraque enim illa, suppositis ijs quæ requiruntur ex parte Dei, est causa formalis illius discretionis, seu discriminis, quatenus illud est comparatiuum vnius cum alio, & importat defectum in vno eiusdem rei, quam ponit in alio. Deus autem neque debet, neque potest alio sensu dici talis causa, quàm quia est causa cur ponatur in vno consensus ille, quo reipsa discernitur ab alio. Sed neque liberum arbitrium consentientis aliter etiam est illius causa, quàm quia eleuatum, & adiutum à Deo, eundem consensum ponit. Sufficit ergo ad mentem Apostoli, cum dicitur Deus discernere consentientem à non con-

Deus debet
esse causa
eius quo
consentientis
discernitur
à non con-
sentiente,
specificati-
uè tantum:
alio qui es-
set causa
cur alter
non con-
sentiret.

sentiente, quòd sit causa discretionis illius, specificatiuè, ac materialiter sumptæ, siue, quòd sit causa cōsensu, quo contingit consentientem excedere non consentientem: valetque hoc loco, quod dici solet, dum disputatur an possit voluntas, propositis inæqualibus medijs, eligere minus præ maiori; neque enim hoc potest affectu comparatiuo, & optando minus, vt minus est: quia ratio minoris boni, non est aliquid appetibile, aut eligibile. Ita bonum vnus, quatenus connotat malum alterius, non est aliquid amabile Deo, nec proinde sub ea ratione dici potest Deus illud appetere, seu causare. Atque in eo, ni fallor, deceptus est Auctor cum quo disputamus, qui videtur sentire adscribendam esse Deo discretionem hanc formaliter & quatenus vnus aliquid habet præ alio: non autem materialiter tantum, ita vt sufficiat id in quo vnus alium excedit, esse à Deo. Et hæc est illa ratio de qua iudicabit eruditus Lector, idonea-ne sit, ad saluandam, vt Aduersarius postulat, Apostolicæ sententiæ veritatem, seclusis prædefinitionibus conditionatis.

Secunda
solutio,
Apostolum
loqui de ijs
tantum qui
gloriantur
de bonis
existenti-
bus abso-
lutè non
autem con-
ditionatè.

XV. Addo præterea agere Apostolum cum ijs hominibus, qui gloriantur de ijs quæ habent absolute: non verò de ijs quæ habituri essent conditionatè. Vix enim reperiri aliquis possit adeo insanus, qui vt gloriatur, constituat se ipsum sub scientiâ conditionatâ, & præsentem gloriam, atque existentem absolute captare velit ex bono quod ex conditione suspensum est. Præterquam quod, si ad hypotheses illas recurramus, fieri non poterit, vt cum sint infinities infinitæ; si vna tibi sit gloriosa, non sit & alia probrosa: & vice-versa, si socio tuo vna probrosa sit, non sit & alia laudabilis, & honesta. Cum illâ verò compensatione reciprocâ, desipiat quisquis sibi licere putet aduersus illum gloriari, à quo parem expectare potest aduersum se, gloriationem. Hoc igitur constituto, Apostolum scilicet agere cum ijs qui gloriantur de eo quod habent, aut agunt defacto; dico seclusis prædefinitionibus conditionatis, esse cur asseramus Deum illos discernere, etiam antecedenter ad absolutam illam existentiam boni de quo gloriantur, ratione specialis beneficii, quod vni præ-

altero confertur. Nempe suppositâ scientiâ conditionatâ, quâ scit in hac hypothesi bene vsurum illum gratiâ suâ, illum non bene vsurum; in aliâ è contrario; quod statuat pro suâ merâ libertate ponere illam, quâ scitur vnus benè vsurus potiùs, quàm illam, quâ benè vteretur & alius; & est aliquid antecedens absolutam positionem illius boni vsus: & est aliquid melius moraliter, atque optabilius. Si quis igitur ideo gloriatur, poterit illâ Pauli quæstione verberari, *quis te discernit?* hoc est, cùm tibi occurrere possent vel hæ circumstantiæ in quibus tu benè operaris, ille non item; vel aliæ in quibus ille bene operaretur, tu verò minimè; quis te illi prætulit statuendo quod tibi melius atque vtilius esse sciebatur? & quid habes, quod beneficio illius prælationis non acceperis? si autem accepisti quid gloriaris? Nec est quod obijciat Aduersarius, actum secundum, cuiusmodi est consensus conditionatè futurus, non posse pertinere ad actum primum. Quia si intelligit actum secundum vt conditionatè futurum; non posse esse obiectum præscientiæ prælucentis decreto præuio ad absolutam eiusdem actus secundi futuritionem, quod tantum asserimus; falsum assumit: si aliud intelligit, nobis non nocet. Hæc est alia ratio quâ *non ita male* saluari forte poterit veritas verborum Apostoli sine prædefinitionibus conditionatis: sed quia, vt dixi, Augustinus potissimum illâ vtitur sententiâ, vt Dei beneficium commendet erga illos qui benè viuunt.

XVI. Addo denique, seclusis prædefinitionibus conditionatis, & admissis absolutis, quas longè probabilius est, iuxta mentem Augusti admittendas esse, respectu bonorum actuum, & supernaturalium, præsertim in prædestinationis; planam esse verborum Apostoli interpretationem. Nam si comparemus prædestinatum, cum non prædestinato, rectè ab illo quæritur, quis te discernit? id est, quis te separauit præ illo à falsâ perditionis electione gratuita, ex quâ sequutum est deinceps, vt alia esset Dei voluntas circa bonum vsum suarum gratiarum in te, quàm in illo? Cui quæstioni quid aliud respondeat is, qui se prædestinatum putat, quàm adorandam sibi

Seclusis prædefinitionibus est cur dicatur à Deo discerni antecedenter consentiens à non consentiente.

1b num. 10

Tertia solutio, seclusis prædefinitionibus conditionatis restât absolutæ pendentes à Scientia media, ratione quantum dicatur antecedenter à Deo discerni consentiens à

non con-
sentiente.

esse diuinam misericordiam, & deosculanda eius beneficia?

Si conferatur item prædestinatus, cum prædestinato, qui aliquando labitur, nec voluntati atque amorì Dei semper respondet; quærenti quis te discernit; id est, quis facit ut ex electione illa, quâ destinatus es ad vitam æternam infallibiliter consequendam, sequatur alia circa te Dei voluntas in hoc rerum occurſu, quàm circa illum: quamuis & ille prædestinatus etiam sit? Et hîc pariter nihil aliud dicere poterit, quàm esse hoc donum Dei quoddam gratuitum. Denique si vellet reprobis, qui quandoque benè viuit, aduersus alium, seu reprobum, seu prædestinatum, sed pro tempore nequiores gloriari; facilè erit factum illum coercere. Nam in quantum benè viuit, nos qui Dei iudicia, & hominum fines ignoramus, non aliter debemus agere cum illo, quàm ut cum prædestinato: atque adeo ex illâ, vel nostrâ, vel illius præsumptione, petere possumus, *quis te discernit?* si forte superbiret, neque ille aliud habebit quod respondeat, nisi Deum sibi esse imaginariæ illius discretionis causam, atque auctorem. Quod si aliqua esset reprobationis suspicio, tunc nihil opus esset, ad debellandam eius superbiam interrogare, *quis te discernit?* maior enim est pudoris & abiectiōis materia, si cogitet se fortè non esse discretum, sed confusum potiùs cum perditorum massa: quàm si audiat, se non arbitrio suo, sed alterius beneficio esse discretum. Quæ ideo dico, quia Sanctus Augustinus indicare videtur specialem illam voluntatem, & prædefinitionem actuum supernaturalium esse propriam prædestinatorum. Quod si lubet eam etiam extendere ad reprobos: ac dicere supernaturales quoque ipsorum actus esse prædefinitos, nihil huic sententiæ deperit, quam tuemur: & semper stat sine prædefinitionibus conditionatis, cum solis absolutis, quæ liberorum agentium naturæ sunt congruæ suppositâ scientiâ conditionatâ, saluam esse verborum Apostoli, quæ nobis obiecta sunt, veritatem; quod vnum hîc intendimus.

XVII. Nec quidquam obsunt, quæ Doctor Collegij

Salmanticensis contra hæc molitur, vt omnia conferenti facile constabit. Nititur enim principijs vel incertis omnino, vel falsis, quorum aliqua hic obiter perstringenda sunt.

Et primò sæpius supponit inæqualitatem, quam habent *Disp. 10.*
causæ liberæ in actu secundo, necessariò refundendam *dub. 2. n. 15.*
in aliquam inæqualitatem actus primi. Confirmatur, „
inquit, Primò, quoniam in prædicto euentu Petrus, & „
Ioannes secernuntur & sunt inæquales in actu secundo „
scilicet in ipso concursu: Ergo etiam debent secerni, & „
esse inæquales in actu primo. Ergo vna hæc inæqualitas „
cùm non possit in actu primo prouenire à gratiâ, si qui- „
dem in eâ præsupponuntur indiscreti, & quales oportet „
vt proueniat ex libero arbitrio, quæ ratiocinatio postea „
etiam repetitur: Ex eo verò infert, contra mentem Apô-
stoli posse illum qui consentit gloriari aduersus non
consentientem, si verum est æqualem erga eos esse Dei
voluntatem: quasi verò, vt supponitur æqualis erga illos
Dei voluntas, non supponatur etiam æqualis arbitrij fa-
cultas, vt ideo possit qui gloriatur excessum aliquem pri-
mi actus, quem Dei voluntati non tribuit, tribuere igitur
arbitrij facultati. Atqui hoc est proprium liberorum
agentium, vt antecedens eorum æqualitas possit esse
causa consequentis inæqualitatis: neque aliter stat liber-
tas, seu facultas agendi, & non agendi. Quod si necessa-
rius est excessus in actu primo, vt quis alium superet, quid
faciet qui defectum patitur in eodem actu primo, ver-
bi gratia, præmotionis, & alium tamen assequi tene-
tur?

Non est ne-
cessarium
vt agentia
libera in
actu primo
sint discre-
ta, si discre-
ta sunt in
actu secun-
do.

XVIII. Secundò videtur supponere liberum arbitrium *Numer. 18.*
non esse partim causam illius discretionis, siue excessus, *Non potest*
quo consentiens non consentientem superat, ita enim *negari, quin*
loquitur. Tum denique quia discretio illa, & inæquali- *liberum ar-*
tas non prævidetur iuxta oppositam sententiam vt pro- *bitrium*
cedens tota & totaliter à gratiâ vt à principio proximo, „ *sit par-*
quandoquidem gratia est æqualis in vtroque; ergo præ- *tim cau-*
videtur vt procedens partim à gratia, partim à volunta- *sa dis-*
te, secundum id, quod ex se habet, quamuis associata „ *cretiuiis*
quo cō-
sentiens
à non-

con-
sen-
tiente
discer-
atur.

„ gratiæ : & ita poterit voluntas Petri partialiter gloriari
 „ aduersus Paulum , quòd ipse ex proprijs , licet associatis
 „ gratiæ , se discernat. Quod quia hic Auctor , tanquam
 absurdum proponit , consequenter censet liberum arbi-
 trium , secundum id quod ex se habet , etiam vt *associat-*
um gratiæ , non esse *partim* causam discretionis consen-
 titientis à non consentiente , sed procedere illam *totum* &
totaliter à gratiâ. Neque aliud restat , quàm vt obijciatur
 nobis , quod sentiamus liberum arbitrium , secundum id
 quod ex se habet , seu potiùs , quod ipsum est , cooperari
 diuinæ gratiæ , agere aliquid , nec esse vehiculum tantum
 virtutis in ipso agentis , sed conprincipium : quod quidem
 nos multò libentiùs patiemur , quàm si putaremur non
 consentire Tridentino , vel ijs fauere , qui dicunt liberum
 arbitrium in hoc negotio *nihil omnino agere , merique passi-*
um se habere. Nempe vt omittam naturales rationes quas
 conceptus vitalis principij , atque etiam liberi suggerit , vt
 dicamus libero arbitrio partim esse ascribendas actiones
 illas , quæ ad salutem conducunt , manifestum est Augu-
 stinianum esse totum illud , ex duodecim aut tredecim il-
 lis testimonijs , quæ antea producta sunt , cum possent
 etiam plura produci : & Augustinus contendit esse insu-
 per diuinum , atque ab ipso Spiritu Sancto in sacris pagi-
 nis pronunciatum. Faremur ergo ingenuè , Deum secluso
 libero arbitrio , non esse totale principium actionis , quâ
 discernitur consentiens à non consentiente : ac proinde
 discretionem illam non esse à Deo *totaliter* , quasi verò li-
 berum arbitrium non sit aliqua pars eius principij à quò
 procedit : Neque hoc aut velle Apostolum , aut rei veri-
 tatem ferre posse : nec ex eo capite ineptam esse gloria-
 tionem consentientis præ non consentiente , quod ille
 nihil ad consensum , quo discernitur conferat , sed quod
 nec conferat quidquam , nec conferre possit , nisi excita-
 tus , & adiutus à Deo. Sed hæc Aduersarij cogitatio
 ex alia pender , quæ mox excutienda est. Interea triâ
 tantum appono Nazianzeni verba ex Oratione in Chri-
 sti natiuitatem , *Homo arbitrij libertate donatus est , vt bon-*
um non minùs illius esset qui elegisset , quàm eius qui semina-
prebuisset.

suprà disp.
1. num. 57.

XIX. Tertiò igitur hic Doctor ex eo capite difficilior
 rem esse putat sententiam nostram, quod supponamus
 liberum arbitrium habere peculiarem virtutem agendi
 proximam & innatam, quamvis illi necessaria insuper sit
 gratia. Ita enim loquitur. Deinde alia via potest hæc so-
 lutio impugnari; præsupponendo tamen id, quod Ad-
 uersarij docent, vt videre est apud Molinam; liberum
 arbitrium creatum, præuentum voluntate Dei gratuitâ,
 & sufficienti, seu tenente se ex parte actus primi, habere
 peculiarem virtutem agendi proximam, & innatam, di-
 stinctam à virtute, quæ ei superadditur per gratuitam
 illam voluntatem Dei, quæque non tribuitur illi forma-
 liter per talem voluntatem, licet non possit in actum su-
 pernaturalem influere per hanc virtutem, nisi associatam
 gratiæ. Quâ ex sententia infert tanquam aliquid absur-
 dum, consentientem diuinæ gratiæ posse *partialiter* sal-
 tem gloriari, quod eius discretio à non consentiente,
 non procedat *tota, & totaliter* à gratiâ: *sed partim à gratiâ,*
partim à voluntate secundum id quod ex se habet, quamvis asso-
ciata gratiæ. Ergo iste Auctor ne in hoc absurdum inci-
 dat, ostendit se nequaquam approbare opinionem illam,
 quod liberum arbitrium *per innatam virtutem, distinctam*
à virtute illi superaddita per gratuitam Dei voluntatem, ali-
quid agat. Supponit ergo totum illud, quod est in libero
 arbitrio principium bonæ actionis, *esse superadditum à gra-*
tuita Dei voluntate. Quæ cogitatio probari nobis vllò mo-
 do, neque debet, neque potest. Viderur enim tollere
 actionem omnem, & actiuitatem à libero arbitrio; atque
 illud, vt dicebam facere tantum vehiculum virtutis in ipso
 agentis, quo modo aqua vehiculum est caloris in ipsâ ca-
 lesfacientis. Nempe quidquid *superadditur* libero arbitrio
 à *gratuita Dei voluntate*, & gratuitum dici debet, & gra-
 tia; Atqui præter gratiam debet esse aliquid ex parte li-
 beri arbitrij, quod sit principium actionis. Ergo præter
 id, quod est superadditum à gratuita Dei voluntate, de-
 bet esse aliquid ex parte liberi arbitrij, quod sit princi-
 pium actionis. Major ex terminorum penetratione nota
 est, Minor probatur. Implicat enim esse cooperationem,

Num 17.
 Proxima &
 innata vir-
 tus liberi
 arbitrij est
 „ princi-
 „ pium a-
 „ ctionis
 „ super-
 „ natura-
 „ lis.

nisi ubi sunt principia distincta : quod sit ridiculum si quis concipiat gratiam cooperari sibi ipsi, perinde ac liberum arbitrium etiam sibi. Cum ergo negari non possit vera, propria, & realis cooperatio liberi arbitrij cum gratia, in opere bono, nisi negemus fidei fundamenta, sequitur distinguenda esse duo principia, & vnum quidem ex parte liberi arbitrij, aliud autem ex parte gratiae; ergo præter gratiam admittendum est aliquid ex parte liberi arbitrij, quod sit principium bonæ actionis. Atqui quidquid est præter gratiam in libero arbitrio, innatum est, atque insitum; Ergo præter gratiam admittendum est principium ex parte liberi arbitrij, quod sit ipsi innatum, & insitum, seu potius quod sit ipsum. Atque ita idoneum erit exemplum Augustini, qui postulat à Pelagianis, vt ita se habere fateantur liberum arbitrium ad gratiam, respectu bonæ actionis, quo modo se habet oculus ad lucem respectu visionis. Idonea erit & illa concessio, quâ homini per Dei gratiam se ipsum *castificanti* dicit, *tamen quia agis ibi aliquid voluntate, ideo & tibi aliquid tributum est*. Vbi cum etiam dicat hominem *adiungere voluntatem suam Deo*: quid quæso intelligit? Nempe ipsa voluntas est, quæ se adiungit. Ad quid autem adiungit se nisi ad agendum? Et quo modo ipsa se ad agendum adiungit, si nihil in eâ est, quod agat, nisi id quod ei adiungitur, aut vt loquitur Aduersarius, superadditur? Quid, inquam, est adiungere se ad agendum alteri, nisi apponere illi comprincipium aliquod actionis? Quo modo autem apponere dicitur alteri comprincipium actionis, si illud cui apponitur sit totale principium, & tota virtus à quâ procedit actio? Vel si non est totale principium, & tota virtus ex quâ sequitur actio, quo modo negatur ei quæ se adiungit competere aliqua ratio principij & virtutis, quam adiungat? Eandem vim habet & illud aliud ex Augustino. Nec ideo tamen de hac re solis votis agendum est, vt non subinferatur admittenda etiam nostræ efficacia voluntatis. Adiutor enim Deus noster dicitur, nec adiuuari potest NISI QUI ALIQUID SPONTE CONATVR. Qui iuuat ad agendum, quid quæso iuuat, nisi virtutem

Lib. de pecc.
mer. c. 5 &
Epist. 106
ad Bonif.

Tr. 4. in Ep.
Ican.

Loco
cit. de
pecc.
mer. &
remiss.

”
”
”

ritem aliquam, insufficientem quidem, sed tamen effectricem? Ergo, cum gratuita Dei voluntas quæ libero arbitrio *superadditur* ea sit, quæ iuuat liberum arbitrium ad agendum, ideoque dicatur *Adiuuans*; quid iuuabit nisi aliquam eius virtutem, insufficientem fateor, sed tamen aliquam virtutem, & quidem effectricem? Hæc porro virtus, si est superaddita, quid aliud sequitur, quàm gratiam iuuare se ipsam, quod ridiculum est? Si non est superaddita; quo modo negari potest esse aliqua virtus in libero arbitrio & effectrix, & innata? Hoc ergo est, quod non diffitemur, quodque videtur nobis tum philosophiæ, tum etiam Theologiæ, ac fidei principijs maxime consentaneum, illam ipsam virtutem, & facultatem liberi arbitrij, quæ in operibus naturalibus est principium à quo immediatè, ac proximè pendet essentialiter naturalis operatio, adiungi gratiæ, ac voluntati Dei in operibus supernaturalibus, fierique vna cuni illis partem aliquam totalis illius principij à quo immediatè ac proximè, & essentialiter pendet actio supernaturalis. Adeo vt si per impossibile maneret totum illud quod libero arbitrio superadditum est, subtractâ illius innatâ, & intrinsecâ illâ virtute; impossibile sit operationem supernaturalem remanere, defectu alicuius principij essentialiter requisiti. Negamusque inde quidquam consequi quod Apostolo repugnet interroganti, *Quis te discernit*. Quod enim opponitur, si Deus videat seclusâ prædefinitione liberum arbitrium per suam innatam virtutem concurrere ad eam actionem, quâ discernitur benè operans à non operante, & esse partialem illius causam; sequi, posse illum qui benè operatur, *partialiter saltem gloriari*, quod ipse ab alio se discernat; reiectum est. Neque enim ideo tantùm prohibet Apostolus gloriationem illam, quòd liberum arbitrium per suam innatam virtutem nihil agat in eo negotio; sed quòd nihil agat, nisi Deo virtutem illam innatam excitante, atque adiuuante. Quod Stapletonus expressit de gratia, & libero arbitrio lib. 4. c. 14. cum dicit. *Non negare Augustinum liberum arbitrium ESSE CAUSAM DISCRIMINIS, sed velle tantùm esse superio-*

rem, & inferiorem causam. Et, vt ego quidem existimo, facile paterentur Aduersarij, vt diceremus liberum arbitriū per suam innatam virtutem esse cooperaturū, si prædefinitionem illius operationis, de quā est quæstio, admitteremus; sicut ergo tunc non liceret gloriari, ex eo quod esset operaturum per innatam virtutem, quia non esset operaturum, nisi determinante innatam illam virtutem prædefinitione; ita neque modò gloriandum est, cum ne genus aliter operaturam illam innatam virtutem, quā excitante & adiuuante Deo supernaturaliter. Atque hinc nascitur aliud, quod etiam nobis hic auctor affigit.

Inutilis & falsa partitio actionis supernaturalis, quæ sit vel aliquo sui Deum tantum respiciat, aliquo liberum arbitriū tantum.

XX. Suponit enim quartò, nos, vt i partimur principium bonæ actionis, ita etiam partiri quodammodo actionem ipsam, & concipere aliquam in ea rationem quæ respiciat virtutem innatam liberi arbitrij tantum, aliam verò, quæ respiciat gratiam tantum. Ita enim Philosophatur. Sequela probatur, tum quia hoc ipso, quod liberum arbitrium habeat de suo aliquam virtutem proximam actiuam, quæ non tribuatur ei ab illa voluntate gratuita quamuis nequeat operari nisi associatum ipsi, oportet vt illa partialis efficientia liberi arbitrij, vt præcisè correspondet suæ virtuti proximæ, & innatæ, secundum id quod de suo habet quamuis associato gratiæ... præuideatur à Deo, aliquid quod non est formaliter ab illa voluntate gratuita. *Et iterum ita infert.* Ergo licet Deus actu influat per concursum concomitantem, præuidebitur ab eo liberum arbitrium creatum vt discernens se in illa parte concursus, quem de suo, associato tamen gratiæ, præstat, quod simul operatur eum Deo secum cooperante.

Num. 11

Vbi vides quomodo hic Auctor præter eam, quam admittimus principiorum partitionem, *concursum* quoque, atque *efficientiam* illorum partiatur: & eam partem, quæ respondet innatæ virtuti liberi arbitrij, iuxta sententiam hanc, idoneam putet gloriationi vnus aduersus alterum tanquam sese ab illo discernentis. Sed purganda est hæc illusio. Nos enim bonam operationem, neque secamus in transuersum, vt faciebant Semipelagiani, qui intra certum terminum existimabant hominem sine gratia per

Christum posse bene agere, atque vtiliter ad salutem. Neque findimus in longum, vt iste Auctor nobis attribuit, qui partem actionis aliam respondere putat innatæ virtuti liberi arbitrij: aliam Deo supra naturam operanti. Nihil, inquam, esse dicimus in actione vllâ, quæ positiuè conferat ad salutem, siue merendo, vllò modo, siue impetrando, siue aliâ quadam ratione disponendo, quod à Deo supernaturaliter operante non dependeat ab initio ad finem: itaque obediunt Augustino dicenti lib. 2. contra duas Ep. Pelag. cap. vltimo. *Sic cogitetur Dei gratia, vt ab initio bonæ mutationis vsque in finem consummationis, qui gloriatur in Domino gloriatur: sed nihil quoque, quod non dependeat à voluntate, vt à principio vitali ac libero. Rationem liberæ ac vitalis, quæ in ea est, supernaturalem Deus facit, hoc est à se supra naturam operante dependentem. Rationem quoque supernaturalis, voluntatis innata virtus vitalem facit, & liberam; hoc est ab ipsius indifferentiâ, & dominio procedentem. Atque ita actio tota pendet à Deo, tota pendet à libero arbitrio; Adiuuari enim non potest, nisi qui aliquid sponte conatur, vt* ^{Suprà num. 19.} dicit Augustinus. Quare, si liceret libero arbitrio de eo gloriari, quod ab ipso est, gloriaretur de tota actione: de nullo verò licet ei gloriari, quia nihil in eâ est ab ipso: nisi vt excitato, vt adiuto, vt eleuato à Deo supra rerum omnium exigentiam operante. Diuersa videlicet, discretæque supponimus principia operationis indiscrætæ; cuius id omne, quod vnum respicit principium, aliud quoque respicit: nec nisi connotato differt.

XXI. Denique videtur Aduersarius statum conditionatum non satis distinguere ab absoluto; quando ex eo quod Deus videt ex hypothesi, pares esse antecedenter illos duos, quorum alter diuinæ gratiæ consentit, alter non consentit, nec vnum plus suæ misericordiæ debere, quàm alium sub illo statu; colligit, etiam postquam decreuit absolute hypothesim illam ponere, atque ita facere, vt quod scitur conditionare futurum, fiat futurum absolute, remanere similiter pares antecedenter, atque æqualiter debitores sub hoc statu. Quod & si concede-


In transitu gratiæ congruæ à statum conditionato in absolutum interuenit specialis ratio beneficij.

remus, saluaretur tamen veritas Paulinæ sententiæ iuxta primam illam interpretationem, quæ tradita est. Neque enim requirit Apostolus præcisè vi verborum illorum quæ obijciuntur, vt vnus se magis debitorem esse fateatur, quàm alius. Non dico non esse vnum magis debitorem quàm alium, sed dico illud non colligi necessariò ex hoc Apostoli testimonio: ad cuius veritatem sufficit, si is qui consentit fateatur se nihil habere, quod non debeat. Quod debitum videri potest etiam esse in alio æquale, quamuis non sit in eo consensus, quia ipsius vitio tantum non est: & qui suo vitio beneficium corrumpit, tantum videtur debere benefactori, quantum debet is qui seruat. Non ergo id exigit Pauli sententia, vt se magis debitorem intelligat is qui consentit, sed simpliciter vt se debitorem intelligat omnis rei, de quâ gloriatur.

XXII. Sed quamuis hoc ita diceretur; nihilominus tamen falsum est, in illo transitu à statu conditionato in absolutum, siue in decreto quo decernitur positio conditionis, suppositâ illâ, quam dixi præscientiâ, non posse concipi specialem rationem beneficij, respectu illius, qui absolutè consentit, vti antea dictum est. Atque hoc est maximè verum, si decretum quo ponitur conditio, sit ex prædefinitione absolutâ, vel consensus ipsius, vel etiam vltimi finis, seu gloriæ ad quam ex suppositione prædestinatur is qui consentit. Atque ita non vno modo, sed tribus saluari potest veritas verborum Apostoli, absque prædefinitionibus conditionatis, contra quàm timeret Aduersarius. Quorum primus recentioribus quibusdam placuit eruditis hominibus, ac pijs: secundus & tertius: mihi magis probantur. Penes Lectorem optio sit.

CAPVT III.

Augustinus an Scientia media contrarius.

XXIII.  N hisce controuersijs Auctoritatis Augustini pondus esse magnum facile inter omnes conuenit; illius tantum sensus inquiritur: quem inuentu difficilem contendit Doctor Collegij Salmanticensis, propter multitudinem testimoniorum, quæ pro utrâque parte adducuntur. Augustinum enim vtrinque sonare, & resonare, vtrinque Augustinum occurrere, cumque Augustinus Augustino obuiam sit, nequire illius faciem nisi attentè inspectam dignosci. Duabus igitur rationibus conatur ipse Augustini mentem inuenire. *Primo faciem, & verba illius inspiciendo in se ipsis, & attentè contemplando 2. ex effectibus, aut quasi effectibus.* Intueamur ergo nos quoque Augustini faciem: & videamus an in fronte inscriptam gerat *prædefinitionem conditionatam*, eorum etiam, quæ nusquam existunt in vllâ temporis differentiâ: in eo enim tota voluitur difficultas, vt visum est.

Disput.
10. dubi.
n. 38.

Sed est supponendum, Semipelagianos admisisse scientiam mediam. Hoc est, cum conditionatam admitterent, non admisisse pariter prædefinitiones: quam sententiam hic Doctor concedit non fuisse *hæreticam*, quamuis esset *hæreticorum*. Neque abludit F. Ioan. à Sancto Thoma vt postea constabit: neque aliud dicere potuerunt, cum S. August. *Catholicum* vocet Doctorem illum, qui eandem scientiam adstruebat, vt antea vidimus. Vnde inferas accusatum Molinam raptumque ad tribunalia, quod rem nouam doceret: nempe illam, quæ ætate Augustini docebatur à Catholicis, quamque licet hæretici docerent, non tamen *hæreticè*; quemadmodum nec *hæreticè* profitentur esse Patrem, Filium & Spiritum sanctum: & quod inde consequens est, tanto ambitu postulatum à

Hæreticè
tamen
scientiam
metiam
tuerentur
non tamen
hæreticè.
Loco cita-
to n. 38.

Aug. de
bono per-
secu. cap 10.

Sanctâ Sede, vt quæstionem hæcenus indecisam, cuiusque iam inde à tempore Augustini libera fuerat inter Catholicos in vtramque partem definitio; hac ætate, quâ nihil admodum erat, quod à Pelagianis hæreticis time-
retur; multum vero ab Anti-pelagianis; ita decideret, vt isti causam obtinuisse videri possent.

§. I.

Primum Augustini Testimonium.

Cap. 14. XXIV. **A**D Augustinum iam veniamus. Duo nobis loca obijciuntur, quorum alterum *illustrum* vocat Aduersarius, alterum *egregium*. Illustris ille est quem
 » habet in libro de prædestinatione sanctorum: Hæc est
 » tota causa, cur dictum est à quocunque dictum sit, raptus
 » est ne malitia mutaret intellectum eius. Dictum est enim
 » secundum pericula huius vitæ, non secundum præsci-
 » tiam Dei, qui hoc præsciuit, quod futurum erat, non
 » quod futurum non erat; id est quod ei mortem immatu-
 » ram fuerat largiturus, vt tentationum subtraheretur in-
 » certo, non quod peccaturus esset, qui mansurus in ten-
 » tatione non esset. In hoc *illustri* loco tanquam in *facie*
 Augustini diligenter inspectâ legendum est hoc decretum
 Dei de illo, cuius vitam malam præmaturâ morte præ-
 uertit, *Volo ut si diutius viuat; vitam viuat, quæ nisi mala*
esse non potest; sed ne vitam illam viuat; nolo ut diutius viuat.
 Consentimus enim ambo, vt dicamus scire Deum vitam
 illam malam, si viueret ille qui rapitur, futuram: dissen-
 timus autem, quia sine decreto, quod dixi, Deum id sci-
 re ille negat; ego affirmo: totaque controuersia nostra
 est, an sit necessarium illud decretum ad huiusmodi
 scientiam, nec-ne. Ille necessarium esse confici putat
 loco illo *illustri*, cuius ego radios inficior, & quantacun-
 que diligentia inspiciam Augustini *faciem* eâ in luce splen-
 dentem, facere non possum, quin negem vllum esse in
 eâ lineamentum, quo decretum huiusmodi repræsentetur,
 excipio semper interpretis penicillum & colores.

Solet enim sapissimè supplere glossa, quod non habet textus, vt hîc accidit: vbi Aduersarius supponit Pelagianos hæreticos censuisse dari scientiam hanc, vt eâ ratione in hominum meritis inuenirent aliquam causam diuinæ gratiæ: dari autem *in illo signo rationis*, quod antecedit decretum efficax diuinæ voluntatis: Augustinum ergo citato loco, cum ait Scripturam intelligendam esse non secundum præscientiam, sed secundum pericula huius vitæ, & *Deum hoc præsciuisse quod erat futurum*; nempe rapiendum illum de quo scriptura loquitur: *non quod non erat futurum*, nempe illum si viuere sineretur peruerendum; scientiam absolutam futuri concedere, quæ haberetur post decretum efficax & absolutum diuinæ voluntatis; scientiam verò conditionatam negare *pro illo signo rationis*, pro quo illam admittebant hæretici, nempe ante decretum efficax, & conditionatum. Et hæc quidem glossa perspicua est: neque dubiam esse finit glossatoris mentem: sed ego insuper quæro mentem auctoris, & pergo asserere, nullum esse in Augustino, vel illius *signi rationis*, vel illius decreti conditionati vestigium.

XXV. Et primò quod dicit Aduersarius hæreticos fuisse Pelagianos, qui scientiâ meritorum conditionatè futurorum abutebantur ad eludendam gratiæ necessitatem; fallitur. Pelagianos enim Augustinus disertè negat ita sensisse; quin etiam eo nomine Massilienses, de quibus ad illum scripserant Prosper & Hilarius, hoc est Semipelagianos accusat, quòd cum ipsi de cætero Pelagianorum doctrinam improbarent; in hac tamen futurorum ex hypothesis meritorum cogitatione, & efficacia turpiùs errarent. Verba illius sūt hoc ipso in libro: Hoc si audirēt Pelagiani, „ *Cap. 13*
(*Deum scilicet habere rationem futurorum si parvuli viverent, meritorum*) non iam laborarent negando originale peccatum... dicerent enim prorsus nullum esse originale peccatum; sed pro suis futuris, si viverent, meritis, vel baptizari, vel non baptizari eos, qui de corpore soluuntur infantes: & pro suis futuris meritis eos vel accipere, vel non accipere Corpus Christi.... Ita facilè agerent, atque obtinerent causam suam, quâ negant originale pecca-

Pelagiani non sunt
abusi scientiâ mediâ
sed Semi-pelagiani.

» tuum; & gratiam Dei non dari, nisi secundum merita no-
 » stra contendunt, sed quia hominum futura, quæ non sunt
 » futura, procul dubio nulla sunt merita: & hoc videre fa-
 » cillimum est; ideo nec Pelagiani dicere potuerunt, &
 » multò magis nec isti dicere debuerunt. Dici enim non
 » potest quàm moleste feram, QVOD VIDERVNT PELA-
 » GIANI ESSE FALSISSIMUM, ET ABSVRDISSIMUM, hoc
 » non vidisse istos, qui nobiscum errorem illorum hæreti-
 » corum Catholicà auctoritate condemnant. Eodem per-
 » tinet, quod paulo ante sicut ad rem nouam Augustinus
 » miratur, quòd intelligat esse homines, qui de futuris ex
 » hypothesi meritis ita Philosophentur; cùm tamen mini-
 » mè illi noua essent, aut inexplorata Pelagianorum pla-
 » cita: Iudicari autem quemquam, *inquit*, non secundum
 » merita, quæ habuit quandiu fuit in corpore; sed secun-
 » dùm merita, quæ fuerat habiturus, si diutius fuisset in
 » corpore; vnde opinari potuerint homines, quorum inge-
 » nia non esse contemptibilia, vestræ indicant litteræ (Pro-
 » per, & Hilari) mirans, & stupens reperire non possum:
 » nec credere auderem; nisi vobis non credere, non aude-
 » rem. Et illud, quod subdit, Massilenses hoc dogmate de-
 » struere, id de quo Pelagiani non dubitabant, nimirum
 » auctoritatem libri sapientiæ: & astruere, quod non dico
 » crediturum, sed somniaturum neminem putaremus: se-
 » cundùm ea scilicet iudicari quemquam mortuorum, quæ
 » gesturus fuerat, si tempore prolixiore vixisset. Hinc
 » etiam illud, quòd cùm Augustinus Pelagianos premeret
 » exemplo Iacob & Esau, qui dicuntur distincti ab Apo-
 » stolo, cùm nondum nati essent nec quidquam boni aut
 » mali egissent; tuerentur autem illi sese præscientiâ meri-
 » torum absolute futurorum; obijcit Augustinus eorum
 » exemplum, in quibus esse non possunt, nisi merita con-
 » ditionate futura, geminorum videlicet, quorum alter
 » cum baptismo, alter sine baptismo in infantia moritur;
 » pro comperto videlicet habens, non credere Pelagianos
 » ullam haberi rationem istorum meritorum. En vt loqui-
 » tur. Sed vt vobis auferretur omnis vestræ caliginis late-
 » bra, propterea geminos tales proposui, qui neque paren-
 » tum

c. 14. sub
 finem.

Contra
 duas
 Ep. Pelag.
 lib. 2. c. 7.

tum meritis iuarentur, & ambo infantia primordio, vnus baptizatus, alter sine baptismo moreretur: ne diceretis „ Deum, sicut de Iacob, & Esau contra Apostolum dicitis, opera eorum futura præscisse....quod si absurdissimum, infussissimum, dementissimum est, quolibet homines ex his peccatis quorum nec reatum ex parentibus trahere sicut dicitis, nec ea non solum committere, sed ne saltem cogitare potuerunt, esse damnandos: redit ad vos frater ille geminus baptizati, non baptizatus, & tacitus querit à vobis vnde fuerit à fraterna felicitate discretus? Huic prorsus infanti linguam vestram, vocemque submittitis, huic non loquenti, quid loquamini non habetis. Nulla quippe merita ETIAM SECUNDVM IPSOS PELAGIANOS, possunt in paruulis inueniri; cur alij eorum mittantur in regnum, alij alienentur à regno. Ex his manifestò constat hunc errorem de meritorum conditione futurorum efficacia, esse omnino alienum à sententia Pelagianorum; vnde ex hoc capite non bene inspexit Augustini faciem Aduersarius.

XXVI. Secundò neque ex hoc alio. Quod scilicet locum illum ex cap. 14. de prædestinatione sanctorum elegerit, vt ostenderet Augustinum repudiassè scientiam conditionatam, quam Semipelagiani admittebant, vel Semipelagianos admisissè, quam Augustinus repudiabat. Quod sit euident illam scientiam, quam Augustinus repudiare videtur hoc loco, ipsos quoque Semipelagianos in tantum repudiassè, vt quòd ea niti videretur auctoritate libri Sapientia, ipsum quoque librum negarint esse canonicum. Nimirum agitur hoc loco de præscientia futurorum, si viueret ille, qui rapi dicitur Sapientia 4. peccatorum, quam Augustinus obiecerat perinde valere posse ad damnandum illum, aut non præripiendum; ac valere poterat similis præscientia bonorum operum ad alium saluandum. Et quia non habuerunt illi quid responderent, negarunt absolutè præsciri vlla mala merita illius, qui dum bene viuit, immatura morte præripitur; & librum Sapientia, qui contrarium dicit, non facere fidem, quòd non sit canonicus. Audiamus Augustinum.

Rr

De bono perf.
c. 18.
Scientia conditionata quæ hoc loco negati creditur ab Augustino, non asseritur à Semipelagianis.

„ Scripsit librum de mortalitate Cyprianus, multis, ac penè
 „ omnibus, qui Ecclesiasticas litteras amant, laudabiliter,
 „ notum, in quo non solùm dicit non esse fidelibus inutilem
 „ mortem, verùm etiam vtilem reperiri; quoniam peccan-
 „ di periculis hominem subtrahit, & in non peccandi secu-
 „ ritatem constituit. Sed quid prodest, si etiam futura, quæ
 „ commissa non sunt peccata puniuntur? En vt obijcit
 „ præscientiam futurorum conditionatè peccatorum, vt
 „ ostendat minimè nocere, ac proinde nec prodesse præ-
 „ scientiam futurorum pariter meritorum. Pergit autem,
 „ & hoc ipsum confirmat cum Cypriano ex libro sapientiæ.
 „ Ait tamen ille copiosissimè, atque optimè peccandi peri-
 „ cula non deesse in ista vita, nec superesse post istam: vbi
 „ & illud testimonium ponit de libro Sapientiæ; Raptus
 „ est, &c. quod à me quoque positum Fratres istos ita res-
 „ puisse dixistis, tanquam non de libro canonico adhibitum.
 „ Ex quo patet, vt præscientiam illam repudiarent Massi-
 „ lienſes, librum Sapientiæ repudiasse, id quod semel &
 „ iterum reperit hoc ipſo loco. Vt sit perspicuum, vt osten-
 „ deret Aduersarius Augustinum negasse præscientiam,
 „ quam Semipelagiani astruebant; locum proposuisse, in
 „ quo non agitur de aliâ præscientiâ, quàm de illa, quam
 „ Semipelagiani magis negabant, quàm Augustinus ipſe:
 „ siquidem Augustinus aliquo tantùm sensu negat præsciri
 „ peccata futura illius qui moritur innocens: Semipelagiani
 „ verò absolutè illam negabant, & ipsam etiam scripturam,
 „ quasi quæ nullo sensu posset esse vera. Vnde colligas,
 „ quàm benè quadrent Aduersarij verba cùm dicit Augu-
 „ stinum concludere hoc loco, non sciri à Deo conditio-
 „ natum, illud, nimirum quòd ille qui in maturâ morte
 „ præuentus fuerat, peccaret grauiter si diutius viueret:
 „ ex eo quòd in illo signo in quo de illo loquebantur hære-
 „ tici, quodque assignatur pro scientiâ mediâ, nempe ante
 „ decretum efficax diuinæ voluntatis, non habet esse futu-
 „ rum. Atqui hæretici conditionatum illud, magis nega-
 „ bant quàm Augustinus ipſe, & pro illo signo, & pro quo-
 „ cunque alio: est igitur aliunde colligenda oppositio
 „ hæc, Augustinum inter & hæreticos.

Disp 10
num 34.

XXVII. Tertio igitur alia congerit testimonia vt istius interpretationem confirmet.

Cap. 7.

Primum desumitur ex citato loco lib. 2. contra duas Ep. Pelegianorum, vbi Augustinus hæc interserit. *Quomodo enim præsciuit ea futura, quæ illis in infantia morituris, quia præscientia eius falli non potest, præsciuit potius non futura.* Vbi notat Aduersarius Augustinum primum impugnasse sententiam hæreticorum de scientia media futurorum ex hypothefi meritum, monstrando nullam esse posse illius vim, & efficaciam ad excitandum Deum vt suam illis meritis gratiam superaddat: iam verò verbis proximè allatis euertere illam aliâ ratione, nimirum quòd nulla sit talis scientia: quippe cum pro illo signo rationis, de quo loquuntur hæretici, quodque præcedit decretum Dei efficax nulla futura sint merita, proindeque nec sint præscita. Quæ glossa id obtinet, vt credamus id sentire interpretem, cuius signum in textu nullum est. Sed nimirum est quòd supponit Augustinum hîc impugnare hæreticos, qui nondum erant. Nonne perspicuum est, vel ex ipsa libri fronte Pelagianos esse hæreticos cum quibus ibi disputat Augustinus? Nonne iam quoque apertè monstratum, Semipelagianos in hoc præscitorum conditionatè meritum vsu atque vi, Pelagianorum excessisse doctrinam? Nonne hoc ipso in loco Augustinus id significat, cum negat Pelagianos habere quid respondeant infanti non baptizato quærenti, *cur sit à fraterna felicitate discretus?* quòd scilicet merita conditionatè futura, eorumque virtus & efficacia, illis essent incognita? Et hoc loco, inquit Commentator, impugnat Augustinus hæreticos recurrentes ad merita conditionatè futura, *In signo rationis, quod antecedit Dei decretum*, vbi Augustinus absolute negat illos ad huiusmodi merita recurrere.

XXVIII. Eadem hallucinatio contigit in secundo testimonio, ex lib. 1. de animâ & eius origine cap. 12. cum dicit: *Quid quòd ipsa exinanitur præscientia, si quod præscitur, non erit?* quo modo enim rectè dicitur præsciri futurum, quòd non erit futurum? Hîc, inquit glossa, scientiam

R r ij

mediam ex primo capite impugnata, impugnat Au-
 gustinus ex hoc secundo; Quia nimirum prædicta scien-
 tia, ut afferebatur à SEMIPELAGIANIS ET PELAGIANIS,
 nempe ut antecedens decretum diuinæ voluntatis, atque
 adeo in ratione scientiæ mediæ, quæ in hoc consistit;
 non est admittenda: & ex defectu obiecti scibilis in illo
 priori, quia nimirum nullam tunc penitus habet futuri-
 tionem, colligit Augustinus exinaniri omnino præscien-
 tiam. Vide quam confidenter, & signa rationis ubique
 imprimatur Augustino, tum ijs contra quos Augusti-
 nus disputat, & decreta legat, ubi nulla eorum mentio
 fit: pergitque affirmare Augustinum hoc loco impugna-
 re *Semipelagianos*, qui nondum exorti erant, & *Pelagianos*,
 qui nihil afferebant eorum quæ hîc impugnantur, ut
 dictum est. Nec aduertit his libris de anima impugnari
 Vincentium Victorem recentem à Donatistarum hære-
 si Catholicum: ut constat ex primis libri capitibus, qui
 cum temere implicuisset se ijs quæstionibus, quarum
 incomptos habebat exitus, ut Catholicorum, & Pe-
 lagianorum sententiam de peccato Originali tempera-
 ret; Augustinus respondendum ratus, dum hominem vr-
 get, omnesque vias, quibus euadere possit, & explicat, &
 præcludit; indicat etiam hanc de meritis conditionatè fu-
 turis. In eo autem versatur illa quæstio, quare Deus inno-
 centem animam & nihildum mali commeritam inferat
 corpori contracturam originale peccatum, cum quo sepa-
 randa est à corpore ante baptismum, atque damnanda? Cu-
 ius rei cum tres causas attulisset, atque reieciisset: quartam
 hanc de meritis conditionatis similiter rejicit in hunc mo-
 dum. Nec illud quartum, eas animas paruulorum sine ba-
 ptismate moriturorum à iusto Deo in carnem peccatricem
 relegari, atque damnari, quas præsciuit, si ad ætatem per-
 uenissent in qua libero uterentur arbitrio, malè fuisse vi-
 sum. Hoc namque nec iste ausus est dicere in tantis au-
 gustijs constitutus: imò etiam contra istam vanitatem,
 iam satis manifestè, ac breuiter est loquutus, ubi ait, &c.
 Hic, inquit glossa, disputat Augustinus contra illam
 scientiam, quæ afferebatur à *Pelagianis*, & *Semipelagianis*.

& tamen neque contra illos disputat, nec ille contra quem disputat huiusmodi scientiam assererat, quin potius illam reijciebat: & est quæstio de illo priori, quod antecedit decretum supple conditionatum, cum ea de re non magis fiat mentio, quàm de legibus duodecim Tabularum.

XXIX. Idem esse debet Iudicium de Tertio testimonio ex lib. 26. contra Faustum, qui cum esset Manichæus non Pelagianus, aut Semipelagianus, quomodo potest ex ijs quæ cum illo disputantur antequam Semipelagiani nascerentur, intelligi quænam fuerit Augustinum inter & illos contentio? præsertim cum eo loci, nulla sit mentio eorum futurorum, quæ pendent ab arbitrio creato; sed quæ à sola Dei voluntate, cuiusmodi est translatio Helix, atque alia, quæ præter, aut contra naturam à Deo fiunt, de quibus ibi sermo est, vt constat ex cap. 3.

XXX. Nam in quarto testimonio ex lib. de Bonoperseuerantiæ cap. 17. apertum est non agi de conditionatè futuris, sed de futuris absolutè: proindeque nec de scientia, seu de prædefinitione conditionata, sed absoluta. Agitur, inquam, ibi de initio fidei, & perseuerantia vsque in finem: quæ bona cum Semipelagiani negarent esse Dei dona, negabant etiam esse prædestinata, & contendebant ex eorum absoluta præscientia Deum moueri vt & gratiam concederet ad perficienda opera, quæ necessaria sunt ad salutem: & tandem ipsam gloriam; ita vt initio fidei præscito, non prædestinato, tribueretur gratia ad consequentia opera: perseuerantiæ verò vsque in finem præscitæ, non prædestinatæ, tribueretur gloria. Augustinus verò, postquam probauit hæc quoque dona Dei esse, consequenter ita concludit, Hæc vtique dona Dei, quæ dantur electis secundum Dei propositum vocatis; in quibus donis est & incipere credere, & in fide vsque ad vitæ huius terminum perseuerare, sicut tantâ rationum, atque auctoritatum contestatione probauimus; hæc inquam Dei dona, si nulla est prædestinatio, quam defendimus non præsciuntur à Deo; præsciuntur autem. Hæc est igitur prædestinatio, quam defendimus: quibus verbis nihil

aliud contendit Augustinus, quàm esse admittendum gratuitum Dei decretum atque absolutum vel de danda gratiâ, quam esse necessariam ad illa bona probatum est; vel de bonis ipsis certò, atque infallibiliter procurandis; quorum primum Catholici qui negant prædestinationem ante præuisa merita, & prædefinitiones bonorum actuum libenter admittunt: posterius etiam illi, quibus & prædestinatio *ante præuisa*, & prædefinitiones liberorum actuum & supernaturalium, magis placuerunt: quod mihi quoque probabilius, & magis Augustinianum videtur. Hoc autem quid facit ad prædefinitiones conditionatas? Esse enim necessariam consequentiam, & ex eo quòd nihil potest esse absolutè futurum sine præsentì decreto Dei, fieri pariter vt sine eo nihil possit esse futurum conditionatè; interea dum Aduersarij ad probandum se accingunt, nos negabimus.

Positiuè
monstratur
aliam esse
Augustini
mentem
quinque
sequentibus
argumentis.

Disp. 1. c.
3. §. 3.

XXXI. Atque hæc sufficere possent ad ostendendum conditionatas prædefinitiones futurorum ex hypothesi, ne in loco quidem *illustrari* esse visibiles: sed iuvat id ipsum probare positiuè sequentibus argumentis. Primum est, Quia tota hæc aduersarij molitio eo tendit, vt obtineat apud Augustinum tam latè patere prædefinitionem quàm præscientiam futurorum: id quòd esse admodum falsum non vanis interpretationibus, & coniecturis, sed apertâ ipsius Augustini significatione antea monstratum est, omniaque reiecta quibus illius testimonium eludi posset.

XXXII. Secundum est. Quia si prædefinitio conditionata nihil facit, neque ad scopum Semipelagianorum, neque ad scopum Augustini; nihil causæ est, cur eam in loco proposito, vbi non exprimitur, subintelligamus: atqui nihil facit, hoc est, neque nocet vni parti, neque prodest alteri, quod probo. In tantum nocere potest Semipelagianis ea prædefinitio, & in tantum Augustino prodesse, in quantum ex illa sequitur non dari gratiam ex meritis naturæ viribus comparatis, in eo enim versatur tota contentio, quod cum Semipelagiani non negarent necessariam esse Dei gratiam, non tamen ad omnes actus, qui positiuè conducunt ad salutem, esse enim in nobis

tales quosdam actus; qui non essent dona Dei, vt paulò antè dictum est: & esse in illis vim aliquam merendi, atque impetrandi consequentem gratiam. Cùmque obijcerentur paruuli ante omne meritum rapti, alter cum baptismo, alter sine baptismo: respondebant, quamuis non essent in illis naturalia illa merita præterita, esse tamen futura, ex quorum inæqualitate, nasceretur inæqualis illa sors. Hoc autem est, quod Augustinus impugnat, conuenitque inter nos & Aduersarios, hunc esse illius quæstionis statum.

Ego verò iam dico nihil facere Augustinum, quamuis assumat merita illa naturalia ex hypothesi futura non esse ita futura nisi post decretum Dei: quia nihil facit nisi probet non esse aliter futura, quàm ex gratiâ Dei per Christum, & ita vt naturalia non sint. Atqui hoc non probat etiamsi obtineat non esse futura nisi post decretum efficax: Ergo etiamsi obtineat hoc decretum, neque sibi prodest, neque nocet Semipelagianis. Probo assumptum hoc vltimum ex sententiâ potissimum aduersariorum: ex quâ constat materiale peccati prædefiniri absolute à Deo, & tamen non esse ex gratiâ per Christum. Actus etiam indifferens in indiuiduo, qui dari potest in sententiâ Thomistarum saltem per principia extrinseca, & conformando se opinioni probabili, etiamsi ea non sit D. Thomæ si detur, prædefiniatur; & tamen non erit ex gratiâ Dei. Actus virtutum moralium, qui philosophicam tantum honestatem habent, dari possunt saltem aliqui per principia naturalia, & sine gratiâ per Christum, consentientibus plerisque Thomistis; neque tamen dari possunt sine prædefinitione, cuius esse dicitur in eâ sententiâ vniuersalis quædam necessitas ad omnia omnino, quæ vspiam fiunt. Cùm ergo ex eo quòd multa sint absolute prædefinita, nininò sequatur non esse illa ex solis naturæ viribus, & seclusa gratiâ per Christum, quantumuis ea bona sint: Quæ necessitas est, vt si quid dicatur esse prædefinitum conditionatè, esto sit bonum, sequatur statim esse futurum ex gratiâ, & non ex viribus liberi arbitrij? Quòd si hoc non sequitur; quid prodest Augustino, quòd me-

merita illa conditionatè futura, quæ Semipelagiani volunt esse naturalia, hoc est ex viribus naturæ comparata, dicantur non esse futura nisi post prædefinitionem? Et Semipelagianis, quid hoc nocet? Quis non videt posse illos mutuum ab Aduersario, & commilitonibus Thomistis clypeum accipere ad eludendos Augustini conatus omnes, ac dicere. Ita est, non sunt futura merita illa nisi post decretum efficax, postquam nihil omnino boni, maliue aliter futurum est: At inde non sequitur non esse naturalium virium merita, vt est etiam materiale peccati, & actus indifferens: & ideo si quam illa gratiam obtinent, censenda est naturæ viribus obtenta. Quid hîc dicere possunt, qui sufficere putant constringendis Semipelagianis si quæ sunt futura conditionatè, post prædefinitiones tantum futura sint? Atque hinc patet, quàm sit frustra, quod habet Doctor Salmanticensis, concesso decreto conditionato, *enunciari errorem Pelagij*.

Tr. 1. disp.
10. dub. 2.
n. 40.

XXXIII. Tertium Argumentum est. Si sanctus Augustinus, dum negat præsciri à Deo conditionatè futura, designaret tantum illud signum rationis, quod antecedit decretum efficax conditionatum, debebat eodem modo negari præsciri non futura: atqui hoc non facit. Ergo &c. Probatum maior, quia tam requiritur decretum efficax ad hoc vt aliquid fiat non futurum, quàm requiritur ad hoc vt fiat futurum: & Aduersariorum sententiâ suppositâ in eo signo rationis, quo intelligimus Deum neque velle vt aliquid sit, neque nolle; nulla est potior ratio cur dicamus id esse non futurum, quàm esse futurum, nisi præcisiuè ad eum modum, quo negamus animal abstractum ab inferioribus esse rationale, aut esse irrationale, quod scilicet præscindat ab utroque; præscindere autem ab utroque non est aliud, quàm neutrum in eo cognosci, proindeque neutrum de eo affirmari aut negari: quo modo si præscindat Augustinus signum illud rationis, debet similiter, vt negat præsciri futurum, quia in eo signo nondum futurum est; ita negare præsciri non futurum, quia in eo signo nondum est non futurum: Atqui Augustinus hoc non facit, sed præscientiæ futuri, quam negat,

negat, substituit præscientiam non futuri, quam affirmat, ut videre est in omnibus locis, quæ propofita sunt. Ergo non loquitur de signo illo rationis præciso à decretis. Quasi dicerem, qui tam abstrahit à ratione præsciendi aliquid non futurum, quam à ratione præsciendi aliquid futurum; tam abstrahit à præscientiâ negatiua futuri, quam à præscientiâ futuri assertiua: sed qui designat signum rationis ante omne decretum efficax, tam abstrahit à ratione præsciendi aliquid non futurum, quam à ratione præsciendi aliquid futurum: Ergo qui designat signum illud rationis tam abstrahit à præscientiâ negatiuâ futuri, quam à præscientiâ futuri assertiua. Maior patet ex penetratione terminorum. Neque enim concipi potest præscientia rei alicuius, quin concipiatur ratio præsciendi: & ideo qui ab vno abstrahit, necessariò abstrahit ab alio. Minor ipsissima est Aduersariorum doctrina, quæ cum ferat id omne quod est quoquo modo futurum, præfenti Dei volitione futurum re ipsa fieri, non futurum præfenti Dei nolitione: consequenter fatentur, priùs ratione, quam sit illa seu volitio Dei, seu nolitio; nec esse, nec sciri posse aliquid tanquam futurum, vel tanquam non futurum.

Lib. 1. cap. 7.

Iam verò quòd Augustinus contrarium supponat, & eadem ratione quâ tollit præscientiam futuri, ponat præscientiam non futuri; perspicuum est ex allatis ante testimonijs. ita enim loquitur contra duas Epistolas Pelagianorum. Quomodo præsciuit ea futura, quæ illis in instantiâ morituris, quia præscientia eius falli non potest, præsciuit potiùs non futura? Vbi vides præscientiam negatiuam futuri, cum dicit, *præfiri potiùs non futura*; proponi ab Augustino tanquam excludentem eam quæ futuri assertiua supponitur. Quod si hæc excluditur tantum pro eo signo rationis, quod præcedit omnia decreta; necesse est, ut pro eo signo rationis quod antecedit omnia decreta, sit præscientia quæ futuri negatiua est, quod implicat ex principijs Aduersariorum.

Idem dicendum de loco citato ex lib. 1. de animâ, & eius origine, vbi cum dicat Augustinus *exinaniri præscien-*

Sf

tiam, si quod præscitur non erit, intelligi non potest de signo rationis, quod antecedit decreta: vel concedendum in eo signo verum esse de aliquo; ac proinde à Deo sciri, quod dicit Augustinus, *non erit*: cum tamen in eo de nullo dici possit *quod erit*, neque, *quod non erit*.

cap. 4.

Idem & de alio ex lib. 26. contra Faustum cum dicitur
 „ Porro si audiam quod aliquid futurum erat; sed Deus fe-
 „ cit, ne fieret: fidissimè respondebo, illud potiùs futurum
 „ erat, quod Deus fecit: non illud, quod si futurum esset,
 hoc non fecisset. Quæ verba manifestum est non posse re-
 ferri ad instans rationis, quod præcedit omnia decreta libera, in quo neque Deus concipi potest aliquid facturus, ut Augustinus concipit: neque vnum potius facturus quàm aliud, ut idem asserit. Et ideo ruit etiam quod sequitur: Nam Deus quod facturus erat, utique sciebat, & ideo simul sciebat illud futurum non fuisse, quod ne fieret facturus erat: ubi constat scientiam vnā excludi per aliam, omninoque negari Deum scire aliquid futurum, quia scit potiùs non futurum: quod fieri non potest in signo rationis de quo disputamus, ut dictum est.

Denique in hoc ipso loco ex lib. de Prædestinatione sanctorum, quem expendimus, id ipsum videre licet. Nam hîc quoque Augustinus præscientiæ Semipelagianorum aliam opponit, per quàm illa excludatur, cum dicit. *Qui hoc præsciuit, quod futurum erat, non quod futurum non erat*. Sume autem *signum rationis* ante omne decretum efficax, an est tunc aliquid futurum? an potest Deus illud scire? quo ergo sensu vult Augustinus tunc scientiam eius quod futurum est, impedire scientiam eius, quod non est futurum? Ex his ergo satis constat, omnibus locis, quibus Aduersarius conatur adstruere *signa rationis* præuia decretis circa futura conditionata; illa potiùs expungi: nam in lib. de Bono perseuerantiæ cap. 17. iam dixi nullo modo agi de scientiâ futuri conditionati, sed de præscientiâ tantùm absoluti.

Disput. 10.
 dub. 2. n.
 34.

XXXIV. Atque hinc etiam refutata manet ea solutio, quam Aduersarius alicubi subindicat, futurum conditionatum in illo signo rationis, quod ipse fingit, esse *non fua*

tarum negative. Hoc enim aliud nihil esse potest, quam esse non futurum præscisciue; quod est omnino illud præscindere ab eo quod est re ipsâ vel non est futurum. Quicumque autem ita præscindit, necesse etiam est vt præscindat & ab ea scientiâ, quâ scitur futurum; & ab ea quâ scitur non futurum: & tam ab affirmatione quâ dicitur, *erit*, quam à negatione, quâ dicitur, *non erit*: quod vt vidimus non facit Augustinus, qui præscientiam futuri negatiuam ponit, hoc est, negationem, quâ dicitur, *non erit*.

XXXV. Quartum Argumentum. Si Augustinus dum negat Deum scire quod est conditionatè futurum, intellexeret tantum Deum id nescire in signo rationis, quod antecedit omne decretum; non deberet asserere pro ratione, quod oppositum sit futurum absolutè. Atqui hoc facit. Ergo, &c. Maior probatur, & explicatur. Nam quod futurum sit absolutè vt rapiatur in iuuentute is qui dicitur peccaturus si viueret; ac proinde, quod absolutè sciatur non peccaturus; neque causa, neque signum esse potest quod non fuerit peccaturus conditionatè, nec proinde quod non sciatur ita peccaturus: dicerentque Semipelagiani, & meritò, esto sciuerit Deus, postquam ipse hoc decreuit, quod absolutè futurum erat; illum scilicet eripiendum peccandi periculis, & ideo nec peccaturum: hinc tamen non sequitur non fuisse illum ante huiusmodi decretum, & quodcunque aliud actu existens, ex hypothesi peccaturum, atque hoc nesciuisse Deum: quod sit euidens absolutam futuritionem vnus oppositorum, nullo modo tollere futuritionem conditionatam alterius: absolutâ inquam, futuritio non pœnitentiæ, seu non conuersionis Tyriorum, nullâ ratione impedit futuritionem conditionatam pœnitentiæ, & conuersionis: & consequenter nec præscientia non pœnitentiæ absoluta, præscientiam pœnitentiæ conditionatam. Vnde quicumque ex vnus positione argumentatur ad destructionem alterius, non benè argumentatur.

Atqui Augustinus iuxta sententiam Aduersariorum ita argumentatur, quæ est minor superioris syllogismi. Expendantur enim illius verba. Dictum est enim secundum

Cap. 14. de
pœnitent. 55.

St ij

- „ pericula huius vitæ : non secundum præscientiam Dei,
 „ qui hoc præsciuit, quod futurum erat, non quod futu-
 „ rum non erat ; id est quod ei mortem immaturam fuerat
 „ largiturus, vt tentationum subtraheretur incerto ; non
 „ quod peccaturus esset, qui mansurus in tentatione non
 „ esset. An non satis perspicuum est rationem Augustini
 Sap. cap. 4. quâ negat illud *raptus est* &c, dictum *secundum præscien-*
tiam Dei, hanc esse, quia nimirum *Deus hoc præsciuit quod*
futurum erat, non quod futurum non erat ? Quid est autem
 illud quod futurum erat ? nempe *quod ei mortem immatu-*
ram fuerat largiturus, vt tentationum subtraheretur incerto ;
 quod fuit absolutè futurum ; non quod peccaturus esset, qui
 mansurus in tentatione non esset, quod fuit absolutè non futu-
 rum. Atque ita ex absoluta & futuritione & præscientiâ
 argumentatur contra & futuritionem, & præscientiam
 conditionatam Semipelagianorum : quæ si sumatur, vt
 Aduersarij volunt, pro illo tantum signo rationis, quod
 antecedit omne decretum actu existens, nullam prorsus
 habet oppositionem, cum oppositi præscientia absoluta,
 ideoque nec ex illius positione destrui potest.
- lib. 2. c. 7. Eodem modo argumentatur Augustinus contra duas
 „ Epistolas Pelagianorum, cum dicit : Quo modo præsci-
 „ uit ea futura, quæ illis in infantia morituris, quia præ-
 „ scientia eius falli non potest, præsciuit potius non futura ?
 Vbi vides illud, *præsciuit potius non futura*, accipiendum de
 præscientia absoluta, quæ sequatur etiam *ex illis in infan-*
tia morituris, quod absolutè futurum fuit. Illud autem,
quo modo præscit ea futura, vt Aduersario placet, negatiuum
 est scientiæ conditionatæ pro eo signo rationis, quod
 antecedit conditionatam prædefinitionem. Coniunge
 igitur illa duo, & dic *Quo modo præsciuit Deus futura par-*
vulorum merita, ex hypothesi quod non morerentur in infantia,
& antequam de illis quidquam statueret ; qui potius scivit abso-
lutè non futura, postquam decreuit præcidere illorum vitam, &
efficere, vt in infantia morerentur ? En tibi iuxta interpreta-
 tionem Aduersarij totum neruum Augustinianæ ratio-
 nationis : quæ, vt patet, inefficax est & insulsa.
 Idem & eodem modo patet ex verbis Augustini contra

Faustum. Vbi ex nonfuturitione absoluta argumentatur Lib. 26. c. 4.
 contra futuritionem conditionatam : quam si negare tantum velit pro signo rationis, quod præcedit prædefinitionem conditionatam, nihilo melius est illius argumentum, quam si vellet negare pro signo rationis, quod eandem prædefinitionem consequitur. Augustini verba, præter ea, quæ antea retulimus, hæc notanda sunt. *Quæ propter omnia, quæ verè futura sunt, sine dubio fient : si autem facta non fuerint, futura non erant,* quæ iuxta interpretationem Aduersarij hanc sententiam reddent. *Qua propter omnia, quæ verè futura sunt conditionatè, sine dubio fient absolute : si autem facta non fuerint absolute, futura non erant conditionate ;* Illud enim *sine dubio fient,* responderet huic. *Si autem facta non fuerint,* quod non nisi de absolutis intelligi potest. Et hoc ipsum affertur ad excludendam aliam futuritionem, quam aduersarius supponit esse conditionatam, pro signo rationis antecedente omne decretum. Atque ita ex absoluta non futuritione infert Augustinus non futuritionem conditionatam ; & ex futuritione conditionata, infert absolutam : quæ illatio nulla esse potest, ne in sententiâ quidem Aduersariorum. Est igitur alius sensus quærendus. Denique idem quoque cernere est in loco citato ex lib. 1. de Animâ, & eius origine. Cap. 12. ut notatur in sequenti Argumento.

XXXVI. Arque ex his colligi potest vltimum Argumentum. Quia si quæ dicit Augustinus contra scientiam conditionatam, perinde illam impugnant pro signo rationis, quod sequitur prædefinitionem etiam conditionatam, in quo illam aduersarius admittit ; atque pro signo rationis, quod antecedit, & in quo illam Semipelagiani admisisse putantur ; sequitur Aduersarium dum nobis Augustinum opponit, opponere illum etiam sibi : Atqui res ita habet. Ergo. Probo minorem. Nam quod dicit Augustinus est, futura illa, non esse *verè* futura, ita enim loquitur contra Faustum. *Qua propter omnia, quæ VERE* Lib. 26. c. 4.
futura sunt, sine dubio fient, ut ostendat futura, quæ impugnat, non esse *verè* futura, nec proinde posse dari talem eorum scientiam, quæ *verè* dicatur præscientia futuri.

Lib. de ani.
ma & eius
originae c.
12.

Cap. 12. &
13.

Contra
duas Epi.
Pelag. lib.
1. cap. 7.

Alio loco vocat futura, quæ non erunt; cum dicit. *Quid quod ipsa exinanitur præscientia, si quod præscitur, NON ERIT?* item vocat, futura quæ NON SVNT FVTVRA, & futura, quæ NVLLA sunt, cum dicit. *Quomodo enim recte dicitur præsciri futurum, quod non est futurum? quo modo ergo puniuntur peccata, quæ NVLLA sunt?* Quid autem sit, hæc futura esse nulla, vel non esse futura, statim interpretatur ipsemet cum subdit. *Id est quæ nec vita ista nondum incipiente commissæ sunt ante carnem: nec morte præueniente post carnem.* Vbi valde notandum est illud, *Id est*, quod significat non nostram esse, sed ipsius auctoris glossam, quâ dicimus, *esse non futura*, vel *esse nulla*, excludere tantum absolutam huiusmodi futurorum existentiam, qualis sola excludi potest per hoc, quod nec ante corpus vixerit anima; & post initum corpus, præoccupata morte fuerit antequam peccaret. Vbi vides hoc etiam loco absolutam non futurationem, opponi futurationi conditionatæ: quod pertinet ad proximum superius argumentum. Et eodem sensu accipiendum, quod dicit lib. de Prædestinatione SS. „Sed vnde hoc talibus viris in mentem venerit, nescio, vt „FVTVRA, QVÆ NON SVNT FVTVRA, puniantur, aut honorentur merita paruulorum: item illud. Sed quia hominum futura, quæ non sunt futura, procul dubio nulla sunt merita, & hoc videre facillimum est, ideo &c. nimirum non esse futura, non est aliud quàm esse nulla; & esse nulla, non est aliud quàm non esse commissæ, nec ante corpus, quod anima non præextiterit; nec cum corpore, quod ab eo separata sit ante tempus peccandi: & ideo peccatum hoc non futurum vocat Augustinus peccatum, quod non est dictum, factum & cogitatum, & hoc esse peccatum nullum, non futurum, seu non vere futurum, & peccatum, quod non erit.

Iam verò supponamus Aduersarij sententiam, & designemus signum rationis, quod sequitur prædefinitionem conditionatam, in quo signo concedit ille tum peccatum eius qui rapitur in infantia, tum quiduis aliud esse conditionatè futurum, & vt tale scientia etiam conditionatè præcognitum. Interrogo an non adhuc verum sit,

hoc peccatum esse *nullum* ? Augustinus enim ideo *nullum* vocat, quia morte præueniente impeditur : hîc autem supponitur etiam mors præuenire. Numquid eodem sensu, quo *nullum* dicitur, dicitur etiam *non futurum*, ab Augustino ? Numquid & peccatum, quod *non erit* ? Quod si ex mente Augustini, & *nullum* dicitur, & *non futurum*, & *quod non erit*, quis dubitare potest, quin ad illius quoque mentem dicatur non esse *verè futurum* ; cùm præsertim rectissimè negetur *verè futurum* id cuius futuritio suspensa est ex conditione nunquam ponendâ, & de quo non alio sensu affirmari potest, *erit*, quàm quo affirmatur, esset si &c. ? Et si res ita habet ; quis non videt hic etiam habere locum, quod dicit Augustinus, huius futuri præscientiam non rectè dici præscientiam futuri, cùm ait. *Quomodo enim rectè dicitur præsciri futurum, quod non est futurum* ? Videat igitur Aduersarius, quid consilij capiendum sit, vt suam suffragio Augustini à contrario scientiam conditionatam tueatur ; & quidquid dixerit ipse, vsui nobis futurum est, vt ostendamus nihilo magis contrarium esse Augustinum scientiæ conditionatæ *pro signo rationis* quod antecedit prædefinitionem etiam conditionatam, quàm pro signo quod sequitur. Quod cùm expendit ; iudicabit, quis diligentius *inspexerit faciem* Augustini, quam constat ex dictis magis auersam esse ab Aduersarij doctrina, quàm à nostra.

XXXVII. Sed tempus est vt germanam illius interpretationem afferamus, videamusque, quo sensu dictum ab eo sit, illud *Raptus est ne malitia*, &c. non esse dictum *secundum præscientiam, sed secundum periculum huius vitæ* : Item hæc futura conditionata non esse *vere futura*, & esse futura, quæ *non erant*, futura *non futura* ; futura quæ *nulla sunt*. Est autem in eo posita difficultas, vt hæc quæ ab Augustino pronunciantur, conciliantur cum ijs, quæ aliàs ipse apertè dicit, & esse futura hæc, & non nisi *infaustissime* negari posse à Deo sciri. Cuius apparentis contradictionis iam reiecta est illa conciliatio, quam Aduersarius confinxit, de duplici rationis signo, in quorum vno, quod est ante omnem prædefinitionem, intelligatur Au-

Augustinus
negat tan-
tum præ-
scientiam
absolutam
vel æqui-
valentem
absolutæ
eorum quæ
dicuntur
conditio-
natæ futu-
ra.

gustinus negare scientiam conditionatam; in alio quod est post prædefinitionem, illam asserere; quod hæc cogitatio nullum omnino in Augustini doctrinâ fundamentum habere videatur.

Cap. 12.
de præ-
d. st.
Sando.

Alia igitur tradenda est, quæ & iam est indicata, & offert se statim in ipsâ, ut placet Aduersario, Augustini *facie*. Nempe hoc supponendum est, Semipelagianos non distinxisse inter futuritionem conditionatam, & absolutam: & consequenter inter præscientiam conditionatam & absolutam. Colligitur hoc manifestè ex eo quod dicit Augustinus, confugisse illos ad merita paruulorum futura, cum deessent præterita. Verba illius sunt. Laboratur aliquando *contra Semipelagianos asserentes Dei gratiam adiungi præcedentibus meritis*, in ætate maiorum, iam vtentium voluntatis arbitrio, sed ubi venit ad paruulos, & ad ipsum Mediatorem Dei & hominum, hominem Christum Iesum; omnis deficit præcedentium gratiam Dei humanorum assertio meritorum. Quia nec illi vllis bonis præcedentibus meritis discernuntur à cæteris, ut pertineant ad liberatorem hominum: nec ille vllis humanis præcedentibus meritis, cum & ipse sit homo, liberator factus est hominum. Quis enim audiat, quod dicuntur paruuli, pro suis futuris meritis in ipsâ infantili ætate baptizati, exire de hac vitâ? ubi vides infantium merita futura eodem haberi loco à Semipelagianis, quo adultorum præterita: & parem, vtrisque vim attribui ad gratiam promerendam: cum tamen præterita, quæ absolutam important existentiam, ijs tantum futuris respondere possint, quæ ipsa quoque absolutè futura sunt. Id quod etiam Prosper significat, à quo Augustinus accepit esse qui hanc Philosophiam sequerentur: quam licet ipse antea refellisset, non tamen tanquam aliquid assertum à quopiam, sed tanquam id, quod quis fingere cogitando posset. Verba Prosperi sunt. Cumque inter hæc innumerabilem illis multitudo obijcitur paruulorum..... qui nullas adhuc habentes voluntates, nullas proprias actiones, iusto Dei iudicio secernuntur..... tales aiunt perdi, talesque saluari; quales futura illos in annis maioribus,

Ep. ad Aug.

ribus, si ad actiuam seruarentur ætatem, scientia diuina „ præuiderit. *Et mox.* Sed in tantum commentitijs meritis „ electionem Dei subiiciunt, vt quia præterita non extant; „ futura, quæ non sunt futura, confingant, nouoque apud „ illos absurditatis genere, & non agenda præscita sint, & „ præscita non acta sint. En vt pro eodem habent Semi- „ pelagiani, esse futura eorum merita, qui viuere non si- „ nuntur; & esse præterita eorum, qui adolefcunt: quasi „ verò nulla sit futurorum distinctio, eorum quæ absolutè „ futura sunt, quæ possunt æquiparari præteritis; & eo- „ rum, quæ sunt ex hypothesi suspensa, quæ hoc ipso ca- „ rent necessariâ cum præteritis proportionem: præsertim „ ad mouendam remuneratoris voluntatem. Et ideo vide- „ tur hoc nouum absurditatis genus Prospero, quoddam aliqua „ sint præscita & tamen non acta, & non agenda, quæ absur- „ ditas nulla sit, nisi ea præsupponatur præscientia, quæ „ non distinguat inter absolutè, & conditionatè futura. Si „ enim distingueret, quid esset absurdi, quod aliquid esset „ non actum, & tamen ex aliquâ hypothesi præscitum?

Neque obstat, quod dicit Aduersarius, *nulli posse in* Disp. 10.
dub. 2. n. 8. *mentem venire*, vt præscientiam eorum, quæ is, qui mori- „ tur, facturus erat si viueret; absolutam putet. Potest „ enim venire in mentem, vt non satis distinguat à condi- „ tionatâ: & quia hoc absurdum est, fit vt in mentem ve- „ nisse dicamus Semipelagianis, qui eo nomine visi sunt „ Prospero *in nouum absurditatis genus incidisse.* Quod Augu- De præl.
55. c. 12. „ stinus miratur, & stupet, nec credere auderet, inquit, nisi „ Prospero, & Hilario non credere, non auderet; quin & Pela- „ gianos eatenus sapientiores fuisse significat, quod vide- „ rint hoc falsissimum, & absurdissimum esse, quod Semipela- „ giani non viderunt: & antequam innouissent doctrinæ „ huius assertores, *absurdissimam, insulsissimam, dementissi-* „ *mam* illam vocarat Augustinus. Ex quo ita licet argumen- „ tari. Quod nulli posset in mentem venire in hac con- „ trouersia, hoc potissimum censet Augustinus in mentem „ venisse Massiliensibus, vt constat ex allatis locis: sed „ quod eadem sit ratio futurorum absolutè, & futurorum „ conditionatè, *nulli posset in mentem venire* in hac disputatio-

ne, vt testatur Aduersarius: Ergo Augustinus hoc maxime cenſet veniſſe in mentem Maſſilienſibus.

Ergo cum dicit, nec eſſe futura merita illa, nec eorum dari præſcientiam; hoc tantum intendit, illa non eam habere rationem futuri, quâ dici poſſint abſolutè, ac ſimpliciter futura: nec conſequenter eorum præſcientiam debere abſolutè, ac ſimpliciter dici futuri præſcientiam. Atque hoc ipſe ſatis ſignificat, dum vocat ea, *futura, quæ non ſunt futura*. Perſpicuum enim eſt, ita eſſe interpretandam propoſitionem illam; quomodo hæc alia Chriſti Domini, *mea Doctrina, non eſt mea*, & hæc etiam Apoſtoli, *uiuo ego, iam non ego*, ubi poſterior pars non deſtruit veritatem prioris, ſed modificat. Quin & modum illum exprimit Auguſtinus, cum negat futura illa eſſe *vere* futura, & eorum ſcientiam dici *reſte* præſcientiam, locis antea citatis. Nempe abſolutè futura, ſunt *vere*, hoc eſt propriè futura, de quibus propriè, ac verè dicitur *erunt*: futura verò conditionatè, *verè*, hoc eſt *proprie*, futura non ſunt, neque de illis enunciatur *vere*, ac *proprie*, tò *erunt*: quod nihil aliud ſignificat, dum de illis dicitur, quam *effent*, ſi poneretur conditio. Eſt autem euident, genus hoc futurationis ita ſuſpenſæ imperfectum eſſe & mancum, præ illo quo aliquid omnino atque abſolutè futurum dicitur. Vnde ſequitur neque cognitionem illam, quâ futura hæc impropria cognoscuntur, *reſte* dici futurorum præſcientiam, vt Auguſtinus ſignificat, & paulò ante dictum eſt.

Hæc autem diuerſitas, & imperfectio futuri conditionatè cauſa eſt cur illud ineptum ſit ad præſentes effectus: cum ſit manifeſtum tantum actualitatis in cauſa efficiente, qualis eſt meritoria, requiri pro aliquâ temporis differentia, quantum in effectû reperitur: nec concipi poſſit, id cuius exiſtentia ſuſpenſa eſt, abſolutam alicui rei exiſtentiam poſſe dare.

XXXVIII. Vnde intelligas reiſciendum omnino, quod Aduerſarius paſſim inculcat, Auguſtinum refutare ſententiam Maſſilienſium ex duplici capite. Primò quidem ex eo quod huiusmodi merita conditionatè tantum futu-

ra, sint inepta mouendæ remuneratoris voluntati: 1. ex eo quod non sint futura, nimirum vt ipse vult, in signo rationis, quod est ante prædefinitionem conditionatam. Hoc, inquam, rejiciendum est: quia nullum est in toto Augustino signum illius diuersitatis, seu distinctionis, & quia per se patet, vnâ esse atque indiuisam ratiocinationem vtroque illo capite constantem. Cùm enim dicitur opera futura, si viuerent illi qui morte præripiuntur, non posse illis mereri gratiam baptismi v. g. ratio statim quæritur: & nulla occurrit aptior, quàm quia futura illa, sunt futura, *quæ non sunt futura*: quia non sunt vere futura: quia vt est suspensa eorum futuritio, ita & vis omnis mendi, atque impetrandi: quia id de quo nihil aliud affirmari potest, quàm quod *esset*; non potest esse causa, vt affirmetur de aliquo ipsum *esse*: atque ita, id quod Aduersarius dicit esse apud Augustinum secundam rationem, eius quam primam numerat probatio tantum est.

Atque hanc interpretationem nostram approbat etiam P. Ioan. à Sancto Thomâ, cuius maximè intererat non inualidam videri Doctoris Salmanticensis argumentationem. Nam cùm probè intelligeret, si quid valeret illa quæ deduci potest ex loco citato cap. 14. de prædest. SS. ratiocinatio; valere potius ad excludendam omnino scientiam conditionatam, quàm ad illam excludendam pro aliquo signo rationis, de quo neque Augustinus, neque Massilienses vnquam cogitarunt: ita putauit respondendum, Augustinum eo loco negare præscientiam absolutam ex parte obiecti, non conditionatam: negare enim præscientiam, ratione cuius Deus vel puniat, vel præmiet. Dicebant enim, *inquit*, Semipelagiani, puniri aliquem, vel iudicari, aut illi dari beneficium, intuitu eorum, quæ quis facturus præuidebatur; negat autem, Augustinus ex meritis, quæ de facto futura non sunt, nec in rerum naturâ posita, aliquem iudicari: de his autem, quæ quis faceret si viueret; negat habere Deum præscientiam, id est ABSOLVTAM SCIENTIAM, QVALIS REQVIRITVR AD HABENDVM IVDICIVM PRÆMIANDI, VEL PVNIENDI. Et ad alium locum ex lib. 1. de Anima, &

Aduersarius in hoc illustri loco deferitur à suo commilitone.

Ad qu. 14. 1. pag. disp. 20. art. 1. pag. 43.

„ eius origine cap. 12. Tertio dicimus quod ibi ad litteram
 „ Augustinus loquitur DE FUTURIS ABSOLVTIS; quia age-
 „ bat ibi Augustinus, contra eandem responsionem Pela-
 „ gianorum, & multis probat, peccata non commissâ à
 „ Deo non puniri, & sic probat præscientiam exinaniri, si
 „ quod præscitur non erit, scilicet secundum vim, & ratio-
 „ nem præscientiæ absolutæ, qualis requiritur ad punien-
 „ dum, & iudicandum. Talis enim præscientia debet esse de
 „ rebus de facto futuris.

Vnde colligas diuersa esse Aduersariorum specula, nec eandem in omnibus Augustini *faciem* relucere: nosque vel ipsorum armis satis esse tutos, dum alter alterius impetum frangit; ac demum locum illum, quem vnus rebatur *illustrem*, alterius oculis, amicissimilicet, caliginosum esse visum.

§. II.

Secundum Augustini Testimonium.

XXXIX. **E**Xpedito *illustri* loco *Egregius* superest ex eodem libro de Prædestinatione Sanctorum cap. 9. vbi Augustinus respondet obiectioni Semi-pelagianorum argumentantium, vt dici solet, ad hominem. Nimirum cum Pagani quondam quærent, cur Christus dilato aduentu suo perire sinisset tantam hominum multitudinem, quanta fluxerat ab initio mundi; atque hoc in quendam bonitatis defectum, seu personarum acceptionem interpretarentur; vel certè in non necessitatem redemptionis, si putarentur saluati, quibus ille non innotuerat; Augustinus ita respondet, vt & per Christum saluati putentur, qui ante illum saluati sunt, quales non negat plerosque fuisse, etiam ex incircumcisis: & causam cur non ad omnes ea gratia, vt & Christi doctrina pertinuerit, sed ad vnos potius quàm alios, in homines reijciat, idque non tam ex sua, quàm ex ipsorum Paganorum sententiâ. Retorquet enim in illos obiectionem hanc, quod constet non eadem semper, & apud

omnes fuisse vel Iouis, vel Apollinis sacra, vel Pythagoræ Philosophiam : quæ omnia sibi ad sclicitatem prodesse, illi sentiebant. Vnde dicitur: Huic propositioni responderetur, vtrum profuerint hominibus Deorum suorum sacra, quæ constat certis temporibus instituta, & ideo quæro quid actum sit de ijs, qui antequam hæc instituta essent, obierunt. *Et*. Cur hanc quæstionem Christianæ religioni ingerunt, in qua nobis ipsi pro dijs suis aut respondere non possunt : aut si possunt, in eo ipso sibi etiam pro nostra religione respondeant ? *Et*, Desinant igitur obijcere nobis, quod omni sectæ, & omni nomini religionis obijci potest. Et mox de Pythagorâ, cum dixisset ne illo quidem tempore, quo is vixit, omnes illum audisse, aut sectari voluisse, subiicit, id quod illi conuenienter responderent, Si tantæ potestatis fuisset Pythagoras, vt vbi veller, & quando veller sua dogmata prædicaret, si haberet etiam cum eâ potestate summam rerum præscientiam, fore vt nusquam, & nunquam appareret, nisi vbi, & quando sibi homines credituros esse prænosceret. *Quo tanquam ab ipsis approbato, subiicit verba illa.* Quid respondebunt, Si excepta illa altitudine sapientiæ, & scientiæ Dei, vbi fortassis aliud diuinum consilium longè secretius latet, sine præiudicio aliarum forte causarum, quæ à prudentibus inuestigari queunt, hoc solum eis breuitatis causa in huius quæstionis inuestigatione dicamus, tunc voluisse hominibus apparere Christum, & apud eos prædicari doctrinam suam, quando sciebat, & vbi sciebat esse, qui in eum fuerant credituri. Quæ verba cum Semipelagianis arripuissent, vt ostenderent, vel ipso Auctore Augustino, præscientiam operum etiam conditionatè futurorum esse causam inæqualitatis illius, quâ alij alijs præferantur in ijs quæ pertinent ad salutem ; Augustinus, qui hoc acceptat ex libris Hilarij, sic respondet cap. 9. lib. de Prædestinatione Sanctorum. Cernitis-ne me sine præiudicio latentis consilij Dei & aliarum causarum, hoc de præscientia Christi dicere voluisse, quod convincendæ Pa- gonorum infidelitati, qui hanc obiecerant quæstionem, sic fieri videretur ? Quid enim verius, quam præscisse

„ Christum, qui, & quando, & quibus locis in eum fuerant
 „ credituri? Sed vtrum prædicato sibi Christo à se ipsis ha-
 „ bituri essent fidem? an Deo donante sumpturi, id est
 „ vtrum eos tantum præsciuerit, an prædestinauerit Deus,
 „ quærere ac differere tunc necessarium non putavi. Qui-
 „ bus vltimis verbis contineri dicit Doctor Collegij Sal-
 „ manticensis prædefinitionem scientiæ conditionatæ præ-
 „ lucentem: in quo illi consentit P. Ioan. à Sancto Thoma,
 „ qui etiam addit *scientiam mediam hic plane ab Augustino*
 „ *IVGLARI. Ego vero contendo innocentissimam esse*
 „ hanc Augustini petitionem, nec esse qui sibi ab illa timere
 „ aliquid possit, præter ipsos Aduersarios. Nego itaque
 „ distinctè, illis verbis *id est vtrum eos tantum præsciuerit, an*
 „ *prædestinauerit Deus*, vllam prorsus mentionem fieri de
 „ prædefinitione conditionata, sed de absoluta; neque hoc
 „ tantum nego: sed negati etiam rationem do manifestam
 „ ex Augustini verbis immediatè sequentibus: & valde
 „ miror interpositam Patris à Sancto Thoma *ponderationem*.
 „ Superioribus enim verbis subnectit; *hec sola verba pondero;*
 „ inquit, *quia his planè iugulauit Augustinus scientiam mediam.*
 „ Atqui mi Pater, statera nondum plena est, illa etiam ap-
 „ pende & *pondera*, quæ immediatè sequuntur, & sunt hu-
 „ iusmodi. Proinde quod dixi, tunc voluisse hominibus
 „ apparere Christum, & apud eos prædicari doctrinam
 „ suam, quando sciebat, & vbi sciebat esse; qui in eum
 „ fuerant credituri: posset etiam sic dici: tunc voluisse ho-
 „ minibus apparere Christum, & apud eos prædicari do-
 „ ctrinam suam, quando sciebat, ET VBI SCIEBAT ESSE,
 „ QVI ELECTI FVERANT IN IPSO ANTE MVNDI CON-
 „ STITVTIONEM. Quibus significat *prædestinationem* illam
 „ prioribus verbis contentam non aliam esse, quàm *electio-*
 „ *nem*, quâ aliqui dicuntur in Christo *electi ante mundi consti-*
 „ *tutionem*. Atqui electionem hanc eandem esse cum abso-
 „ luta prædestinatione apud Augustinum tam est manife-
 „ stum; vt qui contentiosè negare velit, videri possit il-
 „ lum nec ex facie cognouisse, nec ex vestibulis. Id quod
 „ ego ex vno tantum aut altero loco demonstro. Nam in
 „ hoc libro de prædestinatione SS. cap. 16. ita loquitur de

Disp. 10.
 Dub. 1. §. 3

Disp. 20 ar.
 §. pag. 692.

Absolutam
 prædesti-
 nationem
 Aduersarij
 cum præ-
 definitione
 conditio-
 nata con-
 fundunt.

Iudæis qui renuunt consentire Christianismo. Sed quid est, quod sequitur in *D. Paulo* secundum electionem autem dilecti propter patres? Numquid illi inimici, qui in suis inimicitijs perierunt & aduersantes Christo de gente ipsa adhuc pereunt; ipsi sunt electi, atque dilecti? **ABSIT;** QVIS HOC VEL STVLTISSIMVS DIXERIT, & in lib. de bono perseverantiæ cap. 14. ubi de Tyrijs, ac Sidonijs sic loquitur. Hæc prædestinatio Sanctorum, nihil aliud est, quam præscientia, & præparatio beneficiorum Domini, quibus liberantur, quicumque liberantur; cæteri autem ubi, nisi in massa perditionis iusto Dei iudicio relinquuntur, ubi Tyrij relictæ sunt, & Sidonij, qui etiam credere potuerunt si mira illi Christi signa vidissent, sed quoniam ut crederent non erat eis datum, etiam unde crederent est negatum. Ex quo apparet habere quosdam in ipso ingenio divinum naturaliter munus intelligentiæ, quo mouentur ad fidem, si congrua suis mentibus vel audiant verba, vel signa conspiciant; Et tamen si Dei altiori iudicio à perditionis massâ non sunt DEI PRÆDESTINATIONE DISCRETI, nec ipsa eis adhibentur vel signa divina, vel facta per quæ possent credere, si audirent utique talia, vel viderent *Subdit* non profuisse Tyrijs, quod poterant credere, qui prædestinati non erant ab eo, cuius inscrutabilia sunt iudicia, & inuestigabiles viæ. Et mox; Verum quod dixit dominus de Tyrijs, & Sidonijs aliquo alio modo potest fortassis intelligi: neminem tamen venire ad Christum, nisi cui fuerit datum: & illis dari, qui ab illo electi sunt ante constitutionem mundi, procul dubio confretur, à quo non surdis auribus cordis, eloquium divinum auribus carnis auditur. Ex hoc loco evidentissimum est, apud Augustinum, Tyrios, & Sidonios, qui relictæ dicuntur in massa perditionis, non prædestinati, non discreti, non donati beneficio illo, ut crederent, & ad Christum venirent, quod tamen ijs datur, qui electi sunt in Christo ante mundi constitutionem; manifestum, inquam, est non posse illos dici electos in Christo ante mundi constitutionem. Unde sic argumentor. Electio in Christo ante mundi constitutionem, nullo modo pertinet ad Tyrios, & Sido-

nios: Prædefinitio conditionata conuersionis, & pœnitentiæ, pertinet ad Tyrios, & Sidonios: Ergo prædefinitio conditionata conuersionis, & pœnitentiæ, non est electio in Christo ante mundi constitutionem. Maior est Augustini: minor, falsa quidem est, sed apud aduersarios vera, qui cum fateantur, præscitam à Deo certò Tyriorum & Sidoniorum conuersionem ex hypothesi prædicationis, neque tamen quidquam præseiri, nisi beneficio prædefinitionis conditionatæ; consequenter hanc prædefinitionem respectu Tyriorum, & Sidoniorum admittunt. Iam verò ita subsumo, Prædefinitio conditionata negatur esse ab Augustino electio in Christo ante mundi constitutionem, vt iam ostensum est: Prædefinitio designata in loco de quo disputamus, dicitur esse electio in Christo ante mundi constitutionem: Ergo prædefinitio designata in loco de quo disputamus, non est prædefinitio conditionata: superest ergo vt sit absoluta.

XL. Neque aliud habent quod respondeant, quàm quod insinuat Doctor Collegij Salmanticensis, Electionis nomen apud Augustinum aliquando latius sumi pro *quouis decreto efficaci de re bona*. Nimirum expectandum erit, vt etiam dicat reprobos, qui, vt ipse putat, decreto Dei efficaci mouentur ad materiale peccati, v. g. impœnitentiæ finalis, eo ipso censendos aliquando ab Augustino *Electos* in Christo ante mundi constitutionem. Ego verò, vel vnum locum postulo, in quo Augustinus locutionem illam ita latè sumpserit, vt significaret quemquam reprobum, esse tamen *electum in Christo ante mundi constitutionem*: & quia neminem sperare sinit ipsa rei euidencia, vt tale quoddam testimonium inueniatur; stat proposita ratiocinatio, & conclusio, quâ dicimus Augustinum citato loco de prædestinatione loquutum; seu de prædefinitione absolutâ, non autem conditionatâ.

Loco citato pag. 638. Augustini Aduersarij

XLI. Nam quod addit P. Ioannes à Sancto Thomâ, mirabile videtur. Luber apponere ipsius verba. Ne autem moueat aliquem prædestinationis nomen; quo Augustinus vtitur in loco quem expendimus; sciat non sumi ab Augustino prædestinationem in ea stricta significatione,

ne,

ne, quæ modo apud scholasticos sumitur, pro solo de-
 creto dandi, & transmittendi in vitam æternam, sed in
 significatione latiori, pro quocunque decreto præordi-
 nante, & prædefiniente, seu statuente res, quas facere
 intendit, aut disponit, etiam sub conditione. Id eviden-
 ter constat ex auctore libri, cui titulus est de prædestina-
 tione Dei apud Augustinum, & habetur post librum de
 bono perseuerantiæ, à Louaniensibus autem in appendicem
 reiectus est, ibi enim admittit prædestinationem sub con-
 ditione: & quandam prædestinationem dicit esse alliga-
 tionis, seu necessitatis, quandam conditionis: prædesti-
 nauit inquit Augustinus, vt cælum semper volueretur,
 &c. Vides auctorem libri, *de prædestinatione Dei*, distingui
 ab Augustino, itaque approbari iudicium Louaniensium,
 qui eundem librum vt spurium reiecerunt, quod est etiam
 iudicium Bellarmini, & omnium fere, qui Augustini opè-
 ra censuerunt. Et tamen P. Ioannes à Sancto Thomâ hinc
 probat latam prædestinationis acceptionem apud
 Augustinum haberi. Quid hoc rei est? Ostendere velle,
 quo modo loquatur Augustinus, ex eo libro, quem fatear
 alterius esse auctoris: & dum aliena recitas verba, lo-
 quentem illum inducere, ac dicere, *inquit Augustinus?* Sed
 do etiam optionem Aduersario, velint Augustinianam
 haberi huius libri doctrinam necne? si non vult, perit pro-
 batio huius suæ interpretationis ad locum de quo dispu-
 tamus; si vult, perit tota Thomistarum doctrina de præ-
 destinatione ante præuisa; quam etiam opinionem cum
 sequeretur Bellarminus, nihil habuit antiquius quàm vt
 genuinum Augustini factum esse negaret librum illum de
 prædestinatione Dei; aperta nimirum est illius Auctoris
 sententia de prædestinatione post præuisa.

XLII. Neque hoc dico, quod aliqua sit difficultas in eo
 quod objicit P. à Sancto Thomâ, si concedam Augusti-
 num esse huius libri Auctorem. Neque enim hoc quæri-
 mus, an aliqua prædefinitio conditionata dici possit ex
 mente Augustini prædestinatio, quod hinc tantum pro-
 batur; sed an prædefinitio conditionata, quæ ad repro-
 bos etiam pertinere potest, dicatur vnquam apud Augu-

stinum, *prædestinatio* illa, quæ est etiam *electio in Christo ante mundi constitutionem*; ita enim suam hanc prædestinationem ipsemet explicat; quam explicationem nego ex mente Augustini cadere posse in ullam prædefinitionem conditionatam, quæ sit indifferens tum ad prædestinatos strictè sumptos, tum ad reprobos.

Augustinus
loco citato
Dei decre-
tum requi-
rit non ut
futurū con-
ditionatum
ita futurū
sit, sed ut
transcat in
absolutum.

XLIII. Hæc est igitur Augustini sententia in loco proposito, Distinguit ibi prædestinationem Dei, & Electionem, à præscientiâ Christi, & supponit hanc esse illi subordinatam; atque ex eo, quod intellexit Christus æternam saluandorum prædestinationem, & electionem; præscisse quinam essent doctrinæ suæ credituri, eandemque præscientiam non quatenus exhibebat futuram vocandorum fidem, sed quatenus repræsentabat decretum Dei de saluandis, atque vocandis, impulsisse illius voluntatem, ut *vellet apparere hominibus, & apud eos prædicari doctrinam suam*. Ex quo sequitur nullos esse alios, præter electos istos, qui præsciti etiam fuerint credituri, si appareret illis Christus, & suam doctrinam apud illos prædicaret. Tales enim fuisse Tyrios & Sidonios Augustinus supponit, & ex eo capite suam ad quæstiones Paganorum responsionem emendat: vel, ut ait sanctus Thomas *re-*

L. de
Bon.
persecu.
c. 9.

„ *probat*. Ita enim loquitur. Numquid dicturi sumus quod
„ in libro alio dixi ubi sex quæstionibus quibusdam Paga-
„ norum sine præiudicio tamen aliarum causarum quas
„ prudentes inuestigare possunt, respondi? & *repetitâ res-*
„ *pensione illâ*: hæc certè de Tyro, & Sidone non possumus
„ dicere, & in eis cognoscimus ad eas causas prædestina-
„ tionis, hæc diuina iudicia pertinere, sine quarum causa-
„ rum latentium præiudicio, tunc ista respondere me dixi.
„ *Et iterum*. Sed numquid possumus dicere etiam Tyrios, &
„ Sidonios, talibus apud se virtutibus factis credere noluisse,
„ se, aut credituros non fuisse, si fierent; cum eis ipse
„ Dominus attestetur quod acturi essent magnæ humilita-
„ tis pœnitentiam, si in eis facta essent diuinarum signa vir-
„ tutum? Vult ergo sine istâ Electione speciali, & præde-
„ stinatione, quosdam alios fuisse ex hypothesi prædicatio-
„ nis, credituros; ac proinde hanc prædestinationem non

esse necessariam, vt aliqui sint ex hypothesi credituri; neque aliam indicat, quæ necessaria sit, ergo ex illius mente nulla omnino necessaria est, vt aliqui sint ex hypothesi credituri. Vt autem sint, & præsciantur absolutè credituri; requiritur, non quidem prædefinitio liberæ actionis in se immediatè, sed prædestinatio, quæ dicitur ab Augustino *gratiæ præparatio* in hoc ipso loco, in quo ver-
samur. Vt sit, inquam, & præsciatu-
r absolutè futura fides alicuius, aut poenitentia; necessarium est absolutum decretum, quo Deus statuat dare illi gratiam ad hoc necessariam. Quod decretum, quia propriissimè dici potest gratiæ præparatio, consequenter est illa, de quâ hîc loquitur Augustinus, prædestinatio.

De prædest.
SS. c. 10.

XLIV. Nec refert si hæc interpretatio videatur alicui non satis quadrare cum responsione, quam dedit Augustinus ad quæstionem Paganorum: quia nec quadrare debet, postquam illam Augustinus *reprobat*. Neque hoc ipsi vitio vertendum est: tum quia non dat illam responsionem assertiuè, sed vt ostendat, quamuis ea legitima non sit, paganos nihil habituros quod regerant: hoc enim significat ille dicendi modus. *Quid respondebunt..... si dicamus?* quasi diceret cogendos quoque quos alloquitur eadem vtî responsione, vt dictum est: tum quia exceptionem ponit maioris considerationis eorum quæ reticebat, quod eorum captui non essent accommodata.

XLV. Restat vt perstringamus ea, quæ contra interpretationem hanc, obijciunt Aduersarij. Et primò Theologus Collegij Salmanticensis, vim facit in illis verbis Augustini, quibus se ita respondisse dicit Porphyrio *sine præiudicio latentis consilij Dei, & excepta altitudine sapientiæ, & scientiæ eius*, Quibus significari vult decretum efficax per modum intentionis, quo præfiniatur futurum sub conditione, nec aliter posse concipi, quid sit illud *latens consilium*. Sed miror quomodo hæc ei exciderint, qui tam diligenter inspicere statuerat Augustini faciem; cum constet *latens illud consilium*, de quo in hoc loco, non aliud esse, quàm quod postea vocat *altius iudicium*, cum dicit, *Et tamen si Dei altiore iudicio à perditionis massa non sunt Dei prædestina-*

Quid sit latens consilium Dei apud Augustinum

tione discreti, nec eis adhibentur vel signa diuina, vel facta, &c. Vbi de Tyrijs, & Sidonijs loquitur, & concedit præscitam quidem fuisse conditionatè illorum conuersionem, sed contendit iudicio illo altiore impeditam potius quam conceptam eius prædefinitionem. In eo enim consistit arcanum hoc iudicium, quod vnus præ alijs adhibeantur diuina illa signa, vel facta, ex quorum suppositione sciuntur conuertendi, vt significat Augustinus cum dicit, *Si Dei altiori iudicio à perditionis massa non sunt Dei prædestinatione discreti, nec eis adhiberi diuina signa vel facta illa, ex quorum suppositione præsciebantur conuertendi Tyrij & Sidonij: quod non est aliud, quam si sunt Dei altiore iudicio discreti, adhiberi eis signa illa vel facta, hoc est media, quæ conditionatè præsciebantur efficacia.* Vt sit manifestum hoc iudicium latens, non pertinere ad Tyrios quatenus est prædefinitiuum præscitæ poenitentiae sed quatenus potius est exclusiuum. Hoc scilicet est latens iudicium, seu consilium apud Augustinum, quod cum par sit hominum ratio, & perinde hi, atque illi præsciantur conditionatè diuina gratia bene vsuri, ea tamen his detur, non autem illis. Cuius rei rationem petenti, nihil aliud respondere solet Augustinus, quam *O altitudo diuitiarum sapientiae, & scientiae Dei, quam incomprehensibilia sunt iudicia eius!* Hæc est autem æterna illa & absoluta Dei electio, ex quâ oritur saluandorum, & periturorum inæqualitas, & quam Augustinus maluit silentio præterire, quod ad eam capiendam minùs idonei viderentur Pagani.

XLVI. Secundo vim facit etiam in eo quod dicit Augustinus, Sed vtrum prædicato sibi Christo à seipsis habituri, effent fidem, an Deo donante sumpturi, id est, vtrum eos tantum præsciuert, an etiam prædestinauerit, &c. Vbi notat idem esse, fidem esse à Deo donante, & esse prædestinatam. Item idem esse, fidem esse à nobis, & esse tantummodo præscitam: sed fides quæ dicitur conditionatè futura, non potest asseri esse à nobis, nec negari esse à Deo donante: ergo quæ dicitur conditionatè futura, non potest asseri esse tantum præscita: nec negari esse insuper prædestinata. Hæc est summa secundæ pondera-

Quo sensu
dicatur fi-
des à Deo
prædesti-
nata, vel
tantum
præscita.

tionis. Ad quam respondeo, fidem esse de facto & absolute à Deo dante, & esse prædestinatam eâ prædestinatione, quam vocat Augustinus hoc ipso loco *præparationem gratiæ*; hoc est, esse ex decreto absoluto, quo statuit Deus præuenire voluntatem, & dare illi gratiam ad credendum necessariam; esse idem apud Augustinum: sed fidem esse ex hypothese tantum donandam, & esse reipsa prædestinatam, nego idem esse apud Augustinum: satis enim est, si ut donanda tantum supponitur, ita supponatur prædestinanda: hoc autem supponitur. Sensus enim conditionalis propositionis, qua enunciatur futura fides, non est alius, quam si Deus præpararet gratiam ad credendum necessariam, eamque in tempore donaret, tunc esset futura fides: seu, quod idem est, si sit absolute præparatio gratiæ ad credendum necessariæ, & inde sequatur illius donatio, fides quoque futura est. Atque ita fides semper concipitur esse à Deo, vel donante de facto, vel donaturo ex hypothese: si de facto est fides, de facto donat Deus: si non est de facto, sed esset; non donat Deus de facto sed donaret. Et immerito requiritur, imò & repugnat ut Deus de facto donet eam rem, quæ de facto non donatur, sed donaretur tantum.

Similiter cum dicitur fidem esse à nobis, & esse tantummodo præscitam apud Augustinum pro eodem haberi: distinguendum est. Nam esse tantummodo præscitam absolutâ præscientiâ, & non esse etiam prædestinatam absoluta illa præparatione gratiæ ad credendum necessariæ, concedo idem esse apud Augustinum cum eo quod est, esse à nobis; & ideo negandum illud est tanquam hæreticum: sed esse tantummodo præscitam conditionatè per exclusionem præsentis, & absolutæ præparationis gratiæ: nego idem esse cum eo quod est, fidem esse à nobis. Neque enim esse à nobis dici potest, quando in hypothese, ex qua futura esse præscitur, includitur necessariò, & præparatio, & donatio gratiæ ad credendum necessariæ: neque fides aliter futura præscitur, quam si est, aut futura est illa tum præparatio, tum donatio gratiæ. Atque ita fides, quam dicimus conditionatè fu-

futuram seclufa præfenti ac conditionata prædefinitione, neque affertur futura eſſe à nobis, neque negatur futura eſſe à Deo eo modo illam donante, quo ea donatur.

Nu. 49. &
50.
Scientia
conditio-
nata non
nitetur pro-
posito apud
Auguſtinū
nec ex co-
capite ar-
guendi ſūt
Semipelagi-
ani.

XLVII. Tertio obſervat, interrogatum Auguſtinum à Proſpero num propositum Dei niteretur præſcientia conditionata, vt volebant Semipelagiani, an potius præſcientia illa niteretur proposito. Vnde vt cenſeatur Auguſtinus appoſitè reſpondere, dum dicit prædeſtinatum eſſe id, quod eſt præſcitur; intelligi debet de prædeſtinatione conditionata, qua ſola niti poteſt præſcientia conditionata. Reſpondeo Pelagianos non eſſe tantum circa præſcientiam conditionatam: ſed maxime circa abſolutam; neque ad conditionatam recurriſſe, niſi quando illos abſoluta deficiebat. Vtrumque autem errorem Auguſtinus emendavit, decipi verò Aduerſarios perſpicuum eſt; dum quod dicitur ad emendandum abſolutæ præſcientiæ abuſum, nempe illam niti præſenti & abſoluta præparatione gratiæ; futuraque illius donatione, quoties præſcitur aliquid vtile ad ſalutem; interpretantur etiam dictum ad emendandum abuſum ſcientiæ conditionatæ, id quod poſtea magis explicabitur.

Num 53.

XLVIII. Quarto *aperta ratione* probat eandem eſſe rationem futuri conditionati, & futuri abſoluti, quod attinet ad neceſſitatem præſentis, & abſoluti decreti, quo fiat
» futurum, Ab eadem enim cauſa, *inquit*, à qua futurum
» contingens abſolutum habet dependentiam, debet etiam
» futurum contingens, & conditionatum eam habere....

Quare
potius
requira-
tur Dei
decretū
ad futu-
rum ab-
ſolutū,
quam
ad condi-
tionatum.

» Sicut enim ipſa futura ſolum diſtinguntur penes abſolu-
» tum, & conditionatum; ita etiam cauſa, & efficax Dei
» decretum in hoc ſolum poſſunt diſtingui, ac proinde ſicut
» ſcientia illorum innititur proposito, non tamen è contra;
» ſic ſcientia, & infallibilis cognitio horum. Reſpondeo
» eſſe *apertam* diſparitatem inter vtrumque illud futurum,
» quoad illam neceſſitatem efficaciſ decreti, & illam diſpa-
» ritatem ex eo peti, quod differant penes eſſe abſolutum,
& conditionatum. Eſſe enim conditionatum, eſt eſſe
ſuſpenſum omnino ex conditione, cuius exiſtentia non-
dum determinata eſt: & quod de illo dicitur, *Eſt, dependet*,

nihil aliud significat, quàm *Effet*, *dependeret*, si conditio poneretur: Cùm ergo sufficiat quod existentia causæ ad aliquem effectum necessariæ proportionata sit ipsius effectus existentia; manifestum est sufficere, si de quo effectu dicitur, quod *effet*, quod *dependeret*, quod *existeret*; de illius etiam causâ dicatur, quod *effet*, quod *existeret*, quod *causaret*, hoc autem dicimus de causâ futuri conditionati. Quemadmodum enim dicimus, quod *effet* hoc futurum; ita supponimus, quod *effet* illius causâ, estque reciproca hæc sequela; si esset talis causâ, esset talis effectus, si esset talis effectus esset talis causâ: nisi quod ista secunda magis necessaria est. In illa igitur causâ includitur, & decretum Dei, & gratia, & quidquid demum necessarium est ad illam futurationem, non vt aliquid quod sit, sed vt aliquid quod esset.

XLIX. De futuro absoluto non dicitur tantùm, *effet*, sed *erit*, ergo dici debet absolutè, erit illius causâ, & consequenter, crit Dei decretum ad illud prærequisitum. Et quia decretum Dei non potest esse temporaneum, sed si erit, est, & fuit absolutè ab æterno; ideo ad futurum absolutum requiritur ab æterno absolutum & præsens decretum. Sed quemadmodum, si per impossibile temporaneum esset decretum illud, essetque tantùm absolutè futurum, concipimus tamen fore adhuc in Deo æternam illius tanquam futuri præscientiam, & eius beneficio præscientiam quoque rei ad quam illud requiritur; ita & decretum, quod non est absolutè, sed quod esset si Deo placeret, potest illi esse ratio conducens ad præsciendum id, cui debet præsupponi. Ea enim est differentia, quod omne decretum futurum absolutè, de factò est; decretum autem possibile, aut ponendum pro Dei libertate, non est de factò necessariò. Vnde quamuis non possimus supponere futurum absolutè, quod modo non sit; possumus tamen supponere ponendum pro Dei libertate, quod tamen non sit actu positum. Et sicut si esset futurum tantùm, & non præsens, conducirer tamen ad futurationem rei, ad quam requiritur, præsentemque illius præscientiam: ita quamuis sit ponendum tantùm pro

Dei libertate, & non positum; conducere potest ad conditionatam rei, cui debet præsupponi, futuritionem, præsentemque illius & conditionatam præscientiam.

Loco cita-
to disp. 10
dist. 3. p.
645.

Loco cita-
to pag. 643.

P. Ioannes

à S. Thoma

vrget pro-

positum lo-

cum contra

scientiam

mediam,

sed frustra.

L. Atque ita soluitur, *aperta ratio*, quæ in illam etiam incurrit, qua usus est P. Ioannes à sancto Thomâ. Sed hic Auctor propria quædam obiicit, quæ diluenda quæque sunt.

Ergo sic argumentatur primò, *Vel Augustinus quando agit contra istos hæreticos Semipelagianos, & decretum Dei, ac prædestinationem præscientiæ præmittit, semper loquutus est de futuris absolutis, & nunquam de conditionatis; vel aliquando etiam de conditionatis.* R. Quando agit de necessitate præsentis, atque actualis decreti ad præscientiam liberorum actuum, semper agere de futuris absolutis, & nunquam de conditionatis. Sed vrget: si hoc est. Ergo prætermisit Augustinus respondere Semipelagianis & sic valde fuit diminutus; ipsi enim recurrebant ad præscientiam horum futurorum, & in tali præscientia fundabant suam opinionem de admittendo decreto Dei. Respondeo: Nego sequelam hanc; Augustinus enim abunde illis respondit, quando significauit *absurdissimam* esse cogitationem, & *insulsissimam*, quæ motiuum præsentis & absoluti decreti ex eo peteret, quod est tantum conditionate futurum. Etenim Semipelagiani non fundabant in tali præscientiâ suam opinionem de admittendo decreto Dei conditionato, sed absoluto; in quo visi sunt Augustino, ineptiores ipsis Pelagianis, ut antea ostendimus: ideoque reiecti sunt, quod niterentur præscientiâ conditionatorum, tanquam præscientiâ absolutorum, & recurrerent ad futura, quæ non sunt futura.

Ibidem.

LI. Secundò sic Argumentatur. futurum de quo agit Augustinus in quæstionibus Paganorum, est futurum conditionatum, sed ad illud de quo agit in quæstionibus Paganorum requirit decretum Dei: Ergo ad futurum conditionatum requiritur decretum Dei: Ergo ruit scientia media. Respondeo primò retorquendo argumentum, & inde probando nullas dari conditionatas prædefinitiones,

tiones, & consequenter nullum futurum conditionatum distinctum ab absoluto. Quia si decretum de quo agit Augustinus sit absolutum, nullæ sunt quæ hinc colliguntur conditionatæ prædefinitiones vt patet: Atqui decretum de quo hic agit Augustinus est absolutum vt ostensum est, & mox iterum ostendetur: Ergo nullæ sunt quæ hinc colliguntur prædefinitiones conditionatæ: nullumquæ futurum conditionatum ex illis pendens: Atque ita nûc scientia conditionata quam tuentur Aduersarij. Respondeo secundo distinguo minorem, Ad illud futurum de quo agit in quæstionibus paganorum, requirit Augustinus decretum Dei, vt fiat futurum tantùm ex hypothesi; nego: id enim Augustinus nunquam somniauit: vt hoc futurum prosit ad salutem, & sit idonea ratio, cur Christus vnus apparere velit, potius quàm aliis, itaque de esse conditionato transeat in absolutum; concedo: & dico id exprimere Augustinum, dum de Tyrijs & Sidonijs, Si quæretur à nobis cur apud eos tanta miraculæ facta sint, qui ea non fuerant credituri, & apud eos facta non sint, qui crederent, si viderent, Quid respondebimus? nunquid dicturi sumus, quod in libro alio dixi, vbi sex quibusdam quæstionibus paganorum, sine præiudicio tamen aliarum causarum, quas prudentes possunt inuestigare, respondi? *Et repetita responsione illa....* Hoc certè de Tyro, & Sidone non possumus dicere: & in eo cognoscimus ad eas causas prædestinationis, hæc diuina iudicia pertinere, sine quarum causarum præiudicio tunc ista respondere me dixi. *Et postea dum explicat latentes illas causas prædestinationis.* Sed quoniam vt crederent eis non est datum; etiam vnde crederent, est negatum. Item. Et tamen si Dei altiore iudicio à perditionis massa non sunt gratiæ prædestinatione discreti; nec ipsa eis adhibentur, vel dicta diuina, vel facta, per quæ possent credere, si audirent vtique talia, vel viderent. *Item.* Non erant igitur sic excæcati oculi, nec sic induratum cor Tyriorum, & Sidoniorum, sicut Iudæorum, quoniam credidissent, si qualia viderunt isti signa vidissent; sed nec illis profuit, quod poterant credere, quia prædestinati non

C. 9. de
bono
pericu.

„ erant ab eo, cuius inscrutabilia sunt iudicia, & inuestigabiles viæ, nec istis obfuisset, &c.

Ex quibus locis sic argumentor. Prædefinitio conditionata si vlla requiritur ad scientiam conditionatam, non defuit Tyrijs: Latentes causæ illæ quas excipit Augustinus dum respondet quæstionibus Paganorum, defuerunt Tyrijs: Ergo latentes illæ causæ non sunt prædefinitio conditionata, sed potius absoluta. Maior est Aduersariorum. Minor est Augustini superioribus verbis cum dicit: *Et in eo cognoscimus ad eas causas, &c.*

Præterea, Quod defuit Tyrijs ex Augustino, non est aliud, quam *quia non est illis datum ut crederent, & unde crederent*, quia *non sunt altiore Dei iudicio à perditionis massa, gratiæ prædestinatione discreti*, quia *non sunt prædestinati*, Sed hæc omnia nihil aliud significant, quàm absolutam Dei voluntatem, quâ conditionatè futura eorum conuersio, transiret in absolutam, itaque illis prodesset, quia: ut iam dixi, quidquid erat necessarium, ad futuram conditionatè illorum conuersionem non deerat, & supponitur ab Augustino: Ergo quod defuit Tyrijs nihil est aliud, quàm absoluta Dei voluntas, quâ futura conditionatè ipsorum conuersio transiret in absolutam, & prodesset illis: quod autem defuit Tyrijs hoc excipiebat, dum responderet Paganis, erantque illæ occultæ causæ prædestinationis. Ergo quod intelligebat Augustinus per illam exceptionem, erat absoluta quædam Dei voluntas ac electio, quâ præscientia conditionata transiret in absolutam, & cuius beneficio, quod erat conditionatè futurum fieret vtile, dum transit in futurum absolutè. Quod Augustinus aperte confirmat, dum dicit, *Sed nec illis profuit, quod poterant credere, quia prædestinati non erant*. Quasi diceret, potentiam illam credendi Tyriorum, quæ erat potentia, ut dici solet, consequens, & coriuncta cum futuritione conditionatâ effectus, fuisse illis profuturam, si essent prædestinati. Hæc est igitur illa prædestinatio, quam Augustinus adiungi vult suæ illi responsioni ad quæstiones Paganorum, non verò prædefinitio conditionata. Atque hinc soluitur alia quædam

obiectio huius Doctoris qui sic argumentatur.

III. Tertio, Quando Semipelagiani obijciebant Augustino id quod ipse dixerat respondendo ad quæstiones Paganorum, non id obijciebant vt probarent, illam fidem præuisam, & præcognitam à Deo, esse motiuum, & principium nostræ iustificationis, id enim eo loco non dixerat Augustinus, nec vel leuiter insinuauerat; solum, ergo hunc locum adducebant Semipelagiani, vt probarent non esse absurdum, quod ipsi dicebant de scientia, media quantum ad eius substantiam, scilicet, quod Deus, præsciebat futura illa condicionata, & iuxta illam dispensabat decreta sua, non vero decretum habebat ante illam, præscientiam. Ergo decretum, quod Augustinus reticebat, quodque explicat nunc in libro de prædest. SS. & de bono perseuer. est decretum præuium illi futuritioni condicionatæ.

Respondeo hanc ratiocinationem laborare multiplici vitio; nam primò probat Semipelagianos, non adduxisse Augustini sententiam, vt probarent præscientiam futuri conditionati exhibere Deo motiuum aliquod gratiæ dandæ, ex eo quòd Augustinus non hoc dixisset, nec vel leuiter insinuasset: nempe adeo fideles fuisse putat Semipelagianos in referendâ Augustini sententia, adeoque acutos in attingenda, nulla vt esse possit suspicio, vel eorum imperitiæ, vel fraudis: etiam in illo negotio, in quo illos Augustinus deteriores fuisse putat ipsis Pelagianis, atque ineptiores: vt merito illis gratulari possimus, quòd aliquando etiam Thomistas propitios habeant.

Secundò supponit Semipelagianos laborasse vt scientiam mediam quoad eius substantiam à suspitione absurditatis liberarent, qua de re nemo vnquam illis negotium facessuerat.

Tertio demum supponit Augustinum ineptè respondisse Paganis, quando non respondit, id quod ipsi interrogauerant, sed nescio quid aliud. Quæstionis enim Paganorum, quæ variè concipitur apud Augustinum, hic vnus est modus. *Quare saluator, qui dictus est, sese tot sæculis*

Semipelagiani eo tantum nomine reprehensi quod ex futuro conditionato moriuum absoluti peterent & causam meritum.

Ep. 49. ad
Dco gra.

subduxit? Qui autem petir, quare se subduxit, quid aliud petir, quàm quare se subducere voluit? Et qui petir, quare se subducere voluit, quid aliud petir, quàm quare ratio illius voluntatem mouit? Hoc autem petere est, Ecquod fuit illius voluntatis motiuum? Ergo si Augustinus dare vult quod petitur, dum responderet huic interrogationi, dare debet motiuum voluntatis Christi, atqui aliud non dat, quàm quod continetur illis verbis, *Tunc voluisse hominibus apparere Christum, & apud eos prædicari doctrinam suam, quando sciebat, & vbi sciebat esse, qui in eum fuerant credituri.* Ergo poterant Semipelagiani, verba hæc obijcere Augustino, ex hypothesi, quòd explicanda essent de scientiâ conditionatâ, vt ostenderent ex ipsius doctrina, scientiam conditionatè futurorum exhibere Christo motiuum specialis illius beneficii, quo se suaque miracula, vnis manifestat, potiùs quàm alijs.

LIII. Nam quòd ea fuerit Semipelagianorum cogitatio, apertè monstratur; primùm ex litteris Hilarij ad Augustinum, vbi Massiliensium Theologiam ita describit:
 „ Cum autem dicitur eis, quare alijs, vel alicubi prædicetur, vel non prædicetur, vel nunc prædicetur quod ali-
 „ quando penè omnibus, sicut nunc aliquibus gentibus
 „ non prædicatum sit, dicunt id præscientiæ esse diuinæ,
 „ vt eo tempore, & ibi illis veritas annuntiaretur, vel
 „ annuncietur, quando, & vbi prænunciabatur esse credenda. Et non solùm aliorum Catholicorum testimonijs,
 „ sed etiam sanctitatis tuæ disputatione antiquiore se probare testantur, vbi tamèn gratiam, non minore veritatis perspicuitate docueris, vt est illud, quod dixit sanctitas tua in quæstione contra Porphyrium de tempore
 „ Christianæ religionis, tunc voluisse hominibus apparere Christum, & apud eos prædicari doctrinam suam, quando sciebat, & vbi sciebat esse qui in eum fuerant credituri.
 „ Vbi videt Massilienses, Augustini responsionem illam ad quæstiones Paganorum, in eum finem adducere, vt dent rationem, quare vnis potiùs quàm alijs, & vno tempore, potiùs quàm alio Christus apparere voluerit: & est manifestum vel ipsis elementarijs, ratio-

nem cur Christus aliquid voluerit, esse rationem, quæ mouerit vt vellet, quod est esse rationem volendi motiuam.

Id quod adhuc euidentius fit, dum in eundem finem adducunt Semipelagiani locum hunc, & alia quædam Augustini ex Expositione Epistolæ ad Romanos, vt refert idem Hilarius. Quorum summa erat, Deum eligere merita fidei & impietatis in præscientia: ita vt quos præsciret credituros, gratiam illis ad benè operandum præstaret; quos præsciret non credituros obdurando defereret: fidem autem illam nostram esse, non ex gratia, quæ fidei tantum adderetur ad benè deinceps operandum. Quæ cum eò spectarent, Auctore Augustino, vt putaretur Deus, præscito fidei merito moueri ad dandam gratiam, & præscito merito infidelitatis moueri ad deferendum, itaque obdurandum; quis dubitare potest, quin eodem quoque spectarent illa, quæ simul citantur ex responsione ad quæstiones Paganorum? Et ideo ex his citationibus, quid colligant ostendunt ipsi apud eundem Hilarium, quando subiungit. Cæterum præscientiam, & prædestinationem vel propositum ad id valere contendunt, vt eos præsciuerit, vel prædestinauerit, vel proposuerit eligere, qui fuerant credituri. Quod quo sensu sit accipiendum interpretantur ipsi, dum dicunt. *Vnde illam præscientiam sic accipiunt, vt propter fidem futuram illi sint præsciti.* Sed hæc adeo sunt manifesta, vt mirum sit virum sapientem in tanta luce caligare potuisse, aut alios caligare voluisse.

LIV. Instat nihilominus, Quod fides conditionatè futura sit *motiuum & meritum veniendi Christum, est erroneum, & semipelagianum*; sed Augustinus non dicit id quod responderat quæstionibus Paganorum esse erroneum. Ergo quod responderat intelligi non debet *de motiuo, aut merito veniendi Christum.* Respondeo, excepto semper grammaticorum iure, atque censurâ, interrogando quare Augustinus *reprobauerit*, vt ait Sanctus Thomas, id quod dixerat in illis quæstionibus? An quia erat Catholicum, & alienum ab errore? Item cum eiusdem

*Semipelagianum pro-
p-
terea visum
Augustino,
quod ipse
olim dix-
rat.*

omnino rationis sit, & in eundem quoque finem productum, id quod obiciunt Augustino iudem Semipelagiani, seu Massilienses ex quaestionibus in Epistolam ad Romanos, quare ab Augustino retractatum est? *Nisi quia nondum diligentius quaesisset, nec inuenisset: qualis sit electio gratiae: quae nulla est si datur secundum merita?* Hinc enim patet euidenter id quod dixerat eo loco, eo fine dictum, ut meritum illud praescitum, putaretur esse motiuum ad obtinendam gratiam. Cum autem istud negari non possit, quin fuerit id ipsum in quo deinde Semipelagiani errauerunt idem & de priore illo loco dicendum est? Innocentiùs tamen dictum est illud ab Augustino, tum quia non est assertiuè dictum nec tam ex eius sententia, quam ipforum Paganorum, à quibus illa tantum responsio poterat expectari, si retorqueretur in illos ea quam ipsi proponebant interrogatio, ut ante dictum est: tum quia necessariam Augustinus exceptionem adhibuit maioris considerationis, & aliarum, atque latentium causarum. Quod si Augustinus id omnino asseruisset, eoque sensu, quo id accipiebatur à Semipelagianis seu Massiliensibus, nec esset usus ea qua dixi exceptione, quis dubitat, quin eadem fuerit censura dignum, qua id quod dixit dum exponeret Epistolam ad Romanos?


suprà num.

43 44.



CAPVT IV.

Exponuntur alia quadam Augustini testimonia, & de sententia Semipelagianorum circa Scientiam Mediam.

L V.  Heologus Collegij Salmanticensis duo veluti capita distinguit sententiæ Semipelagianorum circa scientiam mediam, aliud, in quo illi hæretici fuerunt, quatenus videlicet contendebant gratiam dari ex præscientia meritorum conditionatè futurorum, atque adeò à gratia ipsa independentium: aliud, in quo licet non hæreticè Philosopharentur, reiecti tamen ab Augustino sunt, ut quod illam scientiam dicerent esse diuinis prædefinitionibus præuiam, & esse necessariam ad conciliandum libertatem creatam cum diuina prouidentia. Quæ quia nos etiam defendimus, contendit hic author, Societatis doctrinam de scientia media ipsissimam esse doctrinam Semipelagianorum, non eam quidem quæ damnata est ab Ecclesia, sed eam, quæ licet hæretica non esset, ab Augustino tamen est reiecta. Vnde confici putat, quam tuemur ipsi sententiam, nequaquam esse Augustinianam, Quod ipsum etiam sæpius inculcat P. Ioannes à Sancto Thoma. Hoc verò ut intelligatur quàm vanum sit, quamque ipsi aberrauerint à scopo & Semipelagianorum & Augustini, operæ pretium est exponere paucis erudito Lectori quæ fuerit Semipelagianorum doctrina in hac parte, quæ sensus Augustini dum eos refutat: id quod ex sequentibus Propositionibus apertum fiet.

§. I.

Prima Propositio.

LVI. **S**emipelagiani errauere potissimum circa Præscientiam absolutam tum quorundam meritorum gratiam Dei præuenientium: tum finalis. perseuerantiæ in gratiâ semel acquisitâ sine ulteriori beneficio.

Tract. 3. disp. 10. dub. 1. §. 10. n. Hæc propositio directè repugnat Doctori Salmanticensis Collegij qui sic loquitur, Semipelagiani, quorum est istud argumentum, cui Augustinus occurrit, non dicebant dari causam electionis horum præ illis ex præscientia bonorum operum absolute futurorum, quæque per scientiam visionis videntur. Sed solum ex præscientia eorundem sub conditione futurorum ut docet Augustinus eodem libro, de prædest. SS. cap. 12. & de bono perseuer. cap. 9. & sequentibus. In quibus verbis quod dicit ex cap. 9. de bono perseuerantiæ constare, Semipelagianos petiisse causam electionis horum præ illis non ex præscientiâ absolutâ, sed ex conditionatâ, falsum est. Licet enim constet ex capite illo confugisse quoque Semipelagianos ad scientiam conditionatam, nullum tamen est verbum quo innuatur non fuisse innixos absolutâ quamdiu & quantum licuit; ut patet ex illo alio loco quem citant ex libro de prædestinat. SS. ubi Augustinus *Cap. 13. de prædest. SS.* ita loquitur: Sed omnis hæc ratio quâ defendimus gratiam Dei per Iesum Christum Dominum nostrum, verè esse gratiam, id. est, non secundum merita nostra dari, quamuis euidentissimis diuinorum eloquiorum testimonijs asseratur; tamen apud eos qui nisi aliquid sibi assignent, quod priores dent ut retribuat eisdem, ab omni studio pietatis reprimi se putant, laboratur aliquando in ætate maiorum, iam utentium voluntatis arbitrio, sed ubi venit ad paruulos, & ad ipsum Mediatorem Dei & hominum, hominem, Christum Iesum, omnis deficit præcedentium gratiam Dei humanorum assertio meritorum: quia nec illi ullis bonis præcedentibus meritis discernuntur,

cernuntur à cæteris, vt pertineant ad liberatorem ho-
minum: nec ille &c. Quis enim audiat quod dicuntur par-
uuli pro suis futuris meritis in ipsa infantili ætate bap-
tizati exire de hac vita &c. In quibus verbis cum apertè
dicat Augustinus non tam facile conuinci Semipelagia-
nos aientes Dei gratiam dari secundum merita recipien-
tium, in adultis, quam in paruulis accepto baptismo de-
cedentibus, euidens est non aliam esse huius differentiæ
causam, quàm quia in adultis facile erat fingere *præceden-
tia merita*, quæ nulla fungi poterant in paruulis: Sed quæ
fingi non poterant, seu, quæ *deficiebant* in paruulis, erant
tantum absoluta, seu absolutè præcedentia: Ergo illa ead-
em erant, occurrebant in adultis: Ergo in adultis præ-
scientia quæ illa repræsentabat diuinæ voluntati tan-
quam idoneum motiuum ad dandam gratiam, erat ab-
soluta præscientia, ex sententia Semipelagianorum.

Si condi-
tionata rã-
tum præ-
scientiamer-
itorũ abu-
terentur
Semipela-
giani ad
prædesti-
nationem
adultorum;
non erant
eis obij-
ciendi par-
uuli.

LVII. secundò idipsum cernere est in epistola Prosperi
ad Augustinum, dum ait; Cum innumerabilium illis
objicitur multitudo paruulorum, qui vtique excepto
originali peccato sub quo omnes homines similiter in
primi hominis damnatione nascuntur nullas adhuc ha-
bentes voluntates, nullas proprias actiones, non sine
Dei iudicio secernuntur, vt ante discretionem boni ac
mali de vsu vitæ istius auferendi, alij per regenerationem
inter cælestis regni assumantur hæredes: alij sine baptis-
mo inter mortis perpetuæ transeant debitores, tales
aiunt perdi, talesque saluari, quales futuros illos in annis
maioribus si ad adultam seruarentur ætatem scientia di-
uina præuiderit. Hic ego peto, quibusnam obijciatur
morientium paruulorum illa discreto, quâ quidam sal-
uantur accepto baptismo, alij non accepto damnantur?
An afferentibus illam discretionem oriri ex absolutis, an,
ex conditionatis? Si dicatur hoc secundum, ridicula est
obiectio, quia conditionata illa merita neque minus ne-
que magis reperiuntur in paruulis, quàm in adultis, ita-
que inutilis est instantia ex defectu meritorum huiusmo-
di in paruulis, contra ea quæ dicebantur de adultis. Si di-
catur primò, habemus intentum, nempe absoluta fuis-

se merita absolutamque præscientiam illam quâ Semipelagiani putabant Deum moueri ad gratiam adiungendam. Quod euidenter confirmatur ex eo quod Prosper subiungit, Semipelagianos dum ita philosophantur de paruulis, ideo *futura quæ non sunt futura confingere*, quia *præterita non extant*, quasi diceret, in adultis ista non confingi, quod in ijs extare putarentur præterita merita. Quæ autem esse possunt præterita illa merita si non sunt absolute existentia & ea ratione præscita? Id quod iterum patet ex eo quod sequitur, *nouum esse absurditatis genus* in hac de paruulorum meritis Philosophia, quod & *non agenda præscita sint*, & *præscita non acta sint*. Hoc enim perinde absurdum esset in meritis adultorum, si eorum quoque præscientia supponeretur esse conditionata. Ergo supponebatur esse absoluta.

LVIII. Tertiò Probatur ex eo quod Pelagiani non utebantur præscientiâ conditionata, sed absoluta tantum, ut ex Augustino constat: qui, cum Pelagiani dicerent, Iacob, *dilectum esse ex futuris operibus quæ Deus illum facturum esse præsciebat*, & Esau ex operibus similiter futuris odio habitum, *ut auferretur illis omnis caliginis latebra*, geminos tales proposuit, qui neque parentum meritis inuarentur & ambo infantie primordio vnus baptizatus & alter sine baptismate moreretur. Quod nihil est aliud, quam cum niterentur Pelagiani absolute futuris meritis Iacob & Esau in assignanda tum diuini amoris erga vnum, tum diuini odij erga alium causa, Augustinum instantiam proposuisse ex iis geminis, in quibus nulla esse possunt merita nisi conditionata, quorum rationem habendam esse minimè creditum à Pelagianis Augustinus ostendit in libro de bono perseuerantiæ cap. 12. cum dicit, Nulla quippe merita etiam secundum ipsos Pelagianos possunt in paruulis inueniri, cur alij illorum mittantur in regnum, alij alienentur à regno, & ideo subiungit August. loco proximè citato contra duas epist. illos ad instantiam de duobus geminis mutos esse, Redit ad vos inquit, frater ille geminus baptizati non baptizatus: & tacitus querit à vobis, vnde fuerit à fraterna felicitate discretus? cur illâ

Con. 2 ep
Pelag. l. 1.
cap. 7.

Pelagiani
non nisi
absoluta
præscientia
meritorum
sunt abusi.

infelicitate punitus vt illo in filium Dei adoptato, ipse „ non acciperet omnibus ætatibus necessarium, sicut fate- „ mini, sacramentum? huic prorsus infanti linguam „ vestram vocemque submittitis, huic non loquenti quid „ loquamini non habetis. Et constat ex dictis antea Semi- „ pelagianos in eo excessisse Pelagianorum errorem, quod ^{Supra cap. 1 §. 1.} huiusmodi meritorum conditionatam scientiam abhibe- „ rent, vbi absolutam non poterant. Nam vbi hæc occur- „ risset, in eo tantum erant diuersi, quod eorum doctrinam „ dimidiarent & illius totius meriti, quod Pelagiani diuinæ „ gratiæ præmitterent, Semipelagiani particulam tantum „ aliquam præmittendam esse censerent, videlicet bonam „ voluntatem & desiderium, ac fidei quoddam initium, ad „ quod non requireretur nisi gratia creationis, vt constat „ ex tota Prosperi atque Hilarij Epist. ad Augustinum, & „ ex duobus libris de prædest. SS. & de bono perseu. qui- „ bus eis Augustinus respondit. Ex quo sic argumentor, „ Semipelagiani non aliter Philosophabantur de illo initiali „ merito, quod diuinæ gratiæ præmittebant in adultis, „ quam quomodo Philosophabantur Pelagiani de merito „ completo ac totali, Atqui Pelagiani absolutam huiusmo- „ di meriti existentiam & præscientiam præmittebant di- „ uinæ gratiæ, vt probatum est: Ergo illius quoque abso- „ lutam existentiam & præscientiam Semipelagiani præ- „ mittebant.

LIX. 4. Patet ex Augustino, qui postquam propo- „ suit ac reiecit Pelagij sententiam his verbis conceptam, De præd. „ Præsciebat ergo, ait Pelagius, qui futuri essent sancti & „ SS. cap. 12. „ immaculati per liberæ voluntatis arbitrium, & ideo eos „ „ ante mundi constitutionem in ipsa sua præscientia qua „ „ tales futuros esse præsciuit, elegit, quod, vt iam osten- „ „ sum est & per se patet, de præscientia tantum absoluta „ „ intelligitur; Semipelagianos postea ita loquentes inducit. „ „ Nos autem dicimus, inquit, nostrum Deum non „ „ præscisse nisi fidem, quâ credere incipimus, & ideo nos „ „ elegisse ante mundi constitutionem ac prædestinasse, vt „ „ iam sancti atque immaculati gratia atque ope eius esse- „ „ mus. Quis hîc non videt præscientiam absolutam, quam „ „ de absoluta

Cap. 19.
Semipe-
lagiani
senten-
tiam Pe-
lagia-
norum
de absoluta

præscientia
restringunt
ad fidem
qua crede-
re incipi-
mus.

Pelagiani extendebant ad *sanctitatem* & vitam *immaculatam*, Semipelagianos restrinxisse ad fidem, quâ citra specialem Dei gratiam elicitâ impetretur deinceps necessarium ad sanctam & immaculatam vitam auxilium? Quis item non videt fidem, *Qua credere incipimus*, minime conditionatam esse: & consequenter eius præscientiam non nisi absolutam dici posse? Absoluta est igitur illa præscientia, quam potissimum Semipelagiani gratiæ præmittebant.

Augustinus
olim circa
præscien-
tiam tan-
tùm abso-
lutam erat
hallucina-
tus, ut ostē-
dit eius ad-
miratio ex
nouitate
sententiæ
Semipela-
gianorum
circa præ-
scientiam
conditio-
natam.

LX. 5. Patet, quia præscientiam priorum meritorum & à diuina gratia independentium illam astruebant Semipelagiani, quam Augustinus quoque approbauerat, antequam ista disputari cœpissent: ideoque argumentabantur ad hominem, ex eo quod ille dixerat in quæstionibus in Epistolam ad Romanos: Atqui Augustinus non dixerat præscientiam ullius meriti conditionatè futuri exhibere Deo idoneum remunerationis motuum, sed tantùm absoluti: Ergo Semipelagiani adstruebant præscientiam meriti absoluti, & non tantùm conditionati. Maior probatur ex Epistola Hilarij ad Augustinum, ubi refert locum à Semipelagianis propositum, ut ostenderent eandem esse suam modò, & Augustini olim sententiam. Minor probatur, quia opinio illa, quod Deus ad merita conditionatè futura respiciat, seu ut ipse loquitur, ad futura, quæ non sunt futura, videtur ad absurdum Augustino, ut miretur & stupeat potuisse in mentem venire Semipelagianis: nec sit crediturus, nisi credendum putaret testimonio Prosperi atque Hilarij, Iudicari, *inquit*, quemquam secundum merita, quæ fuerat habiturus, si diutius fuisset in corpore, unde opinari potuerint homines, quorum ingenia non esse contemptibilia, vestræ indicant literæ; MIRANS ET STUPENS reperire non possum, NEC CREDERE AVDEREM, nisi vobis non credere non auderem. Quæ verba manifestè significant, se nihil vnquam simile credidisse. Vide autem an non tale aliquid crediderit ac docuerit ipse quoque, si quæ docuit in epistolam ad Romanos, de præscientia fidei electorum; intelligenda sunt de præ-

ſcientia conditionata? Ita enim loquitur. *Dicis itaque mihi quid adhuc conqueritur? Nam voluntati cuiusquis reſiſtit?* Hæc ſunt Apoſtoli verba, quibus Auguſtinus ſuum ſub-,, iungit commentarium in hunc modum. Cui ſanè in-,, ſitioni ſic reſpondet, vt intelligamus ſpiritualibus viris,, etiam, non ſecundùm terrenum hominem viuentibus,, patere poſſe primæ merito fidei & impietatis, quomodo,, Deus præſcientia eligat credituros & damnet incredu-,, los; nec illos ex operibus eligens, nec iſtos ex operibus,, damnans: ſed & illorum fidei præſtans, vt benè operen-,, tur, & iſtorum impietatem deferendo obdurans, vt ma-,, lè operentur. *Et iterum*, Æquales omnes ſunt antè meri-,, tum, nec poteſt in rebus omnimodo æqualibus electio,, nominari, quoniam Spiritus Sanctus non datur niſi cre-,, dentibus.... Non ergo elegit Deus opera cuiuſquam,, in præſcientia, quæ ipſe donaturus eſt; ſed fidem elegit,, in præſcientia: vt quem crediturum eſſe præſciuit, ipſum,, elegerit, cui Spiritum Sanctum daret, &c. In quibus in-,, terrogo, quomodo intelligi velint aduerſarij, quod di-,, citur de *primò fidei & impietatis merito*, de-que eorum præ-,, ſcientia, quam Auguſtinus præmittit, tum electioni ad,, recipiendum *Spiritum Sanctum* & benè operandi gratiam;,, tum *obdurandi* decreto? An ita vt ſenſus ſit, cùm & eſſet,, & præſciretur primum fidei meritum abſolutè futurum,, Deum elegiſſe credentes, quibus daret Spiritum ſan-,, ctum: item cùm & eſſet & præſciretur meritum impieta-,, tis abſolutè futurum, Deum ſtatuiſſe incredulos obdura-,, re deferendo? Et ſi ita intelligant, quo modo tantùm in-,, telligi rectè poteſt, ergo Auguſtinus inibi agit de præ-,, ſcientia abſoluta & non conditionata: & conſequenter,, Semipelagiani, qui ſuam faciunt hanc Auguſtini ſenten-,, tiam, abſolutam obtendunt aliquorum meritorum,, præſcientiam, quam electio ad gratiam, vel dereliſſio,, conſequatur, & non tantùm conditionatam, quod in-,, tendimus. An igitur ita erit interpretandus Auguſtinus,, vt ſit ſenſus, cùm necdum eſſet, necdum præſciretur vel,, fidei vel impietatis meritum abſolutè futurum; ſed præ-,, ſciretur futurum tantùm conditionatè, Deum elegiſſe

conditionatè tantùm credituros vt eis daret spiritum sanctum, & conditionatè tantùm incredulos vt eundem illis negaret, & desertos à se ac derelictos obduraret? Anne, inquam, hæc Augustini mens esse potest? Et si esse contendunt; quantùm ab eo differunt qui dicunt, Deum, cum nec essent nec præscirentur vlla paruulorum absolutè futura merita bona malaue, sed conditionatè tantùm; elegisse ad salutem, quorum bona præsciret illo modo, ad damnationem verò quorum mala? Et quomodo potest Augustinus, qui docuerit primum, quando hanc quæstionem penitus non intellexerat, *supere mirari*, nec *posse credere* aliquos reperiri qui secundum, vt ipse loquitur, *somniarent*? Hæc nonnè apertè conuincunt absolutam fuisse illam meritorum præscientiam, qua potissimùm nitebantur Semipelagiani ad suum errorem tuendum?

C. 14. de
præf. 55.

Atque hinc etiam intelliges, Augustinum, quando in responsione ad quæstiones Paganorum indicauerat, rationem cur alijs proponatur Euangelium, alijs non proponatur, esse petendam ex conditionata præscientia, quæ scirentur, quinam credituri essent, aut non credituri; illud nequaquam dixisse, quod cogitaret merito fidei aut demerito incredulitatis illud esse tribuendum; cogitasset enim id quod postea miratus est venire potuisse in mentem alicuius, & quod vt antea vidimus *absurdissimum, ineptissimum, insanissimum* esse iudicabat: sed cùm supponeretur generalis quædam voluntas saluandi omnes, atque ad fidem vocandi; quærenda fuit ratio, cur aliqui non vocarentur: & illam eo tempore Augustinus censuit ex eo peti posse, quod præscientiâ conditionatâ futuræ incredulitatis intelligeretur inutilis vocatio, quomodo loquitur etiam Prosper ex eorum sententia, dum ait, in epistola, *plerosque non renouari misericordie sacramento, quia quod nec renouari VTILE habeant, prænoscatur, exceptâ, vt* dicit, consideratione secretiorum causarum. Existimabat ergo Augustinus tantùm, hanc præscientiam in non credituris fuisse impedimentum vocationis; in credituris autem fuisse tantum causam remouentem prohibens.

LXI. 6. Patet, ex eo quod refert Hilarius in epistola ad Augustinum, Semipelagianos pati non putuisse, vt *parauulorum causa ad exemplum maiorum affertur*: in quo eos Augustinus quoque impugnat. Cuius rei non est alia ratio, quàm quia in adultis censebant esse præcedentia merita non in paruulis, vt ex Augustino etiam liquet, cum dicit: Ex ore infantium & lactentium perfecisse Deum, suæ gratiæ laudem, dum quod in his videmus, *hoc est in paruulis*, quorum liberationem bona eorum merita nulla præcedunt..... hoc & in maioribus fieri nequaquam omnino cunctamur, non putantes secundum sua merita gratiam cuiquam dari. Ergo non censebant Semipelagiani merita hæc adultorum præcedere tantum in præscientia conditionatâ; quia eo tantum modo putabant præcedere merita paruulorum, quorum tamen volebant disparem esse causam & rationem: ergo præcedere putabant in præscientiâ absolutâ, cum paruulorum præcederent tantum in præscientia conditionatâ. Quod confirmatur, &

LXII. Patet 7. ex modo quo & Augustinus & Prosper & Hilarius significant rationem meritorum oppositam illi futurationi conditionatæ quam Semipelagiani fingebant in meritis paruulorum; quæ, quod opposita sit, alia esse non potest, quam ratio meritorum existentium & præscitorum absolutè. Augustinus enim contra paruulorum merita illa conditionata vrget locum Pauli dicentis hominem iudicandum secundum ea quæ gessit in corpore. Gessit, inquit, non adiunxit, gesturus fuit. Sed, vnde hoc talibus viris in mentem venerit nescio, vt futura, quæ non sunt futura puniantur aut honorentur merita paruulorum. *Et mox*, Quid est ergo, secundum ea quæ per corpus gessit, nisi secundum ea, quæ gessit eo tempore, quo in corpore fuit? *Et tandem*, Iudicari autem quemquam non solum secundum merita quæ habuit, quamdiu fuit in corpore, sed secundum merita, quæ fuerat habiturus, si diutius fuisset in corpore, vnde opinari potuerunt homines &c. Vbi videt Augustinum oppondere quod quis gessit ei quod gesturus fuit, & hoc quod gestu-

„ Semipe-
lagiam
„ voluit
„ vt par-
uulorū
„ causa ad
„ exem-
plum ma-
iorum af-
feratur.

Merita quæ
prætexunt
Semipela-
giani signi-
ficantur ad
modum co-
rum quæ
præscitur
absolutè.
De præ-
dest. SS.
c. 11.

rus fuit esse futurum quod non est futurum, si nimirum non transit de conditionato in absolutum: similiter opponere meritum quod quis habuit, merito quod habiturus fuit si diutius fuisset in corpore; quod pariter nihil aliud esse potest, quam opponere meritum absolutum conditionato. Atque ita dubium esse non potest, quin eo quod quis gessit, quod quis habuit & similibus loquendi modis exprimat Augustinus absolutum quid, non verò conditionatum. Atqui eodem prorsus modo tum ipse tum Prosper & Hilarius exprimunt merita quæ Semipelagiani præmettebant diuinæ gratiæ in adultis: Ergo dubium esse non potest quin absoluta essent merita illa & non tantum conditionata. Assumptum probo varijs testimonijs ex duobus libris de prædest. SS. & de bono perseverantiæ, & ex duabus epistolis Prosperi atque Hilarij, Nam Augustinus Semipelagianos impugnât quod dicerent *fidem aut-*

a. de præd.
SS. c. 2.

etiam esse mercedem fidei cæptæ, quod nihil aliud erat, quam ideo dari gratiam ad perficiendam fidem in adultis; quia illam meruit, qui credere cœpit. Quo pertinet etiam illud ex libro de bono persever. c. 17. *sed hæc, inquiunt Semipelagiani, ut à Deo dentur nobis fides impetrat quæ incipit à nobis.* Item quod dicerent Deum eligere nos *quia credidimus*, Augustinus contra. Non quia credidimus, sed

Ib. c. 19.

„ ut credamus, elegit nos... Nec quia credidimus, sed ut

Ib. c. 21.

„ credamus, vocamur. Item quod dicerent, Exigere Deum
„ initium fidei quo in Christum primitus credere incipi-
„ mus, & quod non est donum Dei, ut cum id præcesserit
„ cætera tanquam hoc merito consequantur. Et Prosper
„ in epistola ad Augustinum sentientes refert homines ad
„ hanc gratiam quâ in Christo renascimur, peruenire per
„ naturalem facultatem, petendo, quærendo, pulsando,
„ ut ideo accipiat, ideo inueniat, ideo introeat quia bono
„ naturæ benè usus, ut ad istam saluantem gratiam initialis
„ gratiæ ope meruerit peruenire. Item non dubitandum,
„ quin fidelis ob hoc deuotus fuerit, *quia voluit.* Quo verbo
„ præcedens illud meritum bonæ & tamen naturalis,
„ hoc est, à gratia independentis voluntatis exprimitur.
Item. Qui Deo sponte crediderint meritò credulitatis accipere

auxilium

auxilium gratia, ad perfectiorem scilicet fidem aliaque opera bona. Item, *Homini libertatem iuari*, si quod Deus mandat, elegerit. Item, *Ideo iuari, quia voluit*. Hilarius pariter refert sentientes Semipelagianos homines eo merito, quo voluerint & crediderint à suo morbo se posse sanari, & ipsius fidei augmentum, & totius sanitatis suæ consequi effectum. Item. Non negari gratiam si precedere dicatur talis voluntas, quàm nimirum quis sanari vult. Quod est non negari gratiam, si dicatur, ideo dari, quia *precessit* bonum meritum illius voluntatis. Iam verò quis non videt meritum quo quis *capit*, quo quis *credidit*, quòd *precessit*, quo quis bene *usus est* naturali bono, quo quis *voluit*, quo *elegit*, ita opponi cum merito conditionatè futuro, quo modo quod quis *gessit*, opponitur ei quod *gesturus erat*, & quod quis habuit opponitur ei quod *habiturus erat*? Si ergo ex oppositione ista, quam facit Augustinus eius, quod quis *gessit*, cum eo quod *gesturus fuit*, & quod quis *habuit* cum eo quod quis *habiturus fuit*; intelligimus primum significare quid absolutum, secundum verò quid conditionatum; cui potest esse dubium, quin & Augustinus ipse & Prosper & Hilarius, per meritum illud quo quis *capit*, quo *credidit*, &c. meritum quoddam omnino absolutum designarint? Atque hoc illud est cuius præscientiam ipsimet dicunt Semipelagianos præmisisse diuinæ gratiæ; ergo nitebantur illi absoluti meriti præscientia & consequenter absoluta præscientia.

LXIII. Denique verba hæc Prosperi sunt expendenda, Ac sic cum in his qui tempus acceperunt liberæ voluntatis duo sint, quæ humanam operentur salutem, Dei scilicet gratia & hominis obedientia: priorem volunt (Semipelagiani) obedientiam esse, quàm gratiam: ut initium salutis ex eo qui saluatur non ex eo credendum sit stare qui saluat: & voluntas hominis diuinæ gratiæ sibi pariat opem, non gratia sibi humanam subijciat voluntatem. In quibus verbis Aduersarios interrogo, quo sensu putent, Semipelagianos dixisse priorem esse hominis obedientiam, quàm Dei gratiam? An quia priusquam decerneretur gratia, præcisa erat obedientia ut conditionatè fu-

tura? An quia præscita erat ut futura etiam absolutè? si dicatur hoc secundum, ut dici debet, habemus intentum: si primum, quare distinguebant inter adultos & paruulos, ut dicerent præcedere illam præscientiam *in his qui tempus acceperunt liberæ voluntatis*? An non putabant præcedere in his etiam qui non acceperunt? Quis non videt præcessionem hanc absolutam significari, quæ quia esse non poterat in paruulis, dicebant in ijs tantum esse, qui tempus acceperunt liberæ voluntatis, hoc est in adultis?

Atque hæc adeo sunt perspicua, ut verendum sit, ne videar erudito Lectori superfluum in hac quæstione operam luisse. Verum huius peccati veniam facile ut spero impetrabit Doctoris Salmanticensis hallucinatio, quæ dixit, Semipelagianos non dixisse dari causam electionis
 » horum præ illis ex præscientia bonorum operum absolutè
 » futurorum, quæque per scientiam visionis videntur, sed
 » solum ex præscientia eorundem sub conditione futuro-
 » rum. Quod ampliùs confutabitur ex mox dicendis.

Suprà
n. 56.

§. II.

Secunda Propositio.

LXIV. **S**emipelagiani confugerunt ad scientiam conditionatam tunc tantum quando absolutam præscientiam obtendere non poterant.

Colligitur ex ijs quibus superior propositio probata est. Nam Augustinus apertè hoc indicat, cum dicit, Laborari in ætate maiorum *contra Semipelagianos*, deficere autem illos omnem assertionem præcedentium gratiam Dei humanorum meritorum, cum venitur ad paruulos, Quis enim, *inquit*, audiat quod dicuntur paruuli pro suis futuris meritis in ipsa infantili ætate baptizati, exire de hac vita? Quasi diceret, in adultis minimè illos in eam absurditatem incurrere, ut dicerent eos pro futuris ex hypothese meritis recipere gratiam aut gloriam, sed in paruulis tantum, in quibus alia fingi merita non poterant quàm ex hypothese futura.

Cap. 12.
de prædest. SS.

Idem apertè significat Prosper cum dicit. Cumque innumerabilium illis obijcitur multitudo paruulorum.... » Epist ad August.
 tales aiunt perdi talesque saluari, quales futuros illos in »
 annis maioribus, si ad actiuam seruarentur ætatem, scien- »
 tia diuina præuiderit, vbi vides illos tunc tantùm recur- »
 rere ad præscientiam meritorum conditionatorum;
 quando paruulorum illa discretio, qua pereuntibus alijs
 alijs saluantur, illis obijcitur. Quod etiam apertè signi-
 ficat Prosper, cum eos ait, *quia præterita non extant, futu-
 ra, quæ non sunt futura confingere.* Quod in adultis non fa-
 ciebant, in quibus opinabantur esse merita præterita.

Idem iterum Augustinus, cum dicit. In hanc autem » De bo-
no per-
seu c 11.
» Quam-
diu singi-
potuerit
absoluta
» merita,
nihil co-
gitatum
est de
» condi-
tionatis.
 sententiam, (vt dicantur paruuli secundùm ea iudicari,
 quæ præsciuntur facturi si viuerent,) quam certè omnis
 sensus humanus quantulacunque ratione subnixus maxi-
 meque Christianus exhorret, ire compulsi sunt qui sic à
 Pelagianorum errore alieni esse voluerunt, vt tamen
 gratiam Dei. . . secundùm merita nostra dari sibi adhuc
 existiment esse credendum & disputatione insuper pro-
 ferendum, *Et mox*, hoc autem si non dicatur, quod cer-
 nitis quanto errore dicatur, quid restabit nisi vt gratiam
 Dei non secundùm merita nostra dari, quod contra hæ-
 resim Pelagianam Catholica defendit Ecclesia, remota
 contentionis caligine fateamur: atque id maximè in
 paruulis euidentiore veritate cernamus? vbi vides &
compulsos Semipelagianos instantia de paruulis proposita,
 vt ad scientiam conditionatam recurrerent, & Catholi-
 cos tanquam *euidentiore veritate* illos compulisse, dum vr-
 gerent, paruulis saltem gratiam non dari secundùm me-
 rita. Ideo autem euidentior erat hæc veritas, quòd age-
 retur de meritis absolutis; quæ cum in paruulis nulla esse
 sit euidentius quam in adultis, ideo Semipelagiani hac
 instantia compulsi, ad conditionata confugere, nequa-
 quam inituri tam absurdam cogitationem, nisi vrgeret
 necessitas.

LXV. Constat demum ex literis Prosperi atque Hilarij » Duplex oca-
casio in qua
Semipela-
giani iudi-
 & ex duobus libris Augustini de prædest. SS. & de bono
 perseuerantia. Semipelagianos nunquam adhibuisse

guere me-
ritis condi-
tionatis.

scientiam illam conditionatam, nisi in hac duplici occa-
sione. Primò cum ageretur, vt dixi, de paruulorum dis-
cretionem illa. Secundò, dum peteretur quare inter adul-
tos vnus potius proponatur Euangelium, quàm alijs; in
eum enim finem utebantur respõsione Augustini ad qua-
stiones Paganorum, de quâ superius. Nempe cum initia-
le illud meritum, quod diuinæ gratiæ præmittebant, dice-
rent esse credendi voluntatem, & fidei quoddam initium;
Catholici, quod erat peruium, obiecerunt, credendi vo-
luntatem illam & initium fidei supponere antecedentem
quandam ex Dei providentiâ discretionem, quâ fiat, vt
vno tempore potius, quam alio, & vni nationi potius
quàm alteri Euangelium proponatur. Illi ergo, cum ne-
que faciliè inuenirent meritum quoddam prædicatione
illa prius: neque tamen fateri vellent discretionem vo-
candorum à non vocandis arbitrariam esse Deo, scientiâ
rerum conditionatâ sunt abusi, cum dicerent, æqualem
esse Dei quoad hoc erga omnes voluntatem. Quæ quod
effectu careat in ijs qui non vocantur, causa est vocatio-
nis inutilitas ex futurâ conditionatè ipsorum obstinatio-
ne præscitâ: Neque enim debuisse Deum inania obsti-
natis beneficia conferre; neque illos aliò posse illius pri-
uationis causam referre, quam in suam conditionatè fu-
turam, & conditionatè præscitam indurationem. Con-
stat hoc ex epistolâ Prosperi ad Augustinum, dum eorum
doctrinam ita refert, Præuisos, inquiunt, à Domino cre-
dituros, & ad vnâquamquam gentem ita dispensata
tempora, ac ministeria magistrorum, vt exoritura erat:
bonarum credulitas voluntatum. Nec vacillare illud
quod Deus velit omnes homines saluos fieri & in agnitio-
nem veritatis venire: quandoquidem inexcusabiles sunt,
qui & ad vnum veri Dei cultum potuerint instrui intelli-
gentiâ naturali, & Euangelium ideò non audierint, quia
nec fuerant credituri. *Subdit*, Pertinere ad omnes homi-
nes diuinæ misericordiæ Sacramentum, quo ideo pluri-
mi non renouentur, quia quod nec renouari vtile ha-
beant prænoscantur. Constat nimirum ceteris antece-
denter & absolutè paribus, huic occurrere præconem.

Euangelij, & Ministrum baptisni, non autem illi: cuius rei causam si quæras à Semipelagiano, nihil habet quod dicat, nisi, esto non sit præscitus conditionate crediturus omnis cui occurrit; omnem tamen cui non occurrit esse præscitum conditionatè, non crediturum: & eam esse causam cur Deus nolle potuerit vt occurreret, cum occurrere vellet omni conditionatè credituro. Constat id ipsum ex Epistola Hilarij, quæ sic habet. Consentient „ omnem hominem in Adam perijsse, nec indè quemquam „ posse proprio arbitrio liberari: sed id conueniens veritati „ vel congruum prædicationi, vt cum prostratis & nun- „ quam suis viribus surrecturis annuntiatur obtinendæ salu- „ tis occasio; eo merito quo voluerint & crediderint à suo „ merito se posse sanari; & ipsius fidei augmentum, & to- „ tius sanitati consequantur effectum. En tibi primum piæ „ credulitatis & inchoatæ fidei meritum, suppositâ prædi- „ catione, quod vbi fufius explicuit Hilarius, obiectionem Catholicorum subijcit. Cum autem dicitur eis, quare „ alijs vel alicubi prædicetur, vel non prædicetur: vel nunc „ prædicetur, quod aliquando penè omnibus sicut nunc ali- „ quibus gētibus, non prædicabatur. Hic deficit præuia illa „ credendi voluntas, & desiderium sanitatis conceptum ex metu supplicij, de quo paulò antè. Hæc enim ante audita prædicationem esse non possunt, hoc est, deficit aliquid, quod sit absolutè præscitum, & cuius merito tribuatur Euangelij prædicatio, sicut tribuitur augmentum fidei: & ideò recurritur ad rationem conditionatè præscitam: ita enim respondent Semipelagiani; Dicunt id „ præscientiæ esse diuinæ, vt eo tempore & ibi & illis veri- „ tas annuntiaretur, quando & vbi prænuntiabatur esse „ credenda. Ex quibus constat euidenter illis absoluta merita obtrudentibus, ea fuisse à Catholicis obiecta, quibus respondere non possent, nisi fugerent ad conditionata, & consequenter conditionatorum præscientiâ vsos, tunc tantum cum deesset absolutorum. Si enim, cum dicerent præscientiam inchoatæ fidei, augmentum illius obtinere, conditionatam intelligerent præscientiam, nunquid frustra illis obijceretur discrimen eorum, quorum alijs præ-

dicatur Euangelium, alijs non prædicatur? Quis adeò fuerit hebes, vt cùm eorum qui credunt vel non credunt præscientiam tantùm conditionatam supponerent, cuius beneficio gratia concederetur ad fidem augendam; dubitauerit similem illos præscientiam adhibuituros in ijs, quorum alij vocantur, alij non vocantur? An fuit difficilius intelligere conditionatè præscitum, quid isti essent acturi, quàm quod illi? Ecquis non videt necessitatem hic passos Semipelagianos, quam ibi non patiebantur, recurrendi ad scientiam conditionatam; ac proinde ad eam tantum recurrissè cum absoluta non iuuaret.

Et inchoari
fidem sine
gratia, &
consum-
mari fi-
naliter
putant
Semipe-
lagiani.

LXVI. Atque hinc colligitur primo, quæ fuerit Semi-
pelagianorum sententia illa quam Prosper his verbis re-
præsentat. Qui autem credituri sunt, quique in ea fide,
quæ deinceps per Dei gratiam iuuanda mansuri sunt,
præcisse antè mundi constitutionem Deum: & eos præ-
destinasse in regnum suum, quos gratis vocatos, dignos,
futuros electione, ac de hac vitâ bono fine excessuros esse
præviderit. Vbi cùm dicit, *in ea fide quæ deinceps per Dei
gratiam iuuanda est*, significat non agnouisse illos gratiam,
qua excitarentur fidei primordia, sed qua solùm incre-
menta iuuarentur: vel si erat etiam ad initium fidei ne-
cessaria dicenda quædam gratia; fuisse illam gratiam
creationis, quæ sufficiat ad *petendum, querendum, pulsan-
dum*, quo possit deinde quilibet admitti ad *saluantem
Christi gratiam*, vt postea idem refert. Similiter cùm dicit
quique in ea fide mansuri, intelligit mansuros siue perseue-
raturus, sine alio speciali beneficio, quàm illo quod ne-
cessarium fuit, vt ad eum statum perueniretur. Hoc enim
patet ex eo quod dicit Hilarius ad Augustinum. Quod
autem dicit sanctitas tua, neminem perseverare nisi per-
seuerandi virtute percepta; hætenus accipiunt, vt quibus
datur inerti licet, præcedenti proprio arbitrio tribuatur.
Et in eum etiam sensum id accepit Augustinus in libro de
bono perseuer. vbi Semipelagianos ita loquentes inducit:
Sed hæc, inquiunt, vt à Deo dentur nobis, fides impe-
trat, quæ incipit à nobis, quam fidem & incipere habere
& in eam vsque in finem perseverare, tanquam id non à

Domino accipiamus nostrū esse contendunt. Quibus patet fuisse hanc Semipelagianorum sententiam supposita diuinæ doctrinæ prædicatione, præsciuisse Deum absolutè, quinam essent propria virtute ac sine alio interno gratiæ dono credituri: & illius credulitatis merito ita præscito motum esse vt daret gratiam ad eius fidei augmentum & ad vitæ sanctitatem necessariam: quā semel acquisitā similiter præsciuisse absolutè, quinam essent in eo statu, sine alio speciali beneficio, sed ipsius tantum liberi arbitrij bono vsu perseveraturi: & illa perseverantiæ præscientia similiter motum, vt gloriam illis decerneret, atque ita & prædestinationem ad gratiam posteriorem esse absoluta præscientia incipientis fidei, & prædestinationem ad gloriam præscientia eiusdem fidei vsque ad finem sine speciali gratia perseverantis. Et quia statim obijciebantur paruuli, coniecti sunt in eam absurditatem, vt dicerent ex præscientia meritorum conditionatorum discretos. Similiter cum obijceretur discrimen eorum, quibus proponitur Euangelium; finxisse præscitam conditionatè omnium, quibus non proponitur, futuram obstinationem.

LXVII. Vnde colligitur secundo quæ sit Augustini mens, dum præscientiam quæ à Semipelagianis præponebatur prædestinationi eidem postponit. Concedit enim Augustinus præscitos esse credituros: sed simul probat non fuisse præscitos ex propriis viribus credituros: ac proinde cum fidem præsciuit Deus, donum suum præsciuisse: & quia præscire non potuit donum suum futurum, nisi esset donandi voluntas, quæ prædestinatio quædam est, priusquam ita præsciretur fides, esse prædestinatam: hoc est, priusquam præsciretur absolutè futura fides, conceptam à Deo voluntatem dandi gratiam elicindæ fidei necessariam. Hæc enim fidei prædestinatio Augustino, nihil aliud est, quam gratiæ præparatio. Similiter fatetur præscitam absolutè in fide ac sanctitate perseverantiam electorum, sed simul probat non fuisse præscitam sine speciali beneficio, quo non solum vocati sunt ad fidem & sanctitatem; sed insuper in eo rerum

Augustinus
in contra-
rium, Nec
fidei, nec
perseueran-
tiæ præ-
scientiam
esse sine
prædesti-
natione,
seu gratiæ
præpara-
tione.

ordine dispositi, quò status ille sanctitatis cum morte concurreret. Cum ergo hunc finem præsciuit Deus, suum præsciuisse beneficium: neque tamen illud potuisse præscire, nisi esset benefaciendi voluntas. Ergo posteriorem esse hac voluntate, quæ ipsa quoque prædestinatio dici debet, perseverantiæ præscientiam. Atque ita utramque illam præscientiam incipientis nimirum & perseverantis fidei, quam Semipelagiani rebantur esse priorem prædestinatione, reuera illa posteriorem esse.

Vide cap. 9

16. 17. 18.

19 de præd.

55. & de

bono perf.

cap. 17.

18. 19. 21.

Hunc esse Augustini discursum constat ex totis libris de prædestinatione sanctorum, ac de bono perseverantiæ, ut frustra sit vnum aliquem locum referre, cum tam multa inibi occurrant. Sufficiat vel ipsa conclusio cap. 17.

de bono persever. ; quæ sic habet. Hæc utique dona Dei, quæ dantur electis secundum Dei propositum vocatis, in quibus donis est, & incipere credere, & in fide usque ad vitæ huius terminum perseverare, sicut tanta rationum, atque auctoritatum contestatione probauimus; hæc, inquam, Dei dona, si nulla est prædestinatio, quam defendimus, non præsciuntur à Deo: præsciuntur autem; hæc est igitur prædestinatio, quam defendimus. Quid enim magis connexum, quam ubi supposueris gratiæ præparationem vocandam esse prædestinationem, id quod Augustinus sæpè repetit: & simul etiam probaueris, neque initium fidei, neque illius perseverantiam sine speciali gratia obtineri posse, quod Augustinus quoque probauit; concludere, neque ineuntem fidem, nec perseverantem esse præscitam, si prædestinata non sit? Præsciri enim non potest, si non est futura; futura verò esse nequit, si necessaria gratia non est præparata: præparatam autem esse gratiam ad credendum est fidem esse prædestinatam: Ergo à primo ad vltimum, si non est prædestinatio fidei, non est eius præscientia: & si est eius præscientia est & prædestinatio. Quod verissimum est de præscientia, ut dixi, absoluta. Nam ad conditionatam non magis requiritur ut sit prædestinatio fidei iam, quam ut sit iam voluntas & intellectus illius, cuius fides conditionatè præscitur: & sicut
fatis

fatis est ad illam præscientiam, vt intellectus & voluntas credituri conditionatè, inuoluatur in hypothesi, ex qua præscitur sequutura fides, vt pendens ex Dei libertate, cuius est ponere illam, aut non ponere, cum dicimus, si Deus produceret talem hominem cum illa facultate intelligendi ac volendi in talibus circumstantiis, sequeretur fides; ita satis est si in eadem hypothesi inuoluatur, vt eodem modo pendens ex Dei libertate prædestinatio illa fidei, quæ nihil aliud est, quàm gratiæ præparatio, dicamusque, si Deus daret gratiam tali homini ad credendum necessariam, ille crederet.

LXVIII. Atque ex illa connexionē ac sequela absolutæ præscientiæ ex prædestinatione, factum putat Augustinus, vt nonnunquam præscientia pro prædestinatione sumatur, vt cum dicitur, *Non repulit Deus plebem suam quam præsciuit. Nam hoc, quod ait, præsciuit non rectè intelligitur, inquit Augustinus, nisi prædestinauit.* Quam præ-

scientiam & prædestinationem, si quis putet esse conditionatam, sub altissimo sole cæcutire illum necesse est; quod palam sit, Augustinum præscientiam hanc & prædestinationem confundere cum absoluta saluandorum electione, quam Apostolus vocat, *electionem gratiæ*. Ita enim Augustinus. In hac ergo electione & in his reliquiis, quæ per electionem gratiæ saluæ factæ sunt, voluit intelligi plebem, quam propterea Deus non repulit, quia præsciuit. Hæc est illa electio, quâ eos, quos voluit, elegit in Christo antè constitutionem mundi, vt essent sancti & immaculati in conspectu eius in charitate, prædestinans eos in adoptionem filiorum.

Hoc autem erat totius disputationis caput, Augustinum inter & Semipelagianos. Nam quod illi addebant de præscitis conditionatè morientium paruulorum meritis; Augustinus tametsi refutat, despiciendum tamen magis, quam refutandum putat his verbis, Quamquam vt dixi, hanc opinionem, quâ putantur in morientibus vel mortuis vindicari peccata, quæ præsciti sunt facturi esse si viuerent, etiam refellere pudeat, ne videamur & nos existimasse alicuius esse momenti, quam maluimus disputa-

De bono per-
no per-
seu. c. 10.
De me-
ritis cõ-
ditiona-
tis con-

seque-
ter tantum
disputa-
tum.

Ibid. cap. 9.

Aduersarij
confundūt
absolutam
apud Au-
gustinum
præscien-
tiam cum
conditio-
nata.

Tr. 3. disp.
10. dub. 1.
§. 3. n. 42.

tionem cohibere, quam silentio præterire. Conditionatam etiam præscientiam crediturorum & non crediturorum esse causam cur vnus proponatur Euangelium, aliis non proponatur, exemplo Tyriorum refellit, qui & præsciti sunt conditionatè credituri, & tamen non sunt vocati.

Hæc certè, inquit, *de Tyro & Sidone non possunt dici*. Et quia vtræque illa instantia proposita erat Semipelagianis dicentibus, absolutam præscientiam alicuius meriti nostri causam esse gratiæ, refutatâ etiam vtrâque illorum responsione, inconcussa manet, quæ contra illos erat principalis conclusio, absolutam meriti nostri præscientiam nullam esse, quæ non supponat absolutam gratiæ ad illud necessariæ præparationem, hoc est, prædestinationem.

LXIX. Vnde colligas tertio perpetuâ quadam illusione Aduersarios falli, dum & id quod Semipelagiani passim dicunt de præscientia meritorum, indistinctè interpretantur, de præscientiâ conditionatâ, quæ sit apud illos scientia media, propterea quod ex nullâ prædefinitione sequatur: & quidquid Augustinus in eos contorquet, vt ostendat, nullam esse huiusmodi præscientiam, quæ non sit ex prædestinatione connexa, similiter interpretantur quasi dictum sit ad excludendam scientiam conditionatam à præsentī diuinæ voluntatis decreto independentem: hoc est, ad excludendam scientiam mediam. Hanc verò hallucinationem cernere est in Doctore Collegij Salmanticensis, qui contendit Augustino propositam à Prospero ex sententia Semipelagianorum quæstionem hanc, quam modo discutimus: & postquam repræsentauit locum in quo sit illa propositio, subdit: Vbi, vt vides, expresse sanctus Prosper hanc eandem quæstionem, quam modo discutimus proponit D. Augustino explicandam: an nimirum, propositum seu decretum diuinum & efficax præeat, & sit aliquo modo ratio sciendi futura illa conditionata, ita quod infallibilitas præscientiæ innitatur prædicto proposito seu decreto? An verò contra infallibilitas diuini decreti habeat inniti alicui præscientiæ, quæ ipsum antecedit. Sed vt pateat quàm sit hæc interpretatio à Prosperi mente aliena, subiicienda sunt ciuius

verba quibus Augustinum interrogat in hunc modum. Vtrum præscientia Dei ita secundum propositum maneat, vt ea ipsa quæ sunt proposita, sint accipienda præscita? An per genera causarum & species personarum ista varientur, vt quia diuersæ sunt vocationes, in ijs qui nihil operaturi saluantur, quasi solum Dei propositum videatur existere: in ijs autem qui aliquid boni acturi sunt per præscientiam possit stare propositum? An verò vni-
formiter licet diuidi præscientia à proposito temporali distinctione non possit, præscientia tamen quodam ordine sit subnixa proposito: & sicut nihil sit quorumcumque negotiorum quod non scientia diuina præuenerit; ita nihil sit boni, quod in nostram participationem non Deo auctore defluerit?

LXX. Hic, inquit Doctor Collegij Salmanticensis, S. Prosper *expresse* proponit hanc quæstionem, *An decretum efficax præeat & sit ratio sciendi futura conditionata?* Ego verò non dubito, quin prudens Lector mecum sit facile iudicaturus, hunc Auctorem videre ea quæ non sunt. Quid enim, amabo; reperit in omnibus illis Prosperi verbis, quo *exprimatur* illa quæstio, *an decretum efficax sit ratio sciendi futura conditionata?* An est vllus apex in tota illa Prosperi oratione, quo vel scientia conditionata, vel futurum conditionatum *exprimatur*? Liquet hoc, inquit, ex illis verbis, *Vtrum per præscientiam possit stare propositum.* Atqui ego ex illis maximè contendo liquere contrarium, & illam præscientiam minimè conditionatam esse, sed absolutam. Est enim accipiendum integrum illud quæstionis membrum, An per genera causarum & species personarum ista varientur, vt quia diuersæ sunt vocationes, in ijs qui nihil operaturi saluantur, quasi solum Dei propositum videatur existere: in ijs autem qui aliquid boni acturi sunt per præscientiam possit stare propositum? Vbi manifestum est paruulos in eo distingui ab adultis, quòd in paruulis, videatur esse solum propositum sine præscientia; in adultis, propositum stet per præscientiam. Loquitur ergo euidenter de præscientia quæ non pertinet ad paruulos, vt possit propositum salutis illorum

fulcire, pertinet autem ad adultos. Quænam verò est alia præscientia, quæ non pertineat ad paruulos, & pertineat ad adultos, nisi absoluta? Ergo illam potissimum hic intelligit. Et valdè miror hunc Theologum, qui tam diligenter intuitus est faciem Augustini & Prosperi, *propositum* de quo hic est sermo ita interpretari, vt etiam complectatur decretum scientiæ conditionatæ præuium: cum necesse sit in Augustini doctrina atque etiam Prosperi peregrinari, qui nescit illam vocem in hisce disputationibus ex vsu horum Auctorum ad solos saluandos pertinere: cum decretum scientiæ conditionatæ præuium, si sit vltimum, pertineat etiam ad reprobos. Appono Prosperi verba, quæ superioribus subnectuntur; dum explicandum

„ proponit Augustino; Quemadmodum per hanc prædicationem propositi Dei, quo fideles fiunt, qui præordinati sunt ad vitam æternam, nemo eorum, qui cohortandi sunt, impediatur, &c. Appono & Augustini, ex libro de corrept. & gratia, cuius occasione turbatum

„ est à Semipelagianis. Ita enim loquitur. Eos itaque vult intelligi, vocatos quos, secundum propositum vocauit, ne

„ putentur in ijs esse aliqui vocati & non electi. Quicumque enim electi sine dubio etiam vocati, non autem, quicumque vocati consequenter electi. Illi ergo electi, vt sæpe dictum est, qui secundum propositum vocati, qui etiam prædestinati atque præsciti. Horum si quisquam perit, fallitur Deus, &c. *Iterum*. Nec nos moueat quod filijs suis quibusdam Deus non dat istam perseuerantiam. Absit enim vt ita esset, si de illis prædestinatis essent, & secundum propositum vocatis qui verè sunt filij promissionis.

„ *Iterum*, Ipsi autem, vocati dici possunt non autem electi, quia non secundum propositum vocati. Idem in libro de bono perseuerantiæ, vbi illud. *Non erant ex nobis*, in eos dictum putatur, qui non sunt prædestinati secundum propositum eius qui vniuersa operatur. Eadem habet in libro de prædestinatione SS. cap. 16. 17. 18. & alibi passim, vt sit manifestum *propositum* hoc ad reprobos spectare non posse: atqui spectabit, si quidem sit propositum conditionatè iustificandi & saluandi; poteruntque vel ipsi Tyrij

Cap. 13

Cap. 8.

ad mentem Augustini censerī *prædestinati secundum propositum*, si quidem ad illam quæ creditur fuisse futura ex hypothesi eorum pœnitentiam, *propositum* pertinet de quo loquitur Augustinus; nec aliud restabit quàm vt dicantur etiam filij promissionis.

LXXI. Est igitur Colligenda mens Prosperi ex antea dictis, cum enim Augustino narrasset, Massilienses docere absolutam inchoatæ fidei præscientiam præmittendam esse proposito dandi gratiam; & absolutam eiusdem fidei ac gratiæ vsque in finem perseverantis sine alio speciali beneficio præscientiam, præmittendam esse proposito dandi gloriam; in paruulis verò, qui subesse non possunt absolutæ præscientiæ alicuius meriti, ad præscientiam conditionatam recurrendum; trimembrem proponit quæstionem: cuius prima pars est, An propositum & præscientia ita se habeant, vt in vniuersum alicuius meriti præscientia præcedat propositum, & illa ipsa fides incipiens atque ad finem vsque perseverans, quam propositam Catholici dicent in præparatione gratiæ, præscita potius esset dicenda independenter ab eadem gratia? Hic est sensus prioris membri propositæ quæstionis, quod sic habet. *Tum utrum præscientia Dei ita secundum propositum maneat, vt ea ipsa quæ sunt proposita, sint accipienda præscita?* Altera pars quæstionis est, An sit vtendum distinctione; & quando constat de paruulis nihil potuisse præsciri, nisi quod ineptum est atque inutile ad exhibendum absoluti propositi motiuum; dicendum sit, quod ad paruulos quidem spectat, propositum iustificandi atque saluandi ex nulla meritorum præscientia sequi; in adultis verò de quibus videatur haberi posse idonea fundando proposito meritorum præscientia, nimirum absoluta; sentiendum re ipsa sequi ex tali præscientia propositum: & semper intelligit præscientiam meritorum à gratia independentium. Hic est sensus alterius membri, quod sic habet. An per genera causarum & species personarum ista varientur, & quia diuersæ sunt vocationes, in his qui nihil operaturi saluantur, quasi solum propositum videatur existere: in his autem qui aliquid boni acturi sunt, per

Triplex
quæstio
Augustino
proposita
à Prosperi
& Hilario
eiusque
se-
lutio.

spero, *solum existere*: in adultis verò esse illius præscientiæ causam; quæ est responsio ad tertium interrogationis membrum, eaque affirmatiua. Nihil hîc igitur pro decreto scientiæ conditionatorum præuio.

LXXII. Atque hinc constat, nec P. Ioannem à Sancto Thoma Prosperi mentem assequutum, cum dicit, Quæstionem hanc de Scientia Media in terminis esse ab eo propositam, An scilicet decretum non stet nec infallibiliter operetur, nisi supponendo præscientiam de his quæ futura sunt; an verò ipsa præscientia sit innixa proposito, ita quòd ratione decreti seu propositi sciat Deus, quid vnusquisque factururus sit, & in quolibet ordine rerum quid contingat. Constat, in quam, hos terminos nusquam esse, præter quam in opinione Aduersariorum, ac bona voluntate; ipsosque conditionatam accipere præscientiam, vbi absoluta designatur. Et ideo consequenter etiam falluntur, dum ea quæ dicit Augustinus de necessitate prædestinationis ad præscientiam, de quâ interrogatur à Prospero, de conditionata dictum putant.

LXXIII. Nec quidquam vrgent quæ P. Ioannes à Sancto Thomâ in eum finem adducit: v. g. falsum fore, quod dicit Augustinus, Deum promississe fidem spiritualium Abraham filiorum non *de sua præscientia, sed de suâ prædestinatione*, vt loquitur in libro de prædestin. SS. Certum enim est, Augustinum intelligere ibi fidem absolutè futuram, conditionatam enim non promissit Deus; nec aliud velle, quàm Deum non ita illam promississe, quo modo promittit Astrologus futuram Eclipsim, quam de suâ præscientiâ tantùm promittit, cùm eius, causa penes ipsum non sit: Deus autem qui fidei causam apud se habet, gratiam scilicet, non potest illam promittere nisi de talis causæ præparatione, hoc autem est de suâ prædestinatione illam promittere.

Et inane est, quod hic Auctòr obijcit, si absque prædestinatione præsentì præsciret Deus fidem conditionatè futuram, non promissurum illam de suâ prædestinatione contra Augustinum. Hoc inquam, inane est. Quia Deus non potest illam promittere nisi de eo de quo scit

Disp. 20. q.
13. art. 3. P.
638.

”
”
”
”
”
”
”
”

Loco cit.
pag. 640.

Cap. 10.
Fidem futuram quo-
modo pro-
mittat
Deus.

Non pro-
mittit Deus
fidem de
sua tantum
præscien-
tia.

poterat illud, Deum à credituris hominibus & absolutè & conditionatè eligendum, non homines à Deo. Nobis verò quid illud obest, qui, cùm asseramus neque futuram absolutè fidem sine præparatione gratiæ, quæ iam sit; neque futuram conditionatè sine præparatione, quæ foret: consequenter fateamur, Et futuram absolutè hominum fidem ex electione, quæ iam est; & futuram conditionatè ex electione, quæ foret: atque ita vel electos esse vel eligendos credituros omnes, eo modo quo credituri sunt. Nam quod insuper requirit ad mentem Augustini, vt fateamur esse aliquod auxilium ad liberam credendi voluntatem, quod sit *infallibile atque infructibile*, independenter à consensu nostræ voluntatis etiam sub conditione præuiso; fatebimur esse illud ad mentem Augustini, quando nobis ostensum fuerit non esse contra

Scilicet 6. can.

LXXVI. Denique, Quod dicit hic Auctor, Augustinum reducere omnia ad Dei voluntatem, & tradere generalem regulam; Quod nullum Dei donum seu quod ipso donante sit faciendum, præscitur à Deo vt futurum, nisi sit prædestinatum: Quod nesciat se illa daturum nisi prædestinet, Quod quoties apud aliquos verbi Dei tractatores legimus Dei præscientiam & agitur de vocatione Electorum, debemus in præscientia prædestinationem includere, Eandem habet expositionem: Nempe Augustinum agere de absolutâ futurorum præscientiâ, de quâ etiam potissimum Semipelagiani disputabant: neque aliud velle quàm vt credatur præcedere illam absoluta gratiæ præparatio, quam iidem negabant, vt perspicuum est ex ijs, quæ antea diximus. Neque aliud ex inde sequi, contra Scientiam Mediam, quam Deum non posse præscire bonum vllum conditionatè futurum, quin præsciat sequuturum ex conditione præparationis gratiæ, esseque hanc præparationem necessariam ad præscientiam omnis boni futuri: sed alio & aliomodo; pro vt illud alio atque alio modo futurum est.

Et quod vrget, ex eo quòd conditionatè futurum, fieri possit futurum absolutè, *sola*, vt loquitur, *conditionis puri-*

Bbb

ib. p. 641.
643.
Nullum
Dei donum absolute futurum sine prædestinatione quæ sit: nullum futurum conditionatè sine prædestinatione quæ foret:

ficatione ; sequi, si præsciatur aliquod bonum conditionatè futurum, sine prædestinatione, quæ iam sit, præsciri etiam posse sine illâ futurum absolutè, contra quam Augustinus censeat : hoc, inquam, nihil eum iuuat. Quia, cum conditio, quæ dicitur *purificanda*, sit conditio gratiæ ad bonum futurum necessariæ ; *purificari* conditionem nihil est aliud, quam absolutè decerni gratiam illam, quod est absolutè illam præparari. Ergo implicat esse conditionis *purificationem*, & non esse absolutam gratiæ præparationem, quam solam prædestinationem Augustinus requirit.

Ibid. pag.
642.

Argu-
mentū
conuin-
cens Ad-
uersa-
riorum
iudicio.

LXXVII. Atque ita soluitur argumentum, quod iste Auctor dicit esse *suo videri conuincens*, nostro autem, vti apud illum iacet, informe est, ex inpositis & malè coherentibus membris coagmentatum. Ita enim habet.

» Quidquid Deus se daturum præsciuit, etiam prædestina-
 » uit, Id est, prius decreuit. Si autem non prædestinauit,
 » nec datur à Deo, nec se daturum esse sciuit. Sed ea quæ
 » per Scientiam Mediam Deus cognoscit sunt danda à
 » Deo, si non sint peccata, aut permittenda si sint pecca-
 » ta : Ergo si ea cognoscit sub conditione, cognoscit se ea
 » daturum posita illa conditione : Ergo & prædestinat de-
 » creto suo ; aut illa nescit : Maior est Augustini. Minor
 » constat apud omnes. Amabo te, Amice Lector, nam
 tuum etiam *videri* rogare lubet, hæccine species est ar-
 gumenti *conuincens* ? Sed concinnemus illud & reduca-
 mus in formam legitimam ; Ita erit dicendum. Quidquid
 Deus se daturum præsciuit, etiam prædestinauit : sed præ-
 sciuit se daturum futuram ex hypothesi Tyriorum. v. g.
 poenitentiam. Ergo illam prædestinauit. Maior Augustini
 sit, Minor an *constat apud omnes* ? An apud ipsum etiam
 Augustinum, qui tam disertè negat, *daturum esse Tyrijs ut
 crederent, & undè crederent* ? An dicetur Deus se id datu-
 rum præsciuisse, quod præsciuit se negaturum ? Præsci-
 uit, inquit, Deus se negaturum absolutè, se autem datu-
 rum conditionatè. Ergo, vt ijdem sint in eo syllogismo
 termini debet illud *conditionatè* includi etiam in maiori
 propositione, quæ ita concipienda erit. Quidquid Deus.

se daturum præsciuit, siue absolutè, siue conditionatè, & prædestinavit. Iam verò maior illa est Augustini? Vbi eam scripsit Augustinus? Et quis dubitat, quin, vti simpliciter atque absolutè dicendum est in doctrina Augustini, Deum præsciuisse negaturum se Tyrijs vt crederent, & vnde crederent; Ita simpliciter atque absolutè sit dicendum, Deum non præsciuisse daturum se illis vt crederent & vndè crederent: & consequenter dum dicit, *Quidquid Deus se daturum præsciuit*, de absolutorum præscientia, non de conditionatorum intelligendum? Est verò illud etiam manifestum ex vltima illa regula, quam colligit ex Augustino, cum audimus *præscientiam*, apud tractatores diuini verbi, esse interpretandam *prædestinationem*, quam limitat Augustinus in hunc modum, *Et agitur de vocatione electorum*. Cur enim ita limitat, nisi quia quæcunque de illis præsciri possunt, vocatio, gratia, consensus, merita, perseverantia, & ipsa demum gloria sunt absolutè futura, ideoque absolutè præsciri possunt. In reprobis autem ea omnia conditionatè tantùm futura sunt. Quod si ad ea quæ sunt etiam conditionatè futura, requireretur prædestinatio; quis non videt, id quod Augustinus ad electorum vocationem restringit, ad Tyrios pertinere, aliosque reprobos? Atque hîc iterum interrogo, Amice Lector, *tuum videri*, an non conuincat Augustini limitatio illa, vt dicamus, ex illius mente præsentem prædestinationem requiri tantùm ad eam bonorum præscientiam, quæ absoluta est.

LXXXVIII. Finio Sectionem hanc monendo eadem licentiâ interpretatum esse Auctorem hunc, id quod dixerat Faustus Rhegiensis de absoluta præscientia, quasi dictum esset de conditionata: dum probat Prosperum & Hilarium proposuisse Augustino scientiam mediam, tanquam idoneam rationem conciliandi libertatè cum diuina providentiâ, iudicio Massiliensium; ex illa voce Fausti, qui quamvis posterius vixerit; suorum tamen prædecessorum doctrinam potuit repræsentare. Est autem illa vox, *Nisi præscientia explorauerit, prædestinatio nihil decernit*. Quam vocem P. Ioannes à S. Thoma de scientia media

ibid. pag. 616.

Faustus Rhegiensis de conditionata præscientia perperam intellexit.

dictam sumit. Ego verò intercedo, ac peto, quoniam id iure audeat? cum neque in eo loco, neque ante, neque deinde sit ullum verbum vel de scientia, vel de futuris sub conditione?

§. III.

Tertia Propositio.

LXXIX. **S**emipelagiani credidere destrui libertatem ipsa necessitate diuinæ gratiæ, quocunque tandem modo illa diceretur efficax: & ideo contra necessitatem pugnauere pro tuenda libertate, non contra certum efficaciam modum; quamuis etiam inde impellerentur ad negandam necessitatem.

Probatur primò ex Prospero dum refert, & quid illi noxium crederent libertati in doctrina S. Augustini; & quid de sua reponerent. Dicit ergo *Propositum electionis*,
 „ quale ab Augustino tradi ferebatur, lapsis curam resur-
 „ gendi adimere, & occasionem teporis afferre, eò quòd
 „ in vtramque partem superfluous sit labor, si neque reie-
 „ ctus vllâ industriâ possit intrare, neque electus vllâ negli-
 „ gentiâ possit excidere. Remoueri itaque omnem indu-
 „ striam tollique virtutes, si Dei constitutio humanas præ-
 „ ueniat voluntates, & sub hoc prædestinationis nomine
 „ fatalem quandam induci necessitatem. Vbi vides hoc illis
 „ videri *fatale*, quòd diuina constitutio præueniat huma-
 „ nas voluntates. Quomodo autem nolint præuenire seu
 „ quomodo velint ea conciliari, mox explicat idem Pro-
 „ sper cum dicit, *Propositum* autem vocantis gratiæ in hoc
 „ omnino definiunt; quòd Deus constituerit nullum in re-
 „ gnum suum nisi per sacramentum regenerationis assume-
 „ re, & ad hoc salutis donum omnes homines vniuersaliter,
 „ siue per naturalem siue per scriptam legem, siue per
 „ Euangelij prædicationem vocari; vt & inexcusabiles sint,
 „ qui fideles esse noluerint: quia iustitia Dei in eo sit, vt qui
 „ non crediderint, pereant: bonitas in eo appareat, si
 „ neminem repellat a vita, sed indifferenter vniuersos velit

Semipe-
lagiani
nolunt
Dei cõ-
stitutione
præueniri
hominum
voluntates.

saluos fieri & in agnitionem veritatis venire. Iam hñc ,
 proferunt testimonia , quibus diuinarum scripturarum ,
 cohortatio ad obediendum incitat hominum voluntates :
 qui ex libero arbitrio aut faciant , quæ iubentur , aut ne-
 gligant ; & consequens putant , vt quia præuicator ideo
 dicitur non obedisse quia noluit , fidelis quoq; ob hoc non
 dubitetur fidelis fuisse , quia voluit : ET QVANTVM QVIS-
 QVE AD MALVM , TANTVM HABEAT FACVLTATIS AD BO-
 NVM , PARIQVE MOMENTO ANIMVM SE VEL AD VITIA ,
 VEL AD VIRTVTEM MOVERE , quem bona appetentē Dei ,
 gratia foueat , mala sectantē damnatio iusta suscipiat. Vbi ,
 vides eo illos excludere fatalem , quam timebant , neces-
 sitatem ; quod cū Deus *vnīuersaliter omnes homines* , vo-
 cauerit & *indifferenter* vniuersos voluerit saluos , ipsi ho-
 mines deinde vt concipiant voluntatem acceptandi salu-
 tem oblatam , nullo egeant Dei auxilio , non magis quā
 nullo egent vt concipiant voluntatem illam gratiam res-
 puen di. Hoc enim est *tantum esse facultatis ad bonum ,*
quantum ad malum. Per hoc igitur libertati consulunt ,
 quod suppositā prædicatione liberum arbitrium sit per
 se ac secluso Dei adiutorio potens ad salutis voluntatem ,
 quam postea diuina gratia ita consequatur , sicut damna-
 tio sequitur eiusdem salutis nolitionem. Vnde fit , eos ,
 cū hoc requirerent ad tuendam libertatem : censuisse
 destruendam illam , opposita necessitate auxilij præue-
 nientis & eleuantis voluntatem.

LXXX. Confirmatur ex eo quod deinde subiungit idem
 Prosper , credere illos Ita demum posse vnumquemque
 ad correctionem & ad profectum vocari , si sciat *SVA*
DILIGENTIA BONVM ESSE POSSE , & libertatem suam
 ad hoc Dei auxilio iuuandam , *SI QVOD DEVS IVBET*
ELEGERIT. Ac sic..... Priorem obedientiam esse quā
 gratiam , & initium salutis ex eo qui saluatur , non ex
 eo credendum stare qui saluat : voluntatem hominis di-
 uinæ gratiæ opem parare , non gratiam subijcere sibi vo-
 luntatem.

Putabant illi , id quod verum est , eadem ratione quā
 libertas excluditur , excludi & correctionem , & vice

versa eadem qua fit, vt tempestiua possit esse correctio; fieri, vt seruetur libertas. Ergo cum necessarium putarent ad hoc vt sit correctioni locus, vnumquemque scire, *sua se diligentia bonum esse posse, atque eligere quod Deus iusserit*; & hanc diligentiam seu electionem aut obedientiam esse priorem gratia; quid aliud sequitur, quàm credidisse illos, si non posset esse independenter à gratia præueniente atque adiuuante, electiua illa obediendi voluntas; non fore locum correctioni: atque adeò nec libertati?

Epist. ad Aug. Opus curationis ex gratia quidem esse: sed sanitatis desiderium non pertinere ad opus curationis: atque ad hoc si non sufficiat libertas, nullam esse.

Probat secundò id ipsum ex Hilario, qui refert Semipelagianos dicentes, Excludi omnem prædicandi vigorem, si nihil quod per ipsum exciteretur, remansisset dicatur in hominibus, esseque inuilem illam exhortandi consuetudinem. *Quod quo sensu dictum sit, mox explicat, cum dicit, Esse congruum prædicationi, vt cum prostratis & nunquam suis viribus surrecturis annuntiatur obtinendæ salutis occasio, eo merito quo voluerint & crediderint à suo morbo se posse sanari, & ipsius fidei augmentum, & totius sanitatis consequantur effectum. Nempe ad fidem, quâ quis credit se posse sanari, & ad desiderium, quo cupit sanari, & querit medicum, sufficere sibi putabant liberum arbitrium; adeò vt aliud requirerent nihil, quàm excitationem externæ prædicationis: quod si negaretur, excludi vigorem prædicationis, ac inuilem esse cohortandi consuetudinem, persuasione libertatis extinctæ: egere quidem liberum arbitrium, diuinâ gratiâ, & ad initium & ad progressum curationis; sed ægrotum velle sanari non pertinere ad opus curationis, exigi ergo credendi voluntatem, ab homine lapso, quippe cuius integram retinuerit facultatem; & eius merito salutem offerri, quæ penderet ex gratia & fauore medici: neque negari hanc gratiam si præcedere dicatur voluntas, quæ medicum quærat: de hac fide, quâ quis vult & credit se posse sanari, non posse dici, quid habes, quod non acceperis: esse nimirum illam in plenâ liberi arbitrii potestate, Ad hoc enim esse liberum arbitrium, vt velis vel nolis admittere medicinam, voluntate gratiam præueniente, quasi si hoc non possit liberum amplius non sit, & ideo exclu-*

datnr prædicatio & exhortandi consuetudo sit inutilis. Ex quibus manifestum est, non quæsisse Massilienses at-
temperationem diuinæ gratiæ, aut suauem efficaciam mo-
dum, vt libertatem tuerentur, sed ad hoc necessariam
putauisse independentiam tum fidei, quâ quis credit se
posse sanari; tum voluntatis, quâ quærit medicum.

Probatnr tertio ex Augustino, qui eodem omnino sen-
su accipit, quod Prosper atque Hilarius retulerant, vt
constat ex cap. 12. de prædestinatione SS. cum dicit Se-
mipelagianos, *nisi aliquid sibi assignent, QVOD PRIORES*
DENT, vt retribuatur eis, ab omni studio pietatis reprimi se
putare. Quare enim hoc putabant, nisi quia non videban-
tur sibi liberi, nisi aliquid possent soli ac sine gratia?

Idem con-
stat ex Au-
gustino.

LXXXI. Et hoc probatur quarto. Quia, vt antea di-
ctum est & Aduersarij non disfitentur, eodem modo Phi-
losophabantur Semipelagiani de hac fide ac voluntate
quærendi medicum, quo Pelagiani vel de tota curatione,
vel de illius parte: Atqui Pelagiani non alia de causâ ne-
gabant necessitatem diuinæ gratiæ ad curationem, quàm
quia destrui putabant libertatem, si ea esset, nec posset
voluntas sola & independenter à speciali & interno au-
xilium conualescere: Ergo etiam simili tantum de causâ
crediderint Semipelagiani destrui libertatem incipientis
fidei ac desiderij salutis. Probatnr minor ex Augustino in
Epist. ad Sixtum, vbi de Pelagianis sic loquitur. Quod
enim putant auferri sibi liberum arbitrium, si nec ipsam
bonam voluntatem sine adiutorio Dei hominem habere
consenserint; non intelligunt non se firmare humanum
arbitrium, sed impellere, vt per inania feratur &c. Vide
quid requirant ad humanum arbitrium, non vt gratia
non sit antecederet efficax, sed vt nulla sit: possitque
sine Dei adiutorio esse bona voluntas. Idem in Epist. se-
quenti ad Paulinum, vbi dogma Pelagianorum hoc re-
fert, Non esse liberum arbitrium, si Dei indiget auxilio,
quoniam in propria voluntate habet quisque facere ali-
quid, vel non facere. Quod Pelagius specie tenus dam-
nare coactus est in Concilio Palæstino. Et ideo exigit Au-
gustinus ab eo qui volet similem damnationem vitare, vt

Item ex
sententia
Pelagianor-
um cuius-
partem am-
plexi sunt
Semipela-
giani.

Epist. 105.

fatetur esse liberum arbitrium, etiamsi diuino indiget auxilio.

- Cap. 5.
- „ Monetque ; Ne offendant in lapidem offensionis , velut
 „ argutè defendendo naturam, & liberum arbitrium, quem-
 „ admodum Philosophi huius mundi , qui hoc vehemen-
 „ ter egerunt, vt putarentur vel putarent sibi beatam vi-
 „ tam virtute propriæ voluntatis efficere. Et in Epist. ad
 Vitalem , ideò Pelagianos ait *ita defendere liberum arbi-*
trium, vt oppugnent unde fit liberum, quia non aliam agnosce-
 bant gratiã, quàm externæ prædicationis, quâ positã non
 videbatur illis stare libertas , si quid aliud requireretur.
 LXXXII. Sed est hoc maximè perspicuum ex l. 2. con-
 tra duas Epist. Pelagianorum , vbi Augustinus fusè diluit
 calumniam iniectã in humanos actus fatalis necessitatis,
 eandem quàm Semipelagiani quoque, vt antea retuli, vr-
 gebant. Vide enim quam in re fatum illud constituere-
 „ tur ex Augustini responsione : Nec sub nomine gratiæ fa-
 „ tum asserimus , quia nullis hominum meritis Dei gratiam
 „ diximus antecedi. Si autem quibusdam omnipotentis Dei
 „ voluntatem placet fati nomine nuncupare , profanas qui-
 „ dem verborum nouitates euitamus : sed de verbis con-
 „ tendere non amamus. Nempe hoc erat illis *fatum*, à Dei
 voluntate nostram præueniri, neque posse hanc sine illâ
 præstare aliquid , quo iuari deinde mereretur. Vnde
 „ pergit ; Ex his eorum verbis intellexit , ob hoc illos vel
 „ putare vel putari velle fatum non asserere sub nomine
 „ gratiæ , quia gratiam Dei non secundum merita nostra
 „ dicimus dari : sed secundum ipsius misericordissimam vo-
 „ luntatem , qui dicit , miserebor , &c. *Et iterum*, Verum
 „ hîc se isti satis aperiunt. Cum enim propterea nobis ca-
 „ lumniantur dicentes, nos fatum gratiæ nomine asserere,
 „ re , quia non secundum merita nostra dari dicimus Dei
 „ gratiam ; procul dubio confitentur , quòd ipsam secun-
 „ dum nostra merita dari dicunt. *Et mox*. Itane verò filij
 „ superbiæ , inimici gratiæ Dei O noui hæretici Pelagiani,
 „ quisquis dicet gratiã Dei omnia hominis bona merita præ-
 „ ueniri ; nec gratiam Dei meritis dari , ne non sit *gratia*,
 „ si non gratis datur , sed debita merentibus redditur , fa-
 „ tum vobis videbitur asserere ? *Rursus* , Hîc respondetis
 hanc

hanc ipsam Dei benevolentiam, quâ non merita sequitur, „
 sed bona indebita, gratuita bonitate largitur, fatum po- „
 rius esse dicendum. Vides in his omnibus testimonijs *fieri* „
 suspicionem Pelagianis nequaquam injectam esse; quòd „
 Augustinus prædicaret ineluctabilem quandam volunta- „
 tem, quæ prædefiniret humanas actiones *infructuabili* de- „
 creto, independenter ab omni usu liberi arbitrij etiam „
 sub conditione prouiso; non, inquam, in eo ponebatur „
 fatum illud seu fatalis necessitas, qua putabatur ab illis „
 destrui nostrorum actuum libertas; sed in eo tantum, „
 quod necessarium esse diceretur, vt diuina gratia merita „
 hominum antecederet; & non potius ipsa merita, vi so- „
 lius liberi arbitrij comparata gratiam præuenirent. Et „
 hæc est *amentia illa quam*, inquit, *auertat Deus à nobis, vt* „
in donis eius nos priores faciamus posteriorem ipsum; Itaque „
 deinde interpretatur quod dicebant, Deum non immit- „
 tere studium virtutis reluctanti homini; *Hoc quippe ita* „
dicunt, velut homo à seipso sine adiutorio Dei habeat propo- „
situm bonum, studiumque virtutis, quo merito præcedente dignus „
sit adiuuari Dei gratia consequente. En tibi fatum seu fata- „
 lem necessitatem libero arbitrio exitiosam ex sententiâ „
 Pelagianorum, quod homo non habeat à *seipso sine Dei* „
adiutorio propositum bonum.

LXXXIII. Inde est illud, quod habet Augustinus, hoc „
 ipso in Opere contra duas epistolas Pelagianorum, Tres „
 capitales horum hæreticorum errores ex quintuplici lau- „
 de profluxisse, *Creature, nuptiarum, legis, liberi arbitrij,* „
Sanctorum. Ex eo enim quod nimium laudarent, hoc est, „
 quod nimium benè sentirent de *creatura & nuptiis*, se- „
 quutum, vt negandum sibi crediderint *peccatum originale*: „
 Et ex eo similiter quod *legem & liberum arbitrium* pluris „
 æquo facerent, sequutum, vt dicerent *gratiam non adiu-* „
uare nisi meritum, quasi verò non staret liberum arbit- „
 rium, nisi *meritum* hoc præuium & independents admit- „
 teretur: Ex nimia *Sanctorum* laude sequutum, vt puta- „
 rent viuere illos in hac vita prorsus *immunes ab omni pec-* „
cato.

LXXXIV. Sed & alij, qui contra Pelagianos scripsere

Ccc

Lib 3. & 4:
 A quintu-
 plici laude
 profluxit
 hæresis Pe-
 lagianorū
 ex Augu-
 stino.

Idem erat
 Pelagianis
 esse libe-
 rum arbi-
 trium: &
 sibi suffice-
 re ad bo-
 num.

Ad Calcem
Isenzi 563.

eadem narrant. Hieronymus in epist. ad Ctesiphontem Pelagij discipulum ita loquentem inducit, *Destruitur voluntas quæ alterius ope indiget.* Item lib. 2. aduersus Pelagianos, *Quomodo seruas liberum arbitrium qui dicis hominem nihil posse nisi semper Deus adiueris?* Ita scilicet delirabant, vt hoc negarent posse liberum arbitrium tanquam liberum, quod non posset, solum.

Et in disputatione de Deo Trino & Vno Arnobij Catholici contra Serapionem pro hæreticis disputantem, cum negasset Arnobius sine Dei auxilio *liberum arbitrium effici posse sine peccato, laudem-ve adipisci diuinam*, subdit Serapion, *Ergo non est liberum arbitrium.* Ex quibus omnibus liquidò constare potest, non aliud voluisse Massilienses, dum libertatis iacturam causabantur, quam vt obtinerent liberum arbitrium posse aliquid solum & sine gratia, quod ad salutem conferret.

Cap. 17. de
bono
perse.

Idem
etiam
Semipe-
lagianis
inistum
fidei es-
se donū
Dei &
non esse
liberum,

LXXXV. Probatum secundo, ex eo quod Augustinus de
 „ ipsis Semipelagianis propriè refert. Respondendum pu-
 „ tant prædestinationis definitionem vtilitati prædicatio-
 „ nis aduersari, eo quòd hac audita nemo possit correptioni-
 „ nis stimulis excitari. Hæc dicentes nolunt hominibus
 „ prædicari dona Dei esse, vt veniatur ad fidem & perma-
 „ neatur in fide, ne plus desperatio quàm exhortatio videat-
 „ tur afferre, dum cogitant, qui audiunt, incertum esse
 „ humanæ ignorantie, cui largiatur Deus, cui non largia-
 „ tur hæc dona. Vbi vides nec alterius prædestinationis
 „ confessionem Augustinum ab illis requirere, quàm, quæ
 „ fiat, vt *Dei esse diceretur, venire ad fidem, & in ea permanere,*
 „ quod nemo eorum negat qui fatetur ad illa necessarium
 „ esse donum Dei, quod est gratia supernaturalis & inter-
 „ na: nec illos aliundè putauisse prædicationem impediri
 „ huius doctrinæ persuasionem, quam, quia non videremur
 „ liberi ad ea, quæ nisi donentur, obtineri non possunt,
 „ quod est, nos non esse liberos nisi ad ea quæ possumus soli.
 „ Vrget autem illos Augustinus argumento, vt dicitur, ad
 „ hominem. Cur ergo, *inquit*, & ipsi nobiscum prædicant
 „ dona Dei esse sapientiam & continentiam, quod si hæc,
 „ cum dona Dei esse prædicantur non impeditur hortatio,

quahomines hortamur esse sapien tes & continent es, quæ tandem causa est, vt existiment impediri exhortationem, qua exhortamur homines venire ad fidem, & in ea perma- nere vsque in finem? Quasi diceret illos parum con- sequenter loquutos, dum & libertatem destrui, & exhortationem ad cape ssendam & perpetuò retinendam fidem impediri putant, admissa necessitate præuenientis gratiæ, quam tamen nihil obesse dicunt tum libertati tum exhortationi ad sapientiam & continentiam, cæteramque deinceps sanctitatem; ad quam, vt vidimus, gratiam esse necessariam fatentur. Nullum autem esset hoc argum- tum, si aliud illi negassent necessariò concurrere ad ini- tium fidei, quàm quod necessario concurrere non nega- bant ad sapientiam & continentiam: ad quam non dice- bant concurrere *infrustrabiles* illas atque independentes à Scientia Media prædefinitiones; Vnde neque illas cogi- tauerint, dum dicerent incuntis fidei libertatem diuinæ gratiæ prædestinatione tolli.

LXXXVI. Confirmatur ex eo, quod S. Augustinus eorum opinionem reuinci putat Auctoritate SS. PP. Cy- priani, Ambrosij, & Gregorij Nazianzeni, quorum te- Ibid. cap 19
Damnari
creduntur stimo- Semipe-
lagiani
Aucto-
ritate
SS. PP.
qui so-
lam gra-
tiæ necessi-
tatem præ-
dicant: Er-
go illam
solam ne-
gabant, tã-
quam li-
bertati con-
trariam. nia dicit debere sufficere ad vtrumque, vt gratiam Dei gratuitam, sicut credenda atque prædicanda est, per omnia prædicent; & eorum prædicationem prædicationi, qua hortamur pigros vel corripimus malos, non opinentur aduersam. Ex quibus sic argumentor. Si plus negent Semipelagiani quàm affirmant isti Patres; horum testimonia non possunt sufficere, vt illi conuincan- tur: atqui sufficiunt, vt ait Augustinus; ergo illi non plus negant. Iam verò istorum Patrum testimonia, quæ refert Augustinus, nihil aliud affirmant, quàm ex diuina gratia pendere omnia quæ nos ad salutem iuuant: & hoc neque libertatem impedire, neque prædicationem. Hoc enim tantum dicebat Cyprianus cum diceret; *In nullo glorian- dum quando nostrum nihil est*, Et Ambrosius, cum diceret, *Non esse in potestate nostra cor nostrum & nostras cogitationes*. Et Nazianzenus cum diceret, *Qui dedit credere, dabit & confiteri*. Et tamen isti Patres hortari & corrumpere non desiste-

hoc verbo comprehendit, *gratiam Dei dari secundum merita nostra*, quod non est aliud quàm esse aliquod meritum nostrum, cui gratia necessaria non sit, eò quod sit prius. Quia verò necessaria negabatur illa gratia tum ad initium fidei, tum ad perseverantiam; in hoc priore libro, quem inscribit de prædestinatione Sanctorum, priorem partem suscipit probandam. Vndè dicit, *Prius itaque fides, qua Christiani sumus, donum Dei esse debemus ostendere*: quod non est aliud, quam non haberi fidem etiam inchoatam sine Dei adiutorio & ut dicebant Massilienses, vi solius liberi arbitrij, supposita externa prædicatione. Similiter initio posterioris libri, qui est de bono perseverantiæ, iam, *inquit*, de perseverantia disputandum. Nam & in priore libro cum ageremus de initio fidei, etiam de hac aliqua diximus. Asserimus ergo donum Dei esse perseverantiam, qua usque in finem perseveratur in Christo. Hæc est thesis toto isto libro confirmanda, quæ nihil aliud ad sui veritatem requirit, quàm ut non dicatur perseverare aliquis posse per seipsum ac sine diuinæ gratiæ adiutorio. Atque ita nihil, ut vides, disputandum proponitur vel de diuinæ gratiæ, vel de diuinarum prædestinationum efficacia.

Iam verò librum de prædestinatione Sanctorum ita concludit Augustinus. Multa diximus, & fortasse iamdum potuimus persuadere quæ volumus, & adhuc tam bonis ingenijs sic loquimur quasi obtusis, quibus & quod nimium est non est satis. Sed dent veniam: noua enim quæstio ad hoc nos compulit. quia cum in prioribus opusculis nostris satis idoneis testimonijs egissemus donum Dei esse etiam fidem; inuentum est quod contradiceretur: & ad hoc valere illa testimonia ut ostendam donum Dei esse incrementum fidei: initium vero fidei, quo in Christum creditur, ab homine ipso esse; nec esse donum Dei sed hoc exigere Deum, ut cum id præcesserit, cætera tanquam hoc merito consequantur quæ Dei dona sunt. En tibi nouam quæstionem à Semipelagianis motam; non an dentur Dei decreta omni libero consensu etiam sub conditione futuro priora, quæ inuictæ sint efficaciæ:

sed *an initium fidei ab homine ita sit, ut non sit etiam donum Dei*, quamvis ad promerenda deinde, quæ Dei dona sunt, exigatur. Ad illius quæstionis partem affirmantem comprobendam obijciebant Semipelagiani damnum humanæ libertatis sequuturum, ut vidimus. Subdit verò statim Augustinus, quid ipse in ea quæstione tractanda præstiterit. *Propter quod institimus quantum potuimus, ut etiam ipsum initium fidei donum Dei esse ostenderemus.* Hoc fuit totum Augustini consilium, ut diceretur, etiam ad initium fidei diuina gratia necessaria, nec ideo tamen putaretur amissa libertas. Sed pergit. Quod etsi diutius fecimus, quam
 » vellent hi, propter quos fecimus; hinc ab eis reprehendi
 » parati sumus; dum tamen.... fateantur nos fecisse quod
 » fecimus; id est, etiam initium fidei, sicut continentiam,
 » patientiam, iustitiam pietatem & cætera de quibus cum
 » his nulla contentio est, donum Dei esse docuisse. Hæc,
 tum consilij, tum operis summa est, *initium fidei esse donum Dei*, sicut & continentiam, & cætera, *de quibus cum his nulla contentio est.* Vbi ergo efficacia prædefinitionum à scientiâ mediâ independentium? Et vbi nam gentium inueniuntur illas Semipelagiani admisisse ut *continentiam* & cætera, quæ recenset Augustinus, esse Dei dona faterentur? Quod fit, cum illas non admitterent, Augustinus tamen censet, *nullam esse cum illis super ea re contentionem*; nec aliud requirit, quàm ut quod dicebant de continentia dicant etiam de initio fidei, quæ ratio est cur modo ijs obiiciatur, qui sine huiusmodi prædefinitionibus Philosophantes, contra Semipelagianos contendunt eandem quæ requiritur ad continentiam cæterasque virtutes, ad fidei quoque primordia gratiam requiri?

Similis est conclusio libri de bono perseverantiæ: ita enim loquitur. Sed quid plura? satis docuisse me existimo
 » vel potius plus quàm satis, dona Dei esse, & incipere in
 » Domino credere; quod præstitum est in priore libro de præ-
 » destinatione Sanctorum, & usque in finem in Domino per-
 » manere. Quod in hoc de bono perseverantiæ perfectum est. Cæ-
 » tera verò bona ad vitam piam, quæ Deus rectè colitur
 » pertinentia, etiam ipsi propter quos hæc agimus, donum

Dei esse concedunt. Non ergo id egit, vt Aduersarios adduceret, ad alterius prædestinationis confessionem, quàm illius quâ fiat vt Dei donum esse fateantur, & initium fidei & in ea perseverantiam. Faterentur autem, si necessariam esse ad vtrumque gratiam prædicarent, neque ad ea bona sibi liberum arbitrium sine gratia sufficere dicerent. Ea igitur est prædestinatio, quam Augustinus exigit, quamque cohærere cum prædicatione diuini Verbi ideo contendit, quia cohæret cum libertate arbitrij. Vndè subdit; *Sicut ergo cætera prædicanda sunt, vt, qui ea prædicat, obedienter audiatur; ita prædestinatio prædicanda est, vt qui obedienter audit, non in homine, ac per hoc non in seipso, sed in Domino gloriatur.* Et iterum scopum vniuersi operis disputationis hac summâ colligit; Oremus dilectissimi, Oremus, vt Deus gratiam det etiam inimicis nostris maximeque fratribus ac dilectoribus nostris intelligere & confiteri, post ingentem & ineffabilem ruinam: quâ in vno omnes cecidimus, neminem nisi gratiâ Dei liberari; eamque non secundum merita accipientium tantum, quam debitam reddi, sed tanquam veram gratiam nullis meritis præcedentibus gratis dari. Quibus apertè significat id quod toties inculcamus, non de efficacia sed de necessitate gratiæ controuersiam esse: ac proinde non contra efficaciam, sed contra necessitatem proponi metum illum Massiliensium perituræ libertatis; potestque argumentum hoc secundum in hanc formam componi. Hoc tantum contendit Augustinus ab Aduersariis, quo impetrato causam sibi videtur obtinuisse: Atqui impetratâ confessione necessitatis gratiæ antecedentis initium fidei & perseverantiam, & tandem omne meritum omnemque actum salutarem, videtur sibi causam obtinuisse. Hoc igitur tantum contendit Augustinus ab Aduersariis. Maior per se patet. Minor ex dictis probata est.

LXXXIX. Et Confirmatur ex eo quod dicit Augustinus, dum impugnat Pelagianos abutentes loco illo. *Si volueritis & audieritis me, bona terræ comedetis*, quasi significaretur esse in ipsa voluntate præcedente consequentis meritum gratiæ. Si sic intelligerent, *inquit*, quod dictum

contra
ep. Pelag.
l. 4. cap. 6.

Augu- „ est, si volueritis, ut etiam ipsam bonam voluntatem il-
 stino „ lum præparare confiterentur, de quo scriptum est, præ-
 fufficit „ paratur voluntas à Domino; tanquam Catholici vteren-
 ad con- „ tur hoc testimonio: & non solum hæresim veterem Ma-
 tentionū „ nichæorum vincerent, sed nouam Pelagianorum conte-
 Pelagiū „ rerent. Quid eis prodest, quod in laude liberi arbitrij,
 & scrupulum „ gratiam dicunt adiuuare, vniuscuiusque bonum propo-
 erroris „ situm? Hoc sine scrupulo acciperetur Catholicè dictum,
 omniem „ si non in bono proposito meritum ponerent, cui merito
 eximen- „ iam merces secundum debitum, non secundum gratiam
 dum si „ redderetur: sed intelligerent & confiterentur, etiam ip-
 gratia „ sum bonum propositum, quod consequens adiuuat gra-
 præmit- „ tia, non esse potuisse in homine, si non præcederet gra-
 tatur „ tia. *Et paulò antè, Pelagianam hæresim euerti dicit ab eo*
 bonæ „ *qui fatetur captiuam voluntatem non posse, nisi Dei gra-*
 volun- „ *tia respirare in salubrem libertatem. Ex quibus ita licet*
 ca. 2. ib. „ *argumentari, Qui sic intelligunt id quod dictum est, si*
 „ *volueritis, &c. ut fateantur à Deo præparari bonam illam*
 „ *voluntatem; & qui bonum propositum, quod conse-*
 „ *quens adiuuat gratia, dicunt non potuisse esse in homi-*
 „ *ne, si non præcederet gratia; illi Catholici sunt, & Catho-*
 „ *licè interpretantur scripturam; neque remanet vllus con-*
 „ *trariæ suspicionis scrupulus; & de cætero à Pelagio tanto-*
 „ *pere alieni sunt, ut illum conserant & euertant eius hære-*
 „ *sim, ex Augustino: Atqui Auctores Scientiæ Mediæ,*
 „ *qui negant absolutam diuinarum prædefinitionum effica-*
 „ *ciam ab eâ independentem, non fatentur modò, sed*
 „ *contendunt etiam, illud, si volueritis, ita esse intelligen-*
 „ *dum; ut à Deo dicatur esse præparata illa bona volun-*
 „ *tas; & omne bonum propositum necessariò præcedat*
 „ *gratia interna & supernaturalis: Ergo iidem Auctores ex*
 „ *Augustino, & Catholici sunt: & Catholicè interpretantur*
 „ *scripturam; & sunt Antipelagiani, quippe qui Pelagianum*
 „ *conterunt, eiusque hæresim euertunt: nec vllus restare potest*
 „ *ea de re scrupulus.*

XC. Iam verò quo modo non sunt Pelagiani, dum ita
 sentiunt de quacunque bonâ voluntate bonoque propo-
 sito; ita neque Semipelagiani dummodo idipsum dicant
 de

de voluntate credendi & initio fidei, deque voluntate perseverandi; sed de his id ipsum reuera dicunt: Ergo reuera nullo modo Semipelagiani censendi sunt, sed potius tanquam veri Augustiniani, ita *conterere* illos & *euertere*, vt sint nimium *scrupulosi*, qui ea de re dubitant: Atqui sic sentire & dicere nihil est aliud, quàm admittere necessitatem internæ gratiæ præcedentis omnem bonam voluntatem bonumve propositum & respirationem in salubrem libertatem: Ergo nihil aliud requirit Augustinus, quàm hoc: Ergo illi satis facient Semipelagiani desinentque hoc esse quod dicuntur, si talem necessitatem fateantur non impedire arbitrij libertatem; seu si dicant, non maiorem esse requirendam libertatem, quàm quæ possit cum illâ necessitate conciliari.

XCI. Probatur Tertio ex epistolâ Prosperi ad Augustinum. Postquam enim fusè disseruit de doctrina Massiliensium, quidquid in ea vitiosum videbatur, quod optat ab Augustino refutari, paucis hisce verbis contrahit. Vndè quia in istis Pelagianæ prauitatis reliquiis non mediocris virulentæ fibra nutritur, si principium salutis malè in homine collocatur: si diuinæ voluntati impidi voluntas humana præfertur, vt idè quis adiuuetur, quia voluit, non idè, quia adiuuatur velit: si originaliter malus acceptionem boni non à summo bono sed à semetipso inchoare malè creditur: si aliunde Deo placetur, nisi ex eo quod ipse donauerit; tribue nobis in hac causâ Papa Beatissime, Pater Optime, quantum donante Domino potes, diligentiam pietatis tuæ obsecro, vt quæ in istis quæstionibus obscuriora & ad percipiendum difficiliora sunt, lucidissimis expositionibus digneris aperire. En quo reducat Prosper omnes fibras virulentæ Semipelagianorum; eò scilicet vnde possunt vno verbo stirpitus eradicari, si dicatur, nihil in nobis esse boni, quod pertineat ad salutem, independens à speciali atque interno, & prorsus indebito Dei beneficio; Quicumque hoc confitetur, non ponit in homine salutis principium, non præfert diuinæ voluntati voluntatem humanam, non inchoat à semetipso boni receptionem, nec aliunde se Deo pla-

„ Omnes
„ fibræ
„ Semipe-
„ lagia-
„ nilmi
„ „ vna gra-
„ tiæ ne-
„ cessitate
„ conuel-
„ luntur.

cere putat, quàm ex eo quod ille donauerit; hoc autem est tantum fateri diuinæ gratiæ necessitatem: Ergo hoc tantum est cui ne Massilienses liberum arbitrium opponant, postulatur à Prospero, & perficitur ab Augustino. Nec aliò pertinent earum quæstionum capita, quas Prosper Augustino pertractandas proponit ad euellendas illas fibras; postquam enim hoc petiit, vt ostendat non esse arbitrariam hanc doctrinam, sed *violari Christianam fidem hac dissensione*, exponi cupit, quomodo per istam *præoperantem & cooperantem* gratiam liberum non impediatur arbitriū, quod nihil aliud est, quàm quomodo non desinat esse liberum, etiamsi hac gratia & præueniri & adiuuari necesse sit, tum de ordine inter præscientiam & propositum, ea petit, quæ paulò antè sunt explicata, nec aliud continent, quàm vt definiatur, sitne aliqua præscientia meritòrum à diuina gratia independentium, quæ præcedat propositum gratiæ consequentis, vel, vtrum, quoad hoc, sit distinguendum inter adultos & paruulos; vel vtrum non tantum in paruulis sit admittendum propositum independentens ab omni meritòrum præscientia, sed in adultis quoque illa ipsa præscientia meritòrum, quæ in illis negari non posset, sit posterior & dependens ex proposito. Et hæc omnia in vno eodemque puncto versantur, an scilicet gratia necessaria præcedat omne meritum, siquidem illud propositum non est aliud, quàm propositum gratiæ. Hæc igitur necessitas sola est, quam & excutere Massilienses volunt, vt libertas saluetur; & Augustinus cum eadem libertate retinere conatur. Atque hinc colligi potest aliud argumentum, quò superior propositio.

Non violarent fidem Semipelagiani si aliud velent.

De bono persequi, c. 18

Probatur Quarto. Ex eo quod Prosper statim atque dixit, ista *dissensione violari fidem*, proponit tanquam primum huius dissensionis caput ab Augustino tractandum. *Quomodo per istam præoperantem & cooperantem gratiam liberum non impediatur arbitrium*: ac proinde in eo dissentientes, quod crederent impediri libertatem per gratiam *præoperantem & cooperantem*, violare fidem putat. Neque repugnat Augustinus: eò enim pertinet, quod dicit,

Hoc scio, neminem contra istam prædestinationem, quam secundum scripturas sanctas defendimus, nisi errando disputare posse. Loquitur autem de illa prædestinatione, de quâ egit paulò antè cum diceret, Ego autem nolo exaggerare meis verbis, sed illis cogitandum potius relinquo, ut videant quale sit, quod sibi persuaferunt; prædicatione prædestinationis audientibus plus desperationis, quàm exhortationis afferri; hoc est, loquitur de illa qua Massilienses dicebant destrui libertatem. Ergo modus quo volebant Semipelagiani defendere libertatem illo reiecto, quem Augustinus proponebat, *fidem violat*, ut loquitur Prosper, & ut fatetur Augustinus, est *erroneus*. Vnde sic argumentor. Modus saluandæ libertatis, qui non tollit necessitatem diuinæ gratiæ internæ ac supernaturalis; non violat fidem, nec est erroneus: modus saluandæ libertatis qui negat efficaciam diuinorum decretorum antecedentem illam & independentem à scientia media, non tollit necessitatem diuinæ gratiæ internæ ac supernaturalis. Ergo hic modus non est erroneus, nec violat fidem. Maior patet ex Augustino, qui ut paulò antè retulimus, *sine scrupulo* & dici & esse catholicum illum censeret, Pelagioque contrarium, qui concedit omnem bonam voluntatem, quæ conducit ad salutem præparatione gratiæ præuentam esse à Deo atque adiutam. Minor constat apertâ confessione eorum, qui sic philosophantur. Quamuis enim efficaciam illam negent; contendunt tamen necessariam esse internam ac supernaturalem gratiam ad omnem voluntatis motum, qui positiuè conducit ad salutem. Neque dissentiunt Aduersarij aut dissentire possunt ab hac tota argumentatione; cum dicant, Semipelagianos eatenus non esse philosophatos *hæreticè*, dum scilicet scientiam mediam astruerent eaque vterentur, ut ipsi putant in concilianda diuinorum decretorum efficaciam cum arbitrij libertate. Ita enim loquentem audiuius Doctorem Salmanticensem. Et P. Ioannes à S. Thomâ clarè distinguit abusum erroneum scientiæ mediæ ab alijs effectibus, ad quos ea vtebantur Semipelagiani, quorum vnus erat conciliare arbitrij libertatem cum

Cap. 17.
Et cap.
19. No-
merant,
inquit,
Antiqui
tracta-
tores
diuino-
rum clo-
quiorum,
prædestina-
tione. *quam
per apostolos
prædicatam
contra nouos
hæreticos ope-
rosius dila-
gentiusque
defendimus.*

Dispe 20.
quæst. 41.
art. 3. p. 636.

efficacia diuinorum decretorum, qua distinctione satis significat, posteriorem hunc vsum non fuisse erroneum; » appono illius verba, quæ sic habent. Ergo non est dubi- » tandum fuisse sancto Augustino propositam scientiam » mediam non solum cum eo abusu & errore, quo Massi- » lienses illam admittebant. Vnus autem ex effectibus, ad » quos illam admittebant, erat, vt hoc modo conciliarent » libertatē nostram cum diuina voluntate & prædestinatio- » ne seu electione Dei. Deinde verò &c. Similē distinctionē abusus erronei à non erroneo repetit deinde, ac modum illum seruandæ libertatis ponit sub non erroneo. Vnde patet approbari ab his Auctoribus syllogismi proximè positi conclusionem. Quā resumptā sic iterum argumentor. Modus seruandi libertatem arbitrij, quo negatur absoluta efficacia diuinorum decretorum independens à scientia media, nec violat fidem nec erroneus esse potest, vt iam ostensum est: Modus quo utebantur Semipelagiani, & quem impugnat Augustinus & violat fidem & est erroneus, vt etiam demonstratum est ex Prospero & Augustino: Ergo modus seruandi libertatem arbitrij, quo negatur diuinorum decretorum efficacia illa, nec est ille quo utebantur Semipelagiani, nec ille quem S. Augustinus impugnat. Restat ergo, vt errauerint tantum & ab Augustino impugnati sint, quia non solum efficaciam illam negabant, sed absolute decretum omne gratuitum antecedens, quo diuinum auxilium ad bonam voluntatem necessarium præparetur.

Admissa
gratia ne-
cessitate se-
quitur &
initium fi-
dei & per-
seuerantiā
esse dona
Dei & gra-
tiam non
dari secun-
dum meri-
ta, quod
August. no-
tantum
sufficit.

XCII. Quintò Probatur Quia prædestinatio pro qua pugnat Augustinus contra Massilienses, & consequenter quam contendit esse conciliandam cum nostrā libertate, non est alia quàm quæ infertur necessario ex eo quod initium fidei & perseuerantia vsque in finem sit donum Dei, & quod gratia non detur secundum merita. Atqui prædestinatio quæ exinde necessario infertur, non est efficax illa & independens à directione scientiæ mediæ: Ergo prædestinatio pro qua pugnat Augustinus contra Massilienses, & quam contendit esse conciliandam cum libertate nostra, non est illa quæ fingitur efficax & inde-

pendens à scientia media. Ergo hæc controuersia in eo minime sita est, quod negetur aut affirmetur illa efficacia & independentia. Vtraque consequentia clara est. Minor patet. Qui enim negant prædestinationem esse aliter efficacem, quam quia supponit scientiam mediam, adhuc fatentur & donum Dei esse initium fidei, & specialem gratiam esse ad perseuerandum necessariam, & gratiam non dari secundum merita nostra. Et ideo Aduersarij concedunt non esse erroneam doctrinam illam, cum sentiant erroneam hanc, quæ docet horum aliquid, nempe dari gratiam secundum merita, initium fidei ex nobis esse, nullum esse perseuerantiæ donum. Vnde sequitur non esse necessariam consequentiā, ex eo quod negetur gratia dari secundum merita, vel fidem aut perseuerantiam ex nobis esse, ad affirmandum illum prædestinationis modum: aut viceuersa ex eo quod ille prædestinationis modus negetur, ad affirmandum aliquid horum. Superest ergo vt maior ex Augustino proberetur: nempe necessariam esse consequentiam illius prædestinationis pro qua pugnat, & quam contendit esse cum libertate conciliandam, ex eo quod negetur gratia dari secundum merita, vel initium fidei aut perseuerantiam ex nobis esse: neque relinqui aliquid medium, in quo ita possit stare, qui ab vno recedit, vt non incidat in aliud. Sunt autem luculentissima huiusce rei testimonia in libro de bono perseu. Nam cap. 16. ita loquitur Augustinus. Aut sic prædestinatio prædicanda est, quemadmodum sancta scriptura euidenter loquitur, vt in prædestinatis sine poenitentia sint dona & vocatio Dei: aut gratiam Dei secundum nostra dari merita confitendum, quod sapiunt Pelagiani. En vt immediatè opponit *gratiam Dei dari secundum merita* prædestinationis modo pro quo pugnat.

Idem cap. sequenti dum impugnat, quod dicebant Massilienses, supposito semel initio fidei, quod à nobis est, necessariam esse gratiam ad cætera. Cur ad ipsa cætera, inquit, exhortationem eorum cæterorumque prædicationem definitione prædestinationis non metuunt impediri? An forte nec ipsa dicuntur prædestinata? Ergo

- „ nec dantur à Deo, aut ea se daturum esse nesciuit. Quòd
 „ si & dantur, & ea se daturum esse præsciuit; profectò
 „ prædestinavit. *Et Paulò post, Videant, inquit, impe-*
 „ *diri potius atque subverti hac prædestinationis definitio-*
 „ *ne illum tantummodo errorem, quo dicitur gratia Dei*
 „ *secundum merita nostra dari, vt qui gloriatur non in*
 „ *Domino, sed in seipso gloriatur. En vt pro illa solùm*
 „ *prædestinatione pugnat, quæ illum tantummodo erro-*
 „ *rem impedit, quò gratia dicitur dari secundùm merita*
 „ *nostra. Idem cap. 20. sub finem. Quid autem coegit loca*
 „ *scripturarum quibus prædestinatio commendata est, co-*
 „ *piosius & enucleatius isto nostro labore defendi, nisi*
 „ *quod Pelagiani dicunt gratiam Dei secundum merita*
 „ *nostra dari? Ad hoc igitur tantùm adstruitur prædestina-*
 „ *tio, vt gratia non detur secundùm merita.*
 „ Idem cap. 21. Si autem vtrumque Dei donum est, *ini-*
 „ *tium fidei, & perseverantia, & hæc Deus dona sua, (quod*
 „ *negare quis potest?) daturum se esse præsciuit, præde-*
 „ *stinatio prædicanda est, vt possit vera Dei gratia, hoc est,*
 „ *quæ non secundùm merita nostra datur, insuperabili*
 „ *monitione defendi.*
 „ Et cap. 23. sub finem. Quæ bona si semper oravit, sem-
 „ per ea Dei dona esse vtrique credidit; nec ab illo semper
 „ cognita vnquam ei negare fas fuit. Ac per hoc prædesti-
 „ nationis huius fidem, quæ contra novos hæreticos nouâ
 „ sollicitudine nunc defenditur, nunquam Ecclesia Christi
 „ non habuit.
 „ Et cap. 24. Et illum ergo, *Dominum Iesum, & nos*
 „ *prædestinavit; quia in illo vt esset caput nostrum, & in*
 „ *nobis, vt eius corpus essemus, non præcessura merita no-*
 „ *stra: sed opera sua futura præsciuit.*
 „ Hac facit quod habet Prosper in epistola ad Augusti-
 „ num, Massilienses sibi persuasisse negandam gratiam ad
 „ initium fidei &c. Quia, *inquit, si profiteantur ab ea om-*
 „ *nia bona merita præueniri, & ab ipsa vt possint esse do-*
 „ *nari, necessitate concederent, Deum secundùm propo-*
 „ *situm ac consilium voluntatis suæ aliud vas condere in*
 „ *honorem, aliud in contumeliam, quia nemo nisi per gra-*

tiam iustificetur, & nemo nisi in præuicatione nascatur. Sed refugiunt istud fateri, diuinoque adscribere, operi sanctorum merita formidant. *Subdit vero huius dem-
æ formidinis causam*, ne superflua sit industria ac laboris, indictio, cuius studium cessante electione frustrandum sit. Nempe hoc in illo Dei proposito illis tantum displicet, non quod sit ante vel post scientiam conditionatam futuri consensus, sed quod falsò putent electionem voluntatis cessare, si operi diuino ascribenda sit, hoc est, si sit dependens à gratuita Dei voluntate. Ergo voluntas independentem omnino esse hanc electionem à diuino proposito: & in tantum negandam gratiæ necessitatem, in quantum vident eam concessam necessariam esse consequentiam ad hoc *propositum*. Atque ita nec aliud *propositum* timent, quam illud, ad quod affirmandum est necessaria consequentia ex confessione gratiæ: nec aliā de causā illud timent, quam quod putent, electionem nostram, vt sit libera, debere esse ab illo independentem: Ergò neque Augustinus aliud propositum defenderit quam illud, quod est necessariò connexum cum gratiæ necessitate.

Ex quibus omnibus manifestissimum est, non pro aliā prædestinatione Augustinum pugnare, quam pro ea, quā excludatur error ille, quo dicitur Dei gratia secundum merita dari: & initium fidei ac perseuerantiam ex nobis esse: adeò vt sit mutua & necessaria sequela ab vnus istorum positione ad destructionem alterius, & quod inde consequens est, ipsum, non pro modo efficaciz, sed pro necessitate diuinæ gratiæ cum libertate arbitrij conciliandā disputasse contra Massilienses, quod erat probandum.

XCIII. Nec refert, quod Augustinus in hac disputatione interdum designat infallibilitatem diuinæ gratiæ in eliciendo consensu voluntatis. Aliud enim est, insinuare aliquid ex occasione, & aliud de eo ex professo disputare cum Aduersario, id quod ego nego fecisse Augustinum. Quemadmodum etiam nihil refert, quòd Massilienses interdum videantur illam infallibilitatem timere, quia ex dictis satis constat, non alia de causa timuisse, quam quia

Massilienses libertati metuebant ab infallibilitate gratiæ atque ab omni decreto antecedenti quocumque

tandem
modo ex-
plicaren-
tur.

crederent perdi libertatem nisi voluntas nostra prior at-
que independenter ab omni prævio decreto eligeret in-
ter bonum & malum. Quasi dicerem, , cum fieri non pos-
sit, quin gratia, quâ rectè viuitur & aliquod meritum
comparatur, quodammodo sit & infallibilis & efficax;
Massilienses nunquam disputasse cum Augustino, neque
Augustinum cum Massiliensibus de modo infallibilitatis
illius & efficaciz; sed tantum de necessitate: quod illi di-
cerent destrui libertatem, si voluntas non eligeret ipsa
sola, sed egeret antecedente gratiâ, & consequenter
supponeret antecedens decretum, quocunque tandem
modo illud esset & efficax & infallibile. Et hoc dico iam
satis probatum esse.

Nulli semi-
pelagianorum admit-
tebant in-
ternâ gra-
tiæ auxiliū
ad ini-
tium fi-
dei: & si
qui ad-
mitteret
iam non
semipe-
lagiani.

XCIV. Dices, Semipelagianos maximam partem ad-
misisse internam atque indebitam gratiam ad initium fi-
dei necessariam: Ergo cum illis non fuisse disputandum
de gratiæ necessitate, sed de efficacia. Antecedens parer
ex Epistola Prosperi, dum dicit, Quidam vero horum in-
tantum à Pelagianis semitis non declinant, ut cum ad
confitendam eam Christi gratiam, quæ omnia præueniat
merita humana cogantur, ne si meritis redditur, frustra
gratia nominetur, ad conditionem hanc velint vniuf-
cuiusque hominis pertinere, in qua eum nihil prius me-
rentem, quia nec existentem, liberi arbitrij & rationalis
gratia creatoris instituat. Significat enim Prosper, his
verbis complures ex Massiliensibus non fuisse contentos
gratiâ creationis, cum dicat *quosdam* tantum ad eam con-
fugisse: Ergo complures illi, qui non erant gratiâ crea-
tionis contenti, admiserint indebitam aliam atque inter-
nam gratiam ad initium fidei necessariam. Ergo cum illis
disputandum fuerit de efficacia gratiæ, non de necessita-
te, quippe quam non negarent. & Prosperum nihil
aliud velle, quam Massiliensium aliquos adeo non neces-
sisse à semitis Pelagianorum, ut eorum loquendi modum
imitarentur, & eodem quo illi æquiuioco luderent. Cum
enim ex vsu Scripturæ & Ecclesiasticorum Scriptorum
gratia contra naturam distinguatur, dum vrgeretur Pela-
gius, gratiam admittere se dicebat, non eo sensu, quo
illa

illa contra naturam distinguitur, sed eo, quo etiam ad naturalia beneficia extendi potest: vnde fiebat tandem, vt perstaret in sententia illa sua praua, nullam esse gratiam naturæ superadditam, & ad salutem necessariam. Cùm ergo istorum Massiliensium aliqui, eodem vterentur æquiuioco, eademque fraude eis illuderent, qui elicere conabantur confessionem gratiæ ad initium fidei & omnem bonam voluntatem necessariæ: fuit cur Prosper diceret illos in tantùm non recessisse à semitis Pelagianis: vt ostenderet alios sincerius loquutos, qui absolute fateantur desiderium gratiæ, non esse ex gratia, quemadmodum desiderium sanitatis non est ex medico, aut pharmaco sanante, vt ex eorum sententiâ Hilarius refert. Quod si contendas fuisse aliquos, aut etiam complures, qui necessitatem admitterent interni atque indebiti auxilij, etiam ad primam credendi voluntatem (quod minimè sequitur ex allatis Prosperi verbis) contendo ego illos ex eo præcisè capite nullo modo fuisse Pelagianos, atque adeo nec Semipelagianos, sed quoad hoc *Catholicos* & *Catholicè* loquutos, atque hoc esse prædicandum *sine aliquo scrupulo* vt monet Augustinus, Qui propterea minimè censendus est cum illis disputasse de concordia liberi arbitrij cum illa eorum sententia, quòd constet ex omnibus duorum librorum paginis, quos hac de controuersia scripsit, impugnare illum tantùm eam sententiam, quæ meritum præcedens gratiam, & humanam voluntatem diuinâ priorem admittit, & Prosper ipse, vt vidimus, eò redegit, quidquid in sententia istorum Massiliensium improbabat.

§. V.

Quinta Propositio.

XC V. **S**emipelagiani nunquam adhibuerunt doctrinam de scientiâ mediâ in vsum conciliandi efficaciam diuinarum prædefinitionum cum libertate actionum prædefinitarum. Hæc propositio probatur tribus argumentis.

Ecc

Semipelagi-
ani gra-
uitam in-
euntis fidei
prædefini-
tionē nul-
lam agno-
uerunt.

Ex Philo-
sopho cap.
3. l. 1. po-
ster.

Primum est. Quia qui laborat ut inueniat rationem, quâ Dei prædefinitio concilietur cum libertate arbitrij, eo ipso supponit esse talem prædefinitionem: Atqui Massilienses numquam supposuerunt esse Dei prædefinitionem respectu actuum, de quorum libertate solliciti erant: Ergo Massilienses numquam laborarunt, ut cum illa conciliarent libertatem arbitrij, respectu actuum huiusmodi: Ergo neque in eum finem adhibuerunt vnquam doctrinam de Scientiâ Mediâ. Maior patet. Manifestum enim est consilium illud componendi prædefinitionem, quæ non est, cum libertate arbitrij, esse ut loquuntur de subiecto non supponente; atque idèò esse ridiculum, non secus ac esset ridiculum studium, quo aliquis puraret ineundam amicitiam cum homine, qui neque natus neque nasciturus est vnquam. Et in omni disceptatione quæri primum solet de eo de quo disputatur, an sit, ut eo supposito deinde inquiratur, qualiter se habeat. Neque vel ille ferendus esset, qui cum negaret esse hominem in foro, contenderet tamen aulcedum esse potius quam citharædum: vel ille sapienter facere censendus, qui cum ad eò absurdo capite disputaret. Non igitur laborauerunt Massilienses, ut prædefinitiones, quas esse negabant, ostenderent, quomodo essent cum libertate conciliandæ. Neque Augustinus cum illis eâ de re contenderit, quippe cum potius crederent illis negatis saluam esse libertatem, quæ est minor propositi syllogismi. Nempe, Massilienses nunquam supposuisse huiusmodi prædefinitiones dari, præsertim respectu voluntatis credendi & perseuerandi, de cuius libertate potissimum erant solliciti. Id quod est clarum ex iam dictis, quibus constat nec gratiam illos, nec gratuitum propositum admisisse, quod esset præuium illi voluntati, sed potius e contrario voluntatem præposuisse, tum gratiæ illi, tum proposito, uti mox amplius explicabitur.

XCVI. Secundum argumentum est, Quia duo sunt genera liberarum operationum, cum quibus fingere possumus conciliandas fuisse à Massiliensibus prædefinitiones diuinas. Vnum continet eas actiones, quibus sanctifican-

tur iusti, exercitium videlicet continentiae, sapientiae, &c. Et iam audiuius ex Augustino, quod attinet ad hoc genus inculpatam esse illorum doctrinam, nec esse locum ulli contentioni: vnde si concedant Aduersarij per scientiam mediam saluasse illos harum operationum libertatem; consequenter concedent idoneam esse atque ad mentem Augustini rationem illam libertatis tuendae, quod tamen ipsi magnopere refugunt.

Supereſt ergo genus alterum, quod continet primos voluntatis conatus ad salutem quaerendam, cuiusmodi esse potest aliquis timor damnationis, aliquod desiderium salutis, credendi voluntas &c. quarum ego libertatem nego conciliatam esse vnquam à Semipelagianis cum praedestinatione per vsum scientiae mediae. Designo enim vnam v. g. voluntatem credendi, & interrogo Aduersarios, an velint Massilienses confessos gratiam ad huiusmodi voluntatem necessariam nec-ne? si renuant, cum negata gratia stare non possit gratuita praedestinatio, consequens est, vt qui gratiam negauere, negauerint etiam gratuitam praedestinationem, tantum abest, vt illam cum praedicta voluntate conciliare voluerint: si annuant; nimis sunt propitij Massiliensibus; & Augustinum cum Prospero atque Hilario accusatorem iniquum mendacemque faciunt. Probatur sequela. Quia qui docet liberum arbitrium non habere aliquid nisi eleuatum à gratia & adiutum, docet non habere illud à se, nec sine Deo gratis adiuuante: & consequenter docet, non posse praesciri habiturum illud à se, sed praecipue etiam à Deo ita eleuante atque adiuuante: sed per te Massilienses docebant liberum arbitrium non habere voluntatem credendi nisi eleuatum & adiutum à gratia indebita & interna, de illa enim loquimur: Ergo docebant liberum arbitrium non habere illam voluntatem à se, nec sine Deo ita eleuante atque adiuuante: Et consequenter nec praesciri habiturum illam à se, sed praecipue etiam à Deo: Ergo si quis eis contrarium exprobrauerit, calumnia fuit. Atqui contrarium exprobrauit Augustinus: Ergo si non falluntur Aduersarij, calumniose ille disputauit cum Massi-

Si Massilienses admississent gratuitam praedestinationem fidei incipientis admississent & gratiam ad eandem fidem necessariam: & essent falsè accusati à Prospero & Hilario.

Cap. 18.

Ecc ij

404. DISP. III. THEOL. SALMANTICENSIS
 liensibus. Probo subsumptum. Ex libro de prædest. SS.
 vbi Augustinus inducit Semipelagianos loquentes, ac se-
 „ ipsos à Pelagianis distinguentes. Ipsi enim putant, *inquit*,
 „ acceptis præceptis iam per nos ipsos fieri liberæ volunta-
 „ tis arbitrio sanctos & immaculatos in conspectu eius in
 „ charitate; quod futurum Deus quoniam præsciuit, in-
 „ quunt; ideo nos antè mundi constitutionem elegit.....
 „ Nos autem dicimus nostrum Deum non præscisse nisi fi-
 „ dem, quâ credere incipimus & ideo nos elegisse antè
 „ mundi constitutionem, ac prædestinasse, ut iam sancti
 „ gratiâ atque opere eius essemus. Vbi vides apertè, ita se
 Massilienses à Pelagianis discernere apud Augustinum,
 quod Massilienses de sola fide incipiente id dicerent,
 quod Pelagiani etiam ad sanctitatem extendebant, nem-
 pe illam præcisci esse à nobis, aliâ nullâ gratiâ præsuppo-
 sitâ, quàm *propositione præceptorum*, seu doctrinæ creden-
 dæ. Et eodem spectat, quod dicit in libro de corrept. &
 gratiâ. De filiis promissionis. *Neque enim propterea eos pro-*
misit Abraham, quia præsciuit à seipsis bonos futuros. Quæ ni-
 mirum erat doctrina Semipelagianismi tunc nascentis in
 Affrica, qui postea Massiliæ finitimisque in locis adole-
 „ uit. Item in libro de bono perseu. Quid autem verius,
 „ quàm præscisse Christum, qui & quando, & quibus in
 „ locis in eum fuerant credituri, sed utrum prædicato sibi
 „ Christo, à seipsis habituri essent fidem, *quod dicunt Semi-*
 „ *pelagiani* an Deo donante sumpturi, *ut orthodoxa doctrina*
 „ *fert*, hoc est, utrum tantummodo eos præscierit, an præ-
 „ destinauerit Deus, quærere ac differere tunc necessa-
 „ rium non putavi. Idem apertè significat Prosper cum
 refert eos docentes *præscisse Deum fidem*, quæ deinceps sit
 iuuanda *per gratiam*; hoc enim est gratiam apud illos &
 fide, & fidei præscientiâ fuisse posteriorem. Et ideo dicit,
voluisse illos gratiam esse humanorum meritum præmium.
 Item & Hilarius; dum refert Semipelagianos approban-
 tes illud, quod olim dixerat Augustinus re ista nondum
 bene disculsâ, *Deum non eligere in præscientia opera, quæ*
ipse donaturus est, sed fidem eligere in præscientia, nempe
 quia, ut illi quidem putabant, Deus non erat donaturus

fidem sicuti erat donaturus opera : vnde subdit postea *de hac fide* iuxta doctrinam illam non posse dici, quid habes quod non accepisti. Ex quibus omnibus & plerisque alijs, quæ retulimus supra in probatione secundæ propositionis, euidenter constat, exprobratum fuisse Massiliensibus, quòd dicerent præscientiam inchoatæ fidei, quâ abutebantur, esse præscientiam fidei à diuina gratia independentis, & à libero arbitrio solo, ac Deo specialiter non adiuuante, productæ. Quæ, vt dixi, exprobratio falsa, atque adeò iniqua fuisse negari non potest, ab eo qui fatetur existimasse illos præscitam fidem, vt elicendam Deo eleuante ac iuuante liberum arbitrium interno atque indebito auxilio.

XCVII. Confirmatur, quia constat Semipelagianos errasse potissimum circa duo ista, nempe circa fidei principium & circa illius, atque etiam totius sanctitatis & gratiæ perseuerantiam : hoc enim patet, non solum ex Prospero & Hilario, sed ex omnibus paginis duorum librorum Augustini de prædestinatione SS. & de bono perseu. quibus etiam illi duo errores argumentum suppeditarunt. Atqui si de fidei principio ita sunt Philosophati, quemadmodum placet Aduersarijs, non fuerit erronea doctrina. Ea enim sententia, quæ docet, præscire Deum, si talis gratia tali homini detur illum crediturum, & ex illa præscientia prædefinire illius fidem illa sola libertate, errore vacat, ipsis etiam consentientibus, vt paulò antè ostensum est. Quis ergò fuerit, quoad hoc præcisè Massiliensium error? Credebant, inquis, in illa fide ita præscita esse meritum gratiæ ac prædefinitionis ad ipsum necessariæ. Atqui & Prosper & Hilarius & Augustinus contrarium potius significant, quando perpetuò dicunt, Semipelagianos in fide præscitâ statuisset meritum gratiæ, ad ea quæ consequuntur, necessariæ, nempe ad augmentum eiusdem fidei, & ad exercitia sanctitatis : & idè semper vocant meritum hoc inchoatæ fidei, meritum *præcedens* gratiam, & meritum, quod eiusdem gratiæ respectu dicitur *præteritum* : contra quod distinguunt meritum sub conditione futurum, quod vocant, *futurum quod*

Essent etiam iniuriam damna-
ti.

non est futurum, vt antea vidimus. Futurum autem istud meritum inchoatæ fidei sic eos finxisse retrogradum, vt dicerent, merito fidei ex hypothesi futuræ dari gratiam, vel concipi prædefinitionem gratuitam, quam eadem fides necessariò supponit, commentitium est: nec vlla vsquam syllaba reperietur apud Augustinum aliosue Auctores, ex qua id colligatur. Vnde iterum peto, quis ergo fuit eorum error circa initium fidei? Dicebant, inquis, præsciri fidem conditionatè futuram independenter à gratia, & ex illa præscientia concipi prædefinitionem eiusdem fidei. Verum hoc quoque chimæricum est, nec vllum vsquam extat huiusmodi doctrinæ vestigium: quin potius Prosper significat nullam eos prædefinitionem agnouisse, præter eam, quâ decernitur, vt nemo nisi beneficio baptismi saluetur. Eius verba sunt. Propositum autem vocantis gratiæ in hoc omninò definiunt, quod Deus constituerit, nullum in regnum suum, nisi per sacramentum regenerationis assumere, ad hoc salutis donum omnes homines vniuersaliter, siuè per naturalem, siue per scriptam legem, siue per Euangelicam prædicationem vocari..... Quia iustitia Dei in eo sit, vt qui non crediderint, pereant, bonitas in eo appareat, si neminem repellat à vita, sed indifferenter vniuersos velit saluos fieri. Ecce totam illorum prædefinitionem. Ex quibus intelligas Aduersarios, dum scientiam mediam incautiùs insectantur, & Semipelagianos absoluerè à magna sui erroris parte, & Prosperum & Hilarium, atque ipsum demum Augustinum accusare.

Semipelagianismum ad eos tantum casus scientiæ mediam adhibuere in quibus nullo modo agebatur de concordia libertatis cū Dei prædefinitionibus.

XCVIII. Tertium argumentum. Duo tantum casus sunt, in quibus Semipelagiani coacti sunt recurrere ad scientiam conditionatam. Nempe vt rationem inuenirent, cur ex paruulis alter sine baptismo, alter suscepto baptismo statim moriatur. Item, vt etiam rationem inuenirent, cur res ita disposuerit Deus, vt vno tempore vnoque loco potius quàm alio Euangelium promulgetur. Hi casus, si non fuissent propositi, nesciremus an scientia illis siue conditionata siue media cognita vnquam fuisset. Vnde, si eà vnquam egerint ad tuendam libertatem, in

his casibus eguerint. Sed in his casibus nulla est occasio conciliandi cum hominum libertate Dei prædeterminationem: Ergo nec vñ fuerint Semipelagiani Scientia Media ad concordiam illam. Maior patet ex antea dictis. Minor etiam perspicua est. Nam quod ad paruulos attinet, nulla est eorum libertas, dum alter sine baptismo, alter moritur cum baptismo. Ergo cum eiusce discretionis tantum rationem peterent Semipelagiani ex scientia futurorum, si viuerent, meritorum; non petebant ex illâ rationem illâ in paruulis libertatis. Quasi dicerem, vsus Scientiæ Mediæ confert tantum ad saluandam libertatem eius operationis, quæ ex illius directione prædeterminatur: atqui ex directione Scientiæ Mediæ, qua præsciuntur futura paruulorum merita, nulla eorum operatio prædeterminatur: sed tantum prædeterminatur mors antè vel post baptismum, quæ non est aliqua eorum operatio: Ergo nec ex illo vsu illa eorum libertas saluatur.

Idem dici potest de adultis illis, quibus occurrere aut non occurrere dicitur Euangelij prædicatio ex directione Scientiæ Mediæ, quâ præscitur futura eorum credulitas vel incredulitas: Idem, inquam, dici potest, quia ex directione Scientiæ Mediæ non dicebant Semipelagiani prædefiniri aliquam eorum operationem, sed tantum discerni, vt his & non illis Euangelium promulgetur, quæ non est aliqua ipsoꝝ sed Dei tantum operatio. Constat hoc ex verbis Prosperi; Præuisos, inquiunt *Semipelagiani*, à Domino credituros: & ad vnâquamque gentem ita dispensata tempora ac ministeria Magistrorum, vt exoritura erat bonarum credulitas voluntatum. Vide quomodo non dicant, ita prædefinitam fidem, vt præsciebatur exoritura ex libero arbitrio: sed, ita dispensata tempora & ministeria magistrorum, hoc est, ita decretum, vt Magistri fidei ac Doctores mitterentur. Et Hilarius, Cum autem dicitur illis, quare aliis vel alicubi prædicetur vel non prædicetur..... Dicunt id præscientiæ esse diuinæ, vt eo tempore & ibi & illis veritas annuntiaretur vel annuntiatur, quando & vbi prænuntiabatur esse credenda. Vide hîc etiam ad quid adhibeatur præscientia

illa diuina seu Scientia Media; non vt sit fidei prædefinitio; sed vt *alicubi prædicetur aut non prædicetur* Euangelium. Nec aliò pertinet, quod obiiciebant Augustino in responsione ad quæstiones Paganorum. Neque enim quærebatur vlllo modo, quomodo staret aut non staret arbitrij libertas cum fidei prædefinitione: nulla, inquam, erat eiusce rei vel cogitatio, vel cura? Hoc tantum petebatur *quare Saluator, qui dictus est, sese tot seculis subduxisset. Et si Christus via ad salutem.... quid egerunt tot seculorum homines antè Christum? Et quid actum de tam innumeris animis? Quid quæso ad has quæstiones læsa vel illæsa libertas fidei prædefinitæ?* Cum ergo responderet Augustinus tunc Christum voluisse hominibus apparere, quando sciebat & vbi sciebat esse, qui erant in illum credituri; Quis non videt eo minimè spectare, vt salua sit fidei libertas; sed tantum vt Deus non videatur acceptator personarum.

XCIX. Nimirum ad hoc tantum vsi sunt hac Scientia Semipelagiani, vt tuerentur suum illud, Deum omnibus indifferenter obtulisse salutem, esseque in hominum voluntate positum vt eam acceptent; cuius voluntatis pretium sit gratia deinceps necessaria; si secus fiat, esse Deum personarum acceptatorem. Et cum statim obiicerentur paruuli, atque illi quibus Euangelium non annuntiatur, ex Scientia Media futurorum conditionatè meritorum rationem petebant. Neque ita petebant, vt dicerent fidem præscitam conditionatè, esse causam cur Euangelium proponeretur credituris, nisi causam, quæ vocatur remouens prohibens. Supponebant enim Deum sponte sua inductum, vt vellet, quantum id homines paterentur, saluare omnes, & consequenter innotescere omnibus salutis doctrinam, vt constat ex Prospero & Hilario: hanc ergo bonam Dei voluntatem, quæ apud illos respondebat Augustini *proposito*, causam esse prædicationis apud omnes, qui scirentur fructum eius non impedituri: Qui verò scirentur impedituri, eo ipso causam suppeditare seu rationem, cur nollet apud eos Christus frustra spargi diuini verbi semina. Hæc erat Augustini tunc, vt
quidem

quidem Massilienses putabant, germana & ab ipsis approbata sententia, quæ nihil omninò faciat ad concordiam diuinarum prædefinitionum cum libertate humanarum actionum.

C. Id quod ampliùs explicatur & confirmatur. Quia quoties per Scientiam Mediam conciliatur diuina prædefinitio cum libertate humanæ operationis, Id quod dicitur præscitum, est hoc ipsum, quod est deindè prædefinitum. E. C. Præscit Deus hominem liberè conterendum, si talis ei cogitatio tali tempore ac loco inspiretur: dicitur ergo posse tunc prædefinire liberum illum contritionis actum, ac facere sua prædefinitione vt qui erat conditionatè ac liberè futurus, fiat absolutè atque liberè futurus, beneficio illius inspirationis. Atqui apud Semipelagianos aliud est præscitum conditionatè, aliud autem prædefinitum seu decretum. Nam in paruulis conditionatè præscita sunt merita bona & mala: prædefinita verò collatio & subtractio baptismi. In adultis præscita est futura conditionatè credulitas & incredulitas, prædefinita verò propositio & non propositio Euangelij: Eodemque modo semper philosophantur de præscientia ista conditionata, quo de absoluta: quam non adhibent ad dirigendam prædefinitionem eius rei, quæ præscita est, sed dicunt v. g. fidem absolutè præscitam, esse causam cur decernatur gratia comparandæ sanctitati deinceps necessaria: Et perseuerantiam similiter præscitam, esse causam cur decernatur gloria: & ita nunquam inueniuntur dixisse prædefinita eadem esse, quæ præscita conditionatè fuerant: quod tamen necessarium est, vt beneficio talis præscientiæ censeantur conciliasse prædefinitionum efficaciam, cum libertate actionum prædefinitarum.

CI. Nam quòd dicit Prosper in ea quæstione, quam Augustino proponit, quasi ea esset sententia Semipelagianorum, *an ea ipsa quæ sunt proposita, sint accipienda præscita*, clarum est eo sensu dictum, non quòd Semipelagiani proposita quædam dicerent postquam essent conditionatè præscita: sed quòd ea, quæ Augustinus &

Semipelagiani alia omnino dicebant esse conditionatè præscita, alia verò prædefinita.

Catholici contendebant esse proposita in præparatione gratiæ, & eatenus tantum præscita absolute; Semipelagiani dicerent esse absolute præscita independentes à gratia, non autem proposita: cuiusmodi sunt initium fidei, & usque in finem perseverantia, ut antea ostensum est.

CII. Atque hæc eò fuere paulò fufius edifferenda, quod Aduersarij hoc tanquam necessario fundamento nitantur, ut doctrinam de Scientia Media, deque illius usu in concilianda diuinarum prædefinitionum efficacia cum libertate actuum prædefinitorum sicuti propriam Semipelagianorum & Augustino contrariam traducant: sed spero persuasum iri erudito Lectori, ut scire velit, ecquid illi respondeant superioribus argumentis, quibus contrarium conuincitur, & qua etiam ratione, id, quod ipsi assumunt, probent; distinguantque inter præscientiam absolutam, & scientiam conditionatam. Quia, quam certum est illos per præscientiam absolutam exposuisse, quomodo nobis esset libera tum gratia iustificationis, tum ipsa gloria; cum dicerent gratiam iustificationis impetrari præscita voluntate credendi, & desiderio sanctitatis à gratia independenti: & gloriam decerni intuitu perseverantiæ similiter præscitæ atque independentis à gratia; tam est certum, nunquam vfos scientia conditionata operationis alicuiuslibet, ut cum eiusdem libertate prædefinitionem componerent: neque id Aduersarij vel probare hætenus, vel deinceps unquam probaturi sunt.

CIII. Et verò Collegij Salmanticensis Theologus nullam eiusc rei probationem usquam dat: sed cum supposuisset Semipelagianos minimè abusus absoluta præscientia futurorum meritorum, quotiescunque deinde apud eos, qui vel referunt, vel refutant eorum sententiam præscientiæ nomen legit, conditionatam ita interpretatur, quasi ea res aut concessa iam esset, aut minimè dubitabilis. Atque ex hoc principio mirum est, quas & quantas deinde ratiocinationes deducat.

2. p. quæst.

14. disp

20. art.

CIV. P. Ioannes à S. Thoma conatur quidem id probare, sed videtur quam efficaciter. Quod ergo, inquit, Massilien-

les per scientiam mediam conciliarent nostram libertatem cum voluntate diuina & decreto ac prædestinatione, constar, tum quia tollebant omnem infallibilitatem per modum causalitatis à diuino decreto erga perseuerantiam nostram, & erga numerum electorum & alios effectus gratiæ, & solum concedebant infallibilitatem præscientiæ: tum quia, &c. En tibi primum argumentum, quod in hanc formam reduci potest. Qui tollit infallibilitatem per modum causalitatis à diuino decreto erga perseuerantiam nostram & alios effectus gratiæ, & solum concedit infallibilitatem præscientiæ, ille per scientiam mediam conciliat libertatem nostram cum diuina voluntate. Sed Massilienses tollunt, &c. Ergo Massilienses per scientiam mediam conciliant libertatem nostram cum diuina voluntate. Vbi vides maiorem esse ipsa conclusione obscuriorem, & magis ambiguam. Quæ insuper implicat. Quia qui conciliat libertatem nostram cum diuina voluntate per scientiam mediam, relinquit in illa diuina voluntate infallibilitatem siue infallibilem causalitatem respectu consensus nostri vt absolutè futuri, pendente ex præscientia illius vt futuri conditionatè. Ergo qui omnem huiusmodi infallibilitatem tollit, tollit rationem conciliandi voluntatem diuinam cum libertate nostra. Ergo qui ita conciliat, non conciliat. Est etiam ille terminus in maiori æquiuocus, *præscientiæ*, cum accipi possit vel de absolutâ vel de conditionatâ.

Iam in minori quod dicit, Massilienses sustulisse infallibilem causalitatem diuinæ voluntatis respectu perseuerantiæ & aliorum effectuum gratiæ, captiosum est. Videtur enim velle, illos quidem admisisse causalitatem, sed non infallibilem; & gratiam similiter, sed non efficacem illam: Cum tamen constet ex dictis negasse illos tum gratiam, tum gratuitam omnem voluntatem antecedentem respectu perseuerantiæ, & aliorum effectuum, qui sunt apud nos effectus gratiæ, cuiusmodi est initium fidei. Hoc volebant cum dicerent, remoueri omnem industriam *scilicet* diuina constitutio humanas præueniat voluntates. Vnde quod additur admisisse illos infallibilem præscientiam,

„ 3. pag.
„ 636.
„ Argu-
„ mentum
„ inuolu-
„ tum &
„ caprio-
„ sum.

de absolutâ maximè intelligendum est ; qua dicebant præsciri fidem inchoatam , & exinde gratiam decerni ad ea quæ debent consequi : præsciri etiam perseverantiam , & exinde decerni gloriam , vt antea ostensum est. Vnde parer hoc argumentum ipsa Massiliensium gratiâ inefficacius esse.

CV. Secundum argumentum paulò distinctius est , cum
 „ dicit Tum quia dicebant , remoueri nostram industriam
 „ ac libertatem , si diuina cõstitutio seu decretum Dei,
 „ nostras præueniat voluntates ; posse verò admitti præde-
 „ stinationem & decretum secundum præscientiam. Quasi
 diceret ; Qui putat tolli libertatem , si diuina cõstitutio
 nostram præueniat voluntatem ; non tolli verò si cõstitu-
 tio illa sit secundum præscientiam , ille conciliat Dei
 voluntatem cum nostra libertate per scientiam mediam :
 sed Massilienses hoc putant. Ergo : Sed distinguo maioris
 partem illam , *Qui putat non tolli , si diuina cõstitutio sit se-*
cundum præscientiam : vel enim cõstitutio illa tendit in
 actionem nostram ; vel in aliquid aliud ex actione conse-
 quens : si tendat in actionem nostram ita vt eadem sit
 actio cõstitutata , quæ supponitur præscita ; ille , inquam ,
 qui sic philosophatur conciliat diuinam voluntatem cum
 libertate per scientiam mediam , concedo : si tendat in
 aliquid aliud ex actione nostra consequens , ita vt præ-
 scientia sit de vnâ re , & cõstitutio de alia ; tunc qui sic
 philosophatur , conciliat diuinam voluntatem cum liber-
 tate nostra per scientiam mediam , nego. Sed Massilien-
 ses hoc putant , id est , putant diuinam cõstitutionem ita
 esse secundum præscientiam , vt eadem actio nostra dica-
 tur cõstitutata , quæ supponitur præscita , nego : Ita vt
 præscientia sit de vnâ re v. g. de nostra actione ; cõstitu-
 tio vero de aliquo alio ex actione nostra consequente , vt
 est præmium , concedo. Dicunt enim præscientiam esse
 de fide nostra inchoata , cõstitutionem verò de gratia
 danda deinceps ad salutem quæ sequi debet ; Item di-
 cunt præscientiam esse de perseverantia : cõstitutionem
 verò de gloria : & ideo nego consequentiam , nec quic-
 quam affert P. Ioannes à Sancto Thoma , quo ea distinctio

Iam often-
 sū est Mas-
 silienses al-
 terius rei
 scientiam
 cõstitutio-
 natam : al-
 terius verò
 prædetermi-
 nationem seu
 diuinam
 cõstitu-
 tionem ad-
 mittere.

impugnetur. Habet verò quo confirmetur etiam euidenter. Expendantur enim verba illa, quæ hoc loco recitat ex Prospero. Qui autem credituri sunt, quique in ea fide, quæ deinceps per Dei gratiam sit iuuanda permansuri, præscijſſe ante mundi constitutionem Deum, & eos prædestinasse in regnum suum, quos gratis vocatos dignos futuros electione, & de hac vita bono fine excessuros esse præuiderit. Vide an non alterius rei præscientiam ponat, & alterius prædestinationem? An dicat prædestinatam esse vel illam fidem, quæ præscita erat, vel illam perseuerantiam? An ullam omninò prædestinationem ponat circa alterutram? Atqui erat ita faciendum, vt repræsentaret Massilienses per scientiam mediam conciliantes diuinam constitutionem circa fidem vel circa perseuerantiam cum earum libertate.

CVI. Et ideo quod subdit iste Auctor recitatis illis Properi verbis quibus dicit ex sententia Semipelagianorum gratiam vocantis operari secundum præscientiam de humanis meritis. *Ecce operatio vocationis posita iuxta præscientiam nostri consensus*, nihil est, nihilque demonstrat, nisi frustra ipsum argumentari. Merita enim illa ideo vocat *humana* Prosper, quia putabantur à Massiliensibus non esse à gratuito Dei auxilio dependentia, & Massilienses dicebant *gratiam vocantis operari secundum præscientiam illorum meritum*, non quod prædefinirentur actiones meritoria, quæ fuerant præscitæ, hoc enim nullo vnquam loco indicatur: & merita ita prædefinita essent, & non essent humana; sed quia intuitu meritum ita præscitorum decerneretur vterius quidpiam aliud, vt sæpe dictum est: vel quia ex defectu talis præscientiæ sequeretur etiam subtractio gratiæ, vt in nationibus, quæ in præteritis sæculis dimissæ essent ingredi vias suas; vt Prosper loquitur. Nam quod ex sententia Massiliensium ijs nationibus, quarum credulitas erat conditionatè præscita, si Euangelium eis proponeretur, daretur internum Dei adiutorium ad credendum, & fides ipsa prædefiniretur ex tali præscientia, vt iste Auctor supponere videtur, nos è contrario & nusquam probatum, & ex contraria proba-

Secundum
præscientiã
fidei cen-
sent Mas-
silienses
gratiam
vocantis
operari sã-
ctitatem, &
secundum
præscientiã
perseuerã-
tiæ decerni
pariter glo-
riam.

tione falsum esse supponimus. Quin etiam contendimus præscientiam conditionatam futuræ credulitatis minimè adductam esse, vt defenderetur fidei libertas; sed vt ostenderetur, quomodo ita credituri non impedissent externam Euangelij propositionem, quam impedierant alij, quibus ideo dicebant non promulgatum, quia nec fuerat acceptandum: itaque conabantur Semipelagiani, non conciliare libertatem cum prædestinatione, sed obiectionem repellere acceptationis personarum.

Et intelligunt præscientiam absolutam.

CVII. Atque ita concidit tandem, quod proponit ultimo loco, dum probat Massilienses *admisisse decretum Dei inimicam præscientiæ illi quam ipsi ponebant*, ex his Prosperi verbis. Penè omnium par inuenitur & vna sententia, quæ propositum & prædestinationem Dei secundum præscientiam receperunt: vt ob hoc Deus alios vasa honoris, alios contumeliæ fecerit, quia finem vniuscuiusque præuiderit, & sub ipso gratiæ adiutorio, in qua fururus esset voluntate & actione præscierit. Quibus verbis hunc adhibet commentarium P. Ioannes à Sancto Thomâ. Supponendo ergò præscientiam illam consensus seu voluntatis humanæ ante decretum, quæ utique est scientia media, admittebant ipsi propositum & prædestinationem Dei, quam dicebant tollere libertatem, si præueniret, humanas voluntates. Sentiebant ergò quod si non præueniret, sed præsupponeret præsciendo quid faceret voluntas, & sic decerneret, quod non tollebatur libertas. Conciliabat ergò libertatem nostram cum decreto Dei mediâ illâ præscientiâ. Sed deberes probare, mi Pater, præscientiam illam de quâ loquitur Prosper esse conditionatam, ego enim contendo esse absolutam, vti ostensum est antea primis duabus propositionibus. Et similiter erat probandum illud *propositum*, esse propositum fidei vel perseuerantiæ, cum tamen Prosper significet esse propositum gloriæ, cui comiteretur damnationis decretum, quo aliqui fiunt vasa in contumeliam. Nam si esset propositum fidei, vel liberæ perseuerantiæ, non posset ab aliâ scientiâ dirigi, quàm conditionatâ & mediâ: & ita benè sequeretur tum illius fidei, tum illius perseuerantiæ

libertatem beneficio scientiæ mediæ cum tali proposito compositam fuisse, quâ de re nulla fuit vnquam, quod sciamus, Massiliensium cogitatio. Sed cùm dicatur esse tum propositum gloriæ, tum decretum damnationis, quis non videt, præscientiam, quam vtrumque præsupponit exitus finalis, esse absolutam, cuius beneficio ideo ster- vtriusque libertas, quia hoc aut illo modo è vitâ discedere supponitur esse liberum? Gratuita igitur est & commentitia interpretatio, quâ dicitur, *præscientiam consensus humani*, de qua loquitur Prosper, *quod sit antè decretum*, esse scientiam mediam: quia quàm certum est præscientiam consensus humani, quæ est antè decretum ipsius consensus, vel gratiæ ad illum necessariæ, vel etiam communis concursus, esse scientiam mediam, tam est falsum non esse absolutam, si dirigat decretum præmij, vt dirigit decretum pœnæ tali consensui respondentis.

CVIII. Et ideo, quod subdit hic Auctor, *sentiebant ergo quod si propositum & prædestinatio non præueniret præscientiam, sed præsupponeret, præsciendo quid faceret voluntas, & sic decerneret; quod non tollebatur libertas*, Omnino ita est; sentiebant si propositum, quo aliqui fiunt vasa in honorem, alij vasa in contumeliam, non præueniret sed supponeret absolutam humanæ voluntatis in exitu finali præscientiam, nec ipsius voluntatis immediatam libertatem, neque præmij aut pœnæ mediatam tolli. *Conciliabunt ergo, inquit, libertatem nostram cum decreto Dei media illa præscientia*, quæ non erat media sed absoluta; concedo. Atque hinc sequitur vsum scientiæ mediæ in seruanda humani arbitrij libertate nunquam fuisse à Sancto Augustino, dum contra Semipelagianos disputat, reiectum: si quidem ille non aliud reiecit, quàm quod erat à Prospero & Hilario propositum.

CAPUT V.

*An ex effectibus Augustiniana doctrina
sequatur Augustinum fuisse scientia
media contrarium.*

CIX.



Heologus Collegij Salmanticensis postquam intuitus est Augustini *faciem*, ut in ea legeret condemnationem scientiæ mediæ, illius quoque vestigia explorat, dum ab effectibus argumentatur; ne cui dubium esse possit, quin eum habuerit probè cognitum, nempe totum, & ut dici solet, à capite ad calcem perspectum. Hoc autem argumentum fusè prosequitur dubio 34. disp. 10. maiore verborum copia & cogitationum repetitione, quàm deceat scholæ limam & contractam dialecticorum manum; sed inquirendus nobis est tractandusque rationis nervus.

§. I.

*Reijciuntur duo modi quibus Adversarius
intentum probare nititur.*

num. 60.

DVobis ergò modis concludit ex effectibus Augustinianæ doctrinæ colligi, & quidem *cum magna certitudine*, iuxta ipsius Augustini mentem reijciendam esse scientiam conditionatam, quæ sit antè decretum efficax & conditionatum diuinæ voluntatis. Primò suppositis ijs quæ dicimus ipsi, beneficio scientiæ mediæ facilem esse concordiam diuinorum decretorum cum humani arbitrij libertate; seclusâ verò huiusmodi scientiâ esse admodum difficilem. Secundò idipsum per se ipse concludit, non habitâ ratione eorum quæ ipsi damus.

CX.

CX. Priori modo sic argumentatur. Incredibile est doctrinam, quæ mirum quantum fauet libero arbitrio, dare ansam desperationis, quasi conclamata iam libertate: sed doctrina per quam traditur Scientia Media, mirum quantum fauet libero arbitrio, vt ipsi fateamur: Ergo incredibile est doctrinam per quam traditur Scientia Media, dare cuiquam ansam desperationis, quasi ea destrueretur libertas. Sed Augustini doctrina dat talem occasionem Massiliensibus, ex Prospero & Hilario; ergo Augustini doctrina, non est doctrina per quam traditur Scientia Media. Hoc est primum argumentum, quo putat Adversarius produci *magnam certitudinem*. Num. 61.

Sed imprimis accipio id quod ipse paulò antè concessit: Massilienses Augustini doctrinâ *immeritò* turbatos, vnde Respondeo, Distinguo maiorem. Incredibile est doctrinam mirum quantum fauentem libero arbitrio dare cuiquam ansam desperationis, *meritò*, concedo; *immeritò*, nego: sed doctrina nostra de Scientia Media mirum quantum fauet libero arbitrio; concedo maiorem: Ergo illa non dedit ansam cuiquamurbationis, *meritò*, concedo; *immeritò* nego. Et cum subsumitur. Sed Augustini doctrina dedit talem occasionem Massiliensibus, similiter distingo, *meritò* nego; *immeritò*, concedo. Ergo non est doctrina per quam traditur Scientia Media, nego consequentiam. Suaris doctrina de prædestinatione *ante præuisa*, tota nititur Scientia Media: & tamen Vasquez, Lessius, Becanus, & alij, qui malunt prædestinationem fieri *post præuisa*, putant illam minus consentaneam esse hominum libertati, & ingenerare desperationem aliquam si publicè proponatur. Adeone videtur insanus istorum timor, vt in Massilienses cadere non potuerit?

CXI. Secundo Respondeo. Distingo iterum maiorem. Incredibile est eam doctrinam quæ cum magna perspicuitate saluat arbitrij libertatem, esse cuiquam desperandi occasionem, habenti rectam de conceptu libertatis sententiam, concedo: non habenti, nego. Et concessa minore; respondeo cum eadem distinctione ad consequentiam. Et cum subsumitur, doctrinam Augustini fuisse.

Ggg

Sine causa
turbati sunt
Massilien-
ses Augu-
stini do-
ctrinâ.

Et ex falsa
libertatis
imagine.

Supra.

se occasionem desperandi Massiliensibus, distinguo, habentibus rectam de conceptu libertatis sententiam; nego: non habentibus, concedo: unde nego consequentiam. Iam vidimus idem fuisse Massiliensibus arbitrium esse liberum, & non indigere ullo gratiæ adiutorio ad inchoandum salutis negotium, aliquo saltem desiderio & conatu credendi: cum ergo crederent ipsa præcisè gratiæ necessitate libertatem tolli, quæcunque tandem esset eius efficacia; consequens est ut eam tantum ratione sperarent integram esse libertatem, quâ tolleretur gratiæ necessitas. Ergo cum Scientia Media nullo modo tollat necessitatem illam, sed potius supponat; consequenter, non putauerint persuasione Scientiæ Mediæ intelligi posse concordiam liberi arbitrij, cum prouidentia Dei qualem Augustinus proponebat.

Scientia Media non erat olim, ut nunc est, redacta in usum explicandæ ac defendendæ libertatis.

XXII. Tertio Respondeo. Transeat maior, distinguo minorem, Doctrina per quam traditur Scientia Media mirum quantum fauet libero arbitrio, redacta in usum intelligendæ concordie libertatis cum diuinis decretis, concedo: non redacta, nego. Ergo incredibile est doctrinam illam fuisse occasionem desperationis Massiliensibus, redactam in eum usum, quem dixi, concedo: non redactam, nego. Sed Augustini Doctrina fuit talis occasio. Esto. Ergo non fuit illa per quam traditur Scientia Media, in eum usum quem dixi redacta, concedo; non redacta; nego. An non hoc ipsum est, quod Molina concedit, quodque tanquam ab eo superbè dictum exaggerari consuevit ab Aduersariis, rationem hanc tuendæ libertatis non fuisse *datam & explanatam* ab Augustino contra Pelagianos disputante? Nonne hîc ipse Auctor fateatur. Quamuis coaceruatis viribus contendamus Augustinianam esse doctrinam de Scientia Media, nullum tamen adhuc inuentum inter nos, qui planè assereret Augustinum cum Pelagianis eorumque reliquis disputantem, usum fuisse Scientia Media ut libertatem cum gratiâ conciliaret? Cum ea scientia in tantum profit intelligendæ concordie libertatis cum gratiâ, in quantum reducitur in illum usum; contra negantes fuisse ab Augustino re-

Num. 63
loco cit.

”
”
”
”
”

ductam, quid concludit argumentum ex eo petitum, quod Augustini doctrina non ademerit hæreticis timorem perdendæ libertatis?

CXIII. Sed quare, inquit, non est eâ vsus Augustinus? Quia modus ille quamvis prodesse multum possit, non sufficiebat tamen reducendis hæreticis, qui cum dicerent destrui libertatem si necessaria esset gratia, neque homo posset per se ipse saltem inchoare, atque in beneficiis perceptis perseuerare; Scientia Media, quæ necessitatem hanc nullo modo tollit, consequenter nec sustulisset metum amittendæ libertatis: profuisset tamen persuaso quodam efficaciz modo, unde minus esset timendum. Secundò. Non est eâ vsus Augustinus, quia intentus fuit in id quod maximè intererat. Plurimum autem referebat ad laudem gloriæ gratiæ Dei, ne illius necessitas prætextu libertatis tuendæ negaretur. Ergo cum à Massiliensibus partim saltem negaretur, in eius probationem Augustinus totus incubuit duobus libris de prædestinatione Sanctorum, & de bono perseuerantiæ. In hisce verò controuersiis hoc potissimum spectatur, vt persuadeatur id esse quod credendum est, quia deinceps submittendum est iudicium, in obsequium fidei, quamvis nesciatur, quo id tandem modo fiat. Ergò probata certissimis argumentis gratiæ necessitate, & consequenter eius cum libertate concordia, non magis laborandum fuit Augustino, vt concordia illius modum explicaret, quam nobis laborandum modò sit probatâ corporis Christi in sacramento Eucharistiæ præsentia, vt persuadeamus hæreticis qui eam negant, sitne illa definitiua, an vt aliqui Nominales voluere, circumscriptiua. Tertiò, Si Theologicam cogitationem nullam Deus reliquam fecit quam sæculis succedentibus suggereret Pastoribus & Doctoribus Ecclesiæ, sed omnes infudit Augustino, quare non hæremus in eadem quâ ille dubitatione circa septiduum creationis Mundi: circa propagationem animarum ex traduce: circa naturam & simplicitatem Angelorum, aliasque id genus quæstiones, quarum apud omnes modò indubitata ferè solutio est? Absit vt ego Augustino præ-

Neque ad hoc sufficere poterat supposito Massiliensium errore.

Erratamen & cognita ipsa, & aliquis eius vsus.

ponendum aliquem putem eorum qui successerunt, sed ne æquandum quidem: at multum interest, vtrum dicas collata in eum esse scientiæ dona longè plura quam cæteris, an omnia: item, vtrum successuris omnibus citra comparationem pauciora seruata esse, an nulla; vt crimen sit, quod alij radium quendam videre se putant, ex Augustini sole non emissum. Sed ne hoc quidem putant, qui huius concordiæ modum defendunt: nam & Scientiam Mediam non obscurè probant ex Augustino: & iuxta illam apud eundem legunt efficaciter vocatos, quos *Deus ita vocat quomodo scit congruere, vt vocantem non respiciant*. Exinde autem non difficile colligitur Deum huiusmodi congruæ vocationis conscium prædefinire posse consensum illæsa libertate. Vnde fit, vt quæ collectio-
ne vitur ad intelligendam prædefinitionis concordiam cum libertate, dum negat ita expressam esse apud Augustinum eius formam, nihilo se illi magis præferat, quàm se præferret Maroni, qui diceret, ex quibusdam eius dictionibus se versum composuisse, qui apud illum non extaret, vel Tullio, qui compilatis ex illo phrasibus periodum recitaret nusquam ab eo dictam. Præcipitis ergo iudicij est, & charitatis illà minoris quæ sanctos decet, arroganter dictum interpretari, quod huius formam solutionis, quâ libertas actionum prædefinitarum beneficio Scientiæ Mediæ iam defenditur, negent aliqui usurpatam ab Augustino: dum non negant usurpatam esse aliam, quæ magis erat necessaria magisque apta refellendo errori qui tunc erat; & quo non tantum vnus quidam efficaciæ modus, sed ipsa omnino gratiæ diuinæ necessitas negabatur. Quartò, Est hoc etiam aduertendum, methodum scholasticam, quæ post Augustini tempora cæpit, obtinuitque Academiæ omnes, dum aliam formam dat iis difficultatibus quæ contra receptam Ecclesiæ doctrinam proponuntur, coegisse Catholicos disputatores alios quoque modos inuenire solutionum. Quam intentionem qui putant iniuriosam esse Augustino, idem mihi facere videntur, quod illi, qui sine Scipionum & Cæsarum iniuriâ dici posse negarent, esse iam

Alio iam modo proponuntur in scholis difficultates ad concordiam libertatis cum prouidentia spectantes: Et ideo alij quoque fue-

aliam instruendæ aciei rationem, quàm fuit tempore fundarum & ballistarum. Dicant nobis Aduersarij vbi nam legantur Massiliensium termini illi, notionesque ac syllogismi, quibus modò conficitur non posse stare libertatem cum diuinis prædefinitionibus: & tunc videbimus quo-nam potius soluendi modo fuerit vsus Augustinus, an ipsorum, an nostro.

XXIV. Secundum argumentum primo implexum cum eo vnum faciebat: sed distinctionis gratiâ proponam illud seiunctum ab alio, exutisque inutilium verborum impedimentis. Ita igitur habet. Doctrina, quæ præ se fert libertatis præiudicium saltem apparentis, eique opponitur quæ facilem exhibet optatæ concordie rationem, illa est quæ turbauit Massilienses: Sed quæ negat scientiam mediam, ponitque decreta ex se efficacia antè præuisionem cuiuslibet consensus creati, præ se fert libertatis præiudicium saltem apparentis, eique opponitur, quæ facilem exhibet optatæ concordie rationem, vt ipsi quidem putamus: Ergo doctrina quæ negat scientiam mediam, ponitque decreta ex se efficacia ante præuisionem cuiuslibet consensus creati, ea est quæ turbauit Massilienses.

Sed doctrina quâ illi turbati sunt erat Augustini: Ergo doctrina Augustini tollit scientiam mediam, ponitque &c. Dicitque auctor esse *id euidenter credibile*. Sed si Maior propositio sit vniuersalis, & isti æquiualeat. Omnis doctrina, quæ &c. falsa erit; si sit particularis, nihil concludit argumentum, cum sit in primâ figurâ. Estque difficile ita componere hanc ratiocinationem, vt non habeat euidentem aliquem vel materiæ vel formæ defectum. Nam si concludas in hunc modum. Credibile est non aliâ doctrinâ turbatos Massilienses, quàm apparenter difficili & noxiâ libertati: Sed quæ negat scientiam mediam ponitque decreta antecedenter efficacia, est apparenter difficilis & noxia libertati: Ergo credibile est illâ turbatos esse; Debet minori addi particula exclusiua, & dici. *Sed illa tantum* &c. quo modo est falsa. Quia, vt iam dixi, illa quæ ponit antecedentia decreta ex directione scientie mediæ, est apparenter difficilis & parum propi-

re querendi
di solutio-
num modi.

ibid. num.
62.

Inutile argu-
mentum
atque in-
forme. Ne
scientia
quidem
media tol-
lit appa-
rentia libe-
tis detri-
menta.

tia libertati, eorum omnium iudicio qui docent prædeterminationem post præuisa. Præterquam quod in Maiori debet subintelligi distinctio illa, si sunt meritò turbati Massilienses, concedo. Si sunt immeritò turbati, nego. Quod si velis ita etiam argumentari, Propositâ duplici ratione tuendæ libertatis alterâ facili apparenter, alterâ apparenter difficili, credibile est turbatos fuisse Massilienses apparenter difficili potius quàm apparenter facili. Et illa Maior vera est. Minor autem quid assumeret? Sed proposita est duplex ratio Massiliensibus, altera quidem facilis apparenter, per vsum scientiæ mediæ; altera difficilis apparenter per negationem talis scientiæ: hoc verò falsum est; quia ut supra dixi, nunquam illi cogitarunt de prædefinitione liberæ actionis consequentis conditionatam, hoc est, mediam eiusdem præscientiam.

Commen-
tarium pe-
riculum
Augustini

CXV. Addit Aduersarius num. 63. confirmationem, seu potius superioris argumentationis repetitionem, in quâ dicit Augustinum non leue adiisse vitæ periculum, eo nomine quod eriperet hominibus libertatem. Sed nescio quibus ex monumentis periculum hoc iste Auctor eruerit. Satis enim ampla erat Augustinum inter & Massilienses fossa, mare scilicet mediterraneum. In Africa verò qui rumoribus suis, Massiliensibus præluserant, nihil immane, quod sciamus, contra illum tentarunt. Nisi forte cum Semipelagianis Donatistæ confunduntur.

Est & quæ-
dam insa-
nia clari-
tatem viro-
rum.
Supra c. 3.
§, 1.

CXVI. Et quod ibidem inculcat *egregios & claros viros* fuisse qui turbati sunt Augustini doctrina; nec nisi *insanos ac stultos* turbari potuisse illâ, quæ per scientiam mediam libertatem defendit, iam dixi, non *insanum* modò, sed *insanissimum* dici ab Augustino, quod isti *clari* dicebant de vi meritorum conditionatè futurorum. Item hoc etiam dixi ex hoc capite videri posse non esse Lessio, Becano, Cornelio à Lapide insaniore, qui turbantur etiam prædeterminatione *ante præuisa*; quantumvis ea sequatur scientiam mediam. Atque ita si volumus eorum insaniam accusare, non deerit Augustini auctoritas; si malumus defendere sapientiam, præstò est eorum exemplum, qui hoc nomen egregie sustinent. Sed hoc etiam semper re-

gerendum, Augustinum neque vsum scientiâ mediâ in concilianda libertate cum decretis Dei, neque doctrinâ illi contrariâ. Sed eâ, quæ Massiliensium errori directè opponebatur, & gratiæ necessitatem ac decretorum, sine quibus gratia nec præparari nec dari potest, probabat; quicunque tandem esset efficaciarum modus, quod illi contenderent voluntatem, vt esset libera, esse debere independentem.

CXVII. Secundum argumentum, quod nobis est Tertium in idem ferè recidit & sic habet. Duo effectus sequuti sunt ex Augustini doctrinâ, turbatio illa & querelæ clarorum virorum; & studium congerendi testimonia tum ex alijs tum ex Augustino contra ipsum Augustinum: At iidem effectus sequuti sunt ex doctrinâ denegante scientiam mediam, & ab adstruente decretorū efficaciam ab illa independentium tempore Molinæ. Ergo signum est doctrinam denegantem scientiam mediam assertâ diuinorum decretorum ab illâ independentium efficacia, conformem esse doctrinæ Augustini. *Consequentia* inquit, *videtur cum credibilitate & certitudine sequi ex duabus præmissis.* Quibus verbis perspicuè fatetur nullam esse huius argumentationis formam; quippe cum eâ stante de consequentia nemo debeat esse sollicitus. Et verò tota hæc ratiocinatio reducitur ad argumentum hoc. Ex Augustini doctrina sequuntur effectus recensiti: Ex doctrinâ negante scientiam mediam iidem consequuntur: Ergo Augustini doctrina eadem est, cum doctrina negante scientiam mediam. Cuius argumenti conclusio tantâ credibilitate & certitudine sequitur ex præmissis; quanta sequi potest ex præmissis affirmatiuis in secunda figura. Erit verò forma legitima hoc assumpto principio, sed falso: Non potest non eadem esse doctrina ex qua sequuntur iidem effectus, sed ex doctrinâ Augustini, & illa quæ negat scientiam mediam, sequuntur iidem effectus: Ergo non potest non esse eadem doctrina & quæ est Augustini, & quæ negat scientiam mediam. Similia nonnunquam peccata contra Summulas alibi etiam occurrunt quibus colligas Complures non semper adstitisse Salmanticensibus. Moneo

num. 64.

Hoc quoque argumentum in forme.

tantum Caluinum eodem modo argumentaturum contra Patres Tridentinos ac dicturum. *Ex nostra, nouorum Apostolorum, doctrina sequuta est eadem turbatio que olim ex doctrina Augustini circa liberum arbitrium: signum igitur est valde credibile nostram & Augustini doctrinam eandem esse.*

CXVIII. Posteriore modo, & nulla ratione habita eorum quæ ipsi ultro concedimus, probat Aduersarius ex effectibus doctrinæ Augustini & ex alijs signis satis colligi ipsum absolute & simpliciter loquendo contra scientiam mediam stare. Et erit nobis argumentum hoc ordine Quartum: si tamen numerum facere potest, quod nihil continet ab alijs diuersum. Præclari, inquit, viri illi, vt ex Prospero constat, turbati sunt ea doctrina, qua dicebatur diuina constitutio præuenire humanas voluntates, quæque ob eam causam sub nomine prædestinationis videbatur inducere fatalem necessitatem. Ergo doctrina illa, quæ Augustini erat, & ex qua huiusurbationis occasionem illi sumpserant, admittebat decreta ex se efficacia ante consensum voluntatis humanæ, atque adeo scientiæ mediæ repugnabat. *Æ.* Concesso antecedente nego consequentiam: Et dico, voluntatem quæ præparat gratiam ad benè agendum necessariam ex misericordia Dei & non secundum merita recipientium; esse illam constitutionem diuinam qua Massilienses nolebant humanam præueniri voluntatem, ne fatalis induceretur necessitas, vt latè ostendi ad tertiam propositionem. Illa verò constitutio nullo modo destruit scientiam mediam. Ergo constitutio, quam illi fatalem putabant non destruit scientiam mediam.

Quæcumque gratuita constitutio diuinæ voluntatis Massiliensibus est fatalis visâ.

Prædestinatio libri actus est illo prior vt absolute futuro etiâ si non sit prior vt futuro conditionate.

CXIX. Et cum instatur. Si Dei constitutio dirigeretur à scientia media, itaque supponeret consensum conditionatè futurum, neque dicenda esset præuenire voluntatem, nec habere quidquam fatale. *Æ.* negando primam partem, & distinguendo secundam. Constitutio enim illa & antecedit consensum vt absolute futurum, & supponit gratiam eidem præsuppositam, etiam vt est conditionatè futurus; quod sufficit vt improbetur ab ijs qui non putant voluntatem esse liberam in eo in quo dependet à gratia:

gratiâ: nec vllam esse debere gratuitam constitutionem nisi post absolutam alicuius meriti præscientiam. Nam quod dicitur constitutionem illam non continere quidquam fatale, reipsâ & si benè intelligatur eius attemperatio ex directione Scientiæ Mediæ, concedo: In speciem, & attemperacione illâ nec propositâ nec intellectâ, nego. Iam autem visum est modum illum concordia nec esse intellectum à Massiliensibus, nec propositum ab Augustino, intento refutationi magis necessariæ, tuendæque diuinæ gratiæ necessitati.

CXX. Sequitur argumentum ordine Quintum petatum ex auctoritate triginta Doctorum illorum, qui iussu Clementis VIII. conuenerunt ad ferendam super hac controuersâ sententiam, tandemque concludere Scientiam Mediam Augustino repugnare vno aut altero excepto. Huius autem sententiæ circumstantias omnes expendit multis magnisque ponderationibus Aduersarius, vt obtineat standum esse iudicio *virorum adeo grauissimorum*. Sed quia narratio hæc sequenti disputatione accuratius est examinanda, interea hoc tantum dicam, nimis exaggeratam esse istorum Doctorum laudem, dum dicuntur *adeo grauissimi*, quia sine dubio viderentur sibi satis laudari, si tantum dicerentur *adeo graues*. Deinde peto quoniam abierit ille Augustinus, qui tunc erat, & cuius linguæ centum oraque centum ita distinctè Scientiam Mediani insectabantur, vt triginta iudicum senatus vnanimi ferè consensu ex eius suffragio contra illam pronuntiarit? Exesa-ne sunt paucorum amorum vetustate testimonia tam perspicua tamque diserta, vt non liceat modo eandem ex illis Scientiæ Mediæ eruere condemnationem? Quid igitur causæ fuit, vt cum efficaciora quæreret iste Auctor, quo-cum disputamus, camque ob causam in faciem Augustini diligentius intueretur, duo tantum protulerit, quorum alterum nullo nostro labore, sed ipsorum, qui contra Scientiam Mediam coniurauerunt, interpretatione confutatur, alterum solutionem habet adeo manifestam, vt aduersariorum candor sperare faciat ingenuam inefficiæ illius confessionem? Quod si

De iudicio
Triginta
Censurum
Romanorum.

Quod hoc
disc non po-
test ex Au-
gustino
probari,
nec probari
potuit tem-
pore Cle-
mentis 8.

Supra.
cap. 5. §. 1.
& 2.

ea quæ proposuit iste Auctor aptissima sunt omnium quæ illis Doctoribus occurrere, quis non meritò timere possit, ne pro triginta qui Scientiam Mediam condemnauerunt, reperiantur facile sexaginta, qui absoluant? Viuit nimirum adhuc Augustinus, idemque spirat semper in suis libris: nec fieri potest, vt aut dixerit tum aliquid quod non dicat modò, aut quod dicit modò, tunc non dixerit. Quærimus ergo, vbinam illud habeatur, quo vno continetur Scientiæ Mediæ damnatio, *Sollicitum esse Deum circa futura, quæ non sunt futura, præsentique decreto decernere, non vt homines aliquid faciant, sed vt facerent in tempore quod non erit, ne malis quidem operibus exceptis*: hoc si modò non inuenitur apud Augustinum, neque inuentum fuerit à triginta viris illis, inueniri autem; vt probent Aduersarij, adhuc expectatur.

§. II.

De Non-Antiquitate Scientiæ Mediæ.

CXXI. **D**isputatione decima citatâ, dubio sexto, septimo, & octauo, fusè probat Aduersarius hæc. 1. Non esse verum quod dicit Suarez, sententiam, quæ Scientiam Mediam ruetur, Auctoritate Antiquorum Scholasticorum ita esse munitam vt contrariam superet. 2. Nec item esse verum, quod dicit Herice, latuisse illam Scholasticos antiquos, & à nostris assidua Sanctorum Patrum lectione in lucem productam. 3. Neque Molinam audiendum, quando dicit & nouam & necessariam esse Scientiæ Mediæ cognitionem. 4. Cognitam reuera fuisse Scientiam Mediam, tum à Patribus, tum ab antiquis Scholasticis, sed à cunctis reprobata, attentis omnibus, vt possit dici *scientia reprobationis*. Vnde sequitur. 5. Sententiam, quæ illam negat, affirmanti præferendam.

Nam. 120.

CXXII. Vtitur autem in istorum probatione quatuor potissimum argumentis. Auctoritate Thomistarum, Auctoritate aliorum Scholasticorum, Auctoritate Concilij

Tridentini, atque etiam Romani Pontificis.

Auctoritate Thomistarum contra Suarem sic vtitur. Quia si verum esset, quod ille dicit, sequeretur Dominicanos Theologos *in amentiam & fatuitatem incidisse*, quando; accusarunt apud Iudices Molinæ doctrinam, si eam à tempore Augustini perenniter fluxerat, eratque vulgò in scholis nota. Consequens autem est absurdum. Ergò & antecedens.

Num. 99.

De Thomistarum auctoritate in hac controversia.

§. 1. Argumentari hoc modo esse periculosum: seruandumque hoc loco prudentiæ militaris præceptum illud, ne vnquam hostem in eas angustias coniectum velis, in quibus experiri cogatur, quid possit desperatio; quo fugiat, pontem illi semper esse relinquendum vel argentum. Et spero, non esse illum ab Aduersario denegantem quippe cùm ipsi etiam necessarius sit.

§. 2. & retorqueo argumentum. Quia si verum est Scientiam Mediam probè cognitam fuisse Scholasticis antiquis, & à *cunctis reprobata*, sequitur Patres Societatis, qui eam defendendam suscepere, reos esse insignis temeritatis, proiectæque audaciæ, dum amplectuntur doctrinam, à *cunctis scholasticis* reprobata, dicique posse quodammodo datos in *reprobum sensum* qui *scientiam reprobationis* tanta contentione propugnant, stultos insuper atque ad fatuitatem vsque superbos, dum vetera scholarum omnium eiectionamenta, veluti nouas industriæ suæ ingenijque merces afferunt ad has nundinas Theologorum. Consequens autem videtur absurdum. Ergo & antecedens. Hic ego, mi Pater, abs te peto, quâ fugere velis; eodem enim ponte Suarez elabetur.

§. 3. Neque multos fuisse Thomistas, neque cæterorum omnium sapientissimos, qui litem hanc nostris intarunt: sed vt euenire solet in castris, vt paucorum lixarum iurgia exercitum in partes scindant, atque adeò duces ipsos: dum inexplorato rixantium iure signa tantum intuentur, æquitatem causæ præiudicantes ex colore vexillorum; ita factum hoc in negotio, vt priuata vnius Collegij disputatio duorum ordinum causa fieret, superuenientibus hinc inde subsidiis: dum nec alij patiuntur

H h h ij

Num. 92.
& 133.

in offensus esse Aduersarios, nec illi abire volunt indefensi. Nobis verò in hac causa fauorabile illud est, quod Aduersarij se Aggressores fuisse consentunt, quia & Accusatores. Et idcirco hic Doctor Salmanticensis Collegij eo nomine putat minus esse nostris credendum quam Thomistis, quòd nostri sint necessitate compulsi ad munendam Scientiam Mediam, quæ nulla fuit in Thomistis ad impugnandam. Sed non aduertit, dum nostris attribuit necessitatem defensionis, iubere ipsum præstare Thomistas vexationis æquitatem: vt omittam, illa cogitatio quàm absurda sit, ipsorum tantùm nominum præiudicio minus credendum esse reo, quam accusatori, quod aliqua illum cogat negandi necessitas, nulla verò istum, accusandi.

Pag. 613.
dicit expurgatam à nostris Scientiam Mediam ab illa priori parte, quæ erat erronea.
Sunt igitur excitatæ turbæ contra doctrinam Aduersariorū confessione & antiquā, & non erroneam.
Aug. de bo. no persequ. cap. 10.

CXXIII. Sed neque illud est memoria perdendum, quod idem Auctor professus est, quamuis hæretici Scientiam Mediam tuerentur, non tamen *hæreticè*. Et quod addit P. à S. Thoma, quamuis non esset bonus illius vsus, quem habuere nobiscum communem, non fuisse tamen *erroneum*: Nempe Augustinus quoque Catholicum Disputatorem vocat illum, qui Scientiam Mediam & agnoscebat & ad suauem prouidentia modum intelligendum adhibebat. Accusati ergo sunt Nostri ob eam doctrinam, quam constabat *nec hæreticam esse, nec erroneam, neque novam*. Et vt verbo dicam, capitale illis fuit, quod cum negare non possent scientiam conditionatam, non admitterint talia quædam in Deo decreta circa liberos humanæ actus, *Volo si Evangelizaretur Tyrus, vt conuerteretur. Volo si ducerent Iudei alienigenas, vt ab illis seducerentur, &c.* Negare has in Deo Voluntates Inquisitorum cognitione res digna fuit? Et nullus Scholasticorum veterum illas non admisit? Vnde

Re. 4. Ex his constare non quidem *amentiam aut fatuitatem* fuisse vllam in primis Scientiæ Mediæ Accusatoribus, absit vt eiusmodi probris inquinatos velim homines, quos potius & professionis & eruditionis nomine singulari honore prosequor, sed quod humanum est & interdum adheret sanctis, festinationem aliquam fuisse maio

rem, 'quàm Nationis grauitatem maturitatemque deceat. Quod si res ea modò integra foret, nullus dubito quin essent lentiùs processuri, & defendendæ Scientiæ Mediæ copiam facturi liberrimam.

Et ne arrogantiam interpretentur, quòd vel Fonsæca vel Molina dicatur aliquid vidisse apud Patres & Antiquiores Scholasticos, quod ipsi non viderunt.

Æ. 5. In Epistola, quæ legitur in festo D. Thomæ, *infini-* Non fieri
tum dici *thesaurum* sapientiæ, quem & ille versauit, & ver- antiquiori-
sant quotquot eius vestigiùs insistant, non potest igitur bus iniuri-
exauriri humani vllius ingenij facultate, quæ omnis fini- riam, dum
ta est, & infinitum finita detractiōe non absimitur. dicuntur
Ergo quantumcunque aliquis exindè trahat, remanet recentiores
tamen quod extrahere alius quoque possit: nec vllius vidisse ali-
propria est illa gloria, quâ putetur ipse nihil reliquum fe- quid quod
cisse, quod ceteri sumerent. Superbia igitur sit, non si illi non vi-
quod ipse inueneris, neges inuentum ab aliis priùs, sed derant.
quod inani iactatione prædices aut maiorem cæterorum
portionetuum esse, aut etiam parem. Hoc autem non di-
cunt, qui se in Antiquis Patribus & Scholasticis Scien-
tiam Mediam eiusque aliquem vsum inuenisse dicunt,
quem Thomistæ non inuenerant, dummodo illis alio-
rum etiam plurimum inuentionem concedant.

Denique, Id quod Suarez dicit, sententiam Scientiæ Mediæ assertiuam Antiquorum Scholasticorum Auctoritate niti præ contrariâ; eum tantum habet sensum, vt credatur ea doctrina vel expressa ab Antiquioribus Scholasticis, vel supposita passim, vel cum eorum principiis ita connexa, vt eam minimè negaturi fuerint, si distinctè proponeretur. Id quod Aduersarij si dolent se non vidisse, ea se cogitatione consolari possunt; quod non sit, vt iam dixi, qui cuncta viderit.

CXXIV. Superiori ratiocinationi subnectit Aduersarius confirmationem petitam ex Auctoritate Scholasticorum etiam Societatis nostræ. Item Triginta Doctorum illorum de quibus supra. Item etiam Clementis Summi Pontificis. Nostros enim Fonsæcam, Molinam, Herice, Grana-
adum atque alios fateri Scientiam Mediam latuisse anti-
Quomodo
exare vel
non exare
dicatur
apud Anti-
quos Scien-

ais. Mediæ
doctrinæ.

quos Scholasticos ; idipsum colligi ex iudicio triginta Doctorum ; atque etiam Clementis Pontificis , qui accusationem accepit Molinæ , quum deberet potius Dominicanos repellere tanquam accusatores iniustos eius doctrinæ quæ communis esset. Sed nec ab aliis quidem fuisse ferendos hoc in iudicio persequendo , si res ita haberet , ut Suarez putauit.

Respondeo Suarem non putasse ita expositum esse hunc thesaurum apud Antiquiores Theologos , ut fodiendo non sit opus : non censet videlicet ullam hac de re , ut de cæteris , institutam disputationem. Locus igitur fuit examinandæ operarum industriæ in eruendo atque in apertum producendo quod occultum erat : neque illi statim reiiciendi , qui eam non probarent. Si diceret Suarez Magistrum sententiarum habere certas hoc de argumentis distinctiones ; si Diuum Thomam quatuor disputationes benè longas de illius possibilitate , quemadmodum Aduersarius quatuor distinxit de illius impossibilitate ; si Diuum Bonauenturam quæstiones aliquot , si aliquot etiam Scotum , Gabrielem , Gregorium , &c. valeret ea , quæ nobis obiicitur coniectura : & magnæ insipientiæ fuisset , nouitatem accusare eiusce rei quæ passim apud Antiquos occurreret. Sed nihil tale Suarez asserit , nec aliter intendit apud plerosque Theologos antiquos Scientiam Mediam extare , quàm quomodo qui cœperunt de immaculata B. Virginis Conceptione seorsim disputare , contendunt eiusce controuersiæ definitionem ex Patribus colligi : & Augustinus ipse doctrinam de necessitate gratiæ apud Ecclesiasticos disputatores , ut ipse dicit , reperiri : & qui olim de vnitæ personæ aut Voluntatum in Christo contra Nestorianos , Eutychianos & Monotelitas disputarunt , ex Auctoritate præcedentium scriptorum probari. Sicut ergò nec ideò insipientiæ damnantur , qui pugnant contra perpetuam B. Virginis sanctitatem : nec Augustinus ipse ideo stultus fuisse dicendus , quo tempore nondum intellexerat necessariam esse Dei gratiam ad initium fidei : nec illi hæretici amantes , quandiu contra Ecclesiæ , quæ tunc erat ,

communem sensum obstinata eorum pertinacia non restitit; ita neque ex eo quod Suarez affirmat, probatam esse Theologis antiquis scientiam mediam, sequitur vlla species amentiae, vel vt loquitur Aduersarius *impudenti.e.* in ea sollicitudine quæ mouit Thomistas, vt scire vellent, ecquid periculi afferret hæc doctrina: quod non putaretur ab illis, vt nec modò putatur, Auctoritate antiquiorum Theologorum esse vallata.

Atque ob eam causam summæ sapientiæ fuit Summum Pontificem non repellere statim accusatores Scientiæ Mediæ, quod esset hoc ipsum explorandum, an scilicet erueretur hæc doctrina ex scriptis Patrum & Doctorum Ecclesiæ, vt dicebatur.

CXXV. Sed quid tandem sibi vult isthæc ratiocinatio, & quomodo illâ conficitur potius non posse verè asseri, quod dixit Suarez, quam idipsum non posse verè negari? Si verum est, inquis, debuit Pontifex abigere Thomistas, nec eorum accusationem accipere. Et si falsum, non debuit abigere Iesuitas, nec eorum admittere defensionem? Quare melius sequitur ex eo quod aliquid dicatur esse olim communiter assertum, impudentes esse qui nouitatem accusant; quàm ex eo quod aliquid dicatur esse olim communiter *reprobatum*, impudentes esse, qui defendunt antiquitatem; Piget me argumentis adeò inutilibus confutandis immorari, quæ aliud nihil quam meliorum penuriam ostendunt.

CXXVI. Suare debellato impugnatur Herice, dum dicit, *Scientiam Mediam latuisse Scholasticos & à Nostreis à tenebris, in quibus iacebat, erutam diligentī Patrum assidue lectione.* Hoc autem impugnat duobus argumentis. Primum petitur ex Auctoritate Scholasticorum illorum, quibus Herice incognitam fuisse dicit Scientiam Mediam, quorum Catalogum texit ex Bellarmino, consignatis quibus illi vixere temporibus ac locis: cumque numero illo comprehendantur S. Thomas. S. Bonau. & alij principes viri earum Scholarum, quæ suum hodieque nomen sustinent; concludit, si quidem verum est reconditum fuisse Scientiæ Mediæ thesaurum apud Pa-

Num. 102
& seq.

tres, ita esse incredibile, ut dubitari nequeat, quin ille fuerit inuentus à Theologis Scholasticis, præsertim à principibus illis, itaque perenniter fluxerit ad hæc vsque tempora. Quam ratiocinationem versat quatuor integris Columnis. Sed faciliè conspicias, Optime Lector, quo tandem huius argumenti pondus vergat. Nempe ad hoc principium veniendum est. D. Thomas. D. Bonauentura. Scotus & alij nihil prorsus reliquerunt in thesauro. SS. PP. Augustini & aliorum, quod non eruerint ipsi: Sed in illo thesauro erat Scientia Media, ut Herice supponit: Ergo illam eruerint. Rursus nihil ipsi eruerunt, quod non communicauerint suis posteris, & quasi per manus illis tradiderint: Sed inuenerunt Scientiam Mediam, ut argumento confectum est: Ergo illam posteris per manus tradiderint. Quod tamen eos non fecisse constat.

Scriptores
Antiqui si
ne assentatione.

Et ex dictis patet, vtramque ratiocinationem assumere aliquid quod minimè necessarium est. Non enim est necessarium hoc, post. D. Thomæ. D. Bonauenturæ, Scoti atque aliorum diligentiam, nihil superesse amplius, quod quisquam possit in thesauro Sanctorum Patrum inuenire. Quanquam de D. Th. dicam postea. Sed ita illum hoc in agro messuisse, nullam ut spicam reliquerit, vereor ne assentationi potius quam veræ prædicationi sit tribuendum. Alterum etiam non est necessarium, nempe, si D. Thomas thesaurum illum inuenit, ut eundem explicitè, ut dicunt, posteris tradiderit; posset enim facta esse translatio de thesauro in thesaurum similiter absconditum; atque apud D. Thomam. D. Bonauenturam & alios latere, quod latet apud S. Augustinum & Patres cæteros.

CXXVII. At inquires hoc saltem necessarium est ad eorum gloriam, ut quod ipsi perinde quæsierunt, ac nuperi Theologi, dicantur potius inuenisse. Quæsiere autem rationem conciliandi prouidentiam cum arbitrij libertate: Ergo illam inuenerint: Ergo si ad hoc est necessaria scientia media minimè illos latuerit. *æ.* Neque hoc ipsum

ipsum esse necessarium ad gloriam S. Thomæ atque aliorum, vt dicantur illi potius inuenisse quod quærebatur, nisi hoc fortè sensu, nempe, quia inquisitionis huius laborem ita promouerunt vt ipsis potissimum debeatur id quod alij reperere. Nam vt in auri-fodijs non maxima est illius gloria, qui venam tandiu quæsitam nactus est; sed eorum potius, qui adeò laborem produxere, vt propè abessent: ita in hoc sapientiæ thesauro fodiendo, qui boni aliquid nanciscuntur, tribuere debent eorum quibus succedere diligentia potius quam suæ: quippe qui in laborem alienum introeunt, indeque incipientes ubi desierant illi; perficere potuere, quod forte ne inchoassent quidem per se ipsi. Hoc si diffitetur Aduersarius, sententiam dicit in omnes, qui quocunque in genere studiorum literarumque publicos esse volunt laborum suorum fructus: licebitque dubitare, an fuerit necessarium ad complementum vniuersi, quod Complutense Collegium gloriosè perfecit in philosophicis; vel quod fœliciter cœpit in Theologicis Salmanticense.

CXXVIII. In secundo argumento quod tractatur à numero 110. inculcatur eadem prorsus incredibilitas, vt inuenire potuerint Iesuitæ in thesauro SS. Patrum quod Antiquiores Theologos fugerat. Additur verò Auctoritas Tridentini, quæ quia fuerat etiam obiecta priùs, ei satisfaciendum hoc loco est. Obijcit igitur hic Auctor, scientiam mediam non esse approbatam à Tridentino, Num. 99. sed potius *virtualiter reiectam*. Hoc probat; quia Concilium non vsum est hac scientiâ in exponenda libertatis concordia cum diuinis prædefinitionibus: Ergo *signum est valdè vrgens*, quod eam non admisit, ergo & quod eam *saltem virtualiter reprobauit*. Prima consequentia patet, quia quotquot eam admittunt, eâ vtuntur ad prædictam concordiam quæ maximè quærebatur à Tridentino: vnde ex eo quod eam non admisit, signum est virtualiter saltem eam reiecisse.

Imprimis amabo te Lector, istas deductiones attende. Auctoritas
Tridentini
adducitur Patres Concilij Tridentini non admisit scientiam

frustra &
retorque-
retur.

mediam, ergò virtualiter reiecerunt. Quid? Nullum inter illa duo medium est? Nullum etiam inter hæc alia duo, Non *vs* sunt: Ergo non admiserunt? Ego verò argumentum ita retorqueo, & probo Tridentinos Patres *virtualiter* reieciſſe concordie modum illum, quo vtuntur Thomiſtæ, atque ipſi etiam Salmaticenſes, petitum ex efficacia diuinæ voluntatis ratione inſuperabili atque *infrustrabili* hominum actiones ita prædeſinentis, vt ipſis quoque modum præſcribat vel neceſſitatis vel libertatis. Sic enim argumentor. Tridentini Patres non ſunt *vs* modo illo: Ergo virtualiter ſaltem reiecerunt. Conſequentiam Aduerſarius concedit. Antecedens patet. Quia ſi quo loco Tridentini traditus ſit ille concordie modus, miximè Seſſ. 6. Vbi ea quæſtio pertractatur: Atqui in ea ſeſſione modus ille non traditur, niſi fortè cap. 5. vbi dicitur *homo inspirationem Dei abijcere poſſe*, & can. 4. *diſſentire poſſe Deo excitanti & vocanti*. Sunt enim hæc admodum affinia, Deus antecederet ad omnem vſum libertatis, & inſuperabiliter decernit, vt voluntas inſpirationem non abijciat, Et, voluntas abijcere illam poteſt: item Eodem modo decernit vt voluntas non diſſentiat excitationi ac vocationi ſuæ: & voluntas diſſentire poteſt. quorum alterum Aduerſarius, alterum aſſerit Tridentinum. Vereor ne conſultius fuerit ipſos in hiſce diſputationibus diuertere oculos à Tridentino, niſi quantum neceſſitas cogit reſpondendi argumentis, quæ ſugerunt eius decreta.

Non in di-
guere Tri-
dentini Pa-
tres expli-
cata ſcien-
tiæ mediæ
aſſertione.

CXXIX. Ergo ad argumentum propoſitum, Reſpondeo. Concilium Tridentinum nec cogitaſſe quidquam expreſſè de ſcientiâ mediâ, nec cogitare debuifſe, ſuppoſuiſſe illam, quatenus poteſt eſſe neceſſaria tuendæ eorum quæ deſinebat veritati: de cætero expeditiorem habuiſſe rationem quâ libertatem contra hæreticos defenderet, ſublarâ videlicet cauſâ, quâ eam illi deſtruebant. Dicebant Lutherus & Calvinus præſcientiam eſſe in Deo liberorum actuum & prædeſinitionem antecedentem, quâ poſitâ voluntas nec abijcere poſſet diui-

nam vocationem, nec ab ea dissentire; Vnde conclude-
bant, Ergo voluntas non est libera. Concilium non iu-
dicauit negandam esse consequentiam, ne cum distinctio-
ne quidem sensus compositi & diuisi, sed contrarium po-
suit antecedens & dixit, nullam esse præscientiam, nul-
lam prædefinitionem antecedentem in Deo, quâ posita
voluntas non possit abijcere diuinam inspirationem, &
ab eâ dissentire. Vnde sequitur etiam contrarium conse-
quens. Ergo voluntas est libera. Quid erat opus dispu-
tare præterea de scientia media? Diceret Concilium, si
Theologis videtur, non posse aliter stare veritatem eo-
rum quæ definitio, admittant illam; sin secus, relinquunt.
Quid credendum ac defendendum sit, præscribere meum
est; defendendi modum illis permitto: quorum erit am-
plexi eum, qui videbitur opportunior. Et si nullus oc-
currat; fidem impero rerum credendarum, etiamsi ob-
scurus sit modus, quo earum veritas ita exponatur, vt
ad intelligendum facilis sit. Recolendum videlicet est,
quid olim scripserit Agatho Papa, cum legatos mitteret
ad Concilium Constantinopolitanum generale sextum,
se legatos mittere, non vt contendant de incertis, sed
vt certa & immutabilia compendiosa definitione pro-
ferant.

Concilia
de substan-
tia creden-
dorum pro-
nuntiant
non de mo-
do quo illa
exponi vel
intelligi
possunt.

CXXX. Quid, num postulabimus à Niceno Concilio,
vt componat omnes Theologorum rixas circa mysterium
Trinitatis? Num ab Ephesino & Calcedonensi, vt incar-
nationis modum explicent qualis sit, distincta-ne vnio, an
relatio quædam, an nihil ab extremis diuersum? Num à
Tridentino quale sit corpus Christi, quod vi verborum
sub speciebus panis ponitur, an compositum ex formis
partialibus & materia, an materia sola, certa ratione or-
ganizata & disposita? Num à Lateranensi quis sit libertatis
modus in illa Dei voluntate, quâ condita est in tempore
creatura spiritalis & corporea, cælestis & mundana? Et
tamen horum aliquid esse debet. Sed quàm certum est
atque credendum, aliquid horum esse, tam non est ne-
cessarium, vt distinctè statuatur ecquid sit. Multum sci-

licet interesse debet, inter priuatas Theologorum scholas, & scholam Christi: quam non decet fluctuare in incerto disputationum, sed in obsequio fidei captiuare homines, certos se sub tali Magistro falli non posse; nec ideo non esse credendorum rationem ac modum, quia nescitur.

- Num. 114. CXXXI. Atque ex his euaporatur argumenti tota vis, quo ab Aduersario Herice refutatur, cum sic obijcit. *Vel PP. isti Concilij Tridentini Thesaurum istum scientie mediae in Augustino & Patribus inuenere, vel non:* probata autem neque dici posse non inuenisse; neque si inuenere, non fuisse cognitum cæteris scholasticis, qui circa illa tempora floruerunt. Atqui iam ostensum est, Tridentinos thesaurum hunc, uti rem minimè ipsis necessariam, ne quæsiisse quidem. Et ita illud etiam tenues in auras abit, in quo Aduersarius oratoriam quoque facultatem sibi non deesse monstrauit; si modo argumentum nancisceretur idoneum, dum dicit; *Esse difficillimum creditu,*
- Num. 115. „ *ut eo tempore, quo Patres erant in Concilio Tridentino*
 „ *congregati ab Spiritu Sancto, præcipuè inter alia ad*
 „ *conciliandam contra Lutherum libertatem arbitrij crea-*
 „ *ti cum diuinis actibus, denegaret illi veram intelligen-*
 „ *tiam Augustini & Patrum.... Et quod eisdem Patribus*
 „ *Concilij relictis, ubi tanta instabat necessitas, ubi cælestis*
 „ *lux adeò enixè exposcebatur, ubi tota Ecclesiæ causa*
 „ *communiter agebatur, ubi Spiritus Sanctus se ad futurum*
 „ *pollicitus est, tunc idem spiritus ad Collegium Conim-*
 „ *bricense vel Eborense Patrum Societatis, ut sic dicamus,*
 „ *euolaret: & ibi peculiari cuidam Theologo ex illis, quam-*
 „ *uis alias doctissimo, veram & ita reconditam intelligen-*
 „ *tiam, ut ipsi loquuntur, quoad hoc patefaceret, & the-*
 „ *sauro istum in eis absconditum & à nemine post prædi-*
 „ *ctum tempus inuentum eis reuelaret. Sanè hoc difficil-*
 „ *limum creditu est, & extra communem cursum & mo-*
 „ *dum diuinæ providentiæ ut ex se constat. Oratoria, in-*
 „ *quam, amplificatio & elegans cui ego ex barbarie Logi-*
 „ *corum reponam illud tantum, esse totam de subiecto non*
supponente.

CXXXII. Et primò tempora malè computat, cùm dicit *Fonsecam testari inuentam à se hanc scientiam apud SS. PP.* ib Num. 16
 anno 1560. triennio antequam absolueretur Concilium Theologus Collegij Salmanticensis errat in amorum cō. puto. 7. Metaph. c. 2. quæst. 4. lect. 8.
 Tridentinum, narrat enim potius inuentam à se hanc scientiam apud SS. Patres triennio post. Fonscæ verba sunt hæc. Ante annos Triginta quàm hæc scriberemus (scribimus autem anno Domini nonagesimo sexto supra millesimum & quingentesimum) cùm materiam de prouidentia diuinâ & prædestinatione in publicis lectionibus essemus ingressi, multæque ac graues difficultates, quæ in ea occurrunt, se nobis obijcerent, nulla faciliiori viâ & ratione putabamus explicari omnes posse, quàm constituenda ea distinctione, quàm paulò ante fecimus, duplicis status eorum contingentium quæ reuera futura sunt, absoluti scilicet & conditionati. Ex quibus constat, cœpisse Fonsecam adhibere scientiam mediam in usum conciliandæ libertatis arbitrij cum diuina prædestinatione anno Christi 1566. absoluto tribus antè annis Concilio. Ergo si bona est deductio Doctoris Salmanticensis, Spiritus Sanctus triennio Conimbricam Tridento *non nihil mendosum parumque fauorabile velocitati Spiritus sancti.*
lauerit. Hoc autem volare an reperere est? Sed est adhuc enormior parachronismus. Anni enim computandi sunt, non ab eo tempore quo solum est Tridentinum, sed ab eo, quo res eas tractabat, de quibus modò disputamus; tractabat autem illas ineunte anno 1547. quo tempore celebrata est sessio sexta, in qua sola hæc quæstiones agitatae sunt. Atqui ab ineunte anno quadragesimo septimo ad sexagesimum sextum, quo ita philosophabatur Fonseca, numerantur anni vnde-vinginti: tamdiu ergo fuerit Spiritus Sanctus in itinere Tridento Conimbricam. Vide, mi Pater, ecquas ei alas compingas. Vlla-ne unquam testudo fuerit, non perniciosi ista columba?

Deindeneque hoc damus, defectu scientiæ mediæ im-peditum fuisse Concilium quo minùs Iucherum frænaret. Suppetebar abundè ratio qua falsissimum esse intelligeret id quo ille destruebat hominum libertatem, fatale scilicet decretum: quo sublato, quis sit deinde

*Tridentinu non in-
 oignit scien-
 tia media
 ad dam-
 nandas hu-
 manas.*

magis idoneus humano arbitrio providentiæ modus, viderint Theologi. Aliud erit tempus si necessitas postulet illud definiendi: & tunc quoque non deerit Spiritus Sanctus.

Cæterum quæ dixi ad defendendum Herice pronunciatum, nemo sic accipiat, quasi velim Scholasticos omnes, qui post Augustinum aliisque Patres claruerunt, nesciuisse Deum cognoscere actus hominum conditionatè futuros: & nullas esse conditionatas huiusmodi actuum prædefinitiones. Hoc enim falsum est: nec eo sensu fuerit Herice loquutus, sed alio tantum, quo videtur nobis id eos latuisse, quod non seposuerunt ad discutiendum, seu de quo non instituerunt *disputationem* vllam, non *distinctionem*, non *questionem* aliquam, non *Articulum*, non *Quodlibetum*, non denique vllum *Ientaculum*.

Num 117.
De Molinæ
iaſtancia.

CXXXIII. Iam verò contra Molinam necit Aduersarius *corollarium notatu dignum*, quod dixerit in suâ primitiua concordia, & necessariam esse scientiam mediam ad concordiam libertatis creatæ cum Dei providentiæ: & eam à se adinuentam, cum fuisset incognita Patribus. Inde siquidem sequi Ecclesiam antea nesciuisse quod tamdiu quæſierat: & hæreticos qui pro vel contra libertatem pugnauiere, sin minùs potentia, ratione saltem superiores fuisse: itaque *humiliatam* iacuisse Ecclesiam coram hæreticis, & *verecundè* confusam: effectum caruisse quod Christus promiserat, *dabitur vobis in illa hora quid loquamini*, & illud etiam, *portæ inferi non præualebunt aduersus eam*: Neque pati posse suauem diuinæ providentiæ dispositionem, vt quod tamdiu toti Ecclesiæ occultauerat, censeatur postea voluisse reuelare Iesuitis. Hæc & alia id genus voluit Aduersarius in Corollario iam citato.

Publica est
& communis
confessio
difficultatis
conciliandi
liberum arbi-

Sed Respondeo I. Debuisse illum conuertere imperum istum feruentis eloquentiæ in Thomistas. Appellet Caietanum, qui quamvis non nesciret quænam esset Ecclesiæ doctrina super hac controuersia, fateretur tamen se nescire coniungere duo hæc extrema, non posse falli Dei

prædestinationem, & hominem esse liberum. Appellet Bannesium, qui laborantes in hac concordia remittit ad mysterium Trinitatis, cuius rationem ab Ecclesia postulandam nemo censet. Appellet Didacum Alvarez, qui captiuandum hoc loco intellectum docet, quemadmodum in rebus incomprehensibilibus. Appellet Dominicum Soto, qui angustias ingenij sui hac occasione confitetur. Appellet Ledesnam qui nodi huius difficultatem perpetuo prædicat *atque inter omnes difficillimas Scholasticas disputationes præcipuum ac penè principem locum tenere dicit.* Et ne videamur solos Thomistas impedire voluisse; Appellet Andreæ à Vega, qui sibi ne ab Augustino quidem satisfactum esse significat. Appellet Cardinalem Sadoletum, qui difficillimam omnium quæstionem vocat & inexplicabilem. Appellet denique Augustinum ipsum, cuius querelas super hac re antea retulimus. Et quid peccauit Molina quod difficultatem illam notauit, cuius & ante illum, & postea tantus fuit sensus & tam manifestus?

trium cum
Dei prouidentia.

Supra disp.
I. c. 2. §. 2.

Pag. 1. de
Auxilijs.

Nam quod additur de Ecclesiæ confusione atque erubescencia, quasi pugnaverit cum hæreticis, qui vi argumentorum superiores erant, quàm est inane! Quæ sunt enim argumenta illa quibus Ecclesia cum hæreticis pugnat? An quæ petuntur ex naturali discursu & ratione? Est ergo cur erubescat, quòd eo modo superare non possit qui Dei liberos actus, qui Trinitatem personarum in vnâ naturâ, qui distinctionem naturarum in vnâ personâ, principijs Aristotelicis impugnant. Scripturam habet & traditam à principio germanam illius intelligentiam, cum præiudicio inconcussæ atque infallibilis auctoritatis. His vinculis constringit hæreticos, fidemque præcipit inexplicabilium quoque sententiarum. Quòd firerum credendarum rationem deinde Doctores quærant, facile est aliud ab alio superari, multos etiam ab vno in re aliquâ, Ecclesiam à nullo.

Quæ ratio-
ne Ecclesia
vincere so-
leat hære-
ticos.

CXXXIV. Neque tamen in eo se Molina cæteris præfert: neque vnquam negauit fuisse superiores quæ-

reticis restiterunt; quippe cum producat numerosam eorum seriem, qui cum negent dari absolutas liberorum actuum prædefinitiones, præscientiam dixere consequenter non esse rerum præscitarum causam; sed è contrario, ideo præscire Deum futura quia futura sunt. Quo pacto qui libertatis concordiam tradidere, neque nuperi sunt, neque pauci numero, neque plebeij, nec ab hæreticis impediendi. Sed ad id ipsum quod & dictum est semper, & quæ sit concordie rationem continet; lucis afferri aliquid posse Molina putauit, ex distinctâ scientiæ mediæ declaratione atque usu: quod ne Aduersarij quidem negare possunt. qui mihi videntur in eo mirabiles, quòd ea quæ confitentur ipsi, damnent.

Quæ iactat
Molina
confitentur
aduersarij.

Siquidem tota hæc Molinæ iactatio quam accusant, tribus hisce capitibus constat. 1. Quod significauerit laboratum esse superioribus temporibus in exponendâ liberi arbitrij concordia cum Dei præscientiâ & prædestinatione. Et iam monstrauius ipsos potissimum Aduersarios istius laboris sensum præ se ferre. 2. Quod crediderit faciliorem esse modum quem proponit ipse. Atqui Auctor operis de Libertate Dei & creaturæ, *miram* etiam esse dicit eius *facilitatem*: nec aliò spectat quòd alij passim eius *popularitatem* despiciunt: & quod indicat Didacus Aluarez, eius euidentiâ & claritatem esse debere suspectam. Vt quod dixit Catharinus in Epistolam ad Ephesios, meliori fortasse iure possumus hic vsurpare. Audi rem sanè admirabilem, & quantum potest antiqua consuetudo atque persuasio. Cum hæc sententia reddat materiam facilem, difficultatesque penitus omnes à pijs mentibus remoueat: & suauiter atque æquissimè à domino cuncta esse disposita demonstrèt; reperiuntur tamen nonnulli, qui ob hanc ipsam causam illam respuant, ut pote quos ea scire delectat quæ sciri non possunt: & ea dicere deque ijs disserere, quæ obscuritatibus vndique obsita nec ipsimet intelligunt, nec qui talia agunt.

Lib. 1. cap.
vltimo n. 1.

Disp. 118.
& 121.

3. Quod dixerit Molina se primum hunc modum concordie publicum fecisse (neque enim negat à Fonseca etiam,

etiam, priuatim & excogitatum & propositum prius? Atqui hoc adeò non negant Aduersarij, vt de nouitate ipsa crimen faciant. Est-ne aliquod præterea. Molinæ facinus, vel audax propositio? Quodnam ergo criminatio- nis genus istud est, & accusare quòd quis dixerit: & accu- sando confiteri iure dictum esse, quia verè dictum sit?

CXXXV. Sed quid facient ij quorum meminit Euge- nius Philadelphus in appendice ad Camerarium, qui & probabilissimam omnium & nouam esse prædicant eam concordia rationem quam proponunt: eaque vna vitari odiosiores quasdam offensiunculas, & scrupulos aliunde iniectos excuti: euolui & explicari quod inuolutum & implicitum delitefcebat in scriptis Patrum? Quid facient *besterni* approbatores *damnatarum* sententiarum, qui nas- centem à sepulchro Phosphorum mundo dederunt ab Augustini temporibus tenebrismerso? Accusare in vno quod in aliolaudes, cuius quæso virtutis est?

Eadem illa
inestatio
pletisque
Aduersariorum fa-
miliaris
etiam lan-
guanianis.

Finio rationem hanc, & Aduersarium moneo, interes- se Collegij Complutensis & Salmanticensis, quæ cœpere iam Philosophorum & Theologorum diuitias suis augere commentariis; vt nemo superbam esse reputet spem il- lam, quâ quis putat suis faculis crescere posse hominum eruditorum diem: exuletque à Christianis pectoribus li- uida illa & tumens admiratio, cum dicitur, *A Nazareth potest aliquid boni esse?*

CXXXVI. Quartò probat Aduersarius doctrinam de Scientia Media & cognitam fuisse Patribus & Scholasti- cis antiquis; & à cunctis ferè *reprobata*. Horum primum damus, & negamus secundum. Quod vt prober, easdem semper reuoluit coniecturas, fuisse nimirum hac scien- tia vsuros in concilianda libertate, quod non fecere tamen. Quæ deductio iam reiecta est. Item, Quia statim atque innotuit displicuit Thomistis, quod non accidisset nisi esset illa communiter reprobata: quæ coniectatio diluta etiam antea est. Item, Quia Bannezij commenta- ria, quibus impugnat Scientiam Mediam, prodire quinqueennio antequam prodiret Molinæ concordia.

Num. 119.

An olim
reprobata
fuerit Sci-
entia Me-
dia.

Et hoc quidem verum est, sed prodire etiam annis circiter decem & octo postquam Scientia Media & vsus illius exponi cœperant in Scholis à Fonseca. Et tamen, inquit, commentaria illa Bannezij nec à Molina nec ab alio Patre Societatis tanquam nouam nedum periculosam doctrinam continentia notata fuere: multominus adiudices fidei delata. Concedo id etiam, quia offendit, fuisse Patres Societatis pacis amantiores minusque in damnando præcipites. Ergo, inquit, hoc quinquennale silentium, signum est doctrinæ non nouæ, sed perenniter decurrentis, & in omnibus Christianis Academiis receptæ. Sed duodennium est, cum prodit Salmanticensium cursus, quo tempore nemo illos accusauit: Ergo signum est quidquid illi docent receptum esse in omnibus Christianis Academiis? Nego consequentiam: & dico absurdam esse præscriptionis legem illam, & terminum quinquennale contra errorum Censores; minimèque ista connecti, *non impugnatur aliquid quinquennio*, editis scilicet libris: &, *communiter recipitur in omnibus Christianis Academiis*. Thomistæ omnes, inquit, hæc commentaria probarunt communi calculo sicuti verè Thomistica. An sit verum nescio, quia vidi ego, audiui, & legi: qui hodieque non probant: sed tamen, esto, quid tum postea? Ergo non continebant nouam doctrinam, eorum opinione concedo; reipsa, nego. Quæ agendi ratio ista est, vt duorum disputantium alter alterum auctoritate sua premat? Ex quo in arenam hanc descendimus, quis non videt nos alieno iudicio submitti, non inuicem nostro?

Num. 124. CXXXVII. Sed, inquit, *Quenam alia doctrina quam Bannezij apud Theologos tam Dominicanos quam alios, antecedenter ad illum annum 1584. vsui habita est?* R. Illa quæ negat absolutas liberorum actuum prædefinitiones, quæ sunt vsi Nominales post Damascenum & Antiquos Patres: Illa quæ negat ideo futurum aliquid esse quia Deus præscit; sed ideo præscire quia futurum est, quam ostendimus antea, quàm sit antiqua & communis: Illa quæ

Quinquennale silentio præscribere vult Aduersarius Theologorum opinionantes.

Antiqua ratio liberi arbitrij defendendi.

præscientiam meritorum à gratia dependentium priorem
 esse dicit prædestinatione, quam Dominicus Sotus, qui
 computari debet inter Principes Thomistas, dicit *nihil*
deniare à veritate, & quam alij passim concedunt, exce-
 pro Augustino, fuisse à pluribus Patribus traditam: Illà In cap. 8.
Ep. ad Ro.
 quæ negat præcedere aliquid ex parte Dei quo infe-
 ratur in liberam voluntatem agendi necessitas, quâ nihil
 vnquam fuit tritius apud Scholasticos Antiquos & San-
 ctos Patres.

Sed quis est hic argumentandi modus, quid-ve probat
 aliud quàm esse improbable quod Aduersarius intendit?
 Nimirum cùm monstrandum suscepisset Scientiam Me-
 diam ante Molinam fuisse *ab omnibus reprobata*, nihil
 erat opus extrinsecis vti coniecturis; sed cùm sint ad ma-
 nus eorum libri quos laudamus, producenda erant ali-
 quorum saltem testimonia, quibus ea condemnatio con-
 tineretur. Hic Auctor ne vnum quidem produxit, præter
 quam Scoti, in cuius verbis de futuris conditionatis nulla
 prorsus mentio est. Ac proinde longè cautior fuit P.
 Ioannes à S. Thoma, qui cùm recentiores Theologos
 Scientiæ Mediæ oppugnatores retulisset, subdit, Omitto
 Antiquos Doctores quorum licet plures afferant Ville-
 gas, Aluarez, & Theologi Carmelitani; tamen quia non
 ita ex professo controuersiam hanc de Scientiâ Mediâ
 disputarunt, illos omittimus. Atque hoc modo facile
 est respondere ad inanem nomenclaturam quam dedu-
 cit Aduersarius dubio sequenti, vt ostendat in hac con-
 trouersia, si auctoritate res agitur, superiorem esse par-
 tem negantem affirmante. Nimirum facile est dictiona-
 rium texere; sed testimonia postulamus. Et vide Lector,
 quàm benignè agam cum Aduersarijs, sufficit mihi si vel
 vnum proposuerint ex vniuersâ antiquitate Doctorem
 qui hoc dixerit aut formaliter, aut æquiualemter, aut
 per sequelam necessariam & minimè disputabilem, ex
 quo tota pendet huius causæ decisio, *habere Deum præ-*
sentens circa ea quæ neque fecerunt homines, neque faciunt aut
facturi sunt vnquam; sed quæ facerent, prædefinitiones. Vnum

Non esse in
 Antiquis
 scriptori-
 bus quo
 Scientia
 Media re-
 iiciatur.

Disp. 20.
 ar. 6. p. 691.

Num.
 161.

si dederint, multos fuisse concedam. Quam multi verò sint quibuscum id genus decreta convenire non possunt, facile probarem, si ferre hoc posset necessaria tantum defensionis susceptum munus. In promptu est Didacus Ruiz, qui suam in hac parte diligentiam, ingeniumque atque eruditionem probavit.


Sed iamdiu est cum in Collegio Salmanticensi versamur: ad disputandum nos inuitat, quæ illi est schola vicinior: in qua id etiam persoluemus quod restare videbatur, de sententia D. Thomæ, deque rationibus, quæ disputatione vndecimâ edisseruntur ad ostendendam Scientiæ Mediæ impossibilitatem.





DISPUTATIO QVARTA.

P. IOANNES A SANCTO
THOMA.

I.  VRSVS Theologici Tomus primus, quem P. Ioannes à Sancto Thoma Lisbonensis in Academia Complutensi professor, ex ordine S. Dominici, ante quinquennium ediderat, ab aliquot mensibus in Galliam delatus est cuius quia vltima

disputatio quæ vigesima est scientiam mediam *omnino iugulat* vt ipse aliquoties loquitur, tentandum est, si quâ ratione innoxio gutturi succurri possit, feralisque mucronis ictus aliquâ declinatione vitari. In primis verò in hoc Auctore hoc mihi maximè probatur, quòd in hac disputatione seponendam putat verborum acrimoniam & aculeorum amaritudinem, nec recordandum si qui scorpia-tum, aliquid, & aculeatum iactauerint: Angelorum linguis optare se loqui: amputanda diæteria omnia, scom-mata, irrisiones, quorum aliqua ne referenda quidem sint, sed potius ferenda: ne sit fellea disputatio; sed pacifica vt decet sanctos, vt decet graues & doctos viros, in re seriosissimâ, in disputatione plena Iudicij & Authori-tatis. Dignissima omnino Religioso viro monita, præ-

De Reli-
giosâ mo-
deratione
in his dis-
putationi-
bus reti-
nendâ.

Art. 1. p.

634.

Art. 6. p.

685.

KKK iij

tertium si congrua tam præclaris verbis exempla comitentur. Sed dum ipse Auctor *tubam* nobis attribuit, & *Inanes sonitus, inanesque triumphos, in verborum pompa*: dum denotat *fastum & incesum in mirabilibus* dum attentiores facit *rumori & famæ, quàm sincere veritati*; dum *lucem Moliniam* ironice sugillat, aliaque persequitur vsque ad oratorias inuectivas; videri possit hominum quidem linguis esse loquutus, sed non uti optauerat, *Angelorum*. Hæc tamen quando ipse ita cupit, obliuiscamur, sitque deinceps Religiosa contentio, & quæ sanctos minimè dedecet: quippe quos oportet Cantorum in morem configere ad numeros, ex regulis charitatis; vt temperatis affectibus, concentu gratissimo litemus diuinis auribus, harmonia scilicet animorum. Hoc enim postulat illa, cuius sinu continemur, eius sponsa, quæ licet in hoc statu belli expers esse omnino non possit; obtinuit saltem vt aduersa quæ in ea extruuntur *castra, chori* vocarentur.

CAP V T PRIMVM.

*Iudicium Romanorum Censorum
de Scientia media.*

Dub. 3. §. 2. II.
Num. 67.



Salmanticensium
narratio de
disputationibus
Romæ habitis

ISTVLIMVS in hunc locum examen narrationis quæ apud Salmanticenses extat, disputatione decima, quæ sic habet, Molinam in Hispania iuridicè accusatum apud Inquisitores fidei, post editam Concordiam: euocatam exinde causam ad Clementem VIII. ab eo delectos Censores facile triginta, viros grauissimos, Cardinales, Episcopos, Regulares, vt omnes hi, eodem Summo Pontifice pro Tribunali sedente, tanquam Consiliarij & testes assisterent: cum negotium tractaretur, iussisse Pontificem vt missis rationibus quæ naturales scientiæ naturali lumine subministrant, solis D. Augu-

fini & D. Thomæ testimonijs res ageretur : tunc Patres Num. 68.
 Societatis destitutos rationibus naturalibus , coactos in
 id vnum incumbere , vt testimonia D. Augustini & D.
 Thomæ congererent : idque summo studio præstitisse,
 plurimaque id genus testimonia coram Summo Ponti-
 fice & triginta grauissimis viris pro Scientiâ Mediâ pro-
 tulisse nempe non vnicum fuisse actorem in hac scenâ,
 sed adstitisse Gregorio de Valentia, Arrubalem, Vasti-
 dam, Salas, insignes Theologos, & aliunde insuper mis-
 sos tum manuscriptos tum typis cufos codices, ab emi-
 nentibus eâ ætate Societatis Theologis: adiutos simili-
 ter qui ex aduerso stabant PP. Dominicanos, Thomam
 Lemos, Franciscum de Auila, Ioannem Gonzales, tum Num. 69.
 viua voce eorum qui tunc Romæ morabantur, tum mis-
 sis aliundè, præsertim verò ex Hispaniâ doctissimis ma-
 nuscriptis: Contestatâ in hunc modum lite longo tem-
 pore multisque sessionibus, sub Clemente VIII. & Pau-
 lo V. omnes illos triginta viros vno vel altero excepto,
 hanc sententiam protulisse, Nec Augustinum, nec Do-
 ctorem Anglicum, vlla ratione docuisse Scientiam Me-
 diam, seu conditionatam, per quam Deus provideat
 consensum v. g. voluntatis humanæ vt infallibiliter futu-
 rum, antequam actu habeat decretum efficax de illius
 futuritione: sed potius vtrumque Doctorem sanctum præ-
 dictæ scientiæ refragari: & absolutas prædefinitiones Dei
 independentes à prædicta scientia, & salua libertate crea-
 tâ, docuisse: hæc non esse proprio Marte adinuenta, sed
 accepta à viris grauissimis omni exceptione maioribus: &
 cum sparsus esset rumor oppositus, adhibitam in Roma-
 na curia peculiarem diligentiam, in peruestiganda huius
 huius historiæ veritate, compertumque ita omnino rem
 habere: testatum id esse insignem quendam Theologum,
 qui omnibus congregationibus attentissimè interfuit, &
 cuncta in iis acta diligenter notauit, & scriptis fideliter
 commisit: nec sapientia modo, sed & sanctitate fuisse
 illum ad eò insignem, vt plura etiam post obitum ediderit
 miracula. Et vt eius testimonium, *inquiunt*, adhuc firmitus
 & omni exceptione maius maneat, Testamur virum istum

„ grauiſſimum octo diebus ante ſuum obitum, & antequam
 „ in morbum quo vitam finiuit incidiffet; ac proinde dum
 „ in ſacra Theologia & ſanctitate maximè vige-
 „ batur, ea quæ diximus ingenue ſaſſum eſſe. Hæc eſt eorum ſumma quæ
 narrant Salmanticenſes loco citato.

III. Quæ cum ego primùm legerem, exiſtimabam eo-
 dem in prædicamento reponenda cum peregrinatione
 Pythagoræ ad Montem Carmeli, ex quo Philoſophiam
 deduxiſſe creditur: tantumque fidei mereri, quantum
 deberi poteſt innominato teſtiatque incognito. Durior
 nimirum eſt ſchola, & difficiliora Scholaſticorum inge-
 nia, quàm vt ſe premi ſentiant, dum narrantur confuſè
 quædam miracula, & obijcitur quidam ſanctus, cuius
 nomen non ſit alibi ſcriptum quàm in libro vitæ. Nam
 quod teſtantur Salmanticenſes, id eum dixiſſe octo ante
 mortem diebus, cùm eſſet adhuc integra valetudine; fa-
 cit quidem vt credamus non diuturno illum morbo con-
 ſectum eſſe, neque delirij ſuſpectam fuiſſe tunc eius ora-
 tionem; de cætero dabunt veniam, ſi hac in lite vt iu-
 dices eſſe inuicem non debemus, ita nec teſtes eſſe veli-
 mus, neutrum enim partibus iure licet. Et quia viden-
 tur habere voluiſſe quod reponerent Scriptori vitæ Bel-
 larmini, dum loquitur tum de illius ſub mortem ſenten-
 tia, tum de teſtimonio Cardinalis de Monte; aduertere
 debuerant, non fuiſſe nos contentos domeſticâ quadam
 traditione ac fide noſtrorum: ſed publicis ea tabulis con-
 ſignata vulgataque, vt eorum quæ inibi referuntur firma
 atque inconcuſſa veritas haberetur.

At 6. p. 688.

Confirma-
 tio ſupe-
 rioris nar-
 rationis
 à Sancto
 Thomâ.

IV. Vidit hunc hiatus P. Ioannes à Sancto Thomâ,
 ideoque operam dedit vt probationi tam infirmæ robur
 adderetur. Quare quæſitus eſt huius narrationis Auctor
 & productus Franciſcus de Penna Rotæ Decanus: qui
 fuiſſe dicitur vnus è triginta viris illis. Quæſitum quoque
 illius teſtimonium: & in eius diario repertum excerptum-
 que inde manu publici Notarij, adhibitis teſtibus fide
 dignis, & Pennæ familiaribus, qui iurant ipſiſſimam eſſe
 hanc eius ſcripturam ex qua tranſumptum eſt teſtimo-
 nium quod ſic habet. Die Iouis ſeptima Iunij 1601. apud

Reueren-

Reuerendissimum Dominum Sanctæ Agathæ, habita,,
fuit congregatio, ad quam conuenerunt omnes consul-,,
tores super examinanda censura alias facta in 14. proposi-,,
tionem Molinæ: & post longam & exquisitam discepta-,,
tionem, exceptis Regente Carmelitarum & Procuratore,,
Generali S. Augustini, in censura persistentes, affirma-,,
uerunt, & propositionem fuisse à Molina assertam; &,,
inuentum de scientia media à Massiliensibus excogitatum,,
ad extenuandam gratiam effectricem bonæ voluntatis.

Hoc testimonium quod subscriptione Notarij descri-
ptum fuisse constat 9. Iunij an. 1636. visum est non esse sa-
tis idoneum ad id quod quærebatur confirmandum: & ^{16. p. 690.}
ideo Romam iteratò mittendum fuit, vt testimonium
aliud haberetur, quod P. Ioannes à S. Thoma subscri-
ptum dicit ab eodem Notario 10. Ianuarij 1637. additque
à se oculatim visum: illud tamen non producit, dixisse
contentus, Consultores illos seu Censores in congrega-
tionibus habitis coram Summo Pontifice perstitisse in
sententiâ de neganda scientia media, eodem Penna refe-
rente, ex quibus ita concludit, Et sic ea quæ in cursu,,
Theologico Carmelitano citato loco sapientissimi Pa-
tres dixerunt, firmum ac stabile reputari debet, nec ali-
quid est vnde possit infringi, nisi forte quia non ita in,,
particulari ea retulerunt, quæ hic ex testimonijs alla-
tis, vt res ista non sub caligine perpetuo iaceret, decla-
rauimus.

V. Ego verò ex hoc secundo testimonio nihil colligi
posse puto, quo narratio Salmanticensium confirmetur,
quamdiu manebit occultum: quin potius suspicor in eo
contineri aliquid quo infirmetur, alioqui cur post tantam
in eo quærendo diligentiam suppressum esset, priore
producto?

VI. Ex priore igitur præclare colligitur narrationem
illam esse mendosam multis capitibus. Et primò de nu-
mero illò triginta Censorum seu Consultorum, vides
nullam esse mentionem in verbis Pennæ. Sed & in con-
gregationibus, quæ habitæ sunt deinde coram Summo
Pontifice (non enim intererat Pontifex prioribus illis vt

Salmanti-
censium nar-
ratio ex eius
confirma-
tione men-
dosa esse
conuinci-
tur ex duo-

decim ca- mox constabit) censores seu consultores numerantur tan-
pitibus. tùm quindecim à P. Ioanne à S. Thoma totidemque fe-
rè recententur à Quæstionario Tolosano thesi 7. Alij
ib. p. 690 etiam ex alijs relationibus pauciores recensent vt P. Pe-
trus à Sancto Ioseph in sua Concordia.

Secundò falluntur circa eorundem censorum qualita-
tem, dum eo numero *Cardinales* comprehendunt, cùm
sit satis manifestum ex cærimoniali Romano, *Cardinales*
non fuisse congregandos *apud illustrissimum Dominum S.*
Disp. 4. 4. *Agathe*, qui tantùm erat Episcopus, & Ioannes à Sancto
pag. 531. *Thoma* Censores seu Consultores à Cardinalibus distin-
guat.

Tertiò falluntur, dum huiusmodi Iudices censuisse di-
cunt nec *D. Augustinum*, nec *Doctorem Anglicum*, *vlla*
ratione docuisse scientiam mediam, quia vt patet, nulla
prorsus fit mentio nec Augustini, nec Doctoris Ange-
lici, in illo quod Penna refert Censorum suffragio; & si
dicas esse illud interpretandum iuxta præscriptam à Pon-
tifice disputandi rationem, qui iusserat vt solis *D. Augu-*
stini & *D. Thomæ* testimonijs Partes vterentur.

Ar. 1. pag. Iam apparet quartus error. Nam P. à S. Thoma præ-
607. scriptum hoc dicit fuisse missum die 15. Iulij 1604. Se-
quenti tenore. An sit sententia *D. Augustini*, quod ante
decretum absolutum diuinæ voluntatis detur in Deo co-
gnitio certa & infallibilis contingibilium dependentium
à causa libera, qualem *Molina* per scientiam mediam tri-
buit. *Clemens* Papa 8. pro prima congregatione. Censo-
rum vero iudicium illud, multò est antèrius, nempe 7.
Iunij 1602. vt omittam hic etiam nullam esse vsquam
mentionem *D. Thomæ*.

Quintò falluntur in ea quam pingunt ambarum par-
tium diligentia in conquirendis *D. Augustini* & *D. Tho-*
mæ testimonijs, ipsa etiam *Hispania* suum symbolum
conferente: quo factum sit vt plene ab utrisque informa-
ti iudices pronuntiarint. Quia hoc non potest esse ve-
rum de illo Censorum iudicio, cùm nondum processisset
decretum Pontificis, eos qui disputabant *Augustino* ad-
dicentis

VII. Sextò falluntur, dum fingunt nostros illa Pontificis obligatione ad disputandum ex Augustino, quòd sentirent se destitutos esse rationibus philosophicis, *se conuertisse* ad quærenda S. Augustini & S. Thomæ testimonia; quasi verò vel antea solis vterentur rationibus naturalibus, vel tum demum de conciliando sibi Augustino & Angelico Doctore cœperint esse solliciti. Legant quæso Vasquezium qui diu ante disputationem hanc, anno scilicet 1595. primum tomum in 1. partem absolue-
 rat, in quo primam scientiæ mediæ probationem ex Scri-
 ptura & Patribus præsertim verò ex Augustino persequi-
 tur, quem dicit, *disertis verbis*, doctrinam hanc expressisse. Legant Fonseca qui vno post Vasquesium anno cum scriberet, vt ipsemet dicit, & Augustini nominatim loca pleraque citasset, ita loquitur, infinita penè sunt loca in quibus vtramque præscientiam conditionatam de liberis actibus futuris, NON SOLVM AVGVSTINVS; sed etiam alij Patres asserunt, quæ non est opus, hoc loco referre; vsque adeò res in tota antiquitate perspicua erat; magisque comperta nunc fuisset, si Doctores Scholastici eorum dicta attentius perpendissent, & ad propositam quæstionem expressius applicassent. Legant Suarem, qui aliquot etiam annis ante hanc disputationem edidit opuscula sua, in quibus postquam scientiam mediam ex scriptura probauit, ita eiusdem probationem orditur ex Patribus, Si varios loquendi modos in sanctis Patribus accuratè obseruamus, non obscure vt opinor, constabit, eos non minùs certos fuisse de hac scientia Dei, quàm de absoluta scientia futurorum contingentium, ac subinde catenam necht SS. Patrum; inter quos S. Augustinus non vnum annulum facit. Legant etiam Molinam, superbum illum, qui de ignorantia totius antiquitatis insolenter triumphat: & videant quàm sit parum id quod ille sibi arrogat, cum colligit ex allatis à se Patrum testimonijs, scientiam mediam ipsos, *se non nostris verbis, re tamen ipsa affirmare*; dum se illam testimonijs scripturarum ac SS. Patrum (inter quos numerandus etiam Augustinus) imò & Scholasticorum corroborasse dicit, dum fatetur

disp. 67.
c. 21.6 Meta-
phil' c. 2.
q 4 5 9.1. 2. de sci-
tia condi-
tionata c. 1.1. p. q. 4. ar.
11 d. 18. m. 2.

„ingenuè se in labores aliorum ingressum, torque con-
 „certationibus & egregijs aliorum dictis atque inuentis il-
 „lustratum, vt dilucidius aliquantulum radicem attinge-
 „ret vnde hæc omnia consentirent, & difficultates omnes
 „facile enodarentur. Qui fieri potuit vt qui tandiu ante,
 scientiam mediam munierant auctoritate Patrum, &
 præsertim Augustini, se comprehensos crediderint, cum
 est intellectum sepositis rationibus philosophicis ex Au-
 gustino esse disputandum: cœperintque tunc primum
 necessitate *coacti se conuertere* ad voluendos Augustini tra-
 ctatus, vt pote alijs munitionibus iam pulsi? Vide quàm
 congrua sit, & quàm probabilis narratio, tum missos
 Romam ad disputantes, non solum manuscriptos, sed
 editos etiam libros ab Eminentibus Theologis Societa-
 tis; nempe quia iuuare poterant ad intelligendam Augu-
 stini sententiam. Adeò ne verò ignari erant atque inex-
 perti Gregorius de Valentia, quem Salmanticenses *eru-
 ditissimum* vocant, & in SS. Patrum lectione valde versatum,
 & tres alij quos etiam fatentur *eximios Theologos*, vt in
 hanc arenam descenderent ijs auxilijs destituti quæ parata
 iam erant editis à Societate libris? Non intellexerunt
 scientiam mediam à nostris esse Augustini auctoritate
 vallatam, extareque in luce publica editos super argu-
 mento illo libros? Et fuit adhibenda cursorum diligentia
 vt libri huiusmodi ex Hispania portarentur, qui vsui esse
 possent instanti discrimini? Quis non videt narrationem
 hanc haud satis fuisse meditatam.

VIII. Septimò falluntur in referendo Censuræ iudi-
 cio, dum scientiam mediam ab illis negatam ita descri-
 „bunt vt sit, Scientia conditionata per quam Deus pro-
 „uideat consensum V. g. voluntatis humanæ vt infallibi-
 „liter futurum antequam actu habeat decretum efficax
 „de illius futuritione, quod perspicuum sit in tali iudicio
 pro vt refertur à P. Ioanne a S. Thomâ, nihil simile con-
 tineri: nisi forte volunt nos eorum interpretationem
 eodem loco habere quo Iudicum ipsorum sententiam.
 Et quis scit an iudices illi non prætulerint opinionem
 eam, quæ tum decreta conditionalia negat, tum scien-

tiam quoque, seu præuiam, seu subsequam?

Octauo falluntur, dum eisdem Censores dicentes referunt *utrumque Doctorem absolutas prædefinitiones Dei independentes à prædicta scientia & salua libertate creatæ do-
nuisse* Vide Lector, an sit vlla eiusce rei vmbra in ea censuræ formâ quæ descripta est à P. Ioanne à S. Thoma? Hoc vero est, non tam aliorum opiniones referre, quam componere: nec eorum recitare sententiam, sed dictare: ac facere potius vt dixerint illi quod volumus, quam quod illi voluerunt, cum candore ac fide renuntiare.

Falluntur 9. dum *Longum tempus multasque sessiones* dicunt esse consumptas in hac lite *contestanda*; quod constet ex ipso tenore censuræ vnam tantum sessionem in eâ disceptatione consumptam esse. Sed & coram Summo Pontifice, cum tres tantum ea de re fuerint sessiones, negat P. Ioannes à S. Thoma difficultatem esse tractatam præterquam in vltimâ, verba illius sunt. De hoc autem dubio incepit tractari & disputari coram Sanctissimo, aliquot Cardinalibus & Censoribus deputatis „
27. Octob. eiusdem anni 1604. & fuit congregatio 33. „
in ordine, durauitque disputatio per tres congregatio- „
nes, tum dat rationem cur tres confessus hæc causâ re- „
nuerit, quodd scilicet P. Bastida suscepisset probandum in „
primo, *in Deo dari scientiam conditionatorum*; in secundo „
certam esse scientiam hanc: in tertio *scientiam hanc esse in-* „
dependentem à decreto, quod vnum erat controuersum. In- „
nuitque propterea importunum fuisse Bastidam inutili „
hac partitione: atque ita vnicâ sessione id quod erat con- „
trouersum tractatum est coram Summo Pontifice.

Decimò falluntur, dum constanter dicunt triginta viros illos & causam discussisse, & suam sententiam contra scientiam mediam protulisse coram Summo Pontifice. Quia sententia illa prolata dicitur 7. Iunij anno 1601. & tunc nondum cæperat Pontifex interesse huiusmodi congregationibus, vt constat ex Ioanne à S. Thoma, dum dicit *utramque familiam (S. Dominici & nostram)* „
solum præbuisse Magistros virosque doctissimos qui co- „
ram Summo Pontifice in illis 47. Congregationibus dis- „

„ putarent, ab anno 1602. in tertia septimana quadrage-
 „ simæ, in qua incepit prima congregatio coram Summo
 „ Pontifice Clemente 8. vsque ad annum 1606. die 22. Fe-
 „ bruarij, quo est habita vltima congregatio coram Pau-
 „ lō 5. Vbi vides primam congregationem coram Summo
 Pontifice habitam fuisse an. 1602. & ex dictis paulō ante
 constat, primam de scientia conditionata quæ fuit or-
 dine 33. fuisse habitam anno 1604. Iudicium autem 30.
 virorum relatum à Magistro Penna ponitur in anno 1601.
 mense Iunio, Manifestum igitur est pertinere iudicium
 illud ad eas congregationes, quibus non intererat Pon-
 tificex, quarum meminit idem P. Ioannes à S. Thoma, ait-
 que fuisse pariter numero 47. & ex eo conuincitur etiam,
 quòd dicatur ille conuentus apud Illustrissimum D. S.
 Agathæ congregatus. Quis enim ferat vt eò conuenisse
 dicatur Summus Pontifex?

ib. p. 688.

IX. Ex quibus intelligitur falli vndecimò, dum dicunt
 illam sententiam pronuntiatam, *post longam litis contesta-*
tionem utrâque parte hinc inde pro se allegante & diuersa D.
Augustini & Angelici Doctoris testimonia in sui fauorem pro-
ferente. Quia iam vidimus ex Ioan. à S. Tho. prolata
 sententiam an. 1601. & disputationes tantum exceptas an-
 no 1602. & quæ erat de scientiâ mediâ anno 1604. Er-
 go sententiâ illa prolata est tribus circiter annis ante
litis contestationem illam in quâ vtraque pars audita est:
 & non post.

X. Vnde colligas eosdem Salmanticenses falli, Duo-
 decimò quando dicunt *etiam Summos Pontifices Clemen-*
tem 8. nec non & Paulum 5. VT PECVLIARES DOCTORES
 SVBSCRIPTISSE IUDICIO XXX, VIRORVM ILLORVM.
 Audax omnino pronuntiatum, quod in re maximi mo-
 menti probatione carere non debuit, vt fidem faceret.
 Vbi enim est illa subscriptio? Quem habet Auctorem?
 Quemue testem? Quod si putant id ex eo colligi debere,
 quod interfuerint Iudicio. triginta illorum Theologo-
 rum; iam vidimus neutrum interfuisse primo Iudicio,
 quod solum est à P. Ioanne à S. Thoma representatum:
 secundum verò nescimus adhuc quale sit, & quando, &

quomodo conceptum. Hoc tantum scimus, non fuisse ibi 30. Censores, sed ne 20. quidem: cum etiam Ioan. à S. Th. pauciores numeret. Item scimus eodem à S. Th. referente, quando res illa disceptata est, Paulum quintum nondum fuisse Pontificem; nisi fortè *ampliatio* vtuntur atque intelligunt illum, qui futurus erat deinde Pontifex, subscripsisse condemnationi scientiæ mediæ. Sed vt verum esset quod dicunt de iudicio illo, vnde sibi hoc assumunt, vt idem sit audire condemnantes, & eorum subscribere condemnationi? Et cum Censores illi Consultores tantum fuerint; vnde habent idem esse Consultorum audire Iudicia, & eadem approbare, vt inferant dato & non concessio, quod Consultores illi scientiam mediam condemnauerint, Pontificem qui suffragia eorum excipiebat subscribere debuisse? Expectamus omnino huiusce pronuntiati aliquam probationem: & dum ea differtur, existimamus licere nobis profiteri palam, Salmaticenses hac in parte, scripsisse quod cuperent, non quod scirent.

XI. Denique non est omittendum, nec in eo satis esse sinceram Salmanticensium narrationem, quod in exceptione illa quam sæpius repetunt, duos præclarissimos viros & qui multorum instar esse possint, ad modum indiuidui vagi incerta disiunctione confundunt, dum dicunt constanter excipiendos *unum aut alterum*, cum constet ex P. Ioanne à S. Thoma, excipiendos illos esse *unum & alterum* nimirum *Procuratorem Generalem S. Augustini, & Regentem Carmelitarum*, quos nemo iure negauerit pro suâ dignitate auctoritateque, complures alios ex utroque ordine illo celeberrimo repræsentasse.

XII. Sequebatur iam vt diceremus aliquid de miraculis D. de Penna post mortem editis, deque illius sanctitate si tamen is ille est quem Salmaticenses indignant in S. D. nostris Sed ad miracula quod attinet, erunt illa nobis idonea credibilitatis motiua, quando fuerint legitime probata iuxta præscriptum Urbani 8. De sanctitate verò ego libentissimè credo id quod etiam magnopere cupio, mortuum esse illum, vt Christianum decet,

Superior
narratio
minùs sin-
cera.

De D. Pen-
na.

in pace Ecclesiæ, suorumque peccatorum poenitentem, cum solitis Sacramentorum præsidij, vt credi possit agere modò inter Sanctos vitæ Beatæ participes, optimèque illi cum S. Ignatio conuenire, cuius honorem in terris animo non satis æquo tulisse dicitur: & tamen est ille sanctus, & eâdem certitudine Sanctus, quâ & Sancta Terefia.

Ar. 6. pag. 648.

XIII. Atque ex his tandem intelligitur quantopere sit deceptus P. Ioannes à S. Thoma, cum sperauit se Salmanticensium narrationem, quam fatetur aliquibus fuisse suspectam & *habitam pro re indistincta*, confirmaturum producto iudicio illo Censorum anni 1601. Cum constet nullâ re aliâ magis esse impugnabilem, tantâ exinde temporum & circumstantiarum emergente contrarietate, vt videatur ipsemet fructum perdidisse illius præscriptionis, quâ putauit firmam esse allegationem hanc, quòd spatio sex annorum nemo contradixisset. Sex anni sunt, *inquit*, ex quo liber est publicatus, vt posset ab Aduersarijs tale testimonium & historia infringi, vel redargui. Sed factum non est, & ita factum tenet. Atqui, mi Pater, expectandi erant commentarij tui, vt esset illius narrationis carpendæ copia maior. Nam post excerpta ex diario D. Pennæ, atque attestationem Ioannis Merer Auctoritate Apostolicâ Notarij, quæ sunt a te producta; tot in ea historiâ difficultates apparuerunt; vt probabile sit, paucos illos iulios, quibus steterunt hæ impensæ, nobis potiùs vriles fuisse, vt omittam, quod antea etiam simili quadam occasione significatum est, si sufficiat spatium illud sex annorum, ad præscribendum, approbanda fore mendaciâ quamplurima. Niteretur aliqua ratione illa præsumptio: si eo temporis spatio scripssent aliqui de hoc argumento, dissimulata Salmanticensium historiâ, *hoc autem factum non est, & ita, factum*

P. Petrus à S. Ioseph disp. 4 §. 4. num. 3. in sua concordia.

non tenet. XIV. Sed neque illa negligenda est eruditissimi ac sapientissimi Viri cunctatio, qui aduertit, Didacum Aluares qui dicitur interfuisse disputationi de auxilijs, tot libris quot deinde edidit, tum de physica prædeterminatione,

natione, tum circa scientiam mediam, quibus constat maximâ illum diligentia quæsiſſe quidquid quacumque ratione prodeſſe poterat ſuæ cauſæ; nihil vnquam in-
 niſſe de hoc triginta Virorum Iudicio, à duobus Sum-
 mis Pontificibus approbato, quo nihil eſſe poterat effi-
 caciùs ad probandum id quod intendebat. Adde inter-
 fuiſſe quoque Ioannem Gonzales illum qui deinde ſuis
 in primam partem commentarijs eaſdem controuerſias
 pertractauit, eodemque ſilentio textit euentum illum: vt
 omittam Nazarium & alios è Thomiſtis qui ab eo tem-
 pore ſcripſerunt hoc de argumento quàm diligentiffimè.
 Quis ſibi perſuadeat notiſſimæ ſapientiæ doctrinæque
 viros, vel tam infælici memoria fuiſſe, vt ſuæ victoriæ
 non meminiffent; vel iudicio tam ſupino, vt non intel-
 ligerent eam illis eſſe obijciendam, qui bellum adhuc
 trahere vellent; vel gratiâ & auctoritate tam exigua, vt
 illo è numero Cenſorum nullum inuenirent qui rei ge-
 ſtæ faceret fidem?

Aliud ar-
 gumentum
 contra nar-
 rationem
 illam ex ſi-
 lentio Tho-
 miſtarum.

XV. Hæc verò ſuſpicio magnopere augetur ex con-
 iecturâ P. Ioannis à S. Thoma, dum infert ex noſtro
 ſilentio Cenſores nequaquam ſtetiffiſſe pro nobis. Sane,
inquit, ſi Aduerſarij ſenſiſſent, pro eorum parte quali-
 tercunque ſtare, nullatenus negligerent manifeſtare om-
 nibus rem ſuæ opinioni ita fauorabilem. Quare autem,
 mi Pater, maiorem à noſtris diligentiam requiris quam
 à tuis; qui triginta vel quadraginta annis victoriam ſuam
 abſconderunt? Veſtra verò magis intererat vt hoc ma-
 niſteſtaretur; quòd nobis ſufficere videatur ad opinionem
 victoriæ, talem fuiſſe diſputationum euentum, vt ea do-
 ctрина quàm continuâ ſex ſeptem ve annorum inſtantiâ
 curaueratis proſcribendam; donaretur iure Scholæ,
 ademptâ facultate illam impunè inſectandi notandique,
 dum aliud decernatur. Cùm enim in hac cauſa deſenſo-
 res tantùm eſſemus impugnatæ doctrinæ; quis non in-
 telligit nos eo nomine potuiſſe videri ſuperiores, quòd
 irritum atque innocentem reddidiſſemus impetum Ag-
 greſſorum? Sed cùm inde coniectare homines poſſent,
 aggreſſionem fuiſſe non modo violentam, ſed & iniquam;

„ Diſp.
 „ 20. art.
 „ 6 p. 690.

Superius
 argumen-
 tum con-
 firmatur.

quis non videt necessariam fuisse illius iudicii manifestationem, vt eius æquitas salua esset? Et tamen sepultum illud fuit triginta circiter annis, quod spatium nemo est qui neget esse longè maius eo quod est necessarium ad præscribendum contra obtentæ huiusmodi causæ fidem. Est enim hoc commune publicorum certaminum, quorum est exitus indubitatus, vt nusquam sit clarior eiusque quæ incidit fortunæ fama, quàm circa tempora illa quibus pugnatum est. Quia tunc & hominum expectatio in rei euentum intentorum; & victæ partis dolor ac funera: & victricis triumphus, ouationes, & trophæa, latere non patiuntur in obscuro vtriuslibet partis sortem. Hic autem post annos plures quem triginta, en tibi recentem veteris facti nuntium, qui hominibus pugnae propemodum oblitis, repente insonat, vicinus, vicinus. Ecquo in prælio? Nempe in eo quod commissum est anno 1601. vel 1604. Victoria verò vbi tandiu delituit? Erat, inquit, inuoluta in scrinio D. Pennæ; sed eo mortuo prodiit in apertum, volitatque modo per ora virum, vna cum miraculis ab eo editis. Gazetarij si hac ratione noua sua vendiderent, quis obolo redemerit?

Aliud argumentum contra eandem narrationem ex actis authenticis disputationum.

XVI. Addo & aliam iustæ suspicionis causam. Quia P. Ioannes à S. Thoma dum hæc disputaret habebat penes se librum Congregationum habitatum coram Summo Pontifice, cuius meminit art. 6. pag. 688. quemque sæpius citat, & ex quo verba ipsa disputantium integralque etiam orationes ac dialogos inter P. Lemos & P. Bastidam refert. Vnde constat deputatos fuisse publicos amanuenses & Secretarios à quibus ea scriberentur quæ gerebantur in singulis Congregationibus. Quod si colligebantur in illis Censorum vota, & numerabantur; quis non videt, fuisse hoc maximè notandum? Et si hoc notatum est: quis non videt inde potius referendum esse quæ pars esset potior, quàm ex diario Magistri Pennæ quem constat in omnibus illis seu Congregationibus seu Disputationibus neque visum vnquam neque auditum fuisse: ac proinde, cuius notæ contra publicam Secretariorum fidem valere nihil possunt?

XVII. Sed vide, Lector, an non satis intelligatur nequam collecta numerataue fuisse suffragia Consultorum coram Summo Pontifice; ex eo quod refert P. Ioannes à S. Thoma, qui finem Congregationis 35. in qua sola propriè disputatum est de Scientia Media, vt constat ex dictis: & consequenter in qua sola colligi debuerunt suffragia Consultorum circa difficultatem hanc, ita narrat: Et cum permisisset Pontifex Bastidam breuiter dicere, nec aliquid afferret quod esset magni momenti, & Lemos se ad dicta remitteret: & in summa repeteret ea quæ dixerat iuxta mandatum Pontificis, soluta fuit Congregatio, & ibi fuerunt finitæ disputationes de Scientia Media. Soluta fuit Congregatio, desuitque vna cum responsione Bastidæ; nec deinceps de Scientia Media disputatum est; quænam est igitur illa Congregatio, in qua recensita sunt Censorum suffragia, vt dici potuerint omnes, vno aut altero excepto, Scientiam Mediam condemnasse?

Nuquam collecta numerataue Consultorum suffragia colligitur etiã ex literis Cardinalis Pertonij infra.

Art. 6. p. 690.

XVIII. Denique in istarum Congregationum relatione videtur hoc esse dignum aliqua discussione quod iam dicam. P. Ioannes à S. Thoma fuisse dicit Congregationes 47. coram duobus Pontificibus Clemente & Paulo, quarum prima incidit in tertiam septimanam quadragesimæ an. 1602. vltima in diem 22. Februarij an. 1606. tres istarum, hoc est 33. 34. & 35. occupatas fuisse in excipienda disputatione de Scientia Media, ita tamen vt punctum difficultatis in sola 35. tactum fuerit: sequæ earum omnium acta vidisse, atque habuisse, non semel significat. Rursus dicit antequam istæ Congregationes inciperent, in quibus disputabatur à designatis ab vtraque parte Theologis, præcessisse alias Congregationes, in quibus non disputabatur, sed Censores constituti examinabant ipsi per sese Molinæ doctrinam: & hæc, vt ipse se audiuisse dicit, fuerunt etiam numero 47. sed non potuisse earum acta videre ad longum. Licuit tamen videre transumptum illud D. Pennæ de quo antea: & transumptum illud est censura facta in 33. Congregatione, circa Scientiam Mediam. Vnde constat seriem vnâ Congregationum, alteri correspon-

Aliud suspicionis fundamentum ex P. Ioan. à S. Th. de duplici serie Congregationum.

Art. 6. p. 688

disse, primò quoad numerum; secundò quoad argumenta sessionum; postquam id quod erat tractatum in 33. sessione primæ seriei, agitarum etiam est in 33. Congregatione seriei secundæ: aliunde verò videtur hoc esse parum probabile.

Primò quia Summus Pontifex præscribebat interdum argumenta disputaturis, vnde, quod relatum est antea scriptum per Secretarios Congregationis missum, *An sit sententia S. Augustini quod ante decretum, &c.* Pro prima Congregatione quæ incidit in diem 27. Oct. dicit P. Ioannes à S. Thoma fuisse, *scriptum undecimum*: atque ita iam undecies præscripserat Pontifex quæ de re disputari vellet, quando facta est 33. disputatio. Cum ergo interdum præscriberet argumentum disputaturis, interdum non præscriberet; difficile est vti sibi inuicem responderint Congregationes istæ, vt quod erat agitarum in 33. primæ seriei, agitaretur id ipsum in 33. secundæ. Et confirmatur hoc secundò, quia disputantes ipsi ita interdum participantur propositas quæstiones, vt earum numerum producerent, vt contigisse refert P. Ioannes à S. Thoma in hac ipsa 33. Congregatione, in qua P. Bastida importuna vt ipsi videtur distributione tres distinxit disputationes de Scientia Media, cum quæreretur id tantum quod est tractatum in vltima. Quomodo ergo potuerit esse consensus ille vnus ordinis Congregationum cum alio, ita vt hinc essent 47. & illinc quoque: Et in illarum 33. tractaretur Scientia Media similiter etiam in 33. istarum: Non dico esse illud impossibile. Sed est casus eiusmodi, qui vereri faciat ne in illa Congregationum relatione, ac distinctione perturbatum aliquid fuerit; vt sit futurum operæ pretium si elucidetur. Et cum dederimus ita sibi inuicem respondisse illas vtriusque ordinis Congregationes, inquiremus vterius quid factum sit, vt post 33. dicatur esse lata sententia contra Scientiam Mediam, cuius propria difficultas agitata est tantum in 35. vt refert P. Ioannes à S. Th. Censores illos, an Prophetas dicemus, qui causæ discepcionem iudicio præuenerint suo, disrempiores lictum futurarum?

XIX. Atque hæc quæ huc vsque allata sunt, colliguntur ex sola collatione narrationis Salmanticensium & confirmationis P. Ioannis à S. Thoma, quos minimè dubium est selegisse ex illis relationibus quidquid iuuare poterat eam causam quam susceperere propugnandam, omisisse verò quod nocuisset. Vnde facilis est coniectura, longè plura posse adduci ad eleuandam censuræ illius quæ nobis obiicitur aut vim aut fidem; si nos eadem quæ mouit Aduersarios sollicitudo impulisset, eademque iuisset fortuna in exquirendis inueniendisque huiusmodi Congregationum actis. Sed hæc illi occupauere diligentia sua, qua nos vinci facilè patimur, nihil admodum inolituri, nisi cum nos eorum imperus excita-uerit.

XX. Verùm demus liberaliter Aduersariis, id quod minimè debitum est, & excepta semper subscriptione illa Summorum Pontificum de qua iam Scriptorem appellati, non nutet superiorum relationum fides, Censorumque illorum qui conuenere ad ferendum de hoc argumento iudicium, pars maxima Scientiam Mediam repudiari vt minimè Augustinianam minimeque fauorabilem diuinæ gratiæ; succurrunt tamen adhuc quatuor quibus illud iudicium Societatis doctrinæ reddatur innoxium.

Quamuis
esset vera
narratio,
sua tamen
staret au-
thoritas
Scientiæ
Medicæ.

Primum est id quod refert Eminentissimus Cardinalis Perronius, literis ad Henricum IV. Romæ scriptis eo tempore quo hæc gerebantur, quoque ipse disputationibus intererat, significat enim concurrisse politicas rationes cum Theologicis quæstionibus, & nocuisse Iesuitis apud Censorem plerosque, quod vulgò iam intelligeretur, & quo in illos Henricus IV. & quo illi vicissim in Henricum IV. animo essent. Perronij verba refero.

Cardinalis.
Perronis
testimoniū.
Tom. 4. qui
de legationi-
bus in-
scribitur:

Constituit me Papa tribus in Congregationibus, & „ Le Pape
earum duæ sunt quarum vt rationem reddam M. V. „ m'a colle-
officij mei esse duxi: altera est De Auxiliis, in qua con- „ qu'entrois
trouersia Patrum Iesuitarum cum Dominicanis tracta- „ Congrega-
tur: qua de re præter id quod ad commune bonum „ tions, de
Religionis spectat; V. M. poterit ex iis quas accipiet „ deux des-
„ et une estie

de mon de „ de rebus Hispaniæ relationibus iudicare NVM SVBSIT
 voir de ré „ ALIQUA RATIO STATUS, quæ causa sit cur inde ne-
 dre cõpte à „ gotium contra Iesuitas tam vehementer vrgeatur. 7.
 V. M. l'vne „ Feb. 1605. Romæ.
 est celle de „

laquelle se traite la dispute d'entre les Peres Iesuites & les Iacobins, sur quoy ou-
 tre l'intérêt du différent de la Religion, Vostre Majesté pourra iuger par les aduis
 qu'elle aura d'Espagne, s'il n'y AYRA POINT QUELQUE RAISON D'ÉTAT, qui fasse
 qu'on sollicite de delà si viuement contre lesdits Peres Iesuites 7. Feb. 1605.

Et pour le „ Alteris vero literis quænam esset illa ratio status sic ex-
 regard de „ plicat. De quæstione quæ inter Patres Dominicanos &
 la dispute „ Iesuitas intercedit, nihil dubiter V. M. quin statim at-
 des Peres „ que Papa decisionem aliquam fecerit certiore illam
 Iacobins & „ sim redditurus. Hispani palam patrociniū Domini-
 Iesuites, „ canorum susceperunt : idque vt mihi quidem videtur,
 l'assente „ ODIO AMORIS ILLIUS, QVEM ET P. GENERALIS
 Vostre Ma- „ IESUITARVM & ILLIUS ORDINIS PERE OMNES PRÆ
 jesté que si- „ SE FERVNT ERGA MAIESTATEM VESTRAM. Vt vi-
 tost que le „ deatur Religionis controuersia in quæstionem status
 Pape en „ degenerare. Scitè interea discernet Pontifex, & ve-
 aura fait „ ritatem adiudicabit legitimo possessori. 23. Ian. 1606.
 quelquede „ Romæ.
 cision ie ne „

failliray „ profession ouuerte de proteger les Iacobins, EN HAYNE COMME IE CROIS DE L'AFFE-
 luy en don- „ CTION QVÆ LE P. GENERAL DES IESUITES, ET PRESQUE TOVS CEUX DE SON OR-
 ner cõpte „ DRE (excepté ceux qui dependent du P. Mendoze, & Personius, comme particuliere-
 Les Elpa „ ment les Iesuites Anglois) ont montrée de porter à V. M. & semble que d'une dispu-
 gnois sou- „ te de Religion ils en veulent faire vne querelle d'État. mais sa Saincteté sçaura bien
 „ discernet l'un intérêt d'auec l'autre, & adiuger la verité à qui elle appartiendra. 23. Ian-
 uier an. 1606.

Vnde inferat, prudens Lector, id quod etiam aliunde
 constat, Perronium in hac controuersia Iesuitarum do-
 ctrinam contrariæ prætulisse : quod probabile non sit
 illum vel adeo peruersè interpretatum esse Hispanorum
 consilia, vel adeo parum fauissè propriæ sententiæ, vt ra-
 tionem status & iniqua odia suspicaretur in ea causâ pro-
 tegenda, quam ipse solo veritatis amore protectione sua
 dignam censeret.

Secundum est, si tanta erat, quantam Aduersarij pas-
 sim supponunt in Summo Pontifice propensio ad profligandam
 Scientiam Mediam : nec aliud expectabat quam
 vt videri posset id fecisse cum ea maturitate prudentiaque

quam id genus negotia requirunt ; cùm conspirarent Consultores ferè omnes vt dicunt : & præcessisset diuturna multorum annorum meditatio disceptatioque : nec aliud restaret quod humana prudentia meritò requireret ad ferendam sententiam ; quòd ea non sit sequuta , sed potius Scientiæ Mediæ assertio eadem qua illius contradictoria libertate donata sit , dum vltimum iudicium expectatur ; non posse attribui alteri causæ , quàm occultæ atque infallibili directioni Spiritus veritatis , qui & Ecclesiam & Ecclesiæ caput nunquam deserit , ex immobili Dei promissione.

Tertium est , Iudicia Censorum quæ nobis opponuntur , præsertim illa quæ ad annum 1601. spectant , præter quam quòd sunt iudicia inferioris subsellij , à quo iusta possit esse appellatio , ad maiorem numerum æqualium in eruditione ac dignitate ; fuisse concepta ante integram causæ tractationem. Referuntur enim ad 33. Congregationem , cùm superessent adhuc duodecim. Sententiæ autem istæ quæ dicuntur interlocutoriæ , non sufficiunt ad definitiuam de causæ totius æquitate cognitionem. Magnam verò gratiam Aduersarij à nobis iniussent , si vt erant instructi Congregationum actis , dicere voluissent , ecquis fuerit vltimarum scssionum exitus sub Paulo V. Erat enim non obscura tunc fama , quæ ferebat efficacissimè pugnatum à nostris. Dicant ergo amabo quænam fuerit tunc Censorum seu Consultorum motus , quive sensus Pontificis ? Nec refert quòd esset antea disputatum de Scientia Media sub Clemente. Satis enim connexæ sunt istæ materiæ vt posteriorum notitia conferat ad pleniorum cognitionem.

Quartò præter successum hunc disputationum , sci-
mus insuper motum fuisse Summum Pontificem Academicarum quarundam ac Præfulum , atque etiam Principum intercessione , quâ certò constitit Censores illos qui seorsum à Pontifice , vel qui coram Pontifice contra Scientiam Mediam steterint dicuntur , nequaquam representare potuisse quis esset communior Christiani sensus.

Scientia
Media non
fuit fide-
liter expli-
cata Sum-
mo Ponti-
fici Cle-
menti VIII.
Disp. 4.
concordiz.
S. 4. n. 4.

XXI. Ad propensionem Summi Pontificis quod atti-
net, cadit ea suspicio in Clementem VIII. tantum. Nam
de Paulo V. contraria potius est coniectura, ut mox
dicam. Præterea verò quæ dicuntur in vitâ Bellarmini
non est omittendum id quod refert P. Petrus à S. Ioseph
Scientiam Mediam ita illi fuisse depictam, ut actus bo-
nus qui dicebatur ex hypothesi futurus, non diceretur
futurus ex hypothesi gratiæ, sed ex vi naturæ solius.
Hoc enim patuit dum P. Carmelitanum qui defensio-
nem Scientiæ Mediæ susceperat interrogauit Pontifex,
quid præsciret Deus per scientiam conditionatam? Quo
respondente præscire bonum usum liberi arbitrij; Subiecit
Pontifex iterum interrogando, *Aut quem gratia, aut quem
natura erat factura?* Addiditque, *si primum, est contra Mo-
linam; si secundum, est secundum Cassianum.* Vnde constat
iustissimam fuisse eius alienationem à Scientiâ Mediâ, sed
ex informatione parum sincera natam; ex illa inquam
suggestione quâ intelligeretur esse contra Molinam, si
diceretur Deus præscire bonum usum liberi arbitrij ex
hypothesi gratiæ tanquam causæ ipsum eleuantis & ad-
iuuantis futurum. Quod tantum ab est ut sit contra Mo-
linam, ut potius dicenda sit, esse ipsissima Molinæ sen-
tentia. Hæc autem scripta esse dicit P. Petrus à S. Ioseph,
in relatione eorum quæ gesta sunt Romæ in hisce
disputationibus, quam scripsit propriâ manu vnus è Con-
sultoribus, qui aperte, inquit, *fauebat Dominicanis.*

Idem re-
fert Quæ-
stionarius
Tolosanus
Thesi 19.

Lib. 3. le-
gationum.

De Pauli
V. propen-
sione.

Pour le
regard
de la dis-
pute qui
est entre
les Peres
lato-

XXII. Paulum V. minimè commotum fuisse vllò
Censuræ iudicio inclinatam ve in contrariam partem
satis ostendit id quod narrat Cardinalis Perronius, in
Epistolâ ad Henricum IV. scriptâ vndecimo Iulij 1606.
Duobus ante illam diem mensibus, & consequenter vno
aut altero mense post vltimam disputationem, quæ in-
cidit ut refert P. Ioannes à S. Thoma, in diem 22. Feb.
eiusdem anni Pontificem iussisse ut acta omnia Concilij
Tridentini, processusque; ac narrationes omnes, quæ
ad illud spectarent, ex Castello Sancti Angeli in quo
seruabantur extracta, ipsi traderentur; ut videret quid-
quid ad eas quæstiones quæ tunc disputabantur, perti-
nebat:

nebat: sibi non licuisse per calores & consilia medico-
 rum ab studiorum contentione dehortantium euoluere
 illa omnia scripta: sperare se cum primum perfecisset,
 repetendam huiusce causæ disceptationem: quo tem-
 pore facturum se satis desiderio Christianissimi Regis
 Imperioque significandi progressum huiusce Negotij.
 Ex quibus perspicuè liquet, Primò, Pontificem post dis-
 putationes omnes & Consultationes ancipitem adhuc
 fuisse minimèque determinatum, pronum tamen ad se-
 quendum Perronij iudicium: quippe quem probè nosset
 ingenio virum esse sagacissimo, & supra comparationem
 omnem eruditissimo, & quo nemo vnquam subtilius tam
 SS. Patrum sensa, tum Calvinismi fibras dispunxit. Vnde
 secundò liquet, somnium esse illud quod antea narra-
 tum est de *subscriptione* Summi Pontificis *tanquam priuati*
Dofitoris in condemnationem Scientiæ Mediæ. Quomo-
 do enim potuit subscribere & quando, qui tanto post
 disputationes omnes tempore, pendebat adhuc animi
 dubius, expectabatque Perronij sententiam post explo-
 ratas Tridentinorum cogitationes:

cette matiere, mais pour ce qu'ils sont fort gros, & que les Medecins durant ces cha-
 leurs ne me permettent pas de faire grands exets d'estude, ie n'ay peu encore auoir la
 commodité d'en venir à bout.... si tost que ie les auray acheuées de voir, ie croy que
 la chose reprendra son cours.... auquel temps remettant d'en donner aduis à Vostre
 Majesté, &c. De Rome ce 11. Iuillet 1606.

XXIII. Tertiò liquet Congregationes huiusmodi ne-
 quaquam habitas more iudiciorum, ita vt post causam
 vtrunque disceptatam, Censores conuenirent cum Pon-
 tifice singulorumque suffragia inquirerentur. Hoc enim
 non omitteret Perronius, qui iubenti Regi promiserat
 se renunciaturum quamcumque decisionem; cùm tamen
 neque in Epistola iam citata, neque in alijs quas scribe-
 bat occasione huiusmodi congregationum, cuiusmodi
 est illa quæ notatur 11. Ian. an. 1606. quo die disputa-
 tum esse scribit octo circiter horis; item illa quæ nota-
 tur vltimo Nou. an. 1605. postridie quàm esset dispu-
 tarum decem circiter horis, quicquam innuat de illa
 Censuræ definitione. Nempe iudicium illud in aliud

tempus differebatur , vt ex contentione partium eam iudices notitiam compararent quæ suo tempore iuuaret ad ferendam sententiam. Tempus autem illud nunquam aduenit , alio distractis Pontificis curis ob Venerorum motus & turbationem , initoque consilio relinquendi potius controuersiam hanc liberæ partium disceptationi, quàm eam definiendi. Et confirmatur hoc ex alijs Per-

ronij literis ad Henricum 4. datis 8. Mar. 1606. decimo quarto die post vltimam congregationem , quam dicit P. Ioannes à S. Thoma 22. Feb. habitam, quibus scribit *Illo ipso die voluisse Pontificem colligere suffragia Cardinalium qui congregationibus intererant circa quædam puncta in eis tractata.* En vt Cardinalium tantum & circa quædam tantum puncta postulata sententia est. quod vero nihil fuerit conclusum quod ad causæ decisionem pertineret , posterioribus idem literis apertè significat ; cum scribit, *Quod spectat ad questionem de auxilijs, dissertationes finitæ sunt :* SED NULLVM ADHVC INITIVM DECISIONI DATVM EST. Quid igitur fiet illà pieturâ Scriptoris Salmanticensis Collegij , quæ sic habet ? Tertio notandum est , quod vna quaque parte hinc inde pro se allegante & diuersa D. Augustini & Angelici Doctoris testimonia in sui fauorem proferente, longum diuturnumque tempus in huius causæ discussione , probatione, & vt sic dicamus litis contestatione consumptum est. Nam circa hoc habitæ sunt quamplures sessiones sub vtroque Summo Pontifice, *Clemente VIII. & Paulo V.* adstantibus triginta illis grauissimis viris : & ex omnibus illis vno vel altero excepto cuncti alij eam sententiam protulere. Quomodo potuit ita ferri sententia vt illam ignoraret Perronius ? Quomodo si eam sciuit potuit non scribere iubenti Regi, cum se id facturum recepisset ? Quomodo potius quarto ferè post mense , dubium Pontificem & causam pendentem adhuc representauit ? Et quomodo nondum ventum erat ad vllum *decisionis initium* si erant collecta consultorum suffragia ? Nullum-ne hoc erat *decisionis initium* quod illi sententiam dixissent ? Hæc certè si quo vt decet animo expendantur , peri-

Outre ce
qu'aujour-
d'hui le
Pape vou-
lu recuen-
ir les voix
des Cardi-
naux qui
assistent à
ladite Con-
gregation,
fut quel-
ques points
qui s'y es-
toient trai-
ctez le 8.
Mars 1606
Quant à la
dispute
de Au-
gust, les
disputes
scolastiques
mais on
n'a pas
encore
conclu-
sé de-
uoir à la
decision
20 Mars
1606,

culum est ne Scriptor Collegij Salmanticensis videatur effectui suo dum hoc pingeret nimium indulsisse. Lucem vero attulisset huic coniecturæ P. Ioannes à S. Thoma, si testimonium exhibuisset D. Pennæ, quo dicit Consultores coram Summo Pontifice in censura permanisse. statim enim intellectum esset ex temporum notis & personarum; quid de hac suspitione sit sentiendum. Sed lucem illam nobis inuidit: fortassis etiam ipse timuit.

Hæc ego Tolosæ scripseram ad primam huiusce libri editionem anno 1645. cum nulla fere suppeterent huius historiæ monumenta nisi quæ ipsimet Aduersarij producebant. Horum deinde copia cum paulo maior suppeteret Romæ anno 1652. addidi quæ videri possunt in Præfatione ad *informationem de quinque propositionibus* vbi & de commentitia illa Pauli V. Bulla contra Molinam. Sed ne vlla sit deinceps huius obiectionibus respondendi cura, fecit sapientissima Innocentij Decimi providentia in illo decreto quo libros Iansenij & Iansenianorum omnes proscripsit anno 1654. die 27. Aprilis. Iuvat eius verba hic referre quæ sic habent. Caterum cum tam Romæ „ quam alibi circumferantur quædam asserta. Actu manus- „ cripta & forsan typis excusa congregationum habitarum „ coram fel. recor. Clementis VIII. ac Paulo V. super „ quæstione de auxilijs diuinæ gratiæ tum subnomine Francisci Pennæ olim rotæ Romanæ Decani quam Fr. Thomæ de Lemos Ord. Prædicatorum aliorumque prælat- „ rum ac Theologorum, qui vt asseritur prædictis interfue- „ runt congregationibus, necnon quoddam Autographum „ siue exemplar cuiusdam assertæ Constitutionis eiusdem „ Pauli V. super definitione prædictæ quæstionis de auxilijs „ ac damnatione sententiæ seu sententiarum Ludouici „ Molinæ Soc. Iesu: eadem sanctitas sua præsentī hoc de- „ creto declarat ac decernit prædictis assertis actis tam pro „ sententia FF. Ordinis S. Dominici quam Ludouici Molinæ aliorumque Societatis Iesu Religiosorum, & Auto- „ grapho siue exemplari prædictæ assertæ Constitutionis „ Pauli V. Nullam omnino esse fidem adhibendam, neque „

„ ab alterutra parte seu à quocumque alio allegari posse
 „ vel debere ; sed super quæstione prædicta obseruanda
 „ esse decreta Pauli V. & Urbani VIII. suorum præde-
 „ cessorum.

CAPUT II.

*Quid D. Augustinus & D. Thomas
 de scientiâ mediâ.*

§. I.

Satisfit ijs qua obiiciuntur ex Augustino.

XXIV.



Atisfactum iam erat superiori disputa-
 tione, præsertim cap. 3. & 4. Sed quia
 P. Ioannes à S. Thoma vim omnem ea-
 rum obiectionum quæ petuntur ex
 Augustino in vnum colligit syllogismum, operæ pretium
 erit ijs etiam adhibere methodicam solutionem, & com-
 pendio repetere quæ fusiùs erant disputata. Sic igitur
 argumentatur P. Ioannes à S. Thoma.

Disp 20
 ar 3 pag.
 636. Syl-
 logis-
 mus lo-
 nis à S.
 Thoma
 cõpen-
 dio con-
 tinet Au-
 gustini
 senten-
 tia con-
 tra scie-
 tiâ me-
 diam.

„ Modus iste cognoscendi futura conditionata ante de-
 „ cretum præueniens voluntatem nostram, & iuxta illud
 „ (*legendum opinor, iuxta illum*) admittendi efficaciam de-
 „ creti diuini, & conciliandi libertatem nostram cum illo,
 „ fuit à SS. Prospero & Hilario propositus Augustino,
 „ tanquam assertus seu admissus à Massiliensibus.
 „ At S. Augustinus illis respondens, talem modum
 „ scientiæ non admisit; quin potius, si antea dixerat Deum
 „ præscire ista conditionata, dicit intelligendum supposita
 „ voluntate Dei, & prædestinatione eius:
 „ Ergo scientia media, seu cognitio conditionerum
 „ ante decretum præueniens & absolutum ex parte Dei, vt
 „ modò ponitur, contra mentem S. Augustini inducitur;

& sic releganda est. Totus discursus & consequentia est „ legitima. Maior & minor probanda est.

Probanda est omnino maior & minor ; contendimus enim ambas esse falsas : nec quicquam esse in toto illo discursu legitimum excepta fortasse consequentia. Ergo negamus scientiam mediam fuisse vnquam propositam Augustino, veluti rationem idoneam *ad conciliandam efficaciam diuini decreti cum actionibus liberis decretis*, qui debet esse maioris sensus ; sed fuisse tantum propositam ad inueniendam aliquam rationem ex parte hominum, cur vnus annuntiaretur Euangelium, & non alijs ; cur hic baptisatus in infantia moreretur, illo ante baptismum sublati : hoc est fuisse propositam Augustino ad refundendam in hominum libertatem idoneam causam propter quam contigerit illa Nationum discretio in Euangelij prædicatione, atque illa pariter discretio paruulorum in administratione baptismi : Et hic solus fuit modus, hoc est, abusus scientiæ mediæ à Massiliensibus admissus, vt fuisse antea monstratum est.

Vt probe illam maiorem P. à S. Thoma, supponit quod est in quæstione, petitque principium. Illud Fausti Rhegiensis ; *Nisi præscientia explorauerit, prædestinatio nihil decernit* : intelligendum dicit de præscientia conditionata, & addit ; Supponebant ergo ante omne decretum præueniens dari præscientiam exploratiuam, quæ utique non potest explorare res, nisi sub statu conditionato. Sed falsum est : nam & Faustus intelligendus est de præscientia absoluta ; & Massilienses illa sæpius abutebantur, quam conditionata, vt ostensum est. Et quod addit credidisse illos, si decretum præscientiam præueniret, libertatem tolli omnemque industriam remoueri : si verò præscientia præueniret decretum, suum libertati locum relinquere. Ergo per præscientiam saluasse libertatem ; Verum est, sed per præscientiam absolutam actionum à diuina gratia independentium. Volebant enim Deum absolutè præscire quinam essent benè vsuri libero arbitrio, & proposito Euangelio credituri, aut habituri sensum aliquem suæ miseriæ, atque imploraturi diuinam opem, & tunc

Non iij

Prædicti
syllogismi
falsa maior.

Quomodo
fuerit Augustino
proposita
scientia
media à
Semipelagianis.

Supra disp.
3. cap. 4.

Vide supra
num. 78.
disp. citat.

Loco citat.
§. 1.
& 2.

Faustus
Rhegiensis
quam præscientiam
præmittat
diuino decreto.

decernere ut illis daretur gratia, non iam ad volendum credere vel orare; sed ad ulteriorem sanctitatem & perfectionem comparandam. Item præscire Deum absolute quinam essent in accepta sanctitate per easdem vires liberi arbitrij, & sine speciali gratia perseveraturi: & tunc decernere ut illis daretur gloria: atque ita quod ex peccatoribus hic præ illo gratiam iustificationis reciperet, eius libertati attribuendum: & quod ex iam iustificatis hic præ illo ad gloriam perveniret; similiter: & eo sublato videbatur illis ipsam quoque hominum libertatem tolli, omnemque industriam remoueri.

Quod si quis paruulos obiiceret ante & post baptismum raptos, tunc destituti præsidio absolutæ præscientiæ, abutebantur conditionata aut media, tantumque valere putabant merita conditionate futura, si vivere finirentur illi paruuli seu rapti, quantum absolute futura: atque ita ex illa præscientia decerni putabant, & illius mortem ante baptismum, & istius post baptismum. Quod fiebat, ut huius quoque decreti bonum & malum eorum libertati deputarent, non ei quidem quam exercuissent, sed quam essent exercituri ex hypothesi numquam ponenda.

Si quis pariter obiiceret adultos, quorum alij alijs præferuntur in Euangelij prædicatione, dicebant præsciuisse Deum quinam essent credituri, quique non credituri ex hypothesi prædicationis, & cum vellet omnibus omnino Euangelium prædicari, fuisse tamen impeditum illius incredulitatis hypothetice futuræ præscientia, ne prædicatores ad eos mitteret, qui essent abusuri prædicatione: atque hoc modo causam subtractæ prædicationis in ipsam quoque libertatem eorum, quibus non prædicabatur, refundebant. Hac igitur ratione censebant & saluari libertatem; si præscientia præluceret diuinæ constitutioni, & destrui, si non præluceret: non quod illa constitutione prædefiniri putarent actiones humanas hypothetice præscitas (hoc enim dixisse nusquam reperiuntur) sed quod putarent ita prædefiniri & finem & media, tum interna tum externa, hoc est, & gloriam & gratiam & præ-

Pugnauerunt
Semipelagi-
ani pro
libertate à
diuina gra-
tia inde-
pendenti.

dicationem & sacramenta, vt semper esset in hominum libertate, independenter à Dei gratia, causa quædam, quæ talem prædefinitionem postularer: alioqui fatum induci, & omnem industriam remoueri, vt ostensum est iam sæpe toto capite illo 4. §. 1. 2. 3. 4. 5. superioris disputationis. Pugnant igitur Massilienses, non pro quacunque libertate hominum, sed pro illa, quæ sibi sufficeret independenter à Dei auxilio, ad dandam causam diuinæ constitutionis, decernentis gratiam, decernentis gloriam post finalem exitum, decernentis applicationem vel subtractionem baptismi, atque etiam prædicationis: & causam illam ex absoluta præscientia traxerunt quando illa potuit prætexi; quando non potuit, tunc tandem confugere ad conditionatam.

Ex quibus colligitur legitima interpretatio locorum omnium, quæ P. à S. Thoma producit, vt ostendat propositam fuisse Augustino scientiam mediam. Nam quod affert ex Prospero: *Qui autem credituri, quine in ea fide, &c.* Supra disp. 3. n. 107. ostensum est intelligendum esse de absolutâ præscientiâ. Illud quoque, *hanc de humanis meritis præscientiam, secundam quam gratia vocantis operetur:* quamuis præscientiam conditionatam comprehendat; non habet tamen aliam sensum, quàm quem diximus, nempe incredulitatem hypotheticè præscitam earum nationum, quæ dimissæ sunt ingredi vias suas, fuisse causam subtrahendæ prædicationis; & sine tali aliquâ præscientiâ reiiciendum Dei propositum, non illud quo humanas actiones prædefinit, sed quo vel gratiam ipsam primam ac præuenientem, vel externa iustificationis media, vel gloriam prædestinat. Illud Hilarij; *Illam præscientiam sic accipiant,* de absolutâ intelligendum est. Illud verò: *Cum eis dicitur, quare alijs vel alibi prædicetur?* de conditionatâ modo iam explicato: Iterum illud Prosperi: *Penè omnium par inuenitur & una sententia, &c.* ostensum est intelligi debere de præscientia absoluta sicuti etiam illud, *Quomodo per istam præoperantem & cooperantem gratiam, &c.* Vnde constat nullum omnino esse locum vel apud Augustinum, vel apud Prosperum aut Hilarium, quo monstretur propositam Augu- Ibid. num. 71. & seq.

Minor quoque negatur.

Nihilominus magis reiecit Augustinus scientiam mediam, quam scientiam visionis sed utriusque ab usum tantum.

Disp. 1. cap. 3. n. 39. & sequat.

stino fuisse scientiam mediam ad conciliandas prædefinitiones diuinas cum libertate humanarum actionum prædefinitarum; quod assumit P. à S. Thoma in maiore sui syllogismi iam negatâ.

XXV. Sed minor quoque neganda venit, quæ sic habet: At S. Augustinus illis respondens talem modum scientiæ non admittit, quin potius, si antea dixerat Deum præscire ista conditionata, dicit intelligendum suppositâ voluntate Dei & prædestinatione eius. Negamus itaque Augustinum reiecit vnumquam *hunc modum scientiæ*, sed solum huius scientiæ ab usum illum, quo Massilienses conabantur libertatem hominum tueri etiam in suppeditanda ut diximus causâ, propter quam Deus externa salutis media, baptismum scilicet, inæqualiter dispensaret ac disponeret circa paruulos, & prædicationem Euangelij circa adultos. Atque ita eadem est ratio, quantum ad hoc negotium, absolutæ ac conditionatæ præscientiæ: Est enim utraque Augustino proposita quod utramque Massilienses abuterentur. Verum sicut absolutam non reiecit Augustinus, sed illius ab usum tantum; ita neque conditionatam seu mediam, sed huius quoque ab usum tantum; quæ erat prior pars minoris.

Negamus pariter, quod dixerat Augustinus Deum præscire ista conditionata, *intelligendum suppositâ voluntate Dei & prædestinatione eius*; quæ est altera pars minoris. Contrarium enim fusè monstratum est antea, reiectumque quod infertur ex libro de prædestinatione Dei, & ostensum ita interpretandum quod habetur cap. 9. de præd. SS. de præscientia Christi respectu creditorum & non creditorum: quo in loco illud, sed utrum prædicato sibi Christo à seipsis habituri essent fidem, an Deo donante sumpturi: id est, utrum tantummodò eos præscierit, an etiam prædestinauerit Deus, querere ac dissimulare tunc necessarium non putavi, accipiendum iuxta mentem Massiliensium. Nam cum illi putarent suppositâ prædicatione præsciri aliquos conditionatè à seipsis, ac sine aliâ vllâ gratiâ fidem habituros, consequenter etiam putabant præscientiam conditionatam futuræ fidei transire

sine in absolutam sine prædestinatione illâ Augustinianâ, quæ est gratiæ præparatio. Augustinus igitur per illud, *id est*, huiusmodi errorem corrigit, & quia supponit non præscisse Deum conditionatè qui essent credituri, nisi ex suppositione gratiæ; infert nec id præscisse absolutè nisi cum prædestinatione seu præparatione eiusdem gratiæ; quod tamen non expresserat dum responderet ad questionem Paganorum, quia hoc non quærebatur tunc. Atque ita illud, *id est*, non impedit quò minùs id quod sequitur, intelligendum sit de absolutâ præscientiâ, etiamsi quod præcòdit, pertineat ad conditionatam, quia non importat meram interpretationem, sed sequelam etiam propter quam fiat, ut qui primum dicit, æquiuallenter dicat secundum: quod sufficit ad verum vsum illius particulæ *id est*: & hanc esse mentem Augustini conuincitur ex verbis sequentibus, quibus significat hanc, de quâ hic loquitur, prædestinationem coincidere cum electione saluandorum.

Vide supra
disp. 3. num.
39. & seq.

XXVI. Adea quæ addit ex Augustino & hoc & alijs locis, fidem non solum præscitam, sed etiam prædestinationem; ac proinde non posse præsciri sine illa prædestinatione, hoc est, sine prædefinitione, iam sæpe responsum est, prædestinationem quæ necessaria est ad fidem, non esse fidei prædefinitionem, sed præparationem gratiæ ad credendum necessariæ, ut Augustinus loquitur, unde sequitur tantum, fidem neque præsciri posse absolutè, nisi existat absolutè illa prædestinatio; neque conditionatè, nisi eadem inuoluatur in hypothesi, ex quâ enuntiatur sequutura. Quod exprimitur tali quadam propositione: Si proponeretur Euangelium illi homini, & præpararetur, atque etiam daretur gratia ad credendum necessaria, ille crederet. Diuinum illud *munus* intelligentiæ, quod Augustinus inesse dicit naturaliter quibusdam hominibus, ex quo fiat ut sint credituri, *si congrua suis mentibus vel audiant dicta, vel facta conspiciant*: siue significet naturalem quandam docilitatem, ut omnino supponere videtur Augustinus; siue supernaturale aliquod donum, ut contendit P. à S. Thoma, nemo nostrum negat pendere ex Dei

Quæ prædestinatio necessaria sit, ad præscienda futura conditionata.

Cap. 9. de
pizd. SS.

Loco citat. voluntate præsupposita existente vel absolute vel condi-
 pag. 641. tionatè, pro vt hoc donum aut absolute aut conditionatè
 supponitur existere. Sed quod inde colligit, referendum
 igitur esse totum hoc ad Dei voluntatem: hoc est, non
 solum quòd existat donum hoc; sed etiam quòd ex illo
 sequuturum sit conditionatè vt credant, qui supponun-
 tur credituri; referendum, inquam, ad voluntatem, non
 quæ esset, sed quæ sit; quod est esse referendum ad præ-
 sentem & existentem fidei conditionatè tantum futuræ
 prædefinitionem: hoc ne cogitatum quidem dicimus ab
 Augustino: neque vllam eiusce rei suspicionem creare
 possunt verba illa, *audiunt hæc & faciunt quibus datum est*,
 Vnde supra &c. quæ, vt per se patet, absolutam fidem & operatio-
 disp. I. n. 46 nem significant, pendentem à voluntate similiter abso-
 lutè dandi *munus illud intelligentiæ*, quo auditores fiunt do-
 ciles, & beneficium prædicationis, & internam ad assen-
 tiendum gratiam: nullo verò modo significant præsen-
 tem Dei voluntatem circa fidem conditionatè futuram.

Falsum esse
 quodcum-
 que præsci-
 tum apud
 Augustinū
 esse etiam
 propositam

Supra disp.
 3. num. 70.
 & sequent.

Generalis regula quam supponit P. à S. Thoma traditam
 ab Augustino: Quæcumque sunt præscita, & quomodo-
 eumque prius esse proposita, hoc est prædefinita, nul-
 quam extat: & antea monstratum est præscientiam cum
 proposito connexam, ex Prospero & Augustino esse ab-
 solutam & pertinere ad electos: Atque illam quæstionem
 quam Prosper Augustino proponit, *an ea ipsa quæ sunt*
proposita, sint accipienda præscita, non habere alium sensum,
 quam istum, an dicendum sit fidem incipientem ac perse-
 uerantem vsque in finem, quam Orthodoxi putabant
 propositam in prædestinatione gratiæ ad illam necessa-
 riæ, esse tantum præscitam, vt volebant Massilienses,
 hoc est, sine tali proposito vel prædestinatione futuram
 per vires liberi arbitrij. Et ideo Augustinus quæstionem
 illam nunquam aliter soluit, quam probando necessariam
 esse gratiam: & fidem, siue incipientem, siue perseue-
 rantem esse prædestinatam in præparatione gratiæ, quod
 est, esse propositam.

De bono
 perf. c. 17.

Quo supposito principio rectè dicit Augustinus de bo-
 nis operibus, *Quod si ea dantur à Deo, & ea se daturum esse*

præscinit; profectò prædestinauit. Supposita etiam gratiæ necessitate aliunde probatâ; consequens est, vt quæ sunt & præsciuntur absolutè futura, sint quoque prædestinata eiusdem gratiæ præparatione; & quod eâdem prædestinatione sublatâ, tollatur quoque illa præscientiæ ex quo nihil inferri potest pro prædefinitione futurorum conditionatè.

Supra disp.
3 num. 76.
& seq.

Denique generalis alia regula pro statu, non solùm absoluto, sed etiam conditionato, quam infert P. Ioan. à S. Thomâ ex Augustino, *Quando apud aliquos verbi Dei tractatores legimus Dei præscientiam, & agitur de vocatione electorum, eandem prædestinationem intelligendam esse*, minimè generalis est, quod suam ipsa contractionem afferat illis verbis, *& agitur de vocatione electorum*, nisi fortè vult electos dici posse reprobos, ad quos pertinet conditionata bonorum operum quorumcumque præscientia. Nihil ergo præsidij sperari potest ex Augustino. Adeamus S. Thomam.

Pag. 643.
Falsû quod-
que præde-
stinatione
subintelli-
gendâ ubi-
cunque præ-
scientia no-
minatur.
De bono
perf. c. 28.

Vide supra
disp. 3 n. 78

§. II.

Quid D. Thomas de Scientia Media.

XXVII. **C**Onuenit inter nos & Aduersarios S. Thomam nihil vnquam ex professo disputasse de Scientia Media, siue vt illam confirmaret siue vt reiiceret, nec alia superesse potest controuersia, quàm vtrum cætera tractando, vt fieri solet, inferuerit aliqua quibus, videri possit ab eo vel acceptata vel repudiata illa scientia, seu disertis verbis, seu communibus principiis & suppositionibus, necessaria deductione cum eâ connexis. Quod enim dixerat P. Ioannes à S. Thoma de D. Augustino, id ipsum repetit de Angelico Doctore nimirum Scientiam Mediam esse ab eo *manifestè ingulatam*, quod etiam probare conatus erat Scriptor Collegij Salmanticensis. Vnde vtrique satisfaciendum est atque monstrandum Scientiam Mediam armari à D. Thoma mucro-

Disp. 202
quæst 14 a.
4. pag 646.
Disp 20.
dub. 4. n. 28.

ne illo quo eam ipsi iugulari putant; sicuti antea etiam monstratum est de Diuo Augustino.

Et in primis est hoc inculcandum amico Lectori, disputare me cum iis Doctoribus qui fatentur scientiam Dei conditionatam, seu liberorum actuum creaturæ conditionatè futurorum & cognitam fuisse D. Thomæ & probatam. Quæstio tantum est, vtrum admiserit præsens atque actuale decretum diuinæ voluntatis circa eadem omnia futura. Si enim admisit, Scientiam Mediam omnino iugulauerit; si non admisit, armauerit illam potius. Cum verò ego in hac quæstione partem illam sequar, quæ negat posita esse à D. Thoma in vniuersum decreta illa; nihil aliud à me postulari potest, quam vt ostendam alium habere sensum aliamque interpretationem testimoniorum omnia S. Thomæ quæ Aduersarij produxerint ad hoc probandum quod à me negatum est. Ergo illa breuiter perstringamus.

Quæ sit
mens S. Th.
circa scientiam me-
diam,

XXVIII. Opponitur primò locus ex 3. p. quæst. 1. art. 3. vel. 2. vbi refert D. Th. responsionem Augustini ad quæstionem Paganorum, aitque fuisse ab ipso Augustini *re-*
probatam in lib. de bono perseu. cap. 9. Vnde *inquit. Ioan-*
nes à S. Thoma, totum hoc non ad præscientiam illam fu-
ruri euentus & decretum dicit, sed ad diuinam prædesti-
nationem esse referendum. Sed quid significat illud *To-*
tum hoc? Si enim intelligitur totum hoc quod interroga-
bant Pagani, nempe *cur Christus vni nationi potius quam alij,*
& vno tempore potius quam alio apparere voluisset, esse refe-
rendum ad diuinam prædestinationem; omisâ quam prius reddiderat Augustinus causâ; verum est. Sed quid facit ad Scientiam Mediam & ad prædefinitiones conditionatas? Si verò sensus sit *totum hoc* quod respondet Augustinus, nempe *sciuisse Deum qui & quando in eum essent vel non essent credituri*: referendum esse ad diuinam prædestinationem & decretum; quasi verò decretum hoc & prædestinationis scientiam huiusmodi futuræ præcesserit; prout illud præcisè sistit intra rationem conditionati; Nego D. Thomam cogitasse vnquam *totum hoc* esse referendum ad prædestinationem & decretum: aut esse vllam syllabam in eius textu quæ hoc significet.

Alius enim locus qui obiicitur ex Carena in Matt. nihil ad rem, quod S. Thomas inibi nihil dicat à seipso, sed referat tantum nectarque interpretationes SS. Patrum. Et quod dicit Ioannes à S. Thoma præferri expositionem S. Augustini, etiam si verum esset, nihil prorsus noceret nobis, qui iam satis superque monstrauius Augustinum nihil habere quod innuat conditionatam illam prædefinitionem: sed neque hoc ipsum verum est, vt faciliè comperies Amice Lector, si locum adeas, in quo nullum est, neque comparationis neque prælationis illius vestigium, sed Aduersarius de suo id apposuit.

XXIX. Obiicitur secundo locus ex quæst. 6. de Veritate art. 3. in quo Sanctus Thomas probat prædestinationem esse certam. Cum enim obiectum esset contra istam certitudinem, prædestinationem esse debere cum suppositione causæ secundæ, creatæ scilicet voluntatis, & id quod est ita certum habere tantum certitudinem conditionalem, hoc modo, *ipse saluabitur si præparabit se*, sicut ista est tantum conditionaliter certa, *sol causabit fructum in planta, si virtus generatiua plantæ benè disposita est*; S. Thomas ita respondet. Ad quartum dicendum quod causa secunda quam oportet supponere ad inducendum prædestinationis effectum, etiam ordini prædestinationis subiaceret: non autem est ita in virtutibus inferioribus, respectu alicuius superioris virtutis agentis: & ideo ordo diuinæ prædestinationis, quamuis sit cum suppositione voluntatis humanæ; nihilominus tamen absolutam habet certitudinem, etsi in exemplo inducto contrarium appareat. Quæ verba, postquam retulit P. Ioannes à S. Thoma, subdit, *hic manifesta ingulatio Scientiæ Mediæ*. Sed Respondeo, plumbeum esse gladium hunc atque ideo minimè idoneum *ingulationi*. Sententia D. Thomæ manifesta est, neque aliud significat quam etiamsi prædestinatio non inducat effectum suum, salutem scilicet, in adultis, nisi cum suppositione liberi arbitrij cooperantis: ex ipsa tamen certæ certitudine absoluta & non tantum conditionatâ sequi salutem: quia ipsa liberum arbitrium aptat disponitque ad talem effectum, seu facit vt infalli-

Quomodo
liberum
arbitrium
prædesti-
nanti
subiaceat
ex S. Th.

biliter cooperetur dando gratiam & dando appositè : & hoc est *liberum arbitrium subiacere prædestinationi* , accipere nimirum ab illa vim & dispositionem necessariam ad cooperandum infallibiliter, contrà quàm accadat in aliis causis. Nam sol qui producit ficum v. g. cum suppositione ficulneæ , & oliuas cum suppositione oleæ : neque ficulneam ex aridâ viuacem facit , nec oleam ex oleastro : sed vtramque supponit , & viam ac viuentem ficulneam , & oleam pariter : & ideo suppositio solis neque ficus neque oliuas infert , nisi conditionatè , & ex suppositione quòd tum ficulnea tum olea habeant *virtutem generatiuam bene dispositam* : prædestinatio autem non pendet à simili conditione , quia ipsamet facit in libero arbitrio id quod requirit , modo iam dicto. Vnde constat & prædestinationem de quâ hic loquitur S. Thomas , esse absolutam : & effectum etiam qui certò inde dicitur futurus , esse absolutum. Inferre autem ex eo quòd liberum arbitrium diuinæ prædestinationi actuali & absolutæ subiaceat , in ordine ad effectum vt infallibiliter & absolutè futurum ; debere pariter subesse actuali prædestinationi , in ordine ad effectum conditionatè tantum futurum : consequentia est longè petita , & quæ in via deficit antequam perueniat ad *ingulum* Scientiæ Mediæ. Iam enim supra monstratum est , quàm sit dispar ratio necessitatis præsentis & actualis decreti ad futurationem absolutam , & ad futurationem conditionatam liberi actus creati.

Retorquetur testimonium S. Thomæ in Aduersarios.

XXX. Sed valde notandum est quod S. Thomas hic docet in corpore articuli : nam cum proposuisset liberum arbitrium ita subiacere prædestinationi , vt tamen contingenter operetur ; statim aduertit difficultatem quæ nascitur inde ; *concordandi infallibilitatem prædestinationis cum eiusdem arbitrij libertate*. Vide autem quem ineat , huius concordiæ modum : Inuenimus ordinem possibilem esse respectu alicuius dupliciter. Vno modo in quantum *vna causa* singularis producit effectum suum in ordine diuinæ providentiæ ; Alio modo quando ex concursu causarum multarum contingentium & deficere possibilem peruenitur ad vnum effectum , quarum vnani-

quamque Deus ordinat ad constitutionem effectus loco
 eius quæ deficit, vel ne altera deficiat. Sicut videmus
 quòd omnia singularia vnus speciei sint corruptibilia; &
 tamen per successionem vnus ad alterum potest in eis
 saluari perpetuitas speciei diuina prouidentia taliter gu-
 bernante, quòd non omnia deficiant; & hoc modo est in
 prædestinatione. Liberum enim arbitrium deficere po-
 test à salute: tamen in eo quem Deus prædestinat, tot alia
 adminicula præparat, quòd vel non cadat: vel si cadat,
 quòd resurgat, sicut exhortationes & suffragia oratio-
 num, donum gratiæ, & alia huiusmodi, quibus Deus ad-
 miniculatur homini ad salutem. Si ergo consideremus sa-
 lutem respectu causæ proximæ, scilicet liberi arbitrij,
 non habet certitudinem sed contingentiam: Respectu
 autem causæ primæ quæ est prædestinatio, habet certi-
 tudinem. Quam ego concordæ speciem longè similio-
 rem esse dico ei quam exhibent auctores scientiæ Mediæ,
 quam ei quæ suggeritur ab Aduersariis. Proponantur
 enim tres isti modi. Primus est Aduersariorum. Prædesti-
 nationis infallibilitas ideò stat cum libertate arbitrij, quia
 non destruit iudicij indifferentiam in prædestinato, hoc
 est, non efficit vt ea cognitiones quibus ille regitur, aut
 sint ita perfectæ ac est visio beatifica, quæ libertatem
 amoris absumit; aut ita imperfectæ ac sunt brutorum
 & amentium & puerorum apprehensiones, quæ non suf-
 ficiunt ad agendum ex electione. Stante verò illa cogni-
 tionum seu cognitarum rerum mediocritate, stat liber-
 tas, quæcumque tandem & vndecumque ingruat neces-
 sitas agendi: atque ita prædestinatio quantumvis ipsa per
 sese *infrustrabiliter atque infallibiliter* inclinet voluntatem
 ad opera necessaria ad consequendam gloriam, habeat-
 que illam infallibilitatem & infrustrabilitatem indepen-
 denter à consensu libero futuro; neque possit homo vo-
 luntate propria retinere aut amittere frustrare aut efficax red-
 dere quod Deus donat in eius executionem; libertati ta-
 men ideo non nocet, quia de illa cognitionum indiffe-
 rentia nihil tollit; & hoc est, Deum prædefinire non
 tantum actus nostros, sed etiam modum quo sunt quan-

P. Ioan à
 S. Thoma
 Ar. 3 p. 64.

do sunt liberè, quod prædefiniat ut fiant supposita illa indifferentia. Sententia recentium Thomistarum si nuda inspiciatur à verborum inuolucris ea omnino est.

Proponatur ergo secundus modus S. Thomæ ille qui iam allatus est. Prædestinatio ideo stat cum libertate prædestinati, quia infallibilitas quam habet nititur vel consistit in multitudine adminiculorum quæ Deus præparat, quæ tot sunt ut fieri non possit quin vnius efficacia alterius defectum supplente, intentus tandem effectus consequatur: quemadmodum intenta à diuina providentia specierum corruptibilium obtinetur conseruatio vno indiuiduorum in locum alterius renascente. Hæc est germanissima D. Thomæ cogitatio in loco citato, ut intuenti planum fiet.

Tertius modus est eorum qui ex Scientia Media ita Philosophantur. Prædestinatio quantumvis sit infallibilis, stat cum arbitrij libertate: quia ea infallibilitas pendet ex multitudine adminiculorum, quibus Deus iuuare potest prædestinandum. Cùm enim illa tanta sit, ut fieri non possit quin pleraque sint effectum habitura illæsa libertate, ex hypothesi quod dentur: & Deus hoc probè sciat; prædestinando decernit non aliter mouere prædestinatorum voluntatem, quàm ita miscendo efficacia media inefficacibus, ut illorum defectus istorum fructu suppleatur, donec prædestinatus in eum incurrat vitæ finem qui non possit non esse connexus cum futura beatitudine. Hic ego Lectoris conscientiam appello, vtri modorum illorum extremorum affinior sit quæ media posita est concordia D. Thomæ primo, an tertio?

Quid enim facit ad primum modum *multitudo illa concurrentium causarum & deficere possibilem, alteri defectum alterius supplente: vel ne deficiat impediante?* Et quid opus est enumerare *exhortationes, suffragia orationum, donum gratiæ & alia huiusmodi, quibus Deus adminiculatur homini ad salutem*, si nihilo magis aut minus contingentia sunt omnia quàm singula, totaque infallibilitas in solam efficaciam diuinæ voluntatis ita reducitur independenter à consensu liberè futuro, ut eâ positâ singula media efficacia sint; sublatâ,

sublatâ, nulla omnino sint : Si, inquam, duobus illis sup-
positis, prædestinatione & indifferentiâ iudiciorum,
nullum est medium quod deficiat, nullum quod liberta-
tem lædat: sublatis verò contrarium accidit, stare oport-
tebat in illis: nec ex varietate ac contingentia mediorum
quibus vtitur Deus, concordiam petere prædestinationis
cum libertate.

XXXI. Sed est aliud in quo S. Thomas eodem loco ^{In corpore}
Scientiam Mediam egregiè innuit, nempe cùm dicit ^{Art.}
Præscientiam Dei non importare vniuersaliter habitu-
dinem causæ respectu horum quorum est; & prædesti-
nationem addere præscientiæ habitudinem causæ ad ea,
quorum est. Quod non est aliud, quàm id quod antea,
expendimus, esse aliquorum præscientiam, quorum non
est prædestinatio nec prædefinitio: & consequenter nul-
lum esse principium illud in doctrina D. Thomæ, quo
Thomistæ volunt in vniuersum prædefinitionem futuro-
rum siue absolutè siue conditionatè, esse Deo necessa-
riam rationem illa sciendi; sed esse aliquid præscitum
quod tamen non sit prædefinitum, quia nec causatum:
quo principio stat Scientia Media: ruitque omnis cona-
tus Aduersariorum. <sup>Iterum retor-
quetur
idem lo-
cus.</sup>

Quòd verò frustra sint ea omnia quibus ita conantur ^{Sup. disp.}
interpretari S. Thomam, vt eludatur vis huius testimo-
nij, antea fusè monstratum est. Atque hoc etiam mo-
do repulsus est impetus Scriptoris Collegij Salmanticensis
(Disp. 10. dub. 4. num. 78.) qui ex hoc loco S. Tho-
mæ sequuturam sperauerat *manifestam Scientiæ Mediæ*
euerfionem. ^{2. num. 31.}

XXXII. Obiicitur 3. locus ex quæst. 12. de Veritate
art. 10. vbi S. Thomas dum examinat trimembrem illam
prophetiæ diuisionem quam tradit Hieronymus, nempe
in Prophetiam comminationis, præscientiæ, & præde-
stinationis; in responsione ad 8. ita loquitur, Quod si
prophetia comminationis referatur ad ordinem causa-
rum quem directè respicit, sic est absque omni conditio-
ne: absolutè enim est ita ordinatum esse in causis vt hoc
contingat. Vbi Pater à S. Thoma, Ecce *inquit absoluta*

482 DISP. IV. P. IOANNES A S. THOMA.

Art. 2 p. 624. ordinatio & consequenter decretum ex parte ordinantis qui est Deus *Pergit S. Doctor*. Si autem referatur ad euentum quem respicit indirectè, sic intelligenda est sub conditione causæ, & *Pater à S. Thoma*, Ecce conditionatum obiectum ex parte euentus futuri. *Atque ita infert*, conditionata ista cognosci à Deo iuxta ordinationem & dispositionem diuinam. Sed aberrat à scopo mirum quantum. Neque enim hoc quæritur, vtrum Deus aliqua sua ordinatione cognoscibilia reddat futura quædam conditionata, ab ipsius tantum arbitrio pendentia, cuiusmodi sunt causæ ad puniendum peccatum dispositæ, & earum effectus, qui est pœna. Nemo dubitat quin Deus possit absolutè in vindictam peccatorum constituere causas vel morborum, vel sterilitatis illatiuas; ita tamen vt earum effectum velit esse suspensum ex conditione pœnitentiæ. Quo tempore absoluta est prædefinitio causarum illarum, effectus verò earum, tantum conditionata: quòd Deus velit, si pœnitentia obtineatur, impedire mala illa; si non obtineatur, non impedire. Et hoc tantum vult S. Doctor loco citato. Sed quæstio est, vtrum Deus habeat similes prædefinitiones ex parte obiecti conditionatas circa ea quæ pendent à creatura liberata; ita vt, quemadmodum non est sequutura sterilitas ex suppositione non-pœnitentiæ, nisi quia Deus ita constituit; sic etiam non sit sequutura Iudæorum seductio, ex hypothesi quod ducant alienigenas; nisi quia Deus ita constituit: & non sint sequutura peccata ex hypothesi quod viueret ille qui morte immaturâ raptus est; nisi quia sic Deus prædefiniuit, & sic de aliis. Et eade S. Doctor eo loco qui obiicitur ne verbum quidem habet. Existimare autem esse necessariam consequentiam: & ex eo quòd Deus vi prædefinitionis aliqua sciat conditionatè futura, quæ ab ipso tantum pendent, scire similiter vi prædefinitionis quæ à causa creata conditionatè ac liberè futura sunt; hoc verò est petere principium, & gratuitò falli, ac contra mentem S. Thomæ, vt mox dicam.

Deus futura quædam conditionata ab ipso tantum libertate pendentia cognoscibilia reddit suo decreto.

Et hoc P. Ioannes à S. Thoma non satis distinxit ijs

locis quibus erant probandæ prædefinitiones libero-
rum actuum à creaturis conditionatè eliciendorum, dum
promiscuè instantias petit ex ijs futuris quæ à Deo tan-
tùm producenda sunt, cuiusmodi sunt pœnæ, præmia,
beneficia gratuita. Atqui sicuti non sequitur, vt si Deus
suâ tantùm prædefinitione pœnam aut præmium faciat
esse absolutè futurum : nec aliter sciat ita futurum, quàm
quia ita prædefiniuit ; sic etiam faciat sua tantùm præde-
finitione actum malum esse absolutè futurum : nec aliter
sic futurum sciat, quàm quia sic prædefiniuit : ita à simili
non sequitur, vt si sua tantùm prædefinitione faciat esse
conditionatè futurum quod ab ipso tantùm futurum est,
sic etiam faciat esse futurum quod ab homine pendet siue
bonum siue malum.

XXXIII. Sed age videamus num hoc etiam ex loco erui
aliquid possit quo scientia media stabiliatur auctoritate
S. Thomæ: Et primò, quod iam diximus, distinguenda
esse quæ Deus solus facit, & quæ facit cum causis secun-
dis, præsertim cum libero arbitrio ; & illa propriè dici
prædestinata, non verò ista, D. Thomas hîc docet mani-
festè, in corpore articuli his verbis. Impletio ordinis cau-
sarum fit dupliciter, quandoque quidem ex sola opera-
tione diuinæ virtutis, vt suscitatio Lazari & conceptio
Christi, & secundùm hoc est prophetia prædestinationis,
quia vt dicit Damascenus, ea quæ Deus prædestinat non
sunt in nobis. . . . Quædam verò complentur operatione
aliarum causarum, siue naturalium, siue voluntariarum : &
hæc in quantum per alias causas complentur, non sunt
prædestinata, sunt tamen præscita. Vnde horum dicitur
esse prophetia secundùm præscientiam. Quia tamen præ-
scientia propter homines fit, circa ea quæ per homines
sunt libero arbitrio præcipuè prophetia præscientiæ
consistit. Vnde prætermisiss alijs causis creatis Hierony-
mus prophetiam præscientiæ notificans, de solo libero
arbitrio mentionem fecit. En tibi prophetiam præscientiæ
distinctam contra prophetiam prædestinationis, quòd
præscientia versetur præcipuè circa ea quæ sunt per libe-
rum arbitrium, prædestinatio verò circa ea quæ non sunt

Retorque-
tur hoc tes-
timonium
in aduersa-
rios.

Ad pri-
mum.

in nobis, & quæ Deus facit. Vnde subdit postea Hieronymum sumpsisse præscientiam secundum quandam restrictionem, prout est de illis tantum de quibus non est prædestinatio per se loquendo. *Et iterum*, Meritum nostrum non subiaccere prædestinationi, nisi secundum quod est ex gratia, quæ à solo Deo est: unde id quod ex nostro arbitrio est, prædestinationi subesse dicitur per accidens.

Iterum
retor-
quetur.

XXXIV. Secundò expendenda sunt verba ista, non autem excedit præscientia prædestinationem in malis solum, si prædestinatio strictè accipiatur: sed etiam in omnibus bonis quæ non sunt sola virtute diuina. Nam cum dicit, *si prædestinatio strictè accipiatur*, hac limitatione clarè innuit, etiam si prædestinatio latè sumatur pro quacumque prædestinatione aut voluntate antecedente circa ea quæ pendent à libero arbitrio; adhuc tamen præscientiam excedere in malis, hoc est latiùs patere prædestinatione: Esto in bonis tunc non excedat, quòd nulla sit talis prædestinatio vel voluntas in Deo circa ea quæ mala sunt, sicuti esse potest circa ea quæ sunt bona. Vnde fit etiam ea quæ mala sunt dici non posse ideo cognita à Deo siue absolute siue conditionatè quia volita vel prædefinita, quod intendimus.

Tertiò re-
torquetur.

XXXV. Tertiò expendenda hæc quoque, quæ habet in corpore articuli: cum enim distinxisset duplicem modum præsciendi futurum; alterum in causis siue in ordine quem ad illud habent causæ, quo modo cognoscitur Eclipsis ab Astrologo & mors à Medico: alterum intuen- do immediatè exitum ipsum, hoc est effectum huiusmodi causarum; sic loquitur. Sed Deus non solum cognoscit futura ratione ordinis causarum; sed etiam quantum ad ipsum exitum, vel executionem ordinis. Cuius ratio est, quia eius intuitus æternitate mensuratur, &c. Hoc autem creaturæ impossibile est cuius intuitus limitatur ad ali- quod tempus determinatum. Subdit, priorem modum sciendi futura, & scientiam illam esse rei præsentis potius quàm futuræ, quòd illa causarum ordinatio præsens fit: quod etiam repetit in responsione ad 2. atque ita con-

cludit. *Et sic remaneat solius Dei proprium, verè scire futura.* Hinc vero sumit distinctionem prophetiæ *comminationis* & prophetiæ *præscientiæ*, quod prophetia comminationis petatur ex cognitione causarum ordinarum ad aliquem effectum, & in eâ tantum significatione certam atque absolutam veritatem habeat, quam non habet semper quatenus euentum ipsum indirectè significat. Prophetia vero præscientiæ petatur ex cognitione futuri euentus in seipso, quem etiam directè significat: vnde non staret illius veritas nisi reipsa sequeretur prænuntiatus effectus.

XXXVI. Hæc est perspicua S. Th. doctrina, ex qua sic argumentor. Prædefinitio effectus futuri pertinet ad causas ordinatas ad productionem talis effectus, quoniam est vera quædam & perfecta ordinatio actiua talium causarum ad talem effectum: Atqui S. Th. in sententia iam exposita perspicuè docet, verum modum & Dei proprium præsciendi futura esse independentem à cognitione causarum ordinarum ad illa producenda: Ergo S. Thomas censet etiam verum modum, Dei proprium futura præsciendi, esse independentem à cognitione prædefinitionis: ac proinde prædefinitionem non esse Deo rationem præsciendi futura. Maior patet & ex D. Thoma colligitur, qui vt paulò antè vidimus ideo dicit prædestinationem addere ad præscientiam rationem causalitatis, quòd addat prædefinitionem quæ respectu futuri prædefiniti causalis est. Sed & ipse Aduersarius in hac obiectione prædefinitionem colligit ex ordinatione causarum. Vnde fit non posse illam, non includi in complexione causarum vt ordinarum ad productionem effectus. Minor, vt dixi, est ipsa doctrina S. Thomæ hîc relata.

XXXVII. Confirmatur ex eo quod dicit S. Thomas, cognitionem futuri quam aliquis habet ex præsentì ordinatione causarum ad illud producendum, esse potius scientiam rei præsentis, quam præscientiam propriè dictam futuri sic enim argumentor. Scire futurum effectum in præsentì ordinatione causarum ad illum producendum,

Quarè re-
torquetur.

non est propriè præscire futurum, sed est scire præsens: sed scire futurum effectum in eius prædefinitione, est scire illum in præsentì ordinatione causarum ad illum producendum: Ergo scire futurum effectum in prædefinitione, non est propriè præscire futurum, sed scire præsens: Ergo debet esse in Deo alius quidam modus præsciendi futurum effectum qui proprius sit, præter illum quo scire potest in prædefinitione. Maior est S. Thomæ hic, Minor est manifesta. Nam & prædefinitio futurorum est ordinatio quædam eorum, vel ipsis fatentibus aduersarijs, vt iam dictum est: & nihil est illâ Deo præsentius ab æterno; & S. Thomas contendit præter illum modum sciendi futura, ratione connexionis quam habent cum aliquo præsentì, esse admittendum alium nobiliorem, perfectiorem, & solo Deo dignum, quo diuinus intuitus feratur directè atque immediatè in præsentiam ipsam quam habent futura in æternitate.

XXXVIII. 4. Obijcitur locus ex 1. p. q. 19. art. 1. ad 2. vbi S. Th. dicit Deum aliquando vtrumque velle, nempe vt aliquid sit futurum, & vt non sit futurum. vt sit futurum secundum ordinem causarum inferiorum: & vt non sit futurum secundum ordinem & dispositionem causarum superiorum. hinc colligit P. Ioan. à S. Th. Illud quod secundum causam inferiorem est futurum, sed de facto non erit, esse futurum conditionatum, quod vti- que esset, nisi ordo superior aliter haberet: & tamen hoc dicit D. Thomas quod Deus vult & sic ordinatum fuit à Deo. Concedo futurum illud, esse futurum conditionatum: & iterum concedo esse ordinatum à Deo vt sit ita futurum; sed ordinatum est vt sit ita futurum secundum dispositionem naturæ, vt loquitur S. Doctor, quomodo futurum erat vt Lazarus maneret in sepulchro, vtitur enim hoc exemplo, vel secundum dispositionem seu exigentiam meritorum, quomodo futurum erat id quod prædicat Deus dum loquitur aduersus gentem & aduersus regnum, vt eradicet & disperdat, & destruat illud, hoc est quomodo futura erat pœna, quam hominum peccata merebantur, quod etiam S. Doctor obiecerat sibi. Atque ita Dei vo-

De eo quod
est & non
est futurum
secundum
diuersos
ordines
causarum.

Art. 4.
pag. 647

”
”
”
”

luntate fit vt aliquis effectus causarum naturaliuni fit tantum conditionatè futurus ; quatenus ipse statuit & ponere causas illas , & impedire in aliquo casu earum effectum. Tunc enim ex duobus illis decretis absolutis , etiam ex parte obiecti , sequitur effectum conditionatè tantum futurum. Item Dei voluntate fit vt aliqua pœna sit tantum conditionatè futura , nempe regni subuersio , nisi hominum pœnitentia Dei ultionem præueniret. Atque ita & quod à causis naturalibus , & quod à solo Deo pendet præcedenti quodam decreto Dei potest fieri conditionatè tantum futurum. Sed quidnam quæso illud est de quo disputamus ? An est quæstio de effectibus naturalibus ? An de illis quæ fiunt à solo Deo ? An non de actibus liberis à voluntate creatâ eliciendis ? Et vnde gentium ductæ sunt hæ consequentiæ , Quod sequitur ex causâ necessariâ Dei voluntate fit futurum conditionatè : Ergo quod sequitur ex causâ liberâ Dei etiam voluntate futurum est conditionatè ? Deus decreuit vt Lazarus ex hypothesi fuerit in sepulchro mansurus : Ergo Deus decreuit vt Lazarus fuerit hoc aut illud ex hypothesi liberè operaturus ? Futura est sub conditione pestilentia & fames in aliquo regno Deo decernente. Ergo futura est sub conditione morum corruptio Deo pariter ita statuente ? An tenent statum quæstionis qui sic ratiocinantur ? Eodem pertinet quod.

XXXIX. Obiicitur §. ex 1. sent. disp. 46. q. 1. ar. 1. ad 2. vbi S. Th. dicit voluntatem Dei antecedentem dici „ posse conditionatam : nec tamen esse imperfectionem ex „ parte voluntatis diuinæ , sed ex parte voliti , quod non „ accipitur cum omnibus circumstantijs quæ exiguntur ad „ rectum ordinem in salutem , & disputat S. Th. de vera „ intelligentiâ propositionis illius : *Deus vult omnes homines saluos fieri* , itaque concedit , si quæstio sit de voluntate antecedente & conditionata ex parte rei volitæ , propositionem illam esse vniuersaliter veram , admittit ergo talem in Deo Voluntatem. Ac proinde , inquit Ioannes à S. Thoma , *omnem scientiam mediam soluit* quæ non stat cum tali voluntate. Sed quid est quæso illud , *soluit* , nisi à prædesti-

Non valet argumentū à prædestinatione faciendorum à Deo solo ad prædestinationē faciendorum ab homine liberè operante.

Non valet argumentū à prædesti-

ratione co
ditionata
proximi ad
proximi
tionem con
ditionatam
metu.

liberam dimittit, euanescentibus quibus eam constringere conantur difficultatibus? Facit Deus decreto suo ut præmium bonæ vitæ, quod est salus, sit ex hypothesi eiusdem vitæ futurum: Ergo etiam facit decreto suo, ut illa ipsa vita bona sit ex hypothesi gratiæ suæ similiter futura? Nego consequentiam. Præmium enim illud effectus est Dei solius, vita bona, & Dei & hominis. Vnde quamuis sit necessaria præsens Dei voluntas ut intelligatur futurum præmium conditionatè, potius quàm non futurum; non sequitur esse pariter necessariam ad hoc ut intelligatur bona vita futura conditionatè, potius quàm non futura. Est enim præter Dei voluntatem, hominis ipsius voluntas quæ ex suppositione gratiæ hoc est determinatura, & ut ad bonam vitam esset necessaria præsens Dei voluntas, non tamen ad malam quæ pariter conditionatè futura est.

XL. Denique obiicit illud ex q. 2. de veritate. art. 12.

Exinclu
nacione
causarū
naturæ
hū malè
inferur
prædefi
nitio a
gendo
rum à
liberis.

„ ad 9. ubi S. Doctor dicit non esse inconueniens quod
„ ponatur quòd Deus scit aliquid futurum esse quod non
„ erit, in quantum scilicet scit aliquas causas esse inclina
„ tas ad aliquem effectum qui non produceretur. *Subdit au*
„ *tem P. Ioannes à S. Thoma* Ecce quomodo admittit D.
„ Thomas scientiam futurorum, quæ non erunt: sed so
„ lum conditionata sunt, scilicet videndo causas inclina
„ tas. quam inclinationem ipse utique vult & decreuit. Sed
„ eadem confusione laborat obiectio; & quod de inclina
„ tione causarum naturalium in actu primo intelligi po
„ test, gratuitâ & tamen violentâ extensione trahitur ad
„ prædefinitionem causarum liberarum, quarum apud S.
„ Thomam, in his quidem locis, nulla prorsus mentio est:
„ ut facile sit ex his omnibus intelligere Aduersarium ex D.
„ Thomæ doctrinâ scientiam mediam impugnare non po
„ tuisse, nisi eiusmodi testimonijs quæ illam partim non
„ petunt, partim etiam confirmant.

Disp. 10.
dub. 4. nu.
79. 80. 81.
Obiecta
Salmanti-

XLI. Sed auxilio venit Scriptor Collegij Salmanticensis; qui postquam conatus est ex priore illo testimonio quod antea solutum est, eruere *manifestam euersionem* scientiæ mediæ, illam iterum quatit, tum ex ijs locis qui
bus

bus S. Thomas docet scientiam Dei esse causam rerum ^{causam ex} adiunctâ voluntate : tum ex ijs quibus fit absolutè futu- ^{D. Tho.} ra non esse à Deo cognoscibilia ante decretum suæ vol-
 untatis : tum 3. ex eo quod duo illi modi quibus tradit S.
 Th. aliquod futurum esse cognoscibile , nempe vel in se,
 vel in suis causis , fallant in conditionatis , nisi accedat
 Dei decretum. Nam cum suis causis non habent cer-
 tam connexionem , in seipsis etiam numquam aliquid
 erunt : Ergo.

R. 1. Vt incipiam ab hoc vltimo , interrogando hunc ^{Modus co-}
 Doctorem, quomodo faciat ipse vt duo illi modi cognos- ^{gnoscendi}
 cendi futura , beneficio prædefinitionis hîc locum ha- ^{futura libe-}
 beat Supponamus, inquam , dari prædefinitionem illam ^{ra ex con-}
 conditionatè futurorum. Quæro, cognoscit ne illa Deus ^{nexionem}
 in causis tantum , an in se ? Si in causis tantum , quod sci- ^{quam ha-}
 licet illa prædefinitio pertineat ad rationem causæ ; Ergo ^{bent cum}
 Deus non cognoscit ista futura perfectò & proprio mo- ^{causis præ-}
 do , hoc est diuino : quia vt paulò antè retulimus ex D. ^{sentibus,}
 Th. modus ille solius Dei proprius non percipit futura in ^{non est di-}
 ordinatione causarum : & qui non aliter intelligit quàm ^{uinus,}
 in ordinatione causarum , non tam dicendus est præscire
 futurum , quàm scire præsens : si in seipsis ; ergo Deus co-
 gnoscit quod non est cognoscibile , quia *quæ nunquam*
erunt nequeunt fundare cognoscibilitatem secundum esse reale
quod habeant in seipsis vt iste Doctor loquitur , sed condi-
 tionata etiam post prædefinitionem numquam erunt :
 ergo etiam post prædefinitionem *nequeunt fundare cognos-*
cibilitatem secundum esse reale quod habeant in seipsis. Atque
 ita rotas huius argumenti soluendi labor incumbit Ad-
 uersario.

Quid vero de cætero debeamus ipsi respondere , iam ^{Supra disp.}
 explicatum est superiori disputatione contra Doctorem ^{a. c. 2.}
 anonymum. Nempe quod numquam erit aliquid in
 seipso non potest fundare cognoscibilitatem qua de illo
 enuntietur quòd erit aliquid in seipso ; sed potest fundare
 cognoscibilitatem quâ de illo enuntietur quod esset ali-
 quid in seipso , si aliqua conditio poneretur : atqui scien-
 tia media nihil aliud cognoscit aut enuntiat quàm hoc,

quod scilicet ipsius obiectum esset aliquid in seipso, si conditio poneretur: Ergo scientia media nihil cognoscit aut enuntiat quod non habeat fundamentum in eius obiecto.

An & quomodo de
creto in di-
uinæ volū-
tatis requi-
ratur a deo
gnitionem
futuri ab-
soluti
Supra disp.
I. c. 3. n. 46.

XLII. Ad secundum, quid sit dicendum patet. Nimirum apud D. Thomam nusquam reperiri principium illud, *absoluta futura non esse Deo cognoscibilia ante decretum sue voluntatis*, si tale decretum intelligatur tendere immediate ac determinate in id ipsum quod futurum dicitur. Contrarium enim probatur ijs omnibus locis quibus ostendimus ex D. Thoma præscientiam excedere prædefinitionem. Vult ergo S. Thom. hoc tantum, absolute futura, nec esse ita futura: nec proinde ita cognoscibilia, ante decretum diuinæ voluntatis, quo statuit absolute ponere talium futurorum causam, eique concursus accomodatam exhibere.

Quomodo
apud S.
Thomam
scientia Dei
sit causa
rerum.

XLIII. Ad primum: cum dicit S. Thomas Dei scientiam esse causam rerum adiuncta voluntate, & non ideo res à Deo cognosci quia futuræ sunt, sed potius ideo futuras esse quia cognoscuntur illo modo, adiuncta scilicet scientiæ voluntate, aliter est accipiendum in futuris absolutis, aliter in conditionatis. Nam in absolutis hunc sensum habet, scientiam quam habet Deus de possibilitate illorum, adiuncta voluntate vel permissiva, vel impulsiva, vel tendente in futurum ipsum determinate, vel disjunctive tantum: hoc est vel in ipsum vel eius oppositum, determinate autem semper, in eius causam ut applicandam ad agendum hanc, inquam, scientiam tali quadam voluntate adiuncta esse causam rerum. Quia & est causa cur bona existant aliquando: & est causa sine qua etiam illa quæ mala sunt nunquam existunt: sed esse in Deo scientiam quæ adiuncta voluntate prædefinitiva immediate ac directe actionis malæ, sit causa cur actio illa futura sit absolute, dico neque hactenus repertum esse locum in quo S. Thom. hoc asserat: neque deinceps Deo bene fauente reperiendum.

Non est necessarium
ut causa

De futuris conditionatis iam antea dixi, non debere in eorum causa plus actualitatis requiri, quam sit in ipsis.

Cùm ergo talia sint futura, de quibus nihil aliud asseritur quàm quòd essent: hoc est quorum omnis existentia pro quocumque tempore præsentis, præterito, futuro, suspensa est; satis est si causa quam necessariò requirunt, sit similiter suspensa. Non ergo ad illa requiritur voluntas Dei quæ sit, sed quæ esset, si Deus esset ab æterno determinatus ad illa producenda. Et ut sufficit quod in hypothesi ex qua dicuntur sequutura, inuoluatur libertas creata, & gratia, & alia necessaria, non ut habentia existentiam in aliqua temporis differentia, sed ut suspensa ex libertate Dei, cùm dicimus si Deus crearet talem voluntatem, & daret illi talem gratiam, &c. ita satis est quòd illa ipsa Dei volitio quæ ad huiusmodi futuritionem requiritur, sit pariter ex eadem Dei libertate suspensa, dicamusque, si Deus vellet producere talem causam, & vellet exhibere illi concursum accommodatum, &c. Atque ita Dei voluntas est quidem causa talium futurorum: sed non Dei voluntas quæ sit, sed quæ esset, si Deus se aliter ab æterno determinaret. Vel dic etiam de nulla causa futuri conditionati posse propriè asseri quòd sit causa iam, sed quòd esset: ac proinde non debere aliquid assignari quòd iam sit causa, sed quòd esset causa. Sicut enim de effectu conditionali futuro non aliud intelligimus quàm quòd esset, etiamsi iam non sit: ita sufficit si possit aliquid intelligi quòd esset eius causa, etiam si iam eius causa non sit. Hoc autem intelligitur in antecedente propositionis conditionalis cum dicitur, si esset tale agens liberum & esset Dei voluntas ad concurrendum accommodata, &c. Neque S. Thom. aliud voluit.

XLIV. Atque hæc sunt omnia quæ Aduersarij colligere potuerunt ex D. Thom. contra Scientiam Mediam. Quæ sine dubio leuia videbuntur, si conferantur cum alijs quæ ab eodem S. Doctore perspicuè supponuntur, qualia sunt. 1. Esse aliquid præscitum quòd tamen non sit prædefinitum, 2. Ideo præscientiam non obesse libertati, quia eo modo se habet ad præscitam, quo modo se habet oculus noster ad obiectum visum. 3. Necessitatem omnem

Scientia Media quæ sit connexa cum principiis D. Thomæ.

quæ sequitur ex eo quòd aliquid sit præscitum, reduci ad hoc principium; *Id quod est, quando est, necesse est esse.*

4. Futurum contingens esse Deo cognoscibile independentè à cognitione cuiuscumque ordinationis causarum ad ipsum producendum, & secundum illud esse, quod habet in aliqua differentia temporis: vel quod haberet ex suppositione; quod est esse cognoscibile independentè à cognitione cuiuscumque prædefinitionis, 5. Esse aliquam in Deo præscientiam bonorum malorumve, quæ nunquam fuerunt, quæ Deo motuum exhibuerit propter quod decreuerit aliqua facere vel omittere; v. g. noluisse vt Incarnatio acceleraretur, quod præsciret ex eâ impediendum sensum illum peccati sui atque necessitatis qui peccatores decet: & sequuturum *vt bonorum fides temporis prolixitate teperceret*, Item, noluisse vt differretur in occasum Mundi, quod videret dilatione illa *Dei notitiam & reuerentiam & morum honestatem totaliter abolendam*: Elegisse autem tempus quo & subueniri debere sciuit, & gratum futurum beneficium. Nam ita philosophatur S. Th. 3. par. quæst. 1. art. 5. & 6. Neque dici potest illam præscientiam quæ reuera fuit scientia conditionata futurorum, fuisse posteriorem eorundem prædefinitione. Erit enim illuforia doctrina S. Doctoris, si dum quæritur cur absolute decreuerit incarnationem differendam, respondeatur rationem esse, quia conditionatè prædefinierat vt maiora quædam mala sequerentur si ea non differretur. Statim enim oritur maius dubium, cur prædefinierit vt essent mala illa sequutura? Et cum ex apprehensione diuinæ bonitatis oriatur illud dubium cur tamdiu distulerit suum beneficium; quis non videt solutionem dari quam eadem diuinæ bonitatis apprehensio reddit magis incredibilem, cum dicitur causam esse, quia Deus prædefinierat vt sequerentur mala illa, alias minimè sequutura? Diuinæ siquidem bonitati magis repugnat, mala prædefinire quam differre bona. Nunquam ergo de conditionata illa futurorum malorum prædefinitione cogitauerit D. Thom. Atque hæc & alia id genus quæ obseruata sunt à Suare, Herice, Didaco Ruiz, P. Petro à

S. Ioseph tùm in concordia tum in defensione S. Thomæ, si conferantur cum iis quæ obiecta sunt, non dubito quin æquus rerum æstimator eandem mecum ineat sententiam, nempe, si Thomistica sit ea doctrina, quæ maiorem habet cum principiis D. Thomæ connexionem, Thomisticam esse illam quæ Scientiam Mediam defendit, non autem oppositam: atque ita, vanum esse prætextum Scientiam Mediam impugnandi, ex obligatione vel proposito adhærendi Angelico Doctore, cum inde potius honesta sequatur necessitas illam defendendi.

XLV. Verùm quod fecerat in Augustino Scriptor Collegij Salmanticensis, id ipsum quoque obseruauit in D. Th. cuius mentem rimatus ex eius scriptis, conatur etiam ex effectis ostendere ab eo reprobata esse Scientiam Mediam. *Prima* verò & *fundamentalis ratio* inquit, est illa quæ tractata est antea cùm de Censura triginta Doctorum. Quæ ratio iam examinata est, certaque conuictione monstratum struere hunc Doctorem in arena, dum huiusmodi iacit *primas & fundamentales rationes*.

Disp. 10.
dub. 3.
Coniectura Salmanticensium quod S. Thomas Scientiæ Mediæ sit contrarius soluantur.
Nam, 67.

Secundò probat, quia Tridentini Patres reiecerunt Scientiam Mediam, *modo*, inquit, *infra probando*. Ergo non habetur apud S. Th. Sed nos quoque supra ostendimus nullum esse *modum* istum repudiatae Scientiæ Mediæ à Tridentinis: & neque probatum esse vnquam, neque probandum, neque probabilem.

Tertiò probat ex auctoritate Patrum Dominicorum, quam rationem cingit multis varijsque ponderationibus & confirmationibus. R. 1. magni omnino momenti apud nos esse auctoritatem illorum Patrum; sed esse rationi consentaneum, vt illi dum in hoc certamen descendunt, huiusmodi præiudicio renuntient; alioqui enim iniquas fore disputandi leges. Quod dicit Dominicanos nunquam hanc Scientiam Mediam in suo doctore inuenisse; si quæstio sit de antiquis, Respondeo nec quæsisse. Nam cùm nemo eorum quæsierit an esset Scientia Media, consequens etiam est vt nemo quæsierit an esset in D. Thoma: sed vt D. Thomas illam supposuerat, ita pariter ipsi eandem supposuerunt. Ad recentiores Thomi-


Num. 90.

stas quod attinet; concedo quæsiſſe illos apud D. Thomam Scientiam Mediam; ſed in modum illius qui breuiarium ſuum cùm perdiſſet ita quærebat, vt inueniendum timeret. Vnde facile eſt retorquere argumentum quo vitur hic doct̃or, dum contendit Thomiſtis potiùs credendum eſſe quàm Ieſuitis in hac cauſa, quod Thomiſtæ nunquam, Ieſuitæ aliquando deferant S. Thom. illi nullà *paſſione* vel *neceſſitate*, iſti non quidem *paſſione* vllà, ſed tamen *neceſſitate* aliquâ impellantur ad quærendam Scientiæ Mediæ auct̃oritatem. Ita inquam argumentum illud retorqueo. Quando duo aliquid quærunt, quorum vnus nullà inueniendi neceſſitate impellitur, nullo deſiderio, ſed timore potiùs; alius verò & neceſſitate cogitur & magno fertur inueniendi deſiderio; euident̃ eſt maiorem fore iſtius in quærendo diligentiam: ac proinde cæteris paribus ſperandum potiùs inuentum iri quod ab eo quæritur quàm quod ab alio: ſed Thomiſtæ ac Ieſuitæ duo ſunt, qui Scientiam Mediam diuerſo illo modo quærunt: & Thomiſtæ quidem priore; Ieſuitæ poſteriore: Ergo eſt cur credamus maiorem fuiſſe Ieſuitarum in quærendo diligentiam, ex qua perinde ſperanda potiùs fuerit inuentio rei quæſitæ.

XLVI. Denique quod addit, non fuiſſe Thomiſtas acufaturos ſcientiam mediam apud Inquiſitores & Summum Pontificem; ſi ea extaret apud S. Thomam. &c. Ius eſſe litigantium vt ante rem iudicatam dicere poſſitis qui accuſatus eſt, ſe non eſſe iure accuſatum. De cætero communem eſſe, iurisque publici S. Thomæ fundum eumque ditiffimum, ac multis theſauris fœcundum. Quem cùm omnes Scholaſtici fodiant, fortuitum eſſe vt quis quid inueniat à Thomiſtis prætermiſſum: quod ſi negare velit Aduerſarius, videat ne dicat ſententiam in labores Complutenſis Collegij ac Salmanticensis.

CAPVT III.

Rationes contra Scientiam Mediam.

XLVII.  ATER Ioannes à S. Thoma duabus Disp. 10.
Art. 4.
potissimum rationibus impugnât
Scientiam Mediam, alterâ commu-
ni, speciali alterâ: multis præterea
inconuenientibus ostendit illam esse necessariò reiicien-
dam: quæ omnia quàm breuissimè diluenda hîc sunt.

§. I.

Communis ratio contra Scientiam Mediam.

C Ommunis ratio illa ipsa est quam antea soluimus
contra TVissium, vt nihil admodum necesse sit Disp. 1. c. 11.
quidquam addere ad ea quæ inibi sunt exposita. Quod
Dauid, inquit, sit tradendus à Ceilitis si apud eos ma-
neat, de facto est quædam veritas: & oppositum de fa-
cto est falsum; *Item* veritas illa non est suspensa & ex con-
ditione pendens in ratione veritatis, licet existentia sit
pendens ex conditione; & constat quia de facto est co-
gnoscibilis: & de facto est scientia de illa: Ergo veritis
illa de facto est determinata, & certa, & infallibilis. Et
licet existentia sub conditione sit futura; certo tamen sic
est futura, & non manet in ratione puræ possibilitatis &
indifferentiæ sicut suum contradictorium. Ergo oritur
ex aliquo principio & causa. Iam verò nulla potest assi-
gnari causa sufficiens secluse actuali Dei decreto, quo
posito ruit Scientia Media.

Sunt igitur hic examinandæ tres propositiones, Prima,
*Veritas futuræ traditionis Ceilitarum de facto est & non est sus-
pensa & pendens ex conditione, sicuti existentia ipsa talis tradi-*

tionis. Secunda, Etiam si existentia illius traditionis sub conditione tantum sit futura; certò tamen sic futura est, & non manet in ratione puræ possibilitatis & indifferentiæ, sicuti suam contradictionum: Tertia, Extractio illa è ratione puræ possibilitatis, non potest non oriri ab aliquo principio, quale nullum esse poterit seclusa Dei voluntate.

Quo sensu
intelliget-
dum sit fu-
turum con-
ditionarum
esse nunc
verum.

XLVIII. Prima propositio, propriè loquendo, falsa est. Veritas enim illa obiectiua est, quæ non distinguitur à re quæ dicitur vera, ideòque repugnat vt existentia rei suspensa sit ex conditione, & eius veritas ex eadem conditione suspensa non sit. Veritas, inquam, futuræ traditionis Ceilitarum non est aliquid distinctum ab ipsa futura traditione: ideoque implicat vt suspensa sit traditio, & non veritas. Quòd si contendas, veritatis nomine præter entitatem rei significari etiam aliquam non repugnantiam cognitionis circa huiusmodi rem, quæ dici possit eius cognoscibilitas; Concedo ratione huius non repugnantiae dici posse de facto esse veritatem illam futuræ traditionis: & non esse suspensam ex conditione. Sicuti enim licet existentia Antichristi futura tantum sit, non impedit tamen quo minus de facto sit non repugnantia cognoscendi illum esse futurum: quæ non repugnantia non est futura tantum, sed & præsens, ideoque dicitur obiecti tantum futuri esse præsens cognoscibilitas. ita quamuis existentia traditionis Ceilitarum ex conditione sit suspensa; nihil vetat præsentem esse non repugnantiam eius cognitionis, quæ enuntietur hoc ipsum, nempe quod esset ex hypothesi, non autem quod sit. Et hoc est futuritionis suspensæ ex conditione præsentem & absolutam ac minimè suspensam esse cognoscibilitatem quod est, non existentis veritatis obiectiuae esse posse existentem veritatem formalem in cognitione quæ illam repræsentat. Vnde nihil inferri potest contra Scientiam Mediam.

XLIX. Secunda propositio, quâ parte dicit existentiam futuræ traditionis esse certò sic, id est, conditionatè futuram, nihil aliud significat, quàm hoc ipsum quod iam dicebant: nempe quamuis suspensa sit illa existentia ex
conditione

conditione quæ nondum intelligitur posita; non repugnare tamen esse præsentem & minime suspensam in existendo cognitionem quâ id ipsum enuntietur, nempe *suspensam esse ex eiusmodi conditione illius traditionis existentium; & omnino futuram si futura esset conditio.*

Qua verò parte dicit huiusmodi traditionem non manere in statu puræ possibilitatis, sicut suum contradictorium, bifariam intelligi potest. Primò quod de facto non maneat aut mansura sit in statu possibilitatis absolute loquendo; & hic sensus falsus est, quia de facto & absolute loquendo nihil habet supra merum possibile: nec in eo differt à suo contradictorio. Secundò, quòd ex hypothesis non maneret; hoc est, quòd si suppositio Davidis manentis in Ceila, & aduentantis Saulis, & Dei suam providentiam Ceilitarum libertati accommodantis, quæ possibilis tantum est, fieret actualis; tunc etiam traditio, quæ & ipsa de facto possibilis tantum est, fieret similiter actualis, differretque à suo contradictorio, à quo iam absolute non differt: & hic sensus verus est, & hoc enuntiat Scientia Media. Nempe, si antecedens illud propositionis conditionalis, *si David maneat in Ceila &c.* Quod est tantum possibile fieret actuale; fore quoque ut fieret actuale hoc consequens, *traderetur in manus Saul,* & proinde fore ut differret à suo contradictorio, quod est, *non traderetur*, à quo iam non differt absolute loquendo. Quia tunc contradictorio illo manente sub mera possibilitate sub qua iam est, oppositum actuale fieret; & non tantum possibile, ut est modò.

L. Tertia propositio, quòd illa extractio futuræ traditionis è statu meræ possibilitatis *sit* siue *oriatur ab aliquo principio*, æquivocum pariter est. Ita enim enuntiaripotest, *est ab aliquo principio*, & sic est de subiecto non supponente. Quia nec est de facto & absolute loquendo, nec *oritur*; sed *esset & oriretur*. Vnde quod additur *ab aliquo principio*, subintelligi potest vel principium quod sit de facto, & ita falsum est, ad illud enim de quo dicitur tantum *esset*, non requiritur causa vel principium de quo dicitur, *est*: vel potest subintelligi principium *quod esset*; &

Futurum
conditio-
narumquo-
modo dif-
ferat à me-
re possibili
& à suo
contradi-
ctorio.

Verba in-
dicativa
existenti-
æ in aliqua
temporis
differentia,
non pos-
sunt trans-
ferri ad
conditio-
natæ futura
in propria
significa-
tione.

explicari solent actus liberi Dei. Quamcumque enim partem quis sequatur, semper verum est, esse posse absolute aliquod velle Dei, quod iam non est: nec erit unquam: Ergo talem quamdam voluntatem diuinam inuolui dicimus necessariò in antecedente quod est causa futuri conditionati: ac proinde non dicimus illud fieri futurum independenter à voluntate Dei quæ esset: Esto sit independens à voluntate Dei quæ modo sit, vt sapius dictum est.

LII. Ex his verò patet solutio illius argumenti quod P. I. à S. Th. proponit versatque per multas columnas, sed ita vt perspicuum sit, non satis illum distinguere conditionatum ab absoluto, dum semper vrget, illud conditionatum esse iam verum: esse de facto & in re: liberè determinari & ex liberis principijs: determinatam illam veritatem sub statu conditionato, creatam esse: esse participatam: habere suas causas: ergo debere reduci ad causam primam: & subijci diuinæ potestati & libertati: debere igitur Deum respicere ad suam voluntatem vt causam primam & radicem illius determinationis, quæ ita de facto conuenit quod possit non conuenire, &c. Sed iam dixi quomodo accipiendi sint illi omnes loquendi modi, & oratio quomodo conformanda. Nempe *verum* illud, sumptum pro re quæ dicitur vera, non *est* iam de facto, & in re, sed *esset*: Non *determinatur* liberè & ex liberis principijs quæ iam sint; sed *determinaretur* liberè & ex liberis principiis quæ forent si suppositio possibilis fieret actualis. *Veritas* illa non est *creata* & *participata* sed *creanda* & *participanda* ex hypothesi. Hoc est, si esset hæc hypothesi, determinata veritas illa crearetur & participaretur. Non *habet* causas suas, sed *haberet*; vnde nec *debet* iam reduci in causam primam; sed *deberet*: tuncque subiiceretur diuinæ potestati & libertati, quomodo illi subiiciuntur cæteri actus liberi qui existunt in aliqua temporis differentia: debere igitur Deum dum hæc conditionata cognoscit respicere ad actum suæ voluntatis, non quem habeat modò, sed quem haberet si vellent hypothesim significatam in antecedente propositionis conditionalis

An sequatur ex scientia media dari aliquem statum in creaturae im-
participabilem à Deo.

fieri de possibili actu existentem. Esset enim tunc Deus beneficio illius actus prima causa & radix illius determinationis, quomodo esse solet liberorum omnium aliquando absolute existentium. Quare *horridum* illud quod dicit *in tota Theologia & Philosophia* nequaquam sequitur ex hac doctrina, *dari aliquem statum in creaturis im-
participabilem à Deo nec ab aliquo eius attributo*. Nihil enim agnoscimus quod non asseramus eodem modo participari, quo & esse. Quidquid est, participatur: quidquid fuit participatum est: quidquid erit participabitur: quidquid esset, participaretur. Quid amplius requirit? *Sed*, inquit, *ille status conditionatus de facto datur licet res tantum sub conditione sit*. Ego verò admodum cuperem, ut nobis statum illum à re distingueret, monstraretque quomodo fieri possit, ut status aliquis de facto sit, à re cuius status est, separatus. De facto Deus est, de facto possibile est Davidem in Ceila manere, Saulem aduentare, Deum ordinariam habere circa Ceilitarum voluntatem in illo rerum occurso providentiam. Item est de facto impossibile ut ex illa hypothese sequantur duo opposita contradictorie, cuiusmodi sunt traditio Davidis & non traditio, necessitas autem est, ut sequatur alterutrum. Denique est etiam non solum non repugnantia, sed necessitas ut perfectissimus intellectus hoc attingat, si prædicta hypothesis fieret actualis, postquam ambo sequi non possunt, & alterutrum disiunctivè necessariò sequitur, utrum esset, traditio an non traditio. Si vocet hoc statum conditionatum, status conditionatus de facto est. Sed realis & libera sequela siue emanatio traditionis ex suppositione illa, nec est, nec fuit, nec erit, sed esset tantum: nec aliud quicquam à divino intellectu percipitur, nisi hoc quod dicimus, *esset*: ac proinde status huius traditionis cum non magis esse possit quam traditio ipsa, consequenter nihil est de quo aliud affirmari possit, quam quod *esset*, quo modo statim etiam affirmatur, quod à Deo *causaretur & dependeret & participaretur, &c.*

LIII. Dices I. Non aliter à Deo causaretur ille status siue illa traditio, quam per decretum: Ergo debet Deo

constare quòd habebit tale decretum posita illa conditione, sicut constat Quod voluntas Ceilitarum ita operatur est. Non potest autem nunc de facto constare Deo quòd sit habiturus tale decretum, nisi de facto illud placeat, & si de facto placet, eo ipso conceditur præiens quædam voluntas Dei in quàm ultimò reducatur veritas futuri conditionati. Ita P. à S. Th. loco citato. *ꝛ.* Non aliter causaretur ille status quam per decretum, concedo: Ergo debet Deo constare quòd habebit, seu potius quòd haberet tale decretum: Distinguo: debet hoc Deo constare asserendo, nego; supponendo: concedo: iudicium enim conditionale non asserit id ex quo dicit aliquid sequuturum, esse, sed supponit. Cum dico si sol luceret dies esset, non assero *ꝛ sol luceret*; sed suppono: & ex illâ suppositione sequuturam dico diem, propter necessariam quam habet illud antecedens cum hoc consequente connexionem. Quod autem facit naturalis determinatio solis, ut sit fundamentum ex quo colligatur infallibiliter sequutura dies, & necessariò; hoc facit actiua indifferentia & dominium causæ liberæ in actum & non actum; ut sit fundamentum ex quo colligatur futurum actum potius quàm non actum: vel non actum potius quàm actum, supposita semper connaturali circa utramque causam providentia.

Iam verò cum dicitur, non posse Deo constare quod haberet tale decretum, nisi hoc illi placeat. *ꝛ.* Distinguo nisi hoc illi placeat complacentiâ quadam libera, nego; necessaria & quæ perinde pertineat ad hoc decretum & ad oppositum concedo. Placet Deo quod possit hoc decernere, quemadmodum etiam placet quod possit decernere contrarium; placet illi scientia quam habet de tali possibilitate, atque illa quoque quam habet de hypotheticâ sequelâ ex tali suppositione, sicut & illa quam habet de contraria, Actus verò præterea liber & efficax circa tale decretum in Deo nullus est, qui quidem possit scientiâ mediâ prior dici.

LIV. Dices 2. Deus posset aliter disponere res, ac facere ut esset sequutura non traditio Davidis, salua Cei-

R r r iij

litarum libertate: ergo præfens quoddam decretum, quo alia illa dispositio excludatur itaque fiat traditio sequutura. R. Distinguo antecedens, Deus posset facere ut esset sequutura non traditio ex eadem hypothese ex qua sequutura traditio est, nego: ex aliâ quâdam diuersâ, quod est esse possibilem aliam hypothese, & ex illâ sequelam non traditionis; concedo. Et nego consequentiam. Hypothesis ex quâ sequutura est traditio, est hypothesis concursus indifferenter oblata, excludens omnem prædefinitionem anteriorem scientiâ conditionatâ. Supponimus enim omnem huiusmodi prædefinitionem tollere libertatem. Quid ergo potest facere Deus ad hoc ut sequatur non traditio quin mutet illam hypothese? Debebit scilicet non exhibere concursum indifferenter, aut nolle positiuè ut sit traditio, aut velle positiuè ut sit non traditio: & quodcumque horum decernatur mutatur hypothese quæ hæc omnia excludit.

LV. Dices 3. *Illud decretum conditionatum, seu habendum si conditio purificetur; est decretum supponens veritatem futuri conditionati: Ergo non potest esse principium à quo deriuatur talis veritas.* Ita P. Ioann. à S. Th. loco citato. R. Nego

pag 610 „ antecedens. illud autem ita probat. Quia tale decretum
 „ solùm est decretum de concurrendo cum voluntate crea-
 „ ta concursu generali, aut concursu indifferenti, & ab
 „ ipsa voluntate determinando, in casu quo purificetur
 „ conditio. Veritas autem futuri conditionati est, quod
 „ voluntas, si conditio ponatur & concursus Dei genera-
 „ lis non desit, se determinabit *Vnde sic insert*, Ergo talis
 „ veritas non participatur ab illo decreto conditionato sed
 „ ab illo supponitur. Ego vero non video probabilitatem
 „ huius consequentiæ, vereorque nondum satis digesta sit
 „ hæc ratiocinatio, quæ si adolescat in argumentum ido-
 „ neum, facile erit distinctæ difficultati adhibere distinctam
 „ solutionem. At, *inquit*, quando tale decretum aduenit,
 „ de concurrendo indifferenter, determinatio talis concur-
 „ sus supponit quod fiet à voluntate, & sic est præuisum;
 „ non ab ipso decreto determinatum & causatum, licet non
 „ sine ipso voluntas causabit & operabitur: frustra ergo

illa determinatio causari & derivari dicitur à decreto: cum potius ab eo supponatur. Hic iterum implexæ atque inexplicatæ cogitationes proponuntur. Dum est actû & absolute decretum exhibendi concursus indifferentem, supponitur determinatio vt hypotheticè tantum futura, tanquam aliquid prius in subsistendi consequentiâ, vnde illo sensu dici potest actualis & absoluta positio decreti, supponere hypotheticam determinationis futuritionem. Sed oportet & comparare absolutam positionem decreti, cum absolutâ positione determinationis illius, & hypotheticam cum hypotheticâ, & possibilem cum possibili. Nempe determinatio possibilis talis concursus, supponit possibile decretum illud: eius actualitas ex conditione suspensa; supponit decreti actualitatem ex Dei pariter libertate suspensam: eius absoluta & actualis positio absolutam & actualem decreti positionem: & omnibus modis quibus determinatio voluntatis esse concipitur, supponitur etiam decretum Dei à quo participate. Quid præterea requiritur? & quid aliud est quod dicit Aduersarius, *licet non sine ipso voluntas causabit & operabitur*, quàm, *licet nulla futura sit eius determinationis actualitas, quæ non participetur à decreto*? Quod si est ita, quare decretum Dei posterius & determinatio voluntatis prior esse dicitur? Numquid inde Aduersarius debuit potius contrarium concludere ac dicere. *Decretum Dei est concausa necessaria sine qua voluntas creata nihil causabit, nihil operabitur, non se determinabit*: Ergo eius determinatio, & operatio, & effectus, est decreto Dei posterior?

§. II.

Specialis difficultas.

LVI. **A**D superiorem difficultatem contra scientiam Arg. 4. pag. 663. mediam, specialem adiungit P. Ioannes à S. Th. petitam ex modo quo à nobis conformandum necessariò est obiectum huius scientiæ. Clarum enim esse, dum dicimus v. g. *si David in Ceila maneat tradent eum*

Ceilite, in hypothefi ex qua fequutura dicitur traditio, includendum effe Dei concursum, fine quo nec traditio. Ceilitarum, nec quidquam aliud futurum effe potest: & confequenter includendum effe Dei decretum de concurrendo: non quidem decretum quod fit, quia illud reijcimus, fed decretum quod effet, quodque ideo dicitur conditionatum ex parte actus, à quo non possumus abstinere. Hinc autem oritur, *inquit*, difficultas. Quomodo obiectum illud conditionatum formetur, ita quòd deferuiat scientiæ mediæ. Nam Deus cognofcit quòd Ceilitæ facient hoc, fi in tali occasione ponatur, & fimiliter fi habuerint concursum, ita quòd Deus non fufpendat illum. Pofito autem concursu ex parte conditionis, obiectum redditur neceffarium, pertinetque ad scientiam fimplicis intelligentiæ. Si enim ponatur concursus Dei, eft omnino veritatis neceffariæ quod talis effectus fiet: fi verò concursus Dei non ponitur pro conditione, non potest Deus videre effectum futurum. Si enim concursum fuspendat, nihil fiet. Hæc ille quibus fubijcit difficultatem hanc *mordere acriter* defensores scientiæ mediæ, & paulò poft, in eodem hinc decidere *telorum imbrem*, & effe difcordes eorum folutiones. Et de difcordia quod dicit, illa fortaffe pertineat magis ad loquendi & explicandi modum, quàm ad rem ipsam, quæ eadem cùm fit apud omnes, non eodem tamen modo concipitur. De cætero videndum nobis eft, fi qua ratione poffimus vel limâ vel forcipe reddere edentulam illam difficultatem, ne adeo nos *acriter mordeat*. Illi etiam *imbri telorum* fi fortè nulla fufficeret umbella, obftruenda erit teftudo aliqua, fub qua tuti vivere poffimus.

Specialis
difficultas
communis
eft.

L VII. Et in primis videtur P. Ioan. à S. Th. ex communi difficultate fpecialem facere. Communis enim eft illa difficultas, feponitâ etiam scientiâ mediâ, quomodo concurrat Deus cum caufis liberis, & quale fit decretum quo ftatuit ab æterno exhibere illis concursum fuum. Quæ fi rectè à noftris foluatur, feorfim à scientia mediâ, & circa ea quæ reipfa & abfolutè exiftunt in aliqua temporis differentia, nulla fuper effe potest difficultas in ijs quæ

quæ sunt conditionatè futura: cùm non sit opus aliâ re vllâ, quàm vt in hypothesi ex qua futura dicuntur, inuoluatur tale decretum, quale de facto dicitur esse circa ea quæ absolutè existunt.

Quare respondeo, in hypothesi ex quâ sequutura dicitur Ceilitarum traditio minimè includi concursum in actu secundo, quasi sensus esset, *si concurram cum Ceilitis ad traditionem, erit traditio*; nec item includi voluntatem seu decretum concurrendi determinatè ad eandem traditionem; quasi sensus esset, *si decerno concurrere determinatè ad traditionem, traditio erit*; sed includi decretum concurrendi quale decet causas liberas, & sensum esse, *si decerno ita concursum exhibere Ceilitis ad traditionem, quomodo ipsorum libertati consentaneum est*; ex quo videt statim liberè sequuturum consequens, asseritque, *tradent*. Et in hoc etiam consequente videt concursum suum in actu secundo, vt dicere possit: *Si decerno ita exhibere concursum Ceilitis quo modo libertas ipsorum postulat, reipsa & determinatè concurrere ad materiale traditionis*.

Conditio ex quâ sequuturum dicitur futurum conditionatū, non includit concursum in actu secundo & determinatè.

LVIII. Restat vti exponamus modum illum quo causæ liberae sibi concursum exhiberi postulant, id quod iam accuratè præstitum est à multis. Et breuiter dico postulare liberas causas, si Deus velit earum se libertati accommodare, vt Deus exhibeat concursum indifferentem, & non determinatum. Quasi dicat, *Volo concurrere ad alterutrum ex oppositis actibus, vel, volo ita concurrere vt libertati talis causa tribuatur sur sit actus potius quàm non actus, vel, cur sit non actus potius quàm actus*; Et addo eandem omnino voluntatem esse circa duas huiusmodi causas, quarum altera reipsa operatur vnum actum, poniturque concursus ad illum determinatus: alia vel non operatur, vel operatur oppositum; vnde etiam vel non ponitur concursus, vel ponitur determinatè diuersus. Ex eo enim maximè intelligitur concursus seu decreti huius indifferentia. Quare dico videre Deum in antecedente propositionis conditionalis decretum hoc, seu voluntatem concurrendi cum causâ liberâ, non videre autem concursum vllum determinatum; sed illum videre in consequente, in quo

Decretum concurrendi cū causis liberis quale sit.

videt sequuturum actum liberum.

LIX. Contra quem Philosophandi modum obijcit primo P. I. à S. Th. Non debere Dei concursus dari cum illa suspensione & indeterminatione, & per causam creatam determinari, quia indeterminatio nascitur ex potentialitate & imperfectione, concursus autem diuinus debet esse perfectior, & actualior & perficere ac determinare potentialitatem causæ creatæ. *¶* Debere dari concursus Dei cum illa suspensione & indeterminatione, & determinari à causâ creatâ, quia debet eo modo dari qui consentaneus est naturæ causæ liberæ, ille autem modus tantum est consentaneus & non alius. Iam quod dicitur, indeterminatio hæc nasci ex potentialitate & imperfectione; negatur. Actus enim Dei qui versatur circa obiectum determinatum; tam est actus & tam perfectus, quam sit actus qui versatur circa obiectum determinatum. An caret Deus eâ cognitione quâ dicat alterutrum è duobus oculis esse mihi necessarium ad videndum? An habet illa plus *potentialitatis & imperfectionis* quam quâ dicit esse mihi necessariam linguam, quæ vnica est, ad loquendum? Et qui cum vnas tantum vestes habeat pauperi dandas, iubet illas alterutri duorum occurrentium dari pro libertate serui, cui hoc committit, quid minus habet actualitatis aut perfectionis, quam si vno tantum occurrente illi determinatè dari præciperet? Potentialitas quæ Dei actualitati ac perfectioni repugnat illa est, quæ respicit actum vel informatiuium vel entitatiuium, cuius supponatur esse in eo carentia; & ita, si creata libertas dum dicitur determinare concursus Dei, adderet illi aliquam *perfectionem*, vel inhaerentem vel identificatam, certum esset imperfectæ diuinitatis argumentum. Sed dum dicitur esse causa cur duorum effectuum extra Deum positorum quæ Dei voluntas indeterminate respicit, vnus præ alio ponatur, quid additur Deo? Quæue aut forma aut entitas illi aduenit? Manet scilicet id ipsum quod est, nondum intellecta voluntatis creatæ huiusmodi determinatione. Quod præterea dicitur *Dei concursus ut pote perfectior & actualior, do-*

Loco citat. pag. 664.

Decretum illud an habeat potentialitatem aliquam Deo indignantem.

bere determinare potentialitatem causæ creatæ ; Si intelligatur de potentialitate causæ creatæ ad existendum vel non existendum , & ad habendam aut non habendam vim omnem & actiuitatem , & applicationem præuiam ; verum est atque apud nos indubitatum : Si vero intelligatur , de potentialitate ad agendum , vel non agendum. &c. Distinguendo ; Debet enim Dei concursus illam determinare in causis naturalibus , quas habere vult necessariam ad agendum inclinationem ; non vero in causis liberis quas vult esse actiue indifferentes , hoc est operationis suæ determinatrices.

L X. *Secundò vlteriùs probat P. Ioan. à S. Th. Non posse subsistere hunc modum dicendi , Quia in concursu „ indifferenti & suspensiuo , seu indeterminato , nulla con- „ nexio est magis cum consensu quàm cum dissensu : Ergo „ licet illa indifferentia conducatur ad hoc vt ille consensus „ videatur vt liber : non tamen vt videatur determinatio „ voluntatis ad consensum potiùs quàm ad dissensum : nisi „ etiam videatur determinatus ille concursus simultaneus. „ In quo stare dicit huius sententiæ hallucinationem , quòd „ tendat solùm ad id quòd requiritur ad rationem liberi in „ consensu , non autem ad id quòd requiritur vt determi- „ natè consensus sit potiùs quàm dissensus , quod non po- „ test in re procedere ab vtroque concursu oblato volun- „ tati , quia est ad consensum & dissensum ; sed ab altero „ tantùm , nempe ab illo qui est ad consensum : Ergo hic „ debet videri præ alio in illo obiecto conditionato : si de- „ terminatè videtur consensus futurus sub conditione po- „ tiùs quàm dissensus. Quæ argumentatio difficultatem „ parit propter obscuritatem tantùm & confusam rerum „ notionem.*

In primis quod dicit de concursu , quem supponit esse necessarium vt videatur determinatè consensus potiùs quàm non consensus ; intelligi debet de voluntate concurrendi. Concursus enim in actu secundo , est ille ipse consensus : & non est aliquid quod sit Deo ratio videndi consensum , sed est id ipsum cuius libera & determinata sequela videtur per Scientiam Mediam , cuius est hoc

*Concursus
Dei in actu
secundo
non est illi
ratio vi-
dendi futu-
rum condi-
tionatum.*

„ obiectum. Si velim indeterminatè seu indifferenter con-
 „ currere cum voluntate Ceilitarum ad traditionem aut
 „ non traditionem in his circumstantiis, continget pro eo-
 „ rum libertate me concurrere determinatè ad traditio-
 nem. Vnde quod dicit de concursu simultaneo, qui non
 est alius quàm concursus in actu secundo identificatus
 actioni creatæ libertatis, debere illum videri vt talis actio
 videatur, verum est: sed videri debet in consequente
 propositionis hypotheticæ, non autem in antecedente:
 & non debet videri tanquam ratio videndi talem actio-
 nem, sed tanquam aliquid in ea necessariò inclusum, &
 cum ea simul visibile ac cognoscibile, eo quod sit seu quod
 esset liberè futurum ex hypothesi.

Voluntas
 concurren-
 di cum cau-
 sis liberis
 non debet
 habere de-
 terminatam
 connexionem
 cum
 actu potius
 quam cum
 eius oppo-
 sito.

LXI. Iam verò quòd voluntas concurrendi indifferen-
 ter non habeat connexionem cum consensu magis quam
 cum dissensu, verum est, sed quid sequitur inde? Ergo
 non conducit vt videatur determinatio voluntatis ad con-
 sensum magis quàm ad dissensum? distinguo, non condu-
 cit sola, concedo consequentiam, non conducit coniun-
 cta cum libertate creaturæ, indifferentiæ illius determi-
 natrice; nego consequentiam. Iam dixi hoc esse obie-
 ctum Scientiæ Mediæ. *Si velim indifferenter concurrere cum
 voluntate Ceilitarum, illa erit causa cur determinatè concurram
 ad traditionem, non verò ad actum oppositum. Seu quod idem
 est, Si offeram illi verumque concursum, acceptabit hunc: aut,
 Si dederò illi optionem acceptandi aut non acceptandi, accepta-
 bit reipsa & operabitur, nec eris pura omissio.*

LXII. Et ideo nulla est in nobis hallucinatio, sed tota
 penes argumentantem residet; Primò quod videatur
 supponere Dei concursum esse debere rationem cur de-
 terminatè videatur consensus sequuturus, hoc autem fal-
 sum est, siue sumatur concursus in actu secundo, siue su-
 matur in actu primo. Nam si sumatur in actu secundo,
 concursus ille est ipsa res scita: & si distingueretur hic
 obiectiua ratio sciendi, & res scita, quod est obiectum
 materiale & obiectum formale; concursus ille pertineret
 ab obiectum materiale, non verò ad rationem sciendi, siue
 ad obiectum formale. Si autem sumatur concursus in

actu primo pro decreto concurrendi, eius suppositio est quidem ratio sine qua nihil sciri potest conditionatè ac liberè futurum; sed non est ratio sciendi futurum hoc potiùs quàm illud: sed nec est alia vlla talis ratio. Huiusmodi enim futura libera siue absoluta siue conditionata nihil habent quod sit ipsis ratio vt determinatè videantur, ideòque videri dicuntur in illa sua *presentialitate* quam aut habent si absoluta sunt, aut haberent, si sunt conditionata.

Secundò etiam *hallucinatur*, quando loquitur de concursu in actu secundo, sicuti de causa ex qua procedat consensus, dum negat consensum *procedere posse ab utroque concursu oblato voluntati, sed ab altero tantum, nempe ab illo qui est ad consensum*. Atqui consensus neque ab utroque procedit, neque ab altero, quia cum hoc altero identificatur: sed procedit à decreto concurrendi & à diuina omnipotentia per illud applicatà. Quòd si contendat determinatum consensum non posse procedere à decreto indeterminatè concurrendi, hoc illi probandum restat: & eàdem operà probabit determinatam possessionem huius libri, non posse procedere ab indeterminata oblatione quàm venditor hunc vel illum emptori obtulit: item, determinatam donationem huic pauperi factam, non posse procedere ab indeterminata legatione, qua donum hoc legatum erat huic aut alteri.

LXIII. Hanc Aduersarij *hallucinationem* pròit alia ratiocinatio, quæ nobis obiicitur.

Tertiò, vt consensus sub conditione videatur futurus, determinatè debent videri omnes causæ sine quibus non procedet in re posita illa conditione.... Ergo debet videri concursus ille per quem procedet, & cum quo habet commensurationem, hoc est concursus determinatus ad assensum. Vbi vides sub illo antecedente ante conclusionem hanc, non aliam assensum posse minorem quàm istam; *Atqui concursus ille est causa*, quæ vt iam dixi falsa est, coniungiturque illius falsitas ex sequenti eiusdem auctoris ratiocinatione, quæ destruere videtur id quod probare cœperat, cum dicit: Et præsertim hoc vrget, quia con-

SSf iij.

Actio causæ secundæ procedit à decreto concurrendi non à concursu ipso si propriè loquimur.

Pag 664

„ cursus concomitans ad consensum, non est distinctus ab
 „ ipsa operatione qua causa secunda influit in actum suum:
 „ sed in obiecto scientiæ conditionatæ necessariò relucere
 „ debet cognitio determinati influxus voluntatis creatæ.....
 „ Ergo & concursus determinatus videri debet. Hoc enim
 „ non visò impossibile est videre determinatum consensum.
 „ Quia non videtur aliquid à quo per se dependet & cum
 „ quo identificatur. *Inde concludit*, determinatum concur-
 „ sum debere videri ex parte conditionis, & tanquam ali-
 „ quid prærequisitum ex Deo procedens: Ergo, *inquit*,
 „ antecederet ad cognitionem & non subsequenter, quia
 „ obiectum antecedit. Quo in discurfu mirum est quam
 „ multa implicentur, quæ parum Philosophicè videntur
 „ dicta.

Concursus
 Dei non est
 causa sed
 decretum
 concurren-
 di.

LXIV. Nam 1. dicit rationem istam *urgere* in confir-
 mationem superioris, cum sit perspicuum destruere il-
 lam potius. Ibi enim assumebat Dei concursum esse cau-
 sam per quam procederet consensus: hic asserit identifi-
 cari cum eodem consensu. Vnde sequitur esse non posse
 illius causam. 2. Ex eo quod supponamus videri consen-
 sum, infert debere videri determinatum concursum,
 propter identitatem vtriusque; & vult tamen concursum
 videri ex parte conditionis: debet ergo supponere ipsum
 quoque consensum, seu influxum voluntatis in actum
 suum, videri ex parte conditionis. Componat igitur
 quæso propositionem conditionalem, & ponat opera-
 tionem quâ voluntas influit in actum suum ex parte con-
 ditionis, quid emerget? Ita scilicet erit dicendum. *Si*
voluntas Ceilitargum in his circumstantijs posita operetur con-
sensum suum, ad tradendum Davidem; consentiet in traditio-
nem & tradet; hoccinæ est obiectum scientiæ? 3. Iterum
 dicit, ideò non posse videri consensum determinatum
 sine determinato concursu, quod ab eo pendeat, & cum
 eo identificetur. Atqui à seipso nihil pendet proprie lo-
 quendo; quomodo igitur à concursu pendet consensus,
 si identificatur? aut quomodo identificatur si pendet?
 „ 4. Quid est quod dicit, debere inuolui concursum deter-
 „ minatum in obiecto conditionato ex parte conditionis,

tanquam quid prærequisitum ex Deo procedens & ex parte obiecti se tenens. Ergo antecedenter ad cognitionem, & non subsequenter, quia obiectum antecedit? Quid quæso est in toto significato propositionis hypotheticæ, quod se habeat *subsequenter* ad cognitionem? Quid non *se tenet ex parte obiecti*? Et proinde si quod est obiectum se habet *antecedenter*, quid non *se habet antecedenter*? Quod si futurum ipsum quod significatur in consequente, quodque etiam obiectum est, *antecedenter se habet* ad cognitionem, quare negabitur illa causalis, ideo sciri quia futurum est? Hæc nimirum satis ostendunt negligentius habitam ratiocinationem illam quam ve quemquam mordere possit.

LXV. Doctrinæ ac solutionis nostræ summa est, Determinatum Dei concursum cum consensu voluntatis identificatum, per Scientiam Mediam cognosci tanquam id quod est hypotheticè futurum: ac proinde in propositione conditionalitè tenere se ex parte consequentis, ex qua etiam se tenet consensus ipse voluntatis: ex parte verò conditionis, hoc est ex parte antecedentis eiusdem propositionis, tenere se decretum indifferenter concurrenti, non verò concursum ipsum determinatum, sicuti nec consensum cui identificatur: huiusmodi autem propositionis sensum non esse illatiuum, & ideo quod est conditio, seu quod supponitur in antecedente non esse nec debere esse rationem obiectiuam intelligendi sequelam consequentis: quare nec oportere vt habeat determinatam cum consequente, magis quam cum eius opposito connexionem: significari tantum concomitantiam vtriusque consequentis & antecedentis, cum libera vnus ab alio dependentia, de qua concomitantia & dependentia nihil aliud asseritur, quam quod esset, si conditio poneretur: ad hoc autem asserendum sufficere veritatem quæ esset, supposita in Deo infinita intelligendi vi, ad quam spectat attingere non solum id quod est in aliqua temporis differentia, sed etiam quod esset.

LXVI. Et quod dicit Aduersarius *currere argumenta iam facta*, si conditio siue antecedens, non habet determina-

Summa solutionis.

tam connexionem cum consequente, futurum enim *ut Deus non videat determinatas omnes causas à quibus pendet ille consensus*; vel intelligit causas illas debere esse determinatas in se, hoc est certas, & hoc sensu non negamus esse determinatas; sunt enim hæc, & illa, & illa: vel vult esse determinatas in ordine ad effectum, hoc est determinatè productiuas huius effectus & non illius; & hoc esse dicimus alienum à conceptu causæ liberæ, cuius est esse determinatricem, non determinatam ad hoc præ illo producendum.

Deus ni- „ LXVII. Quod etiam subdit, Non visurum Deum quo-
hil aliud „ modo se determinet voluntas creata, si non videat quo-
videre „ modo se determinet diuina, à qua pendet determinatio
debet ex „ creatæ; frustra est: determinatio diuinæ voluntatis est ad
parte an- „ concurrendum indifferenter. Cùm enim esset liberum
tecedentis „ Deo concurrere hoc modo, aut non concurrere, deter-
propositio- „ minat se ad concurrendum accommodatè ad creatam
nis hypo- „ libertatem, & ab illâ Dei determinatione pendet deter-
thetica quâ „ minatio creatæ voluntatis, quæ est ad consentiendum ex
se posse de- „ hypothesi, quo fit ut Deus non videat determinationem
terminare „ creatam sine increatâ, sed creatam videt ad consensum,
se ad con- „ increatam ad indifferentem concursum. Quod si velit
currendum „ Aduersarius esse non posse determinationem creatam ad
indifferen- „ consensum cum indifferentia increatæ; hoc illi semper
ter.

An se- „ LXVIII. Nam quod demum obiicit, futurum ut creata
quatur „ libertas à se & ex se determinet concursum Dei, non par-
creasam „ ticipatiue à Deo & à concursu determinato Dei; Nega-
liberta- „ mus hoc sequi. Quod enim non facit creata libertas nisi
tem deter- „ dependenter à Deo, non facit à se & ex se: sed non de-
minare cõ- „ terminat concursum Dei nisi dependenter à Deo: si enim
cursum Dei „ non esset decretum illud concurrendi, quo diuina om-
ex se & à se „ nipotentia creaturæ ad vtrumlibet offertur; nihil face-
ret voluntas, nihilque determinaret. Obtinere fortasse
vult, à voluntate Dei, quâ eius virtus ad alterutrum
oppositorum efficaciter offertur voluntati creatæ, vnum
eorum determinatè pendere non posse, ac proinde tri-
buendum hoc eidem tantum voluntati cui offertur, &
hoc

hoc semper negamus. Quod si hoc inferet tantum, in illo utriusque principij ad vnum effectum determinatum concursu, quanvis Deus sit causa eius quod fit, & quidem potiori iure quam creata voluntas, non esse tamen causam cur præ alio fiat; sed esse hoc potius tribuendum creatæ voluntati; non resistemus, quod hoc nihil aliud sit, quam in concursu Dei cum igne, quamvis calor à Deo magis quam ab igne pendeat, causam tamen cur calor præ frigore producat, ignem esse potius quam Deum; Et in concursu Dei cum aqua, licet frigus à Deo magis quam ab aqua pendeat, causam tamen cur præ calore producat frigus, aquam esse potius quam Deum: quod cui amabo absurdum videatur? Nempe hoc quod est produci calorem præ frigore, duo importat; positivum vnum, quod est calorem produci: negativum alterum, quod est non produci frigus. Et similiter hoc quod est frigus produci præ calore, duo importat; produci frigus, quod positivum est; non produci calorem, quod est negativum. Positivum illud utroque in exemplo Deo tribuitur totum: negativum impotentiae causarum creatarum: causa enim est ignis impotentia cur Deus cum ipso frigus non producat, & aquæ similis impotentia causa est cur cum ipsa non producat calorem. Quod ergo facit istarum causarum impotentia, ut ipsis tribuatur non productio alicuius effectus; hoc facit libertas & dominium causæ liberæ in oppositos actus, nempe ut ipsi tribuatur vnius non productio, quod est ipsam esse causam cur vnus producat præ alio.

LXIX. Atque hic est ille *telorum imber* quo eramus obruendi, nisi solutiones idoneæ tempestatem auertissent.

Retorquetur argumentum in Aduersarium.

Est tamen vnum tanto ex numero telum, quod Aduersarius cum videret in se retorquendum, declinare conatus est. Arduum illi scilicet ac difficile negotium videtur, obiectum scientiæ conditionatæ iuxta sententiam nostram ita constituere, ut non sit ridicula connexio consequentis cum antecedente: necessarium enim esse, ut ex parte conditionis inuoluatur concursus determinatus, quo supposito, inferre sequuturum exinde determina-

tum effectum, adeò esse obuium, vt Deusea in re vix fa-
 pere possit supra pueros : hanc siquidem esse illius scien-
 tiæ speciem. Si vocauero Petrum, & habuero concur-
 sum identificatum vel simul existentem cum eius con-
 sensu, dabitur eius consensus : *quo statuto sic instat. Quid*
 tam inutile ? Ergo scientiam tribuimus Deo quam vel
 pueri habent, quæ ad simplicem necessariamque scien-
 tiam spectat ? Hæc autem difficultas, quæ vt ex dictis
 intelligi potest, in ea sententiâ quam tuemur nulla est,
 contra doctrinam tantum Aduersariorum videtur con-
 cepta. Admittunt enim ipsi scientiam conditionatam
 liberorum actuum ex hypothesi futurorum, cuius obie-
 ctum ita constituere debent, vt ex parte conditionis sup-
 ponatur id omne sine quo implicat id sequi quod futu-
 rum dicitur. Et quia implicat esse aliquid futurum sine
 concurrendi voluntate, debet illa poni ex parte condi-
 tionis. Rursus quia voluntas indifferenter concurrendi,
 vt ipsi quidem volunt, frustra est ; poni debet voluntas
 determinatè concurrendi ad assensum v. g. & non ad
 dissensum. Iterum quia voluntas determinatè concur-
 rendi, est voluntas prædeterminandi physicè ; suppo-
 nenda hæc erit ex parte conditionis. Constituatur ergo
 iam illius diuinæ scientiæ obiectum, dicaturque, Si Cei-
 litæ ponantur in talibus circumstantijs, & ego velim de-
 terminatè cum illis concurrere ad traditionem Davidis,
 & non ad actum oppositum, erit traditio. *Hoc supposito,*
quis non regetur, Quid tam inutile ? Ergo scientiam tri-
 buemus Deo quam vel pueri habent, quæ ad simplicem
 necessariumque scientiam spectat. Atque hoc insuper ad-
 dendum est. Quid opus est præsentî & actuali decreto
 Dei, vt hoc sciatur ? numquid & sine illo sciri potest ?
 Sed nimirum talem admittunt scientiam conditiona-
 tam quâ quod est faciendum à creatâ libertate non tam
 videtur, quàm quod est faciendum ab increta ex hypo-
 thesi : Et si quis scire velit quale ab ipsis constituatur
 obiectum scientiæ conditionatæ, ita illud est concipien-
 dum, Si David in Ceila maneat, futurum est vt Deus
 Ceilitas prædeterminet ad traditionem, & vt ex illa præ-

In contra-
 ria scien-
 tia Deisei-
 tia circa su-
 peras po-
 pularis su-
 peras
 captem in-
 tellectus
 creati.

determinatione traditio sequatur. Atque hoc futurum, est vi præsentis decreti quo dicit Deus, *Volo, si David in Ceila maneat adveniente Saule, concurrere determinatè cum Ceilitis ad traditionem, non autem ad non traditionem.* Hac ratione scit Deus concurrendi ex illa hypothesi suam voluntatem illam determinatam & prædeterminantem, & ex illa iterum futuram traditionem.

LXX. Atque ita, id quod in hac scientia pueri cap- tum excedit, minimè spectat ad scientiam humanorum actuum ex hypothesi futurorum. Quis enim puerorum non videat ex conditionata prædefinitione, seu prædefini- ente ac prædeterminante voluntate, sequuturum, id quod prædefinitum ac prædeterminatum est? Sed spe- ctat tantum ad scientiam actus liberi Dei conditionati ex parte obiecti, cum dicitur, si David in Ceila maneat, fu- turum est ut Deus Ceilitas prædeterminet ad tradendum.

Rursus quando conditionales istas propositiones com- positas faciunt ex duplici consequente ita ut intelligatur primò in Deo voluntas determinatè concurrendi ex hy- pothesi, quæ voluntas est prædefiniendi ac prædetermi- nandi: secundò futurus sit in homine actus prædefinitus; accipio conditionalem simplicem, constantem priore tantum parte consequentis, quæ sic habet, *si David in Ceila maneat, futura est prædeterminatio voluntatis Ceilita- rum ad eum tradendum.* Hic ego dico ex parte conditionis seu antecedentis, poni debere quidquid est necessarium ut sequatur consequens: esse autem necessarium iuxta cogitationes Aduersariorum aliquid quod habeat deter- minatam cum eodem consequente connexionem: & cum illud consequens sit, esse futuram prædeterminatio- nem, nec quidquam possit habere cum illâ connexionem determinatam nisi præsens atque actuale decretum illam ponendi, esse illud ex parte conditionis inuoluendum, dicendumque, supposito decreto quod habeo prædeter- minandi Ceilitas ad traditionem si David apud eos ma- neat; futura est, si maneat, illa prædeterminatio. Quo in obiecto duo sunt quorum vnum spectat ad scientiam vi- sionis, nimirum, esse in Deo decretum illud actuale quod

supponitur; alterum est obiectum scientiæ conditionatæ, sequenturam videlicet ex ea hypothefi Ceilitarum prædeterminationem. Quæ fequela, quomodo non fpectat ad *fimplicem neceffariamque fcientiam*, vt aduerfarius obijciebat, proindeque quid per fcientiam conditionatam, quatenus ea conditionata eft atq; ab abfoluta fcientiaviſionis diſtinguitur, videt Deus, quod *pueri* videre non poſſint.

Loco cit.
pag. 606.

LXXI. Respondet Aduerſarius, diſparem eſſe rationem: & argumentum in nos efficax eſſe, non in ipſos, qui concurſum Dei ſiue ſimultaneum, ſiue prædeterminationem, vel etiam decretum Dei efficax quo vult non ſolum ſequitalem actum, ſed etiam ſequi cum ſua libertate, non ponunt pro conditione, neque ex parte obiecti conditionati; ſed pro medio ſeu ratione formali, quâ Deus vtitur vt in eo cognoſcat infallibiliter illud obiectum conditionatum, *v. g. in exemplo Tyrionum*, Id quod habet rationem obiecti per modum effectus, ſolum eſſe conuerſionem: conditionem autem eſſe prædicationem Chriſti, & ex his duobus integrari obiectum illud conditionatum, quod eſt contingens. Contra quam reſponſionem in primis quæro, velit-ne Aduerſarius mutatis tantum Auctoris, mutari ſententiarum naturam; & quæ propoſitio vera eſt, dum ab ipſo profertur, fieri falſam, dum eandem ipſi pronuntiamus? Cuius quæſo eſt illa propoſitio quæ paulò ante allata eſt, *Vt conſenſus ſub conditione videatur, debere videri omnes cauſas ſine quibus non procedet in re poſita illa conditione?* Cuius etiam illa, debere videri omnes cauſas determinatas, à quibus pendet conſenſus? Et illa, debere videri aliquid ex parte conditionis quod habeat determinatam connexionem cum conſenſu futuro, & ideo non ſufficere concurſum indifferentem & ſuſpenſum? Et illa, ſub ſtatu conditionato ita debere videri determinatè futurum conſenſum, quod ſolum deſit purificatio conditionis vt tranſeat in abſolutum? Et illa, hæc debere videri ex parte conditionis & tanquam aliquid prærequiſitum ex Deo procedens & antecedenter? Prædicatio Chriſti eſt. ne omnes cauſæ ſine quibus non procedit Tyrionum conuerſio? Eſt ne cauſa determinata, vel determinatam habens connexionem cum ea

pag. 664.

conuersione? Sufficietne sola purificatio conditionis, seu positio illius prædicationis, vt conuersio fiat absolute futura? Cum ergo prædeterminatio pertineat etiam ad rationem causæ respectu conuersionis illius, sitque id solum quod determinatam cum ea connexionem & habet ipsa, & prædicationi ac cæteris causis dat: & sine qua nulla conditionis purificatio sufficiat vt sit futura conuersio; quis dubitare potest, quin debeat videri ex parte conditionis, & tanquam aliquid prærequisitum?

LXXII. Deinde hæc etiam peto quomodo cohæreant, *concursum Dei etiam prædeterminatiuum non poni ex parte obiecti conditionati, & tamen esse medium & rationem formalem in qua illud obiectum conditionatum videatur?* Quid enim quæso magis est obiectum, quàm medium & ratio formalis in qua quippiam cognoscitur? Quod si hoc est concursus prædeterminatiuus, quare non ponitur ex parte obiecti? Nempe nos non tam debemus attendere quid exprimamus ipsi per eam orationem qua scientiam conditionatam significamus, quàm quid obuersetur Deo scientiam illam habenti. Quis autem neget illi obuersari medium in quo aliquid videt, & quod est causa cur id quod videt futurum sit? Quod si obuersetur, ergo est obiectum: & quia esse non potest nisi se teneat ex parte antecedentis, vel ex parte consequentis; debet igitur ad alterutrum reduci: non potest autem ad partem consequentis: ergo reducendum ad partem antecedentis. Atque ita obiectum scientiæ conditionatæ in contraria sententia tali quodam modo necessario conformandum est. Habeo decretum ex quo sequutura esset in Tyrijs ad conuersionem prædeterminatio, si prædicaretur illis Euangelium: & si esset prædeterminatio, sequeretur & conuersio, *vel*, Habeo decretum ex quo tum prædeterminatio Tyriorum sequeretur, tum exinde conuersio, *vel*, Ex suppositione decreti quod iam est, & prædicationis quæ esse posset, sequeretur Tyriorum prædeterminatio & ex prædeterminatione conuersio. Ista omnia in idem recidunt, & velimus, nolimus, ita sunt à nobis concipienda, si concipimus id quod est. Nec quidquam refert quod:

Arg. s. pag.
679.

truncemus ipsi orationem, succis verbis quæ Dei decretum & prædeterminationem significant. Quia non ideo truncare possumus Dei scientiam, aut subtrahere illi obiectum in quo videt futurum effectum, & sine quo videre non potest. Expressto autem decreto illo, & concursu prædeterminatio, *consequentia*, inquit P. Ioan. à S. Tho. *necessaria est, & conditionalis redditur necessaria, pertinetque ad scientiam simplicis intelligentiæ.* Quod ergo est liberum in tali Dei scientia, est cognitio qua est ipse sibi conscius sui decreti præsentis, consequentia verò ad futuram ex illa hypothesi Tyrriorum conuersionem, non magis pertinet ad scientiam visionis quàm consequentia futuræ diei ex futura hypotheticè luce solis.

§. III.

*Inconuenientia ex Scientia Media.*Disp. 10 at.
4. pag. 671.Primū inconueniens
ex scientia
mediarej-
citur.

LXXIII. **E**X plurimis inconuenientibus Scientiæ Mediæ, iisque non parui momenti, grauiora colligit P. Ioannes à S. Thoma. Primum est, per Scientiam Mediā sterni viam ad illa duo quæ Semipelagiani ponebant, circa initium & finem seu perseuerantiam iustificationis: enervarique omnia argumenta Augustini & Catholicorum in hac parte contra ipsos. Hoc autem commemoratis Semipelagianorum erroribus probat, Quia per Scientiam Mediā offertur aliquid diuino conspectui, quod sufficientem bonitatem habet, vt mouere possit ad dandam gratiam: quo posito non est fundamentum cur negetur Deus tali motiuo vsus in danda gratia, quod volebant Semipelagiani. Et ostendit, nihil referre quòd illud *aliquid*, sit futurum tantum conditionatè: vel sit futurum dependenter à gratia. Et ex eo enim capite non differre doctrinam hanc à doctrina Semipelagianorum. Atque hoc pertinet ad initium iustificationis.

Iam verò de perseuerantia id ipsum similiter monstratur. Quia ex doctrina de scientia media sequitur nullum esse donum, quod quatenus à solo Deo descendit tale

fit, vt amitti vel retineri non possit humana voluntate. Cūque non habeat infallibilitatem causalitatis prout *precisè* à Deo descendit, superesse vt habeat tantum infallibilitatem directionis & dispositionis ex præsupposita, præscientia. Hoc autem est totum id quod in Semipelagianis euitare voluit S. Augustinus. Hæc est eorum summa quæ fusiùs apud hunc Auctorem differuntur.

LXXIV. Sed ex ijs quæ diximus antea de doctrina Semipelagianorum, constat imaginaria esse hæc inconuenientia. Nam quod dicit, per scientiam mediam offerri diuino conspectui aliquid, quod eum mouere possit ad dandam gratiam; verum est offerri quod mouere possit ad modum causæ finalis: & si hoc nimium fauet Semipelagianis, S. Thomas reus est, qui disertè docet, *usum gratiæ præscitum, esse rationem collationis gratiæ, secundum rationem causæ finalis*. Reus erit, & quicumque in Deo admittit scientiam simplicis intelligentiæ. Nam quod facit scientia media dum repræsentat bonum usum gratiæ hypotheticè futurum; hoc ipsum etiam facit scientia simplicis intelligentiæ, dum eundem usum repræsentat vt possibilem, atque etiam vt futurum ex hypothesi prædefinitionis. Sit inquam, ex vna parte Scientia Media repræsentans Tyrionum conuersionem ex hypothesi gratiæ futuram: sit ex alia Scientia simplicis intelligentiæ repræsentans eandem conuersionem vt possibilem & ex hypothesi prædefinitionis futuram; quis non videt idem vtrouque bonum repræsentari: ac proinde quo modo moueri potest Deus vt gratiam dare velit propter bonum quod repræsentatur per Scientiam Mediam; ita & moueri posse vt concipiat prædefinitionem propter illud ipsum bonum per scientiam simplicis intelligentiæ repræsentatum? Nobis ergo atque Aduersarijs incumbit communis necessitas confitendi, tum prædestinationi, tum prædefinitionibus bonorum actuum, tum cuicumque decreto dandi gratiam, prælucere scientiam in Deo quæ bonum aliquod ex parte hominum repræsentet, propter quod possit Deus decernere quod decernit. Hoc autem est repræsentari bonum quod Deum moueat ad modum:

Disp. 3. cap. 2. §.

Scientiam mediam non magis sternere viam Semipelagianismo quàm scientiam simplicis intelligentiæ.

t. p. q. 23. ar. 5. ad primum.

finis. Et cum in eo Semipelagiani censendi non sint errauisse, in quo ipsi verum sentimus; restat ut proprius eorum error fuerit, quod eam admiserint præscientiam, quâ Deo repræsentaretur humanum aliquod bonum, naturæ viribus & secluso speciali auxilio comparatum, quo ille ad dandam gratiam moueri posset, ad modum causæ efficientis moralis, meritorix scilicet aliqua ratione, vel impetratorix. Quæ causa in eo differt à finali, quod hæc ad sui acquisitionem inuitet; illa uti iam acquisita partaque alterius alicuius rei donationem veluti suo quodam iure postulet: Ista eo ipso quod est acquirenda, & possit & debeat dependere atque effici ab ijs medijs ad quorum applicationem mouet, ac proinde à diuina gratia si est actus qui pertineat ad salutem; illa eo ipso quod iam supponatur acquisita partaque & existens, intelligatur independens atque inepta ut ulterius causetur ab aliquo præsertim effectu suo quod in eodem genere causæ minime sit admittenda mutua causalitas; ideoque repugnet, ut ab eadem gratiâ dependeat meritum ad cuius donationem mouet.

LXXV. Vnde patet minime verum esse quod Aduersarius assumit, admissâ scientiâ mediâ eneruari argumenta quibus Augustinus atque alij Patres Semipelagianos vrgebant. Argumenta enim illa eò spectabant omnia, ut obtinerent necessariam esse gratiam quâ fidei primordia præuenirentur. Tota verò illa necessitas perseverat etiam si dicatur & præsciri conditionatè bonus vsus futurus, & ad modum finis non tantum posse mouere, sed reipsa mouere ut iam dictum est. Et ideo absoluta erat illa præscientia humanorum meritorum quam Semipelagiani obtrudebant ut antea monstratum est, quæ cum exhiberet præexistentia iam merita quæ gratiam obtinerent; consequens erat ut dicerent huiusmodi merita esse à diuina gratia independentia: atque ita vapularunt apud Catholicos omnibus modis quibus probatur gratiæ necessitas.

Supra disp.
p. c. 4o

Cui errori stultitiam addiderunt ex Augustino, quando ubi deerant præexistentia merita, existimarunt eandem vim habere conditionata: cum tamen sit manifestum

stum

stum hæc esse inepta quæ aliter moueant quam in ratione finis. Neque hoc vrgeo, quamuis verum sit, existimasse illos conditionata hæc merita esse à diuina gratia independentia, quia eo etiam errore sublato nihilo minor esset eorum infania: cum sequeretur inde principium meriti cadere sub meritum. Dicerent enim merita conditionatè futura mouere in genere causæ efficientis moralis ad dandam eandem gratiam à qua dependerent: itaque causare gratiam à qua causarentur.

LXXVI. Atque hinc tandem infero, cum magis abusi fuerint Semipelagiani absoluta præscientia quàm scientia media: sitque facilius conuincere abusum scientiæ mediæ, quàm absolutæ præscientiæ, eo quod sit euidentior vnus absurditas quàm alterius; si fauere putandi sunt Semipelagianis scientiæ mediæ defensores, censendos magis illis fauere defensores absolutæ præscientiæ, quippe qui *viā sternant* planiorem minusque impeditam: & viceuerfa, sicuti nemo putet, ideo negandam esse præscientiam absolutam ne illis faucatur, ita neque putandum, ideo negandam esse Scientiam mediam.

Scientia visionis fauere potius Semipelagianismo quàm scientia media.

LXXVII. De perseverantiâ negamus quod assumit Adversarius, errauisse in eo Semipelagianos quod dicerent nullum esse perseverantiæ donum, quod *quatenus à solo Deo descendit*, non sit tale vt voluntate humana vel amitti vel retineri possit: & quod non habeat infallibilitatem causalitatis, *prout præcisè à Deo descendit*, seclufa scilicet conditionatâ præscientiâ. Et iterum negamus vllum esse verbum vel apud Prosperum, vel apud Hilarium, vel apud ipsum Augustinum, quo illud, *quatenus*, & illud, *præcisè*, innuatur: sicuti nec vsquam innuitur exclusio scientiæ conditionatæ concurrentis ad dandam infallibilitatem gratiæ ad perseverandum necessariæ. Proprius eorum error fuit, negare gratiam ad perseverandum necessariam, vti antea retulimus ex Augustino dicente, Quam fidem & incipere habere, & in ea vsque in finem perseverare, TANQVAM ID NON A DOMINO ACCIPIAMVS NOSTRVN ESSE CONTENDVNT. Quod si esset, in eo agnoscendum aliquod Dei donum, dicebant esse

Error Semipelagianorum circa perseverantiam.

De bono perf. c. 17.

Ep. ad Aug. illud debitum merito liberi arbitrij, vt perspicuè testatur
 „ Hilarius. Quod autem dicit Sanctitas tua, neminem per-
 „ seuerare, nisi perseuerandi virtute perceptâ; hætenus
 „ accipiunt, vt quibus datur inerti licet, PRÆCEDENTI
 „ TAMEN PROPRIO ARBITRIO TRIBVATUR quod ad hoc
 „ tantum liberum asserunt, vt velit vel nolit accipere me-
 „ dicinam. *Et mox.* Nolunt autem ita hanc perseuerantiam
 „ prædicari, vt non VEL SVPPLICITER EMERERI, vel
 „ amitti contumaciter possit. Vbi sic est interpretandum
 illud, *suppliciter emereri*, vt sit dictum eodem sensu quo
 dicebant impetrare nos primam gratiam *petendo, pulsando,*
querendo, quos omnes voluntatis conatus dicebant
 esse à gratia independentes, vti antea retulimus. Nam
 quod impetrare possimus atque emereri isto non condi-
 gno merito donum perseuerantiæ, ijs orationibus ac
 pijs operibus quæ procedunt ex gratiâ, Catholici quoque
 fatentur. Hinc illud quod subdit Hilarius, Nec ad incertum
 voluntatis Dei deduci se volunt, vbi eis quantum
 putant ad obtinendum vel amittendum, euidens est
 qualecumque sit initium voluntatis. Nimirum vt in fide,
 sic & in perseuerantia sentiebant incipere voluntatem
 nostram, subsequi verò diuinam gratiam.

Supra
 disp. 3.
 cap. 4.

Quid ergo mirum, si cùm ita subnecterent perseue-
 rantiam donum contingentiam voluntatis humanæ, Au-
 gustino restiterint dicenti, *non solam Dei donum esse perseue-*
rantiam usque in finem, sed tale donum quod humana libertas
amittere non possit: & ex opposito statuerint, Quidquidlibet
donatum sit prædestinatis, id posse nos & amittere, & retinere
propria voluntate? Propriam scilicet voluntatem atque
 etiam *humanam* distinguentes ab accepta & fluente à di-
 uina gratia.

Quibus erroribus quomodo *sternat viam* Scientia Me-
 dia; nec ego videre possum, nec Aduersarius probare.
 Quin potius constat; illâ sterni viam Augustini doctrinæ,
 dum suggeritur ratio quâ dici possit perseuerantiæ do-
 num *humanæ* voluntate perdi non posse. Ita enim esse in-
 terpretandum Augustinum vt illud, *perdi non posse*, con-
 sequentem necessitatem sonet, atque aliquo modo

pendentem ex suppositione liberæ determinationis, conuincit Tridentini decretum, & totius Ecclesiæ Catholicæ sensus de resistibilitate liberi arbitrij aduersus efficaciam gratiæ.

LXXVIII. Quod vt planius intelligatur aduertendum est, donum perseuerantiæ in plerisque hominibus importare duo. Primò, gratiam internæ inspirationis efficacem ad vincendas tentationes quæ occurrunt in mortis periculo: Secundò, gratiam externæ protectionis in eo positam quòd contingat victoriam illam excipi morte ipsâ, Deo res omnes ita disponente. Alterutro enim deficiente non esset donum perseuerantiæ. Cùm ergo primum possit deficere per propriam voluntatem, quòd ille consensus voluntatis liber sit, possitque inspiratio abjici ex Tridentino; sequitur vt absolute loquendo fatendum sit plerumque saltem amitti posset donum perseuerantiæ per propriam voluntatem: Ergo cum asseritur ab Augustino non posse amitti; non debet in vniuersum ita sumi, vt sit sensus absolutus: Est igitur verum ex aliqua tantùm suppositione pendente a quo modo à libero arbitrio: quæ cùm Deo non possit esse ignota, ne ignorare putetur qualitatem doni sui, sed nec cognita nisi per Scientiam Mediam; sequitur Scientiam Mediam Augustini doctrinam contra Semipelagianos confirmare, Semipelagianorum contra Augustinum destruere.

LXXIX. Vnde vltèriùs intelligitur quomodo nihil obstat illud Augustini quo dicit, *non nisi ab eo donari perseuerantiam, qui nos prædestinavit in suum regnum & gloriam*. Quia quamuis liberum arbitrium concurrat ad infallibilitatem effectus illius inspirationis quam dixi, quia tamen hoc nihil prodesset, nec esset donum perseuerantiæ, nisi mors illam victoriam æternam redderet; ideo soli Deotribuendum est hoc donum, qui solus etiam habet in manibus suis tempora nostra: item, quia liberum arbitrium ad hoc tantùm concurrat, vt illa victoria sit hypotheticè futura; solus autem Deus est, qui vt loquuntur, *conditionem purificat*, facitque vt quod erat futurum hypotheticè tantùm, sit futurum etiam absolute: denique quia solus

Donū perseuerantiæ in quo sit positum, & quomodo sit in amissibile.

ipse Auctor est gratuita illius prædestinationis, quam etsi plerique Catholicorum negant; neque necessariò admittenda sit ad vitandum Semipelagianismum, probabilius tamen est esse Augustinianam & veram. Illa igitur causa est atque origo coniunctionis illius atque concursus mortis cum bono statu morientis, in quo præcisè positum est perseverantiæ bonum: quod ideo referendum ultimo est ad illam electionem solam, quæ media ista quibus perseveratur sic adhibuit, ut alia fuerit adhibitura si hæc fecisset.

Ex Ep. Pro.
ad Aug.

LXXX. Atque ita tandem soluitur illud aliud, in quo P. Ioannes à S. Thom. censet Scientiam Mediam esse Semipelagianis propitiam, Quod nimirum illi dicerent, Deum prædestinasse in regnum suum, quos præsciret *sub ipso gratiæ adiutorio* bono fine vitam clausuros. Nam quod dicerent, *sub ipso gratiæ adiutorio*, palam facit abusos illos meritorum præscientia etiam illorum, quæ à Dei adiutorio penderent: talia verò sunt merita quæ dicuntur à nobis conditionatè præcisa: Ergo ex hoc capite nihil differre videtur à Semipelagianis. Sed hic primùm appellanda est Aduersarij fides, qui quod Prosper Catholicis scriptoribus attribuit, dictum putat de Semipelagianis, perspicua sunt Prosperi verba.

P. Ioan. 2
S Th. Anti.
quos Patres
confundit
cum Semi
pelagianis.

„ Illud etiam qualiter diluatur quæsumus insipientiam
„ nostram ferendo demonstras; quod retractatis priorum
„ de hac re opinionibus, penè omnium par inuenitur &
„ una sententia, quæ propositum & prædestinationem Dei
„ secundum præscientiam receperunt: ut ob hoc Deus
„ alios vasa honoris, alios contumeliæ fecerit, quia finem
„ vniuscuiusque præviderit, & sub ipso gratiæ adiutorio
„ in quæ futurus esset voluntate & actione præscierit, Hoc
inquit P. Ioan. à S. Thoma Prosper dicit de Semipelagianis.

Ar. J. p. 651.

Verùm & Prosper & Hilarius dum de Semipelagianis loquuntur, tanquam de præsentibus loquuntur: neque retractant priorum temporum opiniones, qui putant senouas & Augustino ferè incognitas annuntiare. Sed quia Semipelagiani Augustini doctrinam ex eo capite traducebant, quod esset noua & ab antiquis Patribus aliena

vt constat ex iis quæ antea narrata sunt à Prospero, cum dicit opposuisse Massilienses, *nullum unquam Ecclesiasticorum ita intellexisse* Apostoli verba ad Romanos de manifestatione diuinæ gratiæ Elektorum meritis præuenientis, sicut Augustinus intellexerat; idem Prosper sub finem Epistolæ, dum ea colligit quæ ab Augustino explicari cupit, hoc etiam diluendum proponit, quod ex communi, vt videbatur, Antiquorum Patrum sententia de prædestinatione ex præscientia boni exitus finalis, eius sententiæ poterat aduersari, quæ tali præscientiæ præmittebat prædestinationem. Et hoc, inquit Aduersarius, *dicit de Semipelagianis*, Ambrosium, Hieronymum Chrysostomum atque alios SS. Patres eodem inuoluens quo Semipelagianos pallio.

Sed esto, Semipelagiani fuerint qui sic sentiebant. Quid inde contra scientiam mediam, & non potius contra præscientiam absolutam? Absoluta enim erat illa præscientia boni exitus finalis quam præmittebant proposito diuino vt sæpè monstratum est: vnde si qua illis sternere viam fit dicenda, dicatur potius absoluta quàm conditionata. Interea verò notandum obiter discrimen Antiquorum Patrum à Semipelagianis, quos iam ostendi negauisse gratiam ad perseuerandum necessariam, cùm Antiqui Patres bonam mortem quæ donum perseuerantiæ completur, non nisi *sub ipso gratiæ adiutorio* contingere dicerent.

LXXXI. Secundum inconueniens est, Quod per scientiam mediam sternitur via ad affirmandum quodd prædestinatio fiat secundum præscientiam boni vsus liberi arbitrij, & ex meritis humanæ voluntatis præuisis, *Quæ in re putat* valde intrinsecari Molinam: nec se expedire posse: interdum etiam cespitare immemorem sui.

Ego Molinæ causam hic non tracto, nec reduco communem doctrinam ad peculiare eius sensus, si quos habet: quanquam hoc loco minimè dubitem eius ingenij atque eruditionis hominem, ex his cassibus auolaturum facile, nec cespitaturum in plano. Fieri prædestinationem secundum præscientiam boni vsus liberi arbitrij diuinâ gratiâ præuenienti, & ex meritis quæ humana volun-

Lococit.
pag 614
615.

Secundum inconueniens ex scientia media reicitur.

Doctrina de prædestinatione post præuisa, innocens, electio, contraria sit præfecteda.

In cap. 8.
Epist. ad
Rom.

tas eidem gratiæ cooperando comparauerit, præiis, in primis nego apud plerosque Catholicos Doctores & Antiquos & Nouos esse tale *inconueniens*, quo nullum sit maius in contrariâ doctrinâ Thomistarum: & habeo vadem eiusce opinionis Thomistam primæ magnitudinis Dominicum Sorum, qui *nihil à vero deuare* dicit Auctores prædestinationis post præuisa, *in hoc videlicet sensu, quòd statuit Deus propter opera quæ ex gratia Dei proueniunt elargiri gloriam.* Hoc inquam sensu præscientiam bonorum operum quæ in æternitate Dei præsentia sunt, causam esse Deo prædestinationis. rectè dici posse disertè proficitur. Quod si præscientia meritorum prædestinationi præuia intelligatur illa, quæ merita repræsentat à gratia independentia, Semipelagianorum quidem hic error fuit, sed quem scientia media minùs foueat quàm absoluta, vt sæpe dictum est, & sæpius dicendum recurrit, quod Aduersarius non cesset rem nunquam probaram inculcare, nempe scientiam mediam esse illam quam Prosper proponit Augustino vt causam prædestinationis ex sententiâ Semipelagianorum, vleo ipso loco, in quo non Semipelagianorum, sed Antiquiorum Patrum sententia refertur, vt ei Molina visus sit *cessitasse*, vbi possit ipse lapsus videri.

Scientia media nullam habet necessariam connexionem cum prædestinatione post præuisa.

LXXXII. Verum suspecta esse debeat illa doctrina, siue gratiam meritis præmittat, siue non; quare ad eam via sternitur per Scientiam Mediam & non potius per absolutam? Neque enim indiget Scientiâ Mediâ vt salutis aut perditionis libertatem cum diuina prædestinatione componat: indiget verò potissimum absoluta, quæ merita prædestinationi præmittat vt absolutè futura. Itaque vt paucis contraham solutionem argumentationis prolixæ confusæque; dico prædestinationem posteriorem absolutâ præscientiâ meritorum à diuina gratia independentium, erroneam esse, reddereque suspectam omnem doctrinam quæ videatur habere necessariam cum eâ connexionem. Sed addo Aduersarium nec adhuc probauisse: nec deinceps probaturum, Scientiam Mediam habere necessariam vllam cum eâ sententiâ connexionem: immeritò ergo ex eo capite in suspicionem vocari.

Deinde dico prædestinationem posteriorem absolutâ præscientiâ meritorum à diuinâ gratiâ necessario dependentium, inculpabilem esse; vel ipsis etiam Thomistis Auctoribus: Et addo tamen neminem esse qui necessariam eius tuendæ occasionem ex scientiâ mediâ sumere possit. Tertiò dico prædestinationem priorem absolutâ præscientiâ meritorum à diuinâ gratiâ necessario dependentium, esse probabiliorem; quod videatur scripturis, Augustino & probatoribus Scholasticis conformior. Et addo ad eam amplectendam scientiam mediam minimè cogere: magnopere autem iuuare, quòd longè melius distinctiusque saluet quæ contraria inuicem esse videntur priuilegia, tum gratiæ, tum libertatis creatæ, quæ in oppositâ sententiâ hoc est in ea quæ & scientiam mediâ præreijcit, prædestinationem præuisioni meritorum præmittit, sunt inexplicabilia, & postulant cæcam fidem, sicut mysteria Trinitatis & Incarnationis vt ex Aduersariis antea referebamus. Vnde non diffiteor quin & sibi & vniuersæ Theologiæ consuluerint; & de re Catholica optimè meriti sint, qui prædestinationem conditionatâ meritorum præscientiâ hoc est Scientiâ Mediâ posteriorem, absolutâ verò priorem proposuerunt.

LXXXIII. Contra quam philosophandi rationem P. Ioan. à S. Thomâ inconueniens quod aduersus Molinam diu prosequutus est paucis colligit, Quod tota ratio prædestinationis vt sit prædestinatio, *id est*, specialis prouidentia, ex nobis sumatur, & ex nostro bono vsu præuiso vt ex causâ & ratione; vnde etiam sequitur quòd saltem de se non repugnet quod accipiatur vt meritum præuisum, si quidem accipitur vt ratio ipsius prædestinationis, ad hoc vt specialis prouidentia sit. Supponit hic Auctor ex D. Thomâ prædestinationem esse specialem prouidentiam: quæ in eo differt à communi, quòd ex communi sequatur certò & infallibiliter ordo in finem, non autem euentus ipse seu finis consequutio, quæ aliis causis intercurrentibus nonnunquam impeditur: & ita pertinet ad communem prouidentiam omnium hominum ordinatio ad beatitudinem consequendam, quam tamen multi

Sup. disp. 2.
n. 15. & seq.

At. 4. p. 659

Dis-
men in-
ter præ-
destina-
tionē &
commu-
nē pro-
uidentia
saluator

Quæst. 6. d. 2.
Vcr. ar. 2.
in corp.

non consequuntur, vel suo vel aliorum vitio. At verò ex prædestinatione quæ specialis est providentia, non tantum sequitur certò & infallibiliter ordinatio hominum in finem; sed euentus quoque, seu finis ipse, hoc est beatitudo certò & infallibiliter sequitur. Dicit ergo iam ex nostra philosophandi ratione sequi, connexionem illam infallibilem prædestinationis quâ propriè fit prædestinatio, & communem providentiam contrahit; ex nostro bono vsu præuiso vt ex causa & ratione petendam esse, contra quam sentiat S. Thomas, qui nefas putat dicere.

Eadem quæ
art. 3.

„ Prædestinationem supra certitudinem providentiæ nihil
„ addere nisi certitudinem præscientiæ, vt si dicatur, quia
„ Deus ordinat prædestinatum ad salutem sicut & quemlibet
„ alium, sed de hoc prædestinato scit quod non deficiet
„ à salute. Sic enim dicendo non diceretur differre præde-
„ stinatus à non prædestinato ex parte ordinis; sed tantum
„ ex parte præscientiæ euentus: & sic præscientia esset cau-
„ sa prædestinationis: nec prædestinatio esset per electio-
„ nem prædestinantis. Vnde concludit, *admittendum esse
præter certitudinem præscientiæ, prædestinationis ordinem cum
infallibili certitudine.*

LXXXIV. Sed quid eorum amabo non saluatur in hac quam tuemur sententia? Præter voluntatem illam quæ pertinet ad communem providentiam quâ Deus vult omnes homines saluos fieri, inter Scientiam Mediam & absolutam præscientiam boni exitus finalis, numquid poni potest efficax & absoluta voluntas certò atque infallibiliter connexa cum salute prædestinatorum? Numquid negatur talis quædam voluntas pertinere ad reprobos? ac proinde numquid per eam *differit prædestinatus à non prædestinato*? Numquid consequenter discretiua illa est vnius ab alio, *itaque fit per electionem*? Potest ne igitur de eo qui sic prædestinatur dici, *quod Deus illum ordinet ad salutem sicut quemlibet alium*? Numquid eadem voluntas causa est cur eligantur & applicentur media infallibilia salutis intentæ? ac proinde numquid hæc prædestinatio ad communem providentiam & certitudinem Scientiæ Mediæ quam supponit, addit *habitudinem causæ* quam requirit S. Thomas?

S. Thomas : Quo sensu autem dicitur *præscientia huius prædestinationis causa* ? Si enim absolutam intelligunt, vt sine dubio intelligit S. Thomas, absoluta præscientia prædestinatione istâ posterior est. Si conditionatam ; iam constat per illam nihil exhiberi diuino conspectui ex parte hominum quod ad prædestinandum impellat ad modum causæ efficientis moralis, quam solùm excludit S. Thomas. Nam quòd representetur aliquid quod alliciat per modum finis, quatenus scilicet cum bonitate finis intelligitur & inuitat ad prædestinandum ipsa mediorum oportunitas, auctor nobis est S. Thomas ne hac præscientiâ timeamus, ne diminuatur gratuita prædestinationis, beneficium, vt antea visum est. Neque fieri aliter potest. LXXXV. Quomodo enim vis vt bonum aliquod intendat Deus, quin moueatur & illius amabilitate, & idoneitate causarum ex quibus oriundum est ? Cum ergo & gloriam velit vt coronam huic prædestinato infallibiliter dare : & dare non possit nisi per merita ; quis impedire potest, ne placeant illi, non solùm gloria ipsa quam vult dare, sed & gratiæ quas intelligit esse infallibiliter connexas cum meritis : & merita ipsa, vt infallibiliter futura ex hypothesi gratiarum : & quin tota illa cognitio requiratur ad reddendum hunc prædestinationis modum possibilem ? Sed quis etiam non videt, hæc distare plurimum & esse acuratè distinguenda, quod futuritio meritorum sic placeat vt reddat amabilem gloriam : & quòd gloria sic placeat vt reddat amabilem meritorum futuritionem ? Nos enim hoc secundum asserimus, & hoc esse dicimus quod significauit S. Thomas cùm dicit *bonum usum gratiæ præscitum, esse rationem collationis gratiæ secundum rationem causæ finalis*. Negamus verò primum : & hoc esse dicimus *usum gratiæ præscitum, esse rationem prædestinationis secundum rationem efficientis*. In eo enim consistit hæc moralis efficientia meriti, quòd dum postulat id poni quod quis meretur, reddat illud consequenter amabile remuneratori : & ita si merita conditionatè futura per modum efficientis concurrerent, gloriam quam merentur amabilem Deo efficerent, cùm è contrario non aliter amentur ipsa,

Motiuum
per mo-
dum finis
ex parte
hominum
non repu-
gnat præ-
destinatio-
ni.

quàm propter gloriam prius amatam.

LXXXVI. Quod igitur dicit Aduersarius in hac sententiâ quam defendimus *totam rationem prædestinationis ut sit prædestinatio ex nobis sumi, & ex nostro bono usu præuiso ut ex causâ & ratione*, præcisè negandum est. Nihil enim aliud sequitur, quàm ex nobis & ex nostro bono usu conditionatè futuro aliquid sumi, quòd sit necessarium ad possibilitatem huius modi prædestinationis. Supposita verò possibilitate illa liberrimam esse dicimus summèque indifferentem Dei voluntatem ut prædestinet, vel non prædestinet: & ut prædestinet istum non verò illum, cuius tamen prædestinatio peræquè possibilis est. Quo in æquilibrio negamus vllò hominum merito præponderare alteram partem, aliamve rationem esse quæ Deum inclinet, quàm quæ altitudine diuitiarum sapientiæ & scientiæ eius, & iudiciis incomprehensibilibus tegitur. Ut enim ipsa beatitudinis hominum perfectio ac bonitas, non ita Deo appetibilis est, ut eius libertatem determinet; ita neque futurorum conditionatè meritum, hoc est idoneorum mediorum utilitas, quæ nullam habet nisi ex finis amabilitate appetibilitatem, determinabit.

Molina sine causa iactatur.

Disp. 1. ad quæst. 23.

1. p. memb.

11 Concl. 7.

Vide etiam

§ illud magis

operari, cū

Concl. 9.

LXXXVII. Neque aliud voluit Molina iis locis quæ impugnantur ab Aduersario cū *negat dari rationem prædestinationis ex parte nostrâ, etiamsi detur ratio præscientiæ*. Nempe quia hoc quod est futurum esse conditionatè meritum; est ratio cur sciatur esse futurum: & consequenter est etiam aliqua ratio, cur sit possibilis hic prædestinationis modus, qui sine tali præscientiâ esse omnino non potest. At quod est aliqua ratio cur sit possibilis in Deo aliquis actus liber, non potest dici esse etiam ratio & causa cur ille actus sit. Cū suppositâ illâ possibilitate, sit adhuc integra plenaque libertas ad oppositum. Potest tamen quæ dicitur esse ratio cur sit præscientia, dici etiam ratio seu conditio sine qua non esset hic prædestinationis modus, cū ipsum esse, possibilitatem supponat. Et eatenus approbamus quod dixit Molina, Quod decretum illud providentiæque illa rationem prædestinationis fuerint sortita, ex eo fuisse dependens, tan-

§. Nos
verò.

quam à conditione sine qua non, ex quo scilicet pender præscientia, quod est, bonum vsum gratiæ, & proinde meritum esse ex hypothesi futurum. Quibus verbis, sicuti continerent manifestam erroris confessionem recitatis, exclamat P. Ioan. à S. Thoma, *Quid ergo adhuc egemus testibus? Ecce ratio seu conditio prædestinationis, est bonus vsum liberi arbitrij, & tantum non respondent Iudæi Reus est mortis.* Sed quid si sit commune crimen, eademque Molinam & Thomistas hoc loco premat accusatio? Libertatem hominum esse aliquam rationem sine qua esse non possit, ac proinde sine qua non sit ille prædestinationis modus quem supponimus, quomodo negauerint vel ipsi Thomistæ? Quomodo item negauerint conditionem illam esse merita hominum conditionatè futura? Potest ne Deus intendere alicuius coronam nisi sciens possibile esse merita quibus illa debeatur? Potest ne etiam nisi sciat, esse ex hypothesi suæ prædefinitionis futura? Est igitur præscientia illa & possibile & futurorum ex hypothesi prædefinitionis meritorum, conditio sine qua non potest esse in Deo prædestinatio illa. Et consequenter hoc quod est esse futura ex hypothesi prædefinitionis merita, erit aliquid quo sublato implicet esse quam diximus prædestinationem. Rursus prædefinitio in sententia Thomistarum non est tota causâ meriti, sed habet aliam causam sibi subordinatam, liberam scilicet creaturæ voluntatem: Ergo quod dicitur futurum ex hypothesi meritum, non est futurum ex hypothesi tantum prædefinitionis: sed & liberæ voluntatis: Ergo libera voluntas aliquid confert ad hoc quod est esse futurum hoc meritum: Ergo & ad illud omne quod non esset, nisi meritum ita esset futurum: cuiusmodi est prædestinationis ille modus quem diximus.

LXXXVIII. Porro vt constet qui fuerit Molinæ sensus, libet ea referre quæ ille dicit loco citato. Illud, magnopere est aduertendum, longè diuersum esse, quæ-
rere, an præexistente in Deo plenissimâ illâ præ-
scientiâ qualitatis vsum liberi arbitrij in quocumque re-
rum ordine futuri, de qua hætenus loquuti sumus, præ-

Molinæ
sensus
§. illud
magnopere

„ destinatio Dei æterna ex parte voluntatis in hoc sensu
 „ fuerit secundum præscientiam vsus liberi arbitrij futuri,
 „ quasi pro qualitate aut propter qualitatem vsus præui-
 „ si constituerit Deus vel distribuere vno aut altero modo
 „ sua auxilia ac dona, vel prædestinare hos potius quam
 „ illos; Ac quærere, an illius præscientiæ..... detur ali-
 „ qua ratio seu potius conditio ex parte qualitatis vsus
 „ futuri, sine quâ non præextitisset in Deo; quasi licet præ-
 „ destinatio non fuerit facta propter præscientiam quali-
 „ tatis vsus præuisi, fuerit tamen facta non sine tali præ-
 „ scientia, & quasi habita fuerit ratio qualitatis vsus arbi-
 „ trij futuri: non quidem vt vlllo pacto esset mensura aut
 „ quasi mensura donorum Dei, etiam tanquam conditio
 „ quâ præuisâ fuissent conferenda, & quâ non præuisâ
 „ fuissent deneganda; sed tanquam eius vt à quo quemad-
 „ modum in tempore pendebat quod adultus cum his vel
 „ illis auxilijs ac donis in particulari perueniret aut non
 „ perueniret in vitam æternam; ita etiam pendebat vt vo-
 „ luntas illi opitulandi ac prouidendi per hæc ipsa auxi-
 „ lia ac dona rationem haberet vel prædestinationis vel
 „ solius prouidentie ad beatitudinem. *Et in priore sensu*
mox subdit. PRÆDESTINATIONEM NON ESSE SECVN-
 DVM PRÆSCIENTIAM QUALITATIS VSVS LIBERI AR-
 „ BITRII: *In posteriore verò ita concludit.* In secundo sensu
 „ explicato prædestinatio adultorum fuit secundum præ-
 „ scientiam boni vsus liberi arbitrij, habuitque Deus modo
 „ explicato rationem illius in eis prædestinandis.

Error Caf-
 sabi.

Quod dicit Aduersarius Cassianum quoque non aliter
 censuisse diuinam gratiam & prædestinationem pendere
 à bono vsu liberi arbitrij, quam vti à conditione quadam
 seu occasione; facile est videre quam ille occasionem seu
 conditionem intelligeret, nempe à diuinâ gratiâ inde-
 pendentem & ad eam positiuè conducentem, atque ab-
 solutè præexistentem. Notæ sunt enim illius proposi-
 „ tiones hæc, Per aliquod rectè factum ac bonam volun-
 „ tatem, posse nos ex nobis vtcumque ad gratiam præ-
 „ parari: ita vt Spiritus Sancti motionem voluntas inter-
 „ dum nostra præueniat. Aliquod vel initium pœnitent-

tiz, vel propositum mutandæ vitæ, vel consilium reuer-
tendi ad Deum, ex nobis esse. Nonnullum fidei motum
ex nobis incipere. Nostis orationibus nonnunquam Dei
gratiam præueniri, Et id genus aliâ quorum antidotum
extat in Obseruationibus ad Cassianum.

LXXXIX. Tertiùm inconueniens quod vrget P. Ioan.
à S. Thoma in eo consistit, quòd sequatur ex doctrina
nostra de Scientia Media Deum non præuidere quid
faciendum sit à nobis in prædestinatione sua: non solum
quoad futura conditionata; sed neque quoad absoluta.
Sufficere enim solum decretum purificandi conditio-
nem sub quâ præscitum erat aliquid futurum. Esse au-
tem hoc absurdum multis probat.

Æ. 1. Nullum omnino futurum absolutum à Deo vi-
deri posse sine præuio quodam ipsius decreto, eoque
liberrimo Requiritur enim illud vt *purificetur conditio* vt
Aduersarij loquuntur.

2. Æ. Huiusmodi decretum solum sufficere vt videatur
absolutè futurum, quidquid præsciebatur per scientiam
mediam esse futurum ex hypothesi: quod implicet con-
tradictionem, si erat futurum ex hypothesi, eo ipso solo
quod hypothesi absolutè ponitur, non esse ipsum quo-
que absolutè futurum.

3. Æ. Reipsa tamen non esse tantum in Deo decretum
purificandi conditionem seu ponendi absolutè hypothe-
sim ex quâ sequutura erant bona prædestinatorum meri-
ta; sed esse decretum efficax quod certò atque infallibi-
liter tendat in præmium illorum, ex quo sequatur dein-
de decretum ponendi hypothesim præscitam infallibi-
lem, respectu finis eiusmodi: seu quod æquiualeat, esse in
Deo decretum quod fertur in illam conditionem purifi-
candam, non quocumque modo, sed quatenus illa infal-
libilem habet cum gloria connexionem: atque ita videre
Deum aliter gloriam saluandorum, & pœnas reprobo-
rum. Videt enim reproborum pœnas in decreto seu per
decretum purificandi hypothesim materialiter sumptam
& specificatiuè: quòd illam Deus non elegerit vel ex in-
tentione damnandi vel vt infallibiliter cum damnatione

Tertium
inconue-
niens ex
Scientia
Media re-
ijcitur.

An & quo-
modo vi-
deat Deus
futurâ præ-
destinato-
rum glo-
riam in de-
creto suo.

connexam, quæ illi antecedenter atque absolute semper displicuit. Saluandorum verò gloriam atque etiam merita videt in decreto, seu per decretum hypothesis purificandæ formaliter & reduplicatiuè: quatenus illa certò & infallibiter connectitur cum euentu quem Deus intendit. Atque hoc satis superque est ad mentem Augustini aliorumque, qui rationem absolutæ præscientiæ petendam supponunt ex prædestinatione.

X C. His inconuenientibus separatim propositis alia conglobat P. Ioannes à S. Thoma, & ostendit 1. diminui Dei omnipotentiam. 2. Summam eius libertatem 3. Summam prouidentiam independentem ab omni alio extra se, quippe cum extrahantur ab eius iurisdictione determinationes liberæ pro statu conditionato. 4. Supremum eius dominium circa creaturas sub quocumque statu considerentur. Omnia verò hæc probat vno argumento. Posito enim, quod Deus per hanc Scientiam videat Petrum in atrio Caipha timore corripendum & Christum negaturum, si cum ancilla interroget: Ceilitas Dauidem tradituros si apud eos maneat aduentante Saule; diuina voluntas vel potest stante illa conditione cum omnibus illis circumstantijs velle quòd Petrus non timeat, & Ceilitæ non tradant; vel non potest id velle: si potest velle; ergo scientia illa non erat infallibilis: quippe quam constat ista Dei voluntate falsificari: si non potest; Ergo ruit diuina potentia, libertas, dominium, prouidentia.

Voluntas
efficax vt
odiuu se-
quatur v.g.
destruit hy-
pothesim
ex qua
præscitur
amor se-
quutus.

Iam ante indicata est huius argumenti solutio, & iterum Respondeo. Dum quæritur an stante illà conditione cum omnibus circumstantijs, possit Deus adhuc velle vt Petrus non timeat, & Ceilitæ nolint tradere Dauidem, idem esse ac quærere, num ex suppositione quod Deus aliquid nolit, possit tamen adhuc illud velle. Vna enim ex circumstantijs est, vt Deus oppositum efficaciter non velit: item vt velit voluntatem Petri & Ceilitarum esse in manu consilij sui, & quamuis vnum Deo magis placeat quàm aliud, vt sit tamen ipsa causa cur vnum præ alio ponatur. Quæritur ergo vtrum ex hypothesis quòd Deus ita velit, possit aliter velle: & facilis est responsio non posse: &

addo eos qui putant hoc non posse negari sine iniuria diuinæ potentia, prouidentia, libertatis & dominij, alligare Chimæris diuinas perfectiones.

XCI. Instabis primò, Quod est possibile voluntati creatæ, est possibile Deo: sed in illo signo rationis in quo est Scientia Media de futuro Petri timore, ante omne decretum seu placitum diuinæ voluntatis, possibile est voluntati creatæ Petri timere vel non timere: Ergo est hoc ipsum Deo possibile, manetque possibile quamdiu est possibile creaturæ: Ergo non potest fieri impossibile ex sola suppositione creatæ, sine aliqua suppositione diuinæ voluntatis, nisi fiat iniuria diuinis attributis illis quæ diximus.

R. Argumentum hoc non probare negatum. Quod enim negamus, est, esse Deo possibile ex hypothesi quod aliquid vno modo velit, nolle illud eodem modo; ex hypothesi scilicet quod nolit antecedenter & efficaciter vt Petrus non timeat, & vt Ceilitæ non tradant Dauidem, sed malit vtrumque pendere potius ex optione voluntatis eorum; negamus inquam esse hoc possibile Deo, vt & non timere illum, & istos non tradere antecedenter & efficaciter velit. Iam verò propositum argumentum probat esse vtrumque, timorem scilicet & non timorem Petri, traditionem & non traditionem Ceilitarum, Deo possibile ex illa hypothesi & manere possibile quamdiu manet possibile voluntati creatæ: ac proinde sicut non fit simpliciter & absolutè impossibile voluntati creatæ per ipsius determinationem ad vnum, ita nec fieri Deo impossibile: quorum nihil negamus.

Instabis 2. Stante hypothesi quâ possibile est Deo aliquid facere, possibile etiam est illud velle: Sed stante hypothesi de qua loquimur, possibile est Deo facere vt Petrus non timeat, & Ceilitæ non tradant Dauidem, ex concessis: Ergo est etiam possibile stante illa hypothesi Deum vtrumque velle. R. Distinguo maiorem, est possibile Deo illud velle eâ voluntate quâ destruaturs hypothesi quæ stare supponitur; nego maiorem: eâ quâ non destruaturs, concedo maiorem. Et concessa minori distin-

quo similiter consequentiam : est possibile Deo , utrumque velle eâ voluntate quâ destruat hypothesis quæ stare supponitur , tum ex parte Petri tum ex parte Ceilitarum ; nego consequentiam : eâ quâ non destruat ; concedo. Possibile est Petrum non timere stante hypothesis ex quâ fore dicitur ut liberè timeat : potestque Deus eatenus efficere , ut liberè non timeat , quatenus in manu habet hypothesis illam ex qua hoc dicitur sequi posse. Ea verò hypothesis constat voluntate Dei non magis determinata antecederet & efficaciter ad non timorem quàm ad timorem : Ergo si adiungeret voluntatem determinatam ad non timorem , eamque antecedentem & efficacem , destrueret hypothesis quam tamen stare volumus. Idem dic de hypothesis Ceilitarum.

Instabis 3. Postquam Deus facere potest stante illâ hypothesis ut Petrus non timeat , hoc faciat. *Re.* Faciat : hoc enim non est aliud quàm Petrum stante illâ hypothesis nunquam fuisse timore corripendum , & Deum nunquam hoc sciuisse per Scientiam Mediam , sed potius sciuisse contrarium. Quod si velint stante illâ hypothesis , & supposita libera sequela timoris Petri ex illa , & consequenter Scientiæ Mediæ eiusdem timoris ; facere Deum ut Petrus non timeat : dico illud implicare. Quia fieret compositio non timoris cum timore , & scientiæ vnius oppositorum cum scientia alterius pro eodem tempore , quod repugnat. Hîc verò statim exserit sese conatus ultimus , &

Instant 4. Quod aliquid de se possibile , fiat impossibile ex eâ suppositione quæ pendeat tantum à causâ creatâ , & non à Deo , ipsi derogat. Videtur enim eâ ratione creata virtus ligare Deo manus , limitesque præfigere ipsius potentiæ : Sed Petrum non timere stante hypothesis datâ , ex se possibile est , etiam respectu Dei ; hoc autem ipsum impossibile fit , ex suppositione quod timor sit conditionatè futurus : & hoc quod est timorem esse conditionatè futurum , est suppositio quæ pendet tantum à causâ creatâ , scilicet à voluntate Petri , non pendet autem à Deo , quia nullum supponitur in Deo decretum ,
quo

quo illud fiat conditionatè futurum: Ergo hoc derogat Deo. *Re. ad illam partem minoris, & hoc quod est timorem esse conditionatè futurum, est suppositio quæ pendet tantùm à voluntate creatis Petri, non autem Deo;* Nego. Quà enim ratione pendet à voluntate Petri, conditionatè scilicet, eadem pendet à voluntate Dei. Iam sæpè dictum est, de illo timore, non alio sensu dici, quod sit, quàm quia esset: & quod pendeat, quàm quia penderet: & quod determinetur à voluntate creatâ quàm quia determinaretur, si poneretur conditio expressâ in antecedente propositionis hypotheticæ: Atqui nec esset, nec penderet, nec determinaretur aliter quam concurrente Deo vt causâ primâ: Ergo falsum est suppositionem illam pendere tantùm à voluntate Petri & non etiam à Deo. Nam quòd non sit aliquod Dei decretum præsens à quo pendeat, nihil facit: quia neque etiam est aliqua virtus vel aliquod dominium præsens in voluntate Petri à quo determinetur. Supponimus enim hoc esse verum ab æterno; cùm Petri voluntas producat in tempore. Vnde sicuti nullo ex parte Petri existente principio determinationis illius, asserimus tamen fore vt timeret Petrus in tali rerum occurso pro eâ libertate quam tunc haberet: ita nullo existente actuali decreto Dei, asserere possumus fore vt ab illo penderet ille timor, tanquam à causâ primâ ratione decreti quod tunc esset, & sine cuius suppositione non præscitur futurus.

XCII. Aliam difficultatem hac occasione Aduersarius mouet, quæ petit quomodo se habeat voluntas Dei circa hoc quod est aliquid esse conditionatè futurum à voluntate creatâ; placeat ne hoc, an displiceat: & libera- ne sit illa seu complacentia, seu displicentia? Sed in primis ex dictis constat, diuinam voluntatem nullo actu antecedenter & efficaciter ferri in talia obiecta, sub eo statu spectata, consequenter autem ad eam scientiam quam de illis habet, non dubito quin & placeat & displiceat id quod futurum supponitur, prout natura boni & mali fert. Est enim longè probabilius placere illa & displicere prout sunt merè possibilia: neque minus idonea videntur

Quomodo
afficiatur
Deus circa
futura con-
ditionata.

vt futura sunt hypotheticè huiusmodi actibus terminandis. Et quia hi actus sequuntur Scientiam Mediam, consequens est, vt quod de illa scientia dicitur, non ideo esse futurum obiectum quia scitur, sed ideo sciri quia futurum est; dicatur id ipsum de his actibus, non ideo esse futurum obiectum quia placet, sed ideo placere quia futurum est. Quod patet, quia fieri potest vt displiceat quòd sit ita futurum, si v. g. peccatum sit: quo casu neque possumus dicere, ideo non esse futurum quia displicet, futurum enim est quamuis displiceat: neque ideo esse futurum quia placet: placere enim falsum est, nec quia displicet, quod displicentia sit aptior impediendæ futuritioni, quàm causandæ. Sunt igitur isti actus omnino inefficaces respectu futuritionis illius conditionatæ. Sed neque sunt aliter liberi quam quo modo libera est ipsa Scientia Media quam sequuntur, quod ab ea excitentur necessariò, neque aliud supersit cuius terminatione impediri possit eorum contingentia & libertas, quam ipsum Scientiæ Mediæ obiectum in quod feruntur. Cuius contingentia sicut fit possibile absolutè nunquam esse scitum id quod scitum est; ita & nunquam placuisse; quamuis sit necessarium ex hypothesi & esse scitum & placere.

Atque hinc patet meliùs in hac sententia diuinis attributis consuli, quatenus ille nobis exhibetur Deus, cuius *Potentia* causis etiam liberis præsit, dum concursum præbet & necessarium & earum indifferentiæ consentaneum: cuius *Libertas* ita supponatur ad omnem earum motum, vt de nullo dici possit quòd vel sit vel esset nisi ex suppositione diuini decreti quod vel sit vel esset: adeò vt eo nolente permittere vel impellere, prout bona vel mala supponitur esse futura determinatio creatæ voluntatis; nulla omnino futura sit: neque de illa minus possit Deus disponere, quàm potest disponere de sua: Cuius *Providentia* eo intelligatur esse perfectior, quòd non nesciat thesaurum diuinæ omnipotentiae, quo continentur infinities infinitæ rerum complexiones, à quibus omnes actus liberi possibles originem ducunt: atque adeò non nesciat media omnia iis permittendis aut procurandis infal-

libiliter apta : Cuius *Dominium* tale sit , quale requirit scriptura quæ Deum objicit fidei nostræ *Dominum dominantium* , & non vt esse tantum videtur in contraria sententia , *Dominum seruientium* :

CAPVT IV.

Concordia nostri liberi arbitrij cum prædestinatione Dei contra Hæreticos.

XCIII.



VNC titulum præfixit P. Ioannes à S. Thoma articulo septimo , quo & disputationem hanc vigesimam , quæ est de Scientia Media ; & Theologici

curfus totum primum claudit , conquestus articulo penultimo Caluinum Thomistis nimis *supide* objici , eosque *incongruè ac falsò sugillari de Caluiniano decreto*. Conatur autem utroque loco monstrare viciniorem esse Caluino doctrinam oppositam , multisque ostendit quanta sit ipsos inter & hæreticos discrepantia in hac diuinæ prædestinationis diuinarumque prædefinitionum cum libertate arbitrij concordia , iis etiam recitatis quæ P. Lemos de hoc argumento disseruit coram Summo Pontifice , dum hæc controuersia tractaretur Romæ.

Abstinet verò vt ego Calvinismum objiciam Religiosissimo inter Catholicos Ordini , vel ob Reuerentiam Apostolici decreti , quo seuerè cauetur ne alterutri parti vlla inuratur nota : vel quia objici Calvinus nemini potest , qui se illi adhærere neque putet neque velit : paratusque semper sit mutare sententiam , cum primum huius conspirationis suspicio incesserit. Sed vt illi doctrinam de Scientia Media eo nomine improbant , quòd fauere videatur Semipelagianismo ; ita ipsi nobis licere putamus exquirere , quantum contraria distet à Calvinismo. Quod non facimus definiendo aliquid , aut pronuntian-

Y yy ij

540 DISP. IV. P. IOANNES A S. THOMA
do; sed obiiendo, petendoque: ac dum quæ hæc-
tenus data est solutio minimè satisfacit; iudicium interea expe-
ctatione melioris suspendendo. Id verò quàm *stupidè* à
nobis fiat operæ pretium est iam experiri.

§. I.

*Quid Calvinista sentiant de sua atque Aduer-
sarium sententia consensu.*

Iudicium
Petri Mo-
linæi.

cap. 37. n. 3.

XCIV. Calvinistas tantum rigidos intelligo, qui
stetere cum Caluino discedentibus Armi-
nio cum suis in hac de diuina prædestinatione ac præde-
finitionibus controuersia: vt dubium esse non possit,
quin eadem re ipsa sit ipsorum & Caluini sententia.

Ergo Petrus Molinæus in Anatome Arminianismi
vbi Arminium iuxta Pontificiosque tanquam Caluino
repugnantes infectatur, dum explicat quinam illi sint
Pontificij qui suæ, hoc est Caluini doctrinæ repugnant,
eos esse dicit *qui Pelagianismum ita interpolant, sicuti Ar-
miniani Papiſmum*. Papiſmum scilicet vocat Arminiano-
rum illam doctrinam qua prædefinitiones absolutas
bonorum & malorum actuum exhorrescentes, Dei pro-
uidentiam conati sunt ita cum hominum libertate conci-
liare, vt aut negauerint omnino prædefiniri liberos actus:
aut non nisi ex directione Scientiæ Mediæ. Hoc igitur
Molinæus *Papiſmum* ideo vocat, quia non putat opposi-
tum diuersum esse à Calvinismo. Vnde postea (eisdem
Arminianos intelligens) ait, *Nouatores ex Iesuitarum la-
cunis hausisse nescio quas voces resistibilitatis & irresistibilitatis,
quibus ingenia implicant*. Antiquæ videlicet fidei Minister,
Nouatores vocat Arminianos: quasi verò non sit satis
magnum vetustatis argumentum, recedere à Caluino.
Vtinam cætera illius Hæresiachæ ita nouassent Arminia-
ni, sicuti hanc de consensu prouidentiae cum libero arbi-
trio doctrinam, regnaret quaquauerſum antiquitas. Sed
quòd Iesuitarum lacunis acceptum id refert, quo Ar-

Num. 11.

miniani expuere visi sunt Calvinismum, & *Papismum* interpolare; quis non videt *Papismum* illi, hoc est non *Calvinismum*, conuerti cum doctrina Iesuitarum? Vt videatur idem illi fuisse cum TVissio iudicium; qui vt prima disputatione referebamus, Pennoti doctrinam eo nomine suspectam habuit, quod *ingenium Antichristi*, vt pote concepta Romæ in eius vmbra, redoleret. Cap. 1.

XCV. Eandem cogitationem clariùs adhuc expressit Amesijs, qui vt refert P. Petrus à S. Ioseph in Suauitatis Concordia, Bellarminum miratur Caluino & Zuinglio tribuere quod est, vt putat ipse, Thomistarum. Ita enim loquitur tom. 4. Bellarmini enervati. *Nunquam ne hoc legis Bellarminus nisi in Zuinglio & Caluino? Aluarez inter alios disp. 22. num. 7. Deus, inquit, æterno suo decreto atque absoluta & efficaci voluntate, prædeterminat omnes actus nostros in particulari ante eorum præuisionem, ET INDEPENDENTER AB OMNI SCIENTIA MEDIA liberæ cooperationis futura ex hypothesi.* Disp. 1. c. 7. pag. 167. iudicium Amesij. Lib. 1. cap. num. 4.

Et lib. 3. cap. 3. num. 7. cum ex Aluare disp. 83. concl. 3. sententiam hanc retulisset *Deus per auxilium efficax gratiæ, physice siue ad modum causæ physiciæ, prædeterminat arbitrium creatum vt liberè & infallibiliter consentiat & cooperetur Deo excitanti & vocanti*; subdit, *hac sententia sic explicata EST NOSTRA.*

Eadem repetit lib. 4. cap. 3. num. 1. vbi approbat quod dicit Aluares de modo quo verum est aut non est, liberum arbitrium posse dissentire à Deo ipsum mouente.

Quo loco aduertendum est Calvinistas non eo tantùm nomine hæreticos esse quod impugnent libertatem sub eâ sententiæ formâ quâ quis ore tenus concludere potest, ergo *non datur libertas*: sed etiam sub eâ quâ negatur libertatis modus ille quo dicitur homo posse à Deo mouente dissentire: neque Tridentino satisfieri si totidem verbis concedatur *dari libertatem arbitrij*, nisi etiam præscriptus ab eo modus approbetur eiusdem libertatis, quo dicitur liberum arbitrium ita consentire Deo mouenti, vt dissentire possit. Nec enim est alia ratio cur Tridentinum non fuerit contentum nudâ illius

assertionis definitione quâ libertas arbitrij esse dicitur: aut nudâ illius condemnatione quâ esse negatur: sed insuper voluerit propriam quandam libertatis rationem exprimere quam negarent hæretici quos damnat, quamque acceptare deberent vt essent in hac quæstione orthodoxi. Quare si nolumus concedere Tridentinum umbras persequutum, dum damnat id quod hæretici non affirmabant: atque hoc eius decretum nihil ad Calvinum & Calvinistas pertinere, fatendum nobis est, Calvinum & Calvinistas non existimasse eodem sensu quo Tridentinum, liberum arbitrium ita consentire Deo mouenti vt dissentire possit: esseque in eo hæreticos, non solum quòd negent conceptis verbis dari libertatem arbitrij, sed etiam quod illam libertatis rationem ac modum quem Tridentinum exprimit, non admittant.

Iam verò in hunc modum ratiocinari aliquis potest. Calvinus & Calvinistæ in prædicto libertatis modo dissentiant à Tridentino: Amesius est Calvinista rigidus in hac controuersia, & adheret Caluino: Ergo Amesius in prædicto libertatis modo dissentit à Tridentino. Minor tantùm egere videtur probatione, sed reuera non eget, scripsit enim Amesius post schisma Arminianorum qui à Caluino recesserunt in hac controuersia: & ita scripsit vt eos impugnet itaque reprobata ab ipsis Caluini sententiam restituere conetur ac confirmare: neque alij Caluini deffensores vllam Amesij mollietatem aut notant aut suspicantur. Non est ergo vnde negemus esse illum reuera in hoc puncto Calvinistam.

Iterum verò ita ratiocinari licet. Modus ille libertatis quem admittit Amesius tanquam verissimum, pertinere videtur ad Calvinismum, & consequenter non esse ad mentem Tridentini, vt probatum iam est: Modus ille quem admittit, vt ipse quidem fatetur, est acceptus à Didaco Aluarez: Ergo ipsius iudicio, modus Dicaci Aluarez pertinere videtur ad Calvinismum: & consequenter non esse ad mentem Tridentini. Ipsius, inquam, iudicio: neque enim id ego assero, sed refero tantùm quid alij sentiant, vt necesse sit usurpare hoc loco &

deinceps verba illa Ioannis à S. Thoma disp. 20. in 1. p. art. 4. pag. 659. vbi allatâ Louaniensium Censurâ contra doctrinam de prædestinatione post præuifa subdit *Nos verba referimus non censuramus : nec ad censurandum referimus : nec censuram acceptamus.*

Responderi autem potest, hæreticos vt sunt ad flētiones compositi, dissimulare doctrinam suam & corrumpere alienam : præsertim verò quando aliquod exinde patrocinium speratur, & excusatio errorum : quare vel Amesium non esse Calvinistam in hoc puncto, vel non esse, vt videtur Aluaristam, sed alterutrum fingere. Verum de altero iam ostendi non esse vnde suspicemur discessisse illum à Caluino : de altero, cū non possimus iudicare de internis, & istius iudicij natura sit, vt nemo iure condemnare possit nisi contententem reum ; vt dicamus aliud credere Amesium, & aliud profiteri, aliunde probandum est : & Aduersarijs incumbit necessitas ostendendi quid aut dixerit ille aut scripserit, quod huic quam se fingit amplecti Aluaris sententiæ repugnet. Huic inquam vni sententiæ : de alijs enim quā sit consentiens dissentiensque non inquirō. Sed *quod voluntas ita sequatur Deum mouentem vt sequi non possit*, eo sensu quod dicit Aluarez, quæro vbinam Amesius vnquam inficias ierit ? quod si nunquam ; ergo re ipsa consentit Aluari.

Vnde superest vt hoc dicamus, quod non est admodum alienum ab hæreticorum ingenio, Amesium & loqui & credere contradictoria, si se tum Caluinum tum Aluarem hīc sequi & dicit & putat. Quod cū accidere non possit nisi ex prauâ alterutrius interpretatione, atque intelligentiâ, & quæ refert ex Aluare minime obscura sint aut intricata ; quæ ratio est cur illum adeo tardum esse putemus ac stupidum, vt eius mentem hoc loco non fuerit assequutus ? Quid inquam, adeo æquiuocum adeo reconditum est in hac oratione ; *Potentia ad non operandum stat simul in eodem subiecto cum gratia & auxilio quod ad operandum requiritur*, quod hominem nec imperitum nec omnino bardum fallat ? Nam vt Caluini sensa notiora illi quā nobis esse fateamur, quæ non

est maxima quædam laus, religionis eius, ac vitæ ratio iure quodam postulat. Doctrinam videlicet illam suxit ut aiunt cum nutricis lacte: cum ea adoleuit: in ea vixit: pro ea qua verbo, qua stylo semper pugnavit. Gratuita igitur suspicio sit, quæ Amesio satis exploratum esse Calvinum ambigat. Eritque hoc ex ipsius Caluini doctrina probandum, de quo postea. Interea hoc tantum contendendo, Amesium Calvinismi conscium ac professorem, fateri *verissimam* esse Aluaris sententiam, atque interpretationem illam Tridentinæ definitionis qua homo ita liber esse intelligitur, ut dissentienti tantum potentia stare dicatur cum auxilio quo ad consentiendum mouetur.

XCVI. Sed est audiendus etiam dum de providentiâ circa malos actus, quam supponere dicimus Scientiam Mediam, philosophatur. Ita ergo ille. *Quod ad rem ipsum attinet, nihil aliud volunt nostri*, (non Arminiani, siquidem illi aliud volunt, nec Thomistas probant, sed puri Calvinistæ, & ut vocantur, Contra-Remonstrantes) *Quam quod Scholastici docent Thomistæ. Deus motione prævia efficaciter applicat voluntatem creaturæ, ut liberè & infallibiliter operetur, sicut etiam applicat causas secundas ut naturaliter operentur.* Aluarez disp. 23. num. 3.

Et iterum, *Sensus nostrorum non est alius quam qui à Thomistis approbatur, hominis voluntas est quodammodo Dei instrumentum, non purum & merum; sed liberum.* Aluarez disp. 68. num. 5. Et postea de concursu indifferenter oblato, *nouum istum commentum Iesuitarum solidè refutatur à Thomistis ut videre est apud Aluarem disp. 22. num. 21.*

Tandemque de Scientia cuius occasione ista differimus, *Iesuitæ scientiam finxerunt, quam mediam appellant, quæ Deum dicunt ante decretum sue voluntatis cerè cognouisse qui d Petrus ex innatâ suâ libertate facturus esset, si tali loco & tempore conuerso ipsi suaderetur.*

Ex quibus liquidò constat, quos iste Auctor; qui purus est Calvinista, sequatur, quosque improber: ac proinde qui-nam illi videantur non admodum repugnare Caluino, & qui secus. *Nos verba referimus, &c.*

XCVII. Post Amesium sequitur Guillelmus TVissius, ^{Iudicium} de quo videri multa possunt allata in prima disputatione, ^{TVissij.} præsertim cap. 1. vt nihil admodum sit necesse repetere. Sed illud identidem est inculcandum quod retuli ex præfatione, in qua ille se adhærere Caluino tanquam Sancto Dei profitetur. Sciat autem Lector Eruditus, & diuinæ, veritatis studiosus, haud leuem esse quæ hic agitur quæstionem sed maximè momentosam. Aduertunt enim Aduersarij veritatis siue IESVITÆ siue ARMINIANI, nisi doctrina ista de Scientia Media facta testis conseruetur, sententiam ipsorum de gratia & libero arbitrio stare non posse, NEQVE NOSTRAM IPSIS ADVERSAM POSSE LABEFACIARI: Profligata verò illa sententia de scientia futurorum quam mediam vocant, ET NOSTRAM DE GRATIA ET LIBERO ARBITRIO SENTENTIAM INCONCUSSAM PERSTARE: & ipsorum OPPOSITAM NOSTRÆ ruerè vniuersam. Vide num huic Doctori videatur ea doctrina quæ scientiam mediam explodit, & absolutas tamen liberorum actuum prædefinitiones adstruit, discrepare multum à doctrina sui Sancti.

Nam quod dicit, *aduertunt enim* &c. non eò spectat vt ita nos sentire tantum iudicet, quasi verò in eo falleremur. Alius est omnino loquendi vsus, & verborum vis: nec quemquam dicimus id *advertere* quod non est. Sed nimirum hoc intendit, in hac grauissima & vt loquitur *momentosa* quæstione, non adeò nos esse imprudentes incautosque, vt non videamus id quod res est, tanti scilicet interesse vt Scientia Media facta testis conseruetur, vt ea profligata Caluinismus hac in parte hoc est dum agitur de concordia diuinarum prædefinitionum cum libertate arbitrij, *labefactari non possit*: quasi minimè dubia sit illius ruina, si Scientia Media stet. Hæc ille, *Nos verba referimus, &c.*

XCVIII. His Auctoribus subiungam Theophilum Brachetum, vulgo Mileterium, qui quanuis alia quam hæreticorum classe dignus videri possit, ob studium concordie quam tot editis à se libris promouere conatus est, quia tamen communionem eorum retinet quos trahere

^{Iudicium}
^{Mileterij:}

renda communi. Id ipse postea satis explicat cum dicit, Vnde fit vt inter Catholicos, quamuis in cæteris vt plurimum consentientes, his de rebus maneant acerrimæ pugnae, inter eos qui D. Thomam Magistrum sequi se profitentur, & eos qui vulgarem scholæ sententiam amplectuntur: in quibus hinc Franciscani & Iesuitæ: illinc Dominicani & Oratorij Presbyteri familiam ducunt.

Num. 9.
pag. 10.

Quo in iudicio, quod eandem esse significat nostram atque Arminianorum doctrinam, mollium item Lutheranorum; facile patimur: quando ipse fatetur in eo illos à suis Magistris Luthero & Caluino recedentes, accessisse ad Catholicos. Sed quod reliquum est, Thomistas scilicet ipsius iudicio, cum Euangelicis consentire, in eo in quo illi à Luthero & Caluino Magistris minimè recedunt, neque aptant sese Catholicis; id verò est quod Lectorem eruditum cupimus obseruare. Nam quòd priscam dicit esse illam Ecclesiæ Romanæ fidem, quippe iam inde ab ætate Augustini sancitam, suæ causæ patrocinatur. Eam enim ille partem sequitur: quin & suspicatur in eo non-nihil esse diuersum istorum & Antiquorum temporum in Ecclesia Romana sensum, & Concilium Tridentinum alteri parti nimium fauisse. En quid dicat in Opusculo alio Gallicè scripto, cui titulus est *Medium Christianæ pacis cap. 5. Elucidationis circa iustificationis doctrinam.* Pag. 395.

Quare non dubitauit dicere, delenda ex illa Concilij definitione verba ista, per voluntariam receptionem gratiæ & donorum: item ista, iuxta cuiusque dispositionem & cooperationem, eo quod modicum fermentum totam massam fermentet. Ac deinde indicatâ Catholicorum dissensione, quorum alij antiquam contra Pelagium doctrinam sequuntur; alij bonarum operationum laudem inter gratiam & voluntatem partiuntur, Concilium dicit ita suas temperasse definitiones, vt & veras assignarit iustificationis causas, quod priores requirunt; &, quod fauet posterioribus, conclusiones reliquerit quæ referuntur ad eorum sensum, qui boni causam inter gratiam & voluntatem liberam diuidunt, eoque sensu verba voluntariæ receptionis & dispositionis & cooperationis recipiunt. *Addit, præ-*

A cette fin ie n'ay point fait de doute de dire, que de cette Definition du Concile, il falloit ôter ces paroles, par une volontaire reception de la grace & des autres. selon la disposition & cooperation d'un chacun,

pource
qu'un peu
de leuain
fait leuer
toute la pa-
ste.

Les Peres
de Trente
ont laissé
des Cōclu-
sions qui se
rapportent
au sentimēt
de ceux qui
patragent
la cause du
biē en nous

„ cū S. Augustini definitiones aientis diuinæ gratiæ vim
„ in nobis operari non ut agamus si volumus, sed ut veli-
„ mus: atque ad eò facere ut faciamus; tollere quidquid
„ est veneni & zizaniorum in eâ loquendi ratione quæ
„ dispositionem propriam & cooperationem significat.
„ *Et tandem*, Ad anathematismos quod attinet, certè si
„ Tridentini Patres præcisè definissent causam iustitiæ
„ quæ in nobis est; & quæ de gratia tenenda sententia
„ præscripsissent iuxta interpretationem Augustini; ab eis
„ editi super hac doctrinâ canones, quibus eorum ana-
„ thematismi continentur, alijs essent verbis concepti.

entre la volonté libre & la grace : & qui vsent en ce sens du mot de reception volontai-
re, & de disposition & cooperation d'un chacun. *Pag. 396. B.*

Mais les Définitions précises que ce S. Pere a données de l'efficace de la grace, à la-
quelle il attribue desirminen.ent non d'agir si nous voulons : mais de faire que nous
voulions : de faire que nous fassions ; ostent tout le venin & toute l'uraye de ces façons
de parler, de disposition propre & de cooperation. *ib. pag. 403* Pour les Anathemes,
cettes si les Peres de Trente auoient précisément défini la cause de cette iustice qui est en
nous : & auoient déterminé la doctrine de la grace, selon l'explication de S. Augustin,
les Canons qu'ils ont dressés de cette doctrine : & qui contiennent leurs Anathemes, ne
seroient pas tous aux termes qu'ils sont.

Ex his omnibus non obscurè intelligitur istius Auctoris
iudicio, non solum Thomistas cum Euangelicis eandem
sequi doctrinam in hac disputatione, sed utrosque etiam
habere in definitionibus Concilij Tridentini quod deleri
cupiant. Quod ille quamuis tribuat ei prudentiæ quæ ne-
cessaria videbatur ad retinendam Catholicorum vnita-
tem & Schisma vitandum; fallitur tamen, atque indi-
gnam tanto ac tali Concilio opinionem fouet: dum putat
inani metu Patres adductos ut *Zizania venenique firmen-
tum* admiscerent Catholicæ atque antiquæ doctrinæ.
Ignoscendum id est ingenio nobili quidem & erudito, sed
ad suam normam Philosophanti, nec adhuc subæto. *Me-
dium autem Christianæ pacis* non sperabam ab eo propo-
nendum ad eò facile, nempe quod exigua tantum paucor-
um in Tridentino verborum liturâ constat. Est verò illa
præclara quædam ineundæ concordie ratio, veluti si
chordam rumpat Citharædus; quam adducere non po-
test. Quomodo nihil ille quidem dissonum canet, sed ne

consonum quidem. Ecquid tandem in mentem venit erudito viro atque solerti? Credendorum regulam quærit, an cudit ipse? Si quærit, inflexam cogitet, neu curuare velit: Si cudit, adeone vel de seipse bene, vel de orbe vniuerso malè sentit? Romanam fidem quare ambit si mutabilem putat? Si necessariam & eandem semper, quare corrigit? Thomistas verò quàm intempestiuo atque ingrato prosequitur officio, dum eorum ita sententiam commendat, vt expedire tamen putet ad eam tuendam de Tridentino aliqua tolli!

Nam quod priscam esse dicit eam fidem quæ non facile patitur *voluntariam* dici donorum susceptionem, liberamque *dispositionem* & *cooperationem*, admodum fallitur. Antiquior enim illa est Augustino, Caluino etiam teste, qui cæteros Patres hoc loco damnat tanquam iniquos liberi arbitrij patronos. Et quòd Augustinum excipit, aliquo id quidem consilio, ne scilicet nullos haberet Auctores nisi Manichæos; sed nullâ ratione facit: cum neque vsquam negata neque vsquam sæpius inculcata reperitur liberi arbitrij cum gratia cooperatio quàm apud Augustinum vti antea monstratum est. Hoc tantùm addo, insanire Caluinum, dum ea in re Augustinum conatur diuellere à cæteris Patribus, in qua ille sese indiuisum profitetur in libris contra Iulianum.

Hæc ego ad primam libri huius editionem tunc scribebam, quando scribi poterant sine cuiusquam iniuria. Nunc quæ ab eo tempore contigit mutatio, Milleterij conuersio ad fidem Catholicam scribendum aliter ac loquendum iubet. Communionem Calvinistarum abiurauit à multis annis Milleterius, vt Catholicam amplecteretur: estque modo Romanus totus, totus Pontificius. Nec contentus suo ipsius bono, proprium hoc Spiritus sancti munus omni studio curat vt commune fiat eorum quos reliquit, quâ scribendo, quâ disputando quâ vitæ omnino Christianæ veræque pietatis exemplo probando fidem suam ex operibus. Hoc ego testimonium debeo primum publicæ veritati, ac deinde amicitiæ Viri Clarissimi; qui propterea non exigit vt quod olim de illo

scripseram retractem, quia ipsemet quod tunc erat luculentissimè retractavit.

Quid sentiant alij Protestantes ex Campanella. Lib. de Prædict. at. 1.

XCIX. Istorum Auctorum testimonio addi possunt illi quos Campanella memorat, qui de hac materia tractatus scribunt inscriptos, *Concordia Caluini & D. Thomæ*, Chimærico videlicet titulo; sed sumptà ex eo occasione quòd Thomistæ ingeminant, quam hodie sequuntur sententiam, esse illam D. Thomæ genuinam. Quà in re si non fallerentur ipsi: Calvinistæ sibi videntur, ex eo quòd putent se neque aliter ac Calvinus, neque aliter ac Thomistæ in hac parte Philosophari, cum aliquà ratione concludere, conuenire igitur hîc inter Calvinum & D. Thomam, ex illo Euclidis principio, *Quæ sunt equalia uni tertio, &c.*

Et eò semper redeundum est, vt dicamus Hæreticos hodiernos, vel nescire quid senserit Calvinus: vel nescire quid sentiant Thomistæ: vel gratuito mentiri, ac suam in hac parte fidem dissimulare. Primum ac secundum parum probabile est: tamen enim difficilis est eorum persuasio quæ seu Calvinus, seu Thomistæ docent hac in parte, apprehensio tamen atque intellectio facilis est. Tertium igitur probandum erit, monstrandumque eos qui se in cæteris dissentire gloriantur, in hac parte videri velle consentire Catholicis.

§. II.

Quid Sentiant Auctores Catholici de consensu doctrinæ Aduersariorum & Calvinistarum.

Thomas Waldensis.

C. ANtequam nasceretur Calvinus, Thomas Waldensis Carmelitarum in Anglia Prouincialis tomo primo Doctrinalis fidei, querebatur magnos aliquos viros. periculosè Philosophari in admittendâ necessitate agendi quæ foret extra hominis potestatem & penes Deum. Nec difficile est conijcere quod-nam esset illud

periculum, quive illi magni viri. Wiclefum nimirum Waldensis impugnabat iam tum præudentem ijs quæ postea Lutherus & Calvinus amplificarunt: & affinitatem doctrinæ suspicabatur eorum qui necessitatem illam quæ non esset in hominis potestate, sed penes Deum admittebant. Magni verò illi viri qui fuerint, si quis inquiret diligentius, non dubito quin mecum facile conjiciat pertinuisse ad eamdam Scholam ex quâ prodijt circa tempora illa Brauardinus is cuius doctrinam tantopere ac tam sæpe laudat TVissius, sicuti iam tunc nascituris faueret Calvinistis. Quare non immeritò Waldensem possumus inter eos recensere qui timent, ne absolutæ prædefinitiones, atque à Scientiâ Mediâ independentes nimium faueant alienæ à Catholicâ doctrinæ.

CI. Admodum etiam scire velim, qui nam illi sint, quos indigitat Dominicus Soto, dum dicit. Quin etiam sunt inter Catholicos, quos viua voce dogma hoc asserentes, nobisque reclamantibus defensantes audiui-
 mus; puta, quod Deus quadam nos vi ac necessitate ad se pertrahat, ita vt in nostrâ nos conuersione merè babeamus nos passiuè, & receptiuè, de quo id circo Sacro-Sancta Synodus sess. 6. Vbi vides ex hoc Auctore damnatos esse à Tridentino, non Hæreticos tantum, sed *quorundam etiam Catholicorum* doctrinam. Quorum verò? Nempe quos Dominicus Soto audire solitus erat in Scholis: & contra quos habebat ius *reclamandi*. Quòd autem dicerent nos trahi *vi quadam*, minimè intelligebant coactionem propriè dictam, quippe quam non nescirent implicare contradictionem: sicuti nec dum dicebant habere nos *passiue* ac *receptiue*, actionem excludebant aliam, quàm quæ à libero atque expedito dominio profisciscitur. Neque enim negabant dispositiones illas esse actus vitales. Nimirum iidem erant sine dubio, quorum meminit idem Soto cap. 16. cum dicit. Sunt ergo inter Scholasticos qui docent, posito concursu Dei, non esse utrumque in potestate voluntatis, agere & non agere. Ob idque secundo aiunt, huiusmodi concursum non connumerari inter requisita ad agendum: imò dicunt, vt

Lib. de
Natura
& Gra-
tia c. 25.
Domi-
nicus
Soto,

» sua utamur voce, concomitari actionem ipsam. Horum
 Cap. 15. » autem duorum vel utrumque nunquam intellexi; vel
 » neutrum vnquam credam. Quid autem crederet expli-
 » cuerat paulò antè his verbis. In adultis reddenda est
 » proxima causa: cur cum duos æque sit Deus paratissi-
 » mus conuertere; præsentissimaque utrumque misericor-
 » diâ aspiret; hunc trahat, illum non trahat. Quæ re-vera
 » reddi non potest, nisi quòd alter præbet assensum &
 » cooperatur; alter verò minimè.

Hæc erat Soti fides, eadem omnino cum illa senten-
 tia quàm alij Thomistæ premere se putant interrogatio-
 ne illa Pauli, *Quis te discernit?* Nam quod dicit postea,
 supposito Dei concursu requisito illo, voluntatem posse
 non agere in sensu diuiso tantum; satis ipse significat se
 non loqui de concursu tantum præuio: sed ut importat
 etiam simultaneum & operationi causæ secundæ iden-
 tificatum. Distinguit enim duo auxiliorum genera: quo-
 rum alia præuia sunt, & illa fatetur esse posse etiam
 maiora in eo qui non conuertitur quam in eo qui con-
 uertitur: & consequenter cum ijs etiam in sensu com-
 posito posse hominem non agere: alia liberam, inquit,
in nobis dicunt mutationem, quibus proinde componi non
 potest ipsa non actio: ideoque tantum in sensu diuiso
 potest homo cum ijs non operari.

Hæc est igitur illa Sententia cuius contrariam Domi-
 nicus Soto, *nec capere potest: nec credere*. Nempe id quod
 dicitur, auxilia præuia & quæ non dicunt, *liberam in no-
 bis mutationem*, eiusmodi esse, ut cum ijs repugnet muta-
 tionis illius liberæ carentiam esse compositam: & hæc
 est illa *vis atque necessitas* contra quam ipse reclamauit,
 tum alias, tum maximè in Concilio Tridentino, si cre-
 dimus Historiæ Concilij. Denique contra illam senten-
 tiam putat ipse conceptam esse definitionem quæ ha-
 betur sess. 6.

cap. 6. can.
4. & 5.

Bellarmini-
mus.

Cap. 12.

Atque hoc testimonium viri primarios inter Thomi-
 stas clarissimi facit ut credamus amore veritatis maiore
 quàm partium, scripsisse Bellarminum id quod legimus
 libro primo de libero arbitrio. Cuius verba si referam,
 repetendum

repetendum erit illud Ioannis à Sancto Thoma, *Nos verba referimus, non censuramus, &c.* Frustra verò à quibusdam laboratur, vt ostendant alia quædam legi apud Bellarminum quæ videantur esse huic sententiæ contraria: quia neque id vnquam consequentur: & notissimum est ac testatissimum ex illius vita, quâ ille in sententia & consenuerit & mortuus sit: vt vel ex eo intelligi possit, quis fuerit hic affectus qui in homine citra inuidiam eruditissimo ac pijsimo exeruit sese viguitque eo tempore, quo profanis etiam, quæ ad hanc vitam spectant, omnia fastidio esse solent.

CII. Cardinalem Perronium idem sensisse probat Eugenius Philadelphus ex relatione Illustrissimi Cadurcensis Episcopi D. Habert, qui librum quo id refertur approbavit suis in oculis editum, Cadurci. Et fidem addit quod de illo refertur in Gallia Purpurata. Nam quod narrat P. Ioannes à S. Thomâ, cum in Congregatione 38. quâ res ista disceptabatur coram Summo Pontifice, obicisset Cardinalis Perronius nescio quid de sententiâ Caluini, tunc P. Lemos exorsum dicere de Caluino, atque ostendere quænam esset eius sententia, *ijfque explicatis tacuisse Cardinalem Perronium, & annuere visum*; vereor ne non faciant fidem apud eos qui de tanto viro aliquid inaudierint. Non nego consummatum fuisse Scholasticum P. Lemos; sed vt ab homine Hispano, qui ætatem contriuerat in vmbra Scholarum & pace, sine vlllo cum Hæreticis commercio, Cardinalis Perronius disceret, quænam esset Caluini sententia, eius ingenij ac memoriæ vir, à puero cum Hæreticis versatus, continuoque cum illis bello exercitus, quâ publicis, quâ priuatis congressibus, quâ voce, quâ stylo; res est eiusmodi, quæ apud nostrates Gallos excitare risum possit.

Perronius;

Disp. 10. in
l. p. ar. 7.
pag. 693.
Imptobabilis narra-
tio P. Ioan-
nis à S. Th.

P Lemos
in doctrina
Caluini pe-
regrius.

„
„
„

Et vide Amice Lector, quam peritus esset Calvinianæ doctrinæ P. Lemos hoc ipso in loco, in quo illum cum Perronio loquentem refert P. Ioan. à S. Thomâ. Ita enim incipit. Illustrissime Domine, ego dicam omnia quæ Caluinus dixit in hac materiâ..... De Adam enim ante peccatum dixit, habuisse libertatem: nec Deum determi-

Inft 13 cap. nasse quid esset acturus. En vt negat Calvinus referent
 23. f. 6. te P. Lemos, decretum Dei antecedens peccatum Ada-
 mi. Iam verò Calvinum audi. Equidem præscientiam
 solam nullam inferre necessitatem libenter concessero,
 tametsi non omnes assentiantur..... Verùm mihi acutiùs
 ac prudentiùs videtur perspexisse Valla, qui superuaca-
 neam esse hanc contentionem ostendit, quoniam & vita
 & mors diuinæ magis voluntatis quàm præscientiæ sunt
 actiones. Si hominum euenta præuideret Deus dumta-
 xat, non etiam suo arbitrio disponderet ac ordinaret: tum
 non abs re ageretur quæstio, ecquid ad rerum necessi-
 tatem valeat eius prouidentia; Sed cum non aliâ ratione
 quæ futura sunt præuideat, nisi quia ita vt fieret decre-
 uit; Frustra de præscientia lis mouetur, vbi constat or-
 dinatione potius & nutu omnia euenire. Inficiari ergo
 non poterit, quin præscierit Dominus quem exitum
 esset habiturus homo antequam illum conderet: ET
 IDEO PRÆSCIERIT QVIA DECRETO SVO SIC ORDI-
 NARAT..... Nec absurdum videri debet quod Dico,
 Deum non modo primi hominis casum, & in eo poste-
 rorum ruinam præuidisse; SED ARBITRIO QVOQVE
 SVO DISPENSASSE &c. Decreto suo Deus ordinauit
 quem exitum esset habiturus primus homo, inquit, Cal-
 uinus: nec aliter præuidit illius casum & totius generis
 humani ruinam, quàm quia id ipse decreuerat: Et ta-
 men P. Lemos Cardinalem Perronium docet, sensisse
 Calvinum, Deum ante casum illum non determinasse
 quid Adam esset acturus. Audi iterum. Difertis verbis
 hoc extare negant (*Papistæ*) decretum fuisse à Deo vt
 1b. f. 7. suâ defectione periret Adam *Et postquam extare proba-
 uit, subdit*, Decretum quidem horribile, fateor, inficiari
 tamen nemo poterit quin præsciuerit Deus quem exi-
 tum esset habiturus homo antequam ipsum conderet:
 ET IDEO PRÆSCIVERIT QVIA DECRETO SVO SIC OR-
 DINARAT. Atque hoc sæpius repetit Calvinus tum cap.
 illo 23. libri tertij, tum præcedenti cap. 21. & 22. Vbi
 negat reprobationis quærendam esse causam vllam ex
 parte hominum: ad solum Dei placitum recurrendum:

vbi regnat hoc Dei placitum nullam in considerationem venire opera : si non possumus rationem assignare cur suos misericordia dignetur nisi quoniam illi ita placet ; neque etiam in aliis reprobandis aliud habendum , quàm eius voluntatem : nec esse consentaneum vt aliò transferatur præparatio ad interitum. Quæ omnia minimè ab illo dicerentur , si crederet originale peccatum , quod illi esse poterat reprobationis ratio sufficiens , aliò referendum quàm ad decretum illud antecedens ex quo sequutum est Adami peccatum. Ergo non satis perspectam habuit P. Lemos Caluini doctrinam , cùm negauit , ex illius sententia *determinasse Deum quid Adam esset acturus* : neque vnquam nisi ridendo talia narranti *annuerit* Cardinalis Perronius , quippe cui longè notior erat Calvinus quàm Patri Lemos. Sed redeo ad institutum.

CIII. Illustrissimus Bellicensis Episcopus , in Opusculo nuper edito Parisiis de Accessu Protestantium ad Ecclesiam Romanam , ingenuam admodum eius rei quam tractamus confessionem edidit. Cum enim duas attulisset sententias Romanorum , Thomistis videlicet ac Iesuitis inhærentium , subdit , Protestantes libenter se adiungere illi parti Romanorum in qua sunt Thomistæ : sed in eo differre , quod erroris in fide partem aliam accusent , quod illi ipsi Romani quos sequuntur non faciunt , qui vtramque sententiam probabilem putant , donec aliud statutum sit ab Ecclesia.

Bellicensis
Episcopus.
Tit. 4. §. 1.
nu 11. & 19.

Les Protestans se joignent à ces volontiers vers l'opinion de ceux qui tiennent la pure détermination Physique de la grande

ce : En quoy ils conuiennent avec ceux des Romains qui la soustiennent aussi : mais ils disconuiennent en ce qu'ils accusent d'erreurs en la Foy ceux qui appuyent & maintiennent la Predetermination Morale , ce que ne font pas les Romains qui tiennent l'une & l'autre Opinion pour probable , iusqu'à ce que l'Eglise en ait déhuy

Vide quid discriminis ponat inter doctrinam Protestantium & Thomistarum. Quòd scilicet Protestantes erroris accusent eos qui dissentiunt , Thomistæ verò similiter accusare neque velint neque possint. Quòd si accessisset ea quæ tantopere vrgebatur condemnationi , quia iam licitum esset Thomistis errorem Aduersariorum accusare , nullum consequenter esset inter ipsos & Protestantes discrimen ex Illustrissimo Bellicensi. Atque ita

AAaa ij

cum peteretur huius sententiæ definitio in gratiam Thomistarum, hoc petebatur. Nempe vt declararet Pontifex eandem ipsorum & Protestantium esse doctrinam. Quam ego consequentiam ita probo. Quia facere vt Thomistæ possint erroris accusare Iesuitas, est facere vt tollatur discrimen quo Thomistæ distinguuntur à Protestantibus, ex Illustrissimo Bellicensi: sed pronuntiare in gratiam Thomistarum, est facere vt Thomistæ erroris possint accusare Iesuitas: Ergo pronuntiare in gratiam Thomistarum, est facere vt tollatur discrimen quo Thomistæ distinguuntur à Protestantibus. Inculcandum subinde illud. Nos aliorum tantum sententiam referre, ad imitationem P. Ioan. à S. Thoma.

Campanella.

CIV. His iuvat addere Campanellam. Cuius auctoritas etsi minor est quàm vt constituere possit locum Theologicum; vbi tamen non tam attenditur iudicium quàm fides: nec quid ille ratiocinetur, sed quid narret; nescio an sit alicuius prudentiæ, ita rejicere illius testimonium vt dicere non verearis esse mentitum. Et crescit narrationis auctoritas ex approbatione Sociorum Thomistarum. Librum enim illum Fr. Iulianus Ioubert Vicarius Generalis Congregationis Gallicanæ non tantum commendat ipse, sed visum etiam refert commendatione dignum Sorbonicis Doctoribus. Accedit quoque suffragium Fr. Antonij Mallet eiusdem Ordinis, qui *studioforum omnium manibus assidue teri cupit lucubrationem hanc, plurimum profuturam doctrinæ fidei ac bonorum morum.* Parisiis in Collegio S. Iacobi 21. Iulij an. 1635.

Ergo Fr. Thomas Campanella in libro de Prædestinatione & reprobatione ar. 1. ita se accingit ad impugnandam communem hodiernorum Thomistarum doctrinam.

- „ Attente amabo te, Amice Lector; Et quoniam ex D.
 „ Thomâ Scholasticorum Principe putant nonnulli has
 „ ipsorum probari sententias, eumque miris lacerant modis
 „ inuitumque trahunt: & Calvinistæ iam glorianur scri-
 „ bentes typisque mandantes concordiam inter D. Thom.
 „ & Calvinum; statuiamus ex dictis D. Thomæ solius, qui
 „ ex cunctorum Doctorum alibi processimus, procedere

ad inductionem errorum: ac proinde centonem efficere Thomisticum aduersus pseudo-Thomistas, veluti sanctissimo ac sapientissimo Domino Papæ Urbano VIII. dum valde anxaretur & arderet contra tantum nostri temporis malum, pollicitus eram: ac simul Excellentissimo Christianissimæ Maiestatis Oratori Comiti de Brassac, qui se aliunde non posse respondere hugonotis, neque nostratibus qui etiam nolentes fauent illis, nisi ex opusculo isto & altero quod eius nomine super caput 9. ad Romanos scripseram, fatebantur. Et de hoc sæpe consuluit Romæ Summum Pontificem, & consolatus est ut restatur (sicut ego) qui ab aliis Theologis in desperationem agebatur.

Ad idem me quoque Doctissimus Cardinalis Scallia aliquando animauit, putans sic intellectum D. Thomam confringere posse nedum hæreticorum, sed nostrorum quoque sophistarum technas vniuersas.

Nostratibus quoque satisfaciendum fuit, ut à S. Doctoris penu arma sub ministraremus, vnde hostes sibi auxilium nostrorum incuria pollicentur. Idque à me poposcerunt quam plurimi præcipuè discipuli veritatis amatores Dominicani, & Minimi, & Clerici & viri principes Romani præsertim Columnenses id fategerunt. Sed inter Magistros præcipuè P. Cosmas Morellus doctrina & probitate insignis Inquisitor hæreticæ prauitatis multo tempore in Colonia Agrippina, dicens se non potuisse absque hac doctrina Calvinistis respondere: & promisit libellum de hoc edere. Similiter Magister Augustinus Ruffus Dominicanus Regens studij Panormitani, & P. Forest eius socius & Dominus Simon Raus secum, quibus huius libelli copiam feci. Et olim M. Seraphinus Riualdus postea Episcopus sæpe à me hoc opus, vel pro D. Thomæ honore postulabat, quod iuxta Comitis de Brassac desiderium expositioni capituli noni ad Romanos connectendum volumus. Hactenus Campanella.

Ex quibus faciliè intelligas inter ipsos quoque S. Thomæ discipulos, nonnullam esse huius de quâ disputamus cum Calvinistis concordie suspensionem: nec adeo expe-

Supra n 95

Gonzales

de Albelda.

1. p. 4 19.

disp 58. 2.

num. 10.

ditam esse solutionem huius difficultatis, ut *stupidus* sit quicam statim non perceperit. *Nos verba referimus, &c.*

CV. Quod si est aliqua exceptio contra testimonium Campanellæ, quid dicemus ad Gonzalem de Albelda qui *Juniores Thomistas* interdum impugnat? impugnat autem eâ ratione quod eorum sententiâ destruat^r libertas, nec saluetur veritas definitionis Tridentinæ. Auctore igitur Gonzale *Juniores Thomistæ* inuoluuntur eâ Tridentini condemnatione quæ in Calvinistas concepta est. Et constat illâ *Juniorum Thomistarum* designatione comprehensum Didacum Aluares, qui magnam familiæ partem ducit in hac disputatione.

Disp. 57

c. 2. n. 4.

Atque ille ipse est quem iterum impugnat, & quidem nominatim idem Gonzales cum dicit. Mirum est quod Reuerendissimus Aluares ubi supra, ex vna parte fateatur sapius, Deum solum concurrere ad actum peccati ut vniuersalem motorem per concursum generalem, ex alia verò parte asserat Deum concurrere producendo in voluntate qualitatem physicè præmouentem, & inclinantem efficaciter illam determinatè & per se ac directè ad talem actum hîc & nunc. Hæc enim duo inter se non videntur cohærere. Vnde primum ex mente D. Thomæ dictum est, non verò secundum. Hoc autem secundum eâ ratione, quatit, *Quod VIDEATUR SEQUELA MANIFESTA, DEVM ESSE AVCTOREM PECCATI*, quod ipsum opponere solemus Caluini sententiæ. Vnde vides Aluaris & Aluaristarum, hoc est, magnæ partis recentium Thomistarum doctrinam, ut Gonzales quidem putat, necessariâ sequelâ ruere in illum Caluini errorem, quo Deum fecisse creditur Auctorem peccati.

Ioannes

Vincentius

apud Ledesma de

Auxilijs.

pag. 218. &

253. & 290.

415. v

CVI. Quid etiam ad Ioannem Vincentium Doctissimum & Sapientissimum eiusdem Ordinis Magistrum Auctore Ledesma, qui putat communem iam Thomistarum sententiam conciliari non posse cum verbis Concilij Tridentini? Esse in eâ *maximam* quandam *difficultatem*, & apud ipsum *indissolubilem*. Tridentini locum convincere contra prædefinitionem actus mali etiam secundum entitatem (cuius tamen præscientia conditionata non negatur) se-

que à contraria sententia non posse diuelli nisi *sola Ecclesiæ Auctoritate*? Nullus igitur *stupor* est in ea suspitione quæ timet affinitatem contrariæ sententiæ cum sententiâ Nouatorum: aut si aliquis est, cadit etiam in quosdam Thomistas, & quidem insignes. Quorum nos verba sensaque tantùm referimus, &c. vt supra.

Supra n. 95.

§. III.

Quid reipsâ Sentiendum videatur.

CVII. **I**Nquirere iuuat ecquod esse possit fundamentum opinionis illius quâ Heretici de consensu Thomistarum gloriantur: & illius etiam timoris, quo insignes Catholici suspicantur, vt dixi, nimiam vtriusque sententiæ affinitatem. Quâ in re præmitto in primis me nihil prorsus definire, sed suspensio iudicio difficultatem aperire more dubitantium expectando solutionem. Ergo duo supponenda sunt. Primum est, Caluini & Calvinistarum errorem fuisse duplicem, alterum circa liberum arbitrium, quo illud destruxerunt: alterum circa peccati causam, quo illam in Dei voluntatem refuderunt Auctorem illum mali constituentes. Est verò res illa adeò certa, vt si repugnare aliquis velit, ac dicere, in neutro vel in altero tantùm Caluinum errasse: accusare illum *neceffe* sit Ecclesiam Romanam, cuius hætenus communis ea fuit atque indubitata persuasio: nec stabit auctoritas Tridentini, cuius decreta & anathematismi pro tuendâ libertate arbitrij, & æquitate atque innocentia diuinæ providentiæ circa malas hominum actiones, non aliunde ortum habuere quàm ex præiudicata erroris vtriusque opinione. Neque id aliter est acceptum ab Hæreticis, qui se non dissententur petitos illis Tridentinorum Patrum fulminibus, vt constat, tum ex Antidoto Caluini, tum ex alijs passim eorum scriptis. Et iam vidimus illum qui de concordia laborat, non aliter eam hâc inuenire, quàm inductione paucorum verborum quibus Concilium necessariam hominibus libertatem ex-

Errauit
omnino
Caluinus
& circa liberum
arbitrium &
circa pro-
uidentiam
quam ha-
bet Deus
peccato-
rum.

Supra §. n.
num. 98.

pressit. Effet verò non mirabilis modò, sed ridiculus etiam ille, qui contenderet eo loco vbi & Ecclesia Romana tonare se in Hæreticos, & Hæreticis feriri ab Ecclesia Romana confitentur, esse tamen consentientem amborum doctrinam: nec aliam esse pugnam hanc quam forè concurrentis per incerta tenebrarum contra seniet- ipsum exercitus, desitutam in amplexus cùm primùm aurora socios esse monstauerit, qui hostes esse putabantur. Hunc inquam phosphorum, qui suam mundo necessariam fuisse lucem crederet, vt Ecclesia Romana intelligeret nihil esse in placitis Hæreticorum circa libertatem arbitrij quod ipsa meritò improbaret, & Hæretici, nihil esse in Ecclesiæ Romanæ doctrinâ circa eandem quæstionem, quod admodum repugnaret ipsorum placitis: totumque vtriusque partis ex ignorantia natum esse dissidium; quis non videt sapientum omnium risu excipiendum esse? Hoc igitur primum supponimus.

Error Caluini. & fuit tantum error orationis sed & sententie iudicijque.

CVIII. Secundum est, huiusmodi errorem non versari tantùm circa loquendi modum, sed circa rem ipsam. Hoc est, Hæreticos non tantùm negasse, rem illam quæ à Catholicis vocatur liberum arbitrium, esse ita vocandam; sed esse omnino: Item non tantùm asseruisse nomen Auctoris peccati conuenire cuidam modo concurrendi ad malum quem non negant Catholici; sed asseruisse omnino esse modum illum, quem negant Catholici, & quo concesso sequuturum putant Deum esse Auctorem peccati. Quasi dicerem, cùm duobus modis fieri possit vt erret qui alteri contradicit; vel quia rem negat assertam ab alio, vt si quis Æthiopem negaret esse animal rationale: vel quia pertinaciter neget esse ita vocandam, vt si quis fateretur quidem Æthiopem hoc esse, negaret tamen esse hominem, quòd vellet eo nomine significari tantùm animal rationale album; Hæreticos non hoc solum posteriori modo à Catholicis dissentire atque damnari, sed potissimum priori.

Probatnr hoc primò ex ipso Catholicorum communi sensu, quorum conscientiam si quis interroget, adduci non poterunt vt fateantur, rectam quidem esse Caluini sententiam,

sententiam, sed impropriam tantum orationem: neque damnandum esse aut damnabile illius iudicium de rebus ipsis; sed solum de modo loquendi, quasi non aliter esset Hæreticus hoc loco, quam v. g. quomodo is qui negaret secundam in Trinitate personam generari, cum concederet procedere viuentem à viuento in similitudinem naturæ: quâ ratione non tam contradicitur Ecclesiæ doctrinæ quàm phrasi: nec Theologia desideratur, sed grammatica.

Probaturs secundò, quia Concilium Tridentinum in suis decretis & anathematismis contra Hæreticos, perspicuè significat, se non eos damnare qui nomen tantum liberi arbitrij negant; sed verò etiam eos qui negant ipsam rem: neque de nomine contendit, sed de re ipsa, Sess. 6. c. 6. cum eam ita explicat vt hoc quod est *hominem cooperari liberè gratiæ Dei*, sit ipsum *agere*: & ita agere, vt illuminationem illam *abijcere* possit. Quod est agere cum dominio & potestate non agendi. Vnde postea dicit anathema neganti liberum arbitrium à Deo motum & excitatum cooperari Deo mouenti & excitanti, & *posse dissentire si velit*. Vbi vides rem ipsam exigi significatam nomine liberæ cooperationis, *nempe agere voluntatem & agere cum potestate non agendi*. Sed nihil euidentius quàm quod subdit Cau. 4. Anathema, in eos qui dicunt liberum arbitrium *esse rem de solo titulo*, immò titulum sine re. Quo enim modo differtius potuit Concilium significare, se non de titulo liberi arbitrij, sed de re ipsâ disputare? Et ideò, vt quam requirit ad peccandum libertatem explicet, subdit anathema in negantes *esse in potestate hominis vias suas malas* Cau. 6. *facere*. Dicitur autem esse in potestate alicuius hoc tantum, quod ita facit vt possit non facere. Vnde nemo putat esse in equi potestate appositam auenam mandere cum esurit: abstinere enim non potest. Quod Damascenus expressit cum dixit *Ea in nobis esse quorum sumus liberam adepti potestatem* 2. de fide cap. 26. **FACERE ET NON FACERE, VT MENTIRI ET NON MENTIRI.**

Paret hoc ipsum in altera quæstione de Auctore peccati. Numquam enim definit Concilium, Deum non

B B b b

Sess 6
can. 6.
& 17.

debere dici Auctorem peccati, sed non debere credi rem
quæ designatur eo nomine, cum definit Deum non ope-
rari mala opera ita ut bona: nec propriè ac per se, sed
tantum permissiue. Item, neminem diuinâ potestate præ-
destinatum esse ad malum. His enim decisionibus clarè
constat rem ipsam potissimum Concilium spectauisse,
non voces.

2 Inst. cap.
2. l. 7. & 8.

Probatur tertio ex Hæreticorum confessione. Calui-
nus enim in hac ipsa disputatione de libero arbitrio testa-
tur se *Logomachias* odisse: quod est, se nolle de verbis
contendere. Subjicio illius verba. Liberi ergo arbitrij
dictus est homo (*ab Antiquis Scholasticis & Lombardo ut
ipse putat*) non quia liberam habeat boni æquè ac mali
electionem; Sed quia voluntatè male agit non coactione.
Optimè id quidem: sed quorsum attinebat rem tantulam
tam insigni titulo insignire? Egregia verò libertas, Si
homo quidem non cogitur ad seruendum peccato, sic
tamen est *ἐν δολοῦλος* ut vincula teneatur peccati compedi-
bus eius voluntas. Equidem *λογομαχίας*, abominor, qui-
bus frustra Ecclesia fatigatur. Sed religiosè censeo ca-
uendas eas voces quæ absurdum aliquid sonant, præfer-
tim ubi perniciosè erratur. Quotus autem quæso quisque
est, qui dum assignari homini liberum arbitrium ambit,
non statim concipit illum esse & mentis suæ, & volunta-
tis Dominum, QUI FLECTERE SE IN VTRAMVIS PAR-
TEM A SEIPSO POSSIT? Atqui sublatum erit huiusmodi
periculum, si de significatione diligenter plebs admonea-
tur. *Ac deinde*. Ita si quis dictionis huius usum, non prauâ
intelligentiâ sibi permittat; per me quidem non vexabi-
tur ob hanc rem. Sed quia sine ingenti periculo non
posse retineri censeo, magno contra Ecclesiæ bono futu-
rum, si aboleatur; neque ipse vsurpare velim, & alios si
me consulant, abstinere optarim.

Vbi vides primò Calunum nolle resistere vsu vocis
& titulum liberi arbitrij retinenti, quamuis in eam par-
tem magis inclinet ut hoc nomen aboleatur. Non est
igitur in eo pertinax Calvinus: nec proinde tanquam
Hæreticus damnandus, quòd animo sit obfirmato ad

illud nomen negandum: Ergo si qua est illius pertinacia, erit in eo potius, quod vt ipse loquitur, *prauam* esse credat, quæ apud Catholicos illi nomini subest, *intelligentiam*. Quænam verò sit illa Catholicorum intelligentia *praua* atque periculosa, explicat Calvinus cum dicit excitari eo nomine cogitationem *dominij*, *quo voluntas flectere se in utramvis partem à seipsa possit*. Hæc est igitur illa res quam asseri putat Calvinus à Catholicis, cum ab illis asseritur liberum arbitrium: & quam ipse negat, dum illud quoque negat, voluntatem scilicet, quæ libera dicitur, non tantum non cogi aut vim pati, sed ita esse sui competentem, vt possit ipsa utrumvis, agere, vel non agere. Ergo si quid visum est condemnatione dignum in Caluino, fuerit illud, quod negauerit *voluntatem habere dominium sui actus: & posse agere vel non agere*. Quæ res est significata liberi arbitrij nomine.

CIX. Idem dicendum de Auctore peccati, Calvinum scilicet minimè damnatum quod contenderet nomen illud esse Deo tribuendum: quin potius id apertè negat multis locis, queriturque se grauari Catholicorum calunnia id ei tribuentium. Nam vt omittam id quod est in cap. 2. Instit. iuxta formam & partitionem antiquam anni 1545. *Cauendum esse, ne dum naturalia hominis mala* 2. In 2. cap. 1. f. 6 & 10. *demonstramus, ea videamur ad naturæ auctorem referre*, ita interpretatur illud Apostoli 2. Eph. vers. 3. *Eramus natura filij ire*, &c. vt natura illic intelligatur, *non qualis à Deo condita est, sed vt in Adam vitata fuit quod minimè consentaneum sit Deum fieri mortis Auctorem*. Ib. c. 4. f. 1. Et cum de irruptione Chaldæorum in Pastores ac greges Iobi disputat, Quomodo, *inquit*, idem opus ad Deum, ad Sathanam, ad hominem Auctorem referamus quin vel Sathanam, excusemus Dei consortio, vel Deum mali Auctorem prædicemus? Facile, si finem agendi primum inspiciamus, deinde modum. Et vbi finem hunc agendique modum in Deo, Dæmone, ac Chaldæis distinxit; ita concludit. Idem ergo facinus Deo, Sathanæ, homini assignari videmus non esse absurdum: sed varietas in fine & modo facit vt illic inculpara Dei iusticia reluceat, Sathanæ

1. Iust. cap
17. c. 6.
Non qu'il
soit Au-
theur du
mal, ou que
la coulpe
luy en puis-
se estre im-
putée.
Mais il
a des
moyens
admirables
de se servir
tellement
des Diab-
& des mes-
chans qu'il
sçait con-
vertir en
bien le mal
qu'ils font
& duquel
ils sont
coupables

» hominisque nequitia cum sua confusione se prodat. Qui-
bus patet Caluino minimè placere quòd Deus Auctor
peccari esse dicatur. Quod si quando significat Aucto-
rem illum esse suæ vindictæ, dum peccatum peccato
punit; eodem id sensu dixerit quem Aduersarij non ne-
gant, nempe vt ei tribuatur *iusus ac legitimus malitiæ usus*
vt ipse loquitur, *totum autem malum in hominibus deprehen-*
datur. Hæc ipsa est fidei confessio Calvinistarum art. 8.
» Non quod Auctor mali sit, aut quod ei culpa imputari
possit. Sed admirabiles ei suppetunt rationes Dæmo-
nibus sceleratisque ita vtendi, vt malum quod faciunt
cuiusque rei sunt, conuertere nouerit in bonum.
Ex quibus liquet, si quidem ad vsum vocum tantum
respiciamus, satis religiosum esse tum Caluinum tum Cal-
uinistas, vt caueant ne Deum Auctorem peccati esse di-
cant. Ergo si errant hac in parte, vt errare consentiunt
Catholici hæcenus omnes; superest vt hic esse dicatur
eorum error, quòd id quod verbo negant, reipsa fatean-
tur: & dum vocem reformidant, praua quæ illi subest in-
telligentiâ non terreantur. Neque hoc diffidentur Sal-
manticenses post Didacum. Dicunt enim Caluinum
Traçt 4 de
vol. Dei
disp. 10 n.
163. disp 14
de Auxilijs.

quo ad verborum sonum sentire Deum non esse Auctorem
peccati, re tamen verâ ei rationem prædictæ causæ tri-
buere.

C X. Probatur Quartò, quia nemo iure negauerit
damnatam esse Caluini de libero arbitrio sententiam, vt
antea probatum est. Sed hoc quod est voluntatem non
debere dici liberam, quòd agat sine coactione, si nihilo-
minus agat cum aliquâ necessitate extrinsecus immissâ,
non est damnatum: Ergo non hoc tantum dixit Calui-
nus: atque adeò non tantum negauit vsum vocis, sed
rem ipsam voce significatam. Assumptum probatur.
Quia magna pars Catholicorum liberè atque impunè
hoc asserit, nempe non esse dicendam liberam operatio-
nem illam, quam elicit voluntas sine coactione quidem,
sed non tamen sine aliquâ necessitate extrinsecus immis-
sâ, seu si maius ex diuinâ prædefinitione sequuta. Vnde
sequitur euidenter, nullam esse definitionem Ecclesiæ.

quâ damnatur iudicium illud, quod hoc non sit vocandum libertas, seu libera agendi facultas. Ergo vel nihil est damnatum in Caluino, vel aliquid aliud damnatum est.

Similiter cùm sit certum damnatam esse Caluini sententiam illam quâ Deum fecit Auctorem peccati: Si quis ita interpretetur vt dicat, hoc tantùm in Caluino esse damnatum, quòd illum agendi modum quem concipiebat putauerit ita esse exprimendum, vt ex eo diceretur Deus Auctor mali; non verò quòd reuera falsus sit ille modus, aut diuinâ bonitate sapientiaque indignus, eadẽ ratione conuinceretur. Quia scilicet maior pars Catholicorum idem iudicat, nec tamen errat aut Ecclesiæ repugnat. Maior, inquam, pars Catholicorum, censet rectè tribui nomen Auctoris peccati cuiuscumque causæ quæ ita concurrat ad malum, quo modo censet Caluinus Deum concurrere: Ergo si quid est damnatum in hac parte in Caluino, damnatum est iudicium de modo quo putauit Deum concurrere ad actus malos, non de vocibus quæ putauit modum illum exprimendum esse.

CXI. His positis, postulamus iam ab Aduersariis, vt ostendant ecquæ sit differentia inter rem illam quam ipsi vel asserunt vel negant, & illam quam asserunt vel negant etiam hæretici. Si enim nulla est, nec est igitur vlla inter ipsorum doctrinam & illam quæ damnata est.

Et Primò circa rationem liberi agentis vel liberæ actionis, postulamus quid tandem rei sit hominem esse liberum in agendo, vel actionem eius esse liberam? Et postquam excussimus omnia, ex Aduersariorum sententia nihil aliud inuenimus, quàm esse Dei prædeterminationem absolutam, efficacem, infallibilem, infrustrabilem, ex quâ sequatur actio voluntaris seclusâ coactione omni ac violentiâ, & suppositâ cognitionum mediocritate tali, quæ neque ratione obiecti quod repræsentant, neque ratione modi quo repræsentant, necessitatem agendi vllam inuehant, quam aliter vocant indifferentiam iudicij. Hæc est species libertatis quæ tum in voluntate reperitur, tum in eius actione, & hoc stante, stat res illa

nota quæ dicitur libertas. Interrogo autem quid ex illâ tabellâ deleat Calvinus, & consequenter, quid tollat eiusce rei quæ apud Thomistas libertas est? Nihil enim si tollat, errat tantum quod eam rem quæ libertas est nolit vocare libertatem, in quo tamen ut ostendi non est pertinax.

CXII. P. Ioannes à S. Thomâ variè respondet tum ar. 5. disp. 20. tum potissimum art. 7. Vbi ea refert quæ olim P. Lemos edisseruit coram Summo Pontifice, dum hæc causâ disceptaretur. Expendamus ergo paucis huiusmodi solutiones: & videamus quam scite P. Lemos hanc difficultatem in grauissimâ illâ disputatione diluerit.

Loco circa pag. 677. Calvinus non aliam inducit necessitatem in actus liberos quam consequentiam. 2. inst. c. 16. f. 9.

Calvinus, inquit, P. Ioan. à S. Thoma, posuit decretum Dei non *quomodocumque antecedens*, sed *neccesitans voluntatem*. Quam verò necessitatem intelligat explicat deinde P. Lemos cum dicit, Errasse Calvinum, quia non distinxit inter necessitatem consequentis tollentis libertatem, & necessitatem consequentiam saluantis libertatem. Audiamus igitur Calvinum, Interea quod statuit Deus sic necesse est euenire, ut tamen neque præcisè neque suapte naturâ necessarium sit. Exemplum in Christi ossibus familiare occurrit. Cum induerit corpus nostro simile, fragilia fuisse eius ossa nemo sanus negabit, quæ tamen frangi fuit impossibile. Vnde iterum videmus non temerè in scholis inuentas fuisse distinctiones, de necessitate SECUNDVM QUID ET ABSOLVTA: ITEM CONSEQUENTIS ET CONSEQUENTIAE. En ut Calvinus & distinctionem illam cognoscit quâ se Aduersarij saluos putant: & iuxta illam docet diuinum decretum non influere necessitatem consequentis in actionem ex eo sequutam, sed tantum necessitatem consequentiam, quo modo nec induxit in ossa Christi firmitatem quâ non essent in seipsis absolute fragilia, sed eam tantum quâ ex suppositione decreti & secundum quid fragilia non essent. Quasi diceret, in se ipsa & absolute seu præcisè à Dei decreto contingentem esse actionem prædefinitam: secundum quid & ex suppositione decreti esse necessariam: at-

que ita esse quidem necessariam actionis ex prædefinitione consequentiam ; sed esse illam consequentiam rei contingentis , seu non necessariæ in seipsa *præcisè & suapte natura & absolutè* , quæ doctrina quomodo differat ab Aduersariorum doctrina in hunc modum argumentando quærimus.

Necessitas consequentiæ quæ excludit necessitatem consequentis , est necessitas non destruens , sed seruans libertatem , vt loquitur P. Lemos : Necessitas quam Calvinus ex Dei decreto in nostras actiones deriuari putat , est necessitas consequentiæ , quæ necessitatem consequentis excludit , vt iam visum est. Ergo necessitas quam Calvinus deriuari putat in nostras actiones ex Dei decreto , non est destruens sed seruans potius libertatem.

At , inquiunt , Calvinus tamen putat hac necessitate libertatem destrui. *R.* Destrui putat libertatem vestram , siue rem illam quæ apud vos est libertas ; negatur : illam enim totam supponit , si quidem hac nihil aliud est quàm operari voluntatem cum indifferentiâ cognitionum ex prædefinitione inferente tantum necessitatem consequentiæ : destrui putat libertatem aliorum Catholicorum , siue rem illam quæ apud illos libertas est ; conceditur. Vnde istis aduersarij videtur re ipsa ; illis verò non apparet quomodo aduersetur , nisi tantum contrario vocationem vsu , & quidem sine pertinacia.

CXIII. Sed pergit P. Ióannes à S. Thoma. Calvinum ,^{1b pag. 677.} ponere decretum non prædeterminans seruando libertatem , vt dicunt Thomistæ & aperiendo cor , sed co-^{Calui- nus ne- gat coa- actionem} gendo voluntatem & claudendo eius indifferentiam. Et^{pag. 694.} deinde refert Archiepiscopi Armacani verba , illius qui disputationibus interfuit coram Summo Pontifice. Hic^{2. Inst. c. 21. §. 6 7. 8.} enim cum P. Lemos hunc nodum explicaret in Congregatione 38. subiicit , In hoc præcipuè Calvinum errasse , quòd non admisit efficaciam gratiæ nisi Co-^{gentem et necessitatem.} GENTEM ET NECESSITATEM. Sed de necessitate iam dictum est , de coactione Calvinum audiamus. Obtinuit autem in scholis distinctio quæ triplicem libertatem numerat , à necessitate primam , secundam à peccato , ter-

» tiam à miseria. Quarum prima sic homini naturaliter in-
 » hæreat, vt nequeat vlllo modo eripi, dux altera per pec-
 » catum sint amissæ. Hanc distinctionem ego libenter re-
 » cipio, nisi quòd illic NECESSITAS CVM COACTIONE
 » perperam confunditur, inter quas quantum sit discrimi-
 » nis & quàm necessariò considerandum, alibi apparebit.

En vt admittit Calvinus libertatem à necessitate quare-
 nus necessitas cum coactione confunditur, quod est ad-
 mittere libertatem à coactione, & quidem talem quæ
 non possit eripi. Vnde subdit postea, quod antea retuli-
 » mus. Liberi ergo arbitrij dictus est homo, non quia li-
 » beram habeat boni æquè ac mali electionem; Sed quia
 » voluntate malè agit non COACTIONE. Optimè id qui-
 dem &c. Deinde refert & approbat quod est ab Augu-
 stino dictum *Deum homines suis voluntatibus trahere* & vt
 Gallicè loquitur *Sans contrainte* quod est, *sine coactione*.
 Vnde illam similitudinem alibi reiecit, quâ dicuntur ho-
 mines à Deo moueri lapidum instar. Nullus est igitur ex
 hoc capite Caluini error. Neque dici potest coactionem
 vsquam aliter admisisse quàm prout coactio latè sumpta
 cum necessitate conuertitur, neque necessitatem, quàm
 vt vidimus, consequentiæ, in quo quantum ab Aduersa-
 rijs dissentiat, expectamus vt explicant.

CXIV. Iam quod dicit P. Ioannes à S. Th. Caluini de-
 cretum *non esse prædeterminans seruando libertatem*, hoc est,
 non esse prædeterminans ad liberè agendum, & in eo
 differre à decreto Thomistarum; ad illud pertinet quod
 Thomistæ dicunt, Deum non prædefinire tantùm actio-
 nes voluntatis quo-ad substantiam, sed etiam quo-ad
 modum libertatis: ac proinde tali prædefinitione liber-
 tatem nequaquam tolli, sed seruari potiùs. Sed in primis
 cauendus hic est ineptus verborum & cogitationum cir-
 culus, qualis esset, si dum interrogo quid rei sit apud
 Thomistas voluntatem esse liberam; responderent, id
 demum esse, voluntatem non subesse in agendo alteri
 prædefinitioni quàm ei quâ impellatur ad agendum li-
 berè. Hoc enim ipsum peto quid sit in re ipsa, volunta-
 tem impelli prædefinitione ad agendum liberè; seu præ-
 definiri

definiri actionem vt liberam, vel cum modo libertatis? Ad quod illi nihil habent aliud quod respondeant, nisi, hoc quod est voluntatem sic agere, vt nec ex obiectis eorum, ve propositione trahat vllam necessitatem, nec ex præuio Dei decreto aliam, quàm quæ dicitur, *consequentie*; non verò quam vocant *consequentis*; hoc, inquam, esse agere liberè, & prædeterminari ad sic agendum, idem esse cum eo quod est prædeterminari ad agendum liberè. Atqui Calvinus non agnoscit vllum decretum quàm quod ad sic agendum prædeterminat: quia totam semper agendi necessitatem petit ex diuina voluntate, nusquam verò ex obiectis, aut ex modo quo illa representantur: & illam necessitatem quam oriri putat ex Dei voluntate, negat esse necessitatem consequentis, sed esse necessitatem consequentiæ tantum, vt ipsemet dicit & explicat exemplo fragilitatis ossium Christi, vt paulo antè retulimus: Ergo Calvinus reipsâ putat Deum prædeterminare voluntatem ad agendum liberè, eo libertatis modo qui superesse potest in sententiâ Thomistarum: & in vsu vocum tantum ab ijs differt, idque non pertinaciter. Quod semper moneo à me dici more obiectantium & interrogando potius quàm affirmando.

Et quia quod Thomistæ dicunt *Deum aperire cor*, nec, *claudere illius indifferentiam*, eâ quam admittunt prædefinitione, sepositis verborum inuolucris ac tropis, & nudè sumptum, nihil est aliud reipsâ quàm quod dixi, nempe Deum prædefinire vt voluntas circa obiecta proposita ita necessariò versetur, vt hæc necessitas oriatur tantum ex prædefinitione, sitque necessitas consequentiæ non consequentis, sequitur in Caluini sententiâ, id ipsum sentiente, *aperiri etiam cor: nec claudi eius indifferentiam*, non secus atque in sententiâ Thomistarum quippe cum vtrisque esse videatur eadem clauis.

CXV. Nimirum habendum est præ oculis semper; id quod Thomistæ & olim & nuper docent de indifferentiâ iudicij, de qua Bannez ita loquitur. Quotiescumque actus voluntatis oritur ex prædicta radice iudicij, semper erit liber. Vnde rursus colligo, quidquid antecesserit, vel

Calvinus
non tollit
indiff: ren-
tiam iu-
dicij.
» 1. p. q. 19.
» att. 10.

„comitabitur, vel superuenerit ad actum voluntatis; si
 „non tollat iudicium illud circa medium respectu finis,
 „non destruet libertatem operationis. Hæc consequentia
 „euidens est, quia stante definitione actus liberi, necesse
 „est actum esse liberum: Atqui Calvinus decreto suo seu
 prædefinitione, non tollit iudicium illud: Ergo stat in
 eius sententiâ definitio actus liberi, atque adeo actum
 esse liberum.

Disp. 18.
 num. 23.

Didacus Aluarez dum explicat quomodo cum prædefinitione ad agendum stet simul potentia voluntatis ad non agendum, rationem hanc affert Quia quamuis libertas sit formaliter in voluntate, radicaliter tamen est in intellectu: & fundatur in indifferentiâ iudicij, quo intellectus iudicat bonum propositum voluntati non habere necessariam seu naturalem connexionem cum bono in communi ad quod naturaliter determinatur voluntas. Et quoniam intellectus pro isto statu quodcumque bonum proponat voluntati, illud proponit cum indifferentiâ iudicij, ideo manet libera respectu talis obiecti quoad exercitium. Iterum dum causam affert quare sit necessarius & non liber amor beatificus, eam esse dicit.

Disp. 21.
 num. 43.

„Quia fertur in Deum medio iudicio quo intellectus iudicat summum illud bonum habere necessariam connexionem cum bono in communi, ad quod naturaliter determinatur voluntas..... Hæc autem ratio non procedit de actibus quos voluntas producit in via, quamuis sint necessarii ex suppositione diuinæ voluntatis. Etenim decretum Dei non prædeterminat, nec mouet voluntatem ad illos medio iudicio naturaliter ad vnum determinato, sed medio rationis iudicio indifferenti, quo videlicet intellectus iudicat bonum illud prosequendum non habere necessariam connexionem cum bono ad quod amandum est naturaliter determinata voluntas, &c.

Disp. 38.
 l. 1. num. 3.

CXVI. His familia legere est apud Gonzalem. Cui Suarez licet, inquit, in utroque casu se verat probare non potest, amitti posse libertatem, stante indifferentiâ iudicij. Iudico enim, inquit, prorsus impossibile voluntatem etiam ab extrinseco necessitari posse,

circa obiectum indifferenter ei propositum.

Ex quibus facile est in hunc modum argumentari, Prædefinitio actuum eliciendorum stante indifferenti ex parte intellectus propositione obiectorum, circa quæ illi actus versantur, est prædefinitio actuum vt liberorum, seu cum modo libertatis re-ipsa, & est prædeterminatio ad agendum liberè re-ipsa : Sed prædefinitio Caluini, est prædefinitio actuum stante indifferenti ex parte intellectus propositione obiectorum circa quæ illi actus versantur : Ergo prædefinitio Caluini, est prædefinitio actuum vt liberorum, seu cum modo libertatis, & prædeterminatio ad agendum liberè re-ipsa. Maior est Adversariorum, minor patet. Tum quia Caluinus nullo vnquam loco negauit indifferentem illam obiectorum propositionem: tum quia semper in Dei decretum & non in nostras cogitationes retulit agendi necessitatem illam quam admittebat, quod est supponere nullam ex cognitionibus nostris seu iudicijs oriri agendi necessitatem: ac proinde obiecta indifferenter ab illis proponi: nec ignorauit id quod dicit Didacus, *pro isto statu quodcumque bonum proponatur, illud proponi cum prædicta indifferentia.*

CXVII. Addit P. Ioannes à S. Th. ex explicatione Patris Lemos, Thomistas admittere decretum, *non solum excitans, sicut Pelagius: non solum mouens sicut Caluinus; sed simul excitans, & mouens.* Est igitur hoc aliud discrimen, Quod Caluinus decretum inducat mouens tantum, non autem excitans. Ipsum audiamus, Hunc itaque in modum, & inchoat & perficit dominus bonum opus in nobis, vt illius sit quod recti amorem concipit voluntas, quod in eius studium inclinatur, quod ad eius sectandū conatum INCITATVR & mouetur. Quod si cui videatur non idem esse incitare. quod excitare, loquitur iterum Caluinus. Bisariam Deus in electis suis operatur: intus per spiritum, extra per verbum. Spiritu mentes illuminando, corda in iustitiæ amorem cultumque formando, nomine eos creaturam facit, Verbo ad eandem renouationem expetendam, quærendam asserendam EXCITAT. vtroque manus suæ efficaciam pro dispensationis suæ

Loc. cit.

pag. 694.

Caluinus

admittit

decretum

non solum

mouens

sed etiā

excitās.

Inst. c.

2.

modo exierit &c. An non hic Calvinus aperte *excitationem*, quam Pelagiani solum agnoscebant per legem & & prædicationem exterius sonantem cum sua motione coniungit? Quænam igitur est utriusque sententiæ differentia: & quid peccat Calvinus? Nam in Calvinistis nihil esse in hac parte quod Aduersarij meritò desiderent ostendit TVissius, cum dicit prædeterminationem physicam Angelo datam *fuisse cum MORALI EXCITATIONE coniunctam.*

Suprà disp.
1. n. 73.

Calvi-
nus non
errat in
conclu-
sione si
non er-
rat in
præmis-
sis, in il-
lis autē
videtur
verbo te-
nus dissen-
tire ab Ad-
uersarijs.

CXVIII. Respondet P. Ioannes à S. Th. Totum errorem Caluini consistere, non in illo antecedente, quòd datur decretum efficax & antecedenter mouens voluntatem, dum modo etiam excitet: Sed in illà illatione, quòd tale decretum tollit libertatem. Directè autem illi contradicere Thomistarum sententiam, quæ affirmat, quòd etiam dato tali antecedenti, non sequitur quòd libertas tollatur: Sed quòd à diuino decreto conseruetur. Verum illationis huiusmodi error non est error contra summulas dialecticorum; sed contra veram philosophiam, & contra fidem. Qui propterea reduci debet in errorem alicuius ex præmissis, quæ tales quædam esse possunt apud Calvinum. Aliquam actionem oriri necessario necessitate consequentiæ ex antecedenti prædefinitione Dei, est illam non esse liberam: Sed de facto nostræ omnes ita oriuntur: Ergo de facto non sunt liberæ. Cuius conclusionis errorem, quia Thomistæ nolunt aliò reducere quam in errorem maioris; peto vt ostendant, inter ipsos negantes illam maiorem, & Calvinum asserentem, aliam esse quæstionem quàm de nomine solo. Tota enim quæstio in eo posita est, vtum actio quæ talis est qualis ibi describitur, sit vocanda libera. Estque ille discursus huic omnino similis quo dico verbi gratia. *Æthiopem esse animal rationale nigrum, est Æthiopem non esse hominem: Sed reuera Æthiops est animal rationale nigrum: Ergo reuera Æthiops non est homo: vbi vides conclusionis errorem, refundendum esse in errorem maioris, quam qui affirmant de vocum intelligentiâ tantum contendere possunt cum negantibus. Alteri*

enim putant hominem significare animal rationale album: alteri præcisè animal rationale. Vnde fit vt ille qui concludit Æthiopem non esse hominem, nihil ab eo tollat eorum quæ alius ponit, quia nihil hominis illi deesse putat præter albedinem. Et qui concludit esse hominem; nihil pariter in eo ponit quod alius quoque non ponat, quia præcisè ponit tantum animal rationale. Eâdem omnino ratione Calvinus, dum superiore discursu concludit non esse liberas hominum actiones; nihil libertatis tollit, præter id, quod ne ipsi quidem Thomistæ ponunt, carentiam videlicet necessitatis consequentiæ prouenientis ex antecedenti Dei decreto; atque ita semper peto in quo illis contradicat, nisi quòd putet nomen liberæ actionis non esse vsurpandum vbi adest talis necessitas. Id quod ille vt sæpè moneo, se dicere testatur sine pertinacia, proindeque sine hæresi.

Frustra etiam est quod refert. P. Ioannes à S. Thomâ ex P. Lemos, Calvinum errare *quod negauerit gratiam sufficientem*. Loco cit. pag. 693.

Quia non quærimus iam qui sint alij Caluini errores; sed in quo propriè consistat ille, à quo nemo Catholicorum hætenus Calvinum absoluit, quo videlicet liberum arbitrium Dei prædefinitione destruitur.

CXIX. Denique iidem Auctores Caluino vitio verunt, quòd dixerit; Nullam dari gratiam excitantem, seu moraliter trahentem: sed solum vi physicâ mouentem, sicut bruta mouentur & sicut equus mouetur à sesfore, hoc enim exemplo eum uti. De gratia excitante moraliter iam dictum est. De illâ vero physica vi, deque similitudine sessoris & equi, audiamus Calvinum. Tum soluenda quæstio, an aliquid in malis operibus Deo sit tribuendum. In quibus nonnullam eius actionem intercedere scriptura insinuat. Alicubi Augustinus humanam voluntatem equo comparat sessoris nutum expectanti, Deum ac diabolum sessoribus.... Quâ similitudine QUANDO MELIOR NON OCCVRRIT in præsentia, contenti erimus. Vides ab Augustino sumptam esse similitudinem illam: ac proinde, si sufficeret ad iustam suspicionem, Augustinum ipsum fore suspectum. Vides insuper

Calvinus non censet homines moueri brutorum instar.

2. Inst. cap. 3.

2. 1^{us} cap
p. f. 14.

Cap. 1.

1b. f. 15.

ne illam quidem Caluino satis probatam, quando melioris defectum queritur, minus idoneam eo ipso testatus. Ut omittam agere tantum de actibus malis. Sed ut constet, quæ sit eius mens, nec dicere possit, se fidei accusari, cum tot sint vera eius crimina; illum iterum audiamus.

” Quod autem dicit alibi, *Augustinus*, non tolli gratia voluntatem, sed ex mala mutari in bonam, & cum bona fuerit adiuuari, significat tantum hominem non ita trahi, ut sine motu cordis quasi extraneo impulsu feratur, sed intus sic affici ut ex corde obsequatur. Et iterum de bonis operibus Augustini locum ex libro de corrept, & gr. sic proponit. Qua ratione Augustinus, dicis mihi, inquit, ergo agimur non agimus. Imò agis & ageris. & tunc benè agis, si à bono agaris. Spiritus Dei qui te agit, agentibus adiutor est; nomen adiutoris præscribit, quòd & tu aliquid agas. *Tum suum Caluinus Commentarium adhibet* Priore membro admonet actionem hominis non tolli Spiritus sancti motu: quia à natura est voluntas quæ requiritur ut ad bonum aspiret. Quod autem mox adiungit, ex nomine auxilij posse colligi, nos etiam aliquid agere; non conuenit ita accipere quasi seorsim aliquid nobis tribuat: sed ne foueat in nobis ignauiam, sic Dei actionem cum nostra conciliat, ut velle sit à natura, benè autem velle à gratia.

Et deinde cum dixisset diuinæ gratiæ in solidum esse quidquid agimus boni, subdit. Interim non negamus verissimum esse quod Augustinus docet, non destrui gratia voluntatem, sed magis reparari. Et mox. Nihil iam obstat quo minus rectè agere dicamus, quod agit Spiritus Dei in nobis, etiamsi à seipsa nihil conferat nostra voluntas, quòd ab eius gratia separaretur: ideoque memoria tenendum quòd alibi ex Augustino citauimus, frustra quosdam saragere ut in hominis voluntate quidquam boni proprium reperiant. Quidquid enim mixturæ ex liberi arbitrij virtute afferre student homines ad Dei gratiam, nihil aliud quàm eius corruptio est..... Etsi autem quidquid in voluntate boni est, ex mero Spiritus instinctu prouenit; quia tamen nobis naturaliter ingeni-

tum est velle; non abs re ea agere dicimur, quorum laudem sibi iure Deus vendicat: primò quia nostrum est, eius benignitate quidquid operatur in nobis modò non à nobis esse intelligamus. Deinde quia nostra est mens, nostra voluntas, nostrum studium quæ à Deo in bonum diriguntur. Non tolli actionem hominis: non destrui eius voluntatem, sed reparari: agere ipsum & non tantùm agi: affici ad agendum ex corde, sic etiam agere vt cum voluntate mens concurrat, an est agi more brutorum?

CjXX. Hæc sunt omnia ferè capita responsionis illius, quæ coram Summo Pontifice à P. Lemos tradita est. Quibus recensitis P. à S. Thoma sic concludit. Ecce quomodo exposita fuit sententia Caluini coram Summo Pontifice: vt ex hoc scire possimus quàm sine fundamentò nostra sententia fugilletur, ex eo quòd in aliquo conuenit vel non repugnat Caluinianæ, cùm tamen nulla doctrina magis è diametro illi repugnet quàm nostra. Sed iam liquet ex dictis, contrariâ potius demonstratione claudendam fuisse narrationem hanc, dicendumque, Ecce quàm incognita fuit Caluini doctrina Patri Lemos: & quàm parum probabile est, quod narrat P. Ioannes à S. Thoma, cùm ille perorasset, ita conticuisse Cardinalem Perronium, à quo fuerat interruptus, vt etiam annuere sibi visus. Quin etiam hoc quoque addendum fuit. Ecce quàm iusta est Defensorum Scientiæ Mediæ petitio, qui post tam longam tot annorum altercationem, adhuc quærunt, quæ sit re ipsa differentia inter Aduersariorum & Caluini doctrinam in ea præcisè dubitatione quâ petitur, sit ne aut non sit in homine liberi arbitrij vsus aliquis?

Quare concludo caput hoc, eo Syllogismo cuius maiorem propositionem suggerit P. Lemos apud P. Ioannem à S. Thomâ. Si Calvinus admitteret necessitatem consequentiæ ortam ex Dei efficaci voluntate, optimè consistere cum humanâ libertate, non erraret sed verè Catholicam doctrinam teneret. Atqui admittit necessitatem consequentiæ illam optimè consistere cum libertate.

te, hoc est, cum eâ re quam Thomistæ vocant libertatem, quamque ipse ita vocari permittit, vt multis iam ostensum est: Ergo vel ea res non est vera libertas, vel Caluinus non errat sed est hac in parte Catholicus. Quod vt semper moneo non tam asserendi gratiâ, quam inquirendi à me proponitur.

De Auctore peccati
sententia
Caluini.

CXXI. Sed restat aliud caput de Auctore peccati, de quo etiam petunt propugnatores Scientiæ Mediæ, quid minus ea de re Aduersarij quàm Calvinistæ dixerint. Atque hæc propriè est obiectio illa quam *stupidam* vocat P. Ioannes à S. Thomâ. Ait autem Caluinum ex Belcario Episcopo Metensi censuisse, *Deum necessitate miseros ad flagitia*: Bezam autem dicere omnia *necessariò* euenire ex immutabili Dei decreto: Christum *necessariò* proditum à Iuda, damnatum à Pilato &c. Sed hæc iam expedita sunt dum ostendimus Caluinum non aliam intelligere necessitatem, quàm eam quam Aduersarij non negant, nempe necessitatem consequentiæ.

Caluinus
scilicet
distin-
guere
inter
materiale
peccati
& for-
male.
1. Inst. c.
18. l. 4.

CXXII. Addit autem P. Lemos, errasse Caluinum
„ quia dixit, Deum ita mouere ad malum sicut ad bonum:
„ quòd nesciret distinguere inter actionem & entitatem vt.
„ est entitas & actio; & inter peccatum: non erraturum si
„ diceret concurrere Deum ad entitatem, nullo autem
„ modo mouere ad peccatum. Sed Caluinum audiamus
„ qui sibi obiectionem hanc ita proponit, Hoc modo sol-
„ uitur, imò sponte liquefcit altera obiectio. Si non modo
„ impiorum operâ vitur Deus; sed etiam consilia & affe-
„ ctus gubernat, scelerum omnium esse Auctorem: ac pro-
„ inde immerito damnari hominem si exequatur quod de-
„ creuit Deus. Hanc obiectionem soluit proposito exem-
„ plo defectionis decem tribuum à filio Salomonis ad Ie-
„ roboam, quam Deus tum decreuisse Caluino, tum con-
„ demnasse videtur: & sic loquitur. Videmus ergo vt Deus
„ perfidiam nolendo, defectionem tamen alio fine iuste
„ velit. En vt acutè distinguit *perfidie* malitiam, & *defectio-
nis* entitatem: & consequenter eo sensu negat Deum ita
mouere ad malas actiones sicut ad bonas; quod non
intendat

intendat illarum malitiam, sicut intendit istarum bonitatem.

Sed age; producamus alia huius distinctionis testimonia Quorum illud in primis videtur manifestum, quo dicit. Etenim **QVATENVS MALA SVNT** quæ malo animo perpetrant homines, Deo minime placere fateor. Eâ enim reduplicatio perspicuum est distinctionis signum inter *materiale & formale* alicuius actionis. Hoc etiam expressum est. Excæcatio impiorum, & quæcumque inde sequuntur flagitia, opera Sathanæ nuncupantur: quorum tamen causa extra humanam voluntatem quærenda non est, ex qua radix mali surgit, in qua fundamentum regni Sathanæ, hoc est peccatum residet. Longè est alia ratio diuinæ in talibus actionis, quæ ut certiùs nobis pateat, exemplo sit calamitas à Chaldæis sancto Iob illata. Tum descripta Iobi vastatione. Quomodo, inquit, idem opus ad Deum, ad Sathanam, ad hominem Auctorem referamus, quin vel Sathanam excusemus Dei consortio, vel Deum mali Auctorem prædicemus? Facile, si finem agendi primum inspiciamus, deinde modum. Domini consilium est serui sui patientiam calamitate exercere: Sathan molitur eum ad desperationem adigere: Chaldæi ex re aliena præter ius & fas lucrum quærere affectant. TANTA IN CONSILIIS DIVERSITAS OPVS IAM VALDE DISTINGVIT. IN MODO NON MINVS EST DISCRIMINIS. Sathanæ affligendum seruum suum Dominus permittit &c..... Proprie ergo agere dicitur Sathan in reprobis, in quibus regnum suum, hoc est nequitiae exercet. Dicitur & Deus suo modo agere, quod Sathan ipse instrumentum cum sit iræ eius nutu ac imperio huc atque illuc inflectit ad exequenda eius iusta iudicia... Idem ergo facinus Deo, Sathanæ, homini assignari videmus non esse absurdum. SED VARIETAS IN FINE ET MODO FACIT VT ILLIC INCVLPATA DEI IUSTITIA RELVCEAT, Sathanæ hominisque nequitia cum suâ confusione se prodet.

Tribuere actionem Deo, nequitiam homini, vel Sa-

DD dd

Lib. de
æterno
Dei
præd.
1. Iob. 6.
4. c. 1.
& 2.

thanæ, non est distinguere malitiam ab entitate actionis? Distinguere idem opus, & prout à Deo est assignare illi & *finem & modum* honestum; è contrario prout est ab homine ac diabolo assignare illi & finem & modum turpem, hoc est confundere turpitudinem cum actione? Deum quando cum dæmone concurrit agere *suo modo*, & exequi *iusta iudicia*: dæmonem quoque agere suo, & *exercere nequitie regnum*, hoc est concurrere vtrumque indistinctè: & Deum quidem ad illam actionem etiam ut mala est, aut dæmonem ad eandem ut est bona? Illud opus ut malum à Deo dicetur respici, in *quo inculpata eius relucet iustitia*? Respicietur igitur à Dæmone ut bonum, quamvis in eo illius *nequitia cum suâ confusione se prodât*. Et post tam disertam actionis & malitiæ distinctionem apud Caluinum, P. Lemos in facie solis huius, dicere non est veritus, ideo illum errasse quòd nesciret distinguere inter actionem & entitatem, ut est entitas & actio; & inter peccatum? Videat æquus Lector & iudicet: atque hoc etiam recolat quod dicit P. Ioannes à S. Thom. audito P. Lemos qui sic erat exorsus ad Cardinalem Perronium, *Illustrissime Domine ego dicam omnia que Calvinus dixit in hac materiâ*, tacuisse Perronium & annuere visum.

Loco cit.
pag. 691.

1. Inst. c.
17. f. 5.
& 6.

„ Mitto alium præterea locum ex Caluino, cum dicit,
„ Homines mala agendo iustæ Dei ordinationi servire, qui
„ pro suæ sapientiæ magnitudine ad benè agendum malis
„ instrumentis uti benè probèque nouit. Et, Totum in se
„ malum homines deprehendere; penes Deum non esse
„ nisi legitimum malitiæ usum. Quibus idipsum quod antea
„ diximus significat, in actione hominis malâ bonitatem
„ esse, ut actio Dei est; malitiam tantum ut est hominis.
„ Quare nullum ex hoc capite discriminè peti debet inter
„ ipsius & Aduersariorum sententiam:

1. Inst. c.
3. f. 5.

Ib. c. 1. f. 7.

Sed nec ex eo quod putauerit hominem peccare necessario & non liberè. Quia ut antea ostensum est, necessitatem non aliam intelligit, quam consequentiæ ab Aduersarijs etiam approbatam: de cætero peccare non inuitum, nec coactum, affectione animi propensissima

non violentâ coactione. Et si cui videatur id demum esse liberè peccare; non resistit, quòd logomachias oderit. Hæc igitur sit huius argumenti summa.

CXXIII. Calvinus verbo negat, re autem ipsa fatetur Deum esse Auctorem peccati, quod facere non potest nisi concipiendo in Deo quendam modum se habendi circa malas actiones, cui propriè conueniat hoc quod est *esse auctorem peccati*. Quærimus ergo quis sit ille modus, & quid super-addat ad eum etiam modum quem Aduersarij maximam partem concipiunt. Dicunt enim illi Deum decernere antecedenter & absolute atque efficaciter vt homo faciat actionem quæ mala est: & vt necessariò necessitate consequentiæ orta ex tali decreto illam faciat: & vt faciat cum cognitione prohibitionis & malitiæ: ac proinde in omnibus circumstantiis à quibus est impossibile malitiam abesse: atque in eum finem imprimere homini motionem efficacem. Et licet homo nequiter sequatur illam motionem, Deum tamen iuste id facere ac sanctè, quòd & idoneas habeat in adytis sapientiæ suæ ita faciendi rationes, idoneosque fines intendat: & modos etiam idoneos seruet in huius operis executione. Quærimus, inquam, quid ultra citra-ve Calvinus dicat. Nam quòd negat liberam esse hominis actionem hanc; constat non rejicere rem illam quæ apud Aduersarios est libertas, quæ scilicet excludit tantùm coactionem & vt ipsi putant necessitatem consequentis, seruatque indifferentiam iudicij. Cætera verò vtriusque sententiæ inter se in quo discrepent, inquirimus.

CXXIV. Nec quisquam dicat, vt est varium incertum-que ac versatile ingenium hæreticorum, Calvinum dicere contraria: & quæ adstruit iis locis quæ à nobis allata sunt, aliàs destruere. Proponenda enim essent testimonia illa priorum destructiua, quæ nusquam extant. Et cum nos contradictionis alteram partem apertè producamus; Aduersarij nisi producant alteram; causa nobis erit adiudicanda. Præsertim cum & Calvinistæ rigidi, qui contra Molles Caluino inhæserunt, soluendæ huius difficultatis

rationem quam illi exhibuerunt contra quos disputamus, ardentem amplectantur; ut videre est apud Amesium contra Bellarminum: & Molinæum in Anatome Arminianismi (quos diceret dum quæstionem hanc tractant audiisse in Schola Didaci Alvarez) & recentiores aliqui Thomistæ fateantur se laborare in inueniendâ illius utriusque sententiæ distinctione, ut constat ex Ioanne Gonzales suprà citato.

Sup. n. 105

Gonzalis
sententia
de concur-
su ad actus
males.

1 p. disp 59.
num 13.

CXXV. Sed neque Gonzales ipse sociorum doctrinam satis aptâ ratione corrigere videtur cum dicit, ideo Deum non esse Auctorem peccati, tametsi prædefiniat malas hominum actiones, quatenus actiones sunt; quia non prædefinit *purè positiuè sed positiuè simul & permissiuè: & non per se directè ac determinatè; sed ut vniuersalis motor cooperando alicui causæ creatæ.* Non est, inquam, idonea hæc ratio. Quia recurrimus statim ad primum Angeli peccatum, atque Adami, & quærimus, quænam fuerit causa illa creata quæ postulauit ut Deus tanquam Motor vniuersalis prædefiniret actum malitiæ substratum? An illam negauerit Calvinus: ac proinde an negauerit eo sensu Deum positiuè simul ac permissiuè concurrere? Quod si quæ natura fuerit, quæ requireret determinationem ad malum ab vniuersali Motore; an non ipsa mala fuerit ante peccatum? Et consequenter an non fuerit Deus qui talem condidit, malorum Auctor naturarum, ut displicere nequeat Calvinus, nisi Manichæus arriserit? Sed si verum dixisset P. Lemos, dum dixit Calvinum asseruisse prædefinitiones malorum actuum, tantum post præuissum Adami peccatum; nonne ille obtendere iam posset eandem esse suam & Gonzalis sententiam; quippe qui supposita tantum naturæ deprauatione diceret Deum subire rationem vniuersalis Motoris, & non prædefinire malas actiones nisi cooperando alicui causæ creatæ, quæ videretur illi ad hoc esse disposita? Vna scilicet esse posset difficilis huius nodi expediendi via; si sequeremur illorum Thomistarum sententiam quos Gonzales memorat, quosque Ledesma dicit esse *sapientissimos viros* qui

Loc. cit. n. 1.

prædeterminationem diuini decreti respectu actus peccaminosi præcisè negant: & Franciscum Cumel audiremus dicentem illam sententiam, neque veram esse neque sanctæ doctrinæ consonam apud eundem Ledesnam. Nos tantum aliorum verba referimus, non censuramus, ad imitationem Aduersariorum.

De Auxiliis
art. 18. p. 393

CXXVI. Sed quia P. Ioannes à S. Thoma illius quam obiecimus conspirationis suspicionem non repellit modò, sed aspergere in nos conatur; expendenda breuiter sunt quæ regerit. Dicit ergo in Congregatione 37. coram Summo Pontifice P. Lemos ostendisse nostram sententiam minus repugnare minusque opponi Caluino quàm Thomistarum, hoc ferè argumento, quo concluditur nos ire in extremos errores tum Pelagij tum Caluini. Ea enim sententia cuius est principium illud ad quod reducuntur & Caluini & Pelagij errores, vtrique magis fauere censenda est: Sed talis est sententia Defensorum Scientiæ Mediæ: Ergo &c. Probatur minor. Hoc enim principium, *Voluntas Dei efficaciter mouens antecedenter, & hominum libertas non stant simul*, est principium quo vtuntur Defensores Scientiæ Mediæ: Sed in illud resoluitur error Pelagij, qui subsumit istam minorem quæ est de fide, *Sed stare debet hominum libertas*: Vnde sequitur conclusio ista hæretica, inquit, P. Ioannes à S. Thomâ, *Ergo non datur Dei voluntas efficaciter mouens antecedenter*. Resoluitur in id ipsum error Caluini, qui subsumit istam minorem, *quæ ponitur esse de fide, Sed datur Dei voluntas efficaciter mouens antecedenter*: vnde sequitur conclusio hæretica: Ergo non saluatur hominum libertas.

Loco cit.
pag. 624.

¶ R. Cogitandum esse Aduersariis quâ ratione impediri possit ne hoc argumentum desinat vel in temerariam censuram, dum hæreticam vocat propositionem quam Sancta Sedes eodem iure donauit quo eius contradictoriam, prohibetâ quacumque notâ; vel in æquiuocationem inutilem, dum *mouens efficaciter & antecedenter* alio atque alio modo sumit: vel in palpabilem ignorance, dum Caluinum sensisse putat quæ nunquam cogitauit.

An possit
in nos re-
torqueri
superior
obiectio.

Accipio enim conclusionem illam, quam vocant *Peltigianam* & *Hæreticam*, *Non datur Dei voluntas efficaciter mouens antecedenter*: & cum sit duplex motionis modus, vnus physicè prædeterminatiuus necessariò inferens actionem creatæ voluntatis independenter ab omni eius præuisione etiam conditionatâ, qualem admittunt Thomistæ; alius qui nec illum prædeterminationis, nec illum illationis modum habet, qualis admittitur à Defensoribus Scientiæ Mediæ; quæro quo modo intelligant conclusionem illam, *Non dari voluntatem Dei mouentem antecedenter & efficaciter*? An primo tantummodo, an etiam secundo? Si primo; temeraria vt dixi censura est, quòd cautum sit ne inuratur nota negantibus hoc in loco doctrinam Thomistarum: Si secundo; ascendamus iam ad maiorem, quod est Principium illud in quo Caluinus cum Pelagio conuenire dicitur, *Voluntas Dei efficaciter mouens antecedenter, & hominum libertas non stant simul*? & interrogo vtrum id mouens hîc quoque significet illum motionis modum quem intelligunt Defensores Scientiæ Mediæ? Si non illum, laborat igitur argumentum in æquiuioco vt dici solet, sumiturque *mouens* alio sensu in maiori & alio in conclusione: Si etiam illum, falsum est igitur hoc esse principium Caluini. Motio enim quam ipse intelligit, & quâ destrui putat libertatem, non est illa mitior ac temperatior quam putat multis ante sæculis approbatam à Patribus & Scholasticis, *Voluntatem*, inquit, *sic mouet Deus, non qualiter multis sæculis creditum est, vt nostræ postea electionis sit consentire*, &c. Vbi vides non quamuis motionem videri Caluino contrariam libertati, sed eam tantum quam vnâ ipse putat veram, reiectâ quam sectabantur Catholici. Atque hæc de prior argumentatione quæ dicebatur esse Pelagij.

De posteriore quæ est Caluini, similiter peto designatâ illâ minore quam dicunt esse de fide, *Sed datur antecedens voluntas efficaciter mouens*, quem modum motionis intelligant, an eorum qui negant Scientiam Mediæ; an eorum qui affirmant; an indifferenter alteru-

trum? si primum, excedunt Aduersarij dum dicunt suam doctrinam hac in parte esse de fide: si secundum, aut tertium, aut æquiuocè argumentantur quòd eo modo non possit maior intelligi, vt dixi: aut si contendunt etiam eodem modo intelligi maiorem; Caluini doctrinam ignorant, qui vt ostensum est, nunquam eo sensu negauit stare Dei motionem cum libertate.

CXXXVII. Restabat examen eorum quæ Salmanticenses afferunt, vt ostendant illud quod tantopere quærimus discrimen, inter Aduersarios & Caluinistas in hac quæstione de Auctore peccati. Sed sufficiunt ea quæ diximus ad hos quoque confutandos.

Summa videlicet doctrinæ huius est, malum actum distinguui primum in materiale, quæ est ipsa entitas, & formale, quæ est ipsa malitia: tum ipsum materiale iterum distinguui. Sumi enim posse vel materialiter, vt sit entitas præcisè & specificatiuè, vel formaliter vt intelligatur entitas, non præcisè sed prout fundans malitiam reduplicatiuè: Ergo in formale peccati, neque Deum prædefinitione, neque hominem actione suâ directè ferri: In materiale materialiter sumptum, Deum ferri suâ prædefinitione iuxta Thomistas: In materiale formaliter sumptum, iuxta veram sententiam hominem ferri actione suâ, proptereaque indirectè in malitiam ferri: In idem etiam materiale formaliter sumptum iuxta sententiam Caluini Deum ferri suâ prædefinitione: ac proinde in ipsam etiam malitiam tendere indirectè sicuti hominem: licet ideo non peccet, quia non est legi subiectus vt homo. Atque ita differentia in inter Thomistarum & Caluini sententiam tam esse, Quod etsi Caluinus neget Deum prædefinire formale peccati, dicit tamen prædefinire materiale peccati formaliter sumptum, Thomistæ autem dicunt tantum Deum prædefinire materiale peccati materialiter sumptum. Hæc illi.

CXXXVIII. Verum quia longum esset persequi cætera illius distinctionis vitia, hoc tantum dico. In primis Caluinum eiusmodi verbis nunquam usum: esse ve-

Tr. 4. d. 10.

Salmanti-
censium
cogitatio
vt negetur
Deus esse
Auctor
peccati.

rò vsum æquiualentibus Salmanticensium erit ostendere: ego interea non esse vsum euidenter monstro. Quia Deum & homine tendere in materiale peccati formaliter sumptum, quod est tendere indirectè in malitiam, est tendere eodem modo, vt per se patet: atqui ex Caluino Deus & homo non eodem modo tendunt: Ergo, &c. Probatum assumptum ex loco iam allato, in quo manifestum est in irruptione Chaldæorum in greges Iobi, Caluinum ex *diuerso fine* atque *agendi modo*, sic Deum à Chaldæis distinguere, vt ex eo *inculpata maneat Dei iustitia*, Chaldæorum autem *nequitia*, cum sua *confusione se prodatur*. Quâ igitur fide iam dicemus ex Caluino Deum ac Chaldæos circa prædationem illam eodem se modo habuisse?


Sed de his satis, deque totâ Scientiæ Mediæ Defensione quam irruentium confertim Aduersariorum impetus extorsit. Superest vt quæ sparsim agitata sunt breui Epilogo complectamur.





EPILOGVS SVPERIORVM DISPVATIONVM,

ET BREVIS SVMMA DOCTRINÆ
De Scientiâ Mediâ.

I.  **Q**UÆRITVR Vtrum Deus antequam sit constitutum an Paulus verbi gratia ad talem concionem iturus sit, vel etiam postquam constitutum est re ipsa non iturum, certò sciat quem affectum liberè conciperet illius voluntas, si tamen iret: Item, vtrum antequam sit constitutum an Ioannes ad talem comœdiam iturus sit, vel etiam postquam constitutum est re verâ non iturum; certò sciat quem affectum liberè conciperet illius voluntas, si tamen iret.

Assertores Scientiæ Mediæ contendunt Deum vtrumque certò scire, quin & Thomistæ passim videri nolunt id vnquam negauisse. Vnde tota restat controuersia de ratione quâ nititur illa Dei scientia. Thomistæ siquidem contendunt, Deum hoc tantùm scire per decretum con-

E E e

ditionatum ex parte obiecti, absolutè autem existens ex parte actus, quo dicit, *Volo vt si talem concionem ille audiat talem affectum liberè concipiat, & si tali comœdia ille assistat, tali etiam motu liberè moueatur.* Et hanc Dei scientiam licet fateantur esse *conditionatam*, negant tamen esse *mediam*, ex eo tantùm quòd sit decretis illis posterior. E contrario alij putant nulla esse huiusmodi decreta scientiam illam *conditionatam* antecedentia, & quia hoc est scientiam *conditionatam* esse *mediam* ex communi consensu, ideo absolutè dicunt in Deo dari Scientiam *Mediam*. II. Eò igitur, vt vides, Lector, tota hæc controuersia vergit, sint-ne an non sint isthæc decreta. Non esse contendunt Assertores Scientiæ Mediæ sequentibus argumentis.

Primum petitur ex nouitate doctrinæ adstruentis huiusmodi decreta: quam nouitatem probamus interrogando, quis ante hos annos ineuntis huius sæculi vel superioris exeuntis, theologiam hanc vel expresserit vel supposuerit? Quis, inquam, Deum cogitauit de nusquam existentibus ita sollicitum, vt pars quædam eius prouidentię illos etiam hominum actus dirigeret, qui nunquam erunt, faceretque alios conditionatè futuros, alios non futuros? Quis has Deo curas hætenus imposuit, *Volo vt si vellem Petrum ire in talem concionem, determinaret se liberè ad talem affectum. Volo vt si vellem Paulum interesse tali comœdiæ, conciperet liberè talem voluntatem?*

Eàdem verò ratione probamus antiquitatem Scientiæ Mediæ. Esse enim antiquam huius scientiæ doctrinam non est aliud, quàm olim esse creditum esse scientiam liberorum actuum conditionatè futurorum, & non esse credita decreta ex quibus illa pendeat: Atqui reuera creditum est olim esse illam scientiam, & non est creditum esse decreta hæc: Ergo, &c. Maior patet. Minoris prima pars, quòd scilicet cognita fuerit olim & approbata scientia illa, iam vltro conceditur ab Aduersariis: secunda pars, quòd non fuerint cognita decreta, probamus exigendo vt aliqua eorùm vestigia nobis ostendantur: si nulla enim apparent apud veteres scriptores, restat vt iam

mirari merito possimus sicuti ad conspectum nouorum fructuum.

Et hoc modo rejicimus in Aduersarios totum onus conciliandæ authoritatis. Cum enim duo capita contineat nostra sententia, quorum primum est affirmatiuum scientiæ conditionatæ, vt olim cognitæ; secundum est negatiuum decretorum illorum: Primum, quod solum probationem requirebat à testimoniis antiquorum, iam conceditur: Secundum, de quo tota est controuersia, quodque sola negatione à nobis defenditur, probationes Aduersariorum expectare debet, quæ nullæ adhuc apparuere satis idoneæ, vt constabit ex solutione obiectionum.

III. Sed Probamus Secundò positiuè nulla esse decreta illa, inuertendo ac retorquendo coniecturam Aduersariorum quæ hoc assumit, nihil esse quocumque modo futurum, quod non sit aliquà Dei voluntate præuià futurum. Constat enim apud Patres etiam de futuris absolute contrarium potius dicendum esse, ex his duobus pronuntiatis quæ passim apud eos occurrunt. Primum est, Præscientiam latius patere prædestinatione seu prædefinitione: nec debere credi à Deo prædestinata vel prædefinita quæcumque ab illo præscita sunt, vt futura. Secundum est. Diuinam præscientiam non esse rationem cur futura sint ea quæ homines liberè faciunt; Sed è contrario quia hæc sunt liberè futura, rationem esse cur ea Deus præsciat: quæ cogitatio neque vera neque probabilis esse potest, si est necessaria futuris omnibus prædefinitio.

vid. supra
disp. 1. n. 30.
& disp. 2.
n. 12. & seq.

Atque hoc ita est perspicuum, vt Guillelmus TVissius non dubitet quin ea fuerit sententia SS. Patrum qui Augustinum præcesserunt; quin & ipsius etiam Augustini antequam illum Pelagiana hæresis acueret: in quo nihil quidem mirum est quod Calvinista Caluino concinat, qui solum Augustinum excipit à censura cæterorum Patrum in hac de libero arbitrio & præscientia Dei controuersia: sed est mirabile hoc iudicium adeo placuisse nuperis Pseudo-Augustini Patronis, vt postquam

Supra disp.
num. 51.

1. Inst. c. 1.
l. 4. & 2.

E E e ij

sequuturi peccati non impedierit voluntatem creandi peccatorem? Et quia non fuit alia præscientia quæ posset impedire nisi conditionata; consequenter illam tantum intellexerit Augustinus. Rursus, si scientiam illam præcessisset conditionata prædefinitio, nulla superesset ratio dubitandi, essetque inutilis & absurda interrogatio. Nam cum tota ratio dubitandi petatur ex eo, quod videatur repugnare diuinæ bonitati ut iis beneficiat, quos præscit abusuros beneficio suo, eoque miseros & infeliciores euasuros, cuinam videatur probabilis illa repugnantia, qui putet non repugnare diuinæ bonitati quod illum absum prædefinierit? Fac inquam, persuasum esse Augustino, Dei decreto constitutum, ut si crearetur Angelus, conciperet voluntatem quæ scitur esse non posse nisi mala; nec illam aliter fuisse futuram ex hypothesi creationis, quam quia sic à Deo decretum est; potestne illi mirum videri aut indignum Deo, quod huiusmodi Angelum creare voluerit? Et numquid potius querendum fuit, cur Deus qui bonus est, præter & supra omnem exigentiam decreto suo futuram fecerit illam voluntatem, quam cur postquam & fecisset & sciret futuram, non abstinerit à creando Angelo? Quid malum habet hoc quod est creare quem scias peccaturum; quod non habeat hoc quod est fecisse ut peccaturus esset? Et qui de hoc nihil suspicatur quin possit à Deo fieri, hæere potest circa illud? Et cum dubitationis illius iste sit sensus, quare Deus non impedierit ne futurum esset peccatum non creando peccaturum; an Deus Augustino videri potuit impedire debuisse peccaturum, qui sciret debuisse prædefinire ut peccaturus esset? Sed si esset vlla talium actuum prædefinitio, quare potius videretur Deus debuisse peccatum impedire non creando peccatorem; quam non prædefiniendo peccatum? Et quare potius interrogaret Augustinus cur Deus peccatum, hoc est malam actionem fecisset ex hypothesi futuram; quam cur ipsum peccatorem condidisset? Hoc est, quare potius non suppressisset peccatum omisâ illius prædefinitione, quam peccatorem negatâ creatione? Erat enim compen-

diosior illa via faciliorque ac melior, seruata causâ, effectum præuenire nociturum, quàm excindere vtrumque & causam & effectum. Nec si esset in potestate agricolæ, vt ex eadem arbore nascerentur boni vel mali fructus pro eius arbitratu, quisquam ab eo quæsierit, cur non succidat arborem quæ malos fructus proferat, potius quàm cur faciat vt malos proferat, cum possit eadem ratione bonos procurare.

Atqui Augustinus ita interrogat dum petit quare Deus Angelum hominem-ue creauerit, quos sciret peccaturos. Nempe quia numquam credidit pro eius arbitrio factum vt scirentur peccaturi potius quam non peccaturi. Et ideo in illo malorum prouentu ex parte Dei nihil aliud agnoscit quàm hoc quod est, *Sinere*, hoc est non impedire vt mala sint, cum dicit, ideo Deum creasse peccaturos, quia vidit *melius esse de malis benefacere, quàm mala esse NON SINERE*. Atque ita fructum occasione malorum actuum colligendum proponit, non vt motiuum cuius gratiâ Deus potuerit illos prædefinire; sed tantum cuius Deus potuerit illos esse *sinere*, quod est permittere. Quâ cogitatione satis constat supposuisse Augustinum futuritionem illam malorum actuum nequaquam habere causam in præsentia aliquo Dei decreto, sed in suppositione possibili causæ liberæ omnibus ad agendum prærequisitis instructæ.

Supra disp.
1. cap. 4.
§. 3. num.
33.

3. Probatur hoc vltcrius ex eo quod Augustinus colligit ex futuritione conditionata¹ pœnitentiæ Tyriorum, scilicet, *habere quosdam naturaliter diuinum manus intelligentia, si congrua suis mentibus vel audiant dicta, vel facta conspiciant*, quod est esse quosdam *naturaliter* dociles, seu non adeò resistentes diuinæ vocationi. Diceret autem sine dubio de conditionatè obdurandis, hinc apparere similiter in aliquibus esse naturam indocilem, & quoddam impedimentum obediendi *naturaliter* insitum. At tota hæc obseruatio euanescit, si neque obedientia illa Tyriorum, nec aliorum ista pertinacia, futura est aliter quàm quia vt esset prædefinitum est efficaciter à Deo atque ineuitabiliter. Fit enim inde vt ea prædefinitione seclusâ, neque

Tyrij conuertendi fuerint, nec alij obdurandi: commutata verò, & obdurandi fuerint Tyrij & alij quicumque molliendi & conuertendi: vt nulla ratio superfit inferendi exinde variam indolem & diuersam naturarum conditionem.

4. Probat^{ur} ex eo quòd aliis Patribus Origenem inter & Augustinum positis, incognitæ fuerint, ac tacite saltem improbatæ huiusmodi prædefinitiones, quod adeò notum est, vt ideo putentur à Iansenistis *impegisse* in errorem, qui postea fuit Semipelagianorum: hinc enim sequitur manifestè, Augustino quoque nec cognitæ fuisse nec probatas: probatur sequela. Quia constat ex libris contra Iulianum, & ex responsis ad Prosperum atque Hilarium, Augustinum Pelagianos ac Semipelagianos insectantem vsu esse testimoniis SS. Patrum illorum quorum fuisse sententiam explicat. Quis autem adeò incautum illum atque imprudentem fuisse puter, vt eam auctoritatem aduersariis objiceret, cui non pareret ipse, nec videret eo se præiudicio damnandum, quando constaret illos pro libero arbitrio contra gratuitas prædefinitiones sterisse, ipse vero contra pro gratuiti prædefinitionibus pugnaret contra vires liberi arbitrij.

5. Eodem modo licet argumentari ex eo quod iidem ^{Loco cit. co. 1 l. 7.} assumunt, Latinos ita sequuturos Augustinum in his controuersijs, quemadmodum Græci sequuti fuerant Origenem. Vnde infero, non fuisse cognitæ Augustino conditionatas prædefinitiones, si non fuere cognitæ succedentibus in Ecclesia Latinâ Doctoribus: atqui constat minimè istis cognitæ fuisse. ex toto §. 4. cap. 2. disp. 1. vbi monstratur quæ fuerit mens Præcipuorum Patrum ac Doctorum qui à tempore Augustini floruerunt: quem Catalogum augere possumus ex confessione Aduersariorum, qui dum varias in hisce quæstionibus sententias earumque Sædatores recitant, è veteribus, Scholasticis præsertim, multis nominant liberorum actuum prædefinitionibus aduersantes. Videri potest eorum enumeratio apud Ledesnam.

V. Atque hæc valere debent non solum ad aperiendam

Quæst. viii
de Auxilijs
pag. 7. Item
m. art. 2.
p. 72 & art.
12. pag. 189.

& art. 13.
p. 301. iuxta
Edit. an.
16. 1. Sal-
manticæ.

Augustini mentem, sed etiam ad probandum Quartò immediatè quod intendimus, prædefinitiones has conditionatas minimè admittendas esse. Cùm enim eadem sit semper infallibilitas Ecclesiæ, eademque omni tempore authoritas; consequens est id omne quod ad Ecclesiasticum sensum propius accedit, censerì quoque debere à fidelibus accedere propius ad veritatem. Ad assequendum porro sensum Ecclesiæ; illa ut opinor coniectura est optima, quæ petitur ex communi sententiâ Patrum Doctorumque, quando rem dicunt inter Orthodoxos minimè controuersam. Et eâ tantùm ratione solemus vrgerè hæreticos, qui se Antiquam audituros Ecclesiam pollicentur. Petimus nempe ut illius Ecclesiæ sensum in antiquorum Patrum monumentis ita inquirant: & quod eorum plerique affirmatè dixerint: id Ecclesiæ doctrinæ consentaneum fuisse non dubitent. Eodem ergo iure postulare nunc possumus, ut quæ fuerit mens Ecclesiæ iam inde ab Augustini ætate ad hæc vsque tempora, intueamur in eorum Patrum Doctorumque scriptis quos constat in sinu Ecclesiæ & didicisse & docuisse & scripsisse, & vixisse. Et quia constat ex Leone magno, ex Prospero Aquitano, ex Fulgentio, ex Patribus Arausicanis, ex Valentinis, ex Eucherio Lugdunensi, ex Leone IX. ex Anselmo, ex Magistro sententiarum, ex S. Thoma, quibus addi possunt, consentientibus Aduersariis, & Sadoletus Cardinalis, & Osorius Archiepiscopus, & quamuis omitant illum, Belcarius Episcopus, atque alij Scholastici tum Nominales, tum Scotistæ; quia, inquam, ex his authoribus constat, esse aliqua præscita quæ prædestinata, prædeterminata, prædefinita non sunt; petimus ut vel illos, vel tot, vel tantos eorumdem temporum Scriptores orthodoxos producant, qui ea de re controuersiam aliis fecerint: quod si præstare non poterunt; reliquum est, ut eam doctrinam quæ statuit non omnia esse prædefinita quæ præscita sunt, hoc est non omnia esse prædefinita quæ sunt futura, magis esse consentaneam Ecclesiæ sensui, fateantur.

Idem
supra.

Jam si verò si concedunt hoc esse intelligendum de futuris

turis

turis tantum conditionatè, habemus intentum & Scientia Media recipitur, si de absolutis, necessaria est ab illis ad conditionata deductio. Prædefinitio enim conditionata positâ conditione transit in absolutam, efficitque ut absolute futurum sit, quod erat tantum conditionatè prædefinitum, ut ideo impossibile sit negare prædefinitum esse quod est absolute futurum, si conceditur illud ipsum fuisse prædefinitum ut esset futurum conditionatè. Ut omittam vel nullam esse rationem, vel minorem, ut dicatur necessaria prædefinitio futuris conditionatè, quàm futuris absolute. Sed hoc argumentum fusiùs tractatur loco iam citato ex disp. 1. ubi etiam confutantur effugia inutilium distinctionum, illius præsertim quâ dicuntur non esse omnia prædefinita secundum aliquam formalitatem v. g. sub ratione mali, esse tamen prædefinita secundum substantiam: de quo vide quæ antea dicta sunt.

Disp. 1. c. 3.
§ 4.

Supra disp.
1. cap. § 3.
per totum.

VI. Quintò excluduntur etiam prædefinitiones conditionatæ verbis Christi loco illo Matth. 11. v. 21. *Vae tibi Corozain . . . quia si in Tyro &c. quibus Aduersarij iam non negant significari conditionatè futuram Tyriorum & Sidoniorum poenitentiam.* Quo posito in primis est euidens verbis illis contineri quandam increpationem obstinationis Iudæorum, ut comparatæ cum futurâ ex hypothesi Tyriorum obedientiâ & docilitate. Deinde etiam certum est ac de fide, iustam esse increpationem hanc & omnino consentaneam rationi, ut pote ab æquissimo Deo ac sapientissimo profectam. Tertio est manifestum lumine naturali, esse iniquas obiurgationes quibus nequiores meliorum comparatione perstringuntur, si non sit par ratio & obligationis & facultatis ad bene operandum, & auxiliorum omnium, ita ut verè possit obijcere ille cui alter præfertur, *si ego habuissem auxilia omnia quæ ille habuit, nihil minus fecissem quàm ille: & ille, si non fuisset magis adiutus quàm ego, nihil etiam maius fecisset quàm ego fecerim.* Vnde superest quartò ut videamus an non talem aliquam excusationem habeant Iudæi, si verum est Tyriorum illam poenitentiam conditionatè

Vide supra
disp. 1. c. 4.

prædefinitam: nec aliter esse futuram, quàm quia prædefinita est: quod argumentum tractatur disp^t i. cap. 5. §. 3. præsertim à num. 60.

VII. Sextò est argumentum quod communiter proponitur, & cuius adhuc expectatur solutio. Implicare scilicet liberorum actuum prædefinitiones illas efficaces, eo quòd destruant obiectum suum, & dum tendunt in actus liberos faciant illos necessarios. Implicat enim prædefinitionem Dei absolutam & efficacem frustrari effectu suo: ac proinde nulla est, quæ non habeat adiunctam necessitatem efficiendi quod prædefinit. Ergo si prædefinit actum liberum, est in illa necessitas efficiendi vt actus sit liber: atque ita necessariò facit actum esse liberum. Iam verò implicat vt aliqua causâ necessariò producat actum liberum, quin actus liber ab illa necessariò producat, vt patet ex terminis: sed prædefinitio necessariò producit actum liberum, ex concessis: ego actus liber ab eâ necessariò producit. Hoc autem dico implicare contradictionem. Quia de ratione actus liberi est, vt non producat necessariò vllâ necessitate *quam non faciat* voluntas cui liber est, vel *quæ non descendat* de tali voluntate, vt loquitur Anselmus: vnde si actus liber producit necessariò necessitate ortâ ex prædefinitione, est & non est liber.

Explicatur hoc ampliùs, Quia prædefinitio non causat tantum modum libertatis in actu, sed & substantiam ipsam, seu existentiam talis actus: neque per illam Deus tantum dicit, volo vt si operetur homo liberè operetur; sed omnino dicit, volo vt & operetur homo & liberè operetur. Ergo necessariò vtrumque præstat atque efficit hæc prædefinitio, nempe vt & sit operatio, & sit libera, quod implicat. Quia vt sit libera non debet esse necessariò, vllâ necessitate quæ non descendat de voluntate cui libera est. Atque ita non potest esse vllus alius sensus decreti prædefinientis actum liberum, seclusâ Scientiâ Mediâ, quàm iste, *prædefinitio vt ille actus eliciatur à tali causâ, sine vllâ prædefinitione*. Quia vt sit liber, debet fieri sine vllâ causâ quæ distincta sit à volun-

tate agente liberè, & quæ tamen inferat necessariò actum ipsum: Sed prædefinitio & distincta est, & actum infert necessariò: Ergo vt sit liber, fieri debet sine tali prædefinitione: Ergo prædefiniri vt fiat liberè, est prædefiniri vt fiat sine prædefinitione. Sed vide quæ antea dicta sunt, vbi excluduntur euasiones consuetæ de necessitate consequentis & consequentiæ &c.

Vide supra
disp. 1. c. 31.

VIII. Septimò vrget argumentum de prædefinitione actuum malorum. Sunt enim etiam illi conditionatè futuri, & vt tales à Deo sciuntur: Atqui Deus nec absolutè nec conditionatè facit illos esse futuros suâ prædefinitione, quòd hoc repugnet eius bonitati & iustitiæ, sequaturque ipsum esse auctorem & causam mali: Ergo scitur aliquid conditionatè futurum independentè à prædefinitione, quod est esse Scientiam Mediam. Sed quia monstratum est antea, quantum habeat argumentum hoc, & in doctrina SS. PP. & in communi sensu fidelium, atque etiam in ipsa ratione naturali fundamentum, quamque inanis sit quam Aduersarij opponere solent distinctio, dum dicunt prædefiniri actum qui malus est, non autem vt malus est; hoc solùm addam modò, Magistrum Fr. Ioannem Vincentium ex Ordine S. Dominici, quem Ledesma eiusdem Ordinis ferè semper nominat cum elogio *Doctissimi ac Sapientissimi viri*, eodem Ledesma referente, sensisse, non prædefiniri actum malum etiam quoad substantiam & entitatem actus, & Tridentini locum, hoc conuincere: sequè huic sententiæ adeò adhærere tenaciter, vt ab ea solà Ecclesiæ auctoritate dimoueri possit.

Ledesma
quæst. vn.
de Auxiliis.
a. 18. p. 411.
& 415. &
Paulo ante
pag. 391. &
399.
Ex eodem
Ledesmas.

Addam etiam quod habet Franciscus de Araujo ex eodem Ordine in 1. 2. ad quæst. 3. ar. 5. vbi dicit dub. 6. num. 43. *Absque dubio parum probabile est Deum ad opera mala humanas voluntates prædeterminare etiam quoad materiale eorum entitatem.* Addam & Franciscum Cumel, qui cæteras amplectitur Thomistarum in hac materia conclusiones, fateri similiter conuinci se loco Tridentini: & contrarium neque verè neque sanæ doctrinæ consonum esse. Quin & alios sapientissimos viros qui etiam sequuntur doctrinam Angelici Doctoris, negare prædeterminationem ad sub-

stantiam & entitatem actus mali, vt idem Ledesma loquitur: vt omittam Ioannem Gonzalem vnum è Principibus Aduersariis, qui etiam interfuit disputationibus habitis coram Summo Pontifice. Is enim dum explicat concursum Dei ad actus malos, disertè negat Deum ad illos ita præmouere vt Didacus Aluares crediderat, vt specialem videlicet Motorem. Præmouere enim tantum vt Motorem vniuersalem, & quidem cooperando alicui causæ creatæ. Faceret autem operæ pretium, si nobis exponeret quæ sit causa creata quæ in omnibus peccatis conditionatè futuris, & futuram conditionatè præmotionem requirat, & præsentem atque existentem absolutè prædefinitionem.

Supra disp.
3. num. 1.

Sed nimirum hæc ostendunt, non adeò faciles esse malorum actuum, etiam secundum entitatem, prædefinitiones, quin plerosque Aduersariorum perterruerint: vt habere possit earum reprobatio sufficientem apud illos quoque auctoritatem. Iam vero constat ex P. Ioanne à S. Thoma, malos actus & esse & sciri à Deo conditionatè futuros, adeò esse manifestum, vt nolit ea de re fuisse controuersiam. Hæc ergo si coniungantur, *non esse dubitandum quin & sint & scientur futuri conditionatè mali actus*, quod plerique omnes supponunt; & *nullam eorum esse posse prædefinitionem*, quod & non pauci & nobiles ac primæ inter eos notæ contendunt; quid superest nisi vt dicamus Scientiâ Mediam, quæ nihil aliud est quàm scientia futurorum conditionatè independēs à præsentī prædefinitione, vel ipsorum Thomistarum auctoritate satis esse tutam? I X. Octauum argumentum duo superiora confirmat, quatenus probat ab hæreticis non aliter destrui libertatem, quàm quo modo illa destruitur ab Aduersariis, prædefinitione liberorum actuum, sine directione Scientiæ Mediæ: & peccatum non aliter ab illis ad Deum referri tanquam ad Auctorem, quàm quo modo verè potest referri, si verum est ab eo prædefiniri malos actus. Tractatur autem hoc argumentum, quod biceps est, supra disp. 4. Et primi capitis hæc est summa. Si hæretici nihil negent eiusce rei quæ apud Aduersarios est libertas, ab illis non

9 vltim.

possunt differre nisi verbo tenus, eâdem amborum existente sententiâ. Sed nihil negant eius rei quæ apud Thomistas est libertas: Ergo &c. probatur minor. Nam actum esse liberum apud Aduersarios nihil est aliud, quàm exerceri à voluntate nec extrinsecus coactâ, nec per iudicium aut cognitionem necessariò determinatâ: & prædefiniri vt liberè fiat ac sine necessitate, non est aliud quàm prædefiniri vt fiat & sine coactione, & sine iudicio ad vnâ partem determinante necessariò: sed potiùs vt fiat ex directione iudicij indifferentis: Atqui hæretici nihil horum negant, hoc est, non negant actum de cuius libertate disputant exerceri à voluntate sine coactione, & cum iudicio indifferenti, & non determinante necessariò voluntatem: quam enim admittunt necessitatem, in tali actu, nequaquam dicunt prouenire à iudicio, sed tantùm à Dei prædefinitione, nec quamcumque necessitatem admittunt, cum excludant quæ dicitur *consequentis*, & *absolutæ*, ^{Supra disp. cap. 4. § 3.} & necessitas *simpliciter*, vt ex Caluino vidimus loco iam citato: Ergo dum talem actum esse liberum negant, aut à Deo vt liberum prædefiniri, nihil eius rei negant in qua Aduersarij ponunt rationem liberi. Ergo de verbis tantùm contenditur: Et ita contenditur vt per Caluinum liceat rem illam vocare libertatem vt dictum est. Id quod à me proponitur cum præmissis antea cautionibus.

X. Quod attinet ad secundum caput, similiter arguor. Si hæretici nihil rei Deo attribuunt, quando dicunt esse auctorem peccati, quod non etiam attribuant Aduersarij qui malorum actuum prædefinitiones admittunt sequitur illos verbo tantùm blasphemos esse, non autem vllâ indignâ Deo cogitatione. Atqui nihil rei Deo attribuunt, quando dicunt esse auctorem peccati quod non attribuant qui malorum actuum prædefinitiones admittunt, Ergo &c. Maior patet. Minor probatur ex Caluino, qui nusquam affirmat, sed negat potiùs Dei voluntatem & efficaciam tendere vnquam in actum malum vt malus est, ita vt malitia illi possit attribui, quam vult *totam penes hominem residere*, penes Deum *non esse nisi legem illius usum*: diuersa omnino ratione Deum atque

^{Supra disp. 4 c. 4 § 3.}

ter. Quia si non est necessaria ut supponatur quod esset completa causa libera, absolute non est necessaria: sed non est necessaria ut supponatur quod esset completa causa libera: Ergo absolute non est necessaria. Explico argumentum. Nam cum dicimus, *si Saul veniat Ceilitæ Davidem tradent*, supponimus Ceilitas habituros libertatem in actu primo completam ad tradendum Davidem vel non tradendum: & illa est suppositio ex qua dicimus sequuturum ut tradant: ad quam dico non requiri præsentem Dei prædefinitionem, quod est per se manifestum. Quemadmodum enim non supponimus quod Ceilitarum libertas sit iam completa, sed quod esset; ita neque supponere debemus, quod iam sit aliquod illius complementum, sed quod esset: Et si quæ Dei prædefinitio necessaria sit ad illud complementum; non debemus supponere quod iam sit, sed quod esset, ac dicere, si esset completa Ceilitarum libertas in talibus circumstantiis, concursu rerum omnium ad agendum necessariam (quibus verbis comprehenditur etiam prædefinitio si ea quoque necessaria sit) tunc Ceilitæ Davidem traderent. Quod si ad suppositionem illam possibilem completæ Ceilitarum libertatis non requiritur Dei præsens prædefinitio; dico neque requiri ad conditionatam traditionis vel non traditionis futuritionem: quia suppositio causæ liberæ ita necessario infert alterutrum libertatis exercitium hoc est, agere vel non agere, ut non sit magis impossibile supponi existentiam animalis quod neque sit rationale neque sit irrationale, quam supponi existentiam causæ liberæ completæ, quæ neque liberè agat, neque liberè non agat: unde sicut postquam diximus verè de illa voluntate quam possemus designare, *completa est ad amandum liberè*, inferimus necessario, *vel amat liberè vel liberè non amat*, & Deus cui corda patent videt utrum sit: & de alia de qua dicimus *quia completa fuit ad liberè amandum*, inferimus necessario, *vel amavit liberè, vel liberè non amavit*, & Deus qui perpetuam habet præteritorum memoriam, videt utrum fuerit: & de alia de qua dicimus, *quia completa erit ad liberè amandum*, inferimus necessario

vel amabit liberè, vel liberè non amabit, & Deus qui præsentem habet futurorum præscientiam, videt verum erit; item quia verè supponimus quòd voluntas quam designamus esset completa, si Deus vellet, ad *amandum liberè vel liberè non amandum*, necessariò inferre debemus, quòd *vel amaret liberè, vel liberè non amaret*: & quòd Deus quem latere non potest id quod esset, scit vtrum esset; tametsi nos id scire non possimus nisi reuelante ipso. Adeò vt ad asserendum quòd alterutrum esset libertatis exercitium, nulla re alia indigeamus, quam vt asserere pariter possimus, quòd esset talis causà in talibus circumstantiis ad agendum liberè completa, si Deus vellet. Ad hoc autem asserendum perspicuum est non requiri præsentem vllam prædefinitionem.

Atque hæc sunt argumenta præcipua contra prædefinitiones liberorum actuum conditionatè futurorum, quibus seclusis Aduersarij modò non dubitant quin sit admittenda Scientia Media. Sed videamus quid illi è contrariò reponant ad easdèm prædefinitiones stabi-
liendas.

Vide supra
disp. 4.
n. 32. 38. 39.

XII. Obijciunt primò, Conditionatas enuntiationes Scripturæ Sacræ quæ præmium aut pœnam aut quidpiam aliud à Deo solo præstandum continent. Sed nihil horum est ad rem. Non enim negamus esse vllam in Deo voluntatem conditionatam ex obiecto: aut Deum prædefinire pœnam & præmium dum præcepta proponit, sub conditione transgressionis vel obseruationis: aut prædefinire gratiam, ex hypothesi quod sacramentum aliquod huic aut illi ritè applicaretur. Hoc enim necessarium est Diuinæ circa homines prouidentix. Quæstio est de prædefinitionibus conditionatis eorum quæ homines neque fecere vnquam, neque faciunt, neque facturi sunt, sed quæ facerent, si Deo placeret hanc aut illam conditionem ponere; quarum contendimus nullum in Scriptura Sacra extare vestigium; nullam autem esse consequentiam à prædefinitionibus necessariis ad otiosas & inutiles: item neque à prædefinitionibus eorum quæ Deus vel solus, vel cum aliqua causa necessaria faceret,

ad

ad prædefinitiones eorum quæ non est facturus nisi causa libera concurrente.

Objiciunt secundò Salmanticenses locum illum, *Quis se discernit? quid habes quod non accepisti? si autem accepisti quid gloriaris?* Ex quo loco ita est argumentandum, Deus discernit benè operantem à non operante: & operans præ non operante nihil habet quod non acceperit: Ergo dantur prædefinitiones conditionatæ liberorum actuum eliciendorum ab hominibus. Sed quis non videt interiacere tantum inter illud antecedens & hoc consequens tractum, nulla ut esse possit consequentiarum catena factis longa qua extrema illa rectè connecti queant? Negato quippe consequente, multi adhuc modi suppetunt intelligendi benè operantem omnem Dei beneficio discerni ab omni non operante: nec habere illum quidquam præ isto quod non acceperit. vel admissis prædefinitionibus absolutis è Scientia Media pendentibus: vel sine illis agnito speciali beneficio, in eo quòd Deus decreta conditionis positione, futurum conditionatum transire faciat in absolutum: vel etiam admissa interdum omnimoda paritate antecedenti, inter eos quorum alter pro sua libertate diuina gratia benè utitur, alter non bene utitur etiam pro sua, quæ fusè tractata sunt antea, non sunt hîc amplius repetenda.

XIII: Objiciunt Tertiò *illustrem* Augustini locum ex lib. de Prædestina. SS. ubi quod dicitur in libro Sapien. de illo qui raptus est ne malitia mutaret eius intellectum; negat Augustinus dictum esse *Secundum præscientiam*, sed tantum *Secundum pericula huius vitæ*, Deum enim non præsciuisse quod futurum non erat, illum scilicet peccaturum, sed præsciuisse quod futurum erat, nempe illum immaturâ morte moriturum. Dicunt ergo Augustinum dum negat præscientiam *malitiæ* conditionatæ *suprà*, illam negare pro signo rationis quod antecedit prædefinitionem, quasi constaret illam concedere pro signo rationis quod sequitur. Sed præterquam quod Salmanticenses cogitationes Augustini gratuito insigniunt huiusmodi *signis rationis*, quorum hoc loco neque

mentio neque vestigium apparet vllum: non vident quo signo & quo sensu præscita negatur malitia eius qui rapitur in iuuentute, eodem signo eodemque sensu præscitam dici eiusdem immaturam mortem? Hæc autem est ne præscita in eo signo quod antecedit decretum liberum? Et alio ne sensu dicitur præscita quàm per absolutam præscientiam? Negat igitur Augustinus absolutam præscientiam malitiæ futuræ, hoc est eam tantum quæ idonea est exhibendo merito, cuius intuitu Deus moueatur ad aliquod beneficium concedendum. Contra falsam videlicet Semipelagianorum cogitationem, qui indiscretè utebantur absolutâ & conditionatâ meritorum præscientiâ, vt inuenirent in nobis initium aliquod & meritum primæ gratiæ, ita vt cum absoluta præscientia deesset, perinde valere dicerent conditionatam. Atque in hac Augustini interpretatione consentit nobis P. Ioann. à S. Thoma, vt videantur Aduersarij clypeum nobis alij contra alios quo tegamur subministrare. Sed de his plura superius disputatione tertia cap.

Supra disp.
3. num. 38.

3. §. 3.

De Præ-
dest. SS.
cap. 2.

Obijciunt Quartò locum *egregium* ex eodem Augustino, qui dum emendat id quod olim responderat, *Christum* scilicet *tunc apparuisse quando sciebat & ubi sciebat esse qui in eum credituri forent, sine præiudicio tamen aliarum & latentium causarum*; hæc addit. Quid verius quam præcisse Christum qui & quando & quibus locis in eum fuerant credituri? Sed vtrum prædicato sibi Christo à se ipsis habituri essent fidem, an Deo donante sumpturi. I. vtrum eos tantum præscierit, an prædestinauerit Deus, vtrum quærere ac disserere necessarium non putauit. Quibus Verbis Augustinus supponere videtur ideo Christum præsciuisse credituros, quia Deus credituros prædestinauerit. Et quia quæstio est de scientia conditionata, sequitur ideo præscitam conditionatè fidem illam, quia erat prædestinata, hoc est conditionatè prædefinita. Quæ in interpretatione conspirat Ioann. à S. Thoma cum Salomanticensibus; adeò vt *ingulatam* hîc putet ab Augustino Scientiam Mediam. Sed quia iam abunde monstrata est

huius argumenti vanitas : breuiter respondeo , Augusti-^{Supra disp. 1. cap. 3. §. 2.} num illis verbis , *utrum eos tantum præscierit an prædestinauerit* , intelligere prædestinationem , non quæ præcedat sed quæ accedat præscientiæ fidei conditionatæ futuræ , faciatque illam de futura conditionatæ futuram absolutè . Atque hoc dico manifestum esse ex iis quæ mox subiungit , responsionem illam potuisse aliis verbis ita concipi , *Tunc voluisse hominibus apparere Christum , quando sciebat esse qui ELECTI fuerant in ipso ante mundi constitutionem* . Constat enim his verbis , *prædestinationem* illam , cum hac *electione* confundi . Electionem autem hanc æternam & ante mundi constitutionem , quam certissimum est apud Augustinum esse propriam saluandorum , confundi posse cum prædefinitione conditionatâ , quæ si vlla est , reprobis iuxta & electis communis est , adeò est absurdum , vt qui ea de re dubitet , videri possit non legisse Augustinum .

XIV. Obijciunt Quintò propositam Augustino Massiliensium doctrinam , quæ duo capita continebat : alterum , dari Scientiam Mediam , hoc est conditionatam & independentem à prædefinitione ; alterum , esse illam vtilem & exhibere Deo idonea gratiæ decernendæ merita : vtrumque autem esse ab Augustino reiectum in libris de Prædest. SS. & de bono Perseu. 82. Præcipuum caput doctrinæ Massiliensium fuisse , dari præscientiam absolutam aliquorum meritorum à diuina gratia seu gratiæ præparatione independentium , sed quia senserunt vrgeri se quibusdam instantijs , quas soluere non poterant per absolutam præscientiam , confugisse ad conditionatam ; Augustinum ergo negare constanter præscientiam omnem meritorum quæ à Diuinâ gratiâ non pendeant , vel decretâ de factò vel decernendâ hypotheticè , siue illa fingatur esse absoluta siue conditionata : præscientiam verò meritorum conditionatam ex hypothesi gratiæ futurorum , independentem à præsentis prædefinitione aio nusquam esse ab eo reiectam , sed reiectum tantum eius abusum vt *ineptissimum , insanissimum , absurdissimum* , quatenus ea putabatur suggerere Deo

idoneum motuum prædestinationis & gratiæ: ita vt daretur causa ex conditione suspensa quæ tamen esset causa effectus absolute positi: neque hætenus productum est aliquid ab Aduersarijs in contrarium; sed perpetuò falluntur, dum quod dicitur contra præscientiam absolutam Massiliensium, interpretantur de conditionata: & quod dicitur contra perversum conditionatæ usum, in eius substantiam detorquent: vt constat ex dictis antea.

Disp. 3 c. 3.
§. 1. a. & c. 4.
§. 1. 2. f.

Vide supra
disp. 4. c. 1.
§. 2.

XV. Obijcitur Sextò post Augustinum S. Thomas, quem constat nullo vnquam loco de Scientiâ Mediâ disputasse: nec aliud restat quàm vt videamus quam ille partem huius controuersię supposuerit; quæ maiorem ac magis necessariam habeat cum eius principijs connexionem. Sed cum non aliam inesse velit actibus liberis existendi necessitatem, quam quâ dicere solemus, *neesse esse Socratem currere cum currit*, hoc est, quam facit ipsa rei existentia, & quæ de ipsa causæ libertate descendit, vt Anselmus loquitur, non de æterna prædefinitione: Cum dicat scientiam visionis quâ futura præsciuntur, ita se habere ad illa, quemadmodum se habet hominum visus ad ea quæ illis præsentia sunt, quod est, diuinum intuitum non magis ex prædefinitione futurorum pendere, quàm pendeat hominum visus ex antecedenti voluntate præsentium: Cum ex præsentia futurorum in æternitate, rationem petat cur illa præsciantur, quia non putat apud Deum esse aliquid aliud cum quo illa connexa sint, & ratione cuius præsciri possint: ac proinde nullam esse eorum prædefinitionem præscientiæ præuiam: Cum neget in causa libera omnibus ad agendum requisitis munita, ita posse cognosci futurum effectum, quemadmodum cognoscitur in necessaria; v. g. in voluntate omnibus ad amandum necessarijs prædicta, ita posse cognosci futurum amorem, sicut in igne omnibus necessarijs ad calefaciendum prædito cognoscitur futurus calor; quod supponit, minimè determinatam esse voluntatem concurrendi cum causis liberis, quæ est vnum ex requisitis illis, & consequenter nec esse præ-

definitiuam, sicut determinata & prædefinitiuam est voluntas concurrendi cum causis necessarijs: Cum disertè dicat diuinam præscientiam excedere in quibusdam prædestinationem, quod est non esse prædefinita omnia quæ præsciuntur vt futura: Cum petat infallibilitatem prædestinationis ex multitudine auxiliorum quibus aliquis iuuari potest, altero alterius inefficiam perpetuò supplente, quæ deriuanda potius esset ex ipsâ prædestinatione in quodcumque medium, nullo non existente infallibili quod diuina prædefinitio adhibuisset: Cum prædefinitio coniuncta præscientiæ tam bene illi det habitudinem causæ respectu præsciti, quàm eidem coniuncta prædestinatio, & tamen S. Thomas neget apertè omnem præscientiam importare habitudinem causæ respectu præsciti, sed eam tantum cui accedit prædestinatio, quod euidenter monstrat non putare illum omnem præscientiæ coniunctam esse prædefinitionem præsciti: Cum, inquam, hæc & alia id genus multa quæ passim occurrunt apud S. Thomam stare non possint cum actuali & absoluto ex parte actus & efficaci decreto circa quodcumque futurum etiam conditionatum: vnde sequatur & esse & sciri tale quoddam futurum sine prædefinitione, quod est admittere Scientiam Mediam; quis non videt eandem scientiam, tam esse principijs & menti D. Thomæ conformem, quàm est aliena tum à principijs tum à mente Thomistarum?

Nam quæ illi prætexere solent, evanescent facili, si caueris ne quod dicit S. Thomas de aliqua præscientia, dictum interpretentur de omni: ne quod est intelligendum de absoluta, dictum velint de conditionata: ne quod dicitur conditionatè futurum dependenter à Deo solo, extendatur etiam ad futurum dependenter à Deo & causâ creata libera: ne quæ includitur in hypothesi seu conditione ex qua futurum aliquid dicitur, Dei voluntas, aut Dei gratia, intelligatur actualis esse ac de facto posita: ne denique quod Pennotus queritur, & quod TVissius dolet accidisse Didaco Aluares, qui hæc argumenta colligunt humani aliquid patiantur, & S. Thomæ sententiam

G Ggg üj

Quæst. 12.
de Veritate
art. 10. in
corp.
Quæst. 6.
de Ver. art.
3. in corp.

ibidem.

non satis fideliter repræsentent. Vide quæ dicta sunt superiùs.

Disp. 1. n. 46. & disp. 4. n. 17. & l. q. XVI. Objiciunt Septimò Salmanticenses Concilium Tridentinum, à quo censent tacitè reprobata esse scientiam mediam, quando eam non adhibuit ad explicandam liberi arbitrij cum Dei providentia concordiam. Sed respondemus eodem etiam argumento confici, tacitè quoque reprobata à Tridentino prædefinitionum efficaciam illam, quâ dicitur Deus efficere non solum substantiarum liberarum operationum, sed etiam modum ipsum libertatis. Constat enim Tridentinum eâ ratione nusquam vsum ut ostenderet cum dei decretis stare hominum libertatem. Verùm non tacitè solum, sed & plusquam tacitè reprobata huiusmodi prædefinitiones facile conjiciet, qui Sessionem illam sextam excusserit: vbi non solum stabilitur libertas arbitrij, sed simul declaratur in quo illa posita sit, nempe in eo quòd *possit dissentire*, quòd *abjicere* Dei motionem. Quæ quia manifestè designant facultatem agendi & non agendi, quæ alio nomine vocatur *indifferentia*, ideo qui iam caput extrulere, ex damnato quondam à Pontificibus Baio recentes pulli, oppugnatores *indifferentiæ*, ut pote contrariæ prædefinitionibus contra Tridentinum obmurmurant: Et qui conciliator esse cupijt Millererius, ad vtriusque sententiæ concordiam opus esse putavit exiguâ paucorum Tridentini verborum liturâ, ut certum sit, Aduersarijs potiùs cogitandum esse quomodo suas contra Tridentinum prædefinitiones tueantur, quàm nobis quomodo sine illis Tridentinum sequamur.

Supra disp. 4. num. 95.

Disp. 10. dub. 7. & 8.

XVII. Objiciunt octauò Salmanticenses, scientiam mediam à tempore Augustini & cognitam fuisse Patribus & Scholasticis antiquis, & communi conspiratione *reprobata*, vnde putant dici debere *scientiam reprobationis*. Eorum vero Auctorum Catalogum texunt bene longum, designatis quo quisque vixit temporibus. Sed esse hoc inane quoddam Calendarium, conficitur primò, ex eo „ quod dicit P. Ioannes à S. Thoma; Omitto antiquos „ Doctores, quorum licet plures afferant Villegas citatus,

Aluares & Theologi Carmelitani; tamen quia non ita ex professo controuersiam hanc de scientia media disputarunt, illos omittimus, & ad prædictos auctores remittimus, quibus verbis satis indicat nolle se in his citationibus Salmanticensium fidem præstare.

Secundò, quia ut iam sæpe dictum est, & sæpe dicendum recurrit, cum tota hæc doctrina scientiæ mediæ assertiua, contineatur hac propositione coniunctâ, *Datur in Deo scientia conditionata futurorum: & non datur eorum prædefinitio*; necesse est ut qui eam respuunt vel primam illius copulatiuæ partem negent, vel affirmant secundam. Sed prima ita certa est ut disputari de illâ nolit P. Ioannes à S. Thoma, nec ad eam probandam antiquorum testimonia congeri. Videndum ergo esset utrum *cuncti ferè* illi quos citant Salmanticenses num. 104. & à quibus reprobata dicunt scientiam mediam num. 119. & num. 120. admittant prædefinitiones humanorum actuum conditionatè futurorum seu boni seu mali sint. Et quia ita sentire putandi non sunt quotquot dicunt præscientiam latius patere prædefinitione: non posse cum prædefinitione stare humanorum actuum libertatem: Deum esse auctorem mali, si prædefiniat etiam materiale peccati: Ideo præsciri futura quia futura sunt, non è conuerso: non habere Deum apud se vel in suis decretis rationem cognoscendi futura libera, sed neque in eorum causis: necessitatem agendi quam non facit voluntas, vel quæ de ipsius libertate non descendit, cadere non posse in causam liberam, & similia; non est dubitandum quin eruditus Lector qui non nesciat quæ fuerit antiquorum super his placitis sententia, non tantum neget *cunctos ferè* admittere prædefinitiones conditionatè futurorum; sed præterea iudicet *illos ferè* sic esse Philosophatos: & tum in hoc Salmanticensium catalogo, tum in citationibus auctorum qui absolutas & efficaces omnium actionum liberarum prædefinitiones approbare putantur (tr. 4. de voluntate Dei disp. 10. num. 56.) forte potius quam prouidentia, Scriptores nominari. Id quod ex eo confirmari potest, quod iidem ipsi quos Salmanticenses tanquam

Disp. 10.
art. 6. p.
691.

sibi consentientes laudant, à Ledesma cuius sententiam sequuntur Salmanticenses, inter Aduersarios numerentur, vt sunt v. g. Ioannes Vincentius, Valdensis, Cumel dum agitur de prædefinitione actus mali. Quid quod nonnullus etiam reperitur, qui ab ijsdem Salmanticensibus recensetur & inter eos qui tuentur prædefinitiones omnium operationum liberarum num. 56. citato, & inter eos qui negant prædefinitiones malarum etiam quoad substantiam, vt est Machin. Et hæc certè satis ostendunt probationibus illis & citationibus deesse limam.

Supra disp.
3. cap. 1.

XVIII. Atque ex his patet responsio ad id quod Salmanticenses toties inculcant de Auctoritate Scholæ Thomisticæ, quam credibile non est vel ignorare potuisse quod in Augustino & D. Thoma cæterisque Scriptoris antiquis contineretur; vel si non ignorauit accusare voluisse. Patet, inquam, responsio. Nam cum pars vna Thomistarum eaque maxima, si credimus Ioanni à S. Thoma, omnino doceat scire Deum futura conditionatè; pars altera omnino neget huiusmodi futurorum prædefinitiones, vt ex eodem Auctore colligitur, atque etiam ex Salmanticensibus; quis potest plus tribuere Thomistis, quàm qui partes ambas amplectitur & probat: dum asserit, & cum vnus Deum certò scire quæ sunt futura conditionatè: & cum alijs, nullas esse talium futurorum prædefinitiones; atqui hoc tantùm dicunt qui pro scientia media stant: nihil ergo dicunt quod non sit Thomisticum. Quod attinet ad diligentiam in voluendis Antiquorum scriptis, Augustini præsertim; non erit fortè superba suspicio, quæ putet fieri posse vt quis in eo studio sit oculatior. Cum videat inter primarios huius controuersiæ, quæ tota dicitur esse Augustiniana, Disputatores, non deesse qui citet Augustinum libro quinto contra Iulianum Apostatam.

Ledesma
at. 17. p. 342

Objiciunt Nonò Iudicium 30. Censorum qui vna cum Summis Pontificibus Clemente VIII. & Paulo V. Scientiam Mediam condemnarunt, vt constat ex testimonio eius viri quem & opinio sanctitatis dum viueret, & miracula postquam vixit edita, testem esse probant omni exceptione

exceptione maiorem. Sed respondemus in primis hoc argumentum eâdem suspitione laborare quâ recentes omnes atque inauditæ antiquorum gestorum narrationes, qualis olim erat Ioannæ Papissæ fabula, & quod est ante aliquot annos auditum, Xaverium non fuisse Iesuitam, Ignatium cum maximè vellet Theatinum esse nequiuissimam, quam repulsam miseratus sine dubio. qui nuper scripsit Abbas Caetanus recepit illum in Ordinem Benedictinorum, propediem futurum, ut opinor, Camaldulensem.

Secundò de miraculis iam dixi: addendi etiam erant radij, quos Hiacythus Coquetius emicuisse scribit ex facie Patris Lemos, dum ille scientiam mediâ oppugnaret in illa celebri disputatione coram Summo Pontifice Clemente VIII. & Paulo V. appellatque tanti miraculi testem certè locupletem, illorum scilicet Successorem Urbanum VIII. Qui tamen appellanti secus ac ille sperauerat, respondit: necque passus est eiusce rei memoriam sibi persuaderi, quam numquam sciuerat. Videri possunt monumenta Romanæ Inquisitionis anni 1642.

Damnatus
est liber
Coquetij.

Tertiò respondeo totam illam Salmanticensium narrationem admodum vagam atque pendentem, cum confirmare vellent P. Ioannes à S. Thomâ, confusorem reddidisse, ut constabit omnia conferenti, iuxta ea quæ discussimus antea.

Supra disp.
4. cap. 1.

XIX. Objicitur decimò communis ratio quam TVissius perpetuò voluit, nihil esse posse futurum & à merè possibili distinctum, sine aliqua causa, nec aliam esse posse causam effectus futuri conditionati, quam præsentem in Deo illius prædefinitionem. Sed est obuia solutio, satis esse, si proportionem habeat existentia causæ cum existentia effectus: & sicuti necessarium est, ut effectui qui est, assignetur causa quæ etiam sit; ita sufficere, si effectui qui erit, assignetur causa quæ erit, quamvis modò non sit: & effectui qui esset assignetur causa quæ esset. Scientia Media constat hac duplici asser-

HHhh

sertione, *Deus velle potest vt sit talis causa cum talibus circumstantijs, etiamsi forte de facto illud nolit, & si hoc vellet Deus, causa quæ tunc esset, esset causa cur hoc sequeretur, & illud. Quare hoc autem?* Quia nimirum esset causa libera & determinans alterum oppositorum. Ergo sicut de eo quod ita dicitur sequuturum, nihil aliud affirmatur, quàm quod esset, ita neque debet aliud de causa illius determinatrice affirmari. Nisi fortè aliquis mauult, præsentem suppositionis causæ liberæ possibilitatem, dici sufficientem causam futuritionis hypotheticæ illius effectus, de quo plura in 1. disp. n. 19. & 21.

XX. Instant, absolute futurum postulare præsentem causam: ergo & conditionatum. R. Disparem esse rationem. Quia enim necesse est vt omnis Dei voluntas quæ erit, iam sit; fieri non potest, quia futurum absolute quod necessario postulat aliquam Dei voluntatem pro tempore illo quo futurum est, eandem voluntatem iam supponat præsentem; sed quia non est similiter necessarium, vt Deus velit actu quidquid velle posset, idè quod sequeretur ex illa Dei voluntate quæ posset esse, non debet illam præsentem supponere, & ideo frustra confingitur decretum præsens.

Disp. 20 ar.
2. pag. 668.
Vide suprâ
disp. 4. cap.
3. §. 2.

XXI. Obijcit vndecimò specialem difficultatem P. Ioannes à S. Thoma petitam ex decreto concurrenti quod inuolui debet necessario in antecedente propositionis conditionatæ quæ Scientiam Mediam enuntiat: neque enim facile explicari posse quod, aut quale sit illud decretum, quia statim exoriantur multæ difficultates quæ nos acriter mordeant; vel enim concurrere Deum cæco modo, si concursus suum in incertum offerat; vel si eum determinet, fieri necessariam consequentis ex antecedente sequelam, eamque ita cuiuslibet obuiam, vt Deus ea ex parte vix esse possit homine doctior; fiatque insuper hæc Scientia inutilis ad eos fines quibus ipsi prodesse illam contendimus. Quis enim non idem sciat quod scit Deus, dum dicit; si vellem determinatè concurrere cum Petro ad amorem, ille amaret? Et hoc quid

inuat ut suauior sit, & libertati magis attemperata illius amoris prædefinitio?

Respondemus specialem hanc difficultatem esse communem illam, quomodo sit concipiendum decretum quo Diuinus concursus præparatur causis liberis: & dicimus ita esse concipiendum, ut ille concursus indifferenter offeratur, & non determinetur à Deo ad amorem potius quam ad odium aut non amorem, hoc modo. *Volo ut virtus mea ita sit in potestate huius voluntatis in his circumstantijs, ut illa pro sua libertate, vel ea utatur ad amorem, vel utatur ad odium, aut ad non amorem.* Posito autem tali quodam decreto, dicimus Deum videre determinatè sequuturam nunc puram amoris omissionem, nunc amorem ipsum, nunc odium.

Igitur in antecedente propositionis conditionatæ, dicimus inuolui tale quoddam decretum quo dicat Deus v. g. *Quamuis nolim modò prædicationem & miracula, occurrere Tyrijs & Sidonijs, neque necessariam intus, gratiam ad pœnitendum vnâ cum concursu etiam necessario præparari; possum tamen hoc velle, & si vellem, itaque meum concursum offerrem indifferenter ad pœnitentiam, aut non pœnitentiam, video Tyrios illo ad pœnitentiam determinatè vsuros.* Intelligit ergo Deus in antecedente propositionis conditionalis quâ Scientia Media exprimitur, concursum suum indifferenter oblatum Tyrijs; potestque in aliâ hypothesi videre determinatè suspensum, aut reiectum, aut acceptatum potius ad impœnitentiam. Neque dicendus est Deus offerre concursum suum cæcò modo, qui quàm primum intelligit suppositionem oblationis in antecedente, tam primum videt euentum acceptionis in consequente: vel certè reiectionis, prout rei veritas fert. Quâ in re Deum nos longè oculatiorem cogitamus quàm Aduersarij; quorum ex sententiâ, primò ante actuale ac præsens decretum Deus nihil videt in hisce futuris: post decretum verò, videt hoc tantum quod, propè dicam, videre possint & nocturæ. Explica enim quæso quidquid

diuinâ mente voluitur circa Scientiam istam conditionatam, & apparebit hæc species. *Prædefinitio efficaciter, ut si Tyrîs proponeretur Euangelium, daretur illis efficax gratia: & ut ex illa efficaciter etiam sequeretur pœnitentia.* Quid quæso est in illa Scientia quod Dei oculos commendet? An quod sibi conscius sit suæ prædefinitionis? Quis mortalium non est etiam suæ? An quod ex illâ sequuturam videat ex hypothese gratiam efficacem, hoc est Physicè prædeterminantem, & ex illa gratia pœnitentiam? Hoc verò quis hominum ignorauerit? An est quisquam qui nescire possit ex omnipotenti prædefinitione sequuturum id quod prædefinitum est?

XXII. Nempe hoc tantum singulare est ac Deo dignum, quod & supra finitarum intelligentiarum conatus omnes procul eminet, occupare cognitione nutus omnes creaturæ voluntatis: eamque suæ scientiæ comprehensione sic obsessam tenere, ut quantumvis sibi, hoc est suæ mutabilitati libidinique permissa, neutram tamen in partem inclinare se possit, quin omnes illius motus intuitus diuini radio statim seriantur: neque solum quæ fuere, vel sunt, vel erunt eius consilia; sed quæ forent etiam ex variâ hypothese Deo spectatori obnoxia sint, stentque semper sub ictu diuini iudicij. Atque hæc est illa Solæ *Diuinatio* quæ idoneum est ex Tertulliano *diminutis* ARGUMENTVM. Hæc alteræ tenebræ quibus præesse dicitur Deus ex Minutio Felice. Nam diuinare quod ipse disposueris, hoc est tuum te secretum scire, non alienum; quid habet eximium? Ne pueri quidem adeo ineptè ludunt, ut ille fortunatus habeatur qui diuinat id quod ipse absconderit. Deus verò quid amplius facit, dum hoc tantum diuinat: quod ipse prædefiniuit? videat igitur Lector hæc obiectio an alios dentes habeat, quam quibus Aduersarij mordeantur. Sed hæc fusius supra disp. 4. cap. 3.

XXIII. Obijcit duodecimò Auctor Anonymus libri de Ordine. Deum non posse videre futura conditionata neque in se, neque in ipsis, neque in alijs eorum causis: er-

go nullo modo. *R.* Argumentum hoc postulare quæ sit obiectiua ratio cognoscendi futura conditionatè: ac dico, nullam esse distinctam ab ipsis, atque hoc sensu Deum videre illa tantum in seipsis, quatenus non videt in seipso, neque in alijs eorum causis tanquam in medio cognito.

Et dum instant, Sed hæc futura in seipsis nihil sunt. *R.* Neque etiam cognoscitur quod sint aliquid, sed tantum quod essent: hoc autem quod intelligitur cum dicitur quod essent, verum est, seu quod est idem, est affirmabile ac cognoscibile ab infinita intelligendi virtute. Vide suprà disp. 2. cap. 2. & seq.

XXIV. Decimò Tertiò restat obiectio illa trita, quod cum Dei Scientia sit iam ab antiquis Scholasticis bifariam diuisa, in Scientiam simplicis intelligentiæ, & Scientiam visionis: atque hæc quæ dicitur Media sic appelletur quoddam neutrum ex prædictis membris reuocari possit; esse hoc argumentum valde probabile nouitatis, & doctrinæ antiquitati contrariæ. Sed facilis erit huius argumenti solutio, si impetratum fuerit à Thomistis vt Scientiæ conditionatæ pendentis ex prædefinitione similiter conditionata locum inueniant in illâ vulgari diuisione. Eodem enim iure inuenire poterit & Scientia conditionata quæ tales prædefinitiones excludit. Et addo, cum hæc Scientia fuerit ab Antiquis supposita potius quàm explicata, non mirum esse, si locum illi seorsim in prædicta diuisione non dederint. Decuisse verò vt quicquam ex Antiquorum monumentis eruerunt distinctè probandam ac defendendam, locum ei attribuerent in numero Diuinarum Scientiarum: medium verò locum inter Scientiam simplicis intelligentiæ, ac Scientiam visionis potuisse videri aptissimum, quod ea plus aliquantò quàm Scientia possibile, quæ dicitur esse Scientia simplicis intelligentiæ, & aliquantò minus exprimat, quàm Scientia existentium absolutè pro aliquâ saltem differentiâ temporis, quæ vocatur Scientia visionis: Ergo & fortitam esse nomen idoneum quando Scientia Media dicta est.

H H h h iij

614 EPILOGVS ET SVMMÆ DOCTRINÆ, &c.

Hæc sunt omnia ferè quæ fieri consueuerunt pro conditionatis prædefinitionibus & contra Scientiam Mediam argumenta. Tuum erit Optimè Lector, hisce omnibus æquâ lance libratis, videre vtra pars præponderet. An illa quæ præsentis conditionerum omnium prædefinitiones rejiciendo, Scientiam conditionatam facit Mediam: an illa, quæ tales obtrudendo prædefinitiones, Scientiam Mediam respuit, cùm acceptare cogatur conditionatam.



E V G E N I I
PHILADELPHI
R O M A N I.
EXERCITATIO SCHOLASTICA
TRIPARTITA.

*Contra novam rationem tuendi Physicas Præmotiones Liberorum
Agentium, eorumque Libertatem exponendi,*

Quam auctor Operis de Libertate Dei & Creaturæ nuper innexit.

Cuius Operis pleraque omnia partim **SUSPECTA**, partim
PUGNANTIA inter se, partim **SVPPPOSITITIA**
esse monstrantur.

Cum Appendice ad **GVLLELMVM CAMERARIVM** Scotum.
Editio secunda ab Auctore recognita.



RATIO REDDITA

SECUNDÆ HUIUS EDITIONIS.



Væ iam feruet contra Iansenianos
Hæreticos **C**ontrouersia, cogita-
tionem iniecit Opusculum hoc
ante annos fere triginta editum
rursus euulgandi. Animaduertet
in eo Eruditus Lector, decennio
quam prodiret Augustinus Iansenij, crepuscula
quædam apparuisse Iansenismi, fuisseque tracta-
tum *De Libertate Dei & Creatura* veluti prodro-
mum grandis illius operis cuius mole Belgica pri-
mum, ac subinde Gallicana Ecclesia concussa est.
Neque verò frustra præmissa sunt duorum nouæ
sectæ capitum Iansenij ac Sancyrani inter alios il-
lius tractatus approbatores suffragia. Nimirum illi
maluerunt in aliorum lucubrationibus primùm
conspici quam in suis, ad tentandos Lectorum ani-
mos, & experimentum aliquod prægustati erro-
ris, capiendum. Quid autem potissimùm in opere
illo approbarint, expedit à Lectore non nesciri.
Ita enim Sancyranus incipit: Indifferentiam,
quam non Platonica, id est, diuina, sed peripate-
tica disceptatio in puram putam libertatem iam-
pridem induxerat, hic Auctor ita eliminat, vt mi-

„rum sit eam aliquot retrò sæculis adolescentiori
„scholæ adeo placuisse. Iansenius verò sic; Veram
„arbitrij libertatem antiquis scriptoribus notam,
„non esse sitam in illa Philosophica indifferentia
„agendi, quæ vulgò prædicatur, multis præclaris &
„solidis rationibus hic liber adstruit, & aduersæ opi-
„nionis defensores confutat.

Alij alia laudabant in opere *de Libertate Dei & Creaturæ*. Sancyranus & Iansenius hoc vnum approbarunt, quo machina Iansenismi tota nititur, *Agendi necessitatem, oppositam indifferentia ad utrumlibet causarum liberarum*, quam indifferentiam non peripatetica modo vt placet Sancyrano, sed & Platonica quoque Philosophia, & quæ longe supra Platoniam eminet, Christiana iam à primis Diuinæ fidei incunabulis agnouit & amplexa est. Illo ex ovo qui deinde pullularunt errores, Opusculum Eugenij prænotauerat & præsentionem probauit, qui post aliquot annos editus est Iansenij Augustinus, totaque per Ecclesiam sparsa damnataque Iansenianorum Theologia, vt videri possit Opusculum hoc omnium primum, quo Iansenij & innominati & adhuc incogniti doctrina notata est.

Debeo tamen hoc testimonium Scriptori Operis *de Libertate Dei & Creaturæ*, viro bono atque ab ijs, qui familiarius cum eo vixerunt probato; incautum videlicet illum his retibus implicatum fuisse. Erat illi plurima consuetudo cum Sancyrano, erat & cum Iansenio, atque aliqua etiam cum isto priuatorum scriptorum communicatio,

quo Louanio Parisios missitabantur ; quo factum est vt prius quam illi Catholicis Scholis atque adeo ipsi Ecclesiæ bellum apertè indicerent, contagione quadam affectuum , placere cœperit ea doctrina , cuius Auctores amabantur. Neque tamen perseuerauit illusio. Accepi à viris fide dignis cum Sancyranus iam se manifestius proderet , & hætenus subobscuras de sua fide doctrinaque suspiciones patefactis erroribus confirmaret , restitisse illi Auctorem hunc, eaque dissensione dissolutam fuisse, quæ vtrumque vinciebat , consuetudinem , & consequenter refrixisse quæ intercedebat. cum Iansenio. Atque hanc fuisse causam aliqui crediderunt , cur Iansenius qui Opus de *Libertate Dei & Creature* initio laudauerat , in suo tandem Augustino instinctu Sancyrani reprobaret toto capite decimo sexto libri septimi de gratia Saluatoris.

Hæc admoneri Lectorem oportuit , vt si quid occurrat hoc in Opusculo , quod videatur acerbius dictum in eam doctrinam quæ castiganda visa est, intelligat spectare illud priores Auctoris huius cogitationes, quæ posterioribus emendatæ sunt : & Iansenismum præcipuè fuisse refutatum à quo Auctor Operis de *Libertate Dei & Creature*, sub vitæ finem abhorruit.

PRÆFATIO
AD LECTOREM.
ET SYNOPSIS NOVÆ
DOCTRINÆ.



Um autumno superiori proximo incidissem in Opus de Libertate Dei & Creaturæ, Optime Lector, tanti argumenti celebritate captus facile adductus sum ut scire vellem, ecquid afferretur novi ad eam questionem, quæ Orthodoxos omnes & inter se & cum Hæreticis tandiu commissos tenet. Quod cum etiam atque etiam inquirerem, re ipsa comperi doctrinam induci novam, & quæ cum veteri ac recepta iam pridem nihil admodum commune habeat: Novas etiam & insolitas cogitationes in exponenda Libertatis natura: Rationem tuendi physicas præmotiones pariter novam, & ad hunc diem Thomisticæ incognitam. Novam differendi methodum, quippe Platonico-rum suco pigmentisque confusam. Denique novum orationis genus in confutandis eorum opinionibus quos huius operis Auctor aduersos sensit. Nam cum hætenus ferè Scholastici Doctores sic habuissent, maledicentiam Criticorum contentionibus relin-quendam; modestiam verò retinendam esse Theologis: ipse vide-tur utrorumque iura miscuisse, & quam Critici quasi propriam sectabantur, inter Theologos licentiam usurpauisse detrahendi. Neque enim solum alienos à sua ipsius sententia perpetuò trium-phet; sed præterea pungit, vellit, rodit, ut facile appareat animo ipsum parum æquo impulsus esse ad huiusmodi laborem suscipiendum. His accedebat, quòd cum ex professo disputet de necessitate diuinarum præmotionum, deque earum concordia

eum libertate arbitrij, quo de argumento ne quid edatur in pū-
 blicum à S. Sede Apostolica vetitum est; impetrati tamen priui-
 legij vestigium apparuit nullum. Et tamen suam lucubrationem
 Christi Vicario nuncupauit. Forte an ut per illum peccauisse
 iam liceret? Ego igitur seposita de prædeterminationibus con-
 trouerfia, quam citra nutum summi Pontificis intactam esse
 oportet: hanc tamen exercitationem contra propriam Doctoris
 huius Theologiam, opportunam fore putavi: 1. Ne partus
 præter fas editus in lucem atque adeò illegitimus impunè vaga-
 ri sinatur. 2. Ne cuiquam illudatur specie doctrine nouà di-
 uersaque ab eo quod vulgo sapientum animis insedit. 3. Ut
 consulatur eorum nomini quos iste Author contra quam comme-
 riti sunt iniuriòse habet. 4. Quia cum sperare nos iubeat vbe-
 riores propediem de Diuina Gratia commentarios, necesse fuit
 admoneri hominem, ut quæ in hisce præludijs quam plurima
 peccauit, inibi deuitaret; quò respublica Theologorum opus
 ab eo suis numeris absolutum reciperet. 5. Quia hic non agitur
 tantum causa nezzantium physicam prædeterminationem; sed
 ipsorum etiam Thomistarum, quorum doctrina tacitè condem-
 natur ab hoc auctore, quando significat in Epist. dedic. Nouam
 esse viam hanc quam sequitur, in cæteris omnibus offensian-
 culas esse ac scrupulos qui animos auertant. Et capite vlti-
 mo lib. 1. sub finem. Iam prodire in lucem id quod hætenus
 delituerat in aliorum principijs. Et qui mox sequutus est Au-
 ctor Quæst. Philosophicarum selectarum, in 2. parte Quæst. 9.
 postquam dubio secundo reiecit communes Thomistarum solutio-
 nes, dub. deinde quarto pronunciat, rationem tuendi physicas
 præmotiones quæ hoc opere continetur esse omnium probabi-
 lissimam. Vbi vides oppuglatoribus præmotionum amplius
 aliquid concedi quàm suinere velint. Nempe ipsos hætenus su-
 periores fuisse Thomistis, sin minus æquitate causæ; ac certè
 prælij fortuna. Sed horum veluti cadaueribus exportari iussis,
 arcam subeunt noui pugiles, pugnam instaurant, & de victo-
 ribus pœnas repetunt. Adeste igitur viri sortes, Adeste, nobisque
 animum vestrum artemque ac vires probate. Et primò quidem
 audire cupimus quid peccatum sit à Thomistis in hac discep-
 tatione quod emendationem vestram requireret? Rem totam
 paucis absoluo.

Thomistæ quia nesciunt Libertatem esse in Amplitudine positam, infelicitèr pugnaverunt, mox coronandi si hoc sciissent. O cæcæ superioris cui Theologiam, cui tam eximie tamque necessaria meditationis dies non illuxit! Verum siue in Amplitudine ponatur libertas, siue in angustia perinde est, hoc semper petimus, quomodo voluntas prædeterminata, libera sit libertate contradictionis & exercitij?

Quæstio hæc, inquit, ad eos tantum actus pertinet qui versantur circa media, nam in ijs qui circa finem, nulla est libertas exercitij aut contradictionis. Apagè, Ne in viatoribus quidem?

Ne in viatoribus quidem, inquit. Nam intentio finis est ipsa prædeterminatio Liberorum Agentium, quam proinde necesse est ut Deus in nobis sine nobis operetur. Ergo libertas arbitrij omnis electione mediorum circumscribitur. Quis hic non hæreat attonitus ad inauditam atque inexpectatam philosophandi rationem; Sed tamen esto etiam illud. At vel hoc satem exponite, quomodo libera sit voluntas prædeterminata ad hanc electionem huius medij, v. g. ad electionem hodierni ieiunij? Quomodo, inquam, potest non eligere illud, si prædeterminatur ut eligat?

Duplex est, inquit, libertas arbitrij: alia pura & perfecta: alia impura & imperfecta. Ut electio libera sit libertate pura & perfecta non est necessarium ut voluntas possit non eligere pro illa suppositione qua medium ad ordinem finis spectat, Deo verbi gratia volente ac prædeterminante ut eo utamur: sed satis est quod possit non eligere pro alia suppositione qua medium non spectabit amplius ad talem ordinem. Ergo quamvis prædeterminatio sit ita efficax, ut tollat potentiam cohibendi electionem illam pro tempore quo ipsa est, non tollit tamen libertatem: quin potius puram esse facit atque perfectam: quod remaneat potentia cohibendi, pro tempore quo tale medium non spectabit ad finis ordinem, hoc est pro tempore quo Deus non amplius ad illud prædeterminabit, sed prædeterminabit potius ad oppositum. Eius modi autem fuit prædeterminatio qua Christus Dominus impellebatur ad agendum, & B. Virgo & excellentiores Sancti.

Ut electio libera sit libertate impura & imperfecta, vo-

luntas debet posse deficere ab ordine finis, ac proinde posse non eligere medium quod elegit, etiam tum cum illud spectat ad huiusmodi ordinem. Hanc libertatem & potentiam habet populus fidelium, & non tollitur per prædeterminationem: quia non est ita potens in illis prædeterminatio ut defectibilitatem absumat; tametsi componi hæc duo sit impossibile, esse prædeterminationem ad aliquem actum, & simul non esse actum ad quem datur.

Vides ergo, Erudite Lector, quod attinet ad vulgus fidelium, eandem esse in hac sententia difficultatem quæ in sententia Thomistarum: nec aliâ ratione leuari, quàm trita illa distinctione. Quamvis voluntas non possit sustinere assensum ad quem physicè præmouetur in sensu composito, posse tamen in sensu diuiso, & hoc satis esse.

Vides 2. quod attinet ad paucos illos exceptos à communi lege, incurri grauiorem difficultatem, & quam ne Thomistæ quidem sorbere velint; scilicet potentiam agendi & non agendi quam libertas requirit, non esse pro eodem tempore, sed cum successione: esse nimirum potentiam agendi quando est prædeterminatio; quia quoties illa est, medium ponitur in ordine finis; & potentiam non agendi quando illa non est, quia tunc medium ex ordine illo rejicitur.

Vides 3. maius adhuc periculum adiri, dum negantur actus viatorum qui directè finem ultimum spectant, esse liberi libertate contradictionis & exercitij, contra Catholicam doctrinam. Itaque communem ac maximam Thomistarum difficultatem subire, eique aliam atque aliam insuper congerere multò grauiorem; hoc demum est afflictam prædeterminantium causam erexisse, hoc est Thomistis subuenisse labantibus. Quis igitur non libenti animo arriperet oblatam nunc primùm occasionem disputandi & pro Thomistis & contra prædeterminatores? Quod si Aduersarius impetum hunc eo animo excipiet quo à me imprimitur; nihil erit cur quisquam dubitet in hac opinionum contrarietate illæsam atque illibatam mansisse charitatem.

Vale.

APPROBATIO ILLVSTRISSIMI
EPISCOPI CADVRCENCIS, ATQVE
aliorum insignium virorum Doctorumque.

Vidi hanc *Exercitationem Scholasticam*, & libenter permitto
vt edatur in lucem, publicæ utilitatis causa. Cadurci 7. Iunii
Anno Domini 1632.

P. E. Cadurcensis.

Legi *Exercitationem Scholasticam Eugenij Philadelphi*, contra
nouam rationem tuendi *Physicas Præmotiones*, in qua
nihil est contrarium rectæ fidei, aut bonis moribus, quin potius
explicatur & defenditur vera bonæque doctrina. Cadurci 8. Iunii
Anno 1632.

De S. SVLPICE Archidiaç. Cadurcensis
& Vicarius Generalis.

Legi *Exercitationem Scholasticam Eugenij Philadelphi* contra
nouam rationem tuendi *Physicas Præmotiones Liberatorum Agen-*
sium; & fidem facio nihil in ea esse contrarium fidei aut bonis
moribus: quin potius doctrinam esse vtilem, & cognitione publica
dignam. Cadurci 7. Iunii Anno 1632.

G. CARBONEL Doctor Theologus
& Archidiaç. de Tornez.

Ego infra scriptus Fr. Iacobus Gratiæ Augustiniani instituti &
in Academia Cadurcorum Theologia Professor, librum qui inscri-
bitur, *Exercitatio Scholastica Eugenij Philadelphi*, contra no-
uam rationem tuendi *physicas præmotiones*, lustrans acurato exami-
ne, & quia in eo nihil fidei aut bonis moribus contrarium reperi, luce
dignum censui. Quare huic meo iudicio subscripsi, die 8. Iunii 1632.
Cadurci in aditu sancti Augustini.

F. IACOBVS GRATIAS Augustinianus,
Theologiæ Professor.

CAPVT



CAPVT PRIMVM

SVSPECTA.



EMINI cautum esse, ne-
la inuratur nota illi senten-
tiæ, quæ Physicas præmo-
tiones cum libertate volun-
tatis retinet, sicuti neque illi
quæ ablegat. Sed cum Phi-
losophandi modus ille, quem
in earum defensione secutus
est Author Operis de *Liber-
tate Dei, & Creaturæ*, nouus
sit, atque ijs implicatus opi-

nionibus, quarum condemnatio nullū est in præmotiones
præiudicium; è re Catholica fore putavi, si nonnullam
animi mei suspicionem aperirem, circa id genus placita
quædam, quæ cum rectæ fidei doctrina, & communi sa-
pientum sensu minus cohærere videntur. Atque ego qui-
dem id eo libentius facio, quòd sciam non displicere or-
dinarijs præmotionum Authoribus. Quippe qui fateri
coguntur, vltimum istius Doctoris suffragium non modo
esse irritum, sed & insuper causæ suæ perniciosum: quan-
do ea tantum conditione admittendas censet Physicas
prædeterminationes, quā non licet: nequē aliter putat
periculoso eripiendas esse iudicio, quā ipsa prope mo-
dum erroris confessione. Atqui opinio illa erat integræ
adhuc famæ: nec habebat quò plenam lucem, oculosue
Orthodoxorum vereretur, post vetitam à Sede Aposto-

KKK

lica vtrius-libet partis censuram. Quale igitur officium fuit, specie gratificandi edere illam in publicum, stipatam odioſo comitatu earum ſententiarum, quæ receptæ iam- pridem fidei non congruunt? Quin etiam Romam deducere ad ſupremum fidei Tribunal; cùm vel ſi vera ipſa foret, repulſam tamen huiusmodi cincta choragio meretur?

PRIMVM ergo PRONVTIATVM, quod videtur non ſatis eſſe Orthodoxum, eſt, Deum operari in nobis ſine nobis, conuerſionem noſtram. *Ita libro 1. c. 14. num. 4. ubi ſic loquitur.* Si de ordine gratiæ loquamur, in quo finis vltimus eſt Deus ſecundum ſe, cauſalitas illius eſt amor Dei ſiue conuerſio ad Deum: QVAM THEOLOGI OMNES, ET PRÆ RELIQVIS D. THOMAS, DICVNT FIERI A DEO IN NOBIS SINE NOBIS. *Idem habet cap. 9. num. 7.* Nulla, *inquit,* legitima conuerſio ad Deum, niſi quæ conſilia noſtra & cogitationes anteuertit, ac proinde niſi quam Deus inſpirat: Quod confirmat etiam D. Thom. 12. q. 109. art. 5. ubi expreſſè docet conuerſionem noſtram ad Deum, A SOLO DEO ESSE POSSE. *Et mox.* Conuerſio autem ad Deum, quæ luctam illam ſequitur, quòd conuerſio ſit, non habet à cogitationibus noſtris, quæ interuenerunt toto certaminis tempore; ſed à SOLA DEI GRATIA: quæ ſenſus noſtros rationemque ſuppreſſit, & victrix manſit.

D. Thomam & cæteros Theologos quare in teſtimonium adducat, prorſus nescio. Vnum ſcio, mihi eſſe incognitum, qui hoc aliquando inter Catholicos dixerit. S. Thom. præ cæteris hoc negat multis in locis, ſed expreſſè in illo ipſo qui designatur primæ ſecundæ q. 109. ar. 6. Nihil enim *expreſſius* fingi poteſt hiſce verbis. Ad 1. ergo dicendum, quòd CONVERſIO HOMINIS AD DEVM FIT QVIDEM PER LIBERVM ARBITRIVM, & ſecundum hoc homini præcipitur, quòd ſe ad Deum conuertat. Sed liberum arbitrium ad Deum conuerti non poteſt, niſi Deo ad ſe ipſum conuertente ſecundum illud Ier. &c. Quod ſit per liberum arbitrium, ſit-ne ſine nobis Vereor. vt S. Thomam & cæteros Theologos cum,

diceret, nominare voluerit Calvinum & Calvinistas.

Calvinus enim se illius esse sententiæ multoties profiteretur: sed potissimum 2. Inst. cap. 3. num. 5. Quia igitur „ peccati seruitute vineta detinetur voluntas, ad bonum „ commouere se non potest nedum applicare. Eiusmodi „ enim motus conuersionis ad Deum principium est, quæ „ Deigratiæ TOTA in scripturis tribuitur. Et num. 6. Quan- „ do nos Deus ad recti studium conuertit, aboletur quid- „ quid est propriæ nostræ voluntatis: Quod in eius locum „ succedit, totum à Deo est. Voluntatem dico aboleri, non „ quatenus est voluntas: quia in hominis conuersione in- „ tegrum manet, quod primæ est naturæ: creari etiam „ nouam dico, non vt voluntas esse incipiat, sed vt ver- „ ratur ex mala in bonam. HOC IN SOLIDVM A DEO „ FIERI AFFIRMO, &c. Idem iterum num. 8. & cap. 5. num. etiam 8. Vbi vides 1. vtrumque Authorem agere de conuersione actuali voluntatis à bono in malum 2. Nihil aliud asseri ab hoc, quàm quod ab illo: ab vtro- „ que autem, *huiusmodi conuersionem esse opus DEI SOLIVS*, seclusâ liberi arbitrij cooperatione. 3. Ambos eâdem ratione dicere se opinionem illam haussisse, hunc quidem ex scripturis, illum autem ex D. Thom. & omnibus Scholasticis.

Calvinistæ magno strepitu assentiuntur: quin etiam decernunt. Ita enim habet conuenticulum Dordracenum cap. 3. art. 12. Atque hæc est illa tantopere in scripturis prædicata regeneratio, noua creatio, suscitatione „ mortuis, & viuificatio, QVAM DEVS SINE NOBIS IN „ NOBIS OPERATUR. Hoc illis est, nostram viuificationem „ fieri in nobis sine nobis; quod huic Authori, conuersionem. Et eodem sensu postea c. 4. art. 9. damnantur qui docent gratiam & liberum arbitrium, esse causas partiales simul concurrentes ad conuersionis initium. Nempe quia conuersio illa est à Deo *in nobis sine nobis*, vt iste Author loquitur.

Mirabile autem est quod Calvinus perpetuo significat, in eo sibi aduersari Catholicos omnes Doctores, in quo iste sibi consentire illos putat: Accusat enim Calvinus

KKkk ij

Ad Bonos
Philos.

Petrum Lombardum cap. illo 3. num. 7. quòd liberæ voluntati suas partes tribuat in hominis conuersione: atque eò *præposterè detorqueat*, quod dictum est à S. Aug. quando Diuinæ gratiæ iungit *comitantem voluntatem*, non *ducentem*; *pedissequam*, non *præuiam*. Dixerat autem antea cap. 1. num. 6. *se longiore adhuc interuallo differre a recentioribus Sophistis*, quàm à Lombardo & Senioribus Scholasticis. Et iterùm cap. 3. num. 13. Audiamus, inquit, nunc Augustinum suis verbis loquentem, ne ætatis nostræ Pelagiani, hoc est Sorbonici Sophistæ, totam veritatem nobis aduersam pro suo more criminentur. Quid istud negotij est? Adeò truncus fuerit Caluinus, vt non intelligeret alludere sibi omnes Catholicorum scholas, in negando liberi arbitrij concursu ad conuersionem hominis ad Deum? Adeò fuerit amens, vt dissimulandum putaret eorum consensum; quin etiam dissensum confingendum, quò & minore plausu, & suspitione maiore admitteretur eius doctrina in eorum aures, quibus persuasam esse cupiebat? Puri putique Caluinistæ fuerint Sorbonici Doctores, in ea quæstione, in qua ille petulanter calumniatur esse Sophistas? Non equidem reor: Quin potius certum habeo perpetuam fuisse scholarum doctrinam, ad conuersionem peccatoris actualement, libero ipsum arbitrio semper concurrere: Itaque inauditum hætenus fuisse inter Scholasticos, nostram ad Deum conuersionem ab eo in nobis fieri *sine nobis*.

Eademque est apertissima Concilij Trid. sententia sess. 6. cap. 5. ubi & Diuinæ gratiæ necessitatem, & liberæ voluntatis cooperationem in negotio conuersionis omnino coniungit: & vtrumque deducit ex sacris litteris. *Quando enim dicitur*, inquit o, *conuertimini ad me, & ego conuertar ad vos; libertatis nostræ admonemur. Cum respondemus, conuertere nos Domine ad te, & conuertemur; Dei nos gratia præueniri confitemur. Quâ igitur confidentia sine nobis fieri dicitur illud, ad quod liberâ voluntate concurrimus Ecclesia sanctificante?*

SE C V N D V M habetur cap. 30. num. 7. quem locum visum est apponere hic integrum, ita vero habet.

Illa ipsa inclinatio & conuersio ad Deum, quæ modo „
magis, modo minus obscura est; modo plus modo minus „
illustis: est & vocatio & præmotio. Eadem quoque se- „
cundum rem & entitatem est nostra ad Deum conuersio „
siue operatio: nostra in rigore quæ aliquo tempore ante „
in nobis erat; sed nostra non erat. Eadem ergo motio ali- „
quo tempore interdum in anima nostra est, sed nostra „
non est; eius vt sic dicam recessus obambulans & tentans „
illam, si forte obtemperet; tumque inefficax est & mini- „
mè adhuc nostra: quippè obsistentibus nobis & contra- „
dicentibus. Postea autem cum Deo ita visum est pene- „
trat interiora nostra; nec est motio tantum Diuina in „
nobis residens, sed fit nostra dum per illam ita ad inferio- „
ra comparatur, vt simus illis superiores, nec amplius sicut „
ante inordinate inhæreamus, & tum est efficax; non ex- „
euentu consensus nostri: sed quia tum immittitur à Deo „
cum proposito conuersionis nostræ. „

En tibi, Lector optime, stupendam sanè picturam: in qua
cernere est sententiarum pugnas, rationum hiatus, umbras
cogitationum fugaces, quæ amplecti volentem ludificant,
speciem denique totius doctrinæ variam ac multiformem,
quæ neque hoc, neque illud, neque aliud, sed re-
presentat nescio quid. Vnum est quod ex illis tenebris
emicat, *Diuinam scilicet præmotionem*, hoc est præuenien-
tem & excitantem gratiam, *secundum rem & enitatem idem
esse cum nostra ad Deum conuersione*. Hoc autem affirmari ab
aliquo potest duobus modis. 1. Si lubeat id quod alij vo-
cant præmotionem, seu præuenientem gratiam appellare
conuersionem nostram. 2. Si lubeat id quod alij, appel-
lant conuersionem nostram, non distinguere à præue-
nienti gratiâ Diuina præmotione.

Hoc secundo modo philosophatur iste Author, cuius,
rei suppetunt argumenta tria. 1. est, Quia conuersionem
nostram ad Deum confundit cum amore Dei supernatu-
rali cap. 14. num. 4. 2. est. Quia ibid. asserit conuersionem
nostram in ordine gratiæ, respondere intentioni
finis efficaci & perfectæ. Tertium est, Quia cap. 9. num. 8.
in eadem conuersione, quam vocat *alium peccatoris*, inue-

nit duplicem rationem; alteram *conuerſionis ad Deum præciſe*: alteram *auerſionis à creaturis*, & ſub hac poſteriori ratione illi etiam inefſe dicit aliquod meritum, quod ſit proprium eius qui conuertitur. Vnde conſtat euidenter huic Authori cum cæteris conuenire in propria *conuerſionis* acceptione; vt ſcilicet intelligatur eſſe actus voluntatis, illius qui conuertitur, quo à peccatis & peccatorum illecebris auulſus, Deum amplectitur eique adhæret.

Conuerſionem igitur ita ſumptam idem eſſe dicit ſecundum rem & entitatem cum præuenienti atque excitanti gratia. Quæ ſententia mihi valde ſuſpecta eſt. 1. Quia repugnat communi ſenſui Theologorum omnium Scholaſticorum, qui præuenienti & excitanti gratiâ, præueniri & excitari concipiunt voluntatem vt conuertatur: itaque illam *conuerſionem* diſtingunt à gratia: quod ſit ridiculum dicere, neceſſariam eſſe gratiam præuenientem, ad id quod eſt gratia præueniens, & prærequiri Diuinam motionem, ad id quod eſt ipſa motio; præſupponi conuerſionem hominis vt ſit conuerſio: & prius eſſe illum excitari à Deo quam excitetur. Hæc autem omnia contingunt ſi conuerſio cum præmotione confunditur, hoc eſt cum excitanti & præuenienti gratia.

2. Eadem ſententia peſſundat doctrinam Concilij Trid. ſeſſ. 6. cap. 5. & 6. & can. 3. & 4. vbi eadem diſtinctio realis *Diuinæ Motionis* & *Conuerſionis* perpetuò ſignificatur & ſupponitur. Nam imprimis *per vocationem, ſeu præuenientem & excitantem gratiam* (hæc enim pro eodem habet) *diſponi dicit peccatorem ad conuertendum ſe*, quo nihil dici poſſit ineptius, ſi hæc *Conuerſio* idem ſit cum illa *Gratia*. Deinde, ſeparabilem putat præuenientem gratiam à *conuerſione* omnique conſenſu voluntatis, cum definit, *hominem poſſe inſpirationem illam atque illuminationem præuenientem abjicere & poſſe diſſentire ſi velit*. Atqui duorum ſeparatio eſt certiffimum diſtinctionis ſignum.

3. Quod illa *Gratia* vocetur *illuminatio*, argumento eſt pertinere ad intellectum; itaque diſtingui à *Conuerſione*, quæ voluntatis eſt. 4. Docet Conſilium, adiuuante illa *gratia concipi fidem*; inde vero ſequi *timorem Diuinæ iuſtitie*;

atque insuper *spem ex consideratione Divinae misericordiae*, denique *dilectionem aliquam Dei*, & quoddam *odium & detestationem peccatorum*. Qua oratione significari & distinctionem actuum & subordinationem ita est perspicuum, ut nemo sanæ mentis negare possit. Atqui Divina gratia prærequiritur ad fidem: ergo ad fidem prærequiritur *Conversio* ad Deum nostra: si quidem supponitur idem esse cum illa gratia: sed fides præcedit timorem, spem, charitatem, odium & detestationem peccatorum: ergo nostra *Conversio* eadem omnia præcedit: ergo intelligetur peccator ad Deum esse *conversus*, quamvis nondum intelligatur vel timere illum vel amare, vel ab eo sperare aliquid, vel auerti à peccato suo per odium & detestationem illius. Quod cum apertam habeat repugnantiam, sequitur aut abiurandum esse Trid. aut condemnandam huiusce Authoris sententiam hanc, qua docet, *nostram ad Deum conversionem, & Divinam motionem secundum rem & essentiam idem esse.*

TERTIUM est, *Non debere tribui libero arbitrio dominium actuum suorum*. Ita c. præsertim 9. n. 6. ubi sic loquitur. Dominium non est actuum, sed rerum quibus per illos incumbimus: nec potest esse dominus actuum, nisi qui est dominus rerum. At nullum dominium respectu Dei: ergo nec respectu amoris Dei. Subdit postea, nos dici dominari & scire cupiditatibus nostris *metonymicos*, sumendo actus pro obiectis & antea c. 1. num. 5. *libertas exercitij in nobis, dicit dominium actuum nostrorum* VEL OBIECTORVM POTIVS. Quibus omnibus hoc saltem ostendit manifeste, non videri propriè locutos, qui dixerunt, *libero arbitrio competere dominium actuum suorum*. Id quod diserte proficitur cap. 27. num. 4. Erit, inquit, solutio illustrior pleniorque, si recolatur mente quod alibi dictum est, dominium propriè non respicere actus, sed res circa quas per illos versamur. Quamquam si & hoc ad actus referatur, quod non nisi improprie fit, &c. Quod si sermo sit de illis actibus qui circa Deum versantur, censet omnino negandum esse huiusmodi dominium.

Atqui utrumque hoc placitum mihi suspectum vide-

tur. f. Quia ita laudatur Lutherus, & facultas Sorbonica corrigitur. Lutheri articulus est, *liberum arbitrium non est dominus actuum suorum*. Sorbonæ iudicium est, in censura Lutheranarum propositionum tit. 18. de lib. arb.

» Hæc propositio est falsa, sacris Doctoribus ac omni
 » doctrinæ morali aduersa, cum Manichæorum errore con-
 » ueniens, ac hæretica. Iam vero iste Doctor, Sorbonæ
 ritibus initiatus, perinde quasi esset oblitus Sacramenti
 sui, quidquid sit de mente Lutheri, *proprie* saltem locu-
 tum censet, in eo in quo Facultas Parisiensis fuisse dicit
Hæreticum, Manichæum, sacris Doctoribus & omni doctrinæ
moralis contrarium. Et proinde eandem facultatem, quæ
 suâ illâ censurâ exigit, vt dicatur in esse libero arbitrio
dominium actuum suorum, quidquid sit de recta ipsius men-
 te, cogere tamen putat Scholas, & Scholasticos omnes
 peius loqui, quam Lutherus locutus sit.

2. Suspectum videtur eiusdem Authoris iudicium, eo
 quod non solum loquendi modum in Luthero prober,
 sed & partim ipsam quoque sententiam, quando scilicet
 absolute negat libero arbitrio competere dominium eor-
 um actuum, qui circa Deum versantur. Mihi enim val-
 de credibile videtur, de illis potissimum actibus, quibus
 homines in Deum tendunt quæstionem intercessisse Lu-
 therum inter & Catholicos: vereorque ne non sit satis
 tutum existimare ac dicere, impium illum Apostatam,
 eatenus Orthodoxum fuisse, quatenus negauit libero
 arbitrio *dominium actuum amoris Dei, contritionis, &c.*

QUARTVM, *Non solum non esse in libero arbitrio domi-*
nium actuum, qui directe in Deum tendunt, sed absolute
nullum esse liberum arbitrium, respectu eorundem actuum, etiam
in viatoribus. Nam 1. intentionem finis vltimi perpetuo
 negat esse operationem causæ liberæ, primumque illius
 » exercitium electionem esse significat. Nota, *inquit cap.*
 » *18. num. 2.* verba illa & aduerte actionem omnis causæ
 » secundæ esse inclinationem eius: quod maxime constat
 » de actione causæ liberæ qua talis, siue de electione. *Et*
 » *cap. 28. num. 3.* Qui libere agit, *inquit*, siue quod idem est
 qui

qui benè eligit, & cap. 27. num. 4. Duo sunt quæ accipi-
 mus à Deo, siue quæ Deus operatur in nobis. Vnum qui-
 dem quod operatur in nobis SINE NOBIS, vlt est intentio
 finis: alterum, &c. Et cap. 29. num. 3. Intentio quidem,
 NON EIVS (*causæ libere*) SED DEI IN EA MOTVS EST. Et
 cap. 4. num. 5. docet, ei tantum parti voluntatis, quæ cir-
 ca media versatur, liberi arbitrij nomen proprie com-
 petere. Et clarissimè cap. 9. num 5. & 6. vbi agens de
 interiori occupatione hominis viatoris circa finem &
 circa Deum, negat esse verum quod communiter dici
 solet, nos indifferentes esse ad exercitium illorum
 actuum, seu esse nostri arbitrij quandiu viatores sumus,
 modò in eo versari, modò minimè, nullam, enim homi-
 ni stanti & recto circa finem vltimum indifferentiam con-
 uenire. Et tandem concludit in hunc modum. *Nulla ergo
 indifferentia siue libertas contradictionis circa finem.* Possent
 alia id genus multa proferri: Sed ex his satis constat ne-
 gari ab hoc Authore Intentionem vltimi finis, amorem
 Dei, & quencumque alium actum qui directè in Deum
 tendat, esse liberum libertate arbitrij, seu contradictio-
 nis, seu exercitij. Illis tantum concedit alium quandam
 libertatis modum quem vocat *status*, quamque reperit
 tum in ipso amore beatifico, tum etiam in processioni-
 bus Diuinis, generatione scilicet Æterni Filij, & spira-
 tione.

Atqui hæc doctrina mihi valde suspecta est 1. Quia
 quod fateretur *solere communiter dici*, nos esse indifferentes
 ac liberos ad exercitium illorum actuum; adeò verum
 est, vt meminisse non possim me Authorem vllum Ca-
 tholicum videre aut audire, qui contrarium innueret.
 Caluinus quidem & Lutherus & eiusdem farinae homi-
 nes, in vniuersum negant libertatem arbitrij ad actus bo-
 nos, & nominatim ad eos qui Deum respiciunt, vt sunt
 actus fidei, spei, charitatis: sed extra causas illas vix repe-
 riantur qui balare ita velint. Et quia iste Author ex om-
 nibus scholis quinque-viros sibi delegit, vt ex eorum
 suffragio intelligatur quis sit communis sensus scholasti-
 corum, S. Thom. S. Bonauenturam, Scotum, Henri-

cum, & Durandum, lubet apponere hoc loco testimonia singulorum.

S. Thomas q. 6. de malo disputat de electione humana, & vnico illius articulo titulum præfigit, *Num homo habeat liberam electionem actuum, aut ex necessitate eligat*. Postea verò cum definisset hominem ex necessitate appetere Beatitudinem, statim subiicit. Dico autem ex necessitate quantum ad determinationem actus, quia non potest velle oppositum, NON AVTEM QUAM TVM AD EXERCITIUM ACTVS, &c. *Et resp. ad 7. cum dixisset voluntatem* non posse non velle bonum perfectum quod est Beatitudo, *hoc statim, corrigit* ita scilicet quod velit eius oppositum, POTEST TAMEN NON VELLE ACTV, &c. Vides clarissimam esse D. Thom. sententiam, quæ vna etiam est omnium Thomistarum, circa finem vltimum non habere nos quidem libertatem quæ vocatur specificationis seu contrarietatis; habere tamen illam quæ vocatur exercitij, seu contradictionis, quod sit ad contradictoria, nempe ad actum vel non actum. Eandem doctrinam habet 1. p. quæst. 82. art. 2. & 1. 2. quæst. 10. art. 2.

S. BONAVENTURA lib. 2. sent. dist. 25. par. 2. art. 1. qu. 2. In libero arbitrio, *inquit*, est considerare actum volendi & ipsum volitum, & in quantum liberum arbitrium est deliberans, necesse est quod contingentia sit circa vtrumque istorum, vel circa alterum. Circa vtrumque, vt cum quis deliberat vtrum velit intrare Religionem, vel diligere amicum; circa alterum, vt cum quis deliberat, vtrum debeat sibi placere vel displicere malum quod fecit: Vel vtrum debeat consentire vel dissentire appetitui naturaliter inserto vtpote appetitui beatitudinis. Sic igitur actus liberi arbitrij deliberantis, quamuis possit esse circa necessarium, SEMPER EST CONTINGENS. Duo hîc perspicue asseruntur. Primum est, In actu voluntatis qui versatur circa obiectum necessarium, cuiusmodi est actus amoris Dei, intentio finis vltimi, & similes, esse contingentiam: quod est, causam à qua eliciuntur, ita illos elicere vt possit non elicere: hoc autem est esse liberam *libertate exercitij, & contradictionis*. Secun-

dum est, Huiusmodi actus esse actus liberi arbitrij, etiam *ut est deliberans* : eliciendusne sit actus, necnè: quod est tribuere illos actus libero arbitrio quatenus est indifferens ad agendum & non agendum. Amentis enim est *deliberare*, sitne aliquid agendum, an non; quando non est utriuslibet facultas. Ergo iuxta S. Bonaventuram, datur *indifferentia & libertas arbitrij, & exercitij, & contradictionis in actibus voluntatis, quibus homo viator circa Deum occupatur.*

SCOTVS 1. sent. dist. 1. §. quantum ad primum art. dico, *inquit*, quod voluntas, sicut non necessariò fruitor,, his quæ sunt ad finem; SIC NEC FINE OBSCURE APPRE-,, HENSO. Quantum ad 2. articulum, concordo cum 1. opi-,, nione, QVOD NON NECESSARIÒ FRUITVR FINE APPRE-,, HENSO IN PARTICVLARI, ET OBSCURE. *Et deinde §. ad,, argumenta dico, ita respondet.* Ad 3. dico vno modo, quod,, licet non sit ibi aliquis defectus alicuius boni, vel aliqua,, malicia (*loquitur de fine ultimo obscure apprehenso*) & idèd,, non possit fortè voluntas nolle illud; quia obiectum actus,, nolendi est malum vel defectiuum: POTEST TAMEN,, ILLVD BONVM PERFECTVM NON VELLE, quia in pote-,, state voluntatis est, non tantum sic, vel sic velle; sed,, velle non velle: quia libertas eius est ad agendum vel,, non agendum, &c. Vides hîc agi de occupatione inter-,, na voluntatis circa finem vltimum in communi; hoc est,, circa rationem communem summi boni: item circa finem vltimum in particulari, hoc est determinatè circa Deum: præterea de utroque obscure apprehenso hoc est apprehenso à viatoribus, & consequenter de occupatione voluntatis viatoris circa Deum, & summum bonum. Huiusmodi autem occupationem Scotus necessariam esse negat. Ita igitur in hæc obiecta tendit voluntas, vt sistere possit; quod est esse indifferentem & liberam *libertate exercitij & contradictionis*: idque apertius significat dum,, dicit, posse voluntatem non velle illud bonum: eo quòd,, libertas eius sit ad agendum vel non agendum. Sed su-,, perfluum est inuestigandæ hoc loco sententiæ Scoti diutius insistere; cum constet defendi ab ipso libertatem contradictionis etiam in actu amoris beatifici.

» HENRICVS Gandauensis quod. lib. 9. q. 5. Ad quod.
 » cumque bonum propositum, *inquit*, citra finem vltimum
 » manifestè visum, voluntas potest ex se moueri, & sine
 » motu à quocumque alio sicut & diuertere ab illo. *Item*,
 » Pondus quod voluntas imponit intellectui non est tan-
 » tum, quin voluntas vt libera arbitrio, possit contrarium
 » eius ad quod inclinat, velle: QVODCVMQVE ILLVD SIT,
 » CITRA APERTAM VISIONEM VLTIMI ET FINALIS BONI.
 » *Item*, quantumcumque proponatur propositio factiua
 » per bonum, nisi sit de summo bono apertè viso, non ne-
 » cessario statim operatur: imo potest liberè repellere
 » propositum. Subdit postea, voluntatem moueri quidem
 » liberè in summum bonum *præsentialiter visum*; sed moueri
 » *per liberum arbitrium*, in quodlibet aliud, ET IN ILLVD
 » IDEM QVOD NON PRÆSENTIALITER VISVM. Quasi dic-
 » ceret, Beatos qui Deum vident, liberè quidem amare,
 » aliqua libertate; quæ nimirum coactionem excludat &
 » miseriam: sed viatores qui non viderit, amare illum libe-
 » re, ea libertate quæ proprie constituit liberum arbitrium.
 » Atque his testimonijs excogitari nihil potuit, quò diser-
 » tius adstrueretur & indifferentia voluntatis, & libertas
 » exercitij seu contradictionis in ijs actibus queis circa
 » Deum fide cognitum occupamur.

DVRANDVS 4. sent. dist. 49. quæst. 8; num. 17. Si
 » Beatitudo, *inquit*, accipiatur inspeciali, pro eo in quo
 » verè consistit; SIC VOLVNTAS VIATORIS NON NECES-
 » SARIO VULT BEATITVDINEM: Sed potest non velle ne-
 » gatiue, & etiam nolle, &c. Subdit num. 18. tali appetitu
 » (*loquitur de efficaci*) non necessariò volumus Beatitudi-
 » nem propositam solùm, secundum communem ratio-
 » nem Beatitudinis, &c. Iam vero num. 9. ei quod est *velle*
 » *necessario*, opposuit *non velle liberè*. Atque ita cæteris ap-
 » primè consentit Durandus in asserenda libertate volun-
 » tatis, tum circa summum bonum in vniuersum, tum pe-
 » culiariter circa Deum à viatore cognitum: ita tamen vt
 » circa Deum, sit *libertatem contradictionis*; qua prosequi
 » potest vel non prosequi; & *contrarietatis*; quâ potest vel
 » prosequi vel fugere positiue: esto circa summum bonum.

confuse sumptum, sit libertas tantum *contradictionis*.

QUID igitur restat, nisi ut accusemus istius Doctoris oculos, qui cum in præfatione sui operis, iactet se à recentiorum opinionibus abalienatum conuersum esse ad vetustiores Theologos. D. Thomam, D. Bonauenturam. Scotum, Durandum, Gandauensem, *clarissima scholæ Parisiensis lumina*; tanta in luce videre non potuit, se vnicum esse qui negaret *omnem indifferentiam, omnem libertatem contradictionis & exercitij*, denique, *omnem liberi arbitrij propriam rationem in interna viatorum occupatione circa Deum*? Sed quod ego magis miror, est illa species triumphi quam exhibet cap. 9. num. 3. ubi cum protulisset iam laudatos Doctores, ad probandum dari veram libertatem circa finem; ita illos in pompam recolligit, Si ergo authores postulas, quorum suffragio ista doctrina confirmetur; En tibi D. Thomam, D. Bonauenturam, Scotum, Henricum, Durandum, Theologiæ, Scholasticæ clarissima sideraque eam non obiter & intranscursu delibant; sed iactis fundamentis & ex professo defendunt. Quæ ista est tam stupenda rerum mutatio: ibi triumphas, mi Pater, ubi vinceris, tibi que aridere putas Theologiæ Proceres, quum repellunt? Ecce libertas ab illis adstruitur circa finem vltimum fide cognitum quàm illa quam tute negas? Quæ verò circa visum aperte, quam illa de qua nullum exercetur iudicium, quod nemo sit qui contradicendum putet? Liber est, inquiunt, amor, quo Beati Deum amant, non tamen libertate arbitrij seu contradictionis; Quis abnuet? Liber est etiam, quo viatores illum prosequuntur, sed libertate arbitrij & contradictionis; quare vnus ipse repugnas? Iudicium illorum alijs objicis, & solus arguis? Ac tandem clarissima dicis esse sidera quæ nihil aliud sunt, quam noctium tuarum argumenta? Horum igitur Doctorum suffragium, & cæterorum omnium consensus prima est suspicionis meæ causa.

SECUNDA petitur ex perpetuo more SS. Patrum, probandi libertatem arbitrij, ex vsu & fructu consiliorum, præceptorum, admonitionum, obiurgationum, earum-

que id genus rationum, queis aliquid persuaderi alter, consuevit: quod nemo sanus sit, cui non videatur esse absurdum, hortando monendoque impellere hominem ad hoc agendum, quod vel ita facit, vt non habeat omit- tendi potestatem: vel ita omittit, vt agendi facultas nul- la sit. Quare censent, ad ea quæ huiusmodi sunt, suppe- tere agendi vel non agendi potentiam, hoc est indiffe- rentiam, & libertatem contradictionis. Probarem hoc amplo & numerofo testimoniorum apparatu, si tam bre- ui negotio fieri posset quam potest facili. Sed, vt opinor, nemo erit tam tyro, qui meam hoc loco desideret ope- ram. Atqui est etiam perinde manifestum, & eisdem SS. Patres, & Deum ipsum in sacris codicibus perpetuò ferè proponere id genus consilia præceptaque circa in- tentionem summi boni, & amorem Diuinæ bonitatis: at- que omni ratione impellere hortando, iubendo, incre- pando, monendo, vt in ijs actibus occupemur: ergò non potest meritò dubitari, quin censeant suppetere nobis potestatem exprimendi ac supprimendi tales actus: hoc est indifferentiam agendi & non agendi, & libertatem contraditionis. Suspectâ igitur meritissimò censeri debet opinio quæ negat.

TERTIA suspicionis causa est, quia perspicuum vide- tur, ijs potissimum actibus quibus voluntas nostra in Deum recta tendit, constare hominis præparationem ad iustificationis beneficium recipiendum. Atqui vulgatissi- mum etiam est præparationem huiusmodi à Concilio Trid. post Diuinam gratiam sic attribui libero arbitrio; vt dicatur etiam posse impedire: quod est esse indiffe- rens & liberum libertate saltem exercitij, seu contradi- ctionis. Ita enim loquitur Concilium sess. 6. can. 4. Si
 „ quis dixerit liberum hominis arbitrium, à Deo motum
 „ & excitatum, nihil cooperari assentiendo Deo excitanti
 „ atque vocanti, quo ad obtinendam iustificationis gra-
 „ tiam se disponat ac præparet: neque posse dissentire si
 „ velit; sed veluti inanime quoddam nihil omninò agere,
 „ mereque passiuè se habere, anathema sit. Vides, vt dis-
 positionem, quæ iustificationi præmittitur; liberam di-

cit libertate arbitrij? Vides, vt asserit liberum arbitrium diuinitus adiutum, ita expromere actus, quibus hæc dispositio conflatur, vt consentiat Diuinæ gratiæ *cum potentia dissentiendi*? Quid igitur superest, nisi vt dicamus opinionem quæ negat eoldem actus esse *proprie* à libero arbitrio; vllamuedari ad eos indifferentiam, aut libertatam contradictionis iam esse de cælo tactam?

QUINTVM huius Doctoris placitum nobis suspectum est, *Voluntatem nostram non tantum non esse causam liberam intentionis summi boni; sed omninò non esse illius causam efficientem.* Nam cap. 20. numero 2. vbi comparat causas morales cum naturalibus in moralibus, *inquit,* actus secundus **NVMQVAM ACTIONEM, SIVE PRODVCTIONEM** significat: sed si ad finem quidem compares, motum importat, secundum quem causæ morales perficiuntur vnione intimiori ad summum bonum, &c. *Et deinde,* Si rectè & vt par est ordinati sumus, nunquam aliter comparamur ad finem, quàm vt inferius ad superioris, potentia ad actum, perfectibile ad perfectiuum, **QVÆ EST HABITVDO PASSIVA NON ACTIVA. Iterum,** Porro adhæssionem illam ad finem, nec fieri primum, nec augere posse à nobis; sed ab eo tantum cuius est in finem dirigere. ei perspicuum erit qui aduertet, &c. *Et num. 5. loquens de intentione finis Deus, inquit,* per illam hominem mouet, vt eam dans & imprimens, homo vero seipsum **VT RECIPIENS. NAM NON NISI PASSIVE AD EAM PRÆCISE SVMP TAM SE HABET:** quemquam per illam vt per formam in se iam residentem, actiue se habeat ad media.

Vt verum fatear, non possum hoc loco ad tuendam suspensionem meam proponere Caluini consensum. Illi enim pinguior esse visâ est Lutheri philosophia, quam vt eam in hoc casu sequi deberet, vt patet ex 2. Inst. cap. 3. numero 14. & cap. 5. numero item 14. Sed ideo tamen debet esse suspecta huiusmodi doctrina, quòd habeat quandam affinitatem cum illo tum Lutheri, tum Lutheranorum rigidorum errore, quo, vt refert Bellarminus

2. de pœnitentia cap. 2. idem affirmant de contritione, quod modo de recta in Deum intentione. 2. Mouet etiam vnanimis consensus omnium Scholasticorum, inter quos nemo vnus vnquam extitit, qui crederet extra hominem penitus, atque in ipso Deo sitam esse totam vim istorum actuum productiuam. 3. Moueor præcipue autoritate Concilij Trident. à quo prorsus quod iste Author negat, totidem verbis affirmatum, atque anathemate vallatum inuenio. Nec enim dubitari potest, quin intentio vltimi finis præsertim sumpti deffinite, & prout est Deus (quo sensu loquitur etiam hic Author vt constat ex cap. 19. num. 3.) sit vna ex precipuis illis dispositionibus, de quibus agitur in Trident. sess. 6. cap. 6. vbi palam fit, *ita illas ab hominum libertate pendere, vt tangente Deo cor hominis, ipse aliquid agat.* Et can. 4. anathema dicitur affirmanti *liberum arbitrium habere se mere passiuè* ad præparationem iustificationi præuiam. Quid igitur de illo censes, qui affirmat hominem *non nisi passiuè se habere ad eam præcisè sumptam*? Illius habitudinem *esse passiuam, non actiuam*? Neque fieri à nobis, nec augeri posse, *sed à Deo tantum*? Denique actum secundum causæ moralis, *numquam actionem seu productionem significare*? An est temeraria suspicio, quæ timet ne sit à Trident. de notatus is qui hæc profert, neue iam sit fulguritus? At inquires, ego tantum aliter loquor: non aliter sentio. Fateor minus esse peccatum, si te Concilio œcumenico loquendi magistrum tantum præbes: &, quod est Spiritus sancti munus Ecclesiæ linguam vltro moderandam suscipis.

SEXTVM, ex duobus prioribus connexum, est, *hominem mereri, & esse laude dignum, eo actu cuius non est causa libera.* Nam cap. 9. num 5. ita loquitur Homo viator, suâ circa Deum occupatione meretur, & est laude dignus, ac præmiò, vt omnes concedunt: ergo libera est illa occupatio quæ tamen est circa finem. Et mox, Sed si rem exacte perpendamus, inueniemus nullam homini stanti & recto circa finem vltimum indifferentiam conuenire. Ac tandem. NULLA ERGO INDIFFERENTIA, SIVE LIBERTAS CONTRADICTIONIS CIRCA FINEM: & tamen circa

circa finem aliqua libertas vera, vt & meritum, quod „
 numquam sine libertate reperitur: vnde vltius inferitur „
 dari libertatem libertate contradictionis superiorem. „
 Quasi diceret, occupationem hanc internam, quâ &
 meretur homo & est laude dignus, libertatem habere
 qualis reperitur in amore beatifico, & in emanationibus
 æternis secundæ, ac tertiæ personæ SS. Trinitatis, quam
 vocare libuit, *libertatem statui*; non habere autem eam
 libertatem, quæ est *indifferentia ad agendum & non agen-*
dum, constituitque causam propriè liberam, & quæ cum
 libertate contradictionis conuertitur ex cap. 14. num. 7.
 sicuti hæc conuertitur cum libertate exercitij ex cap. 9.
 num. 8. quare hanc libertatem non requiri ad meritum.
 Hanc esse genuinam huius Authoris sententiam, aper-
 tum est tum ex his, tum ex ijs quæ docet in fine cap. 9.
 & initio cap. 10. & lib. 2. cap. 3.

Hæc autem doctrina mihi suspecta est, non tantum
 quia noua & singularis; sed quia est aduersa veteri, &
 communi. Neque enim omni tempore celebratum est,
 hodieque celebratur hoc solum, meritum sine libertate
 numquam reperiri: sed est insuper expressus libertatis
 modus, vt sit potestas agendi vel non agendi, necessi-
 tatis impatiens, ad alterutrum seorsim determinantis,
 quod est esse indifferentiam, & libertatem contradic-
 tionis & exercitij. Non est instituti mei, cogere in hunc lo-
 cum testimonia singulorum: leuauit me onere illo Coc-
 cius tom. 2. lib. 1. de natura hominis art. 5. Ruiz de scien-
 tia Dei toto lib. 3. & alij plerique. Non possum tamen
 omittere vnum S. Augustini locum, cui cum opposuisset
 Pelagius dixisse Hieronymum, *non esse coronam, ubi est*
agendi necessitas, dictum approbando subdit cap. 65. de
 natura & gratia, *Quis non agnoscat? Quis non toto corde*
suscipiat? Quis aliter conditam humanam neget esse naturam?
Quis vero? Tuis fortasse temporibus, Præsul sanctissime,
 orthodoxus nullus, expectabatur enim sæculum à Chri-
 sto decimum septimum, à tuo duodecimum, quo Theo-
 logiâ recentibus astris, & vberiore lumine illustratâ,
 prodiret opus *De libertate Dei & creature*, quo diceretur.

M M m m

homo mereri & esse laude dignus tum cum non habet indifferentiam vllam ad agendum vel non agendum, & quod idem est, nullam libertatem contradictionis, seu exercitij.

PRÆTEREA suspecta esse debet hæc doctrina ob censuram Facultatis Theologiæ Parisiensis ad tit. 16. propositionum Erasmicarum. Cum enim dixisset Erasmus *Augustinum vix posse constituere merita*; subiicit Sorbona, A Christo merita constitui, item ab Apostolo, item a Sapiente in Prou. & Ecclef. Et post eos, *inquit*, conformiter ad cæteros Catholicos Doctores, Augustinus, meritum asserens constare ex libero arbitrio vertibili, & Diuina gratia: vt sit meritum, opus & gratiæ, & liberi arbitrij vertibilis: Censet igitur Schola Parisiensis, ita requiri liberum arbitrium *vertibile* ad constituendum meritum, vt ea sit & S. Augustini, & cæterorum *Catholicorum* doctrina. Atqui liberum arbitrium *vertibile*, nihil aliud esse potest, quàm liberum arbitrium ita operans vt possit non operari; vel ita non operans vt possit operari, quæ est indifferentia ad agendum vel non agendum, & libertas contradictionis & exercitij: ergo si quidem Sorbonæ creditur, sine hac non constituitur meritum à Catholicis.

DENIQUE appono iudicium S. Thom. qu. 6. de malo, art. 1. in corp. Postquam enim retulit opinionem aliorum, qui dicunt hominis voluntatem, quamuis neque cogatur neque violentiam patiatur, moueri tamen ex necessitate ad aliquid eligendum, omnino pronuntiat, Hæreticam esse opinionem. banc. Tollit enim, *inquit*, rationem meriti & demeriti in humanis actibus. Non enim videtur esse meritorium vel demeritorium, quod aliquis sic ex necessitate agit, quod vitare non possit. Asserere agendi necessitatem, idem est ac negare indifferentiam agendi & non agendi, vt constat ex notitia terminorum: ergo si vnum videtur *hæreticum*, eo quod tollat rationem meriti & demeriti; aliud quoque ob eandem rationem hæreticum videri debet. Non est igitur *Catholicum* existimare sublata illa indifferentia, & substituta

necessitate, remanere nihilominus rationem meriti & demeriti. Atque hoc magis adhuc explicat S. Thom. cum requirit ut id quod est meritorium sic fiat à merente, *quod vitari possit*. Cum sit manifestum, id quod aliquis ita facit ut possit non facere, fieri ab eo libere: libertate contradictionis, & exercitij. Quam ergo doctrinam nos *suspectam* esse dicimus, stare nimirum posse meritum sine libertate contradictionis; S. Thomas exserte pronuntiat: esse etiam *hæreticam*.

SEPTIMUM est etiam connexum ex superioribus, scilicet Meritorium esse, non solum quod aliquis facit absque libertate contradictionis: verum etiam quod ne facit quidem, sed recipit tantum. Constat ita sentire hunc Authorem, quia in illa interna hominis occupatione circa finem, de qua superius, comprehendit sine dubio intentionem: cum ea vel sola vel præcipua sit viatoris occupatio circa finem. Illa igitur est, per quam viator meretur & est laude dignus. Atqui audiuius antea hominem non nisi passivè se habere ad illam: in nobis fieri & augeri à Deo tantum: habitudinem quam per illam ad Deum dicimus, non esse activam sed passivam: Est igitur meritum in eo quod non agimus. Atque hoc apertius patet ex cap. 9. num. 8. ubi postquam distinxit in conuersione ad Deum nostrâ duplicè rationem, nempe ipsam præcisè rationem conuersionis ad Deum: & rationem separationis à creaturis: subdit, Hanc quidem auersionem à creaturis, prout innititur Deo sicut fini nostro, cui inhæremus, esse meritoriam tanquam actum nostrum: illam verò conuersionem præcisè sumptam etsi sit meritoria vitæ æternæ, non tamen tanquam actum nostrum (quia inquit, ut optimè dicit D. Th. non mouemus nos in finem) sed tanquã opus Dei per Christum in nobis. Quod quid aliud quæso, significat, quam conuersionem præcisè sumptam esse meritoriam, non ut actum à nobis elicited sed ut actum à Deo immissum & à nobis receptum? Et mox, Etsi actus illi meritorij, prout circa Deum versantur, non sint propriè nostri, sunt tamen actus qui in nobis reperiuntur & non habitus. Id est, quamuis non fiant à nobis recipiuntur.

M M m m ij

„ tur tamen Similiter etsi non propriè illis mereamur, *nem-*
 „ *pè quia non producimus*, sunt tamen illi meritorij. Et deinde,
 „ hanc autem libertatem, *illorum scilicet ætuum*, cum non
 „ possit spectare ad exercitium : nec sit libertas secundum
 „ quam homo se moueat, *viden ut hominis actionem negat ?*
pertinere oportet ad statum inchoatum libertatis. Mitto cætera
 huius doctrinæ peccata quam plurima. Nam & D. Tho-
 mæ imponit, & in multis secum pugnat : sed hoc alibi.
 Hoc vnum designo, *Meritum esse in eo quod non agimus,*
 & hoc quod est pati à Deo beneficium præcisè, meritorium esse.
 Hæc enim est summa eorum quæ retulimus.

Sed præterquam quòd primo statim aspectu videtur
 esse absurdissima sententia : est etiam in fide suspecta.

1. Quia ut omittam esse nouam & singularem, & veteri
 communique aduersam; cõstat in sacris litteris coronam,
 præmium, mercedem, & alia id genus, quorum proposi-
 tione meriti ratio adstruitur, certanti, vincenti, laboran-
 ti, vno verbo aliquid operanti promitti : nec fas esse alia
 conditione sperare huiusmodi bona : hoc autem & frustrà
 & falsum est, si dentur etiam cessanti & nihil agenti.

2. Idem est Sorbonæ iudicium. Nam inter errores Pãri-
 sijs condemnatos, huius quoque reuocatio continetur ex
 Academiæ præscripto facta anno 1354. §. *Dixi, quod bo-*
num meritum est à Deo, ita quod nihil est à voluntate subijcit,
hanc reuoco tamquam falsam, scandalosam, & in fide suspe-
ctam. Quomodo ergo purgabit se Doctor ille, qui & Sor-
 bonicum agit, & docet bonum aliquod meritum esse à
 Deo, *ITA QVOD VOLVNTAS NON NISI PASSIVE SE HA-*
BEAT ?

3. Expressa est Tridentini decisio sess. 6. can. 26. requiri
 „ ad meritum, Vt iustus bene agat : & can. 32. Bona opera
 „ ita esse Dei dona, vt sint etiam bona iustificati merita :
 „ fieri ab eo : ipsum per illa vere mereri augmentum gratiæ.
 „ Vbi iam illud, *Actus quibus occupamur circa Deum non esse*
propriè nostros : nos non propriè mereri per illos.

Nec est quòd quisquam excusationem ex eo petat
 quod antè retulimus, non esse libertatem contradic-
 tionis, & indifferentiam agendi ac non agendi in homine

stante & recto : quasi verò concederetur esse in lapso; quia quæstio est vt patet ex num. 8. illius cap. 9. de conuersione peccatoris, quæ est actus naturæ lapsæ, non stantis.

OCTAVVM, Electionem quæ quis post deliberationem de inueniendo vitæ statu, concludit pro Deo potius quam pro sæculo, non esse absolutè laude dignam, imo nec culpæ expertem. Ita cap. 9. num. 6. vbi cum esset responsum, electionem peccatoris, qui mauult seruire Deo quam sæculo, esse laude dignam & meritoriam; Sed contra est, inquit, quod etsi qui in deliberatione de vitæ statu, concludit potius pro Deo quam pro sæculo, sit minùs vituperabilis, quam qui in fauorem sæculi litem dirimit; non tamen absolute laude dignus est, imo nec culpæ expertus: sed in ea perueritate versatur, quam, &c.

HÆC doctrina, vt mitissimè loquar, maxime debet esse suspecta. Atque hoc ita est per se manifestum, vt nemo sapiens & eruditus suspicionis causam quærat. Quid? Sapientia Christianismi vniuersa non hortatur nos vt consilium capiamus tum alijs de rebus, tum potissimum de inueniendo vitæ statu? Quare autem nisi vt semper pro Deo concludamus? Ergò vt peccemus? Eccui vmquam inauditum est, prudenter facere illum, qui se illaqueat peccandi necessitate? Atqui hoc faciet quicumque deliberationem inibit de vitæ statu. Necesse enim erit, vt concludat vel pro sæculo, vel pro Deo, vel pro neutro. Si primum vituperabilis est: si secundum, quamuis sit minus vituperabilis, non tamen *expers culpæ*: si tertium, quid fiet? Poterit esse innocentior qui neutrum concludit quam qui pro Deo? Apage absurdam cogitationem. Quas gratias non rependat Lutherus, dum videt id quod à se dictum erat, omnes in vniuersum actus bonos nequitia infectos esse; ab hoc Authore partim esse retentum, approbatumque in ijs saltem qui videntur esse omnium optimi? Quid enim melius fieri potest, quam si proposita hinc quidem voluptate cum turpitudine, illinc verò honestate cum crucibus; concludatur ad honestos labores, potius quam ad turpes illecebras: ad Deum, potius quam ad

Dæmonem? Et qui hoc facit *non est culpæ expers*? Vtinam ita mihi *semper peccare contingat*: moriar in impœnitentia, vt loquuntur, finali.

NONVM. *Pacem & tranquillitatem animi, quam querit is qui sese ad Deum conuertit, non esse obiectum per se bonum, & cuius intuitu liceat operari sine peccato.* Ita, cap. illo 9. num. 6. vbi assertur hæc ratio quare non sit *expers culpæ*, is qui pro Deo concludit in deliberatione de vitæ statu eligendo. Quia seipsum sibi finem præfigit, & Dei cultu & obsequio vitur ad pacem & tranquillitatem propriam.

HÆC doctrina mihi suspecta est, quia non videtur ab ea differre, quâ quis censet illicitum esse velle obsequi Deo ad vitandum malum cuius timor animum perturbat; malum, inquam, quod ab irato Deo imminet, & penam constituit vel æternam vel temporariam: item esse illicitum velle obsequi Deo, vt firmetur fiducia Diuinæ misericordiæ, & spes veniæ ac reconciliationis affulgeat. Nihil, inquam, aliud esse potest velle obsequi Deo, vt sit pax & tranquillitas animi; quàm velle obsequi, vt illorum malorum fuga, & istorum bonorum consecutio certa fiat. Ac proinde si vnum non est culpæ expers, vt hic Author censet; neque aliud esse potest. Esse autem, definitum est à Trident. sess. 6. can. 8. Siquis dixerit gehennæ metum, per quem ad misericordiam Dei de peccatis dolendo confugimus, vel à peccando abstinemus, peccatum esse, aut peccatores peiores facere, anathema sit. *Et can. 31. si quis dixerit iustificatum peccare, dum intuitu æternæ mercedis bene operatur; anathema sit.* Item est definitum à schola Pariensi in cens. propos. Eras. tit. 16. vbi dicitur *Licetum esse præmio moueri ad bene operandum, & oppositum asserere erroneum esse.* Et in cens. propos. Lutheri tit. 2. de contritione, propositio quæ asserit. Contritionem quæ paratur quando quis recogitat annos suos in amaritudine animæ suæ, ponderando peccatorum grauitatem, multitudinem, fæditatem, amissionem æternæ beatitudinis, ac æternæ damnationis

acquisitionem, hanc, *inquam*, contritionem facere ho-
minem hypocritam & magis peccatorem, pronuntiatur
esse *falsa*, *viæ ad penitentiam impeditiva*, *sacris scripturis &*
doctrinæ sanctorum difformis. Sorbonæ iudicium hoc rece-
pit deindè Concilium Trid. sess. 14. c. 4. & can. 5. de pæ-
nitentia. Atqui nemini dubium esse potest, quin illa con-
tritio quærere faciat *pacem & tranquillitatem*: ergò si hoc
non sit *culpæ expers*, facit hominem magis peccatorem.
Denique sacræ paginæ homines hortantur, *ut velint dies*
videre bonos, *inquirant pacem*, *& eam persequantur*, *& tamen*
non hortantur ad malum.

DECIMUM continetur his verbis in cap. illo 9. num.
6. In lucta carnis & spiritus, *quæ præcedit perfectam*
conuersionem hominis ad Deum, si quæras num aliquid sit me-
ritorium, & laude dignum? respondeò, verè. At caue ne
laudem tribuas infirmitati nostræ, vndè frequentes illi
lapsus, & molestæ contradictiones. Tota namque debetur
gratiæ Dei, quæ, &c. *pergit*, sed nonne aliqua nostra
operatio, & non tantum Dei, hic est laude digna? verè.
At illa nostra operatio est ipsa gratiæ operatio, quæ no-
stra fit dum per illam paulatim à creaturis ad Deum re-
trahimur: ad quam frequens illa conuersio cum quadam
inclinatione ad creaturas, non aliter comparatur *QUAM*
VT OBEX, NON VT PARS.

Hæc oratione duo non obscure significantur. Alte-
rum est iam notatum, nullas scilicet esse partes liberi ar-
bitrij in conuersione voluntatis ad Deum. Eò enim spe-
ctat quod dicit, *Operationem gratiæ quæ inibi reperitur, no-*
stram fieri dum per illam retrahimur, &c. Quasi diceret non
esse nostram ratione dependentiæ quam à nobis habeat:
sed esse nostram ratione effectus quem in nos influit. Et
deinde, *conuersionem illam frequentem*, quâ scilicet volun-
tas assurgere in Deum nititur, *non esse partem operationis*
gratiæ: quod est voluntatem in ea Diuinæ gratiæ non
cooperari. Vnde intelligas nihil antea temere suspicatum
de praua huius hominis sententia.

Alterum verò est, Conuersionem hanc frequentem,,

non tantum non debere comparari, ad operationem gratiæ vt partem; sed comparari debere vt obicem. Quæ sententia mihi suspecta est ex duplici capite. Primò, quia redolet Pelagianismum. Secundò, quia redolet Lutheranismum.

Siquidem illa frequens conuersio nihil aliud est quam frequens animi conatus ad Deum nitentis, qui miscetur frequentibus etiam casibus eiusdem animi relabentis ad creatà, in eà pugnà, quâ perfectæ absolutæque conuersioni præluditur. Esse autem illos conatus mere naturales, & à Diuina gratia ita independentes, vt ne *partim* quidem ad illam pertineant, assertum olim est à Pelagio, negatum à SS. Patribus, qui cum illo pro eadem gratia pugnauerunt. Addere verò eosdem conatus, non solum non esse *partim saltem* à Diuina Gratia; sed insuper illius operationi *obicem ponere*: hoc demum est dicere esse peccata. Vnde sequitur, hominem in ea lucta carnis & spiritus in Deum niti, nihil aliud esse quàm peccare. Hoc verò merum sapit Lutherum, cuius sententiam perculit Trid. sess. 6. can. 7. Si quis dixerit, quantò vehementius quis nititur se disponere ad gratiam, tantò eum grauius peccare, anathema sit.

VNDECIMVM *Continuum Diuini amoris exercitium, ita esse necessarium, vt eius interruptio sola impotentia, vel inaduerentia excusetur à peccato.* Ita cap. 9. num. 5. vbi probat non esse in homine stante & recto indifferentiam ad amandum Deum, vel non amandum, hac ratione. Quia scilicet Homo viator est, & omnibus quidem vitæ partibus, & statibus viator, OBLIGATVS ad finem suum irrequieto motu properare, nullam in se, vel in cæteris creaturis quietem sustinendo. Si ergo suspendat POTENS ET PRYDENS, ET NON EX INFIRMITATE actum diuini amoris, debet illa ipsa suspensione ad finem tendere. Ad quem autem finem tendet? Si ad Deum, non ergo suspendit; sed prosequitur amorem Dei. Nam omnis intentio pura & sincera Dei, quidam Dei amor est; si ad

si ad seipsum & ut sibi vacet à Deo vacare velit; iam hoc,, est à rectitudine excidisse. Vides præter impotentiam &,, imprudentiam, nullam huic homini rationem occurrere, qua ita suspendi possit amor Dei, ut ipso facto non excidatur à rectitudine. Idem habet cap. 12. num. 3. ubi de homine loquens, Non magis, *inquit*, licitum ei est à fine respiciendo & querendo abstinere, quam possibile non pendere à principio. *Et postea*, si non aduertit quæ agit, inaduerrentia illa à culpa excusat: si autem sciens & videns operetur, nec opera sua ad Authorem referat ingrati animi labem non effugiet. *Et num. 4. in fine*, Ergo quoties homo deliberatione agit; debet in finem tendere, & si secus, egerit, priuabit se, actumque suum perfectione debita, & peccabit quia non sequetur regulam.

Hæc sententia 1. videtur nonnullam affinitatem habere cum illa Lutheri, qua vitio vertit hominibus, *quod non omni tempore illos puniat peccatorum*, de qua pronuntiat Parisiensis Facultas in cens. propos. Luther. tit. 8. *Esse falsam irrationabiliter, & ex erroneo scripturæ intellectu assertam.*

2. Repugnat scholis omnibus, à quibus affirmatiua, ut vocant, præcepta, in eo distinguuntur à negatiuis; quia licet obligent semper *non tamen pro semper*. Et de præcepto charitatis nominatim querunt; quo tempore vrgeat illius implendi necessitas. Atque hic quidem vrgeri dicit, cum primum incipit esse vsus rationis: ille, cum præsens est vitæ periculum: alius, quando suscipitur Baptismi Sacramentum: aliquis, singulis diebus Dominicis: est qui putet celebrioribus etiam festis: nonnulli, dum graui tentatione iactamur: alij, recepto ingenti beneficio: aliud ab alijs tempus designatur; omne verò à nullo. Sed quò vobis illæ rixæ, ô Viri Sapientes? Decretorium nuperi Doctoris arbitrium in promptu est. Vera dicitis omnes, & falsa. Nam quod certo quodam tempore significatis exercendum esse Dei amorem, verum est: quod aliud tempus excluditis, est falsum. Suprema hæc est controuersie decisio, quam mirabile est nemini vestrum venisse in mentem.

NNnn

1. Hæc doctrina cæteris virtutibus est iniuriola. Sequitur enim ex illa manifestè tantulam esse bonitatem earum, vt neque singulæ seorsim, neque simul omnes sufficiant, ad occupandum honeste voluntatem: quin etiam si totam obtineant, ita vt non sit locus actui Diuini amoris, inuehere peccatum omissionis: peccare igitur qui totus incumbit exercendæ fidei, ex proprio illius virtutis motiuo: peccare qui spe plenus est: peccare quem suorum peccatorum tantus occupat dolor, ex sola ipsorum fœditate, aut etiam ex metu æternorum suppliciorum conceptus, vt nondum pateat aditus Diuino amoris: hos omnes, inquam, ita peccare, *vt sola excuset inaduertentia.* Vnde

4. Vltius sequitur, frustra esse quod à Trident. supponitur sess. 14. cap. 4. *Esse aliquam contritionem imperfectam, siue attritionem quæ peccandi voluntatem excludat.* Nulla enim imperfecta dicitur contritio, nisi quæ comparitur actualis amoris defectum: qui cum dicatur esse *culpabilis*, nisi excuset *aduertentia vel impotentia*, sequitur nullam esse contritionem imperfectam, quæ culpam actuale, hoc est peccandi voluntatem excludat, si absit inaduertentia, & impotentia. Quod si adsunt, peccandi voluntas non iam per contritionem, vt vult Concilium sed per ipsas excludetur. Hæc sunt, quæ mihi meritò suspectam reddunt adductam opinionem.

DVODECIMVM, *Non tantum Diuini amoris, sed & cuiuscumque virtutis ad quam gratia calitus impulerit, culpabilem esse omissionem.* Hæc sententia in multis locis habetur: nempe quotiescumque potentia suspendendi effectum Diuinæ gratiæ, cum potentia peccandi confunditur: ideoque illa negatur ad libertatem pertinere, quod ista non pertineat. Atque hoc statuit tanquam vnicum ferè totius suæ philosophiæ principium, vt indicat tum alias sæpè, tum maximè cap. 31. cap. autem 27. numero 3. „ cum obijceretur. Necessarium esse ad dominium voluntatis in actus suos, vt suspendere possit illum, ad quem „ prædeterminatur, *respondet interrogando*, In quo velimus.

elucere hoc dominium? An in eo quòd voluntas possit abjicere huius modi actum, vbi finis ordo postulauerit? An in eo quod possit pro libito dimittere, etiam præter exigentiam finis? Si secundum inquit, elegerint, meminerint, quæso se iam toties falsos fuisse peccandi potentiam non esse libertatem, nec partem libertatis. Vides vt potentiam peccandi confundit cum potentia dimittendi vel abjiciendi actum, ad quem aliquis prædeterminatur, quando finis ordo non exigit vt dimittatur, quod perpetuum est: repugnat enim nos à Deo efficienter prædeterminari, ad id quod vt omittamus, ab eodem finaliter exigitur. Perpetuum igitur est potentiam supprimendi actum ad quem à Deo mouemur, esse potentiam peccandi, atque adeò ipsum suppressere, idem esse quod peccare. Idem habet cap. 22. num. 4. vbi docet Concilium Trid. can. 4. sess. 6. dum definit *Liberum arbitrium dissentire posse Deo vocanti & excitanti, non comprehendere Beatam Virginem, non Dominum Iesum, quos à Deo mouente dissentire potuisse & peccare, nemo pius cogitarit.* Vides vt hîc etiam vel confundit, vel coniungit *dissentire cum eo quod est peccare.*

Hæc verò sententia mihi suspecta est. Quia de medio tollit doctrinam catholicam de distinctione bonorum operum, in ea quæ dicuntur *consilij, seu supererogationis*: & ea quæ sunt *præcepti*. Nullum enim est in vniuersum opus bonum (de meritorijs loquor & ad æternam vitam conducentibus) quod fiat sine præuia & speciali Dei motione: ac proindè quod non sit eiusmodi iuxta opinionem hanc, vt eius omissio peccatū sit. Atqui apertum est idem esse, alicuius operis omissionem esse peccatum, & eiusdem exercendi extare præceptum: nullum igitur erit opus bonum, cuius exercendi præceptum non extet.

Vndè vltèrius sequetur, ea quæ dicuntur consilia, esse tantum consilia obediendi præceptis. Nam cum Dei consilium eò tantum spectet, vt homines sequantur motum Diuinæ Gratiae in eximijs virtutum operationibus, non possint autem non sequi sine peccato ex suppositione, sequitur nihil aliud facere Deum suo consilio, quam monere homines vt non peccent: hoc verò monere est

vt præcepto pareant. Nulla igitur sunt consilia seorsum à præceptis.

Atque hac eadem ratione Catholicam illam operum distinctionem impugnât Molineus in 1. par. Clypei sui papyracei sect. 69. Quod si, inquit, ad exequenda opera illa supererogationis, Deus spiritum suum hominibus impertitur, & adiuuando præsto est, necessaria igitur obligatione faciendi constringuntur, ne reddant Dei gratiam inutilem, & hoc pacto non erunt amplius opera supererogationis, quando quidem est obligatio exequendi. Hinc patet Authorem nostrum arma hæreticis præbere, quibus Orthodoxos adorantur.

Que si pour faire ces œuvres supérieures: Dieu donne son esprit, & son assistance; ils sont donc nécessairement obligés à les faire, de peur de rendre inutile la grace de Dieu: & ainsi ce ne sont plus œuvres de supererogation, puis qu'ils sont obligés à les faire.

Huc facit Parisiensis facultatis iudicium in cens. Luther. propos. tit. 10. de consilijs Euangelij. Cum enim dixisset Lutherus, *non esse consilium illud Christi, sed præceptum, qui te percusserit in maxillam, &c. Math. 5. item illud, Non nos defendentes charissimi. &c. Rom. 12. Hæc propositio* inquit, Sorbona, *est falsa, legis Christianæ nimium oneratiua, & sanæ intelligentiæ scripture aduersa.* Atqui Doctor iste censet non solum de illo duplici virtutis actu sed in vniuersum de omni cuius eliciendi Deus author fuerit interna sua inspiratione; non dari ab eo consilium, sed imponi præceptum, adeo vt omittere malum sit. Quanto igitur magis Christianam legem onerat? Et quæ ratio suppetet tuendæ pacis, atque internæ libertatis filiorum Dei, si timere cogantur ad singulos quosque instinctus, quos suspicabuntur esse diuinos, ne vapulent nisi dicto audientes sint.

Cap. 1. lib.

1. num. 3.

cap. 17. lib.

1. num. 2.

Quod autem idem Author alias significat veluti hanc sententiam mitigando, non consentire Diuinæ gratiæ aut esse peccatum aut certe defectum & imperfectionem, talem nihilominus vt neque in Christum, neque in Beatam Virginem, neque in reliquos Beatos cadere possit, facit vt dicamus, illum, ijs quidem locis qui à nobis adducti sunt, errauisse: alijs, proximè tantum ad errorem acces-

fisse. Deinde postulamus ab eo, vt nos doceat, ecquis esse possit defectus, qui quidem cadat in exercitium libertatis, proindeque sit defectus moralis : sit etiam intolerabilis sanctorum conscientiar, neque tamen peccatum dici merito possit.

DE C I M V M - T E R T I V M. *Diuinam gratiam consumere interdum potentiam dissentendi, aut non consentiendi, stante arbitrij libertate necessaria, ad bene agendum & merendum quin etiam stante libertate contradictionis.* Ita c. 22. n. 1. vbi duos prædeterminationis modos distinguit : aliam dicit esse prædeterminationem facultatis, aliam actus. De priori sic loquitur, Prædeterminatur facultas, quando ita à Deo afficitur, & in eo statu intrinseco constituitur, vt non possit ad oppositum eius, quod ipse voluerit. *Et deinde, hoc totum, inquit, includit Diuina motio, à qua, vt supponimus, nullatenus pro hoc saltem tempore deficere potest, is nempe qui eam recipit.* Numero 13. iterum repetit. *Prædeterminationem si sit potentia auferre defectum libertatis : atque adeo aduersari libertati peccantium, quæ importat deficiendi potentiam.* Iam autem vidimus id deficere idem illi esse, quod *dimittere vel abijcere actum* ad quem aliquis à Deo impellitur : vnde constat prædeterminationem quæ deficiendi potentiam auferre dicitur, ex ipso dicendam auferre potentiam suspendendi actum in quem tendit. Talem autem fuisse dicit prædeterminationem voluntatis Christi Domini, etiam dum esset viator, & Beatorum omnium in Cælis regnantium, & Beatæ Virginis, & præcipuorum quorundam sanctorum, ad quos negat pertinere id quod dicit Trident. sess. 6. can. 4. de potentia dissentendi à Deo mouente & excitante. Ita cap. cit. numer. 1. 4. & 13. Cum ergo admittat liberum esse in iisdem arbitrium, maximeque idoneum ad bene agendum ac merendum ; sequitur *stare arbitrij libertatem, & bene agendi atque merendi facultatem, cum impotentia suspendendi actus illos bonos & meritorios.*

Verum hæc doctrina mihi suspecta est. 1. propter nouitatem suam. Quia nemo vnus est inter Catholicos Au-

thores, qui hæc duo coniungat, arbitrij libertatem, & intrinsicam impotentiam suspendendi vnum illum actum determinatum, qui dicitur exerceri liberè, in eo rerum ac circumstantiarum concursu, in quo dicitur exerceri. Thomistæ certe quorum intererat ita sentire, quoties hoc aut simile argumentum est propositum, *Quod aufert potentiam dissentiendi, aufert libertatem: sed prædeterminatio aufert potentiam dissentiendi: ergo, &c.* Constanter inveniuntur concessisse Maiorem. Totus circa minorem disputationis impetus fuit, dum illi omnino negant: alij ius negandi nullum esse contendunt. Cum ergo illi hac vna linea quod scilicet *prædeterminatio physica non auferat potentiam dissentiendi*, hætenus suæ doctrinæ simul & Calvinianæ confinia inconfusa seruarint; credibile admodum est, hunc Authorem eiusmodi lineam prætergressum, in alieno à Catholicis fundo laborare.

2. Videtur mihi admodum confidenter philosophari qui censet, id quod est à Concilio Trident. pronuntiatum, vt plurimum tantum esse verum: falsum autem in *præcellentioribus sanctis*, quos *prærogatiuis ornare Diuinæ bonitati visum est*, vt ipse loquitur cap. cit. numero 4. Certe quidem hinc sequitur, nihil aliud esse à Trident. sancitum, quam, non esse vnam omnium qui ad Christum vocantur conditionem: alios enim incitari potentius: alios adduci paulò lenius: eximijs, nullius moræ copiam fieri, fieri vero contemptioribus: quare illis nullam prorsus deberi laudem, eo quod non restiterint, neque enim habuisse resistendi libertatem: istis autem qui eam habuerit, deberi. Quæ vereor ne non modo superflue à Concilio, sed neque satis vere sanciri potuerint.

3. Tridentinorum Patrum, nisi me fallo, hic scopus fuit, sua illa sanctione efficere, vt integra esset liberi arbitrij vexus opinio: neque aliter retinuisse potentiam sustinendi assensum incitante Dei gratia, quam quia verebantur ne si eriperetur, de libertate quoque actum esset. Quod si sublata huiusmodi potentia, pro illo tantum tempore quo gratia instat, salua nihilominus est arbitrij libertas, facultasque bene agendi atque merendi: estque locus

adhortationi, consilio, præceptis denique præmio, & coronæ; nihil admodum causæ fuerit, cur tanto studio niterentur, ut rem minime necessariam conseruarent. Ergo persuasum fuit eandem esse vtriusque aleam, libertatis scilicet, quæ necessaria est ad honestas & meritorias actiones, & potentiæ cohibendi affectum, ad quem Deus inspiratione sua impellit. Vnde sequitur hunc Authorem, quemadmodum Thomistas docere aggreditur rationem defendendi prædeterminationes physicas, meliorem illâ quâ vsi hæcenus fuerant, ita & Tridentinos Præsules erigere ac confirmare velle contra inanem metum, ereptâ cogitatione illâ pauidâ perituræ libertatis, si pereat dissentientiendi potentia, pro illo tempore quo gratia efficax nostris voluntatibus insidet.

DECIMUM-QUARTVM. *Non solum excellentioribus sanctis; sed in vniuersum creatis voluntatibus adimi potentiam aliter agendi, antecedenti prouidentia Dei.* Ita cap. 8. numero 2. ubi putat S. Augustinum §. de Ciuit. cap. 9. & 10. docere, aliam esse necessitatem, quam quæ dicitur *sensus compositi*, quæ stet cum libertate, scilicet illam quæ nascitur non modò ex præscientiâ futurorum; sed etiam ex prouidentiâ, quæ præcedit hanc præscientiam. Ibi, *inquit, designando caput nonum*, aliam indicat & necessitatem, & immutabilitatem quàm *sensus compositi*. Prouidentia namque est præscientia prior, & multò magis voluntatibus & actionibus nostris (de præscientia conditionata, & de prouidentia quæ per illam dirigitur, nullus apud eum sermo) & per eam Deus voluntates nostras sibi subicit & inclinat quo vult: ita ut quod facturæ sunt omnino facturæ sint, nec res aliter euenire queat: quod sonat immutabilitatem, & tamen libertatem voluntatis non adimit. Quæstio est non solum de libertate quam vocat status, sed & de illa quæ propria est liberi arbitrij: quæque pertinet indistincte ad bonas & malas actiones, ut constat tum S. Augustini disputatione, tum ex principio huius sectionis quæ citata est, quod est huiusmodi. At quia ubi agitur de aptanda secunda illa necessitate ad

liberum arbitrium sine dispendio libertatis. Vnde perf.
 „ picuum fit, ex mente huius Authoris libero arbitrio in-
 „ cumbere necessitatem agendi, ortam à Dei prouidentia,
 „ antecedenter ad præscientiam absolutam futurorum, se-
 „ clusa etiam conditionata: necessitatem, inquam, agendi
 „ talem, vt res aliter euenire non possit: non tantum in sensu
 „ composito sed neque quod vnum restat, in sensu diuiso.

Id quod ego valde suspectum habeo. 1. Quia disertis-
 simè affirmat, id quod Trident. negat: & eam insuper
 interpretationem rejicit, qua vna videbatur sua Conci-
 lio constare veritas & authoritas. Negat Concilium
 Deum ita mouere voluntatem *vt non possit resistere*, quod
 est, *vt res aliter euenire nequeat*; iste Author hoc ipsum
 affirmat, vt iam vidimus. Iam verò qui physicas præ-
 determinationes tutati sunt hætenus, ictum Tridentini
 fulminis declinare conati sunt, vel hac vna, vel alia æqui-
 ualenti distinctione, cum dicunt, *Rem quidem aliter eueni-
 re non posse in sensu composito, posse autem in sensu diuiso. Quod*
cum iste Auctor nunc exsufflet, designata alia necessitate
quàm quæ est sensus compositi; nescio quis præterea locus
 Concilio superfit.

2. Hæc sententia videretur eadem esse, cum ea de qua lo-
 „ quitur S. Thomas quæst. 6. de malo art. 1. Quidam, in-
 „ quit, posuerunt, quod voluntas hominis ex necessitate
 „ mouetur ad aliquid eligendum: nec tamen ponebant
 „ quòd voluntas cogeretur. Non enim omne necessarium
 „ est violentum, *subdit*. Hæc autem opinio est hæretica:
 „ Tollit enim rationem meriti & demeriti. Vides 1. sanctum
 Thomam agere de illa necessitate, quæ voluntatis coa-
 ctionem minime inuoluat. 2. de illa etiam, qua voluntas
 ad bonas & honestas actiones determinetur, postquam
 impeditura creditur *rationem meriti*. Vnde sequitur 3.
 agere de illa, quæ posset à Deo immitti, quod alia causa
 nulla sit, quæ ita impellat ad actus *merendo* idoneos. Hanc
 igitur necessitatem qui adstruat, S. Thomas hæreticum
 dicit. Viderit ergo hic Author, quid opus sit facto vt,
 ei se Catholicum prober.

3. Inter articulos anathemate damnatos Parisijs anno

1270. tertius numeratur, Quod voluntas hominis ex ne-
cessitate vult vel eligit, & anno 1226. Quod voluntate
existente in tali dispositione in qua nata est moveri, &
mouente sic disposito quod natum sit mouere, impossi-
bile est voluntatem non velle. Numquid eligit ex neces-
sitate, qui Dei decreto ita in eligendo subjicitur, vt quod
facit *omnino facturus sit: nec res aliter euenire queat?* Et num-
quid est *impossibile voluntatem non velle*, Deo ipsam mo-
uente tum effectiue, tum finaliter (qui sunt duo mouen-
di modi primæ causæ proprij atque perpetui ex huius
Authoris opinione) si motionem suam administrat eâ
prouidentia, qua fiat, antecedenter ad omnem libertatem,
vt *res nequeat aliter euenire?*

4. Hæc videtur esse ipsissima Caluini sententia. Ne-
cessitas enim, quâ ille hominum voluntates illaqueat,
non aliundè ingruit, quam ex Dei prouidentia, vt con-
stat ex 1. Institut. cap. 16. sect. 8. vbi sic loquitur. Nos etsi
de verbis non litigamus, fati tamen vocabulum non re-
cipimus: tum quia est ex eorum genere, quorum pro-
phanas nouitates refugere nos Paulus docet: tum quia
eius odio conantur grauare Dei veritatem. Dogma ve-
rò ipsum falso ac malitiosè obiectatur. Non enim cum
Stoicis necessitatem comminiscimur ex perpetuo cau-
sarum nexu, & implicitâ quadam serie, quæ in natura
contineatur: sed Deum constituimus arbitrum ac mo-
deratorem omnium, qui pro sua sapientia ab vltima
æternitate decreuit quid facturus esset: & nunc sua po-
tentia quod decreuit exsequitur. Et deinde sect. 9. In-
terea quod statuit Deus sic necesse est euenire, vt tamen
neque præcisè, neque suapte natura necessarium sit.
Exemplum in Christi ossibus familiare occurrit. Cum
induerit corpus nostro simile, fragilia fuisse eius ossa ne-
mo sanus negabit: quæ tamen frangi fuit impossibile. Vn-
de iterum videmus non temere in Scholis inuentas fuisse
distinctiones de necessitate secundum quid, & absoluta.
Item consequentis & consequentiæ: &c. Ex quibus
duobus locis perspicue liquet. 1. Necessitatis quâ liber-
tas à Caluino destruitur, in solâ Dei voluntate causam

poni. 2. Negari ab eo necessitatem illam esse *absolutam* aut etiam talem, vt impediat quò minus res, quæ ita est necessaria, *dicatur esse per se & ex natura sua contingens*, quemadmodum ossa Christi censi debuerunt fragilia ex se, quantumvis ex suppositione Diuini decreti foret impossibile illa frangi. Sed & 3. constat Caluinum ab hac necessitate *coactionem exclusisse*. Lib. 2. cap. 2. sect. 5.

Quæ cum ita sint, duæ me difficultates angunt, atque huius Doctoris, quo cum res nobis est, opem implorare cogunt. 1. Quid intersit inter eam necessitatem, quâ Caluinus libertatem ad bonum nobis ademisse creditur: & eam cuius se ipse præbet assertorem? loquor de libertate ad bonum, nam de illâ quæ ad malum, postea. Quod si nihil quidem à Caluino in hac parte peccatum esse contendit, quod necessarium videtur, ne sententiam dicat in seipsum: occurrit statim 2. difficultas. Ecquos tandem Caluinus allatret, ac mordere conetur, tamquam suæ huic doctrinæ infensos? Non alios certè quam Romanos Doctores. Ergo ab iisdem dissentit ipse, qui tam ap-primè in hac adstruenda necessitate Caluino consentit.

DECIMUM-QUINTVM, Eòdem pertinet, sed referre diuat quot modis, quotque locis libertatem arbitrij destruat. Ergò asserit *Deum prædeterminando nequaquam relinquere in voluntate agendi vel non agendi indifferentiam*. Ita cap. 30. numero 4. vbi contendit, si Deus non possit dare ipsum velle Creaturæ, nisi præuiderit sub conditione futurum; suafurum solummodo non daturum, quod absurdum est. Hoc autem sequi probat, Quia, inquit, quod præstabit in hoc casu aliud nihil erit nisi pia cogitatio & affectio, cum quâ homo est indifferens ad agendum & non agendum. Qui autem dat ipsum velle (*Physicè nimirum præmouendo*) non relinquit te indifferentem: sed te determinat accommodatè ad conditionem tuam.

Nolo vt mihi quisquam objiciat alijs in locis ab eodem Authore significatum esse contrarium. Quia non est mihi propositum tueri quæcumque ab eo dicuntur inter se coherere. Sed quantumvis alibi rectè sentiat: non pro-

habet esse suspectum quod hoc loco male pronuntiatum est.

1. Quia ulterius procedit quam quo Calvinus peruenerat. Hic enim, ut antea notauimus, censuit non impediri quominus voluntas, cui Deus necessitatem imponit agendi, sic dicatur esse absolute vel indifferens, vel contingens in agendo, seu quocumque alio modo placuerit exprimere internam illam necessitatis carentiam, quo modo Christi Domini *ossa dicebantur absolute fragilia*: quamuis æterno Dei decreto eorum confractio esset impedita. Nunc autem credere iubemur *non relinqui indifferentem illum*, quem Deus physice præmouet.

2. Cum esse *indifferentem* in agendo & non agendo, sit idem prorsus cum eo quod est esse *contingentem* vel *contingenter agentem aut non agentem*: sequitur idem esse, Deum non relinquere causæ quam præmouet, *indifferentiam*, & non relinquere illi *contingentiam*. Ac proinde si quæ sit operationis eius *contingentia*, minime ab ipsa petenda erit: sed ab ea tantum causa, in cuius arbitrio positum erat præmouere aut non præmouere. Quid igitur fiet illa omnium mortalium, qui quidem sapere putantur, cogitatione: qua distinguunt *contingentes effectus* causarum creatarum à *necessarijs*; & illos causis potissimum liberis attribuunt? Cur, inquam, dicitur *contingens* hominis electio: nisi quo modo contingens est hodierna solis conuersio, si nullius causæ creatæ libertas hoc illi potius quam huic conferat, ut *contingenter* existat?

3. Cum hæc indifferentia duo induat, potentiam, scilicet agendi & potentiam non agendi, sequitur non aliter censi posse non relinqui illam à Deo prædeterminante, quam quia non relinquitur alterutra illa potentia. Sed neque dici potest adimi tunc agendi potentia, potius enim confertur. Restat ergo ut adimatur potentia non agendi: idemque sit, *non relinquit te indifferentem*; cum eo quod est, *non relinquit te potentem suspendere actionem*. Quare Tridentini qui contrarium exigunt, sibi consulant.

Temperamentum autem illud, quod adhibere cona-

tur, dum dicit, non relinquit te indifferentem; sed te determinat *accommodatè ad conditionem tuam*, inutile est, & sententiam vniuersam confundit atque implicat. *Conditio* enim causæ liberæ, postulat vt esse sinatur *indifferentens*, quando ad agendum applicatur. Ergò idem est, *Deus te determinat accommodatè ad conditionem tuam*: ac, *Deus ita te determinat, vt indifferentem relinquat*. Vnde si iam compleatur huiusmodi sententia, & integra iterum pronuntietur, ita sonabit; *Deus non relinquit te indifferentem: sed te ita determinat, vt indifferentem relinquat*. Quod absurdus fingi potest? Neque magis cohæret id quod alias in pari causa dicitur, Dei decretum illud antecedens omnem scientiam circa futura contingentia, & agendi necessitatem influens in hominum voluntates, non obesse libertati, sed prodesse potius; eò quod Deus, qui pro sua infinita sapientia optimè nouit quæ sit ratio conferuandæ libertatis, causas liberas præmouere decernat, *quo modo consentaneum esse scit, vt liberè agant*, Quia *vt liberè agant*, consentaneum est vt agant sine agendi necessitate, quæ quidem non sit in earum potestate: Ergò quodcumque sit decretum ita præmouendi vt seruetur libertas, debet esse decretum ita præmouendi, vt *non imponatur illa necessitas*. Exprimatur ergò iterum illud decretum, quo dicitur *Deus immittere agendi necessitatem antecedentem, atque à nobis independentem saluà libertate*. Et erit istud, *volo vt creatam voluntatem impellat agendi necessitas ab ipsa independens, ad eam actionem quæ debet elici absque tali necessitate*.

DECIMUM-SEXTVM. Generationem Filij in diuinis exemplum esse quo monstretur aptari posse necessitatem immutabilitatis ad liberum arbitrium sine dispendio libertatis. Ita
 „ cap. 8. numero 2. vbi sic loquitur. At quia vbi agitur de
 „ aptanda illa secunda necessitate ad liberum arbitrium sine
 „ dispendio libertatis, D. Augustinus sumit exemplum necessitatis ex sensu composito, necesse est, inquit, vt
 „ quod volumus voluntate velimus; obijcere potest aliquis,
 „ nihil illud esse nisi quod omnes dicunt, nullamque veram

immutabilitatem apparere quæ cum libertate concordet. „
 Resp. autem i. D. Augustinum, etsi sumplerit exemplum „
 illud quod ad sensum compositum pertinet, tanquam „
 magis obuium, sumpsisse etiam exempla in Deo quæ „
 nullo modo ad sensum compositum pertinent, ac signi- „
 ficasse vitam Dei, generationemque Filij eius esse actio- „
 nes liberas, etsi cum immutabilitate & necessitate con- „
 iunctas. Vides generationem diuinam non tantum dici
actionem liberam, sed ita insuper liberam, vt sit *exemplum*,
 quo pateat, *immutabilitatem & necessitatem*, hoc est im-
 mutabilem agendi necessitatem, concordare cum liberta-
 te arbitrij, vel *cum eo aptari sine dispendio libertatis*.

Quod autem illam sententiam S. Augustino attribuit,
 falsissimum est: cum in toto illo cap. 10. lib. 5. de Ciuit.
 vnde ista se haurire simulat, nulla maior mentio sit ge-
 nerationis Diuini Filij, quam generationis Remi & Ro-
 muli. Atque hæc est prima meæ suspicionis causa.

Secunda est, quia cum necessarium sit, exemplum vel
 earundem esse rerum, vel simillarum: postquam gene-
 ratio Filij Dei dicitur *exemplum* esse, quo appareat aptari
 posse immutabilem agendi necessitatem cum libero arbi-
 trio, sine dispendio libertatis, alterutrum dicere necesse
 est: aut talem esse in æterna Diuini Verbi productione
 libertatem, qualis esse putatur in actione liberi arbitrij
 aut talem esse in actione liberi arbitrij necessitatem, qua-
 lis creditur in productione Diuini Verbi: Primum Arria-
 num est: secundum plusquam Calvinianum. Sit igitur
 illius optio vtrum magis probet.

DECIMUM-SEPTIMUM. *Libertatem quam nobis relin-*
quit diuina motio, esse qualemunque & apparentem li-
bertatem. Ita cap. 22. numero 9. cum ait. Hoc idem, quod „
 nimirum possit Deus nedum via persuasionis, sed & via „
 supremæ potestatis inclinare voluntatem quo libuerit, „
 intacta etiam eius qualicumque & apparente libertate, „
 habet D. August. &c. Loquitur de libertate quæ dese- „
 ctibilitatem habet admixtam, vt cum voluntas ita in bo-
 num flectitur, vt assensum tamen sustinere possit: & con-

sequenter de libertate, de qua etiam loquitur Tridentinum quando definit, liberum arbitrium posse resistere Dei gratiæ, posse dissentire. Vult igitur hanc esse tantum libertatis larvam: hoc enim significat, *apparens & qualiscunque libertas*. Sed mihi suspecta est hæc sententia. Primò, quia videtur proximè accedere ad id, quod à Lutherò affirmatum, à Tridentino damnatum est, sess. 6. can. 5. *Si quis dixeris liberum hominis arbitrium, post Ad peccatum rem esse de solo titulo, immò titulum sine re, &c. anathema sit*. Secundò, quia nemo est Catholicorum, qui sibi satisesse factum putet à Caluino, cum in 2. Instit. cap. 2. conuictus testimonio sanctorum Patrum arbitrij libertatem perpetuo prædicantium, censet illos quidem assidue in ore habuisse vocabulum, sed simul declarasse
 „ quanti faciant illius vsum, numero 8. quod idem videtur
 „ esse cum eo quod est, illos eo nomine significare voluisse
 „ *qualemcumque & apparentem libertatem*. Et deinde concludit, Itaque si quis vocis huius vsum non praua intelligentia permittat, per me quidem non vexabitur ob eam rem. Et paulo ante numero 7. cum retulisset liberum
 „ arbitrium appellari peccandi potentiam illam, quæ caret
 „ coactione, esto non careat agendi necessitate, subdit;
 Optimè id quidem, sed quorsum attinebat REM TAN-
 „ TVLAM tam insigni titulo insignire. Deinde vero cap.
 „ 3. numero 14. S. Augustini doctrinam, quam attulerat,
 „ colligit in hanc summam. In homine tale relinquitur liberum arbitrium (SI APPELLARE ITA LIBET) quale
 alibi scribit, quod nec ad Deum conuerti, nec in Deo persistere nisi per gratiam possit: à gratia valeat quidquid valet. Ex his omnibus intelligitur, videri quidem Caluino libertatem aliquam arbitrio superesse, tum ad bonum, tum ad malum: sed personatam solum, & cuius veritas tanto nomini minime respondeat. Quod quid est aliud quam esse *apparentem & qualemcumque*?

DECIMUM OCTAVVM. Est corollarium quoddam ex antea dictis quod est huiusmodi. *Caluinum, & Calvinistas vel nihil peccasse, cum negarunt arbitrij libertatem*

in operibus gratia: vel in hoc tantum, quia non retinuerunt spiritum libertatem, & impropiam, sed germanam & veram. Hoc autem ita demonstratur ex principiis huius authoris.

Si quod est in ea re Caluini delictum, necesse est in aliquo istorum trium esse positum: vel quia negauit esse rem, quæ est vera perfectaque libertas arbitrij: vel quia quamuis esse rem illam fateretur, censuit tamen non conuenire illi nomen libertatis arbitrij: vel quia tametsi nomen agnosceret, & non ignoraret vocari libertatem à quibusdam, consuetudini tamen parere noluit. Nihil horum dici potest in hac sententia: ergo in hac sententia nullum est Caluini delictum circa doctrinam de libertate arbitrij in operibus bonis. Probo minorem, & Primò, Calvinus numquam negauit, immò. nunquam non asseruit esse in eorum voluntate, qui Dei gratia efficaciter mouentur, *felicem consensendi necessitatem, & salutarem impotentiam dissentiendi*: item, per illos actus qui tunc exercentur, voluntatem alligari Deo tamquam primo rerum omnium principio, & fini ultimo, itaque in amplitudinem illam educi, in qua vera propriaque libertas posita esse dicitur: ergo non negauit esse rem, quæ dicitur ab hoc auctore vera propriaque libertas.

Secundò nullum est Caluini delictum, in eo quod non putauerit illi rei conuenire nomen libertatis. Tum quia ita vocari permittit, ut vidimus: tum quia Catholici hoc ipsum arbitrantur, scilicet, potentiam consensendi gratiæ Dei, quæ coniuncta est cum necessitate, atque impotentia dissentiendi, quantumuis nos summo bono deuinciat, non esse vocandam libertatem arbitrij. Et cautum est, ne cuiquam vitio vertatur quod ita sentiat, Calvinus ergo eatenus etiam culpa caret.

Tertiò inde sequitur nullam etiam fuisse consuetudinem, quæ à Caluino postularet ut cum illis loqueretur, qui libertatem arbitrij vocant illum agendi modum, quem diximus. Quod plures sint, qui aliter loquantur. In hoc enim numero ipsi etiam Thomistæ reperiuntur, dum omni ratione contendunt cum suis prædeterminationibus stare potentiam dissentiendi. Quod est igitur

Caluini peccatum? Nempe quia debuit approbare libertatem illam arbitrij quæ posita est in potentia consentiendi, vel non consentiendi gratiæ Dei: Atqui per te illa est solum *libertas peccatorum*: illa *imperfecta* indignaque Christi Domini, B. Virginis, & excellentiorum sanctorum voluntate: illa *qualiscunque & apparens* tantum. Alia vero, quam Caluinus re defendit, verbo solum negare videtur, vera est & germinata perfectaque libertas. Restat ergo, vt ea tantum sit Caluini culpa, quod veram perfectamque arbitrij libertatem agnouerit in operibus gratiæ; degenerem & imperfectam negauerit. Vnde intelligi datur bruta esse Tridentinorum Patrum fulmina iniustasque omnium orthodoxorum accusationes, quando reum illum faciunt destructæ libertatis, qui veræ germanæque potius assertor extitit.

Sed quid opponemus Dordacenorum pastorum argumento, qui ne nomen veræ libertatis dene-gant illi benè agendi necessitati? Ita enim loquuntur
 „ cap. 3. & 4. art. 16. Hæc diuinæ regenerationis gratia,
 „ non agit in hominibus tanquam truncis & stipitibus,
 „ nec voluntatem, eiusque proprietates tollit, aut inui-
 „ tam violenter cogit, sed spiritualiter viuificat, sanat cor-
 „ rigit suauiter simul ac potenter flectit: vt vbi antea
 „ plene dominabatur carnis rebellio & resistentia, nunc
 „ regnare incipiat prompta ac sincera spiritus obedientia
 „ in quo vera & spiritualis nostræ voluntatis instauratio &
 „ libertas consistit. Gratulamur huic Doctori approba-
 „ tionem tanti Concilij.

DECIMUM-NONVM, De medio tollit rationem gratiæ sufficientis. habetur autem cap. 27. numero 6. & 7. vbi dum respondet illi obiectioni, quæ fieri possit, vt sit culpabilis omissio bonorum actuum, quos Deus à nobis exigit, quandoquidem ille qui omisit caruit necessaria præmotione: negat quemquam esse qui careat generali præmotione, quam sufficere dicit ad omne bonum, cuius omissio imputatur ad culpam. Præmotionem autem generalem *dicit esse appetitum summi boni quem*
 omnibus

omnibus nobis ita altè impressit Deus, vt obscurari quidem queat, & aliò diueri: penitus autem aboleri nullo modo. Viuere enim immortale desiderium summi boni in omnibus, etsi illud nonnunquam malè collocare contingat & recedere à bono dum ad ipsum accedere nitimur: nec viuere tantum, sed esse fontem & originem omnium actuum affectuumque nostrorum. Illo nos operari quidquid boni à nobis prouenit, illo item, cum malè & præter legem agimus, operari; illo denique quando in malum labimur, quia stare possumus, reos conuinci, quia signatum est super nos lumen vultus tui Domine, sed nos lumini rebelles sumus. Dubium est, vtrum nomine illo *desiderij summi boni*, significet actum voluntatis elicitum: eo quod superius cap. 10. numero 3. dixerit intentionem finis vltimi, quam eandem quoque censet esse præmotionem, *in nobis saltem in præsentis consideratis transeuntem esse & exiguo tempore durare*, cum tamen hoc desiderium iam dicat esse perpetuum & immortale: sed quidquid sit, hoc vñum constat, desiderium huiusmodi non esse aliquid superadditum naturalibus beneficijs, quod sit, vt ipse putat, *in omnibus hominibus, omni tempore, fons & origo omnium actuum, affectuumque nostrorum*: & nominatim *malorum*: denique quod sit aut sequatur lumen illud, de quo loquitur. Propheta dùm canit, *signatum est super nos lumen vultus tui domine*, quod est lumen naturalis rationis, vt vulgò exponitur: hæc, inquam, non possunt cadere omnia in desiderium elicitum & supernaturale: ergo quidquid id est virtutis, naturale est.

Iam verò pergit author, & dicit numero 7. Et hoc est auxilium sufficiens, non dico ad posse, sed ad omne bonum, cuius ommissio imputatur ad culpam. *Et iterum post allatum D. Dionysium*, Quo loco obseruare iuuat diuinum lumen (quo nomine intellige auxilium sufficiens ad bonum, cuius ommissio in culpam nobis vertitur) semper nobis affulgere; sed nos illud auersari. Vnde patet desiderium illud naturaliter inditum, esse auxilium sufficiens ad omnem actum, cuius ommissio imputatur ad culpam: & quia ommissio actuum fidei, spei, charitatis, cer-

tis hominibus certisque temporibus maxime imputatur ad culpam: cogitur necessariò, eiusmodi desiderium esse auxilium sufficiens ad exercitium illorum actuum. Quod autem interposuit; *non dico ad posse*: nisi metallo, eo tantum pertinet, vt aliquorum Thomistarum distinctionem rejiciat, dum dicunt hominem non præmotum, & voluntarie omittentem aliquem actum habere auxilium sufficiens *ad posse, non ad operari* ipse è contrario velle videtur, vt absolutè dicatur sufficiens, ad omnem bonam operationem, cuius omissio culpabilis est.

Hanc ego sententiam suspectam habeo, quia vt iam dixi videtur mihi aduersari Catholicæ doctrinæ de gratia sufficienti. Quod vt pateat, aduertendum est, duobus modis subuerti posse quod de hac gratia communiter traditur. 1. Si quis neget, præter illud auxilium, quod est efficax, vllum esse, quod sufficiat exercendis bonis operationibus: & hac ratione gratiam sufficientem Calvinus eliminat. 2. Si quod sufficit ad illos actus, negetur esse gratia naturæ superaddita: & ita illam extrinxit Pelagius. Nunquam enim negauit ad salutares actus fidei, spei & charitatis, necessariam esse gratiam creationis, & conseruationis, & si quod aliud beneficium inuehit prouidentia naturalis. Sed errauit, quod huiusmodi auxilia præcise sufficere putauerit, itaque repulerit gratiam superadditam. Cum ergo credibile sit Concilium Trident. aliquid amplius dicere voluisse, quam Pelagiani dixissent, „ quando sess. 6. can. 3. ita pronuntiat, Si quis dixerit sine „ præuenienti Spiritus sancti inspiratione, atque eius adi- „ torio hominem credere, sperare, diligere, aut pænitere „ posse, sicut oportet, vt ei iustificationis gratia conferatur, „ anathema sit: sequitur omnino alterius gratiæ necessita- tem ab eo adstrui, quam quæ à Pelagio non negabatur, hoc est, naturalis. Ergo qui fatetur, *naturale desiderium summi boni sufficere ad exercendos actus illos*; neque à Pelagio videtur recedere, neque Tridentino aptare se se. Ita vero ~~sen~~ habet author, quo cum agimus, vt constat ex dictis. Et mirum est quò factum sit, vt ei hoc loco Pelagius arriperit, qui alias Calvinum præferre solebat. Sed nimi-

rum animi libertatem affectat in *Amplitudine quadam immensa* positam, in qua facile sit errare in omnem partem.

VIGESIMVM. *Causæ liberæ creatæ convenire immobilitatem aliquam respectu boni, atque indefectibilitatem, item subiectionem ad Deum, & inhaesionem independentem à diuina motione.* Videor mihi videre attonitum hominem, & exclamantem ac contestantem se nihil tale vnquam cogitasse: & vero fateor etiam non cogitasse; aio tamen docuisse, quod non cogitabat, & simul designo locum, vbi docuerit. Est autem cap. 21. numero 2. 3. & 4. Vbi dum rationem quærit, cur Dei motio non recipiatur vni-formiter in omnibus, sed in vno quidem perfectè, & integrè, in alio vero imperfectè ac diminutè, illam petit ex proportionem quæ est inter ipsam & subiectum: ita vt si mobile debitè dispositum fuerit ad recipiendam motionem qua mouetur à Deo, recipiat *illam perfectè & integrè*, & sequatur bona actio: si autem deficiat à debito ordine, recipiat *diminutè & non integrè*, & sequatur actio inordinata. Quod iterum ita exponit. Ita vt si recipiens immobiliter siue indefectibiliter se habeat ad motionem primi mouentis; actio sequatur cum indefectibilitate & ita re-
 „ atè operetur, vt non possit non rectè operari: si autem
 „ defectibiliter & mobiliter, actio quoque contingenter
 „ & mutabiliter consequatur. *Pergit & dicit.* Causam se-
 „ cundam liberam, præcisè quia libera est libertate defe-
 „ ctibili, etsi nullam adhuc corruptionem passa sit, posse
 „ motionem illam vel integrè vel diminutè recipere. Nam
 „ quatenus causa secunda est subiecta & inhaerens Deo,
 „ comparatur mobili in debita dispositione se habenti ad
 „ motionem primi mouentis: & si vt talis est eam recipit,
 „ recipit illam integrè Quatenus autem creatura est è nihi-
 „ lo producta, & ideo defectibilis, comparatur mobili non
 „ existenti in debita dispositione ad recipiendam motio-
 „ nem: & si vt talis est, eam recipiat, non recipiet integrè,
 „ sed debiliter & diminute.

Vides 1. in hac Philosophia, *dispositionem voluntatis*, &

PP pp ij

Dei *motionem* comparari tamquam duo quædam inter se condistincta : item 2. illam *dispositionem* censerî causam cur motio in aliquibus *perfectè recipiatur*, & quia ridiculum est, id quod est consequens, atque dependens, ex formæ alicuius receptione, causam dici cur ea recipiatur; ne dicamus philosophum nunc esse ineptum; sequitur 3. designari ab eo *dispositionem* quæ non sit consequens atque dependens ab huiusmodi motionis receptione, 4. Patet per illam *dispositionem*, causam liberam dici se habere *immobiliter* atque *indefectibiliter* ad diuinam motionem: & iterum esse *subiectam* & *inherentem* Deo: perspicuum est igitur *immobilitatem* atque *indefectibilitatem* à bono; item *subiectionem* atque *inhæsiõnem* ad Deum, esse *dispositiones* causæ liberæ non consequentes, ac proinde non dependentes à diuinæ motionis receptione.

Hoc autem mihi suspectum est, quod aduersari videatur doctrinæ iam receptæ à multis sæculis, de necessitate diuinæ gratiæ, tum ad vitanda peccata, tum ad Deum constanter amandum: cum sit manifestum necessitatem illam excludere, tum *indefectibilitatem*, tum *subiectionem ad Deum atque inhæsiõnem*, quæ non pendeat ab eadem diuina gratia, hoc est à diuina *motione*. Ergo hic quoque subolet Pelagianum nescio quid.

VIGESIMVM-PRIMVM. *Inefficaciam gratiæ adscribendam esse voluntati diuinæ.* Ita cap. 10. numero 3. ubi sic loquitur. Hoc tantum dico: dato quod pluribus gratia planè similis ad conuersionem indulgeatur, singulis sufficiens: quod in quibusdam efficax sit, IN ALIIS AUTEM MINIME, diuinæ adscribendum voluntati. Rationem etiam ponit ex qua idem certò consequitur, nempe, Quod præmotio non sit efficax, non oriri ex vlla eius dependentia à causa secunda, PERINDE QUASI EIVS CONSENSVM EXPECTET. Item, id quod efficax gratia qua efficax superaddit sufficienti, non esse necessario aliquid ad ipsam gratiæ entitatem pertinens, sed satis esse diuinam voluntatem & intentionem: esse enim illam quasi spiritum gratiæ efficacis. Quod si ita est, cum vera & proxima

causa, imò & sola per se, cur Deus non velit aut non intendat, quod velle atque intendere potest, ipsius libertas sit; sequitur eidem adscribi debere subtractionem illam *spiritus* quæ gratiam exanimem, & inefficacem constituit, homini autem minime, ut pote à quo *voluntas* atque *intentio* Dei, & consequenter efficacia gratiæ, nulla ratione pender.

Verum hanc sententiam mihi suspectam reddit huius ipsius Authoris censura. nam cap. 30. numero 5. ita loquitur, *Ut hoc argumentum solvatur, observandum est, in hisce questionibus: cur ex duobus, quorum Deus æqualiter tangit corda, unus conuertatur, alter minime: itemque: cur ex duobus æquali omnino tentatione vexatis, unus cedit, alter resistit: non omnes disparis illius eventus pariter causam reddere.* HERETICI ENIM DICUNT CAUSAM ESSE VOLUNTATEM DIVINAM. *Catholici autem nonnulli contra voluntatem humanam, sed illi profecto inepte: & isti non satis bene, &c.* Qui dicit *divinæ voluntati* adscribendum esse, quod gratia sit in uno *efficax*, in alio *inefficax*; quid amplius dicit, quam qui dicit *divinam voluntatem esse causam*, cur unus *conuertatur*, alter *minimè*? Quod si sunt *heretici*, qui hoc secundum dicunt, si *inepti*: Tu vero, mi Pater, qui prius illud asseruisti, quid sentis de teipso. Et mirum est eo loco in quo tam bellè philosopharis ipse, adeo tibi displicuisse, qui *divinæ gratiæ efficaciam* ab hominum libertate paritè esse contendunt, ut eorum prope accusaveris impudentiam. Hoc, inquis, valde alienum est ab illorum mente, nimis profecto demissè de Deo sentientium, qui efficaciam gratiæ, illud videlicet quod est potissimum in gratia, & quasi *spiritus eius*, creaturæ tribuere non erubescunt, idque novis etiam adinventionibus excogitatis demonstrare conantur. Equidem quod dicis ipse valde alienum est ab illis: sed providendum est, ne usque adeo fit *alienam*, ut fiat etiam Calvini domesticum. Atque hinc sequitur.

VIGESIMVM-SECVNDVM. *Id quod homini ad culpam imputatur, divinæ adscribendum esse voluntati.* Impu-
P P P iij

tari enim homini ad culpam, quod diuina gratia non habeat effectum, hoc est quod sit inefficax, ostendimus iam doceri ab hoc Authore, falsò quidem in vniuersum, sed tamen verè, quando aduenit tempus, quo præcepti necessitas vrget exercitium virtutis. Atqui hoc ipsum iam dicitur *diuinæ voluntati adscribendum*. Sequitur ergo quod est hominis peccatum, diuinæ voluntati adscribendum esse. Et qui iubet eos *erubescere*, qui partes esse aliquas voluntatis putant, in eo quod gratia sit efficax, frontem habere potuit explicatam, cum hæc diceret?

VIGESIMVM-TERTIVM. *Deum solum authorem esse intentionum illarum, quibus nefarij homines determinantur ad malos actus.* Hæc sententia continetur his tribus propositionibus. Prima est. *Motionem, qua Deus causam liberam administrat, esse actualem inclinationem & tendentiam in finem, quæ proprio & peculiari nomine intentio finis nuncupatur.* Ita totidem verbis cap. 20. numero 5. Secunda est, *Deum in nobis, sine nobis operari intentionem hanc seu determinationem ad finem.* Ita ibid. Tertia est, *Hanc Dei motionem prærequiri ad omnem actum, qui malus est.* Ita cap. 26. numero 4. Vbi sic loquitur. *Dico 4. Deum mouere nos ad omne bonum, quod in quocumque malo reperitur, atque adeo mouere, immò & præmouere ad actus, qui mali sunt, quatenus & actus sunt, & humani sunt, &c.* Ergo statuamus hominem perditum, qui iam animo adulterium conceperit: interrogo num sit à Deo *prædeterminatus* ad affectum illum physicum, qui est inquinatus adulterij malitia? Respondetur esse *prædeterminatum* ad illum affectum, non solum, *ut est actus physicus*, sed etiam, *ut est actus humanus*. Iterum interrogo, quæ sit illa Dei *prædeterminatio*? Respondetur esse *intentionem finis*, quo tunc ille mouetur, ut huiusmodi *actum humanum* eliciat. Denique si: quæram quæ sit causa talis intentionis? Respondetur, *Deum illam in nobis, sine nobis operari.* Quod est *Deum solum esse illius authorem*. Ergo Deus solus est causa intentionis illius per quam adulter determinatur ad actum adulterij turpitudine infectum, Idem quæram de forni-

catore, de parricida, de latrone, defacrilego; idemque respondebitur; nempe Deum solum esse causam intentionum quibus illi determinantur ad actus fornicationis, parricidij, latrocinij, sacrilegij nequitia corruptos.

Hoc autem mihi valde suspectum est. Quia vel illarum intentiones sunt aliquando malæ, vel nunquam: si primum; ergo Deus solus est *causa & author malorum intentionum*: Si secundum; Ergo nullus unquam extitit latro, nullus apostata, nullus leno, nullus gladiator, qui mala, immò qui non bona intentione impelleretur ad enormia quæque flagitia perpetranda. Quis autem ad utrumque non reclamet, præter scelestos illos, qui tam propitium nacti patronum sunt, tamque legitimam suorum criminum excusationem?

Præterea, constituto, exempli causa, ob oculos adultero, peto quæ sit illa intentio, qua determinari dicitur, ut eliciat actum, per quem tendit in adulterium? vel quibus ea verbis commodè possit exprimi? Anne istis, *Volo Deo imprimis placere*? An potius istis, *volo niti ad celestem beatitudinem*? Nemo ut opinor, erit qui affectibus hisce determinari homines putet ad ullum malum. Quæ igitur est hæc intentio? forte, *volo bene habere, & malo carere*? Sed quo modo dici poterit voluntas, intentione vitandi mali determinari ad obiectum, quod intelligit esse maxime malum? Item intentione bene habendi determinari ad carendum eo, quod honestum esse cognoscitur? Ergo ut omnia excutias, nulla erit intentio, qua merito determinari atque præmoueri censeatur ille, de quo agimus, præter eam, quæ hac oratione significatur, *volo explere libidinem*. Et pariter intentio, qua fur determinatur, respondebit istis. *Volo satisfacere Avaritiæ*, homicida istis, aut similibus, *volo ire obsequi*, & sic de alijs. Quare si Deus solus author est earum intentionum, quibus id genus homines prædeterminantur, author esse istarum censendus est. Hoc autem qui asserat, nihilo certe religiosior est ijs quos Tridentinum detestatur, can. 6. sess. 6. qui dicunt *mala opera, ita ut bona Deum operari*.

VIGESIMVM-QUARTVM. *Deum prædefinire & prædeterminare ut impius exerceat prauam animi sui dispositionem.* Ita lib. 2. cap. 25. numero 2. Vbi dicit Deum interdum eleuare iugum peccati, ne semper & omnino nos deprimat, modo finire sub peccati tyrannide. Sed tum quoque, *inquit*, Deus est prædefiniens actus, quos homines ex lege & impetu propriæ deprauationis operantur: prædefiniens, inquam, illos atque prædeterminans, non absolutè ac secundum se totos, sed secundum ordinem, quem illis indit ad finem prouidentia suæ quæst. d. Volo ut impius hic sua illa praua animi dispositione, consilij meis ita seruiat.

In quibus verbis euoluendum in primis est, quod latet sub illo, *ita seruiat*, idem enim est ac *peccando*, seruiat, *adulterando*, *furando*, *occidendo* seruiat. Prava enim dispositio seipsa neque bono, neque malo fini utilis est: sed sui tantum exercitio: itaque velle, *ut seruiat*, est velle, *ut suo quodam exercitio seruiat*. Et constat hanc esse huius authoris mentem, dum hoc decreto contineri significat prædefinitionem & prædeterminationem actuum, quos *impij ex lege & impetu propriæ deprauationis operantur*. Hoc enim ostendit, illud, *volo ut seruiant*, idem esse ac, *volo ut per tales actus seruiant*.

Iam vero quicumque dicit, *volo ut hoc medium huic fini seruiat*, aut supponit illud iam existere absolutè, ut sit sensus, *volo*, ut ea res que iam existit mihi seruiat ad hunc finem: aut certe existere facit, ut sit sensus, *volo* ut ea res existat, quo mihi seruire possit ad hunc finem. Vtro igitur modo se habet Deus circa exercitium illud prauæ dispositionis hominis impij, quod ab eo refertur in finem consiliorum suorum? Hic author interpretari se simulat diuinum illud decretum iuxta priorem modum, ita enim loquitur, cap. 14. numero 2. Desipis, inquam, ex insano in Deum blasphemandi ardore, si peccatum non præsupponis diuinæ voluntati, & si contentus peccatum non nisi ex præsupposita Dei voluntate, & ordinatione in creatura nasci. Sed reuera secundam interpreta-

interpretationem amplectitur. Primò, Quia cap. 22. numero 16. ubi exponit qua ratione voluntas permittendi peccatum, & eo bene utendi ad gloriam suam, illud præsupponat; Obserua, *inquit*, peccatum duobus, modis posse esse futurum: vel absolute, vel quantum est, ex vi causæ secundæ, permissio porro sicut & præseruatio præsupponit peccatum futurum hoc secundo modo, *hoc est* non absolute. Ibidem autem confundit voluntatem glorificandi se per peccatum, cum voluntate illud permittendi. Ergo quando Deus dicit, *volo ut impius hic, &c.* Non supponit, sed facit effectum prauæ dispositionis esse absolute futurum, ut ita seruiat diuinis consilijs. Secundo, Posito quod prauæ illius dispositionis operatio existat absolute, nulla deinceps præmotio vel prædeterminatio potest esse necessaria, quo fiat utilis ad finem à Deo intentum, quia ut sit utilis, non expectatur vltior aliqua voluntatis actio, sed Dei solius est illam ipsam quæ iam existit absolute, aptare in quemcunque volet vsum: atque ita superflua est prædeterminatio, quippè quæ non habet locum, nisi quando creatura debet agere. Atqui prædeterminatio hic interuenit, ut patet ex loco iam allato, & paulo post dicitur etiam interuenire Dei *motio, quæ recipiatur in voluntate, sed imperfectè & non integrè*: Ergo iterum verum est, decretum illud, quo Deus vult utilem esse deprauatæ voluntatis actum, ad certos fines, non supponere, sed inferre *absolutam* eorundem existentiam, esto, vnicum motiū, quo Deus illos existere vult, sit illa utilitas.

Vnde etiam patet, nullum esse in illo cauillo subterfugium; quo dici potest, Dei decretum inferre quidem existentiam actus deprauati, at ea tantum ratione, quia scilicet Deus statuit non impedire, quo minus voluntas ad malum propensa illum eliciat, Deum enim cognoscere, si tantum ire sinatur, elicituram. Nihil, inquam, iuuare hoc potest. Primò quia ridiculum est concipere Deum velle absolute atque efficaciter, ut actus sit utilis ad bonum finem, & non velle tamen ut sit: cum sit manifestum hanc voluntatem in illa necessario includi. Se-

cundò, quia lusorium est, quod dicitur, *Deum antequam aliquid decernat scire voluntatem ita esse propensam ad actum malum ut elicitura sit, si modo permittatur*: quinimò hæc philosophia fert non elicituram, nisi etiam præmoueatur & prædeterminetur Physice: quare frustra obtenditur sola permittendi voluntas, cum sit etiam voluntas adiuuandi positiuè, non simultaneo tantum concursu, sed & præuio: neque quocunque sed *præmouente ac prædeterminante* tantâ illatâ necessitate agendi, ut sit impossibile tendere in oppositum. Quid enim, an effluxit memoria, » quod antea productum est ex priore libro, Dei prouidentiam sibi subicere voluntates nostras, & inclinare » quo vult, ita ut quod facturæ sunt, omnino facturæ sint, » nec res aliter euenire queat? *Item*, hanc prouidentiam » præscientia priorem esse? *Item*, Illam supponere D. August. 5. de Ciuit. cap. 10. ubi agit de præscientia futurarum actionum bonarum, malarumque? *Item*, Deum » mouere, immò & præmouere ad actus, qui mali sunt » quatenus & actus sunt & humani sunt, necnon & quatenus media quibus Deus utitur ad consilia sua executioni » mandanda? *addit*, non tamen quatenus mali sunt: sed » frustra, ut constabit. Quare nullus tergiversationi locus esse debet, fateatur ingenue id quod res est: germanam scilicet ipsius sententiam hac summa contineri.

Nouit Deus, naturam filiorum Adæ talem esse, ut accedente Physica præmotione ac prædeterminatione secuturæ sint operationes, quæ quamlibet malitiam habeant adiunctam. Nouit præterea prauas illas operationes fieri posse utiles ad bonos fines. Hac igitur utilitate permotus, statuit absoluto & efficaci decreto efficere præmouendo ac prædeterminando, ut existant, & ad illos fines seruiant. Quod si quærentur concepta verba, quibus illud decretum exprimitur; hæc erunt aptissima. » Volo prædeterminare ac præmouere impium hunc ad » actus, ad quos ex lege & impetu propriæ deprauationis » inclinatur, & efficere hoc pacto, ut existant; non quidem » propter ipsorum prauitatem præcise, sed propter utilitatem, quâ ipsa etiam prauitas conducere potest ad eos fi-

nes, qui à meis consilijs præscribuntur. Hæc est propria & natiua species totius sententiæ, nec quidquam in hac eius expositione reprehendi potest, præter ingenuitatem, & nudam fidem: desiderari nihil, præter fucos, & velamenta.

Hoc vero mihi magnopere suspectum est, propter conformitatem quam habere videtur cum Caluini theologia maximam.

Neque enim blasphemus ille flammam meruit eo tantum nomine, quod primam hominis operationem malam refuderit in Dei prædestinationem: sed in eo quoque fuit impius, quod eodem reiecerit opera, quæ à deprauata voluntate fiunt. Vt constat ex 1. Inst. cap. 18. & alijs locis quam plurimis. Et de his quoque nominatim agit Tridentinum sess. 6. can. 6. Vbi de Iudæ proditione. Quid igitur in hoc peccauerit quod ea sententia non concludatur quæ iam allata est, difficile admodum est ad dispiciendum. Nam 1. in eius quoque sententia, priusquam Deus aliquid decernat circa bonum vsum malæ operationis, supponitur deprauata esse voluntas, maleque operatura præsertim si prædeterminatio malorum actuum, *quatenus actus sunt, & quatenus humani*, accesserit: atque ita diuina voluntas illa, quæ versatur circa huiusmodi operationes, iam supponit *malum à causa secundæ egrediens*, eo modo, qui requiritur ab hoc authore: quare sapit ille ex hoc capite, quantum hic sapere optat loco supra cit. Cum ait, *desipis, inquam, &c.* Eandem quoque sapientiam Molinæus aperte profitetur sect. 20. Clypei, cum dicit, Quomodo aqua natura sua deorsum vergit, ita impios se ipsis ad malum propendere, nec à Deo incitari voluntates eorum, tantum à Deo dirigi ad bonos fines. 2. Voluntatem illam Dei versari per se circa malitiam prauarum operationum, & non tantum ratione vsum quo possunt conducere ad exequenda Dei consilia, non tantum nullo vnquam loco Caluinus significat; quin potius sæpe significat contrarium. Nam in 1. Inst. cap. 17. numero 6. ita loquitur. Atque eorum malis vllam inde excusationem deberi nego. Quid enim? an

» vel eadem secum iniquitate Deum implicabunt , vel
 » suam prauitatem illius iustitia operient ? neutrum pos-
 » sunt. Quominus se purgent , propria conscientia redar-
 » guuntur. Quominus Deum insimulent , totum in se ma-
 » lum deprehendunt , penes ipsum non nisi legitimum ma-
 » litiae suae usum. *Et paulo ante numero 5. Atque hac ratione,*
 » *inquit* , male agendo iustae eius ordinationi seruimus , quia
 » pro immensa suae sapientiae magnitudine , ad bene agen-
 » dum malis instrumentis uti bene probeque nouit. *Et cap.*
 » *18. initio.* Quia hic nodus multis inexplicabilis visus est
 » sub Dei manu & imperio sathanam & impios omnes ita
 » esse , ut eorum malitiam in quemcunque visum est , fi-
 » nem dirigat , &c. Vides his omnibus locis Dei volunta-
 » tem non aliter dici à Caluino tendere in malitiam huma-
 » narum operationum , quam ut eam dirigat in bonos fines.
 » At, inquires , Caluinus sapè ridet illos , qui solam Dei per-
 » missionem hic agnoscunt. Fateor , sed videbimus postea ,
 » quid sentias ipse : interea peto , ut *permissionis tuae* formu-
 » lam hisce verbis conceptam illi offeras , *volo impium hunc*
 » *prædeterminare ad operationem , quæ mala est , ut suæ illius*
 » *prauæ dispositionis exercitio seruiat meis consilijs.* Mihi crede
 » vel ille se Romanum in eo esse statim fatebitur , vel tu mi-
 » raberete fuisse Caluinianum.

Sed ille contendit Deum esse auctorem malarum actio-
 num. Verum est. At cum ipse quoque contendas , *Deum*
præmouere ac prædeterminare homines impios ad easdem actio-
nes , & quatenus actiones sunt , & quatenus humanae ; & qua-
tenus media quibus utitur ad consilia sua executioni mandanda ,
 negas ne Deum esse auctorem earundem sub illa triplici
 ratione ? Quod si tibi licere hoc vis , patere , ut liceat quo-
 que Caluino. Proba insuper illum dixisse aliquid imma-
 nius. Et quia hoc præstare non poteris , noli meam con-
 demnare suspicionem , quæ vel rectam illius sententiam ,
 vel tuam videri facit esse peruersam.

Atenim , inquires , Caluinus censet nefarios homines
 necessariò peccare. Sed qua tandem necessitate ? Nempe
 illa quæ nascatur , tum ex praua eorum dispositione , tum
 ex diuina prædestinatione , ac prædeterminatione. Tu igi-

tur illam negas? Non fateris Deum prædefinire actum, qui malus est, & physicè ad illum prædeterminare, *quatenus est actus, quatenus est humanus, & quatenus est medium diuino consilio idoneum*? Potestne igitur non esse necessarium ex illa suppositione, vt voluntas huiusmodi actum producat sub illa triplici ratione? Quod si non negetur necessitas producendi talem actum, *quatenus est actus & quatenus est humanus*, quomodo negari poterit necessitas illum producendi, quatenus est malus? Voluntas per te non potest impedire, *ne sit actus*, neque *ne sit humanus*: quia hoc dicis absolutè *prædefinitum & prædeterminatum*: sed neque etiam, *ne sit prohibitus*: quia prohibitio pendet à Deo solo; & tamen impedire potest, ne sit malus? An potest esse actus *humanus & prohibitus & non malus*? hoc vero difficile est, quam vt à sapientibus Theologis admitti possit.

Cum itaque necessarium sit, omnia quæ à Caluino in hac causa dicta sunt, reduci ad vnā aliquam formam, qua concipiatur diuinum decretum de malis actibus; sponsonem faciò quācumque aliquis volet, nisi Caluiniani molles duriorem illam putant, qua huiusce auctoris sententiam comprehendere iam ostendimus: nisi austeriores eandem vt veram approbant, vt suam amplectuntur, vt paternam exosculantur: quin etiam, nisi Arminianos in communionem recipiunt, eosque fatentur suos esse germanos, dummodo ad hanc se se normam componere velint.

VIGESIMVM-QUINTVM. Deum non tantum permittere peccata, neque scripturam hoc tantum dicere; sed videri etiam significare Deum impellere: & reuera Deum non tantum finire hominem in peccata labi; sed etiam subicere peccatorem peccato, ita ut noua peccata committat. Ita loco iam cit. nimirum, cap. 25. lib. 2. Nam ita loquitur numero 6. Obseruandum 4. ad tertiam illam obseruationem, quod de Deo circa peccatum habet scriptura, non enim solum „ dicit Deum permittere peccata subsequētia in pœnam „ præcedentiam: SED DICERE ETIAM VIDETVR DEVM „

„ IMPELLERE HOMINES AD ILLA. *Ib. numero 7. hæc habet.*
 „ Euidens videtur Deum potentia sua & iustitia cum ho-
 „ mo peccator ex deprauatione, quæ in ipso viget ac do-
 „ minatur in noua scelera propendet, SVBICERE EVM
 „ ILLIS, NON TANTVM QVANDO PERPETRATA SVNT,
 „ SED ETIAM CVM PERPETRANTVR ET FIVNT. NON
 „ TANTVM SINIT TE IN ILLA PECCATA LABI, VERVM
 „ ETIAM SVBICIT TE TYRANNIDI PECCATI IN TE RE-
 „ GNANTIS ADEO VT NOVA PECCATA COMMITTAS. *Et*
 „ *numer. 13. Ostendimus, inquit, quid D. August. sentiat,*
 „ *scilicet Deum non tantum sinere malos in prauis suis de-*
 „ *siderijs, sed tradere eos illis: & secundum potestatem iræ*
 „ *sux, &c.*

Vides 1. his verbis negari Deum tantum *sinere*, vt ho-
 mo labatur in peccata, Vides 2. negari scripturam *hoc*
tantum dicere. Vides 3. adstrui præterea *subiectionem Dei*
actiuam, hoc est actionem subicientem peccatorem pecca-
to. Vides 4. ex hac Dei actione in peccatorem affirmari
noua peccata sequi cum dicitur, *adeo vt noua illa peccata*
committat. Hæc omnia perspicua sunt. Atqui sunt etiam
 iure meritissimo suspecta.

Primo quia repugnant manifestè Concilio Tridenti-
 no, sess. 6. can. 6. Vbi damnantur illi qui dicunt *Deum*
operari peccata non permissuè solum. An igitur ferendi erunt,
 qui dicunt Deum non tantum *sinere illa fieri, & scripturam*
dicere aliquid amplius, & non hoc tantum? Secundo doctrina
 illa mihi de Calvinismo suspecta est. Neque magnope-
 re laborandum, vt concentus iste probetur. Confessio-
 nem produco ipsiusmet authoris. Ita enim loquitur. cap.
 „ 23. num. 4. Quomodo Deus se habet ad affectus malos?
 „ Permittendo, inquiunt Catholici, at si quis sit qui per-
 „ missionem in Deo non agnoscat, sed quod vocamus per-
 „ missionem contendat esse actionem, quid dicet sciscitanti
 „ quomodo Deus se habet ad quodcunque malum, etiam
 „ prauos animi motus? Respondebit, operando. HVIVS-
 „ MODI AVTEM EST CALVINVS.

Sciscitanti quomodo se habeat Deus ad affectus malos,
 respondent, inquis, Catholici, *permittendo?* Qui sunt igi-

tur illi qui respondent, *non tantum sinendo?* Et qui continent id quod vocatur *permissio* esse *actionem*, interroganti quomodo se habeat Deus ad malum, respondere debent, *operando?* Quid igitur respondebunt illi, qui quod vocatur *permissio*, vocant *active subiectionem*? Huiusmodi est, inquis, Calvinus? Tu veror mi Doctor, cuiusmodi est es, & quam procul abes à Caluino, quando illi quoque scripturam favere putas & Augustinum? Itaque meum hoc loco animum pulsât, non tantum erroris suspicio; sed & deficientis rationis: dum video tam iuxta se positas eiusdem rei affirmationem & negationem.

Porro frustra est excusatio, quam indicat cap. illo 25. numero 8. dum ait, Calvinum loqui de primo peccato, quod scilicet neque depravatam voluntatem, neque malum adhuc meritum supponit. Quia iam monstrauimus, & verò est etiam certissimum, Calvinum neque de primo tantum loqui, neque circa illud tantum errare. Vnde pariter frustra est, quod dicitur. *Hoc non esse peccata fieri volente Deo, sed pœnas & supplicia dimittere peccatorum in peccatis.* Quia si sensus sit, Deum non velle, vt peccata fiant per se loquendo, sed tantum propter vsum, quem habere possunt vel ad puniendum, vel ad alios bonos fines; hoc ipsum est, quod antea vidimus à Caluino prædicari. Si vero sit sensus, Deum non velle sub vlla omnino ratione, vt peccata sint; quare negatur *sinere* tantum illa esse? quare asseritur scriptura *non tantum dicere illa permitti?* Quare ad permissionem additur? *Deum subicere peccatorem peccato non tantum quando perpetratum est, sed & cum perpetratur?* Quare ita dicitur *subicere*, vt noua peccata committantur? Quis non intelligit peccata ista noua objici diuinæ illi voluntati subiecti, atque ab illa sequi? Quare rejiciendum est, quod addit, Deum tunc velle *in iniquitate pœnam, non iniquitatem ipsam, vt impiè*, inquit, *hæretici profitentur.* Atqui quàm certum est hæreticos in hac contentione impios esse; tam est certum in eo non esse positam illorum impietatem, quod putent Deum velle, vt sit iniquitas absolutè, sed propter rationem pœnæ, quam habere poterat,

aut alium quemlibet bonum vsum. Hoc enim Calvinus celebrat, vt vidimus. Et potest adhuc confirmari ex 1. Inst. cap. 18. numero 4. vbi negat in defectione Iudæorum à familia Davidis ad Ieroboam Deum voluisse perfidiam, *videmus ergo*, inquit, *vt Deus perfidiam nolendo, defectionem tamen alio fine iustè velit*. Et paulo ante linguam Semei, dum conuinciaretur Dauidi, *iustum Dei flagellum* fuisse dicit. En vt distinguit; & Deo pœnam; peccatori, melesicium & iniuriam adscribit. Sed omnem super

a Il y a
deux for-
mes de mal:
l'un est mal
de coulpe,
& l'autre
de peine.
Le premier
mal vient
de l'hom-
me, le se-
cond vient
de Dieu:
toutesfois
le mal de
coulpe sert
souuent de
peine.

Quand &c.

Alors le
mal de
coulpe qui
sert de pei-
ne ne vient
point de
Dieu en-
tant qu'il
est mal de
coulpe, ou
entant qu'il
est peché:
Mais seu-
lemēt Dieu
le fait ser-
uir de pei-
ne.

b Dieu las-
che la bri-
de à Sathan
& aux mes-
chans, & non
de Dieu: mais
néanmoins
tout ce qu'ils
feront ser-
uira au
conseil de
Dieu.

hac re dubitationem soluit, id quod Clypeo suo Moli-
næus inscripsit sect. 20.^a Duo sunt, inquit, malorum
genera alterum est malum culpæ: alterum est malum
pœnæ. Primum ab homine est, secundum à Deo. *Itc-
rum*. Malo culpæ Deus sæpe ad pœnam vtitur: quan-
do, &c. Et tunc malum culpæ quod ad pœnam in-
seruit non est à Deo, prout est malum culpæ, vel prout
est peccatum: sed solum Deus illo ad puniendum vti-
tur. Et paulo post ita demum loquitur. ^b Deus sathanæ sce-
leratiquæ habenas laxat, ad exequenda iniqua consilia,
quæ ab ipsis oriuntur, non à Deo: nihilominus tamen
quidquid facient Dei consilio vsui erit. Non igitur ideo
impij vocandi sunt hæretici, quod censeant Deum velle
iniquitatem absolutè, & non in ipsa *iniquitate pœnam*. Hoc
enim crimem falsum esse conuincitur, minimeque expe-
dit tot impietatum reos eo nomine conueniri, quo illi
se innoxios esse probaturi sunt: cum sit periculum ne ve-
ris iustisque criminationibus fidem adimat, à supposititijs
innocentia vindicata. Quod igitur est eorum peccatum?
Non aliud certè, quam quod dicant diuinam volunta-
tem versari antecederet circa peccatum sub ratione
pœnæ, vel medij vtilis ad bonos fines: antecederet, in-
quam, itaut deinde noua peccata sequantur. Patere, vt
hoc affirmare pergant, & tuos reputa. Quidni vero pa-
tiare, cum ipse dicas. *Deum velle in iniquitate pœnam, non
tantum quando perpetrata est iniquitas sed & cum perpetratur:*

& aux meschans pont excecuteur leurs meschantes intentions lesquelles vien-
nent d'eux mesmes, & non de Dieu: mais neantmoins tout ce qu'ils feront seruir au
conseil de Dieu.

nec qualicunque voluntate, sed illa *quæ subijciat peccatorem peccato*, nec quocunque modo subijciat, *sed ita ut noua peccata committat*? Potest ibi non esse voluntas Dei circa peccatum sub ratione poenæ spectatum? Potest non esse antecedens & præuia, ex qua noua illa peccata sequuntur? Sed quomodo vis Deum velle in iniquitate poenam? neque enim poenam volumus *in abstracto*, ut loquuntur: sed volumus rem, quæ aliquem punit, eo quod puniat. Quid igitur erit, Deum velle in iniquitate poenam? Nempe hoc erit, Deum velle iniquitatem, quæ aliam quoque iniquitatem punit, quatenus eam punit. Restat ergo, ut hoc vnum peccare dicas hæreticos, quia tibi consentiunt.

VIGESIMVM-SEXTVM. Superiora confirmat, habetur autem cap. 24. eiusdem lib. 2. num. 5. Si quæras, *inquit*, quod nam sit obiectum illius voluntatis permit-
rentis, siue illius voluntatis, quæ in Deo est glorificandi, se per defectum creaturæ? dicam esse ipsum malum, ut per modum medijs fit bonum, siue esse ipsammet gloriam Dei ut illustrandam & manifestandam ipso creaturæ defectu. Paulo ante dixerat diuinam voluntatem versari positiuè circa permissionem mali, dari vero positiuum actum circa malum emergens negauerat: Calvinum re-fragrantem proscripserat. Et statim quasi elapsus esset à memoria, quod adhuc pene restabat in ore, optimam sententiam reuocat, & in gratiam Caluini pronuntiat, *obiectum positivæ voluntatis Dei esse malum, ut per modum medijs fit bonum*. Non potest negari, quin illa voluntas versetur circa suum obiectum: & proinde cum obiectum eius sit malum quatenus est medium ad bonum: concedi debet positiuum Dei actum versari circa malum sub ratione medijs ad bonum. Item, ille actus est quoddam *volo* Dei, cuius obiectum cum dicatur esse malum, si concipiatur propositio, qua debet exprimi, hæc erit. *Volo malum prout illud est utile ad bonum*. Puto autem me demonstrasse nihil aliud voluisse Calvinum, neque iam velle qui ab illo stant in hac controuersia. Neque inficiatur hic

R R r

Author, vt constat ex cap. 23. numero 2. estque insuper
 luculentum eiusce rei testimonium ipsorum fidei confes-
 sio in art. 8. Vbi postquam professi sunt Deum omnia re-
 gere ac constituere, insuper addunt, c Non quod author
 mali sit, aut quod ei culpa imputari possit: postquam
 eius voluntas suprema est atque infallibilis rectitudinis &
 æquitatis regula: sed admirabiles ei suppetunt rationes
 dæmonibus sceleratisque ita vtendi, vt malum, quod
 faciunt, cuiusque rei sunt, conuertere nouerit in bonum.
 Nihil disertius afferri potest, quo constet Dei volunta-
 tem ex hæreticorum sententia non aliter versari circa
 malum, quam vt sub ratione boni spectatum. Quare vel
 in eo dicendi sunt orthodoxi, vel timendum, ne nihilo
 magis sint Catholici, qui docent *obiectum diuinæ voluntatis
 esse malum, quatenus per modum medij fit bonum*: vel vt
 alio quodam loco dicitur, malum *vt bonificandum dire-*
ctione Dei ad bonum cap. 22. lib. 2. vbi venia verbo fru-
 stra petitur, cum sit maior sententiæ barbaries.
 Mais il se seruit tellement des Diables & des meschans, qu'il sçait conuertir en bien le
 mal qu'ils font, & duquel ils sont coupables.

Atque hinc patet hanc voluntatem frustra dici *volun-*
tatem permittentem, cum sit etiam *voluntas prosequens*. Si
 quidem cum voluntas *permittendi*, nihil aliud sit, quam
 voluntas *non impediendi*; responderi non debebat interro-
 ganti quale foret eius obiectum? *esse malum*, sed esse *negati-*
onem impediendi peccatum prohibentis: neque tunc *bo-*
nificari peccatum ipsum, sed solum illam impediens grati-
 æ subtractionem. Nunc autem cum assignetur diuinæ
 voluntati *malum*, tanquam *obiectum*; sitque necessarium,
 vt hoc ipsum velle dicatur, quod eius obiectum est (si
 quidem sit prosecutiuum vt est ista) consequens est vt
 dicatur voluntas Dei *velle malum*, & ita quæ dicitur vo-
 luntas permittens malum, re ipsa fit voluntas illud pro-
 sequens.

VIGESIMVM-SEPTIMVM. *Esse diuinam ordinationem,
 vt peccatum committatur*. Ita cap. 25. numero 11. vbi

ita loquitur. Respondeo directè iuxta tertiam obserua-
 tionem prædicta testimonia probare tantum modo Deum
 de peccato punire peccatum, & efficere, vt peccatum
 vnum sit pœna alterius. Nam in eo sensu dicitur indurare
 & excæcare, quod nunquam accidit nisi ex merito præ-
 cedentium peccatorum: diuina iustitia ORDINANTE, vt
 sceleretur mendacium, qui recusauit obedire veritati. Et
 paulo ante numero 8. quod dictum erat, Deum subicere
 peccatorem peccato, ita ut noua peccata committat, fieri
 dicit, *diuina id tum iustitia statuente, tum, &c.* statuit igitur
 iustitia Dei sic subiciendum peccatorem peccato, vt noua
 peccata committat.

Vt omittam eadem quoque sentire Caluinum, quod
 potest copiose monstrari: sententiam illam mihi sus-
 pectam facit ipsiusmet authoris iudicium. Eo enim loco,
 quem ante designauimus ex cap. 24. numero 2. Desi-
 pis, *inquit*, ex infano in Deum blasphemandi ardore, si
 peccatum non præsupponis diuinæ voluntati, & si con-
 tendis peccatum non nisi ex præsupposita Dei volunta-
 te & ordinatione in creatura nasci. Exhibe, mi Pater,
 sapientiam, quam ab alijs. exis: neque velis incurrere
 in eandem notam, quam sæpe ac meritò Caluino inus-
 fisti cap. 23. cum diceret *Dei ordinatione fieri, vt homines
 peccent.* Quid enim minus dicit, qui dicit *statuente atque
 ordinante Deo fieri, vt quis sceleretur mendacium? vt peccato
 subiciatur? vt noua peccata committat?*

VIGESIMVM-OCTAVVM. Deum non modo statuere, vt no-
 ua peccata committantur: sed & operari Ita in illo c. 25.
 num. 8. cit. ubi agens de illa peccatoris subiectione ad pec-
 catum, qua fit vt noua peccata committat; *accidere dicit di-
 uina id tum iustitia statuente, tum potentia OPERANTE.* Ope-
 ratum ergo Deus subiectionem peccatoris ad peccatum, &
 ita operatur, vt noua peccata committantur. Hoc vero sus-
 pectum est & suspicionis causa eadem quæ paulo ante.
 Nempe iste met author Caluinum exagitat cap. 23. nu-
 mero 3. & 4. quod distinctionem voluntatis *permittentis
 & operantis* admittere in Deo nolit, quando de pecca-

tis hominum agitur. Item, quod illud quod nos vocamus *permissionem* contendat esse *actionem*. Sed procul erras, mi Doct̃or. Quod enim nos *permissionem* vocamus, ille nunquam vocat *actionem*: alioqui nostrum cum illo de verbis tantum esset dissidium. Sed quod ille vocat *actionem*, tu contendis esse *permissionem*. Vnde etiam verbo tenus illi repugnas: & infelicit̃er repugnas, quod videre vinci, dum eò tandem adduceris, vt eius quoque loquendi modum imitere, quando pronuntias diuinam potentiam *operari subiectionem peccatoris ad peccatum, ita vt noua peccata fiant*.

Quod autem D. Augustinum appellat in his & similibus pronuntiatis, operam ludit, quod sit clarius meridiano sole longe aliter illum & loqui & sentire. Nempe cum Pelagiani negarent vllam gratiam esse necessariam ad vitanda peccata, consequenter rejiciebant id quod dictum erat ab Augustino, peccatum esse alterum alterius poenam: neque enim esse posse, nisi gratia secundum peccatum impeditura in poenam primi subtraheretur: quam gratiam ipsi non agnoscebant. Illius ergo connexionis peccatorum ex peccatis spectatorem tantum otiosum esse Deum, sicuti rei ad suam providentiam minime pertinentis, & patientem habere circa hoc bonitatem, non autem operantem potentiam. S. Augustinus è contrario, qui gratiæ necessitatem illam perpetuo deffendit. Deum esse contendit in hoc negotio, non spectatorem solum sed & iudicem: nec in eo cerni patientem tantum eius bonitatem, sed & vindictam providentiam, & vlciscentem iustitiam: quatenus scilicet in poenam præcedentium peccatorum, non confertur gratia vitandis consequentibus requisita. Et quia subtractio beneficii sequuta ex certo ac destinato iudicis consilio, respicientis ad crimen eius quem priuat, operatio quædam est iudicialis potestatis, ideo hic agnoscit Augustinus *operantem* quoque *potentiam*. Hoc igitur *statuere* Deum putat, hoc *ordinare*, hoc *operari*, non vt quisquam *noua peccata committat*; sed vt committere sinatur: non vt *sectetur mendacium*; sed vt *sectari* non pro-

hibeatur ; non vt *impellatur* in scelera , quod huic Authori videtur à scriptura significari , sed vt impulsus sponte sua irurensque non coërceatur. Hanc esse mentem S. Augustini lib. 5. con. Iul. cap. 3. & de Gratia & lib. Arb. cap. 21. constat tum ex ipsa vt dixi controuersie natura : tum ex eo quod in illo cap. 3. con. Iul. disertè negat , Deum facere malas voluntates , sed eis tantum vti : tum ex alijs multis locis in quib. suam mentem apertam facit. In ps. 68. dicit Deum apponere iniquitatem super iniquitatem , *non vulnerando , sed non sanando*. In Ench. ad Laur. ita exponit quod dixerat , impios facere quod Deus vult , quia scilicet *finis eos male agere & volens finis*. In lib. 1. ad simpl. quæst. 2. *Obduratio Dei est* , inquit , *nolle misereri , non ab eo irrogatur aliquid , quo fiat homo deterior sed tantum quo sit melior non irrogatur*. Quid apertius ? Idem inculcatur in lib. de prædest. & gratia.

VIGESIMVM-NONVM. Continetur eodem capite 25. numero 10. his verbis. Quæ ergo Deus vult , & „ benè vult in venditione Ioseph , in morte filij sui & simili- „ bus , hæc adimplet per homines , aut IMMITTENDO eis „ cogitationem & voluntatem illa eadem faciendi , quam si „ animo ad Deum bene affecto susciperent , ipso facto san- „ ctificarentur : vel saltem mala eorum voluntate pro sua „ benignitate & sapientia bene vtendo. „

Approbatur , vt vides , duplex ratio intelligendi , quo modo se Deus habuerit circa Iudam in proditione Christi Domini , circa fratres Ioseph in eius venditione , & circa sceleratos eiusdem notæ , vt puta Caïnum in patricidio , Herodem in infanticidio , & sic de alijs. Prima ratio est , vt Deus existimetur *immississe* abominandis illis hominibus *cogitationem & voluntatem* illa faciendi , quæ fecerunt. Secunda , vt putetur saltem bene vsus mala eorum voluntate.

Propositio atque approbatio prioris modi , mihi valde suspecta est. Primò quia Deo attribuit , id quod Deus ipse significat esse proprium Diaboli. Deus enim est , qui per Euangelistam loquitur Ioan. 13. *Cum Diabolus iam*

R R r r iij

mississet in cor ut traderet eum Iudas. Et iam mihi datur optio, ut dicam illam cogitationem & voluntatem fuisse à Deo *immissam*, 2. Mitior videtur esse Molinæ sententia, qui dicit loco antea citato. *Deum nunquam inserere hominum cordi malas voluntates.*

Quod autem addit, iuxta illum sentiendi modum, si Iudas verbi causa, susciperet cogitationem illam & voluntatem animo ad Deum bene affecto, *ipso facto sanctificandum*: congruere videtur, cum eo, quod docet Calvinus lib. 1. cap. 17. sect. 5. Cum enim obecisset interrogationem, quare puniendus sit fur, qui eum expilauit, quem Deus paupertate voluit castigare? cur homicida, qui eum interfecit, cui vitam Dominus finierat? si Dei voluntati seruiunt huiusmodi omnes cur puniuntur? Respondet, sed enim eos Dei voluntati seruire nego. Non enim qui malo animo fertur præbere ministerium Deo iubenti dicemus. Vides eo tantum nomine inexcusabilem illi Iudam videri, quod *malo animo* paruerit instiganti Deo, ut in Christum conspiraret. Et iterum ita objicit atque responder. At nisi vellet non faceremus, fateor. Sed an facimus mala in hunc finem, ut ei obsequium præstemus? At nobis ea nequaquam mandat, quin potius irruimus; non quid ille velit cogitantes, sed libidinis nostræ intemperie sic furentes, ut contra ipsum destituti nato consilio nitamur. Bonam, ut vides, intentionem Calvinus tantum postulat, hoc est *animum bene affectum ad Deum*, ut sit integrum ea præstare omnia, quæ criminis vertuntur.

Equidem fateor etiam ipse innoxium esse quidquid *animo bene ad Deum affecto concipitur*: at fieri posse, ut *cogitatio & voluntas* ea faciendi, quæ sciuntur esse peruersa, suscipiatur *animo bene affecto*, res est digna & insipientium risu & sapientium omnium indignatione. Quid enim aliud est illa *voluntas à Deo immissa* Iudæ v. c. quam malus affectus, postquam est affectus faciendi, quod simul intelligitur esse præ cæteris omnibus sceleribus abominabile? Quomodo igitur vis animo bene affecto, affectum suscipi omnium pessimum? Age, inquam, Iudæ animum pene-

tra, cogitationes illius compone, motusque voluntatis omnes administra. Quid facies ut ad sanctitatem valeat cogitatio quam habet adeundi hostes Christi & insidiatores vitæ illius? Num impedies ne sciat suum esse Dominum ac Præceptorem, de cuius proditiōe agitur? Num impetrabis ut criminosum illum existimet, extremoque dignum supplicio? Num abolebis memoriam argumentorum omnium, quibus factus est conscius diuinitatis eius & diuinæ motionis? Num ei probabis iustum esse consilium Iudæorum de illo immolando? Quomodo ergo fiet *bene affectus* ad Deum ille animus, ut *ipso facto*, hoc est immanissimo sacrilegio sanctificetur?

Dices ita forte potuisse *affici*, ut crederet immisam sibi esse à Deo cogitationem & voluntatem cooperandi principibus sacerdotum, seque hoc pacto solutum esse omni officio erga Christum ab eo qui vitæ illius necisque potestatem & habet ipse & dare potest cui libuerit, & quando libuerit; ergo potuisse tunc ex ingenti erga Deum amore, studioque parendi, velle promouere consilia Iudæorum. Atqui est manifestum, homines hoc pacto doceri rationem qua fiant religiosa flagitia, cunctarumque sceditatum putor in odorem suauitatis commutetur. Ita enim & latro cogitare poterit sibi cœlitus immisam esse cogitationem & voluntatem expoliandi mercatorem hunc, Deo punire volente immodicam illius avaritiam. Ita & homicida se diuinitus impelli ad eum vita priuandum, quem Deus maturè cupit suo sisti iudicio. Ita & adulter cœlestem esse inspirationem, qua sentit concupiscentiam commoueri alienæ vxoris appetitu, Deo hanc pœnam infligente effrenatæ mariti lasciuix. Occupemus ergo illius bona Deo huiusce rei copiam vltro facienti obsequium præstabimus. Fauces alteri elidamus, animo in Deum intento; sacrificium erit. Quin etiam irruamus in istius torum, sed elatis in cœlum oculis, *ipso facto sanctificabimur*. O suauissimam doctrinam, & efficacissimam ad persuadendam sceleratis omnibus sine cuiusqua mte rgiuerfatione innocentiam!

TRIGESIMVM. *Deum neque velle malum, neque nolle.*
 „ Ita cap. 24. numero 2. vbi sic loquitur. Fateor
 „ Deum volentem permittere malum & diuinam volun-
 „ tatem positiuè versari circa permissionem mali: aliquem
 „ autem dari actum positium diuinæ voluntatis circa ma-
 „ lum emergens, & Deum aut *NOLLE* ipsum aut velle,
 „ omninò nego. Sinollet, non fieret: si vellet, &c. Quam
 verum sit in eius sententia Deum *non velle malum*, antea
 monstratum est. Nunc autem quod etiam *omnino negat*
 Deum *nolle malum*, mihi suspectum esse facit, quod idem
 docet cap. 25. numero 10. *clarissima esse scripturæ testimo-*
nia, quibus perhibetur Deum non modo non velle, sed odisse
malum. Odisse est quidam actus voluntatis, & proinde
 quoddam velle au nolle, cum ergo *odisse malum*, non sit
 velle malum, superest, vt sit *nolle malum*. Clarissima igitur
 scripturæ testimonia, erroris conuincunt negantem
 Deum *nolle malum*. Dicere debuit Deum nolle malum,
 quod causæ liberæ perpetrant, & quidem *efficaciter nolle*,
 quantum est ex se sed non *absolutè*: quod suæ nolitionis
 effectum pendere velit ab hominum arbitrio..

TRIGESIMVM-PRIMVM. Erit corollarium ex supe-
 rioribus quod est huiusmodi. *Deum esse authorem*
peccati. Nam iste Author, lib. 2. cap. 23. numero 2. & 3.
 colligit eam esse Caluini sententiam, ex eo, quod do-
 cuerit peccatum fieri *Deo non solum permittente, sed &*
volente, ordinante, prædestinante, operante. Atqui iam mon-
 stratum est ipsummet eadem dicere: ergo etiam ipse
 Deum peccati authorem constituit. Minor patet. Nam
 cap. 25. bis negat peccata hominum deprauatorum fieri
Deo tantum sinitente, quin etiam munit se scripturæ testi-
 monio, quam negat *solum dicere Deum permittere peccata*.
 Non fiunt igitur hæc peccata, *Deo solum permittente*. Iam
 verò soli permissioni vt aliquid sit, nihil potest supe-
 raddi præter voluntatem vt sit: ac proinde dum nega-
 tur Deus *permittere solum*, consequens est vt concedatur,
velle peccatum. Et verò concedere etiam videtur, cap. 24.
 numero

numero 5. cum illi voluntati, quæ specie tenus est permittens, cum reuera sit prosequens, obiectum assignatur *malum quatenus per modum mediij fit bonum*, hoc enim uti ostendimus idem est ac *Deum velle malum sub ratione mediij ad bonum finem*. Præterea, diuina iustitia ordinante fieri dixit, ut sceleretur mendacium, qui noluit obedire veritati, cap. illo 25. numero 11. & numero 8. diuina iustitia *statuente* subjici peccatorem peccato, itaut noua peccata committat. Ergo peccatum *ordinante Deo committitur*, ex sententia huius authoris. Rursus eodem cap. 25. numero 3. vidimus Deum prædeterminantem & prædeterminantem actus, quos impij ex lege atque impetu propriæ deprauationis operantur, hoc decreto *volo ut impius hic suæ illi praua animi dispositione consilijs meis ita seruiat*. Quæ prædefinitio non potest non esse prædestinationis quædam illorum actuum, qui mali sunt. Idem lib. 1. cap. 8. & cap. 26. Excusationem autem quæ affertur, Deum non prædefinire illos actus *quatenus mali sunt*, ostendimus eandem esse Caluini & Caluinistarum. Verba Caluini sunt in lib. de æterna Dei prædestinatione: Equidem *QUATENVS MALA SVNT*, quæ malo animo perperant homines, Deo minime placere fateor. Non vult, ergo esse *prædestinationem* malorum actuum *quatenus mali sunt*. Da esse prædestinationem eorum qui sunt mali, & qui sciuntur esse mali, tum à Deo prædestinante, tum ab homine perpetrante: da esse prædestinationem quâ fiat *ut sint, ut humani sint, ut sint media* diuinis consilijs idonea, idque in eo circumstantiarum procinctu à quo est impossibile malitiam abesse; saluus sim nisi Calvinus iureiurando contestatur se nunquam credidisse aliam esse malorum actuum *prædestinationem*. Atqui hæc omnia, ut ex dictis constat: ergo fateris mala fieri Deo ita *prædestinante* quo modo prædestinare censuit Calvinus, hodieque sentiunt Calvinistæ. Denique Deum etiam induxit hic Doctor ita *operantem* subiectionem peccatoris ad peccatum, *ut noua exinde peccata sequantur*, eodem cap. 25. numero 8. committuntur ergo noua ista peccata *operante Deo*; censetur idem Doctor fieri peccata Deo *non tantum permit-*

simas irrogando, quod Coluthus non videbat: non autem malas creando naturas atque substantias in quantum sunt naturæ atque substantiæ, vbi Florinus errabat. Vides vt fidei doctrinam Coluthianorum errori contrariam S. Augustinus contineri putat absoluta illa sententia, *Deus creat mala, pœnas iustissimas irrogando*? Id ipsum habet S. Anselmus in lib. de concor: & Scholastici plerique omnes cum S. Thoma quæst. 1. par. 49. art. 2. vbi sic loquitur, Ad ordinem vniuersi pertinet Ordo iustitiæ, qui requirit vt peccatoribus pœna inferatur. Et secundum hoc Deus est author mali quod est pœna: non autem mali quod est culpa. Certè Scripturæ locutiones absolutæ sunt atque rotundæ. *Ego Dominus creans malum.* Eszech. 48. & Amos 3. *Si erit malum in ciuitate quod Dominus non fecerit.* Quæ igitur ista est confidentia, hominem & vnum & priuatum, existimare prouidentiam suam Theologiæ necessariam esse, ac vereri post Ecclesiæ declarationem, post SS. Patrum suffragia, post examina Scholasticorum, ne malè sonet id quod omnes dicunt, *Deum esse causam mali pœnæ*, nisi temperamentum ipse adhibeat istud, *non prout est malum, sed prout est pœna*, vel subtilem hanc interpretationem, *non esse causam mali in pœna, sed esse causam pœnæ in malo*? Nam quod ait S. Thomas 22. quæst. 164. art. 1. negare mortem esse à Deo secundum quod est quoddam malum naturæ humanæ, iuuaret, si hoc esset negare mortem esse à Deo, quatenus est malum peccatoris. Hoc autem neque ille dicit, neque S. Augustinus; qui etiam frustra adducitur, cum non possit prodesse huic sententiæ, nisi noceat suæ.

Subtilitas autem illa, *non prout est malum, sed prout est pœna, item pœnæ in malo, non mali in pœna*, dilutior est quam vt Philosophum sapiat. Dispungit enim rationes inter se necessariò implexas. Propria germanaque ratio pœnæ est, *Esse malum delinquentis infligendum à iudice*; quemadmodum propria germanaque ratio præmij est, *Esse bonum rectè agentis ab eodem iudice retribuendum*. Ergo fieri non potest vt iudex velit pœnam vt pœnam, quin velit pœnam, vt est malum eius qui delinquit. Quemadmodum neque

fieri potest, vt velit præmium vt præmium; quin velit præmium *vt est bonum eius qui rectè agit.*

Sed nihil me magis mouet hoc loco quam istius Doctōris religio, qui *vt diuinam bonitatem maximè commendaret,* vt ipse loquitur, nullum illi attribuendo malum effectum, memorabilem illam distinctionem inuexit, *mali in pœna, & pœnæ in malo*, ne Deus diceretur absolute *causa mali pœnæ*: cum tamen tam prope absit ab ijs, qui *malum culpæ* illi adscribunt. Contremiscit vbi cæteri alacres sunt: ridet vbi cæteri expauescunt. Deum prædefinire actus quos impij ex lege atque imperu prauitatis suæ operantur; absolute velle, vt impij suo consilio seruiant, propriæ impietatis exercitio; operari subiectionem peccatoris ad peccatum, quando illud perpetrat, ita vt noua peccata committat; ordinare vt scētetur mendacium qui noluit obedire veritati; velle malum culpæ quatenus per modum medij fit bonum; denique præmouere ac prædeterminare ad actus malos sub triplici ratione, quatenus actus sunt, quatenus sunt humani, & quatenus sunt media diuinis apta consilijs; cæteris passim Theologis monstra sunt horrida; quæ tamen vnus iste ita cicnauit vt ei sint blanda: Deum esse causam mali pœnæ, quod cæteros nihil moratur; philosophandi quadam superstitione ita crudum ei visum est, vt forbere non potuerit, nisi prius dilueret falsamento præclaræ illius distinctionis, *mali in pœna, pœnæ in malo.*

TRIGESIMVM-TERTIVM, habetur eodem lib. 2. cap. 25. numero 2. vbi de prædestinatione disserens, Vtramque *dicit* supponere massam Adami peccato infectam, esseque prædestinationem secretionem ab illa: Reprobationem autem derelictionem. Deum igitur ex massâ perditionis, qua omnes implicantur, istos seligere, alios autem in peccato videntem relinquere: velle tamen vt hi ad gloriam suam inseruiant, ideoque partim dare illis bona opera benè facienda: partim bona opera facienda secundum substantiam: partim, &c. Vides reprobationem in vniuersum dici esse *derelictio-*

nem in massa peccato Adami infecta; itaque derelictos censeret etiam illos, quibus *Deus dat bona opera bene facienda*, ut videantur comprehendi reprobi, qui ad fidem vocantur, atque ex illius directione aliquandiu bene viuunt. Horum vero reprobationem dicere esse *derelictionem in massa peccato Adami infecta*, non videtur esse orthodoxum: quia sequitur inde illos remanere in huiusmodi massa: neque vnquam vere ablui ab originis macula, contra manifestam Concilij Tridentini sanctionem sess. 5. can. 5. ubi definit in ijs qui rite baptizantur *tolli totum id, quod verum & propriam rationem peccati habet*. Et sess. 6. can. 17. damnantur ij qui dicunt, *iustificationis gratiam contingere solis predestinationis ad vitam aeternam*. Utrobique autem denotantur hæretici Lutherani atque Caluini. Atqui constat fulmina hæc omnia brutà esse si verum sit, *omnes omnino reprobos in massa infecta peccato Adami relinqui*. Quomodo enim in illa relinquuntur, qui vere iustificantur à peccato, hoc est, qui ex illa facie purgati ad statum sanctitatis & innocentiae transferuntur?

TRIGESIMVM-QUARTVM continetur adhuc in eodem loco, cum dicitur, *Velle tamen Deum, ut illi, quos in huiusmodi massa relinquit, ad gloriam suam inferuiant: ideoque partim dare illis bona opera bene facienda: partim, &c.* Quibus verbis ut apparet significatur Deus, quanuis non velit extrahere quosdam reprobos ex massa perditionis, nec proinde velit illis dare bona opera eo fine ut inde emergant, nihilominus tamen ea dare, quod sciat alia ratione quam per ipsorum salutem, inferuire posse ad gloriam suam. Nolim prorsus affirmare, sed tamen verisimile est ex ipsa inspectione loci hanc esse genuinam eius sententiam.

Mihi vero ideo suspecta est, quod ex eà sequatur, non esse veram atque sinceram in Deo voluntatem saluandi reprobos illos, qui toties inuitantur ut diuinam gratiam recipiant, atque in ea recepta perseverent. Quis enim concipiat *velle* reuera illos saluare, si *volens* dere-

linquit in interitu : alioque dirigit beneficia Redemptoris quæ illis confert , quam ad ipforum felicitatem ? Ergo illis illuditur , quoties applicantur illa Spiritus Sancti testimonia , quibus Deus ipem facere videtur consequendæ salutis , significatione desiderij sui atque amoris : fallunturque si putant illum tangi aliquo affectu , qui æternam ipforum vitam respiciat : vel si aliud colligunt ex tanta beneuolentiæ significatione , quam significari quidem illam , non tamen esse. Quod qui sibi persuadeat , quid habet , quo Deum circulatori præferat & proximetæ ?

TRIGESIMVM-QVINTVM , ad eosdem reprobos pertinet , & in vniuersum ad omnes homines , de quibus ita loquitur ib. *Ita vt reprobj considerari debeant in illa massa tanquam homines perditissimi , & ad omne scelus proiæcti , parum admodum damnatis Dæmonibusque dissimiles : & id quidem merito peccati originalis , quod adeo violenter & intimè corrupt naturam , vt nisi gratia adsit Redemptoris , non modo nihil operaremur boni , sed quotidie in noua scelera ferremur toto impetu , &c.*

Calvinus nihilo magis , exaggerat originalem corruptionem vt patet ex 2. Inst. cap. 1. & 3. Huiusmodi autem amplificatione opinio subornatur illa , quæ opera infidelium omnia dicit esse peccata : quæ libertatem arbitrij extinguit : quæ solius mali copiam homini facit. Nam si potest sine gratia Redemptoris esse aliquod opus non malum , quid ni & in infideli ? Si non potest , tantaque ad malum obstinatio est , vt sit æmula Dæmonum , quare *Arbitrium* cum Catholicis vocatur *liberum* , & non potius cum Lutheranis *seruum* ? Denique vnde petitur coniectura illa nullius actionis vnquam futuræ nisi flagitiosæ , citra Christi gratiam , si labentium hominum voluntas alterius rei facultatem retinuit quam solius mali ? Sin autem illam tantum retinuit , quid improbamus in art. 9. confessionis nostratium hæreticorum , *4 Vbi libertas*

d Et combien que l'homme

ait voloncé par laquelle il est incité à faire cecy ou cela : toutesfois elle est du tout captiue sous peché en sorte, qu'il n'a nulle libeté à bien que celle que Dieu luy donne.

quam reliquit originalis corruptio infra potestatem boni tantum deprimitur, circa mala vagari non impeditur? Molinæus in hac parte aliquanto moderatior fuisse videtur. c Neque enim eo usque producit hominis depravationem, ut non putet relictam esse libertatem ad actiones bonas atque honestas civili quadam honestate, quin etiam ad politicam Ecclesiasticæ disciplinæ observationem illam in qua ratio ipsa pietatis non consistit. Quod procul abest ab effrenata in omne scelus *proiectione* perpetuoque bonorum operum odio, quod noster Author sola Redemptionis gratia cohiberi putat.

Porro Catholica doctrina fert, ita corruptam esse hominum libertatem originali contagio, ut nisi Deus intuitu meritorum Christi peculiari quodam auxilio succurrat, nihil agere possit quod saluti conducatur, ut puta mendo, impetrando vel alia quadam ratione mouendo diuinam misericordiam, ut conatus humanos secundet, nisi quoseadem præuenerit. In ijs vero quæ ad hanc vitam tantum spectant, neque possunt esse salutis initium, non solum non docemur *nihil nos agere posse sine Christi gratia nisi malum*; quin etiam si qui visi sunt ita sentire, damnati sunt. Etenim inter propositiones Michaëlis Baij, quas Pius 5. & Gregorius XIII. damnauerunt hæc est 28. Liberum arbitrium sine gratiæ Dei adiutorio non nisi ad peccandum valet *Hæc* 29. Pelagianus est error dicere, quod liberum arbitrium valet ad vllum peccatum vitandum. *Hæc* 36. Amor naturalis qui ex viribus naturæ exoritur, ex sola Philosophia per elationem præsumptionis humanæ cum iniuria Crucis Christi defenditur à nonnullis Doctoribus. *Hæc* 37. Cum Pelagio sentit qui boni aliquid naturalis, hoc est quod ex naturæ solis viribus ortum ducit, agnoscit. *Hæc* 38. Omnis amor creaturæ rationalis aut vitiosa est cupiditas qua mundus diligitur, quæ à Ioanne prohibetur: aut laudabilis illa charitas qua per Spiritum Sanctum in corde diffusa Deus amatur. *Hæc* 65. Nonnisi Pelagiano errore admitti potest usus aliquis liberi arbitrij bonus siue non malus: & gratiæ Christi iniuriam facit qui ita sentit & docet. Huiusmodi,

c L. 1 du
Boucl. sect.
21.
Nous di-
sons de plus,
que l'hom-
me a son
franc ar-
bitre es
actions
bonnes &
honnêtes
d'une hon-
nêteté ci-
uile. Je dis
le même
de l'obser-
uation de
la police
Ecclesiasti-
que en la-
quelle ne
consiste
point l'es-
sence de la
piété.

omnes assertiones, quas summi Pontifices vna cum alijs multis, *in rigore & proprio verborum sensu ab assertoribus intento* damnauerunt vt *hæreticas, erroneas, suspectas, temerarias scandalosas, & in pias aures offensionem immittentes*, compendio quodam comprehensæ videntur ab eo qui dixit Reprobos in massa originalis peccati considerari debere tanquam homines perditissimos, & ad omne scelus proiectos, parum admodum Damnatis Dæmonibusque dissimiles: & naturam humanam illius peccati merito ita corruptam, vt, nisi gratia Redemptoris adsit, non modo nihil boni operatura sit: sed in noua quotidie scelera toto impetu ruitura.

Ex dictis hætenus liquidò constat, non posse verum esse quod hic Author dixit in Epistola nuncupatoria, se doctrinam hanc accepisse ab illustrissimo Cardinale Berullio. Quia si hoc esset, posset esse suspecta illius viri fides, cuius ne sanctitas quidem dubia est. Neque ignorandum fuit, quando de aliquo in album sanctorum referendo causa instruitur, primam haberi quæstionem, de recta illius in Deum fide.

TRIGESIMO-SEXTO loco, ponendum videtur genus quoddam orationis & piæ ad Deum aspirationis, cuius speciem edidit Author lib. 1. cap. 23. numero 9. Vbi postacrem animaduersionem in eos qui putant scientiam conditionatam vsui esse Deo indecernendis causarum liberarum operationibus; orationem ad Deum conuertit, animumque zelo plenum diuinis infundit auri-
 bus. Qui ita sentiunt, *inquit*, de te Domine Deus meus, vt velint attendi ad se priusquam quidquam de illis statuas etiam boni, vias suas bonas nolunt esse prorsus tuas. Tribuunt sibi initium salutis suæ; & post Pelagianorum hæresim & reliquias, Ecclesiæ tuæ iudicio seuerè damnatas, Amor propriæ excellentiæ, & sibi aliquid tribuendi insanus ardor, in hunc se locum tanquam in tutissimum recepit asyllum. *Et deinde*. Absit à me Domine, absit, sic de te sentire, sic de me præsumere.

Voluit vt opinor, hic Doctor, proponere Lectori exemplum

exemplum aliquod familiaris suæ cum Deo conuersationis; vt sciamus ecquid illius animus voluere soleat, quando silentio cæteris cogitationibus imperato, cælo tantum & superis patet. Ergo materiam in primis idoneam eligit, doctrinam de *usu scientiæ conditionatæ*; cuius indignitate suggeritur vberissima piarum querelarum seges. Nam quod Caluino consentiatur in neganda libertate arbitrij circa conuersionis actum, & quemcunque alium qui quidem rectâ in Deum tendat: quod eidem annuatur in approbanda peccandi necessitate diuinitus imposita per *prædefinitionem & prædeterminationem eorum actuum*, quos *impij ex lege atque impetu propriæ prauitatis operantur*: quod eadem cum illo subeatur alea constituendi Deum peccati Authorem: vno verbo, quod hodiernis hæreticis iusta præbeatur occasio accusandi Tridentinorum Patrum iudicia, tanquam iniqua, quippe quæ illos constringant qui nihil sentiunt ab ijs diuersum, qui Catholici audiunt; res est eiusmodi cuius gratiâ ne manus quidem vertenda sit. At vero esse aliquem qui putet, Deum priusquam prædefiniat bonum hominis actum, scire non deesse sibi multiplex medium ad illud procurandum, tum fallibile tum infallibile, pro creatæ voluntatis ingenio, atque hac vti scientia prædefinientem liberum huiusmodi actus exercitium (quæ summa est & quasi medulla totius doctrinæ de scientia media) hoc, inquam, adeò est immane, vt humana subsellia tanto flagitio imparia sint; ad ipsum Deum accusatio sit trahenda. Iam vero, quia nudum crimen exponere, neque inuestigare causas vnde illi nequitia accrescit, indiserti accusatoris est; istius pietatis suæ partem esse putauit religiosus Doctor, commemorare quam originem quosque natales habeat opinio de usu scientiæ hypotheticæ. Hoc autem breuiter atque dilucidè præstitum ab eo est illis verbis, *Amor propriæ excellentiæ & sibi aliquid tribuendi insanus ardor, &c.* Quibus assertorum illius scientiæ tria peccata leuicula perstringit, *ambitionem, insaniam, arrogantiam*. Et quia commendabilem facit oratorem innocentia odiumque illorum præsertim vitiorum, quæ in alijs infectatur; neque hanc partem omittit,

ideoque subiungit, *absit à me Domine, absit, sic de te sentire, sic de me presumere.*

Verum his nequicquam obstantibus, hic typus orationis mihi suspectus est. Primò, quia inter orandum confiteri Deo aliena peccata, & suas virtutes enarrare perversum est, atque ab ipsomet Deo improbatum in illo qui dicebat, *Domine gratias tibi ago quia non sum sicut ceteri hominum, Raptores, &c.* Secundò, quia delicta illa quæ hic Author recenset, vel falsa omnino sunt, vel ei vt minimum incerta. Quis enim illi animum aperuit Theologorum quos accusat, vt in eo legeret *amorem propriæ excellentiæ, & insanum ardorem tribuendi aliquid sibi*, vnde incunabula peteret scientiæ conditionatæ? Deo autem insufflare mendacia, & liuidas alienorum vitiorum suspiciones, irreuerentiæ genus est non ferendæ. Neque ignorandum quid Deus illis respondere soleat, qui sedentes aduersus fratres suos loquuntur, suaque illi dicta probari putant, *Existimasti inique quod ero tui similis, arguam te & statuam contra faciem tuam.*

VLTIMO LOCO ponam iudicium de causis, quibus adducti sunt Theologi recentiores, vt sese physicis prædeterminationibus opponerent: qua in inquisitione occupatur toto cap. 36. lib. 1. Eorum autem quæ dicit omnium hæc summa est. Qui prædeterminantibus contradicunt, sunt Sui amantes, ignaui, socordes in superandis studiorum difficultatibus: Non satis complexi sunt animo sui abnegationem: Libertatem ambiunt dissolutam, vagam, fræni expertem, subiectionis ad Deum impatientem: Non student soliditati doctrinæ, sed facilitati: Plausum captant auramque populi & ex eo fine merentur suorum dogmatum veritatem: Vtuntur periculosa methodo, etiam in ijs quæ ad salutem spectant; quo fit vt in discrimen æternæ vitæ adducant eos qui se institutioni eorum credunt: Ruinoso fundamento superstruunt, quia non accommodant se Scripturæ ac Patribus, *hoc est supremis fidei regulis*; sed illas potius ad sensus proprios incuruant: Cauent sibi tantum à crassioribus errori-

bus: Resistere malunt veritati reuelata facie ostendenti „
 se, quam suos lapsus fateri: quæ est hæreticorum perti-
 nacia, & vnum ex nefandis illis ac numquam remittendis
 peccatis, quæ pugnare dicuntur contra spiritum sanctum:
 Denique non norunt humilitatem S. Augustini malè
 olim à se credita retractantis. Eia mi Pater, aduerte quæ-
 so quis te spiritus agitet? Quis crederet sub illa tua virtu-
 tis professione, sub illa sermonis dulcedine, sub illis
 oculis meras suauitates spirantibus, sub illa modestia spe-
 cieque sanctitatis, tam virulentum oculi potuisse animum?
 Sed ne debile sit Augustinianæ humilitatis consilium, suo
 illud exemplo bonus Doctor confirmat, fatetur enim se
 vnum esse ex rarissimis illis, qui *summam Diui Augustini*
humilitatem imitantur: nempe *sibi olim accidisse vt ardentè*
amplecteretur opinionem quam modo impugnat.

Sed quidquid sit de hac humilitate, quam ego nolim re-
 uocare in dubium, postquam ipse me suo testimonio de
 illà certiore fecit, iudicium tamen de causis, quæ *tam*
multos, vt ait, Theologos, vel impulerunt in eam senten-
 tiam à qua tantopere nunc abhorret, vel forte impulsos
 in eadem retinent, mihi valde suspectum est. Primò, Quia
 causas huiusmodi refundit in occulta vitia, itaque repu-
 gnat edicto Christi Domini, *nolite iudicare & non iudicabi-*
mini, Secundò, Quia non decet Catholicum Doctorem
 stilum acuire in eos à quibus nullo vnquam verbo quod
 sciam læsus est. Tertiò, Quia cum hoc semper dedeceat,
 multo magis in opere illo quod primum prodit, quod
 oporteat studiorum suorum puras Deo atque hominibus
 offerre primitias. Quartò, Quia hoc maximè videtur esse
 turpe Sacerdoti, cuius in ore cum etiam ioci vertantur
 in blasphemias; calumnijs quid fiet? Quintò, Quia cum
 iste Author non viuat sibi, sed sit eius congregationis
 membrum, quæ cum doctrina pietatem & proficetur &
 præstat, velle debuit non suo tantum, sed & illius quo-
 que nomini consultum esse: ad hoc autem referebat plu-
 rimum, non videri locum in ea vllum esse liuori. Sexto,
 Idem Author primariam eius familiæ domum admini-
 strat, & res ipsa postulabat vt socijs suis specimen daret

caritatis solidæque modestiæ. Nocuisse verò exemplum hoc, probant quæ prodire nudiustertius, Quæstiones Philosophicæ Selectæ. Septimò, Non potuit nescire inter eos qui sine physicis prædeterminationibus philosophantur, quam plurimos esse nominis celebritate conspicuos, eaque famâ quam eximia virtus, insignis eruditio, & summa dignitas latè dispersit. Si velim numerare qui fuerint vel in ipsa tantum Gallia illius sententiæ Patroni, numerosum agmen Illustrium Episcoporum ducent Eminentissimi Cardinales, qui & vita iam functi sunt gloriosissima, & adhuc, atque utinam diu, funguntur. Parcere igitur debuit eorum Purpuræ, neque in vniuersos spargere idem atramentum *Ignantiæ, Socordiae, Philantiæ, Superbiæ, Infantiæ, Contumaciæ in errore tuendo, &c.* Octauo, Sorbonæ ritibus initiatus, hunc honorem habere debuit Academia nobilissimæ & Catholicarum Scholarum parenti, cum sciret plerosque in ea peritissimos esse Theologiæ Magistros, qui physicas prædeterminationes auerfantur. Petrus à sancto Ioseph Cisterciensis neminem excipit: tract. de gratia disp. 7. eiusque testimonio similitudinem veri addidit iste Author, quando ex ipso gremio Parisiensis facultatis Louanium ire coactus est, ut saltem in terris Hispanorum inueniret vnum, Theologum cui doctrina illa probaretur. Nono, Exciperet saltem ab eadem calumnia Philippum Gamachæum, *splendissimum Sorbonæ lumen, Preceptorem suum, cui se plurimum debere profiteretur*, cap. 33. numero 13. Edita enim in lucem illius opera palam ostendunt, ipsum quoque præmotionibus aduersari. Ille igitur *periculosa methode* vsus est in discenda docendaque Theologia? Ille suorum opinionum exordium sumpsit à proprio ingenio, cum deberet à diuinis potius oraculis? Ille vel ita fungus fuit, ut non videret *permutæ prorsus absurda ne quid peius dicatur*, quæ sequebantur ex ipsius sententia: vel ita cerebrosus, ut veritatem in vinculis habere vellet, errore manumisso? Ille *mollis & effeminatus* in amoliendis obicibus, qui veri sedem obsident? Ille popularis auræ mancipium, dum præfert *plausibilitatem doctrinæ soliditati*? Vide, mi Pa-

ter, quid rependas ei viro, cui te plurimum debere, profite-
ris. Decimo, Dandum aliquid erat piæ memoriæ Illu-
strissimi Cardinalis Berullij *Parentis optimi*, quem hic In Epist.
dedic. ad
Vio. VIII,
S. P. Author fatetur *admodum probasse cultores eius sententiæ*,
quorum ipse tum virtutem infuscat, tum cruditionem
deprimit. Undecimò, Erat etiam in eo consulendum
eiusdem viri nomini, quem fama fert argumentis
confirmata luculentis, optimum fuisse virtutis ac re-
rum spiritualium magistrum, quod probare debuerant
mores discipuli. Denique, nemo speraret eam lau-
dem, quam furor sæuissimorum hostium reliquam fe-
cerat, ijs qui humanorum actuum præmotoribus in
primis resistunt, ab eo Authore demeti, de cuius
æquo in omnes animo nulla debuit esse suspicio. Sci-
mus enim cum nostra memoria sycophantæ quidam ver-
bo calamoque in eorum famam grassarentur, neque
integrum quidquam in vita, moribus, doctrinaue relin-
querent; Theologiam tamen excepisse nominatim; ne-
que ut in alijs solebant, in eo quoque ausos mentiri, ra-
tos si secus facerent se communi omnium opinione re-
darguendos. Quid peccauere deinceps, ut ne ipsis qui-
dem crudelium inimicorum reliquijs digni viderentur?
Nam si segnes sunt ignauique in superandis studiorum
laboribus: si placita sua componunt ad plausum homi-
num potius quam ad amussim veritatis: si adeo sunt in
philosophando peruersi, ut prima cura sit proprijs lita-
re cogitationibus, posterior adire Deum & sapientes, si
forte adduci possint ut sententiæ constitutæ subseruiant;
quis id genus hominibus in Theologorum confessu lo-
cum esse vllum patiatur?

Neque vero prætereundum est id quod dicit cap. 36.
iam cit. numero 2. dum refert secundam causam auer-
sandi præmotiones. Ait enim, *eandem esse quam in re si-
mili recensent inter alias plerasque qui literas perire conque-
runtur*. Quibus verbis nescio quid mali ominis concine-
re videtur in studia Theologiæ, si docere pergant ij,
quos insectatur, nec torpentes iam Theologorum or-

TTTt iij

dines recenti accessione roborentur. Absit vero vt quenquam tanta occupet inuidia, vt priuatum nomen existimet communi anteponendum vtilitati, malit-ve singularis & eximius esse, quam succrescere alios, à quibus id quod ab ipso peccatum est in hac præsertim sciendarum principe corrigatur. Quin etiam ex animo gratulor literariæ Reipublicæ noua continuò supplementa. Atque vtinam Deus adeo felices esse velit eorum impetus, vt cæterorum errata deinceps fraudi esse nemini queant. Sed vt dicam quod res est, si iudicium vniuersum ex opere *De Libertate Dei & Creature* sit ferendum; nos illius rei spe minori esse quam desiderio necesse sit.





CAPVT SECVNDVM. PVGNANTIA.



X iis quæ hucusque differuimus abundè patet, nupero huic prædeterminationum patrono non satis conuenire cum communi sannaque doctrina. Quid verò id mirum est, cum sit etiam manifestum non satis illi conuenire vel cum sua? Incredibile enim est

quam multas ille in omnes operis sui particulas sententiarum sparserit contrarietates. Vt minimè laborandum sit, vnde promamus argumenta nouis illius opinionibus confutandis idonea; quando constat, nullum ab eo memorabile placitum adstructum esse, cui subruendo non statim occurrat erecta quædam per ipsum machina. Siue ita tulit illius ingenij fortuna, seu voluit inire nouam philosophandi rationem, & humilem illam pauidamque cæterorum methodum despexit, qui animo semper in antecedentium & consequentium nexus & commissuras intento, dicta sua omnia circumspeciant, ac veluti mouerentur inclusi labyrintho, continuum ad singulos passus tenere filum conantur. Ipse cui propositum est ex hisce angustijs expeditum animum educere in *summam amplitudinem*, altius aliquid meditatus videtur, & opus suum concepit in morem vniuersi, ex contrarijs atque pugnantibus, vt mox liquebit.

I. Hic Author toto suo in opere negantes prædeterminationem causarum liberarum impugnat, seque cum

Thomistis sentire profitetur : & tamen ipse non aliam agnoscit prædeterminationem , quam eam , qua nemo vnquam Thomistarum contentus fuit , quam nemo vnquam aliorum negauit , scilicet *Intentionem finis*. Ita lib. 1. cap. 19. numero 3. & cap. 20. numero 5. quo fit vt in eorum gratiam philosophari velle videatur à quibus reipsa dissentit , & ab ijs dissentire , cum quibus reipsa philosophatur.

- II. Necessariam putat præmotionem quæ vt ipsum quodque nomen significat , sit aliquid præsuppositum ad operationem causæ secundæ , cap. 18. num. 1. aliquid impressum in causam , & non solum in effectum *ibid.* numero 2. quod se teneat ex parte causæ secundæ & in ea recipiatur : quod sit quasi complementum agentis creati. *Ibid.* numero 4. quod sit distinctum à concursu simultaneo. *Ibid.* numero 1. & cap. 19. numero 5. Et capite 26. numero 5. ait se valè dissimilis rationibus demonstrasse , motionem Dei recipi in mobili : esse præuiam ad actum , nec esse idem cum concursu simultaneo.

Et tamen idem fatetur *Intentionem finis* , quæ est motio & præmotio , vt iam dictum est , *Interdum identificari electioni* , quæ est , vt ipse putat , primum exercitium agentis liberi. Ita cap. 28. numero 3.

At , quæ fieri potest vt quod identificatur effectui & non causæ , sit aliquid verè ac reipsa præsuppositum ad productionem effectus ? Sit aliquid impressum in causam & non solum in effectum ? Se teneat ex parte causæ potius quam ex parte effectus ? Sit complementum causæ , &c. Quomodo , inquam , fieri potest , vt eius productio , quod est idem cum effectui causæ liberæ , non sit etiam idem cum eiusdem causæ liberæ actione , ac proinde non sit ipse concursus simultaneus identicè ?

III. Cap. 1. numero 1. Ponit libertatem de qua loquitur in *adhæssione ad Deum* , & in illa *Amplitudine* quæ talem adhæssionem sequitur , & eodem loco dicit libertatem de qua loquitur , *esse illam ipsam quæ requiritur etiam ad malum meritum* & sine qua nullum peccatum committitur. Annon implicat in adiecto , *requiri adhæssionem ad Deum* , vt quis

quis possit adhærere diabolo? hoc est, necessarium esse amorem Dei, vt quis illum oderit?

IV. Hic author in ipsa statim præfatione libri. 1. vehementer improbat doctrinam recentiorum qui negant *esse in beatis libertatem*. Quod iterum repetit lib. 2. cap. 27. Nulli autem sunt recentiores qui negent libertatem aliorum actuum in beatis, quam amoris beatifici & gaudij seu fruitionis. Rursus idem dicit, Scholasticos præsertim recentiores quando de libertate disputant, intelligendos *de libertate exercitij*, ita in fine capituli secundi lib. 1. Ergo recentiores non aliam libertatem negant actibus illis beatorum, quam *libertatem exercitij*. Denique idem ipse agnoscit in illis actibus libertatem quam vocat *secundum statum*, tantum: Eam vero quæ est *secundum exercitium*, negat, Ita cap. 9. numero 3. & 5. cap. 10. numero 1. & aperte lib. 2. cap. 3. num. 6. Quare igitur ægre fert eorum sententiam, à quibus sua ipsius confirmatur? Patiatur quæso sibi alios consentire.

V. Lib. 1. cap. 3. numero 1. docet Christum Dominum, Ioan. 8. dum ait, *Tunc verè liberi eritis & cæc.* loqui de libertate *non oppositâ necessitati & immutabilitati*: & eodem prorsus loco docet libertatem de qua loquitur Christus, esse libertatem à *necessitate*. Si est libertas à necessitate, illi opponitur, Ergo loquitur Christus de libertate quæ opponitur necessitati.

VI. Idem docet cap. 6. numero 7. ex Gandauensi, *Libertatem coniunctam cum immutabili necessitate, esse aliam à libertate arbitrij eaque superiorem*. Et deinde cap. 8. num. 1. docet ex Augustino, *Libertatem arbitrij non destrui, sed adstrui per immutabilitatem, nec opponi vniuersim necessitati*. Sequitur ergo, libertatem, quæ comparitur immutabilem necessitatem, esse & non esse aliam à libertate arbitrij.

VII. Docet cap. 6. numero 12. *Nos non alligari operationibus nostris, sed rebus*: Ideoque pronuntiat Vasquesium perperam locutum, quando dixit, *Liberum esse qui non sit alligatus ad operationem suam*. Et tamen cap. 7. numero 2. dum explicat libertatem à necessitate, illam esse dicit,

Per quam exempti sumus ab alligatione ad operationem nostram. Ille igitur ipse est, qui vel perperam loquitur, vel perperam in Vafquesium animaduertit.

VIII. Cap. 7. num. 1. *Negat hominem dici posse sui dominum, eo quod dominium sit ad aliud. Et cap. 10. numero 1. & 2. concedit hominem eà libertate quæ est secundum exercitium, esse sui dominum, & cap. 34. numero 8. dicit liberum, esse tum aliorum tum sui Dominum. Negat igitur se benè sentire ac loqui: & destruit quod dixerat dominium esse ad aliud.*

IX. Quod dicit. Capite 9. num. 4. *Voluntatem non latius patere quam libertatem, Omnino pugnat cum eo quod toties inculcat & fusè probat cap. 31. Potentiam peccandi non esse libertatem nec eius partem: & lib. 2. cap. 27. & 28. In demonibus & damnatis non esse libertatem. Numquid enim negat esse in illis voluntatem? Et potentia peccandi quam excludi vult à libertate, num excludetur & à voluntate?*

X. Eodem cap. 9. numero 8. hic autor docet condistingui libertatem exercitij contra libertatem status: quod fecerat etiam cap. 2. Rursus dicit libertatem exercitij conueniri cum libertate contradictionis: non igitur patet latius libertas contradictionis quam libertas exercitij. Falsum est ergo quod antea retulit ex Augustino cap. 4. numero 4. *esse in Angelis beatis libertatem contradictionis quæ sit etiam libertas secundum statum. Aut est verum esse libertatem exercitij quæ sit etiam libertas secundum statum: & proinde falsum libertatem exercitij condistingui contra libertatem status.*

XI. Dicit eodem capite 9. numero 6. *Eum qui in deliberatione de vitæ statu concludit pro Deo potius quam pro seculo, non carere culpa, eo quod seipsum sibi finem præfigat. At hoc implicat, vt aiunt, in adiecto. Si enim seipsum sibi finem præfigit, pro se concludit, & non pro Deo. Et fieri ne potest vt quisquam reipsa concludat & ad peccandum & pro Deo?*

XII. Eodem cap. 9. numero 5. & 6. dicit. *In interiori occupatione circa Deum, hominem mereri & esse laude dignum, quamuis in ea nulla sit libertas contradictionis, nec proinde libertas exercitij quæ cum libertate contradictionis con-*

vertitur, ut iam visum est. Ergo ut quis mereatur & sit laude dignus sufficit *libertas status*, ut ipse vocat.

Rursus idem autor eodem cap. 9. numero 8. negat, *conuersionem nostram ad Deum*, quatenus præcisè tendit in Deum, esse meritoriam, ut actum nostrum; seu, nos per illam proprie mereri, eo quod *libertas quæ* illi sub ea ratione competit sit tantum *libertas inchoata status*. Ergo *libertas inchoata status* sufficit & non sufficit ad meritum nostrum.

XIII. Loco citato ideo negat actum conuersionis nostræ ut tendit præcisè in Deum esse meritorium, ut actum nostrum, quia *Deus est, qui nos ad illum mouet, non autem ipsi nos*. Et tamen deinde cap. 14. num. 6. & antea cap. 1. numero 7. ait, nos quamuis moueamur à Deo, censendos tamen moueri à nobis; Quare igitur non censeamur mereri tantum per actum nostrum? Et si censemur moueri à nobis, quamuis moueamur à Deo; quare negamur ipsi mouere nos, quando Deus nos mouet?

XIV. Ruit ille philosophandi modus quo, loco iam citato, censet distinguendam esse in nostra conuersione duplicem rationem, nempe ipsam præcisè rationem conuersionis ad Deum, & rationem auersionis à creaturis: & hanc quidem auersionem à creaturis, prout innititur Deo sicut fini nostro cui inhærenus, esse meritoriam ut actum nostrum; rationem verò conuersionis præcisè non esse meritoriam ut actum nostrum; hoc, inquam, se ipso concedit. Quid enim quæso est, *auersionem à creaturis inniti Deo tanquam fini nostro*, nisi, *auersionem à creaturis includere & esse conuersionem ad Deum*?

Ergo cum dicitur esse meritoria ut actus noster sub eâ ratione *quæ innititur Deo ut fini nostro*; idem est ac, esse meritoriam ut actum nostrum sub eâ ratione *quæ vel includit vel est formaliter conuersio ad Deum*: hoc est sub eâ ratione quâ non debet distingui à conuersione. Ergo ridiculum fuit distinguere illam duplicem rationem auersionis, & conuersionis & assignare auersioni sic distinctæ meritum quod sit nostrum, cum nullum habeat nisi ut à conuersione non distinguitur.

XV. Ruit etiam quod dicit ibidem, formalem rationem

conuerſionis noſtræ ad Deum , non eſſe meritoriam vt actum noſtrum ; ſed vt opus Dei per Chriſtum in nobis. Quia manifeſtum eſt implicare contradictionem , vt aliquod opus ſit meritorium ſub eâ ratione qua eſt opus cauſæ quæ non poteſt mereri : atqui Deus non poteſt mereri vt notum eſt ex penetratione terminorum. Ergo implicat vt conuerſio ſit meritoria , *quatenus eſt opus Dei*. Neque dicas Deum poſſe mereri per Chriſtum : quia hoc quoque perinde implicat ac, Deum per Chriſtum cognoſcere , ambulare & cæt. (neque enim huc pertinet doctrina de communicatione idiomatum) Addo neque Chriſtum iam mereri quicquam. Quare vel nullum eſt meritum in conuerſione hominis ad Deum , vel eſt ipſius hominis meritum.

XVI. Capite 14. numero 1. & 2. refutat eos qui dicunt
 » Finem vltimum non mouere voluntatem ita ſufficienter
 » in proprio genere , vt non ſit neceſſarium voluntatem
 » quoque ipſam concurrere ad illum motum , *aitque* hoc
 » malè ſonare , & numero 3. contendit , non poſſe dici homi-
 » nem non determinari ſufficienter à fine , niſi adiungatur
 » determinatio voluntatis , etiam per modum principij
 » actiui. Quod præterquam quod eſt falſum , pugnat etiam
 cum Autore ipſo. Vult enim finem eſſe ſufficientem ad
 determinandam voluntatem *in proprio tantum genere* , &
 numero 1. diſertè pronuntiat *eſſe verum* , *finem non determi-*
nare finaliter ſimul & effectiue. Vnde ſequitur euidenter,
 quamuis dicatur *principium actiuum* (ſiue illud ſit vo-
 luntas , ſiue non ſit) *debere fini adiungi ad ponendam re*
ipſa voluntatis determinationem , nihil dici quod officiat
 ſufficientiæ finis , & quod non ſit *verum* : Ergo quando di-
 citur voluntas non eſſe adiungenda , *etiam per modum prin-*
cipij actiui , quod eâ ratione deſtruatur ſufficientia finis ,
 dicitur aliquid falſum. Confirmatur , quia quando finis
 vltimus mouet ad electionem mediorum , vel mouet ſuf-
 ficienter in proprio genere ; vel non. Si dicas ſecundum ;
 non bene concinis , quia per te hoc *malè ſonat*. Si dicas
 primum ; Ergo ſtat , finem vltimum non ita ſufficienter
 mouere voluntatem in proprio genere , quin egeat ipſa

liberè consentiente ac cooperante *per modum principij ætjui*. Alioqui motus electionis non esset ei liber, contra quàm sentias.

XVII. Capite 14. numero 4. vt probet finem vltimum esse sufficientissimum determinandæ voluntari, absque eo quod ipsius quoque determinatio adiungenda sit, ait *se supponere intentionem illam siue conuersionem, quæ est causalitas & motio finis in ordine gratiæ, esse perfectam & efficacem*. Antea verò cap. 9. numero 6. asseruit, ante conuersionem quæ sequitur intestinum bellum hominis ad meliora conantis, quæ sola sine dubio est *perfecta & efficax*, esse aliquod meritum nostrum, & operationem merendo idoneam, & gratiam ex qua vtrumque sequatur. Vnde inferas euidenter, priusquam sit illud, quod est *gratia & motio, & causalitas finis vltimi, esse gratiam & motionem, & causalitatem eiusdem finis*.

XVIII. Capite. 18. numero 8. docet, Deum dare voluntati consensum independenter ab eius consensu futuro sub conditione antequam daretur, vel dari determinaretur. Cuius propositionis non potest esse alius sensus, quam, Deum dare illum consensum absque eo quod sit necessarium præsupponi esse futurum ex hypothesi quæ Deus vtitur & ex quâ illum educit: *vel absque eo quod sit necessarium hoc à Deo sciri*. Hoc vero implicat contradictionem, vt per se patet. Quia postquam reuera sequitur consensus ex tali hypothesi, impossibile est ex eadem non fuisse secuturum si poneretur: & similiter est impossibile hoc non esse à Deo scitum, postquam est verum: idque ante omne decretum liberum de hypothesi absolutè ponendâ, & consequenter de consensu futuro absolutè procurando. Quia prius ratione quam esset eiusmodi decretum, verum erat, si fieret hypothesi secuturum effectum.

XIX. Capite 19. numero 2. Vt agens liberum, *inquit*, libere operetur, duo intelligere oportet. Primum est agens esse secundum se indifferens ad agendum & non agendum, *alterum subiungit*, Vt determinetur, non ad finem, neque ad mediâ; sed ad finem per mediâ. Mitto tenuem

& implicatam istorum verborum sententiam. Scopus Auctoris, ut opinor, iste est, *Agentis liberi proprium esse, ut & sit indifferens ad agendum & non agendum, & simul etiam determinatum; indifferens quidem secundum se; determinatum verò (determinatione scilicet antecedenti) per intentionem finis ad electionem utilium ad finem.* Quam sententiam dico pugnare secum.

Sic enim argumentor. Quando dicis *agens liberum debere esse indifferens secundum se*, vel per illud *secundum se* abstrahis agens liberum ab eorum suppositione quæ illi necessaria sunt, ut sit in procinctu ac proxime aptum & expeditum ad actionem; vel non abstrahis, sed coniunctum sumis cum tali suppositione: si primum, sensus est, *agens liberum potest agere modo ei adiungatur suppositio eorum, quæ sunt ad agendum necessaria: & potest non agere modo ea suppositio tollatur, atque ita secundum se indifferens est ad agendum & non agendum, quatenus est indifferens ad habendam aut non habendam suppositionem illam.* Et hoc sensu tecum pugnas, quando indifferentiam illam proponis veluti conditionem propriam & necessariam agenti libero; quippe quæ conueniat, & non libero. Cum enim huic quoque necessaria sit aliquorum suppositio, quâ fiat proximè atque immediatè aptum agere: verè de illo dicitur agere posse, modo ea suppositio adueniat, & posse non agere modo non adueniat. Canis, inquam, verè potest sorbere offam, si temperatam sentiat, & non sorbere, si feruentem experiatur: & Dæmon, quem nihilo liberiozem canem putas, vel certè lepore, aduolare potest ad tentandum hominem, vel ab eo recedere, prout intelligit se in eo magis aut minus offendere Deum, iuxta tuam doctrinam. Quare, & canis secundum se indifferens est ad sorbendam, vel non sorbendam offam: & Dæmon ad hominem tentandum vel non tentandum. Hoc igitur non pertinet propriè ad causam liberam.

L. 1. c. 19.
numero 5.

Si secundum, sensus est, *Agens liberum, ut completum iam per suppositionem necessariorum ad agendum, siue, principium illud quod ex tali coniunctione conflatum & concreuit, est indifferens secundum se ad agendum & non agendum.* Et hoc sensu

implicatur manifesta contradictio, dum dicitur suppositio antecedens, quæ coniungi debet agenti libero ut sit omnino completum ad actionem, *esse determinatio ad agendum*. Hoc enim est, *ex agente libero & determinatione, con- crescere aliquid indifferens ad agendum*, quod est idem ac ex aëris & luminis coniunctione con crescere aliquid tenebrosus.

XX. Capite 20. numero 3. Docet ex parte subiecti motionem inefficacem reddi, quando Deus motionem im- mittit ex se ad hominis conuersionem destinata: sed quæ imperfectè recipitur, & propter subiecti vel imbecillitatem, vel deprauationem, prohibetur ne scopum attingat. Impedit ergo subiecti deprauatio & imbellitas, id quo efficacia gratiæ constat.

Rursus eodem loco significat, id quo efficacia gratiæ constat, esse *diuinam voluntatem & intentionem ut sequatur effectus: eam enim esse quasi spiritum gratiæ*. Vnde inuehitur in eos qui *quod est potissimum in gratia & quasi spiritus eius, efficaciam scilicet, creaturæ attribuunt*. Ex quibus ita argumentor.

Si efficacia gratiæ constet illa intentione diuinâ, manifestum est id tantum impedire ne gratia sit efficax, quod impedit ne sit illa intentio: atqui est etiam manifestum deprauationem & imbecillitatem subiecti non impedire ne sit illa intentio Dei, quia illa non est aliquid quod recipi debeat in subiecto: Ergo subiecti deprauatio non impedit efficaciam gratiæ.

Dices, deprauationem subiecti mereri ne Deus habeat talem intentionem. Contra, si peccatum includat, esto: at hic Autor id ipsum censet de subiecto nullum habente peccatum, ut erat Adamus in statu innocentiae, & Angeli ante lapsum cap. 21. numero 4. in quibus sola excogitari potest imbecillitas sine deprauatione: item de deprauatione quæ solam dicat pronitatem ad peccandum, sine ullo merito malo, qualis est hominis iam iustificati. Hæc ergo non possunt mereri subtractionem vllius boni, ac proinde nec impedire intentionem, quæ gratiam efficacem reddit.

Explicatur aliter hæc contradictio. Imbecillitas subiecti recepturi aliquam formam non potest impedire aliud quam quod spectat ad entitatem formæ recipiendæ, vt per se statim apparet: & consequenter imbecillitas subiecti recepturi gratiam non potest impedire aliud quam quod spectat ad entitatem gratiæ recipiendæ: atqui efficacia gratiæ non spectat ad entitatem gratiæ recipiendæ, vt idem fatetur loco citato. Ergo imbecillitas subiecti recepturi gratiam non potest impedire illius efficaciam. Necesse est igitur alterutrum neget, aut imbecillitatem subiecti atque etiam deprauationem impedire ne gratia sit efficax, aut eius efficaciam esse petendam ex intentione Dei.

XXI. Eodem cap. numero 5. ait, *hominem per intentionem finis mouere seipsum, vt recipientem tantum.* Quod est eatenus mouere ipsum se, quatenus alius tantum ipsum mouet: seu eatenus agere quatenus tantum patitur. Hoc vero est eatenus mouere se, quatenus se non mouet, & eatenus agere quatenus non agit. Quo quid fingi potest implicatius? Nonne satius erat ingenuè negare, quod tamen omnes affirmant, *hominem mouere omnino seipsum in finem.*

» XXII. Capite 21. numero 7. Deus, *inquit*, offert homini
 » motionem qua ad se finem vltimum transferat: ipse au-
 » tem peruersè dispositus recipit motionem illam secun-
 » dum modum suum, imperfectissimè ac tenuissimè, nihil
 » recipiens illius nisi quo sibi arctius alligetur. Hoc autem
 » pugnat cum eo quod dictum est. Capite 20. numero 3.
 » Quod gratia sit inefficax non oriri ex vlla eius depen-
 » dentia à causa secunda proinde quasi consensum eius
 » expectet. Quia manifestum est Deum dare re ipsâ
 » quidquid offert, nisi subiectum cui offert, sit in reci-
 » piendo liberum. Si enim non est liberum, quod im-
 » pedit ne aliquid ei detur, impedit etiam ne offeratur.
 » Nisi fortè putamus Deum equino corpori offerre ani-
 » mum rationalem, & alas Elephantis ad volandum. Iam
 » verò constat hominem non recipere re ipsa perfectam
 » illam motionem, vt Autor quoque fatetur eodem loco:

Ergo

Ergo debet esse in eius receptione liber. Ergo existentia perfectæ motionis pendet à libera hominis acceptione: Atqui hoc quoque negatur vt monstratum est: Eligat igitur autor vtrum retractare malit.

XXIII. Capite 22. numero 1. dicit Se prædeterminationem sumere strictè prout idem est ac præmotio efficax. „ *Et ibidem dicit*, prædeterminationem ita sumptam esse „ duplicem: alteram facultatis, quæ vel est, *inquit*, pro toto „ vitæ tempore, vel pro exigua illa temporis parte quoad „ eiusmodi actum prædeterminatur: alteram esse præde- „ terminationem actus, num. 2. Hæc autem pugnant in- „ ter se, quia si *prædeterminatio* non est aliud quam *præmotio* „ *efficax*, euidens est illius tantum esse posse *prædetermina-* „ *tionem*, cuius esse potest *præmotio*: Atqui est etiam mani- „ festum *præmotionem* nullam esse posse nisi facultatis, siqui- „ dem ipse actus præcisè, est tantum terminus ad quem est „ *præmotio*: Ergo nec est vlla *prædeterminatio* nisi facultatis: „ Ergo nulla est distinctio inter *prædeterminationem* *faculta-* „ *tis* illam quæ dicitur esse *pro exigua tantum temporis parte*, „ & inter *prædeterminationem* *ipsius actus*.

XXIV. Eodem loco docet prædeterminationem facultatis etiam illam *quæ est pro exigua tantum temporis parte*, non relinquere in facultate potentiam suspendendi actum. Prædeterminatur facultas, *inquit*, quando ita à „ Deo afficitur, & in eo statu intrinseco constituitur, vt „ non possit ad oppositum eius quod ipse voluerit se con- „ uertere. *Et Paulo post*. Qui ita ad Deum se habuerit, cum „ ab ordine Dei deficere vel absolutè, vel pro illo saltem „ tempore nequeat, non potest etiam ad id non esse con- „ uersus, ad quod Dei motio illum applicat. Hoc modo „ censet prædeterminatos esse in cœlo Beatos omnes, & olim etiam in terra Christum Dominum. Prædeterminatio verò actus importat etiam, *inquit*, in voluntate ali- „ quid intrinsecum, saltem per modum transeuntis; sed „ non tale quod illam omnino penetret ac possideat, & cui „ resistere non possit. Et is est communis modus quo Deus „ homines gubernare consuevit. Addit eodem capite numero 8. cum *prædeterminatione* actus non posse com-

XXxx

poni resistantiam voluntatis. Hæc verò pugnant inter se.

Nam quod prædeterminatio facultatis tollat potentiam in oppositum, non potest esse verum, nisi tantum *in sensu composito*; quod nimirum sit talis, ut illi coexistere vel cum ea componi non possit suspensio actus ad quem quis prædeterminatur: cum antea monstratum sit etiam ex sententiâ huius autoris, liberam facultatem esse debere secundum se, hoc est saltem in sensu diuiso aut diuidente à prædeterminatione, indifferentem ad agendum vel non agendum.

Atqui prædeterminatio actus est etiam talis, ut ei coexistere, vel cum eâ componi non possit suspensio actus, ut ostensum est: Ergo prædeterminatio actus male distinguitur ex eo capite à prædeterminatione facultatis, illâ saltem quæ est pro exigua temporis parte. Quod autem insuper additur ab Autore, *vnâ non perinde penetrare ac permeare facultatem* atque aliam, verba sunt quæ imperiti non capiant, periti exsufflent. Quid enim an-ne aliqua est animo superficies quam prædeterminatio facultatis transgrediatur, cui prædeterminatio actus inhæreat? Aliqua-ne profunditas à qua vna excludatur, admittatur altera? Fateatur ergo vel male positam, vel male expositam esse, hanc prædeterminationis distinctionem.

XXV. Loquitur hic Autor capite 30. numero 4. de prædeterminatione quæ vulgò datur viatoribus, hoc est de prædeterminatione actus. De qua proinde interpretandum est quod dicit, *cum qui non tantum suadet, sed insuper dat ipsum velle*, nimirum per hanc prædeterminationem, *non relinquere hominem indifferentem ad agendum, vel non agendum.*

Atqui non potest dici *non relinquere indifferentem*, quod tollat potentiam agendi: quia potius illam iuuat: Ergo quod tollat potentiam non agendi. Sed hanc quoque negat tollere citato capite 22. numero 2. ubi dicit *voluntatem prædeterminatam prædeterminatione actus, elicere actum* CVM POTENTIA ALITER SE HABENDI, & numero 3. *non esse*

ralem cui voluntas resistere non possit: Ergo hic autor ipse sibi resistit.

XXVI. Est iterum alia contradictio in eodem capite 22. inter duas propositiones iam adductas. Prima est, *Voluntatem prædeterminatam vulgari prædeterminatione, posse nihilominus illi resistere.* Secunda est, *Esse impossibile, ita enim loquitur. numero 8. resistantiam illam componi, seu simul existere cum tali prædeterminatione.*

Sic igitur argumentor. Si est impossibile resistantiam voluntatis componi cum prædeterminatione, necessariò fatendum est prædeterminationem esse impedimentum efficax & insuperabile, resistantiæ: Atqui primum est verum, ergo & secundum. Rursus. Si prædeterminatio est impedimentum efficax & insuperabile resistantiæ; Evidens est voluntatem esse prædeterminatam idem esse, ac voluntatem esse efficaciter & insuperabiliter impeditam ne resistat: atqui primum est verum, ergo & secundum.

Iam verò dicere voluntatem efficaciter & insuperabiliter impeditam ne resistat, posse nihilominus resistere, nonne res est digna quæ risu risibilibus omnium excipiat?

XXVII. Hic autor eodem capite 22. numero 6. quæstionem qua petitur, quæ fieri possit ut idem actus contingenter simul & immutabiliter procedat à voluntate prædeterminata communi prædeterminatione quæ, *actus*, appellatur, hac fere ratione solvit. Scilicet, duo quædam esse, voluntatem, & prædeterminationem; ideòque actum qui elicitur concipi posse tum ut oritur à voluntate præcisè, & sub ea ratione *contingenter elici*: tum ut oritur à prædeterminatione, & sub eâ ratione *non elici contingenter, sed immutabiliter*. At, numquid voluntas, & prædeterminatio illa specialis, quæ *facultatis* dicitur, & *pro ext-quo tantum tempore*, duo quædam sunt perinde distincta? Numquid ergo pariter concipi poterit actus, & ut procedens à voluntate præcisè, & ut procedens ab illa prædeterminatione? Iterum, si concipiatur ut procedens à voluntate præcisè, estne ratio cur dicatur procedere *immutabiliter & non potius contingenter*. Nititur ergo in veti-

tum, dum conatur probare aliis, suum illud commentum de distinctione duplicis prædeterminationis, cum ex hoc capite nulla colligi possit inter vtramque differentia.

XXVIII. Eodem cap. 22. numero 7. docet. *Cum homo possit viâ persuasionis pertrahere hominem quò voluerit, multò magis hoc posse Deum.* Et deinde, numero 11. dicit, *viam supremæ potestatis, quam distinguit à viâ persuasionis, non solum esse aptam perfectæ conuersioni, sed solum aptam, viam autem persuasionis negat esse ad hoc aptam.* Si potest Deus viâ persuasionis ducere hominem quò voluerit, quomodo non etiam ad perfectam conuersionem? aut si ducere non potest ad perfectam conuersionem, quomodo dicitur ducere posse quò voluerit?

„ XXIX. In eodem capite 22. numero 7. ait Deum per-
 „ suadere posse hominem, quemcumque, quocumque
 „ tempore, & sub quibuscumque occasionibus constitu-
 „ tum: *item hominem quantumuis induratum, item ani-*
 „ *mum quantumuis indispositum, perditum, & profliga-*
 „ *tum.*

„ Et tamen mox numero 10. censet vsum illius modi mi-
 „ nus Deo dignum esse, eo quod supponat hominem taliter
 „ affectum, & super illo fundamento struat eligendorum
 „ rationes, & num. 11. Deum non immutare cor immediatè,
 „ hoc modo per seipsum, sed per hominem quem ita affe-
 „ ctum ad finem reperit, & super cuius dispositione ædificat.
 O miram in dicendo inconstantiam! Quomodo suppo-
 nit Deus hominem *taliter dispositum*, vt illum *viâ persua-*
sionis pertrahat, si pertrahere potest *quantumuis indisposi-*
tum perditum & profligatum?

XXX. Eodem cap. 22. eodemque numero 11. signifi-
 „ cat idem Autor Modum inducendi homines effica-
 „ citer ad bonum, qui est per viam persuasionis, vñtatio-
 „ rem esse altero, qui est per viam potentie. Et tamen
 „ cap. 30. numero 4. negat Satis esse, si dicatur Deus
 „ suadere tantum bonam voluntatem, sed insuper dicen-
 „ dum eam dare. Si non potest Deus dici *suadere tantum*
 „ bonam voluntatem, quomodo dici potest *vti tantum viâ*
persuasionis ad eam procurandam? Vel si cum dicitur *vti*:

via persuasionis tantum, non excluditur quominus censetur dare bonam voluntatem, quomodo id ipsum excluditur, si credatur eam tantum suadere? Numquid suadere, & *uti via persuasionis* idem sunt? Certè hic Autor videtur esse in hac parte Deo quodammodo potentior, ut qui *viâ persuasionis*, res adeo absurdas implicatasque in animum admitrat suum.

XXXI. Est & alia contradictio in distinctione duplicis illius modi quo à Deo pertrahi potest voluntas ad bonum opus, iuxta expositionem huius Autoris. Siquidem quando utitur Deus efficaciter *viâ persuasionis*, non potest excludi prædeterminatio, seu intentio, & quidem efficax ut patet ex cap. 22. numero 11. sine qua nihil unquam fit. Rursus neque excludi potest diuinum decretum, seu voluntas ut sit effectus, postquam efficacia illa exinde petenda est. Itaque sequendo viam persuasionis hæc omnia necessaria sunt, cogitationes piæ allicientes voluntatem ad bonum opus, intentio finis, & Diuinum decretum absolutum & efficax circa opus.

Ego verò ignoro quid horum excludat usus alterius modi, qui est per viam potentiae, vel quid superaddat. Nam cum non ducat voluntatem in incognitum, facendum est includere cogitationes prælucentes voluntati circa bonum appetendum, intentionem efficacem non excludit ut pote propriam Dei causalitatem iuxta doctrinam huius Auctoris, nec consequenter decretum qui est *spiritus* huius intentionis. Ad hæc autem quid potest superaddere quod non sit superfluum consensui procurando? Ergo *via potentiae* coincidit cum *via persuasionis*, & vice versâ: Ergo falsa fuit cogitatio cui una præ alia visa est esse *visitatio* numero 11.

XXXII. Docet hic Auctor, Non consentire Diuinæ gratiæ qua quis incitatur ad bonum, vel esse peccatum, vel certè defectum eiusmodi qui cadere non possit in voluntatem Beatorum vel B. Virginis, vel Christi Domini dum essent in viâ. Ita in hoc cap. 22. numero 4. & antea. cap. 1. numero 3. Et lib. 2. cap. 27. numero 3. Multominus ergo poterit ille defectus in Deum refundi.

XXXx iij

Rurfus docet cap. 20. numero 3. *quod gratia fit inefficax in quibusdam, adscribendum esse diuinæ voluntati.* At qui non potest illi adscribi quod gratia sit *inefficax*; quin eidem adscribatur quod non sit effectus: quare igitur tantus esse creditur *defectus* ille, vt ne minimo quidem ex Beatis hominibus adscribi possit? Vel quare fit Auctor Deus illius *defectus*, cuius conscientia Beatorum impatiens est?

XXXIII. Num. 12. eiusdem cap. 22. duas libertates distinguit; Vnam quæ est pura & consistit in indifferetia ad agendum & non agendum seruato ordine finis: Aliam quæ est impura & importat potentiam ad bene & malè agendum. *Et deinde subiungit*, Si nosse velimus id quod de verâ libertate reperitur in hoc secundo membro huius diuisionis, spectandam solum esse facultatem agendi, vel non agendi seruato ordine finis.

At, hæc *facultas* spectari non potest in secundâ libertate, nisi in ea includatur. Si verò includitur, includitur id in quo per te posita est prior libertas: ac proinde prior, libertas includitur in posteriori. Diuisionem autem cuius membrum alterum in altero includitur, peccatum est Dialectici triduum. Ergo fateare necesse est, vel malè constitutam, vel malè expositam à te libertatis diuisionem illam.

XXXIV. Est & alia contradiçtio eodem in loco. Si quidem secundæ tantum libertati, quam vocat *impuram*, adiungit *potestatem peccandi*, à qua liberam esse significat priorem & *puram* libertatem. Et simul fatetur priorem & *puram* illam libertatem fuisse in Adamo in statu innocentie. At, numquid & *potestas peccandi* in eo fuit? Quare igitur separas *puram* libertatem à *potestate peccandi*, aut cur fateris fuisse illam in Adamo, cum hæc quoque in eo fuerit?

XXXV. Cap. 23. numero 6. Docet D. *Augustinum* quamuis non nesciret esse scientiam mediam, numquam tamen ad eam recurriffe, in quæstione scilicet de gratia efficaci: Et paulo ante numero 2. probat S. Augustinum agnouisse scientiam mediam ex eo quod habetur in quæst.

2. lib. I. ad Simplicianum *Propterea Deum nullius frustra misereri, quia cuius miseretur, sic eum vocat quomodo scit ei congruere ut vocantem non respuat.*

Atqui est manifestum S. Augustinum explicare ibi efficaciam gratiæ. Hæc igitur sunt simul vera, *sanctum Augustinum non recurrere unquam ad scientiam mediam in explicanda efficacia gratiæ, Et, scientiam ad quam recurrit dum explicat efficaciam gratiæ, esse scientiam mediam.*

XXXVI. Eodem cap. 23. numero 3. Docet Deum videre futura conditionata, *ut sunt in suis causis tanquam probabilia tantum*, id est, videre solum eorum probabilitatem. Et numero 4. dicit, si Deus non apponat obiecto, scientiæ conditionatæ suum decretum, saltem per hypothesein, nihil videre certum; Sed videre solum probabilem connexionem talis causæ cum tali euentu.

Rursus idem autor, ut iam vidimus in cap. 20. num. 3. Docet voluntatem & intentionem diuinam esse quasi spiritum præmotionis efficaciæ, ita ut eadem entitas præmotionis in se immutata ex suppositione diuinæ voluntatis, & intentionis circa effectum, fiat efficax, & ea efficiente inefficax.

Quod si hoc verum est, perspicue sequitur, Deum qui scit certò, & euidenter, se non habere voluntatem, & intentionem ut sequatur effectus qui dicitur conditionatè futurus; certò etiam & euidenter scire talem effectum non futurum. Quomodo igitur est verum, si Deus non apponat suum decretum obiecto scientiæ conditionatæ, scire tantum illud esse probabiliter futurum, cum certò & euidenter sciat non futurum? Item, cum illa non existentia effectus ex suppositione, sit aliquid contingens, & futurum sub conditione, sciaturque à Deo euidenter & certò; quomodo Deus in vniuersum dicitur scire tantum probabilitatem futurorum sub conditione?

XXXVII. Capite 23. numero 8. Scientiæ mediæ utilitatem impugnat hoc principio. Nullum esse statum, nullasque dispositiones in quibus Deus non possit creaturam reuocare à peccato & in viam salutis reducere si velit; atque ita frustra & in dedecus Diuinæ Omnipotentia,

„ excogitari certas circumstantias in quibus tantum hoc possit. Sed scire debuit, statum in quo Deus à deffensoribus scientiæ mediæ negatur effecturus ut creatura consentiat gratiæ suæ, continere hanc hypothesim, *Si creatura ponitur in illis circumstantijs, eique offeratur diuina gratia, relicta penes ipsam optioe utendi aut non utendi, non consentiet.* Quo posito, peto ab Aduersario quid significet illud *si velit*? Num sensus est, *Si Deus velit voluntate absoluta & efficaci & omnino determinata ad consensum procurandum, creatura semper consentiet*? At implicat Deum habere voluntatem hanc in hypothesi data, quippe quæ contrariam inuoluit ut dictum est. Num igitur sensus est, *Si Deus velit quantum est ex se, & dummodo creatura pro sua libertate non suspendat effectum huiusce voluntatis*? Atqui hoc pacto non tantum petitur principium; Sed insuper assumitur id quod in horas singulas omnium ferè mortalium experientia conuincitur esse falsum. Quidquid enim boni liberè vsquam omittitur, omittitur Deo ita volente ut non omittatur.

XXXVIII. Similiter implicat quod ait eodem num. 8.

„ & 9. quando ita ratiocinatur. Si creatura, *inquit*, esset
 „ aliter disposita quam sit sub his circumstantijs (in quibus
 „ scilicet præscitur non consensura) consensura esset, ut
 „ autores isti farentur: atqui Deus potest dispositionem
 „ illam in ea excitare: Ergo in quocumque statu efficere
 „ potest ut peccator consentiat. O supinam cogitationem!
 „ Non vides alià excitatà dispositione, statum quoque alium
 „ constitui: atque ita falsum esse in quocumque statu elici
 „ consensum à voluntate: cum ille in quo elicitur, sit alius
 „ ab eo in quo dicebatur non eliciendus?

XXXIX. Implicat quod docet cap. 24. numero 1.

„ Causam rectè diuidi in necessariam, contingentem, &
 „ liberam. Necessariam esse quæ determinata est ex se ad
 „ opus suum; Contingentem, quæ est impedibilis, aut
 „ defectibilis; Liberam verò excelsam illam ac generosam
 „ quæ in amplitudine pascitur.

Ego verò argumentor in hunc modum. Vel sumis causam quam diuidis secundum se, ac præcisè à circumstantijs

stantijs omnibus ad agendum prærequisitis, vel non: si primum, ruit diuisio; quia nulla est causa necessaria distincta à contingenti; nulla enim est ita sumpta, quæ non sit *impedibilis* atque adeo *contingens*. Si secundum, ruit iterum diuisio; quia nulla est causa contingens distincta à libera; cum nulla sit quæ positis omnibus ad agendum prærequisitis *impedibilis* sit ne agat præter liberam. Hæc enim sola tunc potest sustinere ipsa sese, atque impedire ne agat. Quare quocumque te vertas, vel malè diuidis, vel à te diuisa malè exponis.

XL. Iterum secum pugnat hic Auctor eodem loco numero 3. ubi reiecto aliorum dicendi modo, circa intelligentiam sensus compositi & diuisi; subjicit iactabundus. Nos autem longè pro veritate ac libertate fortiores, tuerimur ex prædictis fundamentis, ideò necessitatem sensus compositi cum libertate optimè cohærere, quia, &c. libertatem non in indifferentia absoluta ad actus, sed in indifferentia ad objecta collocantes. Et mox dum exponit suam hanc indifferentiam. Indifferentia, *inquit*, ad actus seruato ordine finis, durat etiam quando agimus: & hac ratione censet durare libertatem. Vbi vides modò negare, modo supponere, *indifferentiam* in qua ponitur libertas, esse indifferentiam ad actus.

XLI. Quod docet ib. numero 4. Necessitatem agendi, quæ oritur ex aliqua suppositione tum antecedente tum independente à libertate nostra non tollere libertatem: ET TALEM SUPPOSITIONEM ESSE FINEM VLTIMUM INTENTVM AB EO QUI AGIT; Destruit quod dixerat capite 22. numero 2. *supposita prædeterminatione actus*, hoc est in eius sententia, *supposita intentione finis ultimi efficacis*, retineri nihilominus à voluntate POTENTIAM ALITER SE HABENDI. Sic enim argumentor.

Sicut quod dicitur necessario esse, non habet potentiam ad non esse; ita manifestum est id quod dicitur necessario agere, non habere potentiam ad non agere. Quia necessarium in vniuersum dicitur id tantum quod non potest aliter se habere. Atqui ex suppositione intentionis efficacis ultimi finis, sequitur esse necessarium vt voluntas agat, per

Y Y y

te, cum dicis *talem suppositionem esse finem ultimum intentum, &c.* Ergo ex eadem suppositione sequitur vt non possit non agere, seu vt non habeat potentiam non agendi: Ergo ex eadem suppositione habet & non habet illam potentiam, quod implicat.

XLII. Implicat & quod dicit capite 15. numero 1. Peccatum cognosci à Deo futurum in definitione Dei, & determinatione receptâ debiliter & imperfectè à causâ secundâ. Nam vel confundit *determinationem* illam cum *definitione*, quæ est decretum diuinæ voluntatis, vel sumit distinctè pro sua illa *intentione finis* voluntatis creatæ: Si primum, implicat futurum in ea cognosci *vt debiliter receptâ*, quia decretum diuinum non est aliquid receptum in causâ secundâ seu fortiter seu debiliter: Si secundum, similiter implicat in ea cognosci futurum, quia ita Deus peteret suam scientiam ab aliquo creato, vt pote quod illi esset medium ad sciendum, id quod huic Auctori vehementer displicet cap. 18. num. 5.

XLIII. Hic Auctor à cap. 15. ad 21. perpetuò & docet & supponit determinationem & præmotionem Dei necessariam esse cuicumque causæ secundæ ad quemcumque effectum positium: & tamen deinde capite 26. num. 2. concludit, *Deum non mouere ad materiale peccati*, dumque exponit ecquid tandem sit illud *materiale*, dicit inter alia esse *primos motus vindictæ, concupiscentiæ, inanis gloriæ, &c.* Mitto nouum prorsus atque inusitatum esse, materiale peccati hoc vocari; nec fas esse vt cuiquam liceat, sine ratione, sine probatione, sine cuiusquam exemplo, vel auctoritate, viam inire docendo cæteris contrariam, ac iubere vt qui se sequi velint dediscant reliquos. Interrogo tantum num *illi motus* sint aliquid positium in rerum natura? Num habeant causam efficientem? Num creatam? Num vel ipsam voluntatem si spirituales sunt, vel appetitum si corporei? Nihil horum negari potest, nisi ab eo qui limen philosophiæ numquam salutarit: est igitur ad illorum motuum productionem necessaria Dei motio ac proinde datur & non datur, ex principiis huius Auctoris, *causa creata produciens effectum positium absque*

prævia motione Dei. Vnde sequitur.

XLIV. Contradictio, quæ est repugnantia istius sententiæ cum eo quod relatum est ex cap. 18. num. 5. Deum cognoscere futura tantum in definitione suæ voluntatis, non verò in vlla ratione creata quæ sit illi motuum cognitionis. Quia iam negatur *esse vlla definitio diuinæ voluntatis circa materiale peccati*, neque tamen dici potest nesciri à Deo esse illud futurum. Ergo diuinæ voluntatis definitio est & non est adæquata ratio sciendi futura.

XLV. Repugnat & quod dicit eodem cap. 26. num. 2. *Deum motione sua non posse nos disponere ad id quod prohibet, & à quo nos auertit*, cum eo quod ibidem addit: num. 14. *Deum mouere nos & præmouere ad actum qui malus est.* Perspicuum enim est non solum malitiam actus esse prohibitam, sed & ipsum quoque actum cui malitia coniuncta est. Non solum prohibitum est ne actus odij Dei sit malus, sed absolutè ne sit: Ergo Deus qui ad illum præmouet, postquam præmouet ad omnem qui est malus, *præmouet ad id quod prohibet.*

XLVI. Repugnat quod ibidem dicit num. 6. *Creaturæ vitio fieri ut determinatio Dei ad actus qui mali sunt non sit perfecta*; cum eo quod dictum est in cap. 24. num. 4. *intentionem ultimi finis efficacem*, quæ respectu bonorum actuum est ipsissima determinatio perfecta, ut sæpe monuimus, *esse suppositionem antecedentem usum libertatis, & quæ non est in nostra potestate.* Sic enim argumentor.

Manifestum est nemini posse vel laudi vel vitio verti, nisi quod est in eius potestate: sed quod determinatio perfecta, sit, aut non sit, non est in potestate creaturæ: ergo quod determinatio perfecta, sit, aut non sit, nec laudi, nec vitio creaturæ verti potest. Ergo vel malè assertum est *creaturæ vitio fieri ut determinatio non sit perfecta*; vel, *hanc determinationem esse suppositionem antecedentem etque non sit in nostra potestate.*

XLVII. Implicat quod dicit cap. 18. num. 2. *Intentionem quæ est determinatio causæ liberæ, præsupponere naturam minimè determinatam, sed indifferentem ad creata omnia; Non vero ad ipsum finem*, & quod subicit, *Intentionem non deter-*

YYyy ij

minare ad media, sed ad finem per media. Sic enim argu-
mentor.

Intentio debet dici absolutè determinare naturam ad ea ad quæ absolutè dicitur ipsa natura esse indifferens ex se ut patet: Atqui natura in priore loco dicitur absolutè esse indifferens ex se ad *creata omnia*, quæ sunt media, *non verò ad ipsum finem*. Ergo intentio dici debet absolutè determinare naturam ad *creata omnia*, hoc est ad media, non verò ad finem. Quid igitur sibi volunt illæ tricæ verborum quæ sunt in posteriore loco, vel quid succi continent; *Intentionem non determinare ad media, sed ad finem per media*? num. 5.

XLVIII. Quod docet ibidem num. 4. Ideò determinationem voluntatis quæ fieret à causâ creatâ, ut v. g. ab habitu naturali, nocituram libertati, *quod alliget bono particulari*: determinationem verò Dei non nocere, *quia numquam alligat bono particulari & creato, sed sinit nos semper versari summa in amplitudine*: Hoc, inquam, pugnat cum eo quod dictum est, *Deum nos mouere, imò & præmovere, & prædeterminare ad actus qui mali sunt*.

Sumo enim vnum ex his actibus, ex c. illum cui adulterij malitia coniungitur, & interrogo quodnam sit eius obiectum? Mirum sit, si putat adulteros ex amore Dei tales esse, & non potius ex affectu ad voluptatem. Quomodo igitur fieri potest, ut hominis voluntas prædeterminetur à Deo ad illum actum in particulari, & non prædeterminetur ad illam voluptatem in particulari? Et quo ergo sensu negatur *prædeterminari ad bonum particulare & creatum*? Et quomodo stabit allata distinctio, inter determinationem quæ à Deo, & determinationem quæ ab habitu?

Item interrogo, num singularis illa prædeterminatio spectet potius actum cui coniungitur adulterij malitia, quàm actum cui coniungitur honestas virginitatis? Si primum, dicere hominem tali prædeterminatione affectum, itaque ordinatum iam, ac respicientem adulterij obiectum tantum, esse nihilominus solutum ab omni bono creato, & in summa versantem *amplitudine* beneficio præ-

determinationis, numquid hoc deum est *amplius* negari? Si secundum, numquid perperam esse dicitur prædeterminatio ad actum cui adulterij malitia coniungitur? Sicut enim ipsa voluntatis natura; eo quod secundum se sit capax, vel adulterij, vel castitatis, dici nequit secundum se determinata esse ad adulterium: Ita si prædeterminatio illa de qua est quæstio, sit ex se capax ut cum ea coniungatur vel castitatis votum, vel adulterij actus, ineptissimè dici potest prædeterminatio ad actum cui adulterij malitia coniungitur.

XLIX. Quod concedit cap. 29. num. 6. *Libertatem contradictionis exigi ad bonum malumque meritum*; manifestissime pugnat cum eo quod dictum est. cap. 9. num. 5. & 6. *homines pios per interiorē occupationem circa Deum mereri & esse laude dignos, & tamen in ea nullam esse indifferentiam, siue libertatem contradictionis.*

L. Quod dicit cap. 30. num. 2. D. Augustinum lib. 1. ad Simplicianum quæst. 2. dum ait, Cuius Deus miseretur » ita eum vocat quomodo scit ei congruere ut vocantem » non respuat, *loqui de notitia congruitatis & proportionis* » quæ inest homini respectu consensus futuri; non autem » de notitia consensus ipsius; apertè destruit quod dictum » est cap. 23. num. 2. Sanctum Augustinum ibidem loqui *de scientiâ mediâ.* Quia scientia mediâ, est scientia effectus causæ secundæ futuri sub conditione, non verò dispositionis causæ ipsius; quæ est effectus Dei tantum: Ergo vel non est intelligendus de scientiâ mediâ, vel est intelligendus de scientia, seu notitia futuri consensus. Et tamen utrumque huic Auctori aduersatur.

LI. Quod dicit eodem cap. 30. num. 7. *Nos non habere nos passivè ad divinam determinationem, quod per illam attolamur supra inferiora*, præterquam quod absurda ratione nititur, pugnat omnino cum eo quod dictum est antea cap. 20. num. 5. *hominem ad intentionem finis non nisi passivè se habere & paulo ante num. 2. habitudinem nostram ad finem ultimum esse passivam non activam.*

LII. Eodem loco num. 8. testimonio S. Anselmi de necessitate quæ oritur ex suppositione antecedenti; Ref-

ponder primò , concedendo huiusmodi necessitatem tollere libertatem, quæ erat maior argumenti propositi : & negando talem esse necessitatem quæ oritur ex diuina præmotione, quæ erat minor ; Quam solutionem putat esse Sancti Thomæ, eamque appositissimam & ad mentem S. Anselmi. Et tamen paulo ante in capite 24. num. 4. *Ex dictis*, inquit, *evidenter constat non omnem suppositionem antecedentem obesse libertati* (vocat autem suppositionem antecedentem, quæ non est in nostra potestate, imò quæ antecedit potestatem nostram) Et mox subdit, *hoc ita perspicuum esse, ut nemo obliuisci possit*, talemque suppositionem dicit esse finem vltimum intentum videlicet à nobis , itaque præmouentem nos.

Censet igitur hic Auctor ita perspicuum esse, necessitatem ortam ex diuina præmotione esse necessitatem ex suppositione antecedenti & indepenti à libertate nostra, neque tamen tollere libertatem, nemo ut sit qui obliuisci possit. Et simul censet eam solutionem qua quis ita obliuiscitur, ut concedat, suppositionem antecedentem tollere libertatem, & neget talem esse suppositionem diuine præmotionis, esse appositissimam & ad mentem Sancti Anselmi & S. Thomæ. Quis non admiretur hominem adeò fortem, ut hoc faciat ipse, quod à nemine fieri posse prædicat ?

LIII. Quod docet cap. 31. num. 5. Leonardum Lessium & Gabrielem Vasques primos post hominum memoriam violare ausos esse sanctitatem eius doctrine quâ constitutum est peccandi potentiam nec esse libertatem nec partem libertatis ; Destruitur ab eo quod addit paulo post num. 9. *Obiectionem contra illam doctrinam petitam ex D. Dionysio cap. 9. de Cal. hier. à nullo auctore fieri posse, tamquam suam sententiam propugnaturus* ; NULLVM ENIM ESSE QVI APERTE DEFENDAT peccandi potentiam ad libertatem pertinere. Si nullus hoc apertè defendit, quodnam igitur est Vasquezij & Lessij sacrilegium ? Sin autem illi, quidni ab eis fieri possit illa obiectio, tamquam suam sententiam propugnaturis ?

LIV. Capite 31. num. 9. & 10. Vulgatam illam definitionem potentiæ liberæ, qua dicitur, *Positis omnibus*

ad agendum prærequisitis, posse agere, vel non agere, rejicit, eo potissimum nomine, quod particula istæ desint, *servato ordine finis*. At hoc destruitur postea cap. 35. num. 1. ubi & refertur & approbatur descriptio libertatis recepta *unanimes philosophantium consensu*, cum dicitur libertas esse *Facultas quæ ad utramque contradictionis partem conuersti queas*. Cum enim tam necessarium sit, addi huic definitioni particulas *servato ordine finis*, quam priori; Evidens est, vel hanc non debere admitti, vel illam non debere repudiari.

L V. Quod dicit eodem cap. 35. num. 6. *Intentionem esse motum voluntatis liberiores Electione; & illam libertatem pertinere ad statum*, seipso destruitur. Primò quia implicat in terminis *motum* pertinere ad *statum*, hoc enim perinde est ac si diceres cæcitatem pertinere ad visum. Secundò quia negari non potest, nisi ab eo cui philosophorum lingua peregrina est, quin intentio sit actus vitalis, eo ipso postulans fieri à potentiâ vitali creatâ. Est igitur exercitium voluntatis, & aliunde dicitur libera: ergo est exercitium liberum. At *exercitium liberum* opponitur *statui libero* in istius hominis sententia?

L V I. Quod dicit in ultimo cap. num. 4. *Sibi olim accidisse ut sententiam quam impugnât ardentè amplecteretur*, clarissimè probat, esse fictitia & affectata, nec ex interno animi sensu, quæ proloquitur in præf. l. 1. se nimium cum mente concepisset nobilissimam quandam libertatis speciem, ut pote quam & Christus, & Apostolus & SS. Patres impensè commendarent, incidisse in libros quorundam recentiorum, à quibus illa aded sublimis doctrina obscurari & attenuari visa est: tum verò obstupuisse, ac conuersum ad vetustiores Theologos deprehendisse aliam fuisse illorum sententiam. Fuit igitur in mente huius Auctoris hæc veluti variarum tempestatum successio. Primò, tempus erat quo se decipi passus est, falsa & indigna libertatis opinione recepta. Deinde, aduenit tempus quo germanam illius imaginem animo conciperet, ut pote illuminatam perspicuis Christi Domini, Apostolorum, & Patrum testimonijs. Ter-

tiò intellexit esse recentiores quosdam qui aliter de libertate sentirent, quàm pro illius dignitate speciei quæ iam hæserat animo. At, quomodo fieri potuit vt hoc nunc primùm intelligeret, qui principiò eadem senserat quæ isti recentiores? Quartò, secutus exinde stupor, & quidem meritò; quippe res apparebat noua, cui tamen ab initio assueuerat. Denique conuersus ad antiqua scholæ Parisiensis lumina, comperit aliam fuisse illorum doctrinam. Quod & illos, *inquit*, demum sensisse obseruaui quibus magistris in eadem schola fœliciter vsus sum. Sera, Deus immortalis, obseruatio, & quæ fieri tum debuit cum magistros illos audiebat. Nec illi fœliciter docuerint, qui tanto tempore non intelligerentur. Et si hæc erat Magistrorum sententia, qui nam igitur illi sunt, qui eum initio in errorem induxerunt?

LVII. Eodem cap. num. 6. *Nefas esse dicit tuende libertatis causa obfistere diuinæ gratiæ.* Id quod nemo sanus inficiabitur. Sed aut ego valde fallor, aut ipse tribuit & meritis & laudem operi illi *nefario*. Nam cum in cap. 9. num. 6. affirmet, in ea lucta carnis & spiritus quæ perfectam conuersionem hominis ad Deum præcedit, interjici aliquam operationem nostram & *meritoriam* & *laudabilem*; non video quæ nam ea sit, nisi conatus quidam voluntatis in Deum nitentis, qui ab Auctore nomine *conuersionis frequentis* imperfectæ scilicet, designatur. At, de illa ipsa conuersione imperfectâ idem pronuntiat, *comparari potius ad operationem gratiæ vt obicem quàm vt partem*: Ergo qui *obicem* illum ponit, itaque *obfistit* diuinæ gratiæ, quod *nefas* est, meretur laudem.

LVIII. Eodem cap. num. 2. Fusè contendit opinionem quam oppugnat, hoc est, aduersantem physicis præmotionibus non esse amplectendam, *quammis mira sit eius facilitas*. Quæ cogitatio sponte sua ruit. Nam cum nulla sit opinio facilis, nisi quæ paruo negotio conciliatur, & cum diuino testimonio, & cum autoritate hominum qui censendi ius habent, & cum naturali lumine rationis; (quidquid enim horum opponas difficultatem ingerit) nolle inter philosophandum sequi opinionem
facilem,

facilem, quid est aliud quam velle Deo, hominibus, & ipsi demum rationi præbere se difficilem, hoc est, fieri contumacem?

Scio quasdam esse propositiones difficiles, & tamen credendas: sed postquam hæ credendæ sunt, aio difficiliorese esse contrarias. Ex. c. Difficilis est creditu personarum diuinarum distinctio cum identitate naturæ, quòd pugnare videatur cum naturali ratione: at contrarium pugnat cum testimonio diuino, cuius pondus quia supra comparationem omnem maius, idè & fortius premit, & difficultatem injicit neganti grauiorem. Quare cum qui dicit, opinionem quæ de medio tollit phylicas prædeterminationes, esse *mirum quantum facilem*, neque tamen sequendam, aut aberrare necesse est, aut ad contumaciam hortari.

Iterum scio, sententiam nonnumquam aliquam apparentem habere facilitatem, veram autem difficultatem; sed sicuti quod habet tantum auri speciem, naturam vero aurichalchi, non aurum dicitur sed aurichalchum: ita neque illa sententia facilis est dicenda, sed absolute difficilis. Addo neque posse fallere nisi rudes atque imperitos, cum tamen non neget Auctor, neque vero negare possit, eos qui facilitate sententiæ præmotionibus contrariæ capiuntur, ut sunt quamplurimi numero ita & eruditione insignes esse.

LIX. Lib. 2. c. 3. num. 5. cuidam argumento Vasquezij respondet Auctor, Verè liberum opponi alligato, & libertatem obligationi & subiectioni; sed adhærere summo non esse obligationem & subiectionem. At hoc destruit quod dictum fuerat lib. 1. c. 1. num. 2. Libertatem dicere ordinem intrinsecum & essentialem ad finem, & *alligationem ad ipsum*, & mox, libertatem constare ordine & *subiectione immediatâ ad finem ultimum*. Et cap. 12. num. 13. veram libertatem quantacumque *alligatione* ad Deum, non deteri sed augeri & illustrari.

LX. In eodem lib. 2. cap. 15. num. 16. Deus, *inquit*, nullo modo determinat ad voluntatem occidendi sumptam in genere moris, nisi eum cui potestatem quoque occi-

ZZzz

dendi dederit. At hoc destruit quod dictum est lib. 1. cap. 24. num. 4. Deum mouere, imò & præmouere ad actus qui mali sunt, quatenus & actus sunt, ET HUMANI SUNT. Scitum enim est vel inter Theologorum nouitios, actum *humanum* non alia de causa *humanum* dici, quam quia moralitati, vtraiunt, subicitur, vt idem omnino sit determinari ad aliquem actum quàm *humanum*, & determinari ad actum *sumptum in genere moris*.

„ L XI. Ib. cap. 24. num. 2. asserit Diuinam voluntatem
 „ versari positiuè circa permissionem peccati : sed dari
 „ actum positium circa malum emergens, omnino nego,
 „ inquit. Hoc autem destruitur postea num. 5. Vbi dicit.
 „ Si quæras quod sit obiectum illius voluntatis permittentis,
 „ dicam esse ipsum malum, vt per modum mediij sit bonum. Si voluntas illa permittens *positiua* est; si obiectum illius est *malum*; quomodo negas dari actum in Deo *positium circa malum*? Et sicut negari non potest, quin ea voluntas cuius obiectum est sanitas, quatenus seruit ad diuinam gloriam, censeatur versari circa sanitatem; & ea cuius obiectum est furtum vt necessarium ad largiendam eleémosinam, versari circa furtum: quare negabitur illa cuius obiectum est *malum* prout est vtile ad finem diuinæ prouidentiae, *versari circa malum*? Dicendum igitur potius erat, postquam velle permittere peccatum, nihil est aliud quam nolle impedire; obiectum illius *velle* nihil aliud esse quàm obiectum istius *nolle*, negationem scilicet gratiæ impediens peccatum, non autem peccatum ipsum.

L XII. Hoc ipsum quod dictum est, *Diuinam voluntatem versari positiuè circa permissionem peccati tantum*, iterum destruitur seq. cap. 25. num. 7. cum ait, Non tantum finitte Deus in noua peccata labi, sed etiam subicit re Tyrannidi peccati, adeò vt noua peccata committas. Si non tantum finit, quomodo tantum permittit? Et si *non tantum permittit*, quomodo dicitur eius voluntas *versari tantum circa permissionem*?

L XIII. Eodem modo quod dictum est cap. illo 24. num. 2. *Nullum dari actum positium circa malum emergens*

ex permissione, postea destruitur cap. 25. num. 2. Vbi diuinum decretum circa malos actus in hunc modum concipitur. *Volo ut impius hic sua illa praua animi dispositione consilijs meis ita seruiat*. Si enim retegatur id quod latet sub illo, *ita seruiat*, nihil aliud apparebit quam, *peccando seruiat*. Hoc verò quid aliud est quàm positiuo actu velle peccatum fieri, vt seruiat diuino consilio?

LXIV. Eodem cap. 24. num. 2. Quando, *inquit*, consideras Deum versari circa permissionem mali, iam malum à causa secunda egrediens supponis; & si aliter sapis desipis. Desipis inquam, si peccatum non præsupponis diuinæ voluntati, & si contendis peccatum nonnisi ex præsupposita Dei voluntate & ordinatione in creatura nasci. Ego verò operam dabo vt non *desipiam*, sicuti res postulat; sed interea miror quomodo hic Auctor tam citò *sapere* desierit. Siquidem statim cap. 25. numero 2. Deus, *inquit*, prædefinit & prædeterminat actus quos homines reprobis ex lege & impetu propriæ deprauationis operantur. Dic age amabo te, mi Pater, expone nobis quò fieri possit, vt peccatum diuinæ huic voluntati prædefinienti & prædeterminanti actum malum præsupponatur. Potestne malitia præsupponi actui qui malus est? Et actus qui malus est, potestne præsupponi voluntati quæ prædefinitur? Quomodo igitur eidem voluntati præsupponitur malitia seu malum? Iterum peto vt doceas nos, quis sit ordo inter voluntatem prædefinientem actum malum, & voluntatem permittentem malum? Num prius est Deum velle *permittere* malum, quam *prædefinire* actum qui malus est? Implicat ergo quod dicis dum supponitur permissio mali supponi malum iam egrediens à causa secunda: quia est impossibile supponi malum egrediens à causa secunda prius ratione quam intelligatur ab ea egredi actus qui malus est: & hoc non intelligitur nisi post prædefinitionem, si sit vlla. Num ergo simul sunt Deum velle *permittere* malum, & *prædefinire* actum qui malus est? Redit contradictio: quia sicuti posterior est actus malus prædefinitione, erit quoque posterior permissione, atque ita malum quod nulla ratione præintelligi potest actui malo;

ZZzz ij

non poterit quoque præintelligi vel prædefinitioni, vel permissioni, contra quàm velis. Dic ego priorem esse prædefinitionem actus mali, posteriorem vero permissionem mali: Atqui permissio ea ratione superflua est, atque etiam inepta. Postquam enim prædefinieris vt sit actus malus, ridiculum est facultatem dare vt sit: postquam etiam prædefinieris vt sit actus, permittere vt sit malus, similiter est ineptum: esse enim non potest nisi malus, ex suppositione quod & prohibeatur & tamen prædefiniatur, etiam sub ratione liberi & humani: vt ideò superuacanea sit permissio, & redundans. Quare quocumque te vertas à te ipso dissentis.

LXV. Iterum videtur hic Auctor transilire lineam sapientiæ à se positam loco iam citato ex cap. 24. lib. 2. num. 2. Dum ait, *Desipis, inquam, si contendis peccatum nonnisi ex supposita Dei voluntate & ordinatione in creatura nasci.* Mox enim subdit cap. 25. num. 11. in excacatione & induratione, *diuinam iustitiam ORDINARE, vt sceleretur mendacium qui recusauit obedire veritati.*

Si est verum diuina iustitia ordinante fieri, vt sceleretur mendacium is qui recusauit obedire veritati, quidni sine insipientia dicatur *nonnisi diuina iustitia ordinante fieri*, vt ille miser sceleretur mendacium: ac proinde *nonnisi diuina iustitia ordinante fieri* vt aliquis sceleretur peccatum? Et si *desipis* qui hoc dicit, quomodo potest tam propè ac tam similis ei esse, qui putat se sapere?

LXVI. Cap. 22. lib. 2. num. 15. Quando petitur vtrum sit prius in Deo, permissio mali, an intentio glorificandi se per bonum illud quod ex malo oritur; Respondet, „ Permissionem peccati sumptam vti, debet pro voluntate permittendi, coincidere cum voluntate glorificandi seipsum, idemque iterum insinuat cap. 24. num. 4. „ vbi dicit voluntatem glorificandi se; vel præsupponi à „ voluntate permittendi peccatum, vel esse illam ipsam. Quæ doctrina egregiè pugnat cum eo quod statim additur hoc posteriore loco, Peccatum non intelligitur „ vt medium quoddam in manu Dei, nisi intelligatur per- „ mitti, siue nisi intelligamus Deum nolle ipsum impedire.

SUPPOSITO AUTEM QVOD PERMITTATUR, agnoscimus voluntatem Dei positivam, at non circa peccatum ipsum, sed circa gloriam Dei vt promouendam & adaugendam peccato quod non impeditur.

Eia, mi Doctor, Dei voluntas glorificandi se, coïncidit cum voluntate permittendi peccatum, sublato prioris ac posterioris ordine; & tamen eandem supponit? Ecquid hoc rei est, *Voluntas glorificandi se, vel præsupponitur vel est ipsa voluntas permittendi peccatum*, Et, *supposito quod permittatur peccatum, est in Deo voluntas glorificandi se?*

LXVII. Cap. 22. num. 16. Ita loquitur. Obserua peccatum duobus modis esse futurum, vel absolutè, vel quantum est ex vi causæ secundæ. Permissio porro sicut & præseruatio præsupponit peccatum futurum hoc secundo modo. *Et mox, Quod spectat ad peccatum futurum primo modo puta absolutè, præsupponit Deum non fuisse creaturam prohibere ne laberetur, quod est, permisisse. Subdit inde sequi neque hominem peccaturum nisi Deus permitteret, neque Deum permissurum nisi homo esset peccaturus.*

Quâ doctrinâ nulla potuit esse feracior idonearum rationum ad configendum Auctorem ipsum. Germanus enim ac necessarius sensus est, *Deum nec velle permittere peccatum, nec velle ab eo præseruare, nisi scientem peccatum ipsum futurum*; scientem, inquam, non absolutè, sed conditionatè; ita vt obiectum illius scientiæ sit, *talem esse propensionem causæ secundæ ad peccandum, vt si peccare permittatur, peccatura sit*. Hæc, inquam, & germana, & necessaria est Auctoris sententia, si verba eius intelligantur.

Vnde patet primò scientiam illam, quæ tum voluntati *permittendi*, tum voluntati *præseruandi* à peccato necessariò præsupponitur, esse scientiam conditionatam; quippe cuius obiectum sit peccatum futurum ex suppositione quod permittatur. Quid ergo sibi vult illa conicio quam habet hic homo lib. 1. capite 18. & 23. vbi tam vehementer inuehitur in eos qui dicunt huius scien-

ZZzz iij.

tia vtilitatem aut necessitatem esse aliquam: postquam ipse quoque fateri tandem cogitur, & *esse illam scientiam & necessariam esse tum voluntati præseruandi à peccato, tum voluntati illud permittendi?* Et, si dicendum est, scientiæ quâ intelligitur malum sub conditione futurum, esse aliquem vsum in iis decretis quæ ad ordinem gratiæ pertinent; qua veri similitudine potest negari, vsum quoque aliquem esse eiusdem scientiæ, quâ bonum eodem modo futurum attingitur?

Secundò, si suppositio ex qua sequitur peccatum esse sub conditione futurum, inuoluit eius permissionem sub conditione ponendam, ita vt id quod scitur, sit, *Si Deus permittat talis casus secunda peccabit;* Et, si suppositio ex qua sequitur peccatum absolutè futurum, inuoluit permissionem Dei absolutè positam, ita vt quod scitur, sit *postquam Deus statuit absolutè permittere peccatum, illud est absolutè futurum:* Si res, inquam, ita habet, vti habere colligitur ex dictis huius Auctoris, & ipsa quoque veritas fert; quò pertinent verba illa quæ antea relata sunt, ex cap. 24. num. 2. vel quid continent solidæ cogitationis, Quando consideras Deum versari circa permissionem mali, iam malum à causa secunda egrediens supponis, & si aliter sapis desipis, desipis inquam, si peccatum non præsupponis diuinæ voluntati? Peccatum non est conditionaliter futurum, nisi ex suppositione permissionis conditionaliter ponendæ: nec est absolutè futurum, nisi ex suppositione permissionis absolutè positæ: & quocumque modo intelligatur futurum, eodem modo intelligitur præsupponi permissio, ex istis principiis, imò & ex veris: Et tamen, inquit, præintelligere peccato futuro voluntatem permittentem, *desipere est.* Quis ergo relinquitur sapientiæ locus? Quod si nihil aliud intendit hic Auctor, quàm permissionem absolutam futuri peccati, supponere illud esse futurum ex hypothesi quod permitteretur, rem magnam loquitur, & ingenti beneficio cumulat rempublicam Theologorum tanto enunciato mysterio. Quasi verò quisquam nescire hoc queat, vel aliquid iuuet, vt peccatum futurum imputari Deo minus possit,

Tertiò , Quando supponit Deum permittentem vt peccatum absolutè sit, *præscire peccatum esse futurum* conditionatè, id est quantum est ex vi causæ secundæ, & ex hypothesi quod ea peccare sinatur; vel supponit Deum præscire peccatum *certò*, futurum; vel esse aliquam tantum eius rei probabilitatem: si primum, Ergo est falsum quod dictum est lib. 1. cap. 23. Deum nihil aliud *certò* scire de futuris conditionatis, quam ipsius, vt ita loquar futuritionis *probabilitatem*. Si secundum, Ergo falsum quod hic dicit, cap. 24. num. 5. *posita permissione peccatum intelligi vt medium quoddam in manu Dei*. Neque enim putandum est, Dei manum sumere media, quorum existentia sit *tantum probabilis*.

LXVIII. Quod dicit cap. 25. num. 7. Deus non tantum „ finit te in illa peccata labi, sed etiam subijcit te Tyranni- „ di peccati in te regnantis, ITA VT NOVA ILLA PECCA- „ TA COMMITTAS. Pugnat cum eo quod subdit paulo- „ post, Deum facere vas in contumeliam, subijciendo pec- „ catorem vilitati peccati IN QVO ILLVM REPERIT NON- „ CONSTITUIT. num. 9. Sic enim argumentor.

Subiectio illa actiua Dei, non reperit peccatorem constitutum in iis peccatis quæ sequuntur ex ipsa: Atqui noua peccata sequuntur ex ipsa per te, dum dicis *ita subijci peccatorem peccato vt noua peccata committat*, Ergo non reperit peccatorem constitutum in nouis illis peccatis: Ergo Deus subijcit etiam peccatis in quibus non reperit: Ergo inane quod dicis Deum subijcere peccatorem peccato in quo reperit, non constituit.

Præterea, Deum subijcere hominem peccato in quo eum reperit non constituit, est *finere tantum* vt peccatum committat & in eo versetur: Atqui Deus non tantum finit perte: Ergo non tantum subijcit peccato in quo reperit; sed etiam in quo subijciendo constituit.

LXIX. Eodem cap. 25. num. 9. Contra eos, qui dicunt Deum creare homines ad certum exitum, opponenda putat Apostoli verba, Deus vult omnes homines saluos fieri: Sed interrogo de qua Dei voluntate interpretetur Apostolum? An de simplicis & inefficaci? An de efficaci, & qua seriò

Deus nolit stare per se quominus omnes homines saluentur? Si primum, falsum est *opponenda illa verba dicentibus Deum creare homines ad certum exitum*, quia non resistent eorum sententiæ. Potest enim absolutum decretum perdendi aliquem, stare cum voluntate simplici eundem saluandi, Vt in Christo, absoluta voluntas offerendi se morti, cum voluntate simplici retinendi vitam. Si secundum, falsum est quod postea subditur, *Deum ex massa Adam cum omnes in ea essent, vnos elegisse, alios reiecis- se*. Quomodo enim vltos rejicit, si seriò illos iuuare velit vt inde educantur & salui fiant?

LXX. Aliud agenti sese obtulit hæc etiam contradictio vltimo loco numeranda. Dicit hic Auctor l. 2. cap. 4. num. 1. Deum in æternis processionibus ita liberum esse, vt non sit illi liberum se per illas communicare aut effundere : quia hoc importaret eum esse indifferentem, vt per eas se communicet vel illas contineat. Sensus est, Patrem Æternum in Æterno Filio generando v. c. liberum esse; sed tamen generationem illam Filij non esse Patri liberam. Quam doctrinam dico in primis pugnare secum. Quòd certissimum sit & exploratum apud omnes, ista conuersim dici, Principium quodcumque esse in producendo liberum : & productionem eius esse liberam ipsi : nec aliud sit productionem alicui principio esse liberam, quam principium esse liberum circa illam.

Secundò. Dico doctrinam hanc pugnare cum ea quæ tradita est in lib. 1. cap. 12. & 33. Nempè, prædeterminationem qua præuenta fuit Christi Domini, & B. Virginis & excellentiorum Sanctorum voluntas in via, non reliquisse facultatem abstinendi ab actu ad quem prædeterminabantur, quod est abstulisse indifferentiam eliciendi aut non eliciendi talem actum, neque tamen obstitisse quominus liberrimum esset in illis virtutis exercitium. Vnde sic argumentor. Quamuis Christo liberum fuerit obedire imperio Patris, non sequitur tamen eum fuisse indifferentem vt contineret suum obsequium vel illud exhiberet per te : Ergo quamuis dicatur Æterno Patri Patri liberum, gignere Filium, non sequetur *illum esse indifferentem*,

differentem, ut se per generationem communicet, vel ut illam contineat: contra quam hic asseris. Vel, Si esse liberum Patri gignere Filium, importet eum esse indifferentem ut se per generationem communicet vel illam contineat: Sequitur à pari, postquam obedire Patri fuit liberum Christo, fuisse Christum indifferentem, ut obediret vel non obediret, quod tamen negatum est prius.

! Hæc habui quæ notarem sententiarum istius Auctoris dissidia ex libro sui operis primo, & vno aut altero tantum capite secundi. Laborem ultra ne producerem materię vbertas copiaque, simul & proposita breuitas prohibuit. Et iam operæ istius fructus opinione mea maior extitit, putabam enim me spicilegium esse facturum: ut vides, messis fuit.





CAPVT TERTIVM. SVPPPOSITITIA.



I cui vacat huius Auctoris cum quo disputamus probare fidem, erit opinor hac etiam in parte de quo dubitare meritò possit. Siue enim aliorum scriptorum suffragia repræsentat ad conciliandam opinioni suæ auctoritatem: siue recitat eorum doctrinam quos sibi ad impugnandum proposuit, magna facilitate alios affirmare dicit quod non affirmant, alios negare quod non negant: quin etiam interdum affirmare quod negant, & negare quod affirmant. Truncat etiam nonnumquam, & eam verborum partem omittit, quæ si apponerentur, longè alia legentium animis occurreret forma sententiæ. Siue illud arte quadam industriâque factum est, seu more animi aliqua iam opinione occupati, qui sibi omnia concinere vt cupit, ita & rector.

„ Ergo hic Auctor ad calcem lib. 1. veluti fidem libera-
 „ set quam in præfatione obligauerat, obtendentibus ad-
 „ uersarijs magnam eorum multitudinem quos aut ducunt
 „ aut sequuntur. In primis, *inquit*, ab illo numero eximen-
 „ di, quos supra pro hac nostra sententia laudauimus, scho-
 „ lasticæ Theologiæ proceres, D. Thomas, Scotus D. Bo-
 „ nauentura, Henricus Gaudauensis, Durandus, maioris-
 „ que nominis philosophi Plato, Aristoteles, Epictetus,
 „ Seneca, Boetius, & inter Ecclesiæ patres ille qui omnium

instar esse queat in hac præsertim materia de gratia & libero arbitrio, D. Augustinus : quibus adde nostro sæculo Cardinalem Contarenum, & omnes D. Thomæ discipulos. Vbi vides, Optime Lector, ex tota theologorum republica Quinque-viros omnino sibi delegisse quorum testimonio niteretur ; totidem ex omnibus philosophorum familijs : ex Patribus antiquis vnum, vnum item ex nuperis : ad extremum omnes D. Thomæ discipulos. Nolo contra numerum hunc pugnare pro maiore ; libenter permitto vt sufficere videatur ad ferendam in eos sententiam qui huic Auctori resistunt, cæteris omnibus nequicquam opitulantibus.

§. I. PHILOSOPHI.

VERVM vt ordiar à philosophis, constat ex illis quinque, Platonem, Epictetum, Senecam, semel tantum, ad summum bis toto in progressu libri fuisse productos, idque ad hanc vnā propositionem confirmandam, *Libertatem in Amplitudine sitam esse*, de qua nulla dum fuerat controuersia. Aristoteles & Boetius sæpiusculè nominantur ; sed perpetuò fere in earum disceptatione quæstionum, quæ ad hanc litem non pertinent. Nam dum agitur de necessitate physicæ motionis, quæ præuia sit ad actionem agentis liberi ; Quæ illius virtuti superueniat ; Quæ supponat cæteras condiciones necessarias cognitionem, habitum, & si quid aliud requiri consuevit ; Quæ sit independens à libertate ; Quæ illam tamen ita subigat vt sit necessitas agendi, & quidem ineluctabilis, eo quòd implicet resistantiam voluntatis cum ea componi : tum verò illorum testium ne vocula quidem auditur vna. Perspicuum igitur est aliena testimonia in eorum loco supponi quæ huiusce causæ propria sunt.

Quod si res pateretur fusam earum sententiarum recitationem, quibus ijdem Auctores arbitrium voluntatis liberum à physicis prædeterminationibus esse significant, facile esset conuincere Aduersarium suis ipsius testibus. Quid enim responderet ex. c. Boetio, quem constat

AAAa ij

^a Lib. de Consol. prof. 5. & 6. ^a non alia ratione tueri libertatem quam repudiata omni necessitate antecedenti vsum illius, & proinde omni prædeterminatione huiusmodi necessitatem inferente? Quid Aristoteli, qui propterea negat determinatam futurorum contingentium præscientiam, ^b quod vereatur ut quæ inde sequitur necessitas, contingentiam & libertatem humanarum actionum destruat? ^c Quid cum requirit, ut aliquid censeatur esse in nostra potestate adesse potestatem non faciendi; hoc est abesse faciendi necessitatem? Quid cum in eo distinguit causam liberam à non libera, quòd quamvis hæc sit debite applicata passo, duo tamen possit pro eodem tempore, agere scilicet, & non agere: illa hoc vnum possit, scilicet agere? ^d Nihil igitur causæ fuit cur hic Auctor philosophos illos suo adiungeret triumpho; nisi fortè voluit locum illis in hac pompa eorum assignare cum quibus pugnavisset.

^b Lib. de Interpr. cap. 9.
^c E. Eth. cap. 5.
^d 9. Met. tex. 10.

§. II. SCHOLASTICI.

D. BONAUV. HENR. DUR.

NIHILO FIDELIVS ad hoc iudicium vocati sunt Scholastici. Nam primò ex ijs quinque quos laudat, D. Bonau. Henr. & Durand. tot in quætionibus quot sunt agitatæ toto disputationis decursu vna tantum & altera vice locuti sunt. Henricus quidem & Durandus in cap. 6. ut confirmarent libertatem esse ponendam in *Amplitudine*. D. verò Bonau. tum hoc posteriore loco tum cap. 31. ut negaret potentiam peccandi vel esse libertatem vel eius partem. Iam verò cum hæc controuersia mille capita contineat, eos qui vni tantum & alteri conclusioni de quibus minima est controuersia testimonium dant, veluti Auctores totius doctrinæ celebrare, nonne hoc demum illuderè hominibus est? Nam de *Amplitudine* num in ea ponenda sit ratio libertatis, nondum institui talis fuit, neque ut opinor instituetur deinceps. Non quòd ille philosophandi modus cuiquam probetur: sed quia postquam aliqui visum est, suas cogitationes pascere vacuis imaginibus, scholarum limâ minime adhi-

bita, & spectris quibusdam philosophiæ Platoniciæ ludificari: saluus sit, quis enim ei velit esse molestus? Itaque non est dubium quin tutam in *Amplitudine* illa stationem hic Doctor inuenerit, perinde velut in aliqua imaginarij spatij plaga. Sicuti enim nemo erit qui eum illuc sequatur ut adhæreat; ita neque qui quæsitum eat ut pugnet.

De fine, utrum aliqua circa illum sit libertas; nisi quæstio est de libertate arbitrij, non disceptamus, atque ita nihil nobis officium adducti Theologi: si verò de illa, dicimus esse aliquam in viatoribus, in comprehensoribus nullam, quo-ad actus beatificos: & in eo Theologos illos nos sequimur, vnus ipse deserit, quo ad actus viatorum.

Quò igitur pertinet oratio illa cap. 9. num. 3. Si Aucthores postulas quorum suffragio ista doctrina confirmetur; en tibi D. Thomam, D. Bonau. Scotum, Henr. & Dur. Theologiæ Scholasticæ clarissima sidera, qui &c. Ego verò, mi Doctor, nullum postulo authorem qui nobis circa finem libertatem inesse aliquam suo confirmet suffragio: neque sum ita importunus ut hoc mihi probari velim de quo nullus dubito: sed cum ea quæstio ab hac nostra prorsus aliena sit; abs te peto, ne rectos clarissimorum siderum radios in obliquum flectas: ne ve testimonia quæ vni fauent opinioni traducere velis ad confirmationem alterius.

Idem esto iudicium de potentia peccandi; quam etiam negaueris esse libertatem aut partem libertatis: nihil erit Aduersario concessum quod ei sit vtile in ea causa quæ tractatur. Quod si contendat horum trium aliquo dato, *Libertatem esse in amplitudine positam: Veram libertatem circa finem nobis inesse: Potentiam peccandi nec esse libertatem nec eius partem*, cætera consequi, quæ finiendæ huic controuersiæ necessaria sunt; procul errat: neque obtinebit vnquam ut continuum ab illis principijs ad suas conclusiones filum ducere sinatur. Ex his igitur palam fit, ex quinque illis Scholasticis tres esse subducendos tanquam falso suppositos. Facile autem esset reducere illos & præ-

determinatoribus opponere, si ea res nunc ageretur. Quid enim dicerent D. Bonauenturæ affirmanti arbitrium non esse liberum *si ardeat ad bonum*, in 2. dist. 24. dub. 3. Esse non posse *determinatum ad vnum ita vt non habeat potentiam in oppositum* ibid. art. 2. quæst. 3. In hoc attendi dominium potentiae respectu actus quod potentia possit esse in actu & ab eo cessare, *secundum suum imperium & secundum proprium motum*. ibid. dist. 25. quæst. 3. Prædestinationem prout est causa, *non necessariò ponere effectum*, etiam si necessariò inferat 1. dist. 40. artic. v. quæst. 1. Quid Durando qui dicit libertatem esse proprietatem voluntatis *quam habet respectu eorum* AD QVÆ NON NECESSITATVR 2. dist. 24. quæst. 1. num. 7. & quæst. 3. num. 15. Libertatem arbitrij esse facultatem ad opposita, *absque necessaria determinatione ad alterum*? Sed Henrici vnum & alterum testimonium exscribendum est: tum quia nemo vnquam efficacius & apertius loqui potuit contra physicas præmotiones; tum quia continentur iisdem locis quæ ab Auctore citata sunt ad confirmandam opinionem suam, vt vel ex hoc vno intelligi possit nequaquam illum habuisse vsum aliquem certamque notitiam Auctorum quos nominabat; sed temerè casuque sortitum insignia quædam nomina, quæ operi inscriberet suo. Ita igitur loquitur Henricus. Quod lib. 3. quæst. 12. *Si autem consideretur liberum arbitrium in secundo respectu.* (Id est si comparetur cum operationibus & cum obiectis) *si dico, quod voluntas dicitur libera, quia indifferens ad diuersa & contraria SINE OMNI DETERMINATIONE RESTRINGENTE IPSAM AD ALTERVM EORVM.* Ita iterum. Quod lib. 12. quæst. 26. *Sic ergo voluntas seipsa per seipsam exit in actum volendi, tam finem quàm ea quæ sunt ad finem, absque omni alia dispositione seu motione existente seu præcedente in ea. Talem enim dispositionem seu motionem non requirit ad hoc quod exeat in actum volendi, neque à seipsa agente illam: neque à quocunque agente alio: NEQVE ETIAM A DEO.* Hi sunt radij clarissimi fidei Scholæ Parisiensis, ad cuius splendorem præmotionum necessitas Authori huic nostro refulsit.

Durandi locus qui citatur cap. 6. num. 8. deprauatus est. At ille nos *habentes conclusum iudicium aut electionem non necessario tendere in eorum obiecta*, LOQVENDO DE NECESSITATE ABSOLVTA. Quæ vltima verba expuncta sunt ne obessent huic interpretationi. Quod est, *inquit*, Auctor, etiam in sensu composito & supposita electione, alicuius medij ad finem intentum, nos liberos esse circa, tale medium.

§. III. SCOTVS.

SCOTVS SEQVITVR, cuius tria omnino testimonia præmotionibus approbandis adhibentur: sed quod dictu mirabile est, primum illas funditus destruit. Ita enim habent quæ lib. 1. cap. 6. num. 6. ex eo referuntur in Quodl. quæst. 16. Cum libertas necessitatem compatitur, tum necessitas cadit sub voluntate, sic quod voluntas propter firmitatem libertatis suæ SIBI IPSI NECESSITATEM IMPONIT, & in eliciendo actum & in perseverando siue figendo se in illum. Vnde sic argumentor. Necessitas quam libertas comparitur cadit sub voluntate, vt Scotus censet: Necessitas quam infert prædeterminatio non cadit sub voluntate, vt aduersariorum doctrina fert: Ergo necessitas quam prædeterminatio infert, non est necessitas quam libertas compatitur, iuxta Scoti mentem. Item, voluntas imponit sibi eam necessitatem quæ cum ipsius libertate conciliatur ex Scoto: voluntas non imponit sibi eam necessitatem quæ sequitur ex prædeterminatione, quippe quæ dicatur esse à solo Deo: Ergo necessitas quæ sequitur ex prædeterminatione non est necessitas quæ iuxta Scotum cum libertate conciliatur.

Hic autem occurrit Doctõris nostri solutio *Deum esse omnibus omnia*: itaque Sanctis esse *formam & actum intimiorem illis intimo suo, & maxime propriam illorum bonorum*: quare quam ab illo necessitatem sortiuntur, censendos imponere ipsos sibi: hoc autem est voluntatem quando à Deo in *actum* figitur, censendam figere ipsam se: quod

vnum Scotus postulat ne libertas necessitate violetur. Verum hæc dicendi ratio tolerabilis foret : si pro con-
 cione ad moniales vsurparetur ; in Schola verò ad viros
 Theologos explicandæ quæstioni difficillimæ seriò inten-
 tos, ne proferenda quidem fuit.

Atque hinc sequitur, neque aliud Doctoris subtilis pro-
 nuntiatum, quod vnicum in hac materia proponi potest,
 obesse quicquam. Est autem illud quo *diuinæ voluntatis*
definitio dicitur esse unica ratio diuino intellectui præoscendi
futura. Cum enim ex dictis constet nullam à Scoto ne-
 cessitatem agendi admittendam esse in libero arbitrio,
 nisi quæ libertati subsit, fatendum est non esse ita inter-
 pretandam *definitionem diuinæ voluntatis*, vt efficaciter
 & absolute, & antecedenter, & immediate, in ipsam
 futuri contingentis positionem tendat. Quomodo igitur,
 inquires ? Non curo iam quomodo tendat, modò sciam
 quomodo non tendat, nempe ita vt sequatur inde agendi
 necessitas à libertate independens. Perspicua enim sunt
 Scoti verba. Quodl. quæst. 16. *Si esset necessitas præuia ad*
voluntatem, & voluntas intelligeretur cadere sub necessitate
 TANQVAM IMPELLENTI IN ACTVM ET FIGENTE IN
 ACTV ; *voluntas ageretur & non ageret, NEC STARET IN*
 ACTV LIBERTAS. Quid apertius dici potuit contra præ-
 motionem omnem quæ necessitatem inferat voluntati ab
 ipsa independentem ?

Cæterum in referendo Scoti testimonio illo, Aduersa-
 rij fides aut fallit aut fallitur. Sic enim loquitur cap. 18.
 „ numero 5. Scotus etiam eandem doctrinam proficitur
 „ varijs in locis, in 2. dist. 87. qua ferè tota vt benè obser-
 „ uat Guillelmus Estius acerrimus eiusdem sententiæ pro-
 „ pugator & vindex, supponit tamquam rem confessam &
 „ indubitatam voluntatem creatam determinari à diuina,
 „ soluitque argumenta quæ in contrarium adduci possunt,
 „ & ostendit absurda in quæ labuntur oppositæ sententiæ
 „ deffensores : quæ ad duo præsertim capita reuocat, sci-
 „ licet Deum nisi voluntates nostras determinet neque
 „ fore Omniscium neque fore Omnipotentem, &c.

Estij-ne an Aduersarij sit hoc peccatum non liquet ;
 certum

certum est tamen supposititium esse quod Scoto attribuitur. Et ut omitram citari distinctionem 87. quæ est 43. post ultimam, fuisseque potius numerandam 37. quantum conjicere licet ex duabus illis rationibus de Omniscientia & Omnipotentia, Falsum est primò Scotum in tota fere distinctione illa supponere voluntatem creatam determinari à diuina. Hoc enim in nulla eius parte supponit, nedum in tota fere. Falsum est 2. soluere argumenta quæ in contrarium adduci possent: quia nullum soluit: & ne quæstionem quidem illam mouet. Falsum est 3. ex contraria sententia deduci à Scoto Deum non fore Omniscium, neque Omnipotentem. Quia hoc tantum deducit ex ea sententia quæ asserit voluntatem creatam esse totalem causam illius actus qui peccato subternitur, negatque, Deum immediatè cooperari: quam etiam solam refutat. Vnde sequitur, *Magno illi lumini sæculi nostri*, ut iste Doctor loquitur. Estio scilicet, cuius hæc esse fertur interpretatio, Scotum fuisse obscurum; hoc est sui nominis Auctorem.

Tertium Scoti testimonium proponitur cap. 18. cit., num. 9. in hunc modum. Idem Scotus, inquit, in 4 dict., 49. quæst. 6. dub. 1. affirmat fore contra naturam & libertatem voluntatis creatæ si ab habitu sibi in-hærente determinetur, non autem si à causa priori & superiori cuiusmodi est voluntas diuina: Et ib. docet, posito quod causa superior puta voluntas diuina voluntates nostras determinet, eas tamen æquè mansuras esse causas contingentes.

In hoc etiam testimonio referendo multa peccantur. Nam primò constat Scotum agere de illa determinatione voluntatis quam experiuntur Beati circa perpetuum Dei ac suæ beatitudinis amorem; quam censet stare posse cum libertate contradictionis & exercitij, repugnantibus, non solum ijs qui physicas prædeterminationes rejiciunt; sed & omnibus Thomistis, & hoc ipso Auctore, qui Scotum objicit. Vnde obseruanda est obseruatio illius sane lepida, cum subdit, Vbi aduerte quod, dicit (Scotus) mansuras esse causas (creatas) contingentes.

B B B b b

„ res atque adeò liberas libertate peccatorum, quæ de-
 „ fectibilitatem admixtam habet. Quasi diceret, vbi ad-
 uerte, Scotum dicere quod ego non credo imò quod
 ego falsum esse contendo, qui tamen hoc testimonio
 tanquam veraci vti volo. Sed quo iure poscis, mi Doctor,
 vt sit locus auctoritati apud nos, cui tute nullum relin-
 quis? Secundò. Esto tamen habenda sit fides Scoto, nec
 enim facilè negari debet tanto viro. Nihilominus tamen
 cum ea determinatio voluntatis à causa superiore cum
 qua retineri putat arbitrij libertatem eiusmodi esse à te
 dicatur, vt *ea posita voluntas creata æquè mansura sit causa*
contingens; hoc nostræ opinioni non incommodat: tuæ
 non opitulatur. Si enim verum est creatam voluntatem
posita determinatione illa esse *causam contingentem*; verum
 etiam est ex suppositione talis determinationis non con-
 trahere agendi necessitatem: cum constet necessitate
 agendi nihil esse quod magis aduerfetur contingentia
 agentis. Quòd si non nascitur inde agendi necessitas, se-
 quitur determinationem huiusmodi nec eam esse quam
 nos aduersamur, nec eam quam ipse intendis. Tertiò. Sed
 „ neque hoc ipsum verum est, Scotum docere, posito quòd
 „ voluntas diuina nostras voluntates determinet, æquè
 „ manfuras esse causas contingentes. Docet enim tantum,
 „ superesse adhuc aliqualem contingentiam: & paulo ante
 „ docuit, numquam causam secundam præuentam à causa
 „ superiori, agente ad vnum oppositorum, posse, poten-
 „ tia propinqua, exire in aliud oppositum. Quod si causa
 secunda sub illa determinatione Dei antecedente, atque
 independente à voluntate, non est *proximè* potens ten-
 dere in oppositum eius ad quod determinatur: conse-
 quenter nec est *proximè* contingens in agendo: Ergo
 agendi contingentia, & consequenter libertas eius *remo-
 ta* solùm est: Ergo non est *æquè contingens*, ac si non esset
 illa determinatio vt Auctor volebat. Quartò. Scotus
 apertè significat ea ratione philosophandi non satis expo-
 ni quomodo stet in beatis libertas amoris cum determi-
 natione ad amandum, & ideò aliam statim solutionem
 subiicit, *Aliter*, inquit, *potest dici, &c.* Atque hoc poste-

riori dicendi modo tamquam probabiliore utitur deinde sequenti dubio. Ambiguum ergo testimonium suppositum est pro certo. Addo egregie corruptam ab eo esse aliam Scoti Sententiam cap. 28. lib. 1. num. 5. dum ait illum 4. sent. dist. 49. dub. 1. ubi censet obesse libertati si voluntas determinetur à causa superiore, intelligendum de habitibus acquisitis & naturalibus, non verò de supernaturalibus & infusis. Atqui est manifestum Scotum loqui potissimum de his. Nam & questio id postulat, quæ est tantum de libertate quam inesse putat amor beatifico: & postquam docuit ex habitu gloriæ oriri in beatis necessitatem secundum quid, non oriri verò ex habitu charitatis, concludit tandem. Non est ergo contra naturam eius (*voluntatis libere*) quòd determinetur à causa superioriori; hoc est quòd non sit contra naturam eius oppositum agere: sed esset contra naturam eius determinari ab habitu siue à natura inferiori. Quasi diceret, determinationem primæ causæ stare posse cum libertate, quòd eà non inferatur agendi necessitas: non posse autem ita stare determinationem ab habitu etiam infuso, propter contrariam rationem.

Ex his liquet & irritò conatu & fide parum sincera laboratum, ut Scotus in partes prædeterminantium traheretur: cum constet ne stetit quidem medium in hoc dissidio. Nam primò iam audiimus nullam ipso lanciente imponendam agenti libero necessitatem agendi quæ non sit in potestate voluntatis. Secundò, Deo ad unum oppositorum determinante, absolute scilicet & merè antecedenter & efficaciter, tolli proximam non agendi potentiam. Tertiò. 2. sen. dist. 37. quæst. vn. §. *ad solutionem istorum*, loquens de concursu causæ primæ cum secunda, admittit habere illas ordinem secundum perfectius & imperfectius causare, non tamen habere prioritatem nature in causando: eoque principio utitur ut neget Deum esse causam peccati. Quidigitur fiet præuiò influxu in causam secundam? Quartò. Negat ib. intelligi posse in peccato omissionis, subtractionem ullam causæ prioris, propter cuius defectum non possit voluntas rectè agere. Non magis ergo subtrahitur præde-

terminatio ei qui omittit actum, quem debet elicere, quam ei qui non omittit, & proinde non magis est in vno quam in alio. Quintò. En vt Scotus profligat omnem liberi agentis prædeterminationem. 2. sent. dist. 25. quæst. „ vn. §. dico ergo ad quæst. ubi dicit. Necessarium esse vt id „ quod contingenter & euitabiliter euenit, eueniat à causa „ indeterminata ad alterutrum oppositorum. Si enim sit „ determinata, effectum non posse pro isto instanti pro „ quo est sic determinata euenire contingenter.

Eodém pertinet id quod habet in 1. sent. dist. 39. §. „ Quantum ad primam, Potentiam causæ liberæ, esse ad „ oppositum eius quod causat SINE SUCCESSIONE. Et, „ Actum primum consideratum in eo instanti in quo est „ prior naturaliter actu secundo; ita ponere illum in esse „ tamquam effectum suum contingentem, quòd vt prior „ naturaliter posset æquè ponere aliud oppositum in esse. In contraria sententia, vt potentia libera possit oppositum eius quod causat, an non oportet vt prædeterminatio prædeterminationi succedat? Ac proinde potestne causare oppositum *sine successione*? Et, si actus primus vt prior actu secundo potest æquè ponere oppositum eius quod causat, potest-ne vllam includere prædeterminationem cum qua componi nequeat vel actus vel non actus? Cum ergo hi sint præcipui totius controuersię nodi; quibus solutis nulla deinceps altercatio superesse possit; liquidum est, si quidem vlla sit in hoc iudicio Scoti auctoritas, vt certè debet esse plurima, litem nobis adiudicari. Quod si percurram alia pleraque principia huiusce Doctoris propria Scoto verò aduersantia; vt circa doctrinam de actibus indifferentibus, de potentia peccandi an sit à Deo, de eadem an sit pars libertatis, de libertate intentionis finis de conceptu libertatis expòsito per nudam indifferentiam agendi & non agendi, &c. non obscura erit suspicio quæ verebitur, ne Scotus nupero defensori præmotionum nomine tantum fuerit cognitus; quando illius arbitrio totius doctrinæ suæ commisit approbationem. Sed D. Thomas aurem vellit.

§. IV. S. THOMAS.

IN inuestiganda sententia D. Thomæ circa necessitatem physicarum præmotionum, sola prolixitas metuenda est: Actum agam si velim operi huic adlaborare, cum præsto sint recentes à Typographo commentarij eorum qui huic officio cumulatè satisfecerunt. Moneo tantum tria.

Primum est. §. Thomam ne nominasse quidem unquam *præmotionem* vel *prædeterminationem physicam*. Ad consequentias tantum ex quibusdam illius principijs lis vniuersa reducitur. In quibus si propius aduertas, inuenies ex indefinito antecedente certum & determinatum deduci consequens. v. g. dicit. S. Thomas. *Causam secundam etiam liberam, non agere nisi motam à prima*. Ergo, inquiunt, *admitti debet specialis motio, superaddita tum productioni, tum conseruationi virtutis actiue, tum eius positioni in omnibus circumstantijs ad agendum requisitis*: nego consequentiam. Item *Ergo debet admitti motio præcua & distincta realiter ab operatione cause secundæ*: iterum nego. Item. *Ergo debet admitti ea motio, qua voluntas creata subjiçitur, itaque impellatur ad agendum vt ab ea minimè pendeat vel quod motio existat, vel quod sit infallibiliter efficax*. Rursus nego. Item *Ergo debet admitti ea motio qua talis ac tanta inuehatur agendi necessitas, vt sit impossibile voluntati efficere: vt cum ea simul existat non agere*. Semper nego. Atque harum & similium illationum vt probetur non dico necessitas, sed vel saltem veri-similitudo, & iam pridem expectatur, & olim etiam expectabitur.

Secundum est, multa esse. S. Thomæ placita quæ necesse sit in contraria sententia, vel eludi, vel sperni, vel rejici. Et primò S. Thomas 1. p. quæst. 14. art. 13. ad secundum, dicit, idèò necessarium esse vt si Deus aliquid sciuit futurum, illud sit, *quia omne quod est, quando est, necesse est esse*: quod est S. Thomam credere illam necessitatem oriri tantum ex suppositione consequente rei existentiam, siue vt idem loquitur in suis ad Boëtium com-

mentarijs, esse necessitatem *quam faciat ipsa rei presentia* è contrario, prædeterminantes dicunt eam necessitatem sequi ex suppositione antecedenti rei existentiam, scilicet ex prædeterminatione.

Secundò. ibid. quæst. 19. art. 8. concludit S. Thomas diuinam voluntatem quibusdam volitis imponere necessitatem, *non autem omnibus, videlicet ijs quæ procedunt à causis secundis liberis*. Atqui necessitas imponitur à Deo etiam hisce causis, si est vlla prædeterminatio. Nec satisfacit quod respondent, hanc esse necessitatem *ex suppositione*, non autem *absolutam*. Vel enim intelligunt suppositionem antecedentem & pendentem à Deo, vel consequentem & pendentem à libertate causæ secundæ: Si primum, eadem est ratio necessitatis impositæ causis necessarijs, & causis liberis. quæ enim imponitur causis necessarijs pendet ex suppositione diuinæ voluntatis: si secundum, ergo iuxta S. Thomam diuina voluntas non determinat antecedenter ad omnem vsum libertatis. Eodem modo rejicitur quod alij respondent, necessitatem impositam voluntati per prædeterminationem esse tantum *conditionatam*. Quia vel intelligunt conditionem à voluntate pendentem, vel à Deo tantum: si primum, ergo vsum libertatis aliquis est prior prædeterminationis existentia; si secundum, ergo similis est hæc necessitas illi quæ imponitur naturalibus causis, debetque respectu voluntatis vocari *absoluta* potius quam *conditionata*. Alij dicunt hanc esse tantum *necessitatem infallibilitatis*, ideóque non obesse libertati. Quod perinde est ac si dicerent esse viridem & non coccineam, & ideó compati libertatem. Quid enim hæc iuuant si est & insuperabilis & independens à voluntate? Alij dicunt hanc esse necessitatem quæ impellit voluntatem ad agendum conformiter ad suam naturam, hoc est ad agendum liberè. Quòd est, esse necessitatem quæ impellit ad agendum sine impulsu necessitatis, quod implicat.

Tertiò. S. Thomas 1. p. quæst. 42. art. 2. docet. In „ voluntarijs agentibus effectum esse posteriorem suo prin- „ cipio: non quòd illi aliquid desit ad agendum necessa-

rium : neque quòd effectus sit successivus : sed propter electionem : quia ut eligit effectum , ita & tempus in quo illum ponat. At non eo modo generari verbum à Patre. In contraria sententia manifestum est, effectum agentis voluntarij numquam suspendi , ac proinde numquam tali agente posteriorem esse effectum , quin desit prædeterminationis : & consequenter quin desit aliquid necessarium ad ponendum huiusmodi effectum , contra S. Thomam. Item, cum id, non agere , non possit componi cum eo quod est, agens esse prædeterminatum , fieri non potest ut ista duo non sint semper simul tempore , agens voluntarium esse prædeterminatum ad agendum , & existere illius effectum : cum tamen S. Thomas dicat fieri posse ut effectus sit posterior tempore. Atque hinc sequitur aliud quod est valde notatu dignum. Scilicet , cum S. Thomas tanquam propriam agentis voluntarij , hoc est liberi , differentiam hanc proponat. Quòd tamen si nihil desit necessarium ad agendum , possit tamen esse prius tempore quam effectus ; si quis illud agens ita definiat, Agens liberum est quod etsi habeat omnia quæ requiruntur ad agendum potest nihilominus agere vel non agere, sequitur inquam, asserere illum ipsissimam S. Thomæ definitionem. In quo autem differt hæc alia, Agens liberum est quod positis omnibus ad agendum necessarijs potest agere & non agere , quam iste Auditor ludibrio habet , omniumque possibilium pessimam prope vocat ? Quartò. S. Doctor primâ secundæ quæst. 10. art. 4. sic loquitur, Quia voluntas est actuum principium, non determinatum ad unum, sed indifferenter se habens ad multa ; sic Deus ipsam movet quòd non ex necessitate ad unum determinat : sed remanet motus eius contingens , & non necessarius. Age , numquid in contraria sententia Deus ita movet voluntatem ut etiam determinet ? Numquid implicat eam determinari ad utrumque oppositorum ? ac proinde numquid ad unum tantum determinat ? Numquid & tantâ necessitate determinat ad illud unum , ut sit impossibile voluntati componere cum illa necessitate alterum ? Numquid ex suppositione prædeterminationis, fieri dicitur necessarius voluntatis motus ? quomodo ergo

remanet *contingens*? Et quæ ratio tuendæ auctoritatis S. Thomæ sincerè philosophantibus? Idem in quæst. 3. de poten. art. 7. ad 13 & 2. sent. dist. 25. quæst. 1. ad tertium.

Quintò. 3. con. Gen. cap. 73. docet S. Thomas, *Cum in alijs rebus contingentia oriatur ex imperfectione & defectu: in voluntate tamen provenire ex perfectione & potestate quam habet producendi hunc vel illum effectum.* Sensus est, cum quòd ignis v. g. non semper faciat quod aliquando facit, oriatur ex imperfectione ipsius & aliquo defectu rei necessariæ ad agendum; tamen quòd homo non semper faciat quod aliquando facit, non oriri necessariò ex vllò defectu; sed ex ipsius perfectione & potentia, quam habet ad vtrumlibet. At numquid hoc quoque oritur ex defectu prædeterminationis iuxta contrariam doctrinam?

Sextò. In commentarijs ad lib. primum de interpret. cap. 9. necessitatem illam qua dicitur, *contingens quando est necessariò esse, in hoc tantum principio fundari significat, Impossibile est idem simul esse & non esse.* Atqui est & aliud in quo fundetur, nisi falsa est contraria sententia: nempe, *Impossibile est prædeterminationi ad aliquem effectum coexistere negationem, seu non esse eiusdem effectus.* Hæc & alia id genus plurima occurrunt apud S. Thomam, quæ convincunt illum in hac disputatione stare à nobis totum.

Tertium, quod moneo est, S. Thomam à defensore præmotionum fide parùm sincera citatum esse. Et primò, cap. 6. num. 2. abutitur ea propositione quæ dictum est; 1. p. quæst. 82. art. 1. *necessitatem naturalem non auferre libertatem.* Adducitur enim in eum finem, vt neque Beati negentur esse in amando liberi, quantumvis suspendere non possint exercitium amoris, neque viatores, etiamsi eadem impotentiâ laborent vt ipse putat. At verò quod dictum est à S. Thoma *potest bene & malè intelligi*, vt loquitur Caietanus in eum locum: malè, si sensus sit necessitatem exercitij non auferre libertatem: bene, si hoc intelligatur de necessitate specificationis, Atque ita nihil inde

inde sequitur, vel pro libertate Beatorum in amando Deo: vel pro libertate viatorum, nisi necessitas amoris continuo exercendi reijciatur.

Secundò. Ib. num. 5. deprauatur alius locus S. Thomæ ex 1. 2. quæst. 13. ar. ad secundum ubi dicit, Principia ex quibus deducuntur conclusiones circa contingentia quæ à nobis fieri possunt, non esse necessaria absolute, sed solum *ex conditione, ut si currit mouetur*, quæ est necessitas consequens. Et ideo censet electionem esse liberam, quia etiam tum cum vnicum medium eligibile occurrit, principium ex quo necessario sequitur illud eligendum esse, necessarium est illâ tantum necessitate. Nempe vult S. Thomas ex suppositione tantum quod intendatur aliquis finis, esse necessarium eligere hoc medium quod vnicum est: & quia liberum est finem intendere, non esse proinde necessarium eligere hoc medium, nisi necessitate consequente usum libertatis. Hæc est germana S. Thomæ verissimaque sententia: quam Auctor iste absque alia vlla ratione, sed quia ita placet & commodum est, sic interpretatur ut dicat, principium illud *conditionate* tantum necessarium, ex quo electio necessario deducitur, hoc esse, *Quod Deus decreuit facere, necesse est. Quod principium*, inquit, *necessarium tantum est ex suppositione diuinæ ordinationis*. Vbi vides id quod dictum est à S. Thoma de necessitate dependente à libertate nostra, transferri ad eam necessitatem quæ dependet à solo Deo: & suppositionem consequentem, ut, *si currit mouetur*, in antecedentem mutari, *si Deus hoc decreuit necesse est facere*.

Tertiò, cap. nono num. 7. D. Thomæ tribuitur quòd *expresse* docuerit, *conuersionem nostram fieri à Deo in nobis sine nobis*. Iam monstrauimus contrarium à D. Thoma *expresse* doceri vel illo ipso loco, qui designatur ab Adversario.

Quartò. Cap. 16. num. 3. Deus, *inquit*, vult nobis bonum simpliciter quod est ipse: inde nascitur in nobis, desiderium Dei, tamquam impressio à primo volente, ut, habet S. Doctor 1. p. q. 103. art. 3. & 3. con. gen. cap. 67.,

CCCC

Iste Auctor suas cogitationes vbique legit. Illius *desiderij*
Dei apud S. Thomam nulla vsquam mentio.

Quintò Cap. 17. num. 2. ait S. Thomam 3. con. gent.
 „ cap. 66. in quarto argumento, distinguere complemen-
 „ tum virtutis à virtute agentis secundi & innuere creatu-
 „ ram tum accipere complementum virtutis, quando agit
 „ in virtute agentis primi. Ne apex quidem est apud S.
 Thomam, quo id *innuitur*. Item num. 3. affirmat S. Tho-
 mam docere ibidem *causas 1. non ponere suos effectus in esse,*
nisi ut ad id determinantur & moventur à Deo. Iterum fal-
 sò. Nullum verbum ea de re. Imò ratione tertia dicit
 causas secundas esse *determinantes & particulantes* actionem
 primi agentis.

Sexto. Eodem capite 17. num. 6. Postquam retulit sententiam S. Thomæ 3. con. gen. cap. 88. Vbi dicit Voluntatem nostram nonnisi ab eo qui condidit moueri, posse efficienter sine violentia; *Subdit*. Vnde sequitur, si ego qua ego me moueam; motum illum fore aliquantisper violentum. Sed hoc est palam abuti testimonio S. Thomæ; qui eò loci excludit tantum à motu voluntatis agentia extrinseca omnia præter Deum: vt constat vel ex ipso capitis argumento, quod est huiusmodi, Quod substantiæ separatæ creatæ non possunt esse causa directæ electionum voluntatum nostrarum. Quod ergo à D. Thoma concluditur, *Deum solum, ex omnibus causis extrinsecis, causare posse nostras electiones sine violentia*, perinde proponit iste Auctor, quasi comprehenderetur inter illas causas *quæ non possunt causare sine violentia*, ipsa quoque voluntas; vel ipse homo cuius est voluntas. Peruersè admodum. Vt verò tegat hunc dolum, Platonem de more vocat in subsidium: & affert illud, *hominem in Deo spectatum esse ipsummet ipsum*; in se autem, esse ipsum alterum. Verum hæc & id genus alia Platoniorum oculiferia, idonea quidem sunt suspendendis imperitorum animis, at non erudiendis.

Septimò. Cap. 19. num. 1. vt probet præmotionis necessitatem, argumentationem ponit quam esse dicit *scilicet* Thomæ de creat. quæst. 3. art. 7. Huius autem

argumentationis maior propositio est, Nullum agens „
constituere posse suum effectum in certa specie, nisi PRÆ- „
MOTVM à causa quæ respicit totam speciem: neque in „
certa ratione entis, nisi PRÆVENTVM & PRÆMOTVM à „
causa quæ est fons & origo totius entis. „
Sed apertum est apud S. Thomam nullam fieri mentio-
nem *præuentionis aut præmotionis*.

Octauò. Cap. 21. num. 1. D. Thomam de malo quæst. 3.
art. 2. dicere ait Motionem causæ liberæ & rationalis, „
quæ vocatur præmotio, quæque anteuertit deliberatio- „
nem nostram: neque sequitur determinationem volun- „
tatis, sed antecedit & infert illam; inæqualiter recipi pro „
inæquali dispositione causæ secundæ. Hoc verò falsum „
est, nullum enim est signum quòd de illa motione lo-
quatur S. Thomas, *quæ vocatur præmotio quæque anteuertit*, &c. Quinimò significat potius se loqui de motione
identificata motioni qua ipsa etiam causa secunda mouet
se. Primò Quia comparat illam cum motu qui à cælo
causatur in corporibus animatis quæ se ipsa quoque mo-
uent. Secundò. Quia subicit post illam comparisonem,
Sic ergo dicendum, quod cum Deus sit primum princi- „
pium motionis omnium; quædam sic mouentur ab ipso, „
quòd etiam ipsa seipsa mouent, sicut quæ habent liberum „
arbitrium. Nota, *sic mouentur quod etiam ipsa seipsa mouent*.
Hoc enim est, sic mouentur, quod Deus non est totale
& adæquatum motionis principium per exclusionem
cooperationis ipsorum. Mitto alia pleraque. Ex his enim
fatis patet non esse metuendum vt hic Auctor laboret
probationum penuria; cum constet testimonia quæ
suam opinionem confirmet; facile apud optimos quos-
que Auctores aut inuenire illum, aut facere.

§. V. THOMISTÆ.

POST S. Thomam sibi quoque blanditur iste Au-
ctor de suffragio vt ipse putat *omnium eius discipulo-*
rum. Capite 36. num. 3. Neque dubium est quin tantæ ac
tam eruditæ familiæ communia suffragia plurimum &

fiant & fieri debeant. Mihi tamen persuasum est inanem esse illius spem, neque ullam hinc approbationem expectari posse. Primò. Quia iam ita significatum est ab aliquibus Thomistis & quidem physicarum præmotionum amantibus; quibus noua hæc philosophandi ratio tota displicet. Secundò. Quia quamuis in speciem videatur illis gratificari assumpto præmotionum patrocinio; re tamen ipsa beneficij sui gratiam corrumpit, dum quæstionem vnïuersam ad propria quædam principia reuocat, itaque tacito iudicio significat, hætenus ignorasse Thomistas, quæ tandem esset legitima ratio conciliandæ libertatis cum diuinis motionibus. Ecquando impetrabit vt schola illa pateat hisce pronuntiatis? Amplitudinem esse veluti proprium libertatis characterem; neque aliud impedire quo minus liberi simus, quam quod impedit ne versemur summa in amplitudine: Non aliam esse prædeterminationem causæ liberæ quàm intentionem finis: Ad intentionem huiusmodi, voluntatem nonnisi passiuè se habere: Hanc præmotionem interdum esse inefficacem: Esse interdum æqualem quoad entitatem in ijs duobus quorum alter consentit alter non consentit: Prædeterminationem propriè sumptam distingui à præmotione: Eandem absumere aliquando potentiam non consentiendi, saluâ libertate arbitrij: In explicanda huiusmodi libertate satis esse, si pro illo quidem tempore quo aliquid est in ordine finis, sit potentia illud prosequendi, & pro alio tantùm tempore quo idem erit extra ordinem illum, sit potentia respuendi: Post diem iudicij nullam fore in beatis libertatem exercitij: Nos non esse propriè dominos actuum nostrorum sed obiectorum potius: quare quorum obiectorum non habemus dominium; nec habere nos dominium actuum quibus illa attinguntur: non subesse igitur dominio libertatis amorem Dei; quippe neque ipsum Deum: Materiale peccati esse motus primos concupiscentiæ, vindictæ & similes, non autem actum qui malus est: alia id genus sexcenta sparsim habentur? Quando inquam obtinebit vt ita philosophantem *discipuli omnes* S. Thomæ admittant? Tertiò. Qui



fieri potest vt huius Doctoris opinionem Thomistæ omnes approbent; cum ne ipsorum quidem *omnium* opinio vna sit? Antiquiores enim ea sensisse ac docuisse, quæ stare non possunt cum physicis prædeterminationibus, probatu facile est. Certè Dominicus Bannes ad quæst. 19. art. 9. ex prima par. dissimulare non potest animi sui dolorem, cum videt Cardinalem Caietanum Thomistarum facile principem repudiare illas ad art. 8. eius quæst. Est enim clarissima illius sententia id quod dicitur, causam secundam moueri à prima, intelligendum, NON DE MOTIONE PRÆUIA, sed de motionè intrinsecè cooperatiua, propriæ actioni. Et sensum esse puerilem, si quis putet, esse aliquam durationem naturæ, in cuius primo instanti, causa prima respiciat effectum, & in secundo causa secunda: Quod ergo dicitur causam primam prius agere interpretandum QUOD INDEPENDENTIAM, ET INTIMITATEM tantum. Quid apertius dici potuit contra phisicas præmotiones? Similia leguntur apud Capreolum, Conradum, Soncinnatem & alios. Dominicum Soto repugnauisse prædeterminantibus in Concilio Tridentino, refert historia Concilij lib. 2. Cuius Auctor quamuis luxata sit fide, qui tamen hominem norunt, numquam adducentur vt credant illum à Iesuitis inire gratiam voluisse. Dominicus Bannes & Didacus Aluares acriter pugnant pro prædeterminationibus: nec quisquam maiore animo forbuit difficultates omnes quæ illam doctrinam consequuntur. Sed horum austeritas alijs displicuit eiusdem Scholæ Theologis, qui probare non possunt quod ab ijs dictum est circa prædefinitionem & prædeterminationem malorum actuum. Ita Gonzales 1. p. disp. 59. sect. 2. vbi significat in eo sibi minus probari *Reuerendissimum Aluarem* & Nazarius ib. quæst. 22. art. 4. controu. 3. eos qui sic philosophantur sibi videri dicit *minus dignè de Deo sentire*. Et superioribus annis cum hæc quæstio ageretur Tolosæ in generalibus comitijs ordinis S. Dominici, obtendereturque Bannesij & Didaci auctoritas pro prædeterminatione ad actus malos; significatum est ab ijs qui positiones ea de re propugnabant,

opinionem illam non videri huic tempori consentaneam. Rursus cum alij passim doceant, necessariam esse præmotionem illam bonis saltem actibus exercendis; Blasius Verdun in relect. de Aux. concl. 12. probabilius putat opus moraliter bonum ordinis naturalis fieri posse sine præuia determinatione speciali: sed satis esse generalem concursum simultaneum: itaque sensisse magistrum suum. Denique Thomistæ quidam Salmanticenses quos impugnat Gonzales loc. cit. disp. 58. sect. 2. & disp. 75. sect. 3. negant prædeterminationem ad actus supernaturales ita esse antecedentem, vt omnino sit independens à libertate, prout hætenus fuerat creditum: sed putant consensum voluntatis sic esse cum illa comparandum, quomodo in eadem Schola comparatur actus contritionis cum habitu gratiæ dum quis iustificatur à peccato extra Sacramentum. Addo nostra memoria propugnatas Auenione theses quibus negabantur physiciæ præmotiones causarum liberarum: idque coram Prouinciali & Inquisitore fidei atque ipso totius Prouinciæ Capitulo.

Quæ cum ita sint, ego non video quò spectet huiusce Theologi votum illud quod est in Epistola ad summum Pontificem, *vt eo Preside ac Magistro Ecclesiæ, veritas hæc dilucescat*. Nam si doctrinam suam sanciri cupit auctoritate Pontificia, rem magnam postulat: cum sit necessarium eodem fulmine peti & Thomistas & Iesuitas, & omnes Ecclesiæ Catholicæ scholas alterutri parti iam addictas. Sin autem optat ferri sententiam in gratiam Thomistarum sibi male precatur: cum ob diuersitatem sententiarum, approbatio illorum, ipsius condemnatio futura sit. Adde liquere iam ex dictis, nihil in hac controuersia definiri posse pro præmotionibus, quo non etiam Thomistarum aliqui feriantur.

§. VI. SORBONICI.

„**D**ENIQUE in præfatione lib. 1. de consensu scholæ Parisiensis gloriatur. In ea enim plurimos etiam-

num modo acerrimos eiusdem doctrinæ vindices se præbere; vt proinde ad hanc litem dirimendam nequaquam necesse sit Academia huius limitibus egredi. Ibi albescere veritatem, ibi iucundissimum eius splendorem illucescere. Quæ si Constantinopoli scriberentur aut Alexandria Ægypti, tolerari utcunque potuissent: nunc verò quis ferat edita esse Parisijs, vbi nemo non experitur esse falsa? Nam quod ante aliquot annos scribebat Iosephus à S. Ioseph Cisterciensis, alienos esse à physicis prædeterminationibus Sorbonicos omnes Professores, adedò perseuerat, vt ex illis sex qui quotidie ad Sorbonam docent, nullus eam opinionem approbet: Et anno superiori cum ad pileum Baccalaurei supra quadraginta pararentur, duo tantum inuenti sint, qui causam prædeterminantium susciperent. En vbi albescant præmotiones huic Doctori, vbi iucundissimus earum splendor illucescat. Hinc verò patescit, morbo illum oculorum teneri & quidem periculoso. Quod ex eo etiam liquet, quia cum loco cit. inter Sorbonicos Doctores quorum suffragia prætexit, eos potissimum Magistros commendet, quibus se feliciter usum gloriatur, & rursus cap. 36. num. 3. nominet Philippum Gamachæum splendidissimum Sorbonæ lumen, Præceptorem suum, cui plurimum debeat; perspicuum tamen est, ex operibus huius Doctoris in lucem editis, ipsum quoque prædeterminationibus infensum esse. Neque fieri aliter potuit vt Sorbona sibi constaret, essetque consentiens hodierna pristina. Siquidem olim ea definiuit quæ cum physicis præmotionibus stare nequeunt, vt facile comperiet qui excusserit ea quæ addita sunt ad 4. sent. Est igitur nostra hæc, & propria quædam gloria in hac disputatione, quod Sorbonam sequimur Scholarum cæterarum parentem.

§. VII. S. AVGVSTINVS
ET CONTARENVS.

NIHILO VERTORA sunt quæ iactat S. August. & Cardinalis Contareni suffragia. Et vt ordiar ab

eo qui propior est, non possum satis mirari quomodo huiusce Cardinalis purpura regi putauerit doctrinam suam vniuersam, quem ne nominare quidem vnquam potuit nisi cum probaret *libertatem in Amplitudine suam esse*. Hoc igitur est *stare libertatem exercitij cum necessitate antecedente*? Hoc est, *prædeterminatione facultatis aboliri potentiam dissentiendi libertate illæsa manente*? Hoc est, *ne- farios homines à Deo præueniri vt committant actus qui cælo terraque detestabiles sunt, quatenus actus sunt, & quatenus liberi, & quatenus humani*? Hoc est, *voluntatem efficaci gratia excitatam non posse cum illa coniungere resistentiam suam & dissentium*? Ita sensit, quicumque dixit libertatem sonare *amplitudinem* aliquam? O miram mentis illius *am- plitudinem* in qua res aded absurdæ locum inueniunt!

Restat vt de S. Augustino dicamus aliquid; de cuius auctoritate quæ proloquutus est iste Doctor, si eò spectabant vt commendaretur tanti viri nomen: exigua fuerunt: sin autem vt præsidium quæreretur physicis præmotionibus, inania. Hanc enim doctrinam qui melius callent, quique S. Aug. familiares sunt, numquam adduci poterunt vt eas illi aliquando venisse in mentem suspicentur, ne dormienti quidem. Quamobrem mihi nequaquam probatur opinio quæ insignes aliquot viros obtinuit, D. Augustinum dum Pelagianos & Semipelagianos hæreticos vehementius insectatur, tanto impetu recessisse ab eorum placitis, vt difficile fuerit eius orationem in æquilibrio semper stare: sed videri nonnumquam iniquiorem libero arbitrio. Ita significatur duo maxima superiori sæculo Ecclesiæ Gallicanæ ornamenta, Gilbertus Genebrardus Archiepiscopus Aquisgranensis in Epist. ad Carolum nonum quam editioni Origenis ann. 1574. præfixit, & Claudius de Xaintes Episcopus Ebroicensis in libello Atheismorum Caluini. Ita Ecclesiæ Lusitanæ alterum lumen Hieronymus Osorius Syluensis Episcopus lib. 9. de Iustitia. Ita rursus Italicæ alterum Cornelius Mussus Episcopus Bituntinus in cap. 5. Epist. ad Rom. Ita propugnaculum Germanicæ Albertus ghius lib. 3. de libero Arbitrio. Ita demum Ecclesiæ Romanæ

Romanæ princeps, ordinis S. Dominici decus, & aquila discipulorum S. Thomæ Cardinalis Caietanus ad quæst. 70. primæ p. art. 3. atque hunc fuisse sensum eorum qui suo tempore in *Scholis regnabant Theologicis* docet Erasmus præf. in S. Hilarium: & consentiunt Doctores Parisienses qui adornarunt editionem operum D. Augustini ann. 1571. apud Guillelmum Merlin & Sebastianum Niuellium. Hanc ego, inquam, cogitationem non approbo, neque vtor facultate quam insinuat Cœlestinus Papa in Epist. ad Episcopos Galliæ, discedendi ab Augustino in quibusdam quæstionibus *profundioribus, & difficilioribus*, vt est inquit Baronius an. 431. num. 185. quæstio de prædestinatione, quod in ijs quacumque partem aliquis sequatur, nihil tamen Pelagio concessurus sit, retentâ semper internæ gratiæ necessitate ad omnia salutis opera. Subeo legem à Suare latam to. 1. de Gra. prol. 6. cap. 8. vbi cenlet, Prudenti Theologo amplectendum quid-
quid Augustinus in hac materia tanquam certum & ad
fidei dogmata pertinens affirmarit. Neque permittam
modò, sed petam etiam, vt ex huius S. Patris arbitrio lis tota pendeat. Nempe vbi diuinæ gratiæ interius mouentis necessitatem admiseris ad omnia prorsus opera quæ ad vitam æternam positiuè conducunt; itemque illius quæ dicitur efficax infallibilitatem in eliciendo voluntatis consensu, cognitam ipsi Deo priusquam aliquid statuatur de nobis; nihil erit quod S. Aug. præterea requirat.

Nec aliud quidquam significant testimonia ex illo afferri solita: sed detorquentur arte quadam industriae aduersariorum in argumenta physicarum prædeterminationum: itaque sunt suppositia. Exempla facile peti possunt ex ijs locis ex quibus hic Doctor opinionis suæ fundamenta trahere conatus est: nihil enim aliud inde retulit vnquam, quam quæ iam dixi; vt facile experietur qui cap. 22. & 23. lib. 1. volet excutere diligentius.

Sed non possum non indicare nonnulla in quibus S. August. auctoritas religiosius haberi poterat. Et primò.

DDDDd

Effatum illud quod est in Epist. 89. & per omnes fere
 paginas ab hoc Auctore voluitur; numquam debuit ab
 eo proponi: quòd præter ipsum nemo alius sit qui eius
 veritati repugnet. Ita verò habet. Voluntas libera tan-
 » to liberior, quanto sanior: tanto autem sanior, quan-
 » to diuinæ gratiæ misericordiæque subiectior. Idco au-
 » tem proponitur, vt obtineatur auctore Augustino, nul-
 lam esse necessitatem adhærendi Deo qua libertas voluntatis opprimatur.

At interrogo de qua libertate interpretari velit Augustinum? An de illa quam vocat *status*; an de illa quæ propriè constituit liberum arbitrium? Si primum, nihil ad hanc rem: quia nemo nostrum de eo disputat: sed neque etiam Augustinus, vt pote qui eo loco premit Pelagianos solam arbitrij libertatem opposcentes necessitati diuinæ gratiæ. Si secundum, quare ipse huic testimonio resistit, quando non modò in cælo vbi *subiectissima est diuinæ gratiæ* Beatorum voluntas; sed hîc etiam vbi proximè ad illam *subiectionem* acceditur, per *internam viatorum occupationem circa Deum*, libertatem arbitrij seu contradictionis esse vllam solus negat?

Secundò. Ioco proximum est quod cap. 4. num. 3. infert ex duobus locis S. August. : in quibus vtriusque libertatis, & bonæ qua quis dicitur à peccato liber iustitiæ autem seruus: & malæ, qua liber quis efficitur à iustitia & seruus peccati, argumentum petit à delectatione, quæ tum bonam tum malam operationem comitatur. Ait autem, *hinc elici libertatem animi voluntatisque amplitudine constare*. Optimè id quidem elicitur: & vide quàm sit apta & cohærens ista sequela, *Delectatio est argumentum libertatis: Ergo libertas amplitudine constat*. Eam tamen probât hoc assumpto principio, *Delectationem esse amplitudinis atque immensitatis cuiusdam indicium*: quod principium in brutis quæ maximis interdum delectationibus titillantur, constat esse falsissimum.

Tertiò. Eodem vitio laborat quod ib. num. 4. infert ex lib. 3. de Libero Arb. c. 5. vbi docet Angelos beatos habere libertatem ad vtrumlibet, quos tamen constat

non posse peccare. Infert autem, *Libertatem illam in amplitudine positam esse, in Amplitudine inquam diuine maiestatis.* Quid erit huic Doctōri difficile ad probandum qui talia ex talibus inferat?

Quartò. Quæ referuntur eodem cap. 4. ex lib. de Correp. & Gr. cap. 11. Ex Ench. capite 105. Ex 22. de Ciu. cap. 30. sententiam huius Auctoris impugnant. Quia certissimum est, inibi agi de libertate arbitrij propriè dicta; & asseri mansuram in statu beatitudinis cum impotentia peccandi: Quod hic Theologus negat hoc ipso loco num. 4. Vt verbis vtat Scholasticis, S. Aug. in illis locis censer cum necessitate quoad specificationem, qua excluditur potestas malè agendi, stare libertatem quoad exercitium, quæ includit tantum potentiam suspendendi quemlibet actum bonum: & hoc modo liberum fore putat Beatorum arbitrium; quod negat iste Auctor cum dicit, Indifferentiam agendi & non agendi, seruato, etiam ordine finis, non fore perpetuam vt videre est in, beatis.

Latet etiam alia fraus in vsu horum locorum; quia quod S. Aug. significat, perseveraturam libertatem arbitrij cum immutabilitate status ac necessitate, perinde accipitur, quasi posset perseverare cum immutabilitate ac necessitate singulorum actuum: quod perquam alienum est à mente S. Aug.

Quintò. Capite 8. refertur ea doctrina quam tradit S. Aug. lib. 5. de Ciu. cap. 10. cuius hæc esse videtur genuina prorsus intelligentia, si quis eam paulò diligentius expenderit. Quærit S. Doctor vtrum voluntatibus hominum aliqua dominetur necessitas: & respondet necessitatem esse duplicem. Prima est illa *quæ non est in nostra potestate, & subicit nos etiam retinentes, vt est necessitas moriendi.* Secunda est quæcumque alia *secundum quam dicimus necesse est vt hoc sit vel fiat.* Prima libertatem aufert: Secunda, *non est cur timeamus* inquit, *ne etiam auferat.* Non quòd in vniuersum omnis istiusmodi necessitas libertatem compatiatur, alioqui liber sit appetitus brutorum; sed quòd non omnis ei repugnet, aut talis sit, vt id quod

DDDD ij

ea ratione dicitur necessarium, dicendum quoque sit *subjici necessitati*. Quod duobus exemplis ostendit. Primum petitur à vita & præscientia Dei: quam etsi necessarium sit esse, non idèò tamen *ponitur sub necessitate*. Est igitur hic necessitas sine subiectione: at non continuò sequitur vt sit cum libertate. Secundum exemplum petitur à nostris voluntatibus. Quamvis enim verè dicamus, *necesse est vt cum volumus libero velimus arbitrio*: non idèò ipsum liberum arbitrium necessitati subijcimus, quæ auferat libertatem. Itaque reperitur hîc necessitas, & sine subiectione vt in priori exemplo: & præterea cum libertate. Ex his concludit, necessitate illa quæ oritur ex præscientia futurorum, non adimi libertatem: quippe cum non aliter necessarium sit vt contingat id quod præscitum est futurum; quàm quo modo necessarium est *vt cum volumus libero velimus arbitrio*. Neque enim idèò peccare hominem quia Deus peccaturum præsciuit: *Sed quia non fatum, non fortunam non aliquid aliud*, ex quo sequi possit peccandi necessitas: *sed ipsam peccaturum præsciuit*. Atque hac summa colligitur doctrina quæ toto illo capite traditur.

In qua referenda & interpretanda quinquies peccatum est ab hoc Theologo. Primò. Quia supponit tanquam ex mente S. August. secundam necessitatem in vniuersum omnem, cum libertate coniungi: ac proinde censet liberam esse Dei vitam. Secundò. Quia definit eandem necessitatem vocandam esse necessitatem immutabilitatis. Altera, *inquit*, necessitas est quam non nominat ipse, (*quasi vero nominauerit primam*) nos vocare possumus immutabilitatis. Sed quo auctore, mi Pater, & quo iure? Ego verò intercedo: neque tibi fas esse volo, vt ita voces. Hac igitur arte vtendum fuit, vt tamquam ex Augustino crederetur *necessitas immutabilitatis* aliqua esse, quæ quidem cadat in ipsum actum voluntatis, & tamen stare simul possit cum libertate arbitrij. Tertio. Pergit nihilominus, & ex loco illo hæc recitat: „Deus non idèò minùs liber, imò liberior, si non potest „non præscire omnia & semper viuere. Quæ verba tam

non sunt apud Augustinum quam neque apud Hesiodum. Quartò. Inter actiones quas S. Augustinum significasse dicit liberas esse cum necessitate immutabilitatis, numerat generationem Æterni Filij, quæ ne nominatur quidem in tota illa disputatione. Quintò. Asserit S. Aug. toto illo capite & superiori, docere præscientiam non obstat libertati: præscientiæ autem nomine non intelligi nudam prænotionem; sed & providentiam præscientiâ priorem: nec qualemcumque providentiam; sed eam, Perquam Deus voluntates nostras sibi subicit & inclinat quò vult; ita ut quòd facturæ sunt omnino facturæ sint, nec res aliter evenire queat: quod sonat immutabilitatem, & tamen non adimit libertatem, sed dat potius. Lector Optime, tuam fidem! Satis magnum piaculum fuerat tribuere huiusmodi doctrinam Augustino silenti, quid si etiam contraria pronuntianti? Si de præscientia loqueretur quæ talem providentiam inuoluit, negaret-ne ideo peccare hominem, quia Deus illum peccatum præsciuit? Assereret-ne ideo peccare, quia Deus non præsciuit fatum, non fortunam, non aliquid aliud; sed ipsum peccatum? An non præsciuit aliquid aliud ex quo sequeretur præscientia peccati, si præsciuit providentiam illam suam qua subiceret sibi voluntates nostras & inclinat quò vult, ita ut res aliter evenire nequeat? Iterum peto à te, mi Doctor, num adhuc perstes in ea sententia, censeasque omnino præscientiâ futuri peccati priorem esse providentiam, qua Deus peccantis voluntatem inclinet quò vult? Si quò vult Deus inclinat voluntatem peccantis, ita ut res aliter evenire nequeat, quomodo facies ut peccatum in eius qui commisit potestate fuerit? Si non præscit futurum nisi ad quod prius inclinaverit providentia, quomodo negabis inclinasse ad peccatum quod præsevitum est? Cui autem displicere possint Lutheri & Caluini blasphemix, Si hæc illi doctrina placuerit?

Sextò. Cap. 30. num. 5. & 6. Negat, S. Aug. 12. de Ciu. cap. 6. Vbi quærit unde fiat ut ex duobus hominibus æqualiter tentatis, æqualiterque adiutis à Deo ad resistendum.

DDD d d iij,

tentationi, vnus consentiat alter non consentiat, soluere
 integram quæstionem, aut etiam proponere: quærere
 quidem causam cur vnus succumbat eamque reddere,
 dum ait illum vinci quia voluit deficere à castitate; Sed,
 „ *inquit*, causam quòd iste noluerit deficere non explicat
 „ hoc loco, vbi id non agebat; sed causam mali sciscitaba-
 „ tur. Videamus ergo vtrum S. Aug. *sciscitetur* tantum cau-
 „ sam mali. Et i. quidem occurrit capitis argumentum ini-
 „ tio inscriptum in hunc modum. Quæ causa sit beatitudi-
 „ nis Angelorum beatorum: & quæ causa sit miseræ Ange-
 „ lorum malorum. En vt causam mali tantum sciscitatur. 2.
 „ Propositis duobus illis æqualiter affectis, adiutis, tentatis,
 „ *Quid, inquit, putamus esse cause vt in illo fiat, IN ILLO NON*
 „ *FIAT voluntas mala:* quod est, *sciscitari causam boni.* Quæ-
 „ stionem autem soluit omnibus pensatis in hunc modum.
 „ *Quid aliud apparet quàm vnum voluisse.* (Aduersarius sistere
 hic vellet Augustinum, sed pergit) *alterum noluisse à casti-*
 „ *tate deficere?* Quibus verbis clarissimè docet tum illus
 lapsus, tum istius perseverantiam in castitate, adscri-
 bendam esse libero arbitrio; non tamen ita vt in eo quo-
 que non sint potiores partes diuinæ gratiæ. Sed huius-
 modi quodam artificio vtendum fuit; ne foret necessa-
 rium confiteri physicam prædeterminationem incogni-
 tam fuisse S: Augustino: quando posuit *æqualiter adiutos*
 esse, tum illum qui deficit: tum illum qui perseverat.

§. VIII. ADVERSARIJ.

IN PROPONENDIS opinionibus eorum qui physicas
 præmotiones amoluntur, eodem fidei tenore proce-
 dit is qui tuendas suscepit, quo in afferendis Auctorum
 suorum testimonijs.

Et primò, quæ ipsi sequi videntur ex eorum principijs
 absurda, pro concessis more quodam sumere solet. Ac
 tum demum zelo veritatis inflammatus, instat oportu-
 nè, importunè, arguit, obsecrat, increpat; quæcumque
 denique sunt Apostoli vota & munia Episcopi In præf.
 lib. 1. *Confictam à nobis dicit eam libertatem, quæ Deo*

propemodùm aduerfetur , quafi iugum eius indignata. » Eam quæ cum gratiâ non conueniat ? Eam , quæ fine » peccato intelligi vix queat : Eam , quâ Christum vt liber » fit minus fubiectum eſſe Patri oporteat : Tenuem & ma- » cilentam : Ieiunam & euanidam poteſtatem ad ea quæ » Dei ordine non continentur , prout fors tulerit , excur- » rendi : Eam demum quæ vbi ad Deum per gloriam re- » ducitur , euaneſcat & nulla fit. *Tum verò* , Obſtupui pro- » fectò homines ſapientiſſimos & doctiſſimos tam magni- » ficè tamque diligenter NIHIL dixiſſe &c. Vide quid » ſimile cap. 1. num 5. Vbi etiam hortatur ad virtutem. » Audiant , *inquit* , ac cum profundiffima ſui demiffione » auſultent eum qui vnus eſt Magiſter noſter Chriſtum &c. »

Item capite 18. Vbi de ſcientia media , num. 7. Precor , *inquit* , attendant , ſe perinde de homine finitæ ac limi- » tatæ virtutis ita de Deo loqui. Item capite 23. Vbi de » ſcientia media iterum. Atque hoc loco expedit omnia » rhetorum tela in eos qui Deum vti putant eâ ſcientiâ » in gubernandis hominibus. Qui eſtis vos , *inquit* , qui iu- » dicatis Deum ? Limites illi ponitis quos præterire ne- » queat ? Cui ſimilem feciſtis altiffimum aut cui adæqua- » ſtis eum ? &c. *Item capite vltimo num. 4.* Nec latere eos » potuit in ſuâ ſententiâ gratiam ad quam potiſſimùm at- » tendendum fuerat ſupponi naturæ non præponi non » mediocri creatoris iniuriâ &c. *Et deinde num. 6. Quid »* abſurdius quàm gratiam quia nos ſubjicit Deo , libertati oppo- » ni ; ideoque ſi libertatem conſeruare vt fas eſt velimus ; gratiæ » quod neſus , obſiſtendum eſſe ? *Quid magis paradoxum quàm* » libertatem ſolam interire noſtro ad Deum reſſu , & nullam » Beatis in cælo libertatem ſuperſeſſe ? *Quid magis ridiculum* » quàm libertatem eſſe ſolam ad actus futuros quandiu futuri ſunt , » & nos quando liberè agimus omnis eſſe libertatis exortes ? *Quid* » magis intolerandum quàm Deum bona illa opera quæ præcipit » aut conſulit , ſuadere quidem poſſe : dare autem reuera non poſſe ? » Suſor eſt & ordinator & remunerator bonorum operum : at ſi » hos Doctores ſequimur , nec auctor eſt , nec eſſe poteſt. Pater » mi , videris mihi creare monſtra , vt poſſis Herculem » agere. Errores illos qui à te deducuntur , ex eâ doctrinâ

quam impugnas esse connexos, nec admifere aliquando qui eam defendunt: neque tu vnquam probaueris. Concitari autem in peccata fortasse numquam futura cum tot obſideare præſentibus, riſu an commiſeratione dignius eſt?

SECUNDO ſpeciatiim queritur ex deſcriptione liberi arbitrij quam ait traditam eſſe à S. Thoma l. p. quæſt. 62. art. 8. ad tertium, elifas eſſe particulas illas, *ſeruato ordine finis*, nempe dum dicunt abſolutè, *Liberum arbitrium eſſe potentiam agendi & non agendi*: vel *Libertatem arbitrij ſitam eſſe in indifferentia ad agendum & non agendum*. Vult enim vtrobique addi, *ſeruato ordine finis* Et » miror, inquit, cap. 12. num. 1. recentiores iſtud vel non » obſeruaffe, vel ſi obſeruauerint adeò parum curaffe: quin. » imò particulam illam à deſinitione liberi arbitrij, tam » ſtudioſè abſtuliffe. Et capite 1. num. 5. Non poſſum ſatis » mirari recentiores quosdam tam ægrè ferre in deſcrip- » tione libertatis noſtræ, ſubiectionem illam ad Deum & » quibuſcumque poſſunt artibus ſubmouere illam. Hinc illi queſtus, libertatem induci à nobis quæ Deo prope- » modum aduerſetur, indignata iugum illius: Quæ Dei » dominium ferre nequeat: Quæ conſeruari non poſſit niſi » reſiſtat diuinæ gratiæ &c. Difficile eſt recensere quam » multa hic Theologus peccet in hac ſua obſeruatione critica.

Et primò. Statuit veluti neceſſarium fundamentum, liberi arbitrij deſcriptionem à recentioribus vſurpari ſolitam, ex D. Thoma eſſe deſumptam. Cuius rei nullam habet coniecturam. Quidni enim ex Ariſtotele 3. Eth. cap. 5. & 9. Met. tex. 10. Vbi abſolutè ſignificat *Libertatem eſſe poteſtatem agendi & non agendi*? Quidni ex D. Damasceno » 2. de fide capite 16. vbi definit. Ea in nobis eſſe quorum » ſumus liberam adepti poteſtatem facere & non facere, » vt mentiri & non mentiri: gaudere in quibus par eſt & » non gaudere: ſimiliter & in quibus minimè decet? Hæc enim exempla inter alia ſubjicit, itaque limitationem tollit de ſeruando ordine finis. Quidni ex Theologorum magiſtro

Magistro 1. sent. dist. 24. Vbi tradit definitionem libertatis similiter illimitatam dum ait, *Liberum arbitrium dici liberum quantum ad voluntatem quæ ad utrumlibet fieri potest*? Mitto utrumque S. Thomæ magistrum Albertum Magnum. 2. p. quæst. 91. memb. 1. & Alexandrum Alensem. 1. p. quæst. 26. memb. 4. art. 3. Mitto eiusdem condiscipulum D. Bonaventuram 2. sent. dist. 25. quæst. 3. aliosque innumeros qui liberam exhibent libertatis definitionem ab illa restrictione, *seruato ordine finis*: & quæro ab isto Theologo, quare id quod prostabat apud tam multos; ex vna S. Thomæ officina sumpsisse nos iubeat?

Secundò. Sumenda fuerit ex D. Tho. libertatis descriptio: at quare potius ex loco iam designato vbi hoc non agitur, cum sit quæstio tantum, utrum Angelus Beatus peccare possit; quam ex quæst. 6. de malo, quæ est de *Electione humana*: vbi in corpore art. nudè pronuntiat *voluntatem indeterminatè se habere ad multa*; & *ut talè à Deo moueri non ex necessitate*? Hoc enim dicere est absolute *Libertatem esse potentiam ad utrumlibet scilicet agere vel non agere*. Quare potius quam ex quæst. 83. 1. p. quæ est de lib. Arb. vbi Art. 1. Libertatem hominis in eo ponit. *Quod homo ex proprio cognoscendi modo, circa particularia operabilia sit potens in diuersa ferri*? Aut ex art. 2. Vbi præcisè docet, *Liberum arbitrium indifferenter se habere ad bonè vel malè eligendum*? Aut ex 3. Vbi pariter in eo tantum ponit libertatem arbitrij, *Quod possimus vnum recipere alio recusato*? Quare potius quam ex prima secundæ quæst. 13. art. 6. cui titulus est *Utrum homo ex necessitate eligat an liberè*? Et respondet *hominem non eligere ex necessitate*, rationem autem esse, *Quia possibile illi est eligere vel non eligere*; esse autem hoc possibile eo quod homo possit velle & non velle, agere & non agere, velle etiam hoc aut illud? Quare inquam, putat hic Doctor Libertatis definitionem in vno illo angulo articuli 8. quæst. sexagesimæ secundæ, primæ par. quæ est tantum de perfectione Angelorum in esse gratiæ & gloriæ, tanquam in scrinio quodam esse reconditam, potius quam expli-

E E E e

catam in alijs in quibus de hac ipsa re instituebatur quaestio; vt prauaricatio quædam sit particulas illas, *seruato ordine finis*, semel tantum adhibitos à D. Thoma, centies omittas, non adhibere semper? An est æquum obiurgari eos qui malunt exemplum petere philosophandi ex eo quod sæpe factitarum à S. Doctore comperitur, quàm ex eo quod semel ab illo vsurpatum est, idque in loco non suo?

Tertiò. Sed esto. Demus ex loco illo solo eruendam fuisse rationem libertatis. At, cur potius ex solutione tertij, quàm ex solutione secundi? Labet enim alterum cum altero locum conferre. Ad secundum ita loquitur. Virtutes rationales se habent ad opposita in illis ad quæ non ordinantur naturaliter. *Sensus est vt constat ex corpore art.* Virtutes rationales possunt elicere oppositos actus circa quodcumque obiectum exceptis Deo, elare viso & communi ratione boni. *Ad tertium.* Quòd liberum arbitrium diuersa eligere possit, *seruato ordine finis*, hoc pertinet ad perfectionem libertatis: sed quòd eligat aliquid diuertendo ab ordine finis, hoc pertinet ad defectum libertatis. Hic, inquis, definitur libertas arbitrij: imò, inquam, illic. Et vide ne maius sit mihi ius ita sentiendi. Definitiones enim sunt rerum vniuersarum, quæ præcisæ sunt à quolibet statu particulari, ac proinde tum à perfectione tum à defectu qui exinde nascitur: nec quisquam existimaret definitam esse naturam animalis ab eo qui diceret, *Quòd animal vti possit quinque sensibus*, hoc pertinet ad eius perfectionem: sed quòd viatur tantum duobus, hoc pertinet ad defectum. Non est ergo definita libertas vbi dictum est, *pertinere ad eius perfectionem quòd non possit diuerrere ab ordine finis*, vt in beatis, *ad defectum vtrò quòd possit*, vt in viatoribus. Nempe libertas ad statum beatitudinis prouecta perfectissima est; citrà illum statum minùs perfecta. Quo igitur pacto illam defines prout est vtrique statui communis? Certè ita vt in eius ratione non sumatur vel illa perfectio quæ contingit ipsi coniunctæ cum beatitudine, vel ille defectus qui sequitur separatam. Hoc autem dico factum esse potius in

soluzione secundi quàm tertij, vt constat.

Quartò. Hic Auctor non negat liberum arbitrium in Deo esse: fateretur etiam tunc non esse limitatam illius potentiam conditione illa *seruato ordine finis*. cap. 1. num. 5. & alias sapè. Denique significat agnoscere se communem quandam rationem libertatis, quæ tum Deo tum creaturis conueniat. cap. 6. num. 11. & cap. 7. num. 4. & 5. Definiat ergo quæ tandem sit notio liberi arbitrij creato & increato communis: & cùm se in omnes partes verterit, nihil occurreret nisi, *Liberum arbitrium esse potentiam agendi & non agendi præcisè*. Nam si adderet, *seruato ordine finis*, non conueniret Deo vt ipsemet concedit: si diceret esse potentiam *absolutam* ab omni subordinatione, non conueniret creaturæ. Vnde igitur didicit recentiores qui libertatem arbitrij definiunt, non definire communem illam? Et quare carpit quod ipse imitari cogitur?

Quintò. Dum quosdam recentiores reos facit deprauatæ descriptionis Liberi arbitrij, bis fallitur. 1. Quia quosdam tantùm accusat, cum omnes debeat. 2. Quia recentiores solùm, cùm antiquiores quoque in eodem sint crimine. Nego enim penes ipsum esse, vel vno exemplo probare Arbitrij Libertatem in vniuersum seu medijs seu infimis temporibus ita expositam esse, vt fieret mentio de *seruando finis ordine*. Quâ sententiâ cum comprehendantur etiam discipuli atque interpretes D. Thomæ manifestum est à nemine creditum, descriptionem libertatis assignatam esse loco illo qui est designatus ab hoc Auctore. Intempestiuam igitur criticam exercuit in recentiores, & veluti exiniam obseruationem protulit illam, quam solus cæterorum omnium contemptus facit singularem.

Sextò. Dum commentitium illud crimen recentiorum admissum esse interpretatur in contemptum diuini dominij ac supremæ potestatis, quasi libertatem adamauerint Deo *propemodùm aduersantum, iugum eius indignatam principio & fini non obnoxiam*, &c. Dum inquam patitur se huiusmodi suspicionibus infestari, latissimè aberrat.

Nemo illorum quos petit hæc calumnia dubitavit aliquando, quin præceptum & obligatio standi semper intra ordinem finis perpetua sit. Sed putant cum necessitate præcepti quæ tantum *moralis* est, coniunctam esse in viatoribus potentiam physicam transgrediendi: esse autem tum libertatem tum meritum in eo *qui potuit transgredi & non est transgressus*, vel ipso Auctore Deo. In beatis vtraique necessitatem agnoscunt non diuertendi ab ordine finis: sed simul fieri putant ut singuli eorum actus, vno aut altero tantum excepto, ita exerceantur, ut neutra illarum necessitatum impediatur quo minus suspendi possint, itaque dicunt esse liberos. Atque hoc est quod S. Thom. expressit 1. p. quæst. 19. art. 10. cum dicit.

„ Impossibile est quod Deus velit malum culpæ: & tamen
 „ ad opposita se habet, in quantum potest velle hoc esse
 „ vel non esse sicut & nos non peccando possumus velle
 „ sedere, & non sedere. Vides ut agnoscit cum necessitate
 „ omnimoda non peccandi, libertatem faciendi hoc vel
 „ illud? hoc ipsum sentiunt illi quos hic Auctor laudat capite 33. lib. 1. num. 13. Rectissima igitur doctrina, eaque communissima, sed non satis animo comprehensa, causam omnem præbuit iniquæ suspicioni.

TERTIO. In ea quæst. quæ tractatur capite 13. Vtrum detur actus indifferens in indiuiduo, 1. Recentioribus tantum attribuit affirmantem opinionem. Atqui eadem etiam est S. Bonauenturæ & Scoti, quos iste Auctor se & secuturum promittit & sequutum iactat. Est etiam Okami, Gabriëlis, Almaini, Angesti & aliorum complurium, ut sciunt ij quibus illi Auctores familiares sunt.

Secundò. Vtitur verborum ambitu quodam sicuti
 „ esset impietatem aliquam annuntiaturus. Recentiores,
 „ *inquit*, nonnulli, SAPIENTIAM ET PIETATEM PROFESSI,
 „ doctrinam hanc D. Thomæ & ex ipsis sapientiæ fontibus
 „ liquidissimè manantem, ET PIETATI adeò mirificè consentientem, impacto isto ariete, SED VERE STRAMINEO
 „ labefactare sibi videntur, &c. *Et mox*, Tantine vero est

argumentatio ista, vt propterea VENERANDA D. THOMÆ DOCTRINA DESERI debuerit? Tantine vero est, mi Pater, tua erga sanctos religio, vt in gratiam D. Thomæ impetere audeas D. Bonauenturam, quasi verò non habuerit rationem *sapientiae ac pietatis* quam *profitebatur*?

Tertiò. Ex principijs huius opinionis fingit homines ita dispositos vt dicant, Video mihi ò Deus à te esse quòd, vestibus corpus contego, quòd accedendo ad ignem frigus depello, quòd comedo, quòd bibo, & cætera huiusmodi vitæ subsidia & solatia: nec tamen ea tibi dedico, sed mihi indulgeo, &c. Tum verò. Quem satis validum, obicem opponere possunt huic vt sic loquar ABSVRDORVM TORRENTI? Torrentem vocas mi Doctòr, vide ne, stillæ tantùm sint, quibus ne mediocria quidem ingenia madescant. Fortè etiam elementa commutas, & aquam dicis quod ventus est. Nemo illorum quos impugnas, tam inurbana, tamque inepta narratione Deum detinet: cum vel inter homines ipsos, apud eum à quo accepisti quamplurima beneficia, inofficiosa sit atque intempestiua commemoratio eorum quæ præstare non debeas, aut nolis erga illum. Vis igitur audire quid Deo narrent quibus hæc opinio probabilior visa est? In hunc modum loquuntur. Video tibi ò Deus, tantam esse in me atque in res omnes creatas potestatem, vt ius etiam sit præcipiendi quod libuerit, & nobis necessitudo incumbat opere præstandi quidquid à te fuerit imperatum. Sed quæ tua bonitas est, cum vetare possis ne sit vllus liber nostræ voluntatis motus, qui non dirigatur in bonum aut diuinum prorsus, aut certè honestum; hoc tamen infirmitati hominum condonas, vt possit aliquis esse, qui sistat in naturali commodo, quando illud turpe non est. Quid quæso in tali quadam oratione occurrit indignum ijs hominibus qui *sapientiam & pietatem professi sunt*?

Cæterùm quòd vocat *stramineum arietem* illum quo contraria sententia impetitur, ostendit muros sibi fuisse arundineos, ex ea enim solutione quam explicat à num. 7. tanta intelligitur facta esse conquassatio, vt ei gloriosius fuerit ferreum prædicare quàm *stramineum*.

EE Eee iij

QUARTO. In controuersia de necessitate scientiæ mediæ quæ tractatur capite 18. & 23. in primis opinionem quam refellit ea oratione repræsentat, quæ Deus intelligatur à priuatione, vt loquuntur, illius scientiæ transire ad habitum. Attribuit enim Aduersarijs „ quòd sentiant, Necessarium esse vt Deus exploret & „ consulat creaturam suam : vt scrutetur & rimerur humani cordis recessus : vt homines lustret eorumque fibras, & alia id genus, quæ propriè in eos tantum quadrant, qui cum tempore aliquid discunt, suoque labore transferuntur à tenebris ignorantie ad lucem scientiæ. Vir antiquæ simplicitatis breuiter diceret, opinionem illam hisce placitis contineri, Necessariam esse Deo scientiam omnis veritatis : Ex suppositione quod agens liberum ponatur in his circumstantijs, consensurum diuinæ gratiæ, & ex suppositione quod ponatur in alijs, eidem non consensurum ; esse quasdam veritates, vt manifestum fit ex euentu : Igitur esse necessarium hoc scire Deum, idque quamprimùm Deus est ; atque hanc esse scientiam mediā.

Secundò. Fingit nullam aliam ab ijs assignari causam illius necessitatis, quàm quia requiri videtur ad prædefinitiones actuum liberorum, & eorum omnium quæ Deus pendere vult à libertate creata. Iterum fallitur. Prima & præcipua ratio cur oporteat inesse Deo huiusmodi scientiam, hæc est. Quia Deus, Deus est, pollens infinitè perfecta intelligendi virtute : quam proinde verum latere nullum potest. Quemadmodum autem infinita potentia, quæ Deo primùm necessaria est, quia Deus est, consequenter est etiam necessaria vt vniuersum creet ac regat : ita & hæc scientia consequenter dicitur esse illi necessaria, vt administret creaturam liberam.

Tertiò. Pariter fingit, Scientiam mediā ex ea sententia comparari studio quodam & cura diuinæ voluntatis, cum dicit *Deum alligari eidem sollicitudini*, cui alligatur, vel homo qui computat sumptus qui necessarij

sunt ad perficiendam turrim quam vult ædificare : vel rex qui cogitat si possit cum decem millibus occurrere ei , qui cum viginti millibus venit ad se. ita cap. 22. num. 7. Item , Deum hoc facere *Difficilum suæ omnipotentiae*. ib. num. 9. Item , *Sedulò diligenterque lustrare hominum fibras &c.* Sed ab hisce deliramentis innocens est , vel ipse somnus eorum qui accusantur. Scientia media nullius studij fructus est : eodem iure possidetur eademque facilitate paratur quâ & ipsa diuinitas : nec aliam poscit diuinæ voluntatis curam.

Quartò. *Aduerte*, inquit capite 18. num. 7. *consensum illum sub conditione futurum non dependere à Deo*. Hæc autem admonitio vel ridicula est , vel falsa. Nam si *advertere* nos iubet , non existere absolutè operationem Dei aliquam , per quam fiat vt quod est sub conditione futurum , sit ita futurum ; ridiculum est : cum hoc idem sit ac monere vt *aduertamus* scientiæ mediæ propugnatores non esse ineptos ; sed consequenter philosophari. Sin autem putat conditionem quæ per scientiam mediam supponitur vt futurum præsciatur , non esse etiam conditionem diuinæ cooperationis ; ac proinde illam vt conditionatè exhibendam , non esse necessariam : falsum dicit. Deum scire quippiam esse futurum conditionatè , non est aliud quàm scire , ex hypothesi quòd agenti libero sub his circumstantijs existenti offeratur diuina cooperatio , fore vt acceptetur , & agat : scire autem aliquid non esse futurum contingenter tamen , est scire , ex hypothesi quòd eidem agenti diuinus pariter concursus offeratur , fore vt non acceptetur , neque agat : atque ita de quacumque re conditionatè dicitur *illam fore* , sensus est , *fore dependentem à diuinæ cooperatione*. Id quòd adhuc manifestius est in operibus gratiæ , in quibus non supponitur tantùm simultaneus concursus : sed & præuium seu præueniens Dei auxilium

Quintò. Quod dicitur ab ijs qui scientiæ mediæ vsum defendunt , sine illa futurorum prædeterminationes esse non posse , alioqui periculum fore ne Dei voluntas frustra sit ita interpretatur , quasi putarent hoc posse contingere ;

ideòque illis metum eiusce rei frequenter attribuit. Quin etiam erigere illorum spem & confirmare conatur hisce verbis cap. 22. num. 9. *Quare formidas, quare trepidas, ne cor humanum illi clausum sit, &c.* Hæc verò cohortatio non potest non esse periucunda. Non quòd ea quisquam indigeat; sed quia genus quoddam recreationis est, cerneret hominem occupatum & satagentem, vt ab eo morbum depellat qui sanus est. Vis scire, mi Doctor, quid ab ijs hominibus timeatur quibus animos facis? Non dicam ne cælum ruat, qui priscorum olim Gallorum metus fuit: sed ne Deus, esse Deus desinat. Quanta huius rei securitas est: tanta & infallibilitatis ac certitudinis diuinarum prædefinitionum. Quod ergo dicitur, si Deus sine præscientia futurorum ex hypothesi statueret aliquid circa libertatis vsum, periculum esse ne non potiretur optatis; ita est simpliciter interpretandum, Si fieri posset vt Deus non præsciret quid facturæ sint causæ liberæ, ex suppositione quarumlibet circumstantiarum, in quibus exerceri debet libertas: vel non posset prædefinire aliquid certum: vel posset frustrari eius intentio. Quæ sententia quid quæso asperum sonat, magis quàm ista, Si fieri posset, vt Deus approbaret id quod est intrinsecè malum: & falleretur & peccaret?

Sextò. Ex eadem doctrinâ dicit; *Deum querere extra se diffisum sue omnipotentie media implendæ voluntati suæ idonea, itaque subijci humanæ imbecillitati.* Quæ res adeò videntur absurdæ, vt habenas cogatur animo suo dare in indignationem: & veluti disputaret cum terrigenis quibusdam, interrogat, *Et qui estis vos qui indicatis Deum, &c.*

Sed perspicuum est totam illam accusationem aut falsum pro verò supponere: aut verum pro falso & absurdo. Nam quò repræsentari Deum putat ab ea sententia, *tamquam sue omnipotentie diffisum, & humanæ subiectum imbecillitati, falsum est.* Quòd autem *querere extra se*, hoc est præter se, causas & circumstantias idoneas exequendis prædefinitionibus diuinis circa liberos actus; adeò non est falsum absurdumve, vt sit etiam euidentissimum ex sola notione terminorum.

Esse enim prædefinitum actum liberum creaturæ, idem est, ac esse prædefinitum, vt præter Deum alia quædam causa in quibusdam circumstantijs liberè Deo coopere-
tur. Ergo est impossibile constare diuinæ prædefinitioni suum effectum, nisi & causa præter Deum, & circumstantiæ quærantur, in quibus liberè cooperatura sit. Ideòque immeritò petit, & *qui estis vos?* Nisi forte dicere voluit incognitos sibi esse, qui vera, qui necessaria, qui perspicua loquerentur.

Septimò. Imputat hoc etiam eius scientiæ Auctoribus, *quod tribuant sibi salutis initium post damnatas Pelagianorum reliquias.* capite 23. num. 9. Sed meminerit nemini vnquam sapienti venisse in mentem, vt suspicaretur initium rei quæ vel est vel erit absolutè, cuiusmodi est animæ salus, ab eo repetendum esse, quod absolutè nec est, nec fuit, nec erit vnquam, cuiusmodi est obiectum scientiæ mediæ ante omne decretum Dei liberum. Et vt verbo dicam, scitum olim est, nullum aliud salutis initium à Semipelagianis pertinaciter obstrusum; quàm cui deberetur initium diuinæ gratiæ quæ vulgo datur vt dici posset primum diuinæ gratiæ auxilium dari secundum merita. Eius autem rei cuius ex aliqua conditione suspensa est existentia; perspicuum est, ius etiam omne suspensum esse ac meritum: quare nec impedire quominus si quid detur, censeatur dari præter omne debitum. Est igitur indebita prorsus gratia qua salus inchoatur & perficitur: quamvis prius fuerit, bonum illius vsum conditionatè præscribi, quàm eam dari. Atque hinc patet scientiæ mediæ Aduersarium turpem ei laruam imposuisse, veritum ne placeret, si nuda produceretur.

QUINTÒ. Circa potentiam peccandi, vtrum ea sit libertas aut pars libertatis, multa perperam supponit, & Vasquezio ac Lessio nominatim inuidiam conflare conatur, cap. 31. à num. 5. Et primo. Potentiam peccandi non esse libertatem nec partem libertatis, doctrinam dicit esse Clarissimam, certissimamque, & quam

FFFff

» NEMO HACTENVS REVOCARE IN DVBIUM AVSVS FVE-
 » RAT. Quosdam tantum neotericos, præsertim Gabrie-
 » lem Valquez, & Leonardium Lessium SANCTITATEM
 » EIVS VIOLARE NON ESSE VERITOS. Vide quàm ex-
 » porrectam frontem gerat in ea re, in qua necessarium
 » fuit admoneri hominem intimâ vel fidei deficientis,
 » vel modicæ literaturæ conscientiâ! *Hactenus*, inquis, *ne-*
 » *mo revocare in dubium ausus fuerat doctrinam illam?* Audi
 » Gabrielem Biel 2. dist. 44. quæst. ult. art. 1. Vbi con-
 » clusionem primam ita probat. Omnis libertas est crea-
 » turæ à Deo collata: OMNIS POTENTIA PECCANDI
 » EST LIBERTAS: Ergo, &c. *Iterum in probatione tertiæ*
 » *concl.* Etiam potentia peccandi est libertas voluntatis.
 » *Et paulo ante art. 1.* Potentia peccandi non est pars inte-
 » grans rationem libertatis: Est tamen pars subiectiua.
 » Audi Durandum vnum ex Optimatibus illis, quos esse
 » voluisti tuarum controuersiarum iudices. 3. dist. 44.
 » quæst. 1. num. 12. Ad secundum dicendum, quod poten-
 » tia peccandi, EST POTENTIA LIBERI ARBITRII. Audi
 » Scotum, alterum item iudicem à te ipso appellatum.
 » In report. super. 2. sent. dist. 34. quæst. 1. Et sic dico,
 » *inquit*, quod voluntas creata per suam differentiam spe-
 » cificam est proxima ratio contingens actus boni & actus
 » mali. Vides ut potentiam actus mali attribuit differentiæ
 » specificæ voluntatis creatæ? Hoc verò coïncidit cum
 » illa Gabrielis sententia qua dicit, potentiam peccandi
 » *partem subiectiuam libertatis.* Idem iterum dist. 34. quæst.
 » 1. docet, *voluntatem in quantum defectibilem, non esse nisi*
 » *voluntatem in quantum liberam.* I nunc, & prædica in ore
 » Vasquezij ac Lessij primò natum esse crimen illud, *san-*
 » *ctitatis violatæ*, quo potentia peccandi Libertas esse di-
 » cta est.

Secundò. Ib. num. 7. Refert Lessium in opusc. de
 » prædest. sect. secunda, ratione octaua, sentire, Non eum
 » solum laudabilem esse qui non transgreditur cum possit,
 » quod vnum perhibet scriptura: sed ipsum per se transgre-
 » di posse, laude dignum esse. At hoc quoque præter ve-
 » rum. Lessij verba perspicua sunt. Laus & gloria Sancto-

rum in eo sita est, quòd absolutè potuerint transgredi &,,
omittere bona quæ fecerunt, & tamen non sunt trans-,,
gressi. En vt laudem Sanctorum petit, *ex potentia transgre-*
diendi, non sola, sed coniuncta cum exercitio *faciendi*
bona & non transgrediendi.

Tertiò. Vel hoc ipsum illi absurdum videtur, ib. num.
8. Potentiam peccandi facere ad laudem Sanctorum,
& , paruam esse laudem si quis benè tum operetur cum
male non potest. Egregiam verò laudem, *inquit*, & glo-,,
riæ amplam segetem, hominem id posse, quo non nisi,,
vituperio & dedecore dignus fiat. Duo hic peto. Pri-,,
mum, vt quod dictum est *paruam esse laudem*, interprete-
tur, *esse minorem cæteris paribus*. Hoc enim sensu loqui-
tur Lessius. Secundum, vt sententiam illam ita expositam
traducat certe quàm volet ridiculè, non tamen asserat
primum illius Auctorem esse Lessium, cum sit etiam Spi-
ritus Sanctus, qui commendat hominem, qui *potuit trans-*
gredi & non est transgressus. Quæ tanta potuit esse libido
Iesuitis obrectandi vt Spiritum quoque sanctum cum
Vasquezio Lessioque eodem probro inuolueret?

SEXTÒ. Vasquezium iterum crudeliter excipit ca-
pite 32. num. 14. quòd dixerit peccandi potentiam
esse à Deo. Nouit, *inquit*, D. Thomam, D. Bernar-,,
dum, Richardum, Capreolum, & alios plerosque con-,,
trariam sententiam secutos, religiosè semper docuisse,,
potentiam à Deo non esse. Addit ad marginem referre,,
illos Vasquezium ipsum, & subijcit. SED ILLORVM AV-,,
CTORITATE CONTEMPTA, IN RE IN QVA VEL VERBA,,
IPSA MODVSQVE LOQVENDI PENE HORROREM INCV-,,
TIVNT, peccandi potentiam Deo adscribere maluit: se-,,
cutus vt sibi videretur Magistrum, sed reuera propriam,,
mentem non Magistrum.

Hoc loco primo queror vsurpari ab hoc Auctore
supremam Ecclesiæ potestatem, dum Cardinales loco
mouet & in meros Abbates commutat. D. Bernardi
nusquam meminit Vasquezius, sed tantum D. Bona-
uenturæ. Bonus Doctor initialis vt reor literæ similitu-

FFFff ij

dine deceptus, conuertit illos, & ex Franciscano Cisterciensem creat.

Secundò. Dum se *inhorruisse* fingit ad *verba modumque loquendi* Vasquezij, Scotum quoque horribilem facit, qui ad dist. illam 44. 2. sent. eadem dicit quæ Vasquezius. Esse debet horribilis & Durandus, ib. quæst. 1. » num. 10. dum dicit. Tertius defectus est quantum ad » principalem conclusionem, quia ponunt quod potentia » peccandi, quantum ad defectibilitatem, non est à Deo. » HOC ENIM NON EST VERVM, quod patet sic, &c. *Concludit postea*. Ergo possibilitas deficiendi in eligendo erit à Deo. Quis credat, *clarissima* nuper *sidera Scholæ Parisiensis*, ad quorum radios apicare philosophando se velle simulabat, *horridum* ei iam lucere? Mitto Gabrielem, cuius hæc est conclusio ad eandem dist. quæst. vn. Quantum ad secundum articulum, est Conclusio prima & responsiua. POTENTIA PECCANDI A DEO RATIONALI CREATURÆ EST COLLATA. Sunt & alij quam plurimi quos prætereo. Et monstrum est, horrendum, immane, ingens, quod tot eruditissimorum hominum vestigijs institerit Vasquez? Videat qui hæc objicit, ne *horrore* illo suo probeat, inaccessos sibi esse antiquorum Doctorum lucos.

Tertiò. Neque verum est quod ait, *contemnere* Vasquezium *auctoritatem S. Thomæ atque aliorum*, cum se ne dissentire quidem ab illis profiteatur. Fieri enim potest ob diuersam rationem interpretandi quæstionem hanc, ut & qui negant & qui affirmant vnanimes sint. Neque deest hoc loco S. Thomæ suffragium & quidem perspicuum. 2. sent. dist. 44. quæst. 1. art. 1. ad secundum. Actus, *inquit*, malus perfectior est in malitia quam potentia mala: » quia in actu malo est malitia simpliciter: sed in potentia » ad malum est malitia secundum quid & ideo actus malus. » simpliciter non dicitur à Deo esse, sed secundum quid. » POTENTIA AUTEM AD MALVM DICITVR SIMPLICITER A DEO ESSE. Num adhuc lapidescis, mi Doctor, *horrore incusso* à Vasquezio?

Quartò. Negat Vasquezio ita sentiendi Auctorem esse

Magistrum in illa dist. 44. ; agere enim ibi *de potentia nocendi*, non verò *de potentia declinandi ad aliquid illicitum*.

At quidni Vasquezio quoque adhibet piam illam interpretationem, vt locutum dicat de sola nocendi potentia?

Non possunt, inquires, eam ferre illius verba. Ergo neque Magistri: eadem enim ambo dicunt. Magistri distinctio citata inscriptam gerit interrogationem hanc, *De potentia peccandi, an sit homini vel Diabolo à Deo*. Vasquezius capiti 10. disp. 129. in primam secundæ argumentum hoc præfigit, *Deum esse causam potentiæ ad peccandum*. Ille oppositam sententiam ita proponit. Putant quidam potentiam rectè agendi nobis esse à Deo, potentiam verò peccandi non à Deo, sed à nobis vel à Diabolo esse, &c.

Vasquezius ita, Nonnulli Theologi hoc loco non parùm laborant in eâ quæst. an Deus sit causa potentiæ peccandi, quæ est in libero arbitrio. Magister soluit quæstionem in hunc modum. Sed pluribus Sanctorum testimonijs indubitanter monstratur quòd POTESTAS MALI A DEO EST. Vasquezij modus loquendi est adhuc mitior. Alij cum Magistro contendunt Deum esse Auctorem potentiæ quæ peccare potest: quæ sententia rectè intellecta mihi probatur. Quis non iam affatim rideat, dum hominem conspicit hoc loco erga Magistrum quidem blandum, horridum vero erga Vasquezium, quasi margaritas quidem ille loqueretur: hic autem vomeret colubros?

SEPTIMÒ. Rursus huic Auctori vapulat Vasquez circa illam quæstionem quid sit, aut vnde sit, *mò morale seu mò liberum* in actu voluntatis. capite 32. num. 13. Recentiores, inquit, nonnulli consequens fateri vel le videntur, cum dicunt libertatem quæ inest actibus humanis, non esse à Deo, ex euidentissimo absurdo NOVVM DOGMA suscitantes, PIETATI PARVM CONSENTANEVM, A VERITATE FRORSVS ABSONVM. In quo etiam eò vsque progressi sunt aliqui, vt de Deo loquentes dixerint, nihil illi esse cum ente morali: scilicet creaturam rationalem independentem à Deo stantientes. SIT HOC ANIMALIS CREATURÆ, AT NON

„ RATIONALIS. &c. *Et mox.* Inter illos Auctores eminet
 „ Gabriel Vasquez. *Et paulo post,* Doctrina prodigio simili-
 „ lis. Labitur aduersarij fides 1. Quia recentiores & præ-
 „ cipuè Vasquezium auctores constituit eius doctrinæ
 „ quam illi ex antiquioribus se hausisse probant. Refert
 „ Vasquez consentientes in idipsum S. Bonaventuram,
 „ Alexandrum, Antisiodorensē, Canum & Sotum am-
 „ bos Thomistas. Sed maluit tacitos præterire, ne non
 „ posset castigare Vasquezium, dum videt tales viros eā-
 „ dem implicari censurâ.

Secundò. Errorem impingit Vasquezio eiusque socijs
 à quo illi sese purissimos probant omnibus qui se vel le-
 gendi causa vel audiendi adierint: quòd scilicet *statuunt*
creaturam rationalem independentem à Deo. Ne suspicio
 quidem rei tam absurdæ vnquam incescit.

Tertiò. Reticentur Vasquezij verba illa, quæ si audian-
 tur statim constabit innocentissimam esse doctrinam
 quam hic Auctor execratur, & velut impiam traducit.

„ Ita enim ille loquitur loc cit. Suppono deindè hanc ra-
 „ tionem conuenientix & inconuenientix, & rationem
 „ liberi quod est veluti fundamentum vtriusque, CON-
 „ SISTERE IN RELATIONE SOLVM RATIONIS. *Et deindè,*
 „ Ratio seu denominatio libertatis in actu humano, NON
 „ EST QVJD REALE ET PHYSICVM: Sed est solum deno-
 „ minatio quædam extrinseca, quam ens morale appella-
 „ re libet. Viden vt *nihil reale, nihil physicum* subtrahit Vas-
 „ quez primæ causæ? Viden vt id quod Deo non attri-
 „ buit est tantùm *relatio rationis*? Quod est igitur illud
 „ *dogma pietati parum consentaneum à veritate prorsus abso-*
 „ *num*? Quod tam grande nefas dirâ illâ imprecatione di-
 „ gnum, *sit hoc animalis creature, at non rationalis*? Imma-
 „ ne aliquid locutus est Vasquez, Quid tandem? Inqui-
 „ nauit pias aures proborum omnium. Ecquo sermone
 „ nefando? Aperuit in cælum os suum. Quæ illius blasphem-
 „ ia est? Negauit scilicet aliquod *ens rationis esse à Deo.* O
 „ doctrinam prodigio similem! Tribuere Deo noluit, id
 „ quod rebatur *neque reale neque physicum esse*: hoc est no-
 „ luit Deum esse *causam nihili*, cum tamen diceret esse

causam *potentie quæ peccare potest*; O verba modumque loquendi horribilem! At, inquam, O pietatem absurdam, & studio atque artificio quæsitâ in homines amore dignos odia!

Vt autem iuuetur huius Auctoris philosophia; nouerit eos qui *denominationis* alicuius *extrinsecæ* vt loquuntur causam quærunt, nihil aliud quærere quàm formam à qua proximè fit appellatio ei quod *denominari* dicitur. Et ita dum petunt à quo & sit & dicatur imago *visa*, minimè ad Deum recurrunt, sed ad videntem oculum. Non vt asserunt videri potuisse nihil adiuuante Deo: sed vt negent ex modo quo se Deus habet ad visionem fieri vt ab eo dicatur imago *visa*: Atque hoc modo *visum* in imagine non est à Deo, sed à visione aut oculo vidente. Eodem pacto tamen si quidquid rei est in opere artis producat ab eius instrumentis, aut innatâ vi concurrentibus aut aduentitiâ: producat etiam à Deo tanquam ab Agente Primo: neutri tamen attribuit ratio artefacti, quòd ea mera sit *denominatio* ex speciali conditione atque operandi modo ipsius Artificis: vnde & ab eo solo dicitur esse *artefactum* qua tale. Voluit igitur Vasquez similiter nihil rei esse in actu voluntatis quod non faciat Deus, quod non etiam habitus: rationem tamen *Liberi* & *Moralis* esse appellationem meram actui attributam ex eo *tantum* quòd sit à voluntate ita ipsum elicente vt possit suppressere; non autem ex modo quo Deus ad illum concurrat: atque ita fieri vt *Libertum* & *Morale* in actu voluntatis non sit à Deo. Sed quia id genus cogitationes non facile occurrunt ijs hominibus qui procul positi à tumultu Scholarum in *summâ versantur Amplitudine*; cum primùm insonuit rationem *Moris* aut *Liberi* non inesse actui à Deo, sed à voluntate: periclitari visus est Deus; nec quidquam aptius occurrit confirmando ipsius in res omnes supremo dominio: quàm si Vasquez, qui cælo minitabatur suâ illâ opinione, deleteretur è numero rationalium, atque inter animalia mera deinceps computaretur.

„ **O**CTAVO. Capite 23. num. 9. ita loquitur. Quod
 „ spiritus est in gratia , & quasi gratiæ gratia & de-
 „ cus, energiam scilicet & efficaciam, non tuæ (*Deum al-*
 „ *loquitur quasi vera narraret*) aut vocationi aut gratuitæ
 „ electioni; sed homini ipsi deputare non erubescunt. Quis
 eorum qui negant phycas prædeterminationes ita un-
 quam homini adscripsit efficaciam gratiæ, vt excluderet
 vel Deum vel ipsiusmet gratiæ vim? Imò quis non propen-
 sissimò animo confessus est semper, Diuinam gratiam
 esse quæ vires homini subministrat in omnem actum sa-
 lutarem à principio ad finem? Quis vel hoc ipsum dicere
 voluit, vices esse reciprocas: & gratiam quidem vires
 dare, sed & accipere? Quæ causa est igitur tam iniquæ
 expostulationis? Et quæ hominis licentia crimen impo-
 nentis nec probatum nec probabile? Extorquere vult
 fortasse vt dicamus opera salutis Deo tantum abscriben-
 da esse, cum exclusione hominum liberè cooperantium:
 & hoc illi atque Caluino dandum esset, nisi prohiberet
 Apostolus, qui se cooperatorem adiungit gratiæ Dei:
 nisi etiam Augustinus, qui Deum voluisse docet opus
 bonum & suum & nostrum esse: suum vocando, nostrum se-
 quendo.

NON D. Eâdem prædicat præmotionum Aduersa-
 rios dicere *ipsum agere nostrum non esse à Deo*. Ita
 „ capite 26. num. 10. Iis auctoribus, *inquit*, cum quibus res
 „ nobis est ita sentire visum non fuit, sed dicunt agens
 „ secundum liberum, ita purè agere & mouere seipsum
 „ VT NON RECIPIAT SVVM AGERE ALIVNDE; benè
 „ quidem agendi virtutem, SED NON AGERE IPSVM.
 „ &c. Et capite ult. num. ult. Vbi ad executionem venit,
 „ homo post acceptam piam cogitationem, adde & piam
 „ cordis affectionem, cum quibus duobus est plenè indif-
 „ ferens, ipse dumtaxat est qui se mouet, vt illi philoso-
 „ phantur, ipse qui se applicat, ipse qui se determinat
 „ DEVS AVTEM MINIME. Dicerem huic homini rem esse
 cum nascituris hostibus, nisi postremo loco nominaret
 Suarem.

Suarem. Primò igitur falsum narrat, dum id eos sentire dicit quorum nemo vnus est qui non contrarium procliui animo proluxaque oratione, & asserat, & probet, & defendat, Deum scilicet post creatam liberam causam, continuóque seruata, instructam etiam omni virtute ad agendum necessariâ, adde & admotam circumstantijs omnibus ad agendum requisitis, quin etiam auxilio speciali præuentam atque excitatam interius ad omnia salutis opera, coagere insuper immediatè: ita vt illius agere, sit etiam identicè intrinsicè atque essentialiter agere ipsius Dei.

Secundò. Quod à Suare dictum est indefinitè, voluntatem creatam vt se determinet ad hunc actum *non indigere alio determinante a fine*, dictum refert in vniuersum, & ad actus supernaturales applicat, de quibus Suarez ne cogitabat quidem: cùm censeat esse etiam à Deo *predefinitos*.

Tertiò, Hoc quod est, *voluntatem non indigere alio determinante a fine*, interpretatur quasi dictum esset, non indigere alio cooperante, vel coëfficiente. Quod procul abest à mente Suaris, qui nihil aliud intendit, quàm etsi Deus intimè atque immediatè attingat quidquid rei est in effectû atque actione causæ secundæ liberæ; quia tamen ita se habet in hoc negotio, vt ei potestatem faciat vel vtendi vel non vtendi sua cooperatione; fieri vt rationem quidem habeat principij per se ac principaliter operantis, dum sequitur actio: non tamen principij determinantis vt sit actio potiùs quam non actio: eò quòd placuerit ei hoc permittere libero causæ arbitrio. Quod in omnibus saltem actibus qui mali sunt admittendum est: cùm sit absurdissimum censerî Deum determinare vt sit actio quæ furtum dicitur, potiùs quàm eius negatio. Atque hinc liquet quo loco eam oporteat esse doctrinam, in quam necesse fuit Censorem inferre quod denotaret.

EPILOGVS

AB AVCTOREM OPERIS

DE LIBERTATE DEI ET CREATVRÆ.



M I PATER. *Quamuis Haslenus citra sudorem laboratum sit in exercitatione ista, neque materia desit operi longius producendo: quia tamen ea quæ diximus & tibi ad instructionem, & mihi ad defensionem eorum qui à te parum honestè habitati sunt, & omnibus ad æquum de tota controuersia iudicium abundè sufficiunt, scribendi finem facio. Si priùs tibi veluti compendium quoddam exhibuero totius lucubrationis, paucis hisce capitibus comprehensum.*

Primum est, instituti nostri, hoc est tui meique homines minimè decere de colligenda doctrinæ fama esse sollicitos, sed si quæ eiusce rei cura quemquam tangat, unumquemque propria virtute ad gloriam debere niti, non per contemptum aliorum contumeliosè grassari.

Secundum. In examine veritatis oportere vacuum esse animum, tum ab omni alia perturbatione, tum potissimum ab emulatione atque liuore: quod usu uenire soleat ut dum suffragium nostrum amulis inuidemus, denegemus illud veritati.

Tertium. Nouas cogitationes premendas esse dum maturuerint, neque gestiendum ut fruantur publico quæ communibus opinionibus aduersantur. Offendi enim uti ad præcoces fructus gustum ijs assuetam sententijs, quas multorum annorum meditatio, variarumque tempestatum probatio, & calor frequentium disputationum incoxit: itaque contingere, ut dum nomen studiosius querimus, non nisi ridiculum inueniamus.

Quartum. Perceptam esse debere comprehensamque animo questionem illam cuius arbiter esse ultro aliquis velit. Periculum enim esse ne de facili, & tanquam de alieno artificio pronuntient qui secus faciunt.

Et spissæ risum tollant impunè coronæ.

Hæc si seruaueris in ea quam promittis disputatione de gratia; ne illa gratiam inueniet apud æquos rerum æstimatores. Vale, tuique amantibus benè precare, Hoc enim mea plurimum refert.



APPENDIX

AD CAMERARIVM.



E abirem hoc infalutato Philosopho importunitas amicorum fecit. Is in 2. parte Selectarum quæstionum philosophicarum, quæstionem nonam, quæ est de physica prædeterminatione, fusè prosequuturus, vestigia pressit illius à quo iam discessimus, jisdemque ad philosophandum ventis impulsus est, ut ei quidem videtur secundis, sed ventis tamen.

ET PRIMÒ, *Futilitas argumenti Suaristici, Ridicula Suaris solutio; Incepta Aduersariorum obiectio, Scientia mediæ seu Molinistica, Nouitium Molinæ commentum, Est nunc Morisanius Hirlandus*, aliaque id genus verborum ludibria, geminæ sunt queis dissertationem suam inoculauit. Quid quod solutionem quandam Morisani eo nomine rejicit, quòd tradita sit à Iesuitis. Secundò, *inquit*,,, pag. 90. *ante medium*, hæc eius responsio proficiscitur,, à Iesuita cuius ille scripta hac de re suo nomine edit,, dit, &c. Fac proficisci etiam à Scythâ, quid tum? Num officit probabilitati sententiæ nomen Auctorum? Quid ergo sperari ab ijs debet qui animum hisce præiudicijs occupatum afferunt ad disquisitionem veri? Huic tam illiberali homini tria hæc repono. 1. Bonæ causæ tuendæ disceptantium modestiam noxiam esse minimè posse, nec opus esse veritati patrocinio procacitatis. 2. Auctores quos impugnat in hac potissimum controuersia modera-

G G G g g ij

tiores in loquendo semper fuisse, neque sapienter facere illum qui eorum virtute vinci se patitur, quibus doctrina superior videri vult. 3. Quamvis non probe scio huius hominis fortunam propriaque rationes, & quid debeat ijs quos infectatur (Siquidem ipse beneficiorum acceptorum nusquam meminit) nihilominus tamen dum audio esse natione Scotum, Romæ in seminario Scotorum educatum, emensum etiam Philosophiæ curriculum trienne, præterea defunctum ultimo periculo publicarum disputationum, suspicor eorum alumnum ac discipulum fuisse quibus modo calces impingit. Quod si est ita, homini Scoto per Italiam Galliamque, nationes cultissimas & ciuilitatis perquam studiosas peregrinatio quid profuit?

SECVNDÒ. Nemo vnquam hoc Camerario felicior fuit in colligendis aliorum suffragijs. Sententia quam defendit Est, *inquit*, omnium veterum dub. 1. Eam sequuntur cum Guillelmo de Rubione Scotistæ omnes veteres. Item, D. Bonau. & alij veteres, Ex recentioribus Iansenius Gandauensem intelligit, Vega, Driedo, Ruardus, Carthagena, Puteanus, Toletus, Henriquez, Perrerius, quis non? Sed in primis ab eo peto, vt pro iure necessitudinis ac societatis initæ cum Antesignano suo, ei ne repugnet. Iam vidimus illum cum tota ex antiquitate auctores Scholasticos quinque tantum sententiæ suæ allegisset, in recentioribus adeo nihil inuenisse præsidij, vt quæstionem mirabundus institueret, lib. 1. capite 36. *Cur hæc doctrina minus communis? Et, Quibus ex causis contraria tam multum inualuerit?* Diceres hominem de insolita quadam inundatione aquarum, aut terræ motu disputare.

Secundò. Peto etiam vt quæstionis huiusce statum distinctè concipiat. Neque enim quæcumque motio vel præmotio secundæ causæ à primâ in controuersiam cadit: Sed quæstio est, vtrum post creatam causam secundam & continuò conseruatam, & instructam omni virtute requisitâ, & admotam circumstantijs ad agendum

necessarijs, & adiutam cooperatione ac simultaneo concursu, sit insuper necessarium physicè illam præmoueri impressione cuiusdam entitatis *Innominate*, & *Ineffabilis*, & *Mirabilis* & *Mirificæ* vt loquitur Franciscus Cumel tom. 2. disc. 5. sect. 2. quæ cum actione adueniat auoletque. Item quæstio est, vtrum in agentibus liberis præmotio illa sit eius naturæ, quæ cum sit ipsa independens à libertate, actionem tamen ita necessariò inferat, vt sit impossibile illi coexistere non actionem. Hoc est punctum quo vtraque sententia terminatur. Hic Lydius lapis quo vno exploratum sit, qui Thomistas sequantur, qui Iesuitas præferant. Ex illis autem omnibus quos Camerarius vel nominat, vel reticet (recentiores Thomistas semper excipio, & paucos alios consentientes ijs) nego vllum esse quem huiusce præmotionis suspicio vnquam mouerit: neque ipse hoc aut probat, aut probare potest. Redeat ergo *Morisannus Hirlandus*, quem hic Scotus tale aliquid obijcientem, vicinæ immemor, ire iusserat. Atque hæc est illa distinctio vulgaris alicuius præmotionis quæ interdum insinuat ab Auctoribus, & propriæ illius prædeterminationis qua de agitur hodie, quam Suarez expressam voluit, vbi *ridiculam* viri scilicet triobolaris *responsionem* pronuntiauit hic Sesequi-philosophus. dub. 2. pag. 87.

Tertiò. Non solùm nusquam apparet physica illa præmotio apud veteres & recentiores illos Driedonem, Ruardum, Vegam, Iansenium, &c. Sed præterea leguntur passim in eorum scriptis de libertate causarum creaturarum eiusmodi sententiæ, quas nemo cum ea conciliauerit. Cuius rei fidem facient, quæ tum alij, tum præsertim Didacus Ruiz concessit in opere *De scientia Dei*.

Quartò. Imponitur Tolcto in comm. illo capitis 17. D. Ioannis. nihil enim habet quod faueat prædeterminantibus. Mens Pererij dissimulatur, quam statim aperit 8. ph. capite 9. dum negat voluntatem moueri ad agendum *necessariò*: item, Causam liberam positis omnibus quæ requiruntur ad agendum ex parte obiecti, Ita vt nihil desit nihil obstat posse *TVNC* agere & non,,

G G G g ij

agere, item agere quod proponitur vel contrarium. Tegitur id quod docet Henriquez capite 14. num. 9.

„ Non implicare speculatiuè loquendo, vt duorum hominum omnino æqualium in naturalibus bonis, in habitibus & caufarum concursu, motorum etiam auxilio omnino æquali ex parte obiecti & potentia, alter operetur & conuertatur, altero non conuerso. In praxi verò illum qui conuertitur habere semper de auxilio præuenienti plus aliquid morale. Si gratia eius qui conuertitur ei quæ alius non conuertitur superaddat tantum *aliquid morale*; si *speculatiuè loquendo* fieri potest vt ne hoc quidem superaddat; vbi est necessitas & vsus physica prædeterminationis? Puteani doctrina truncatur ad primam secundæ. qu. 111. art. 1. dub. 4. Quia post conclusionem illam quæ definit Deum prædeterminare interdum voluntatem *illesâ libertate*; aliam ponit in qua pronuntiat *Deum ordinariè non vti huiusmodi prædeterminatione*, hoc autem est negare illius necessitatem, quæ est veluti primum principium oppositæ sententiæ. Huius etiam conclusionis rationem hanc ponit. Probat, *inquit*, Conclusio quibusdam rationibus.

„ Prima ratio est quia prædeterminatio physica tollit libertatem. Qua ratione prior quoque conclusio radicitus conuellitur. Et quæcumque tandem inibi sit contrarietas sententiarum, postrema definitio mea est.

TERTIO, Ex his patet recudendam esse narrationem illam quæ habetur dub. 1. Aliqui è Societate, inquit, determinationem de medio sustulerunt Salmantica in publicis disputationibus, vt repugnantem libertati, anno ante hunc 48. vel 49. Bannes conspiciens eos docere noua & prius inaudita audacter & generosè se opposuit, Molina suis auxilio venit, re ad Clementem octauum delatâ anno 1597. & coram diu disputata, sententiam ille admittentem prædeterminationem definire proposuit, sed ad mortem vsque, hoc est octo circiter annis, impeditus est varijs maximisque negotijs. Inprimis scire velim vbi nam esset homo Scotus cum ea Salmantica primum ac deinde Romæ gereretur? Num

quis apud eum publicas rei gestæ rabulas deposuerit? Quis denique conduxerit ad historiam huiusmodi componendam? Ego, inquires, ita accepi. Atqui hæc ipsa est eorum excusatio qui pecuniæ adulterinæ impendia faciunt. Hoc tantum ab eo scitè factum puto, quod huic sectioni in qua nulla quæstio tractatur, sed refertur solum hæc historia quam dixi, titulum præfixit, *Libium primum*. Quid enim aptius dici poterat? nisi fortè aliquis mauult inscribi debuisse, *mendacium*. Quidam, inquit, de Societate sustulerunt de medio prædeterminationem. Quis autem intulerat ante illam ætatem? Vidit Bannez illos docere *nona & prius inaudita*. Nimirum ante illud tempus nemo negauerat in causis liberis agendi necessitatem antecedentem & independentem à libertate: Nemo liberorum actuum prædefinitiones absolutas & efficaces: Nemo prædestinationem præuiam scientiæ meritum: Nemo dixerat gratiam efficacem & sufficientem esse vnquam physicè pares: Nemo efficaciam illam exposuerat per solam congruitatem cogitationis: Nemo in eo distinxerat liberam causam à necessaria, quod libera cum omnibus ad agendum requisitis coniungere possit alterutrum, agere scilicet aut non agere. Et qui aliquid horum dicat potest ille non tollere de medio prædeterminationem?

At, inquires, Auctores eiusdem cum Molina familiæ dicunt eam opinionem ex illius ingenio natam, ut constet ex vita Bellarmini. Nempe, quia quod omnes ferè supponebant, ille ad disputandum seposuit, clariùs expressit, fusiùs explicuit validiùs confirmauit & in usum conciliandæ diuinæ gratiæ cum libertate creaturæ redegit. Quòd si præterea de suo aliquid miscuit (neque enim facere aliter poterat acerrimo vir ingenio tam longa præsertim disputatione) nihilominus tamen hoc quod est totius controuersiæ caput; scilicet, nullam esse liberorum agentium physicam prædeterminationem cum qua non possit pro eorum libertate componi liberi actus cohibitio, Molina inuentum esse nemo vnquam qui gnarus esset huiusmodi quæstionum asseruit.

Atque hæc vna erat causa illa quæ in capite ultimo lib. 1. de Libertate Dei & Creaturæ frustra quærebatur, Cur aduersa prædeterminationibus sententia tantopere inuallisset. Nempe quia intellectum est passim, Molinam & Socios in suo nequaquam desudasse, sed quod erat commune omnium ad elaborandum muniendumque suscepisse. Vnde factum, vt hoc sequendo nemo crederet vni se homini vel familiæ mancipari; sed communi iure id occupare quod esset publicum. Alioqui neque vnum tam multi sequerentur, neque nuperum studiosi antiquorum, neque Hispanum Galli, nec Sorbonici Iesuitam.

Hinc licet intelligas declamatio illa istius Auctoris contra Molinam, quæ habetur dub. 4. quàm sit intempestiua. Significauerat Molina si ratio conciliandæ humanæ libertatis cum diuina gratia quæ petitur ex usu scientiæ mediæ, ita semper fuisset exposita distinctè ac modò est, exinde iuuari potuisse qui & olim contra Pelagianos, & nuper contra Lutheranos pugnauere. Id quod iste Auctor dictum interpretatur in contemptum S. Augustini & Concilij Tridentini, & demum Ecclesiæ vniuersæ. Quasi verò nefas sit credere lucis aliquid afferri posse ad ea quæ Sancti Patres tradidere, nec crescat Ecclesiæ splendor vsque ad perfectum diem, dum subinde aliquid retegitur, quod erat quidem traditum priùs, sed non tantopere enucleatum.

Est verò insuper accusatio hæc absurda, quòd eodem profus crimine teneantur qui Molinæ diem dicunt. Si quidem ea quoque ratio componendi gratiam efficacem cum libero arbitrio quæ ab illis traditur, & *omnium probabilissima* dicitur ab isto Auctore, dub. 3. num. 3. & ab eo qui præcessit, *noua*, in Epistola ad Summum Pontificem. Vbi hoc etiam addidit, hanc viâ quam ipse prior muniuit
 „ vitari Odiosiores quasdam offensiunculas, quæ scripto-
 „ res huius ætatis aliò auerterunt, excutique scrupulos
 „ aliunde iniectos. Et quamuis ea manare dicatur ex Anti-
 „ quis Patribus: hoc tamen ita exponitur cap. 36. lib. 1.
 „ num. 7. Vt quod implicitum & inuolutum in eorum prin-
 „ cipijs DE LITESCEBAT, explicatum & euolutum atque in
 lucem

lucem prolatum modo sit. Quid igitur Molinæ iam ob-
 trectant? Quis credet, *inquit Camerarius*, vsque ad Mo-
 linæ tempora latuisse Ecclesiam Dei modum conciliandi
 libertatem cum diuina prouidentia? Quidni verò crede-
 re hoc possit, qui credit modum illum *delituisse* etiam vs-
 que ad tempora Gibieusi? Pergit, Quis credet Molinam
 à Deo missum, vt post mille quingentos & tot annos,
 Ecclesiæ quæ est columna & firmamentum veritatis mo-
 dum illum aperiret? Quis autem hoc non credat qui
 credere potest missum Gibieusum etiam post mille sex-
 centos, & quod excurrit, vt eundem modum eidem Ec-
 clesiæ *explicaret, euolueret, in lucem proderet*? Vchementem
 aucto scire quid dicturi sint, ne se hoc loco deprehensos
 esse fateantur.

Ad extremum, quod refert, Clementem VIII. propo-
 suisse animo sententiam ferre in gratiam prædeterminan-
 tium, sed ne faceret impeditum esse negotijs, paulo aliter
 habet. Si enim id erat omnino constitutum, quæ ne-
 gotia Pontificem impedire potuerint, ne ab anno 1597.
 quo hæc controuersia Romæ agitari cœpta est, ad an-
 num 1605. quod est ille vita functus, pronuntiaret? Quæ
 tanta potuit esse occupatio, vt octo circiter annis non
 concederetur spatium trium verborum quæ rei confi-
 ciendæ satis erant? Quidni potius credatur, quamuis
 alieniore animo esse à doctrina Molinæ, impeditum ta-
 men & successu disputationum, & magnorum virorum
 consilio, & occulta Spiritus Sancti prouidentia, quæ Vi-
 carium Christi numquam deserit, ne sententiam præci-
 pitaret? Est verò in primis memorabile quod Magnus
 ille Ecclesiæ interpres antiquæ, vindex hodiernæ Illu-
 strissimus Cardinalis Perronius, cum Romæ id temporis
 versaretur, edixit Summo Pontifici, curaturum se, si
 quod meditabatur definiret, vt Germaniæ Galliæque Se-
 ctarij decreto illius subscriberent, suamque doctrinam
 sancitam esse faterentur. Erat eiusce rei non obscura iam
 fama, sed ne quis in posterum incertam fuisse putet, te-
 stem habeo præsentem, eumque vel ob Auctoritatem
 Episcopi, vel ob nomen Literatissimi, vel ob meritum

HHHh

Optimi Pijssimique omni exceptione maiorem, Reuerendissimum D. D. Habert Ecclesiæ Cadurcensis Antistitem, cuius in oculis hæc eduntur, quique se id accepisse testatur ex ore ipsius Cardinalis Perronij.

Huc spectat quod hic Auctor refert dub. 4. ex vita Bellarmini. Negauisse illum constanter Clementem VIII. quod statuerat definiturum vnquam, & si definire moli-retur, vita potius deferendum. Hoc verò prædicari putat veluti quoddam Bellarmini vaticinium, dubitat-que benè an malè fecerit scriptor qui literis mandauit. Sed de vaticinio quod dicit, fallitur; neque enim versatur prophetia circa consequentias. Duplex erat Bellarmini persuasio: altera spectabat supremam Summi Pontificis auctoritatem, altera doctrinam Iesuitarum. Cum ergo non dubitaret & infallibilem esse Papam in definiendis fidei controuersijs, & gratiam efficacem non includere physicam prædeterminationem, sequuturum vt si contrarium definire aggrediretur Pontifex, vitam finiret priùs quàm negotium perficere sineretur, & vidit & pronuntiauit. Iam verò dubitare *benè an malè* fecerit qui hæc narrat, suspiciosi hominis est. Quid enim mali continet hæc narratio? Num futilis est? Num aliena à vita Bellarmini? Num Romæ damnata, vbi edita est cum solita facultate atque approbatione? Num incerta, quam Cardinalis à Monte iureiurando confirmauit, publicoque instrumento testatam voluit post obitum Bellarmini? Nempe quod quoquo modo aduersarijs incommodat, id omne huic Auctori *malum* est..

QUARTO, Vt aliquid delibemus ex ijs quibus illè in hac controuersia eruditionis suæ ingenijque specimen dedit: hoc in vniuersum affirmari potest, communem illi esse rationem tuendarum præmotionum cum eo quem paulo anterefutauius, adeo vt interdum verbatim repetat quæ iam ab illo audiueramus, vt constat præsertim ex dub. 3. Quare quidquid antea contra philosophiam illam obiecimur, eundem quoque hic locum habent. Quòd si peculiare quippiam requiras, Lector, cedo

vnde intelligas, quantum hic Auctor præmotionum causam iuuare potuerit.

Primò. Hæc est in hac controuersia princeps difficultas, quomodo non destruatur prædeterminatione libertas, postquam eâ sit vt voluntas non possit non producere actum ad quem prædeterminatur. Proponitur autem dub. 2. num. 1. & rejicitur quidquid hæctenus à Thomistis responderi consuevit, præsertim verò illud, voluntatem prædeterminatam posse non agere in sensu diuiso; esto, non possit in sensu composito. *Certum est*, inquit, *illam definitionem* (quâ causa libera dicitur *positis omnibus requisitis*, &c.) DEBERE INTELLIGI IN SENSU COMPOSITO, & hoc varijs modis atque instantijs probat.

Postea verò dub. 5. Vbi obiectionem illam versat per multas paginas, in eandem ipse solutionem volens nolens recidit. Respondet enim pag. 113. ex eo quòd prædeterminationis voluntatem addicat fini tantum, medijs verò eatenus solum quatenus per illa necesse est tendere in finem; fieri, Vt sicut quando ordo finis exigit ad media „ accedo, ijsque vtor; ita quando ordo finis non amplius „ exigit, vel etiam oppositum exposcit, ab illorum ope & „ vsu supersedeam. Quasi diceret, esto, pro illa suppositione qua medium aliquod exigitur ad finem, non possit voluntas non amplecti talè medium *in sensu composito*, efficiendo vt hæc duo simul sint, *medium esse positum in ordine finis* seu quod idem est, *esse prædeterminationem ad illud*, & *omitti vsum illius*; nihilominus tamen pro aliâ suppositione qua medium illud non exigitur, Deo non prædeterminante illius vsum, hoc est, *in sensu diuiso*, potest.

Addit pag. 114. posse homines passim deficere ab ordine finis, atque ita non amplecti medium aliquod etiam tum cum illius vsum finis ordo postulat. Eo quòd prædeterminatio non ita potentiam immutet, quin eam relinquat in suâ defectibilitate, & deprauatione. Hoc verò „ non potest etiam aliter defendi, quàm per distinctionem allatam. Quæro enim, an ita sit defectibilis voluntas prædeterminata vt efficere possit coexistentiam & simultaneam compositionem non actionis cum prædetermina-

HHH hh ij .

tione, vel non? Si dicit posse, concedit posse deficere in sensu composito itaque dat manus & partes Thomistarum deserit: si dicit non posse, ergo potest deficere tantum in sensu diuiso. Quid hic opponet, nisi forte neget se illam distinctionem improbasse? Quare igitur nusquam soluit argumenta quæ ad illam improbandam attulit? Et quid iuuat *noua via modusque omnium probabilissimus*, si nos in antiquis salebris hæere sinit? Manet enim semper magnus ille *scrupulus*, Dissentire à Deo mouente est componere dissensum cum motione, seu, quod idem est, dissentire in sensu composito: Voluntas potest dissentire à Deo mouente: Ergo potest componere dissensum cum motione, & dissentire in sensu composito. Minor est Tridentini. Maior nota esse videtur ex terminis. Quia dissentire est ponere dissensum: & non est ponere dissensum antequam Deus moueat; quia hoc idem esset ac pugnare cum aduersario nondum nato: neque postquam mouere desijt; quia hoc idem esset ac pugnare cum mortuo: superest ergo vt dissentire sit ponere dissensum eodem tempore quo Deus est mouens, quod est facere vt dissensus & motio coëxistant & componentur. Neque dicas, impedire ne Deus moueat hoc esse dissentire. Tum quia est impossibile in vniuersum, Deum impediri ne moueat, tum quia hoc non esset dissentire à Deo mouente, sed moturo: tum quia demum sequeretur motionis existentiam pendere à libertate recipientis.

Secundò. Est etiam hæc capitalis difficultas in hac materia, quòd iuxta doctrinam SS. PP. libertas pati non possit antecedentem agendi necessitatem, quæ tamen inuehitur per physicam prædeterminationem. Respondet dub. 5. pag. 122. negando *absolutè* quamcumque necessitatem antecedentem tollere libertatem: & SS. Patres intelligendos *De illa necessitate quæ prouenit ex prædeterminatione intrinseca, quæ est ex natura rei limitans & determinans ex intrinsecis principiis aliquid ad aliquem determinatum effectum*: non verò de illa quæ prouenit ex determinatione proueniente à fine vel à primo agente. Et postea subdit

tanquam ex D. Thoma necessitatem hanc non esse absolutam sed conditionatam :

Hic rursus quæro quos scrupulos tollat, quas offensum-
calus vitet noua via & modus omnium probabilissimus? Me-
mini enim me iam pridem legisse totam illam solutio-
nem apud Didacum Aluarez disp. 22. Quin & apud Cal-
uinum 1. inst. capite 16. sect. 9. Vide enim an non satis
aptè distinctionem eandem expresserit hisce verbis? *In-
tere a quod statuit Deus sic necesse est euenire, vt tamen NEQUE
PRÆCISE NEQUE SVAPTE NATVRA necessarium sit. Exem-
plum in Christo ossibus familiare occurrit. Quùm induerit cor-
pus nostrum simile, fragilia fuisse eius ossa nemo sanus negabit:
quæ tamen frangi fuit impossibile. Vnde iterum videmus non
remerè in Scholis inuentas fuisse distinctiones de necessitate se-
cundùm quid & ABSOLVTA. Item consequentis & consequen-
tiæ? Non vides excludere illum à voluntate quam negat
esse liberam, agendi necessitatem absolutam, & quæ su-
apte natura illi conueniat, hoc est quæ proueniat ex in-
trinscèis principijs vt tute dicis? Quo igitur ab illo differs?
Et quomodo scrupulum eximis, qui exinde restat? Quia
scilicet, per hoc præcisè necessitas antecedens obest li-
bertati, quod & sit necessitas & sit à libertate indepen-
dens vndecumque proueniat. Quid enim quæso iuuat
quod non vinciar à meipso necessitate agendi, si perinde
vincior ab alio? Quinimò si alterum eorum conciliari
posset cum libertate, quis non videt suauius futurum à
seipso & ab intrinseco ligari quam ab alio? Quis nescit
propius accedere ad rationem violenti, quod extrin-
secus impellit, quàm quod mouet intrinsecus? Quòd si
quis obtendenti se ad aliquod scelus necessitate ada-
ctum, hoc tantùm regeret, Non es adactus à te ipso &
ab intrinseco, sed es adactus aliunde & ab extrinseco, &
idèò dabis pœnas; ille non videretur esse ineptus?*

Restabat alius quoque scrupulus Quia ratio quam af-
ferunt SS. Patres quare Dei prouidentia & præscientia
non officiat libertati, quòd scilicet non imponat necessita-
tem agendi, sic erit interpretanda iuxta solutionem hanc,
vt sensus sit, prouidentiam non obesse libertati, quia non

H H H h h iij

imponit necessitatem quæ oriatur ex voluntate intrinsecæ; sed quæ oriatur tantum ex ipsa prouidentia extrinsecæ: quod est, prouidentiam non imponere aliam necessitatem quam eam quam ipsa imponit, quo quid inanius fingi potest? Quid igitur fiet D. Dionysio qui potissimum abesse iubet à voluntate *ἐνεγκίνῳ ἀνάγκῃ* capite 8. de Diuinis Nominibus?

De necessitate conditionata quod additur, lusorium est. Neque enim intelligunt ita esse conditionatam ut conditio pendeat ex libertate voluntatis creatæ, quod intendit S. Thomas: sed ita ut pendeat ex solo Dei beneplacito, eoque antecedenti, quod nihil prorsus iuuat ut patet. Hi sunt scrupuli, quos ex Thomistarum solutione relictos *noua via* minimè tollit.

Sed & addit alium meo quidem iudicio importunum. Obiciebatur motum voluntatis prædeterminatæ non esse naturalem, eo quod sit à principio extrinsecò. Responder hic Auctor loco citato, pag. 124. lineâ ante infimam quartâ, Moueri à Deo non esse moueri ab alio, multominus extrinsecò Quia Deus est meum esse laudabile ut loquuntur Platonici, est *αὐτὸ τὸ αὐτὸ* ipsum metipsum, est mihi intimior intimo meo &c. Quando obijcitur necessitas quam infert Deus prædeterminans, negatur *prouenire ex intrinsecis principiis*, ut paulò ante vidimus: & quando opponitur non esse naturale ita moueri, negatur esse hic motus *ab extrinsecis*. Quid poterit inueniri satis dignum hac tam cohærenti & connexâ philosophiâ?

Tertiò. Difficultas communis iuxta & grauis est, si necessaria sit prædeterminatio, sufficenti gratia carere qui peccant omittendo bonum actum, quandoquidem carent prædeterminatione, ideòque ne peccare quidem. Responder neminem carere prædeterminatione. Benè habet, scrupulum iam tollit. Sed statim molam alligat. Cum applicatio *inquit* & prædeterminatio sit amor & desiderium finis siue summi boni, tamen in omnibus iugiter perseuerat desiderium istud: omnia enim appetunt beatitudinem & ex appetitu illo operantur.

Ex his concludit tandem *hinc patere quam ineptè obijciant aduersarij, non omnibus dari sufficientiam auxilij, si ad agendum praequiratur praedeterminatio.*

Sed quæro. 1. Quomodo possit desiderium illud summi boni, quod est *naturaliter* inditum, complere facultatem actus *supernaturalis*, cuius omissio peccatum est? 2. Quomodo potest idem desiderium, vel si foret supernaturalis, dici sufficiens auxilium, cum non habeat adiunctam intentionem Dei, hoc est decretum absolutum & antecedens quo necessarium est ut fiat efficax, ex pag. 114. lineâ post primam quartâ? 3. Quo sensu præterea dicitur hoc desiderium, quod creditur esse applicatio & praedeterminatio ipsa, perseverare iugiter in omnibus, cum antea dictum sit dub. 3. pag. 100. non habere esse firmum & permanens? Si quæras, *inquit*, „utrum huiusmodi præmotio habeat esse firmum & per-
manens an-non? Respondeo ex D. Thoma non habere
esse firmum & permanens. Subdit habere esse *fluxum*” cuiusmodi est virtus impressa proiectis, color in aëre, virtus artificis in instrumento artis. Heus tu mi Doctor, quod neque firmum neque permanens est, quod rebus maximè omnium fluxis ac mobilibus comparatur, hoc iugiter perseverat in omnibus? Et ubi tam aptè philosopharis ipse, audes obiectionem Aduersariorum *ineptam* dicere?

Quartò. Celebris illa difficultas de praedeterminatione ad actus qui mali sunt, quæ adeò molestè habuit Aduersarios ut in diuersum egerit, alijs approbantibus alijs cum stomacho respuentibus huiusmodi praedeterminationem, ab hoc philosopho sic soluitur, ut admittat Deum mouere ad actum etiam intrinsecè malum, in quantum actus est, ita pag. 115. ad secundum argumentum. Et pag. 121. post medium, concedit Deum mouere ad omnes circumstantias peccati secundum quod illæ habent rationem entis. Ad argumentum verò quod inde sequatur Deum esse Auctorem & causam peccati, respondet negando sequelam, Deum enim non praedeterminare ad actum malum ut malus est, vel prout deformitati substat ita:

pag. 118. Sed quid minus antea dixerant assertores prædeterminationum ad actus malos, addo & Calvinistæ? videntur enim illa verba ex Clypeo Molinæ esse desumpta sect. 20. prop. 11. Qua ergo ratione excutientur scrupuli qui adhuc supersunt. Et 1. Cum homo sit ipse sibi atque alteri causa peccati, quamvis neque se neque alium determinet ad actum ut malus est, quod malitia illa sit præter intentionem, & per accidens, ut loquitur S. Thomas 1. 2. quæst. 75. art. 1. in corp. sed ex eo tantum quod determinat ad actum quem scit esse prohibitum & malum: quidni hoc ipsum sufficiat Deo, ut causa & Auctor peccati sit? 2. Cum entitas actus mali malitiam trahat ex eo præcisè quod sequatur ex causa secunda defectibili, & iam dicatur Deus per suam prædeterminationem esse causa cur inde sequatur, quomodo negari potest esse causa cur malitiam exinde contrahat? Nam ita etiam dicimus quamvis hominis visio v. g. non sit ipsi Deo vitalis, sed hoc habeat ex ordine ad creatum oculum, Deum tamen qui causa est cur ad oculum illum ordinetur, causam esse cur ei vitalis sit. 3. Potest ne concipi Deus præcipere alicui vel dare consilium, non quidem ut peccet mentiendo, sed tamen ut liberè velit proferre id quod scit esse mendacium, malum, veritumque tum cum illud scit? Potestne inquam hoc suadere Deus, quin censeatur esse Auctor mentiendi? Atqui plus facit prædeterminando ad individuam illam mentiendi voluntatem. 4. Deus non prohibet tantum malitiam moralem actus, sed ipsam etiam entitatem, præsertim cum circumstantia libertatis. Quid enim censet, permittere Deum ut quis ipsum libere oderit, prohibere autem solum ne oderit malè? Atqui hoc implicat. Ergo si ad entitatem actus prædeterminat, etiam ut liberi; causa est prædeterminata voluntati faciendi quod prohibet. Quod si malitiæ coniunctio non patitur, ut quod est in actu naturale liberè fieri ab homine permittat Deus, pati poterit ut liberè fieri ab eodem prædeterminet & prædefiniat? 5. Quis igitur erit Auctor peccati? homo enim qui peccare dicitur non erit.

erit. quia ne peccabit quidem. Quid enim facere illum vis ut non peccet? Potestne impedire ne malitia contrahatur ab actu ex suppositione quod sit liber, & sciatur esse malus & prohibitus tum cum sit? hoc autem repugnat. Potestne igitur facere ut non sit entitas actus, vel libertas, vel prohibitionis conscientia? Atqui præterquam quod hoc etiam repugnat, est præterea absurdum supposita prædeterminatione, cum id demum sit contra Deum ipsum niti. Ecquid igitur fingi potest exigere Deum ab eo qui peccat prædeterminatus ad actum qui malus est, secundum omnem rationem entis omnneque circumstantias?

Hi sunt contrariæ sententiæ scrupuli de multis paucis, qui certè adeo non sunt minuti ut non sint etiam importuni. Eorum tamen molestiam neque sensit iste Auctor, neque si qui forte sentirent, quicquam attulit quo leuari possent. Nam quod addit pag. 120. initio, Nos tantum prædeterminari ad finem, & per finem ad media, non autem ad id quod auertit à fine. *Item.* Præmotionem esse conformem diuino præcepto, & alia id genus verborum cymbala, inexplicabilem continent sententiam, si ad vnum illum indiuiduum actum applicentur, quo aliquis eligit malum medium, furtum v. g. vel adulterium, ut bene sit. Quia vel intentio qua præmoueri à Deo dicitur is qui furatur respicit determinatè hoc medium quod est futurum, vel non: si primum quomodo dicitur *retrahere à malo*? Si secundum, quomodo esse potest prædeterminatio ad hunc numero actum?

Quintò. Quod obijci solet coïncidere hanc sententiam cum sententia hæreticorum soluit pag. 120. Sed quàm sit inanis solutio facile intelligetur ex ijs quæ dicimus antea capite 1. propos. 17. 18. 24. & deinceps. Summa difficultatis in eo consistit. Calvinum non errare proferendo tantum illa verba, *Deum esse Auctorem peccati*, vel, *Hominem non esse liberum*: sed concipiendo in Deo quendam modum se habendi circa malum actum cui conueniat oratio illa qua dicitur *Auctor peccati*: & in homine quendam modum operandi cui etiam illa con-

ueniat, *non esse ipsum liberum*. Quærimus autem ecquid concipiat Caluinus vel in Deo circa malum actum, vel in homine circa bonum & malum, quod non etiam concipiat ab ijs quibuscum disputamus? Neque hoc tantum quærimus, sed monstramus idoneis testimonijs eandem esse vtrorumque cogitationem. Nam de modo operandi hominis, fatetur Caluinus ipsum reuera *agere* etiam in operibus bonis. lib. 2. Inst. cap. 3. sect. 14. & cap. 5. sect. 14. & 15. Item fatetur *agere sine coactione* ib. cap. 2. sect. 5. & cap. 3. sect. etiam 5. Item *affici ex corde* ad agendum eodem cap. 3. sect. 14. Item non agere necessario *necessitate absoluta*: sed tantum *necessitate secundum quid*. lib. 1. capite 16. sect. 9. Item illam necessitatem non oriri ex intrinsicis principijs, sed ex diuina prædefinitione, hoc enim perpetuo supponit. Quod si quis contendat sufficere hoc vt homo dicatur liberè agere, *Per melicet* inquit Caluinus eodem lib. 2. cap. 2. sect. 8. Dicant modo Aduersarij quid ipsi vltra citraue cogitent? De modo quo se Deus habet erga malum actum, sentit Caluinus prædefinire ipsum huiusmodi actum; sed prædefinire vt malum, ita vt actui malitia conueniat quatenus est à Deo, & non tantum quatenus est ab homine, non solum ab illo nusquam asseritur, quin potius apertè negatur, tum alias tum maximè
 » lib. 1. Inst. cap. 17. sect. 6. dum asserit. Totum malum
 » in hominibus deprehendi, penes Deum non esse nisi
 » legitimum malitiæ vsum, & paulo ante, Deum tantum
 » benè vti malis instrumentis. Molinæus in Caluinistarum
 » mysterijs, & suo iudicio, & aliorum suffragio eruditus,
 » in Anatome Arminianismi sic loquitur cap. 3. num. 5.
 » Quemadmodum in generatione Embryonis sol & homo
 » simul agunt, quod si monstrum generatur, id non adscri-
 » bitur soli sed homini. Nempe ideò monstrum nascitur
 » quia causa vniuersalis agens abducta est à consueto tra-
 » mite per defectum organorum vel malam affectionem
 » materiæ. Ita ad actiones humanas Deus & voluntas
 » humana concurrunt, quod si quid inest prauitatis in
 » actione, NON DEBET EA ADSCRIBI DEO, sed disposi-

tioni voluntatis humanæ. *Et num. 15. Deus, inquit, effi-* „
caciter influens in creaturam non adimit ei liberam con- „
tributionem virtutis suæ. In actione humana, si quid „
peccatur ab homine est, DEI CONCURSVS NATURA- „
LIS EST, CREATURÆ VERÒ MORALIS. Quod in esu „
illo pomi vetiti naturale fuit, à Deo fuit; quod morale „
& deuium à tramite iustitiæ, ab homine fuit. Quemad- „
modum Deus dat animali claudicanti vim incedendi &c. „
 Hic iam quæro ab Aduersarijs quid in eiusmodi doctri-
 na reprehensione dignum putent, præter hoc vnum,
 quod additum est à Molinæo loco proximè citato, *Deum*
efficaciter influere in creaturam dum peccat: Actum illius esse,
definitum à Deo: Esse certò præordinatum cap. 6. num. 9.
 Quamuis sit liber & liberrimus, vt loquitur cap. 31. num.
 15. nihilominus tamen esse necessarium, vt addit mox num.
 16. & cap. 35. vbi dicit num. 8. *Necessitatem tantum co-*
actiõis, vel etiam physicam, ad vnum determinatam; qualis
est inclinatio grauium ad centrum excusare à peccato? Nihil
 inquam aliud occurrit in Hæreticorum libris vnde con-
 jicere possimus facere ipsos Deum Auctorem peccati.
 Atqui hæc ipsa ab Aduersarijs asseruntur. Vnde sequi
 videtur necesse esse vt vel eos absoluant, vel ipsi sese
 reos esse fateantur.

Neque occurrit hoc loco quid respondeant nisi forte
 illud quod Camerarius subindicat pag. 121. Hæreticos
 quamuis ita loquantur vt diximus, reuera tamen aliter
 sentire. Atqui hoc est Ecclesiam quæ illos condemnauit
 exponere ludibrio; quod sit proprium istius iudicij, vt
 nemo nisi consentientem reum damnare iure possit. Erit
 etiam fortasse qui hoc addat, Molinæum vt est versipel-
 lis & ingenio mobili ac fide cereâ ductilique in vsus tem-
 porum, emendauisse Calvinistarum sententiam, & ad
 formam orthodoxæ composuisse. Sed viderint qui hoc
 dicunt pro suâ sapientiâ quæ plurima est, num sibi satis
 decorum esse putent illius hominis consensum, quem
 vel Arminiani abominantur in hac controuersia de Au-
 ctore peccati, vt sacrilegum & blasphemum. Mihi om-
 nino certum est, ne latum quidem vnguem discedere à

Pontificiorum sententia, quos Molinæus cap. 35. illi suæ doctrinæ significat esse contrarios.

Hactenus videri potuit Camerarius communem cum multis difficultatem pati: sed vt constaret quàm sit generosus ac fortis, sententiam addidit horrore plenam. *Nullum esse actum peccati quem Deus non possit in nobis sine nobis facere, in penam peccati.* Hæc sunt eius verba pag. 117. lineâ ante infimam quintâ. Confirmatur, *inquit*, „quia nullus est actus peccati qui non possit ESSE IN NO-
„BIS SINE NOBIS A DEO IN POENAM PECCATI. Ex
„quo sic argumentor. Ille actus taliter consideratus erit
„omnino à Deo, & si fiat postea noster per hoc fiet quod
„à regula deficiamus, & ad creaturas nos conuertamus:
„ergo nulla est difficultas in præmotione ad actum pec-
„cati, in quantum actus est, etiam fatentibus Aduersarijs.
„Consequentia patet &c. Antecedens est certum. Et
„sanè &c. Hic ego non miror hominis confidentiam, qui
rem inauditam non aliter probat quàm quia *est certum.*
Neque hoc etiam premo, esse illum à seipso diuersum,
quando pag. 120. ex eo cogi putat Caluinum facere
Deum causam mali, etiam vt malum est, quòd dicat nos
spontaneè tantum concurrere ad actum malum Verba
„illius sunt paulo ante finem. Affirmant hæretici Deum
„necessitare voluntates nostras ad malum tam quoad sub-
„stantiam actus, quàm quoad modum eius; cum dicant
„nos spontaneè aut passiuè tantum ad vtrumque con-
„currere. Vnde perspicuè sequitur, si Deus actum ma-
lum quo aliud peccatum punitur in nobis producat *sine*
nobis, hoc est nobis aut nullo modo, aut saltem non
liberè sed *spontaneè* tantum aut *passiuè* concurrèntibus
ad illius entitatem, & quod inde consequens est ad ma-
ligiam; sequitur, inquam, Deum esse causam illius actus,
non tantum quoad substantiam, sed etiam quoad modum, quod
tribuebatur hæreticis. Sed ego hæc omitto, & illud tan-
tum expendo, in quo Caluinus ab hoc Auctore supera-
tus videri queat, fieri potuisse vt Deus in Iuda prodi-
tore, in Decidis Iudæis, in Impio Herode alijsque hu-
iusmodi sceleratis, detestabiles illos affectus quibus prio-

ra ipsorum peccata puniebantur excitaret, *sine illis*. Nihil huc pertinet anathema Tridentini sess. 6. can. 6. In eos qui dicunt *Deum in nobis opera mala ita ut bona operari*, displicere enim esse operandi rationem hic Auctor proficitur, cum censeat fieri etiam posse ut Deus magis operetur mala quàm bona. Neque enim operatur bona *sine nobis* cum sit definitum nos ad ea liberè concurrere. Sed hæc potius ad eos pertinent quorum officio fidei catholicæ conseruandæ cura coniuncta est. Quos ego spero non passuros suam in hoc negotio providentiam desiderari.

Sextò. Demum hoc dandum videtur huic philosopho, ut argumentum audiamus quod ipse putat *insolubile* negantibus physicas præmotiones. Est autem illud quod explicare incipit dub. 2. pag. 93. Poniturque in eo difficultas, quòd Deus non possit convenire cum creaturâ ad concurrendum simultanéè, nisi prædeterminet illum concursum, ac proinde causam ipsam, quod fusè probat percurrendo varios modos quibus id explicari posset. Sed ne vexetur dicam illi quomodo possit hoc intelligi. Constitue duos homines in ijsdem circumstantijs, quorum alter vnum quendam actum eliciat liberè, amorem verbi gratia voluptatis, alter eundem liberè non eliciat. Dico Deum antecedenter vno eodemque decreto utrumque præoccupare, quod decretum his aut similibus verbis exponitur. *Volo ita huic homini adesse, ut sit in eius potestate amare illud obiectum hic & nunc, aut non amare pro ipsius libertate. Volo ita & illi*. Quod si iuuat cum ijs sentire, qui putant determinationem actuum quoad indiuiduam differentiam à Deo esse: ita concipiendum erit illud decretum. *Volo huic homini sic adesse, ut sit in eius potestate elicere hic & nunc circa tale obiectum hunc numero amorem ex infinitis omnino similibus, aut nullum pro ipsius libertate. Volo ita & illi*. Vi talis decreti præcisè ac sine ullo alio, dico diuinum concursum vni hominum illorum exhiberi reipsa, fierique illius actionem identicè & essentialiter actionem Dei. Hoc in alio reipsa non fieri, pro eorum libertate. Item vi illius decreti præ-

cisè ; fieri dico , vt Deus sit causa cur ille qui operatur producat hunc numero amorem potius quam alium ex infinitis omnino similibus : homo verò non sit talis causa , sed sit tantum causa sine qua hoc non fit. Viceversa hinc fit , vt homo sit causa cur producat amor potius quam non amor , Deus autem non sit talis causa , sed sit tantum causa sine qua hoc non fit. Loquor de actu liberò præcisè , non autem de actu bono & supernaturali quem Deus suadet & amat , & cupit & ea intentione ad eius productionem concurrat adiutâ etiam infirmitate potentia à quâ producitur præter & supra illius exigentiam , vt idèò meritò dici possit esse causa cur talis actus sit. Quamuis autem Deus non sit causa cur producat amor potius quam non amor , nihil tamen est in amore producto physicum , nihil reale , quod non intimè & essentialiter pendeat à Deo , secundum omnem rationem positivam quam quoquo modo includit , multò magis quam pendeat à causa creata : quòd & nobiliori modo , & magis necessario causetur ab illo , quam ab hac.

Hic iam quæro ecquod sit argumentum illud *insolubile* ? Ponitur , inquis , in Deo *indigentia & potentialitas*. Imò verò ponitur summa perfectio & actualitas ; quod ei talis ac tanta potestas & iurisdictio tribuatur , vt cum nulli domino subdatur ipse , habere tamen possit subditum sibi dominum suæ operationis agens liberum. Subditum , inquam , postquam nullum esse potest eius dominium , nisi quod antecedenti decreto illo fuerit prius constitutum. Et idèò decretum illud est proprius & perfectissimus actus determinans illam Dei virtutem ac protestatem qua sibi subicere potest causas liberas. Deus , inquis , expectabit concursum voluntatis vt in genere causæ secundæ *antecedentem* , ex qua sequuntur nescio quòd absurdæ. Falleris , nulla enim est *anteccessio* illa : quòd repugnet causam cur aliquid sit , prius illud producere , quam causam sine qua produci nequit. Instas , Deus non erit actus purus. O te subtile ! Quid nocere potest puritati actus Dei , extrinsecum nescio quid , quod cum eo nullam in compositionem venit ? Pergis , Quo-

modo sciet Deus suum concursum absolutè futurum? Quomodo, inquam, nouit cætera futura contingentia. Sed hoc aliàs. Iam enim constat quid de cæteris argumentis sentiendum sit, postquam illud quod vnum esse insolubile putabatur ex stamine adeo tenui contortum est. Valeat hic Philosophus, floreat, triumphet: sed vt Christiano aptum est, splendore virtutis, animi modestiâ, orationis innocentia, maturitate iudiciorum, religione sententiarum, studio denique veritatis *sincero*.

L. D.



INDEX RERVM ET VERBORVM.

A



ACTIO Dei in quo differat ab eo quod tantum permittit. 97
ACTIO causæ secundæ vnde procedat. 509
ACTIONIS supernaturalis principium esse proximam & innatam liberi arbitrij virtutem. 303
ACTIONEM suam non componere cum prærequisitis ad agendum quid sit. 146
ACTIONES quibus sanctificantur iusti. 403
ACTUS humanus quis sit, & quare ita dicatur. 740
ACTUS liber an producatur necessario. 594
ACTUS liber necessitate sit, sine necessitate ut fiat. 134
ACTUS sub ratione qua est opus causæ, quare non meritorius. 718
ACTUS voluntatis quotuplici modo considerandus. 634. 635
ACTUS maiestiam à secunda solum egredi causa. 675
ACTUS malus quoruplex. 583
ACTUS malus ut malus est non à Deo prædefinitur. 111
ACTUI prædefinito, seclusâ scien-

tiâ mediâ, an apponi conditio possit libertatis à prædefinitione. 163

ACTUM prædefiniens qui malus est, an plus sit quam autor malitiz. 112

ACTUM ut liberum implicat prædefiniti seclusâ scientia media. 268

ACTUM prædefinite ut malus est, quid sit. 110

ACTUS virtutum moralium an dari possint siue prædefinitione. 319

ACTUS liberi prædefinitio est illo prior ut absolute futuro, & si non sit prior ut futuro conditionatè. 424

ACTUS quos impij ex lege & impetu prauitatis suæ operantur, an Deus prædefiniat. 702

ACTUS libeti an sint & sciantur conditionatè futuri. 282

ACTUUM electionem liberam an habeat homo, aut ex necessitate eligat. 634

De actu liberorum prædefinitione. 262

ACTUUM liberorum necessitas, quæ à S. Thoma cognita. 58

ACTUUM bonorum prædefinitio facilis redditur scientia media, 129

ACTUUM malorum absoluta & antecedens

& Verborum.

- recedens prædefinitio refutatur. 94. & seq.
 Actus malos à Deo prædefinitos non tamen prædestinatos quis contendat. 38
 Ad actus malos quomodo concurrat Deus. 54
 Aduersarij inuicem pugnant 171
 Agendi necessitas an possit stare cum libertate, ex eo quod oriatur ex Dei decreto 136
 Agendi libertas cum qua necessitate stare possit. 138
 Agendi necessitatem ad quod principium reduxerit Caluinus. 371
 Agens liberum quid sit secundum D. Thomam. 761. Tenetur interdum componere non actionem cū prærequisitis ad agendum. 147. Quo sensu non distinguetur à necessario. 148. debet hoc posse, ad quod aliquando tenetur. 146. An debeat esse indifferens secundum se. 720. Non potest esse sibi principium & causa necessitatis ad agendum. 273. quam abhorreare necessitatem. 166
 Complerum ad agendum quo sensu dicatur posse non agere. 153. Eius conceptus quam excludat necessitatem. 135
 Agentis liberi communis definitio defenditur. 138. 139. probatur ex patribus. 142. Illius agentis potentia qualis sit. 145
 Agentia libera ut sint in primo actu discreta non est necessarium, si discreta sunt in actu secundo. 301
 Agere culpabiliter quid sit. 98
 Amor beatificus an sit liber, an necessarius. 540
 Amor quo viatores Deum prosequuntur quā libertate sit liber. 637
 Amoris diuini continuum exercitium an sit necessarium. 648
 649
 Amplitudinem esse veluti proprium libertatis charactere perperam dici. 766
 Anselmus quid censeat de necessitate præcedente & sequenti. 157
 Anonymus quid censeat de Dei decreto prædeterminante. 265 non soluit difficultatem aut acceptat Doctrinam de scientia media. 269 Quid dicar de multiplici necessitatum acceptatione. 270. Vocat necessitatem ex hypothesi quam antea dixit abolutam. 271. Expenditur illius doctrina & interpretatio locorum scripturæ pro scientia media. 240. malè soluit quæ probare videntur dari in Deo scientiam mediam. 234. Illius sententia de priori & posteriori. 173. Illius rationes contra scientiam mediam examinantur. 174. & seq. Illius impetus contra L. Molinam retunditur. 189. & seq. illius interpretatio rejicitur de causa consequentia 206. eius sententia de Dei præscientia rejicitur. 218 219. quid doceat de Dei scientia. 221. 222
 Cogitur supponere prioritatem quandam in Dei præscientia. 27
 Angelus beatus cur perseverauerit in gratia & damnatus minime 90. 91 illius peccatum an fuerit omissionis vel commissionis. 93
 Angelus & homo cur à Deo crea-

K K K k k

Index Rerum

- ti cum essent peccaturi. 390
 Angelus peccans quid exequatur
 quod non exequatur Deus per-
 mittens. 98
 Angelos peccaturos præsciuit
 Deus, sed eis peccandi potesta-
 tem non ademit. 251
 Animæ mors quotuplex. 47
 Arbitrium quid sit. 179
 Arbitrium liberum, *vide* Liberum
 arbitrium.
 Arbitrij nostri libertas an solo lu-
 mine naturæ possit evidenter
 cognosci & demonstrari. 195
 Argumentum Tuissij contra scien-
 tiam mediam. 13
 Aristoteles quid censeat de liber-
 tate. 750
 Arminiani contra Calvinum, ar-
 mis Catholicorum vsi. 3
 Articulorum Tuissij decisio 16.
 & seq.
 Augustinus ab adversario malè
 intellectus. 122. quo sensu di-
 xerit, bonum esse ut mala sint.
 ibid. An scientiæ mediæ con-
 trarius. 309. An neget præsciri
 à Deo conditionatè futura. 320
 323. Quo sensu rejiciat malo-
 rum actuum prædefinitiones.
 107. An ex effectibus suæ do-
 ctrinæ sequatur eum fuisse
 scientiæ mediæ contrarium. 416
 & seq. Quid de scientia media
 censuerit? 468. & seq. Satisfit
 ijs quæ obijciuntur ex illo. ibid.
 Quid velit dicere dum hoc di-
 ctum ait, *secundum pericula*
huius vitæ. 245. Ad quam re-
 currat scientiam dum explicat
 efficaciam gratiæ. 719. Quid
 dicat de Deo Angelos peccatu-
 ros prævidente. 251. Tantùm
 negat præscientiam absolutam,
 vel æquivalentem absolutæ
 eorum quæ dicuntur conditio-
 natè futura. 327. quam præ-
 scientiam neget. 331. quodnam
 Dei decretum requirat in futu-
 ro cond. 338. Eius doctrina de
 Dei præscientia. 36. quo sensu
 neget malam voluntatem esse
 opus Dei. 37. Illius mens de
 independentia præscientiæ à
 prædefinitione. 44. Eius sen-
 tentia de futuro. 17
 Auctor Innocentiæ Deus, non
 criminis. 118
 Auctor & causa peccati sunt apud
 S. Augustinum synonyma. 116
 Auctores Catholici quid sentiant
 de consensu doctrinæ aduersa-
 riorum & Calvinistarum. 550
 Auxilium efficax utrum pertineat
 ad rationem potentis ac virtu-
 tis agendi. 80
 Auxilium efficax dandum Tyrijs.
 an Iudæi dicendi sint impedijisse.
 82
- B
- B**eatitudo quotuplici modo
 accipiatur & quomodo
 / eam velit viator? 636
 Beza dixit omnia necessariò eve-
 nire ex immutabili Dei decreto.
 576
 Boëtius quid censeat de libertate.
 750
 S. Bouanentura quid asserat de
 libertate. 752
 Bonum esse ut sint mala, quomo-
 do intelligendum. 122
- C
- C**alvinistæ de quorundam
 Catholicorum consensu

& Verborum.

- gloriantur. 7. Quid sentiant de
sue & aduersariorum sententiæ
consensu. 540
Caluinismo quinam infensu. 4.
& seq.
- Caluinus quid censeat de Dei
concurſu ad actus malos. 95
Quid censeat de Dei præſcien-
tia circa generis humani lap-
ſum. 187. A quo ſanctus Dei
habeatur. 545. Quid ſentiat
de diuina præſcientia. 554.
Quantum errauerit circa libe-
rum arbitrium & circa proui-
dentiam quam habet Deus
peccatorum. 559. Quam in-
ducatur neceſſitatem in actus li-
beros. 566. negat coactionem.
567. Quid censeat de libero
arbitrio 562. quomodo dicat
Deum eſſe auctorem peccati.
564. Admittit decretum non
ſolum mouens : ſed etiam exci-
tans. 571. Non tollit indiffe-
rentiam iudicij 569. In quo vi-
deatur diſſentire ab aduerſariis.
572. non cenſet homines mo-
ueri brutorum inſtar. 571. ne-
gauit gratiam ſufficientem *ibid.*
Illius ſententia de auctore pec-
cati. 576. ſciuit diſtinguere in-
ter materiale peccati & forma-
le. *ibid.* Quonam ſenſu Deum
neget auctorem peccati , &
quonam fateatur ? 579. Quo
ſenſu dicat Deum & hominem
tendere in peccatum. 184. Quid
censeat de conuerſione homi-
nis ad Deum. 627. de quo ac-
cuſet Petrum Lombardum
628. negat libertatem arbitrij
ad actus bonos & nominatim
ad eos qui Deum reſpiciunt.
633. quid censeat de voluntatis
actione. 658. Num peccaret
negans arbitrij libertatem. 663.
Qua ratione gratiam ſufficien-
tem eliminet. 666. cenſet ne-
ſarios homines neceſſariò pec-
care. 676. aſſerit injici à Deo
peccandi neceſſitatem. 700.
Illius ſententia de libero arbi-
trio damnata. 564. 565
Cauſa præſens futuri conditionati
tum neceſſarij tum liberi. 21
Quenam poſſit assignari. 20.
Cauſa ſecunda quomodo mouea-
tur à prima. 767
Cauſa & author mali ſunt apud
S. Auguſtinum ſynonima. 116
Cauſa exiſtens an poſſit eſſe ne-
ceſſaria ad effectum conditio-
natè tantum futurum. 17
Cauſa libera determinat ipſa ſuam
indifferentiam. 23
Certitudo de futuro conditionato
vnde petenda. 17
Chriſtus quo ſenſu ſit locutus de
pœnitentia Tyriorum. 142.
Cur dilato aduentu ſuo tantam
hominum multitudinem perire
ſuerit quanta fluxerat ab initio
mundi. 332. Quare præſciuerit
credituros. 602. De qua liber-
tate loquatur cum dicit , *ſun-
g veri liberi eritis*, &c. 715. Eius
inceptio Tyrijs facta , quàm
iuſta fuerit. 593. Illum neceſ-
ſario proditum à Iuda , dam-
natum à Pilato quis aſſeruerit.
576
Coactio quomodo accipiatur à
patribus. 555
Coactionem à Caluino negari.
567
Cognitio de Tyriorum futura
pœnitentia quenam fuerit in
Deo. 61

K K K k k ij

Index Rerum

- Cognitio quomodo imitetur ob-
iecti modum. 177. quæ condi-
tionata est ex obiecto non dicit
imperfectiorem. *ibid.* Cogni-
tionis conditionalis veritas quæ
sit? 178
- Cognitio directiua & cognitio
practica num differant. 223
- Concordia liberi arbitrij cum præ-
scientia & diuinis decretis
quàm sit difficilis seclusa scient.
med. 189. 190
- Concordia nostri liberi arbitrij
cum prædestinatione Dei con-
tra hæreticos. 539. & seq.
- Concursum Dei in actu secundo
non esse illi rationem videndi
futurum cond. 507
- Concursus Dei non est causa, sed
decretum concurrendi. 510
- Concursus Dei determinatus quo-
modo per scientiam mediam
cognoscatur. 511. Num ex se
& à se determinetur à libertate
creata. 512
- Confessio difficultatis conciliandi
liberum arbitrium cum Dei
providentia, qualis sit. 438
- Consequentiz & consequentis
necessitas. 167. 168
- Consequentiam necessariam esse
ab absoluta futuriione ad con-
ditionalem. 87
- Consilium latens Dei quid sit
apud Augustinum. 339
- Concilium Tridentinum non in-
diguisse explicata scientiz me-
diz assertionem. 434. Non in-
diguisse scientia media ad dam-
nandas hæreses. 437. Eius sen-
tentia de conuersione hominis
ad Deum. 618
- Consilia diuina num seorsim sint
à præceptis. 652
- Consilia quomodo de substantia
credendorum pronuntiant. 435
- Contritio perfecta & imperfecta.
650
- Coniungentia vnde oriatur secun-
dum D. Thomam. 762
- Conuersio nostra num fiat à Deo
in nobis sine nobis. 626
- Conuersio ad Deum nostra præ-
requiritur ad fidem. 631
- Conuersio frequens ad Deum
quænam sit. 648
- Conuersio nostra ad Deum est
meritoria vt actus noster. 717
- Corona nulla vbi est agendi ne-
cessitas. 641
- Creatura ideo peccat, quia facit
quod creator fieri non vult. 122
- Creaturam esse causam in malis
actibus, non Deum. 97
- Curationum opus an sit ex gratia.
381

D

- D**ecretum Dei an possit esse
conditionatum. 28
- Decretum an aliquod sit diuinum
de danda Tyriis & sidoniis præ-
nitentia. 65
- Decretum præuium scientiz con-
ditionatz non cognouit Au-
gustinus. 70
- Decretum diuinum an apponat
actui malitiam. 98
- Decretum vltimi iudicij an sit
prius illius præuisione. 218
- Decretum prædeterminans non
potest vocari voluntas conse-
quens. 266
- Decretum consequens quodnam
sit. 263
- Decretum prædefinens quomo-
do possit aut non possit inclu-

& Verborum.

dere libertatem actus prædefi-
niti. 272
Decretum Dei quare potius re-
quiratur ad futurum absolu-
tum quàm ad conditionatum.
342. absolutum in quo differat
à possibili 343
Decretum efficax an sit ratio
sciendi futura conditionata. 371
Decretum diuinæ voluntatis an &
quomodo requiratur ad cogni-
tionem futuri absoluti. 490
Decretum concurrenti cum cau-
sis liberis quale sit. 505. an ha-
beat potentialitatem aliquam
Deo indignam. 506
Decretum quodnam admiserit
Calvinus. 571
Decretum quo diuinus concursus
præparatur causis liberis quo-
modo concipiendum. 611
Decreta de liberis actibus condi-
tionatè futuris, repugnare SS.
Patrum doctrinæ. 33
Decreta quæ non admittunt asser-
tores scientiæ mediæ. 586. 587
Definiti nomen an & quando
possit in definitione repeti. 276
Determinatio diuinæ voluntatis
est ad concurrendum indiffe-
renter. 512
Deus num velit quod fieri per-
mittit. 53. Vera ratio cur non sit
causa peccati. 54. Quomodo
concurrat ad malos actus. ibid.
præscit & prædicat ea quæ non
est factururus. 55. Illius cognitio
cùm æternitate mensuretur,
quomodo vnumquodque con-
tingentium videat? 57. Quo-
modo agat in homine; & quid
eius misericordia agat in illo. 73
Quid in nostro arbitrio posue-
rit. 74. Quando nam iusta de

illo querela fieri posset. 75. 76
In eo non remanere præscien-
tiam absolutam futurorum
peccatorum seclusa scientia
mediæ. 87. Illius scientia res-
pectu bonorum in quocumque
genere, qualis sit? 90. Cur
non impedierit quominus An-
gelus peccaret; ibid. an sit au-
thor actus peccato substrati. 93
Illius concursus ad actus malos
qualis sit secundum Calvinum
95 Quid permittat & quid fa-
ciat in nostris actibus. 97. An
permittens agat minus, quàm
Angelus peccans. 98. Quomo-
do præsciat bonos homines fu-
turos, & quomodo malos fu-
turos. 51. vide præscientia Quo-
modo cognoscat & videat fu-
tura conditionata 27. 613. 717.
Eius decretum an possit esse
conditionatum. 28. illius vo-
luntas potestne esse causa cur
aliquid fiat futurum. 27. Quo
sensu induret. 53. quod duplex in
Deo voluntas. ibid. Quomo-
do definiat. 49. Illius antecede-
dens voluntas circa malas ho-
minum actiones, cur non pos-
sit dici prædestinatio. 50. Quid
quid scit, non esse prædefini-
tum 54. Quosnam prædesti-
narit ad regnum & quos ad sup-
plicium. 47
Distinguendum id quòd permittit
tantum ab eo quòd facit. 97.
Malitiam actus tantum per-
mittit non exequitur. 99. Qua-
re in Angelum cadentem læ-
uizat. 101. In eo notitia sola sine
beneplacito circa peccata. 103.
an eius præscientia sit malo-
rum actuum causa. ibid. Mala-

K K K k k iij

Index Rerum

nec primariò nec secundariò
vult, sed ea libero arbitrio per-
mittit. 104. Præscit mala non
prædestinat. *ibid.* & seq. Eius
misericordia præcedit bonum
meritum: iustitia verò sequitur
meritum malum. 105. Quo
sensu sit malæ voluntatis dator.
107. An non desertus desolat.
108. Quomodo non sit cau-
sa peccati. 110
Non prædestinat actum malum
vt malus est. 111. Quo sensu
esset auctor peccati 112. An
sit tolerabile illum dici cau-
sam peccati, cum auctor di-
ci nequeat. 113. & seq.
An præsciverit vel prædefinie-
rit hominem erediturum. *ibi-*
dem. & seq. Quatumnam te-
rum sit auctor. 114. Hominum
peccata præscit non facit. 115.
Potestatum omnium dator est.
non voluntatum. 116. Cum sit
summum bonum tantum boni
causa est. Cur non sit effectus
malis 117. Innocentiæ author
est, non criminis 116. Opus
nullum ei adscribi posse, in quo
nec misericors inueniri possit
nec iustus. 109. An dicendus
sit velle vt malum fiat. 120.
Deum velle omnes homines saluos
fieri, &c. explicatur. *ibid.* quo-
tuplex sit illius voluntas 123.
Sententia quæ vult eum velle
vt malum fiat, ipso solum per-
mittente rejicitur. 125. & seq.
Illius voluntatis obiectum esse
etiam malum, quatenus per
modum medijsit bonum 128.
Eum non prædefinite materiale
peccati probatur. *ibid.* An ab-
solutè necessarium sit vt sciat

quod scibile sit. 131. Quomodo
decernat vt actus fiat talis. 134.
Nullum cogit ex ipso salutem
accipere 136. non facit ea, vo-
luntatem cogendo, quæ præ-
destinat 138. Illius prædefini-
tionem esse in manu nostra quis
censeat. 169. 170. Cur cognos-
cat ab æterno aliquid futurum
esse 170. an futurum condi-
tionatum possit illi esse præ-
sens. An possit scire scien-
tia conditionata quid sit futu-
rum in his vel illis circumstan-
tijs 185. Eius decretum quo
modo includatur in hypothesi,
in qua scitur aliquid conditio-
natè ac liberè futurum. 186.
qualis sit illa voluntas qua Deus
vult creare hoc vel illud 187.
Per quid tenebrarum visionem
accipiat. 188. Qualem habeat
cognitionem de non entibus.
200. Illum præscire futura quia
futura sunt, non è conuerso,
qualis sit propositio. 202. An
ista præscientia in sensu causali
sit iniuriola Deo. 203. Cur di-
catur præscire aliquid futurum
absolutè 204. Scientia qua vi-
det futurum contingens, vnde
habeat existendi necessitatem.
206. Hæc scientia non est cau-
sa cur res sit futura. 207. Scien-
tia visionis in Deo quæ sit. 211.
Quomodo illa scientia sese ha-
beat ad opposita 213. Quomo-
do Deus videat omnia. 215.
Hæc visio non impedit libera-
tem vt clarè patet exemplo 217.
Eum iustè punire non posse,
quæ necesse sit fieri. 218.
Sciens alicuius mali periculum
non potest exitum nescire. 246.

Index Rerum

Angelos peccaturos praevidit
 fed eis non ademit potestatem
 peccandi 251. Cum videat ho-
 mines peccaturos cur non eos
 impediatur. 252. 253. An ei sit
 necessaria scientia conditiona-
 ta? 258. quo sensu nesciret in-
 terrogati respondere sine scien-
 tia conditionata. 259. Illius vo-
 luntas antecedens quanam sit.
 263. eius decretum num aliquo
 modo includat agentis liberta-
 tem. 273. An illius respectu sit
 aliquid futurum & praeteritum.
 278. An simpliciter cognoscat
 objecta conditionate - futura.
 285. Pariane praestet antece-
 denter consentienti divinae gra-
 tiae & non consentienti. 295
 Quomodo debeat esse causa
 eius quo consentiens discernitur
 à non consentiente. 297. Cur
 dicatur antecedenter ab illo
 discerni consentiens à non con-
 sentiente. 299. An & quo-
 modo praesciat non futura. 314
 Latens eius consilium apud
 S. Augustinum quodnam sit.
 339. Cur potius requiratur eius
 decretum ad futurum absolu-
 tum quam ad conditionatum.
 342. Dei gratiam dari secun-
 dum recipientium merita qui
 nam asseruerint. 353. Quomo-
 do eligat credituros praescientia
 & damnet incredulos. 358.
 Cum praesciuit fidem, suum
 praesciuit donum. 367. Quo-
 modo fidem promittat futuram
 375. Non de sua tantum praesci-
 entia. ibid. Fides semper de
 eius praedestinatione, seu gra-
 tiae praeparatione. 366. Nul-
 lum eius donum futurum quod

non sit praedestinatum quia as-
 serat. 377. Quosnam consti-
 tuerit in regnum suum assume-
 re. 380. 406. Eius gratiam
 nullis hominum meritis ante-
 cedi. 384. An sit personarum
 acceptor. 408. Quomodo ho-
 mines vocet ut vocantem non
 respiciant. 410. An praedestinat
 & actus nostros & modum
 quo fiant quando fiunt liberè.
 479. Reddit suo decreto futura
 quaedam conditionata ab ipsis
 tantum libertate pendencia co-
 gnoscibilia. 482. Illius volun-
 tatis decretum an & quomodo
 requiratur ad cognitionem fu-
 turi absoluti. 490. Quomodo
 illius scientia sit causa apud S.
 Thomam. ibid. Quomodo fu-
 turum conditionatum sit ab
 eius voluntate dependens. 498
 An sit aliquis status in creatu-
 ris ab eo imparticipabilis. 500.
 An illius concursus in actu. 2.
 Sit illi ratio videndi futurum
 conditionatum. 507. Illius con-
 cursus non est causa sed con-
 currendi decretum. 510. Illius
 voluntatis determinatio est ad
 concurrentium indifferenter.
 512. Eius concursus an à creata
 libertate ex se & à se determi-
 netur. 512. Quomodo videat in
 suo decreto futuram praedesti-
 nationum gloriam. 533. Ex hy-
 pothesi quod vnum velit vtrum
 possit aliter velle. 534. & seq.
 Quomodo afficiatur circa futu-
 ra conditionata. 537. Quomo-
 do eius potentia praestet causis
 liberis. 538. Aperit cor & non
 claudit illius indifferentiam.
 569. A quo dictus sit necessi-

rare miseros ad flagitia? 576. Quo sensu dicatur à Caluino auctor peccati, & quo minimè 579. Quomodo prædefiniat malas actiones secundum hæreticos. 580. Num cognoscat eadè cognitione res antequam sint constitutæ, & postquam sint constitutæ 585. Eius præscientiam non esse rationem cur futura sint ea quæ homines libere faciunt 587. Quare crearet Angelos & hominem quos præsciuit peccaturos. 589. 590. Quomodo præmoueat ad actus malos 596. An efficiat substantiam liberarum operationum, & modum libertatis. 606. Cum detur in eo scientia conditionata futurorum an detur eorum prædefinitio. 607. Non dicendus est suum offerre concursum cæco modo. 611. Duplex illius scientia. ibid. an operetur in nobis sine nobis conuersionem nostram. 626. quid finis faciat consiliis. 651. Num prædeterminando relinquat in voluntate agendi vel non agendi indifferentiam. 658. Non esse causam & authorem malorum intentionum, vt velle videntur aduersarij 671. Num prædefiniat & prædestinet vt impius exerceat prauam animi sui dispositionem. 672. An præmoueat ad actus qui mali sunt & quomodo. 674. Num peccata operetur permissiue, & ad ea homines impellat. 678. & seq. An velit malum prout est vtile ad bonum. 681. num statuatur noua committi peccata. 684. Eum immittere homini

voluntatem mali faciendi, quis asserat. 685. Illum nolle malum quod causæ liberæ perpetrant. 688. An velit malum sub ratione medijs ad bonum finem? 689. Num sit causâ mali peccati vt malum est. 700. Actus quos impij ex lege atque impetu prauitatis suæ operantur, an prædefiniat. 702. Num possit hominem ducere via persuasionis quo vult. 726. qualem non possit habere voluntatem. 739. Num aliqua sit definitio illius voluntatis circa materiale peccati. 735. an præmoueat ad id quod prohibet. ibid. Num nos moueat & præmoueat & prædestinet ad actus qui mali sunt. 734. Quomodo nos vocet. 735. An simul sint eum velle permittere malum, & prædefinire actum qui malus est. 741. An dici possit eum nihil aliud certò scire de futuris conditionatis, quam ipsius futuritionis probabilitatem. 745. quomodo sit omnibus omnia. 755. illius voluntatis definitio. 754. Quo utatur principio scotus vt neget Deum esse causam peccati. 757. Quomodo voluntatè moueat. 761. Solus ex omnibus causis extrinsecis potest causare nostras electiones sine violentia. 764. impossibile esse Deum velle malum culpæ. 782. Didaci doctrina de necessitate. 166. & seq. Discrimen inter prædestinationem & communem prouidentiam saluatur. 527. Discrimen inter consentientem diuinæ gratiæ & non consentientem

& Verboru m.

tientem.	297	Elenchus Tuisij soluitur.	23
Quæ doctrina turbauit Massilienses.	421	Error Caluini circa liberum arbitrium qualis fuerit.	560
Doctrina aduersarij & interpretatio locorum scripturæ pro scientia media expenditur.	230	Euangelium cur alijs proponatur, alijs verò minimè.	318. 370
Doctrinam de scientia media quis vocet hæresim?	14	Libera rerum non existentia reducitur ad obiectum scientiæ visionis.	188
Ad Dominium voluntatis in actus suos quid necessarium sit.	650.		

F

651	Donum Dei nullum absolute futurum sine predestinatione quæ sit, & nullum futurum conditionatè sine predestinatione quæ foret.	377	F A T V M quibusdam etat, à Dei voluntate nostram præueniri.	384	
	Donum perseverantiæ in quo sit positum & quomodo sit inamissibile.	523	Faustus Regiensis quam præscientiam præmittat diuino decreto.	469	
	Durandus quid doceat de libertate.	732	Fides futura quomodo promittatur à Deo	375. Non de eius tantum præscientia, ibid. Sed semper de eius prædestinatione seu gratiæ præparatione.	366

E

E CCLESIA qua ratione vincere soleat hæreticos,	439	Fidei prædestinatio quid sit,	367
Eius placita semper sequenda.	592	Fidei initium esse donum Dei, gratiæ necessitate admissa,	396 & seq.
Effectus quos dicit aduersarius secutos ex Augustini doctrina.	423	Fidem inchoari sine gratia & consummari finaliter putant semipelagiani	366. contradicit S. Augustinus.
Effectus futuri prædefiniri ad quid tendat.	485	Fidem esse communem eligentium,	156
Effectus cur sit conditionatè ac determinatè futurus,	23	Filij Dei generatio num sit actio libera vel necessaria.	661
Electio voluntatis non est prior gratia.	382	Fonssecræ verba de providentia diuina & prædestinatione.	437
Electio æterna an confundatur cum prædefinitione,	603	Futurum conditionatum male dicitur transire è conditione possibili in conditionem futuri	21
Electiõnem hominum stare cum scientia media.	366	Quomodo & à merè possibili distinguatur & ab absolutè futuro.	184
Electiões nostras sine violentia causari posse à Deo solo, ex omnibus causis extrinsecis.	764	Quomodo sit de-	
Electorum perseverantia in quo fundetur,	367		

L L L I I

Index Rerum

- pendens à Dei voluntate. 498.
 illius veritas quæ sit. 502. Eius
 conditio ex qua dicitur sequu-
 rum, non includit concu-
 sum in actu secundo & deter-
 minate. 505
- Futurum conditionatū an aliquid
 sit respectu Dei.** 178. An pos-
 sit cognosci. 175. contingens
 quot modis possit considerari.
 ibid. & 176. an possit esse Deo
 præsens 176. Enuntiatio futuri
 conditionati quo modo intelli-
 genda. 17
- Futuri conditionati liberi scientia
 quodammodo prior est eiusdem
 visione.** 181. ad quam reducat
 scientiam. 180. 22. Quænam
 eius causa præsens possit assi-
 gnari. 20. Eius contradicto-
 rium esse tantū possibile. 102
- Futurum absolutum & conditio-
 natum quomodo differant re-
 spectu diuini decreti.** 342. 243
- Futurum vt futurum an absolute
 sit necessariū futurum.** 133
 Non futurum formaliter sum-
 ptum ad quod nam scientiæ ob-
 iectum pertineat. 198 An rectè
 dicatur præsciri, quod non est
 futurum. 316
- Futurum quoduis quod à Deo
 scitur, non esse prædefinitum.** 34
- Futurum contingens quomodo sit
 Deo cognoscibile.** 492
- Futurum absolutum cur potius
 Dei decretum requirat quam
 conditionatum.** 342
- Futurum inter & non futurum
 absolute an detur medium.** 224
- Futurum præsciendi modus quo-
 duplex.** 484
- Futurum aliquid sciri conditio-
 nate independenter à prædefini-
 tione.** 595
- Futurum conditionatum admit-
 tunt aduersarij.** 586 587
- Futurum esse aliquid hypotheti-
 ce quod non est absolute.** 261
- Futuri præscientia non impedit
 eius contingentiam.** 215
- Futura quæ nunquam erunt an fu-
 tura?** 17
- Futura ideo præsciri quia futura
 sunt, non è conuerso quo sen-
 su verum sit.** 102 & seq.
- Futura conditionata num absolu-
 te futura.** 137. Ea non esse vere
 futura. 330. quomodo Deus
 ea cognoscat. 27. Quædam
 conditionata ab ipsius liberta-
 te tantū pendentia, reddit
 Deus suo decreto cognoscibi-
 lia. 482. quomodo ea videat
 Deus. 613. Vt præsciatur quæ-
 nam prædestinatio necessaria.
 473. De eo quod est & non est
 futurum secundum diuersos or-
 dines causarum. 486. Mo-
 dus ea cognoscendi, ex con-
 nexione, quam habent cum
 causis præsentibus non est di-
 uinus. 489. Num sit necessa-
 rium vt eorum causa plus actua-
 litatis habeat, quam eorum
 effectus. 491. Quo sensu intel-
 ligendum sit illa esse nunc vera.
 496. Quomodo differant à
 mere possibili & à suo contra-
 dictorio. 497. quomodo Deus
 afficiatur circa ea. 537
- Futura non omnia esse prædefi-
 nita.** 592

G

Generatio in diuinis an sit li-
 bera vel necessaria? 662

& Verborum.

- Gloriam prædestinatorum futu-
ram quomodo videat Deus in
suo decreto. 533
- Gonzalis sententia de concursu ad
actus malos. 580
- Gratia non tollit voluntatem, sed
malam mutat in bonam 574
- Gratia sufficiens per quid fieri pos-
sit efficax. 78 Præparatio ad
gratiam quomodo attribuitur
libero arbitrio. 638
- Gratia divina excitans secundum
rem & entitatem, an sit idem
cum nostra ad Deum conuer-
sione 619. 630. ad fidem præ-
requiritur. 631. illius operatio
quando nam nostra fiat. 647
- In operatione gratiæ, si hæ sunt
partes libero arbitrio secundum
Diuum Augustinum. 72. 73
- Gratia, qua salus inchoatur &
perficitur est prorsus indebita.
787
- Gratiæ necessitate admissa semi-
pelagianorum hæresis conuel-
litur. 391. admissa illa necessi-
tate quid sequatur. 396
- Gratiæ inefficacia nrm diuinæ vo-
luntati adscribenda sit. 668.
728
- Gratiæ efficacia in quo consistat.
711. an subiecti deprauiatio,
eam impediat. ibid.
- Gratiæ Diuinæ non consentire,
qua quis incitatur ad bonum an
sit peccatum. 727
- Gratiæ necessitas, ab Augustino
perpetuo defensa. 684
- Gratiam esse necessariam contem-
dit August. aduersus Semi-
pelagianos. 388
- Gratiam Dei dari secundum reci-
pientium merita quinam asse-
ruerint. 353
- Gratiam Dei nullis hominum
meritis antecedere. 584

H

- H**æresis prædestinatorum à
quibus negetur 6
- Hæretici qua ratione vinci so-
leant ab Ecclesia 439. Quid
censeant de doctrina quorum-
dam Thomistarum ex Campa-
nella 550 Libenter se ijs ad-
iungunt qui tenent determi-
nationem Physicam 555. *be-
mo in quis es qui respondens
Deo quomodo intelligendum.*
74. 75
- Homo peccat malens suam,
quàm Dei voluntatem face-
ret 122. Num aliquid scire
possit quod non sciat Deus.
241. Nemini tribuere debet
quod peccet, nisi sibi. 115 Ha-
bet apud se malas voluntates
nocendi 116. Num habeat libe-
ram electionem actuum, aut ex
necessitate eligat 614. Num
oninino seipsum moueat in fi-
nem. 722
- Hominiis conuersio ad Deum per
quid fiat secundum D. Tho-
mam. 626
- Homini consentienti diuinæ gra-
tiæ & non consentienti an pa-
ria præstet Deus. 295
- Hominem inter & non hominem
an detur medium. 124
- Hominem nullum credere spera-
re & diligere sine præuenienti
Spiritus sancti inspiratione 666
- Homines quare digni pœnâ vel
præmio. 194
- Homines sponæ credentes meri-
to credulitatis accipere auxi-
L L L l l ij

Index Rerum

- lium gratiæ iuxta Semipelagianos. 360. eorum obedientia anterior sit Dei gratia. 361
Homines ad peccatum impelli à Deo quinam dicant. 678. & seq.
Homines quonam auxilio adiuti possint aliquid agere quod saluti conducatur. 705
Homines posse eligere & non eligere. 779
Hominum bona & mala quinam fato tribuant? 43
Diuinam hominum electionem stare cum scientia media. 366
Hominum voluntates nolunt Dei constitutione præueniri Semipelagiani. 380
Hominum opera quandonam Deo assignanda & quando diabolo. 578
- I
- I**n senistarum sententia quàm iustitiæ & bonitati diuinæ sit contraria. 100
Illatio significata in syllogismo, an sit à parte rei. 233
Imbecillitas subiecti recepturi gratiam non potest impedire illius efficaciam. 722
Impius, an prauam animi sui dispositionem, Dei prædefinitione & prædeterminatione exerceat. 672
Improbi quomodo Dei voluntatem impleant, dum illi resistunt. 123
Indifferentia agendi includit potentiam agendi & potentiam non agendi. 659
Indifferentiâ contradictionis nullam esse circa finem quis asserat 40
- Iniuriam antiquioribus non fieri si dicantur recentiores aliquid vidisse quod illi non viderint. 429
Intentio num dici debeat absolute determinare naturam aë media. 734
Intentio qualis sit actus. 737
Interitus quotuplex. 47
Iudæi cur mortis Christi rei, cum Christus vellet mori. 52 Quare non fuerint ad penitentiam adducti. 79. Dicendi ne sint auxilium impedisse, quod erat dandum Tyrijs 82. Eorum infidelitatem præsciuit Deus sed non fecit 55. Eorum excusatio quo sensu esset iusta. 71. cur nulla sit. 72
Iudicium hypotheticum an & quomodo ster cum absoluto de eadem re. 183
Iudicium vltimum an sit à Deo decretum. 228
Iudicium Romanorum Censorum de scientia media. 446. & seq. illius narratio mendosa. 449. & seq.
- L
- L**emos non satis cognita Caluini doctrina. 553
Liberè simul & necessariò aliquid fieri implicat. 274
Libertas in quo consistat. 15
Libertas hominum quomodo non violetur Dei præsentia. 57. an lædatur decreto diuino. 131
Libertas agendi cum qua necessitate stare possit. 138. 154
Ad libertatem non sufficit sola indifferentia cognitionis. 151.
152 quam necessitatem excludat. 162

& Verborum.

- Libertas** nostri arbitrij an solo lumine naturæ possit euidenter cognosci. 195
- Libertas** an lædatur præscientia diuina. 207
- Libertas** actus prædefiniti quomodo possit aut non possit includi à decreto prædefiniente. 272
- Libertas** creata num determinet Dei concursus ex se & à se. 512
- Libertas** qualis admittatur ab aduersarijs. 579
- Libertas** in quo sit formaliter & in quo radicaliter. 570
- Libertas** à Caluino admissa qualis sit. 568
- Libertas** non aliter destrui videtur, ab hæreticis, quam ab aduersarijs. 596
- Libertas** arbitrij si non esset, frustra essent præcepta exhortationes, &c. 637
- Libertas** arbitrij & exercitij, & contradictionis datur in actibus voluntatis. 635. Qualis sit in diuinis actionibus. 661. & qualem nobis relinquit diuina motio. ibid.
- Libertas** arbitrij an stet cum immutabilitate 715. Quænam sit in beatis. 715
- Libertas** exercitij non condistat contra libertatem status. 716
- Libertas** num dicat ordinem intrinsecum ad finem. 739. Quid sit secundum Philosophos & Theologos. 749. & seq. Quandonam sit perfectissima & quandonam minus perfecta. 780
- Libertatis** nostræ prima radix. 164
- Libertatis** concordia cum præscientia & prouidentia semper visa est difficilis. 190
- Libertatis** alterutrum exercitium esse inseparabile à suppositione causæ liberæ completæ. 262
- Libertatis** character quis sit. 766. potentia peccandi vel non peccandi sitne pars libertatis. 736
- Libertatem** non tolli Dei præscientia clare patet exemplo. 217
- Libertatem** à diuina gratia independentem quoniam docuerint. 470
- Libertatem** contradictionis esse in Angelis. 716
- Libertatem** quoniam asserant sitam esse in amplitudine. 749 & seq.
- Libertatem** arbitrij esse facultatem ad opposita quis asserat. 752
- Liberum** arbitrium posse dissentire Deo vocanti. 147. Partim esse causam discriminis, quod consentiens à non consentiente discernitur. 301. 302. 305. Quid sit illius proxima & innata virtus. 303. Quomodo se habeat ad gratiæ respectu bonæ actionis. 304. Quomodo prædestinationi subiaceat ex S. Thoma. 477. & seq. Non mere se habere passiuè ad præparationem iustificationi præuiam. 640. quomodo dicatur vertibile 642. Num sit post Adæ peccatum res de solo titulo. 662. quoniam illud destruxerint. 559. quoniam dicant illud esse titulum sine re. 561. Num sit in Deo & quale 781. illius defendendi antiqua ratio. 442. Illud sic moueri ut etiam seipsum moueat. 765. Indifferenter se habet ad bene vel male eligendum. 779. Eius concordia cum Dei præ-

Index Rerum

- destinatione contra hæreticos 539. & seq. 439. Illius concordia cum præscientia, & diuinis decretis quàm sit difficilis seculsa sc. med. 189. 190. 439. Sub libero arbitrio nostro contenta à nobis esse euitabilia. 194. Quomodo ei attribuitur præparatio ad iustificationem 638. Num ei dominium actuum suorum debeat tribui. 631
- L**utherus quid censeat de libero arbitrio. 632 661. Negat libertatem arbitrij ad actus bonos præsertim ad eos qui Deum respiciunt. 633. Vitio vertit peccatoribus quod non illos omni tempore peccatorum peniteat 649. quid censeat de consilij diuinis. 651
- M**
- M**agister sententiarum quid censeat de Dei præscientia. 55. apertè supponit scientiam conditionatam. 256
- Malitia per quid producat 98
- Malitia non potest esse alienum factum si prædefinitur actus malus, etiam materialiter sumptus. 108
- Malitiam actus non à causa prima sed à secunda egredi. 675
- Malum nullo modo vult Deus, sed illud libero arbitrio permittit 104
- Malum Deus non vult quod causæ liberæ perpetrant. 688. An illud velit Deus sub ratione mediæ ad bonum finem. 689. mali pœnæ an Deus sit causa. 700
- Malum quod duplex, & quale dicitur à Deo esse. 680. An velis-
- lud Deus prout est vtile ad bonum. 681
- Mali causa extra Deum querenda. 114. 115
- Massilienses libertati metuebant ab infallibilitate gratiæ. 399. Si admississent gratuitam prædefinitionem fidei incipientis falso essent accusati. 493. in quo differant à Pelagianis circa fidem 404. vide Semipelagiani. Massiliensium error circa gratiam. 389
- Meritotium quidnam sit dicendum. 643
- Meritum bonum an præcedat Dei misericordia: & an meritum malum Dei præcedat iudicium. 52
- Meritum nostrum, quomodo subiaceat prædestinationi. 484
- Meritum nullum sine libertate reperiri posse. 641. ex quo constet meritum. 642
- Meriti & demeriti rationem tollere, hæreticum esse. 641
- Merita quæ prætexebant Semipelagiani in adultis erant absoluta. 339
- Mertorum propriorum & à gratia diuina independentium præscientiam quoniam astruebant. 356
- Methodus Tuissij. 11
- Misericordia Dei quid agat in nobis. 73. Eadem semper bonum præcedit meritum. 105. Illius sacramentum ad omnes pertinet homines. 364
- De Moderatione religiosa in disputationibus retinenda. 445
- Molinæ iactantia num merito accusata. 438. & seq.
- Molinæ sensus de Dei prædesti-

& Verborum.

natione. 530
 Molineus quid censet de divinis
 consilijs. 652
 Motio Deinum recipiatur in mo-
 bili & sit prævia ad actum. 714
 Motionis modus quatuorplex. 582
 Motionis perfectæ existentia num
 pendeat à libertate hominis acce-
 ptatione. 723
 Motuum per modum finis ex
 parte hominum non repugnat
 prædestinationi. 529
 Motus qui negantur esse mate-
 riale peccati. 732

N

Natura num ab intentione
 dicatur ad media deter-
 minari. 734
 Necessitas actuum liberorum quæ-
 sit à S. Thoma cognita. 58
 Necessitas consequens cur &
 quomodo stet cum libertate.
 135. quam excludat conceptus
 agentis liberi. *ibid.*
 Necessitas agendi an possit stare
 cum libertate, ex eo quod oria-
 tur ex Dei decreto. 136
 Necessitas duplex. 137. cum qua
 possit stare libertas. *ibid.* & 138
 Necessitas sequens & necessitas
 præcedens distinguuntur. 158
 quam admittat Tuissius. 160
 161. Quænam repugnet liber-
 tati. 154. & 162
 Necessitas quæ non cogit rem ef-
 se, sed esse rei, facit necessita-
 tem esse. 157
 Necessitas quam habet agens li-
 berum. 166
 Necessitas orta ex prædefinitione
 Didaco est antecedens respectu
 causæ secundæ. 167. Quæ se-

quitur ex prædefinitione seclusa
 scientia media, non est tantum
 consequentiæ sed & con-
 sequentis. *ibid.*
 Necessitas nulla ex Dei præscien-
 tia sequitur quæ libertati noceat
 205
 Necessitas coactionis quo sensu
 non noceret libertati. 151
 quænam sit fugienda. 274
 Necessitas quam Calvinus indu-
 cit in actus liberos qualis sit.
 566
 Necessitas quam prædeterminatio
 infert an sit necessitas quam li-
 bertas compatitur. 753
 Necessitas quam facit ipsa rei
 præsentia. 760
 Necessitas naturalis num auferat
 libertatem. 762
 Necessitatem nullam imponen-
 dam agenti libero, quæ non sit
 in potestate voluntatis. 757
 Necessitatem nullam esse adhæ-
 rendi Deo, quæ libertatem vo-
 luntatis in viatoribus opprimat.
 772
 Notitia qualis in Deo circa pecca-
 ta. 103

O

Obedientia num prior sit
 gratia. 382
 Operatio gratiæ quandonam no-
 stra fiat. 647
 Operationum liberarum quot
 sint genera. 402. 403
 Opus nullum adscribi Deo posse,
 in quo nec misericors inveniri
 possit nec iustus. 119. Nullum
 esse bonum conduens ad vi-
 tam æternam quod fiat sine
 præstia Dei motione. 651. Cur

Index Rerum

non sit meritotium sub ea ratione qua est opus causæ primæ 718
Opera bona quomodo sint Dei dona. 644
Ordo prioris & posterioris inter actus diuinos quis esse possit. 214

P

Paruli secundum quid iudicentur. 363.
Propositum eos saluandi an supponat aliquam præscientiam. 371
Patres Augustino posteriores quid censeant de prædefinitione & præscientia. 44. & seq.
SS. Patres, Augustinus præsertim, negant Deum esse causam & autorem peccati. 115. Quid censuerint de diuina præscientia. 205 & seq. Loquuntur de scientia conditionata. 249
SS. Patres adductos vt Zizania Catholicæ & antiquæ doctrinæ admiscerent quis aſſetat. 348
Patres Origenem inter & Augustinum positi in quo peccauerint secundum Iansenistas. 391
Eorum doctrina de actibus conditionatè futuris 35. & seq. Eorum mens de præcedenti & consequenti necessitate. 154. & seq. Sententia eorum de præscientia, prædestinatione, & prædeterminatione. 392
S. Paulus de quibus loquatur dicens *quid gloriaris, &c.* 298
Peccandi potentia num sit libertas vel pars liberatis. 787. 788. num faciat ad sanctorum laudem. 789

Peccator per quid disponatur ad suam conuersionem. 630. Non pœnitet sine præuenienti Spiritus sancti inspiratione. 666
Peccatum absolute futurum quam facile intelligatur à Deo supposita scientia media. 88 quam sit difficile in contraria sententia. 89
Peccatum Angelorum quale fuerit 43
Peccatum nihil habere quod merito dici possit à Deo tantum permitti in contraria sententia. 97. Si necesse fieret, iniuste puniretur. 218. Quot modis possit esse futurum. 673. An ordinatione diuina committatur. 683
Peccatum permittere quid sit. 740
Peccatum nec Deus vult permittere, nec vult ab eo præseruare, nisi sciens peccatum ipsum futurum. 743. Quando nam sit conditionaliter futurum & quando absolute. 744
Peccati origo. 50. Illius originem nunquam ex Dei voluptate processisse. 49. Illius cur Deus non sit causa. 54. Eius causa extra Deum querenda. 115 De eius permissione. 87. & seq.
Peccati materiale quodnam sit. 766
Peccata quomodo noscat Deus. 103
Pelagiani non sunt abusi scientia media sed Semipelagiani. 311
Non nisi absoluta meritotum præscientia sunt abusi. 354. Eorum sententiam Semipelagiani ad fidem qua credere incipimus restringunt. 355. Eorum hæresis vnde profluxerit. 385

Pelagius

& Verborum.

Pe' agius in quo differebat à Semi- pelagianis. 67	dens malorum actuum refuta- tur. 94. & seq.
Penninus Calvinismo infensus. 4	Prædefinitio mali actus tamq̃ etiam materialiter, an constituat Deum auctorem peccati. 109
Permissio & actio Dei in quo dif- ferant. 97	Prædefinitio bonorum actuum facilis redditur scientia media. 129. quàm sit difficilis sine illa scientia. 110
Cardinalis Perronij testimonium de disputationibus Romæ ha- bitis. 461	Prædefinitio an possit apponere libertatis conditionem actui prædefinito seclusà scientia me- dià. 113 & seq.
Perseuerantia electorum in fide & sanctitate in quo fundetur. 367	Prædefinitio diuina an sit antecede- dens ad actus prædefinitos. 166 Num tam late pateat ac futuro- rum præscientia. 318
Perseuerantiæ donum in quo sit positum, & quomodo sit ina- missibile. 527	Prædefinitio actus liberi quomo- do prior illo & quomodo non prior. 424
Perseuerantiam esse donum Dei gratiæ necessitate admissa. 396. & seq.	Prædefinitio conditionata cum prædestinatione absolutà à qui- busnam confundatur. 334
Personas diuinas distingui ad cre- dendum difficile, difficilius ad negandum. 739	Per quid concilietur cum li- bertate humanæ operationis. 409
Pœnitentia propria prædestinato- rum quænam sit secundum S. Aug. 86	Prædefinitio agendorum à causis libetis, ex inclinatione causa- rum naturalium male infertur. 488
Pœnitentiam Tyriorum futuram nullo præcedi decreto conditio- nato 62. erat conditionatè fu- tura. 64	Prædefinitio conditionata posita conditione transit in absolu- tam. 593
Potentia datur ad impossibile in aduersariorum sententia. 171	Prædefinitio quid causet præter modum libertatis in actu. 594
Potentia diuina quomodo præsit causis liberis. 853	Prædefinitio & prædestinatio- nis an sit aliqua differentia. 55
Pœnitentia Tyriorum media inter futurum & non futurum. 240	Prædefinitio omnium non esse quorum est præscientia 38
Potentia dissentendi sublata, auf- ferri libertatem. 654	Prædefinitio cum libertate actus prædefiniti quomodo M M M m
In potestate nostra vt aliquid esse dicatur quid sufficiat. 169. 170	
Potestatum omnium est dator Deus non voluntatum. 116	
Prædefinitio absoluta & antecede-	

Index Rerum

- conciliet Tuissius. 130. Ex illa
 nullam necessitatem derivari in
 actum prædeterminatum censet
 Tuissius. 131
 Prædeterminationem Dei esse in ma-
 nu nostra quis asserat. 169. 170
 Prædeterminationem non inuolui in
 conditione ex qua dicitur ali-
 quid libere futurum. 64
 Prædeterminationem gratuitam ineun-
 tis fidei quinam non agnouerint.
 402
 A Prædeterminatione faciendorum à
 Deo solo, ad prædeterminationem
 faciendorum ab homine liberè
 operante, non valet argumen-
 tum. 487. nec à prædetermina-
 tione conditionata præmij ad præ-
 determinationem conditionatam
 meriti. 488
 De Prædeterminatione liberorum
 actuum. 262
 Prædeterminationes efficaces actuum
 liberorum an implicent. 594
 Prædeterminationes malorum actuum
 quo sensu ab Augustino reji-
 ciuntur. 107
 Prædeterminationibus seclusus est cur
 dicatur à Deo discerni antece-
 denter consentiens à non con-
 sentiente. 299
 Prædeterminatio & prædeterminatio in
 quo differant. 39. 44. 46. 50
 Prædeterminatio quid sit ex D. An-
 selmo. 55
 Prædeterminatio bonorum in Deo
 non malorum. 117
 Prædeterminatio sanctorum quid sit.
 335
 Prædeterminatio fidei quid sit. 367.
 Quænam sit necessaria ad præ-
 scienda futura conditionata.
 473. An subintelligenda ubi-
 cunque præscientia nominatur.
 475. quomodo ei subiacet li-
 berum arbitrium. 477
 Datur aliqua ratio ex parte
 nostra cur prædeterminatio sit
 possibilis, non verò cursit actu.
 503
 Prædeterminationi non repugnat
 motuum per modum finis ex
 parte hominum. 529
 Prædeterminationem absolutam cum
 prædeterminatione conditionata ma-
 le confundi. 334
 Prædeterminationem inter & com-
 munem prouidentiam discrim-
 en. 527
 Prædeterminationem inter & libe-
 rum arbitrium concordia. 539.
 & seq.
 Prædeterminatorum hæresis nulla ex
 Tuissio. 6
 Prædeterminatorum propria præ-
 sentia quænam sit secundum S.
 Aug. 86
 Prædeterminatorum futuram glo-
 riam quomodo videat Deus in
 decreto suo. 533
 Prædeterminatio Physica num
 auferat potentiam dissentien-
 di. 654
 Prædeterminatio facultatis &
 prædeterminatio actus frustra
 distinguitur. 723
 An sit impedimentum efficax
 & insuperabile resistentiæ.
 725
 Prædeterminationem causæ libe-
 re non esse intentionem finis.
 766
 Prædictio num sit euentuum cau-
 sa. 209
 Præmio moveri ad bene agendum
 an sit licitum. 646

& Verborum.

- Præmio generalis secundum ad- uersarios quid sit. 664
 Præscientia Dei circa bonos & malos homines sc. quomodo non imponat eis necessitatem. 52
 Præscientia Dei agnoscenda, non tamen semper prædestinatio. 52. 104.
 Quomodo non violet hominum libertatem. 57
 Qualis à Patribus admittatur. 101.
 Malorum actuum est causa tantum sine qua non. 103
 Præscientia diuina num obstat libertati. 107. 117.
 Vtrum ita secundum propositum maneat, ut ea ipsa quæ sunt proposita sint accipienda præscita. 373
 Ad quid adhibebatur à Semipelagianis. 407
 Præscientia, quam diuino decreto præmittit Faustus Regensis, qualis sit. 469
 Præsciri malum quia futurum est, est propositio causalis. 105. & seq.
 Præscientia num importet habitudinem causæ respectu præsciti. 605
 Præscientia hominis quomodo se habeat ad futurum. 217
 Præscientia futuri non impedit illius contingentiam. 215
 Præscientia conditionata num nitatur Dei proposito. 342
 Præscientiæ quomodo Deus eligat, creditorios & damnet incredulos. 357
 Præscientiam absolutam cum conditionata confundunt ad- uersarij apud Aug. 370
 Præscientiam absolutam futuro- rum peccatorum, in Deo non remanere sedus scientiæ me- diæ. 87
 Præscientiam latius patere præde- stinatione. 387-
 Eam non esse rationem cur fu- tura sint ea, quæ homines fa- ciunt. 387
 Præscitum quodcumque an sit etiam propositum. 474
 Præteritum an aliquid sit respectu Dei. 278
 Principium quo utitur Steffus ut neget Deum esse causam pena- ti. 757
 Prioris & posterioris ordo inter actus diuinos. 114
 Prophetia triplex, combina- tionis, præscientiæ & prædesti- nationis. 481
 Propositio vera & propositio ne- cessaria in quo differant. 14
 Propositionis conditionalis quis sit sensus. 178
 Propositum apud Aug. ad electos tantum spectat, ac proinde ad futura tantum absolutè. 371
 Prouidentia per quid intelligatur perfectior. 338
 Prouidentia Dei num creatis vo- luntatibus adimat potentiam aliter agendi. 655. 656
- Q
- Q** Verela de Deo fieret iusta si paria posceret ab inæquali- ter potentibus: 75. 76
 Quæstio quam S. Prosper negat solui posse, quinam eam solu- ere conentur. 79

M M M m m ij

Index Rerum

R

- R** *Apus est ne malitia mutaret intellectum eius.* Explicatur. 244
- Re: rebatio num sit derelictio in massa peccato Adami infecta. 703
- Reprobatorum pœnitentia an sit spiritalis? 86
- Res merè possibilis, an transire possit de conditione merè possibilis in conditionem futuri citra causam. 18
- ex Reuelatione colligitur ne necessariò scientia rei, quæ reuelatur. 236

S

- S** Almanticensium obiectiones aduersus scientiam mediam. 600. 601 & seq. Eorum narratio de disputationibus Romæ habitis de scientia media. 446
- Confirmatur à P. Ioanne à S. Thoma. 448
- Multis capitibus mendosam esse monstratur. 449. & seq. minus sincera. 455
- Sanctorum laus in quo sita sit. 789. Eorum prædestinatio quid sit. 335
- Sanitatis desiderium num pertineat ad curationis opus. 382
- Sathanas num propriè dicatur agere in reprobis. 577
- Scientia Dei respectu bonorum in quocumque genere qualis sit. 90
- Extrinsece quodammodo in-

- qualis ratione obiectorum. 198
- Ea quæ est causa rerum, habet se indifferentem ad opposita, & determinatur ad alterum illorum per voluntatem. 213
- Quomodo apud S. Thomam sit causa rerum. 490
- Illa circa futura ex sententia aduersariorum popularis sit. 514
- Scientia Dei duplex. 613
- Scientia diuina qua videt futurum contingens, vnde habet existendi necessitatem. 206. Non est causa cur futurum illud sit. 207
- Scientiam diuinam inter & reuelationem externam discrimen. 203 & seq.
- Scientia conditionata ex decreto pendens oppugnatur 77 & seq.
- Abusus tantum illius in Semipelagianis reprehensus. 255.
- Ea perfectæ Providentiæ necessaria. 257. 258.
- Quo sensu Deus nesciret interroganti respondere sine illa. 259.
- Quæ videtur ab Augustino negari, non asseritur à Semipelagianis. 315.
- Quænam negetur ab Augustino. 327. Illius antiqua persuasio. 254
- Scientia conditionata necessariorum sub qualis scientia comprehendatur. 18
- Scientiæ conditionerum liberorum quare detur locus medius. 180
- Scientia directiua diuini decreti an sit causa rerum. 213
- Scientia futuri conditionati liberi quodammodo, prior est eius-

& Verborum.

dem visione 182. Assertio futuri conditionati non potest dici falsa quin cōcedatur eius negatio esse veri & scibilis. 211. 239	gnoscat. 511
Scientia media quàm utilis. 4.	Inconuenientia ex illa ab aduersarijs refertur. 518
Quàm Calvinismo noxia. 5	Illam non magis sternere viam Semipelagianismo, quàm scientiam simplicis intelligentiæ. 519.
Illius propugnatores 6	Eà non eneruat argumenta quibus S. Aug. cæteri que Patres Semipelagianos urgebant. 520
Non olim, ut nunc est reduta in vsum explicandæ ac defendendæ libertatis. 418	Secundum inconueniens rejicitur. 525
An tollat metum libertatis amittendæ. 419	Illam nullam habet necessariam connexionem cum prædestinatione post præuisa. 526
Olim tamen cognita erat & eius vsus ibid.	Tertium inconueniens ex illa rejicitur. 533
Quomodo prior scientiâ visionis. 226	Ad quid adhibeatur. 407
Et qua prioritare. 227	Concedunt aduersarij expurgatam esse à nobis ex ea parte qua erat erronea. 428
Præit & præluceat decreto diuino. ibid.	Quibus è tenebris eruita 431
Quid de illa censeant Patres. 247. & seq.	Nō satisfideliter explicata summo Pontifici Clementi. VII. 464.
Quem locum inueniat in scientia diuina. 196	Quid de ea docuerunt S. Aug. & S. Thomas. 468.
Facilem reddit bonorū actuum prædefinitionem. 129	& seq. An ex illa sequatur dari statum aliquem in creaturis imparticipabilem à Deo. 500
Quàm sit connexa cum principijs S. Thomæ. 491	Specialis contra eam difficultas. 503 504
An olim reprobata fuerit 441	Cum ea stat hominum electio qualem Aug. requirit 366
Non esse in antiquis Scripturis vnde rejici possit. 443	Illā supposita quàm faciliè intelligatur à Deo peccatum absolutè futurum. 38
Quomodo fuerit à Semipelagianis S. Augustino proposita. 469.	Quàm sit difficilè in contraria sententia. 89
Illam non reiecit Augustinus, sed illius abusum. 472	Sine illa nō posse prædefiniri actum liberum. 268:
Aduersariorum rationes contra illam. 295 & seq.	Nec remanere in Deo præscientiam absolutam futurorum peccatorum. 87.
Epilogus seu brevis summa doctrinæ de scientia media. 585.	
Qualia decreta negent illius assertores 386	
Eius antiquitas probatur. ibidem.	
Quomodo per eam determinatus Dei concursus co-	

M M M m m iij

Index Rerum

- filius assertio autoritate po-
 tior. 190. Scripturæ testimo-
 nium contra illam soluitur. 191
 Autoritate Apostoli solida-
 tur. 193. Doctrina de illa quo-
 modo dicatur extare vel non
 extare apud antiquos. 194.
 Quis asserat eam latuisse Scho-
 lasticos. 431. Eam tuebantur
 hæretici non hæreticè. 309.
 Quinam hæretici ea sint abusi.
 311. De illius antiquitate 416.
 Quid de ea censeant Thomi-
 stæ. 427
 Scientia simplicis intelligentiæ &
 scientia visionis quæ sint & in
 quo differant. 220
 Scientia Dei de futuro conditio-
 nato non est cum voluntate
 coniungenda. 150. duplex in
 Deo. 252
 Scientia, ad quam recurrit S.
 Aug. dum efficaciam gratiæ
 explicat, quænam sit. 729
 Scientia num aliqua possit esse
 in homine quæ non sit in Deo?
 241
 Scientia visionis in Deo quænam
 sit. 21. An sit directiua diuini
 decreti & causa rerum. 121.
 123. Faueret potius semipela-
 gianismo quàm scientia media.
 521
 Scientia visionis quâ futura præ-
 sciuntur quomodo se habeat
 ad illa 604
 ad Scientiæ visionis obiectum,
 libera rerum non existentia re-
 ducitur. 188
 Scotus quid de libertate sentiat.
 753. & seq. de quanam agat
 determinatione voluntatis.
 755. Illud doctrina expressa
 contra prædefinitiones. 165
 Scriptores antiqui sine assentatio-
 ne. 433
 Scripturæ testimonium contra
 scientiam mediam soluitur.
 291
 Semipelagiani nolunt ut paru-
 lorum causa, ad exemplum
 maiorum afferatur. 359
 Merita quæ prætexunt signi-
 ficantur ad modum eorum quæ
 præsciuntur absolui. ibidem.
 Quo sensu dixerint priorem
 esse hominis obedientiam,
 quàm Dei gratiam. 361
 Quandam confugerint ad
 scientiam conditionatam. 362
 Duplex occasio in qua indi-
 guere meritis conditionatis.
 364. 365. putant inchoari fi-
 dem sine gratia & consummari
 finaliter. 366
 Eis contradicit S. Aug. 367
 Per quid crediderint liberta-
 tem destrui. 380
 Parem esse putant hominis fa-
 cultatem ad bonum saltem in-
 choandum & ad malum. 381.
 Obedientiam esse grata prio-
 rem asserunt, sin secus destrui
 libertatem. ibid. Voluntatem
 querendi medicum indepen-
 dentem esse dicunt à gratia.
 383. Fatum illis erat à Dei vo-
 luntate nostram præueniri.
 384. Idem illis initium fidei
 esse donum Dei, & non esse
 liberum. 386
 Negabant gratiam tanquam li-
 bertati contrariam. 387
 Vna gratiæ necessitate admis-
 sa eorum hæresis exstinguitur.
 393.

& Verborum.

- Nulli eorum, admittebant. 394
 Internum gratiæ auxilium ad
 initium fidei. 490.
 Gratuitam incantis fidei præ-
 definitionem nullam agnoue-
 runt. 402. Circa quid pouissi-
 mum errauerint. 405.
 Casus in quibus coacti sint re-
 currere ad scientiam conditio-
 natam. 406. 408. Vnde dicant
 esse præscientiam 412. Secun-
 dum quid censeant gratiam
 vocantis operari sanctitatem,
 & secundum quid gloriam
 decerni. 413. quale decretum
 Dei admiserint. 414.
 Sine causa turbatos fuisse Au-
 gustini doctrina. 417. 421.
 Et ex falsa libertatis imagine.
 ibid. Quæcumque gratuita
 constitutio diuinæ voluntatis
 fuit illis fatalis visa. 424.
 Quomodo proposuerint scienti-
 am mediam S. Augustino. 469.
 Pugnarunt pro libertate
 à diuina gratia independente.
 470. In quo censendi sunt
 non errasse. 520.
 Quid crediderint de meritis
 conditionatè futuris. 65.
 Quo tantum nomine repre-
 hensis? 347 An errauerint circa
 præscientiam absolutam. 551.
 Proprius eorum error gratiam
 dari secundum merita. 352.
 & seq.
 In quo differebant à Pelagio?
 & illorum errores. 67. 356.
 In quo excesserint Pelagianor-
 um errorem. 355.
 Scientiæ mediæ quomodo abu-
 si. 311. Quid sentiebant de
 infantium meritis futuris. 328
 illorum error circa perseue-
 rantiam. ibid.
 Sensus compositus & diuifus.
 143. Illius distinctionis appli-
 catio 144. Impugnatur hæc
 applicatio. 145
 Sententia, quæ asserit Deum
 velle vt malum fiat ipso per-
 mittente reijcitur. 125. & seq.
 Sidonij cur non in Christum cre-
 diderint. 69
 Suares quàm inuisus Caluini-
 stis 5
 Suppositio antecedens & conse-
 quens an rectè distinguatur.
 275
 Syllogismus hypotheticus, an
 propriè sit syllogismus. 232

T

- T**Empus omne per quid desi-
 gnetur. 17
 Theologorum opiniones quin-
 quennali silentio præscribere
 vult aduersarius. 442
 S. Thomas quid de scientia me-
 dia censuerit. 468 & seq.
 485. quid censeat de Dei scien-
 tia. 212. 213. Quam admittat
 præscientiam. 102
 Quod non sit scientiæ mediæ
 contrarius ostenditur. 493
 Eius sententia circa necessita-
 tem physicarum præmotio-
 num. 759
 Thomistas TVissius cum Tri-
 dentino committit. 2. 9
 TVissius quis sit. 1. 3
 Quàm sit addictus Caluino. 6
 Cur improbet Pennotum. 10
 Quid censeat de gratia efficaci.

Index Rerum

- ibid. Illius methodus. 11
 Quàm Caluino similis. ibid.
 Illius Elenchus soluitur. 13
 Eius argumentum contra scien-
 tiam mediam. ibidem. Quid
 sentiat de scientia media. 14.
 Quid dicat de futuro condi-
 tionato. 15.
 Articulorum quos proponit
 decisio. 16. & seq.
 Illius solutio de futura Ceilita-
 rum perfidia in prodendo Da-
 uide expenditur. 26. & seq.
 Agnoscit inuitus decreta con-
 ditionata. ibid.
 Prædefinitos à Deo, non tam-
 en prædestinatos malos actus
 contendit. 38
 Secum pugnat. ibid.
 Quantum differat illius sen-
 tentia à sententia D. Ansel-
 mi. 54. Quid censeat de de-
 creto Dei circa Tyrios. 70.
 Illius solutiones rejiciuntur. 83.
 84. Ridendus. 85
 Illius sententia de permissio-
 ne peccati. 88
 Iniuriola illius assentatio. 90
 Quid censeat de permissione
 peccati. 91. & seq. 94
 Illius durissima sententia. 95.
 Quàm iustitiæ & bonitati di-
 uinæ sit contraria. 100.
 Deum dicit esse causam pec-
 cati sed inculpabilem. 113. 118
 Asserit Deum velle ut ma-
 lum fiat. 110.
 Illius sententia circa volunta-
 tem quâ vult Deus ut fiat
 peccatum. 121.
 Implicata eius doctrina, ex
 qua sequitur rectius Deum di-
 ci auctorem peccati, quàm
 causam. 121. Auctoris peccati
 nomen tantum denegat Deo,
 rem concedit. 124
 Reijcitur quod dicit velle Deum
 ut malum fiat ipso solummo-
 do permittente. 125. & seq.
 Quomodo prædefinitionem
 cum libertate actus prædefinit
 conciliet. 130 Nullam neces-
 sitatem derivari ex prædefini-
 tione in actum prædefini-
 tum censet. 131.
 Contrarium censet. 132.
 Nouæ legis Apostolus. 134.
 Quam admittat necessitatem.
 160 161. consilium eius &
 scribendi ratio. 1. 3
 Tyrij quare non fuerint ad
 pœnitentiam adducti. 79
 Eorum pœnitentia quale de-
 cretum inuoluat. 65
 Illorum pœnitentia quo sensu
 ponatur sub non futuro. 125.
 Futuram eorum pœnitentiam
 nullo præcedi decreto. 62
 Quid eis defuerit quominus
 crederent. 346
 Nullum de eis dari decretum,
 vel ut crederent, vel vnde cre-
 derent. 64

V

- V** *Ætibi Corozaim, &c* expli-
 catur. 81
 Verba indicatua existentium in
 aliqua temporis differentia
 non possunt transferri ad con-
 ditionatè futura in propria
 significatione. 497
 Veritas cognitionis conditionalis
 quænam sit. 178
 Veritas

& Verborum.

- Veritas futuri conditionati quænam sit.** 502
Videre inmeri latius aliquando vſurpata de quali intelligantur ſcientia. 199
Virtutum moralium actus, an dari poſſint ſine prædefinitione. 319
Viſionis ſcientia in Deo quænam ſit. 211
Viſionis ſcientia, qua futura præſciuntur quomodo ſe habeat ad illa. 604
Viſionis ſcientia vide, Scientia viſionis.
Voluntas Dei cum ſit cauſa omnium quæ ſunt an ſit cauſa peccati. 114
Voluntas Dei miſerendi & gratiam peccatoribus conferendi, in Chriſti meritis habet cauſam. 129
Voluntas Dei concurrendi cum cauſis liberis, quam debeat habere connexionem cum actu & eius oppoſito. 508.
Non determinat antecedenter ad omnem uſum libertatis. 760
Voluntas, qua Deus vult creare hoc vel illud, qualis ſit. 187
Voluntas Dei antecedens quænam ſit. 263
Quid ſonet antec. & conſequens apud Damascenum & S. Thomam. 264
Voluntas in Deo quætriplex. 53.
 123
Voluntas diuina concurrendi cum cauſis liberis, an poſſit eſſe prædefinitiva. 57
Num efficaciter moueat antecedenter. 581. Poſſet-ne eſſe cauſa cur aliquid ſit futurum. 29.
 Illius definitio. 754
 Eius decretum, an & quomodo requiratur ad cognitionem futuri abſoluti. 450.
 Illus determinatio eſt ad concurrendum indifferenter cum cauſis liberis. 512.
 Veram in Deo eſſe voluntatem ſaluandi reprobos. 703.
 An ſit aliqua voluntas quæ non ſit à Deo? 36.43
Voluntas mala non eſt malitia ſed actus cui malitia conneſcitur. 107. Quo ſenſu non ſit opus Dei. 37
Voluntas creata num ſit ſola cauſa cur ſequatur effectus gratiæ. 74.
Voluntas antecedens & ſubſequens in Deo. 104
Voluntas mali faciendi num à Deo hominibus immitatur. 686.
Voluntas interficiendi Chriſtum in Iudæis qualis fuerit 105
Voluntas permittendi quænam ſit. 682
Voluntas quomodo ſe habeat ad intentionem. 766
Voluntas conſequens non poteſt vocari decretum prædeterminans. 266. Quare libertatem non eripiat. 267.
Quid ex parte hominis præſupponat quod non facit antecedens. 265
Voluntas vt ſit bona, debet ſemper præcedere gratia. 392.
 Per gratiam non tollitur ſed magis reparatur. 574
Quomodo ſeratur ad vltimum finem. 635.
Quomodo velit beatitudinem.

N N N n n

Index Rerum

636. Latius patet quam li-
berras. 716. Num positivè
versetur circa peccati permis-
sionem. 740. Voluntas quo-
nam modo ageretur & non
ageret. 75. Quid sit secun-
dum D. Thomam. 761
Quomodo Deus eam moueat.
ibid. Illius conatus ad salutem
quærendam. 403
Eius proprietas quænam sit.
752. Eius actus quotuplici
modo considerandus. 614
ad Voluntas dominium ad actus
suos quid necessarium. 650.
651. illam indeterminate se ha-
bere ad multa. 779
Voluntatem nostram à Dei vo-
luntate præueniri quibusnam
factum erat. 384
Quam ex necessitate moueri
ad aliquid eligendum asserere,
est hæreticum. 656
Vualdensis quid sentiat de admis-
tenda necessitate agendi. 550

Z

Z Izania antiquæ doctrinæ à
Tridentino super semina-
tæ causatur Caluinistæ. 548

FINIS.

ANT
1461634

h/40

E 8.

